


Deuxu Rybe Tyyriti



New Testament in Karajá (BR:kpj:Karajá)

Deuxu Rybe Tyyriti

New Testament in Karajá (BR:kpj:Karajá)

copyright © 2011 Wycliffe Bible Translators, Inc.

Language: Karajá

Translation by: Wycliffe Bible Translators, Inc.

Karajá [kpj], Brazil

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Karajá

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 21 Feb 2024 from source files dated 29 Jan 2022
55ce0bcd-101e-52a3-984e-847027efe150

Contents

MATEU	1
MARKU	49
LUKA	74
JOAÕ	118
AÕHEBQ ROTÿÿNYRE	151
ROMA-Õ	197
1 ORITXI-Õ	218
2 ORITXI-Õ	235
ALATXIA-Õ	248
EFESU-Õ	254
FILIPÍ-Õ	260
ÓLÓSÓ-Õ	265
1 TESALONIA-Õ	269
2 TESALONIA-Õ	273
1 TXIMÕTXI-Õ	276
2 TXIMÕTXI-Õ	281
TXITU-Õ	285
FILEMO-Õ	288
HEBREU-Õ	289
Txiau	303
1 PEDRO	308
2 PEDRO	313
1 JUAÕ	316
2 JUAÕ	321
3 JUAÕ	322
JUDAS	323
APOCALIPSE	325

Mateu Deuxu Rybe Wihikỹ Tỹmyra, Mateu Tyyritidỹđu

¹ Kaheka Jesuisi Kristu labiehekỹ rare. Juhuu tahe Abraõ heka Davi labiehekỹ rare. Iribi tahe Davi heka Jesuisi Kristu labiehekỹ rare.

² Ibutumy ilabiebohonimy arelyykre. Juhuu tybynimy arelyykre idi iriõrenimy: Abraõ, Ijai, Ijaõ, ³ Juda, Peresi, (Peresi seriõre tahe Zera inire. Isereny tahe Tamara inire.) Esraõ, ⁴ Araõ, Aminadabe, Nasaõ, Salmaõ, ⁵ Boasi, (Raabe, Boasise rare.) Obede, Rute, Ijese, Kie.

⁶ Davi hãwyy heka Uria hãwyy juhuu raremyhỹ. Iribi Davi-wana roire. Salomaõ iriõre rare. Tii heka Roaboaõ tyby rare. ⁷ Idi Abia reare. ⁸ Idi Asa, Josafa, Joraõ, ⁹ Uzia, Jõtaõ, Aka, Ezekia, ¹⁰ Ezekia, Manase, Amo, ¹¹ Josia, Jekonia, taseriõre-wana.

¹² Babilonia-ribi rohonyreu tahe tiiboho reare, Jekonia riõre wahe: Salatieli (Tii Babilonia-ki reare.) Zorobabe, ¹³ Abiude, Eliaki, Azo, ¹⁴ Sadõki, Aki, Eliude, ¹⁵ Eliaza, Matỹ, Ijaõ, ¹⁶ Ijaõ tahe Jyje tyby rare, Jyje tahe Marie hãbu. Jesuisi tahe Kristu Deuxu deõdỹđna rare.

¹⁷ Kia labiehekỹ sõwe tahe 14my rare, Abraõ-ribi Davi-õ wahe. Tule labieboho 14my rasõwerenyre Davi-ribi Babilonia hãwã-õ ridyreny ixideewimỹ aõkõ rõtẽ-õ. Ixyby 14my rasõwerenyre. Iribi tahe Jesuisi reare.

¹⁸ Kawese heka Jesuisi Kristu reare. Juhuu Marie Jyje-wana roikremy rare. Tii ijadõmaule tahe Deuxu Tyytybytyhy ribõtõnyre. ¹⁹ Jyje hãbu õbiti rare. Tai tahe riixãwididỹđnykemy rõhõtõnyre. Kia õmo-õ rarybeõlere tuu.

²⁰ Kiau j̃ju tamy rarybere tarasina-ki: —Jyje, Davi riõre riõre. Ahãwyy, Marie, biteõnyõke. Tuu bexihãwyyynykre. Iriõre dori Deuxu Tyytybytyhy riõre rare.

²¹ Jesuisimỹ raninykre. Kiani tahe irybereny rare: tarasadu. Ibutumy iny dori iõraruna-ribi ritakre.

²² Iwese Deuxu rybe ihetxiu rarybere wese tahe tii wiji riwinyre. Kia wese ihetxiu rybe rare:

²³ —Ijadõma rabõtõnykre. Iriõreni heka Emanueli rarekre.

Kiani tahe irybe-ki kia rare:

Deuxu iny-wana ratxireri.

²⁴ Iribi tahe Jyje dexixade tarasina-ribi. Iwese Inynyr̃reny tuu tamy rarybere wesemy heka tii riwinyre. Tii-wana ratxiõre. Tii aõhe risỹnyõre.

²⁵ Uladu reare xiery tii aõhe rira. Tamy niõ riwahinyre, Jesuisi wahe.

2

¹ Belẽ hãwã-ki Jesuisi reare, Judeia bedẽ-ki wahe. Iolõ Herodi iolõmy raremyhỹ. Iu reareu, Hãbu Erytyhy mahãdu taina tỹmyramy robirenyre. Tai tahe iolõ mahãduõ doidenyde biura-ribi Jerusalẽ hãwã-õ. ² Tiiboho rỹřraxirenyre: —Iule judeu mahãdu iolõ aõbo kaki reare. Jiarỹboho itainamy rabirenyre tahe nadoidenyde riwowdydynyrenykemy. Kaiboho teerytenyde aõbo titxibo ratxireri?

³ Tahe inyõ Herodiko relyyrenyre. Herodi kia roholareu sõwemy riõtĩinyre. Tule ibutumy Jerusalẽ hãwã mahãdu riõtĩinyrenyre. ⁴ Tahe Herodi ibutumy dinodu mahãdu ributumy: Xiwena wahidỹđu dinodu, bedẽ ywina tyyriti erydu mahãdu tule. Tahe tamyreny rỹřraxire: —Titxibo Kristu reakemy

timybo tyyriti-ki ròritidỹỹmy roire? ⁵ Tiiboho tamy rarybere: —Judeia bedeki, Belê hãwã-ki wahe. Kia tahe ihetxiu rybedu riritinyre.

⁶ —Kai Belê hãwã mahãdu. Judeia bedeki hãwã. Kai hãwã yja iny rõhõtinyre. Tahe inatyhy aõkõ rare. Kai hãwã nihikỹre. Ariibi dori dinoduõ rõhõnykre. Wamahãdu iòlõmy ronykre. Idinodumy rarekre, judeu mahãdu dinodu wahe.

⁷ Tahe Herodi heka biura mahãdu ributunyre ibutumy iny-ribi wasimy. Tamy rỹỹraxire: —Tiutxubo taina rõhõnyre? Tahe rirawyõnyre. ⁸ Tamyreny rarybere: —Kaiboho boibenyke Belê hãwã-õ. Idi tahe uladu-ki mahabenykre. Iu wadee manarybebedenykre. Jiarỹ tule tamy arakre ariwowydnykremy. ⁹ Biura Hãbu Erytyhy mahãdu roholareninyre. Tahe roireninyre. Ryki ixitire tainamy robireninyre. Uladu tyrehekỹle ritoosõnyre. ¹⁰ Iu tahe sõwemy reysareninyre. ¹¹ Heto-õ rehemyninyre. Tahe raloreninyre. Uladu rare Marie-wana. Tahe tatiowotimy resereninyre riwowydnykemy. Isaureny rirayninyre tamy riwahinykremy: womati tỹrỹrỹhỹkỹ, hee aderõna, aderõnatyhy wana. ¹² Idi tahe Biura Hãbu Erytyhy mahãdu rarasininyre. Deuxu tamy rarybere: —Kaiboho Herodi-õ bõõsebenyõke. Tai tahe rywixira-di tasubedereny-õ rõõsereninyre.

¹³ Biura mahãdu tahe rõireniny rahudi tahe Inynyrỹ ỹju nade Jyje-õ rybemy, irasina-ki tamy rarybere: —Ariõre, ise-wana bidyke Egito bedeki. Herodi dori uladu rubudỹỹmy ratxireri. Adei tiu ararybekreule kaõ bõdõõseke.

¹⁴ Tai Jyjeboho rummy rahenyreninyre Egito bedeki. ¹⁵ Herodi rubusỹtybymy tahe dõõsedenyde. Tii riwinyre iwese ihetxiu tyyriti rarybere wese, Deuxu rybedu rybe wahe:

—Wariõre Egito bedeki-ribi nadidyde.

¹⁶ Herodi reburere. Biura Hãbu Erytyhy mahãdu dori tii riitxenanyre. Tai ibutumy uladu rirubuninyre Belê hãwã-ki, tule iõ iõhõ hãwã-ki. Ibutumy howỹtõdu rirubuninyre inatã beõra iõdikeki tahe rirubunyõre. Tai Jesuisi rirubunykemy risỹnyre, iwese tii rareu Biura Hãbu Erytyhy mahãdu tamy rarybere. ¹⁷ Kiamy ta rỹire iwese Deuxu rybedu rarybere wese, Jeremia wahe:

¹⁸ —Rama hãwã-ribi ibru-õ iny roholamỹhỹre. Rakeli rare. Tii robumỹhỹre. Ibutumy iriõre ituere. Tai robumỹhỹre. Inyõ riteysanyõtyhy iriõre rurureki.

¹⁹ Herodi tahe rurureu, Inynyrỹ ỹju heka Jyje rasina-ki tamy nade. ²⁰ Tamy rarybere: —Bõõsebenyke judeu bedeki. Uladu ise-wana bidyke. Kia rirubunykemy risỹnymỹhỹre tahe, rurure.

²¹ Tahe Jyjeboho rõireninyre judeu bedeki. ²² Akelau tahe Herodi rõire ronyre iòlõmy, tyby derõwymy. Tai kowa-õ Jyje rõireninyre sỹmy. Rasina-ki rybeõ rieriye Kalileia-õ rõireninykemy. Tai tahe rõireninyre kowa-õ. ²³ Nazare hãwã-ki rasỹnyreninyre. Kia tahe riwinyre iwese Inynyrỹ rybedu ihetxiu rarybere wese: —Nazare ludu tii rarekre.

3

¹ Kiau Judeia bederahy-ki Joaõ Sebedỹỹdu heka iny-õ rarybemyhỹre: ² —Deuxu iòlõna bededỹỹnana iòhõmy ratxireri. Aõraruna-ribi biixãwibenyke, bexirãhike! ³ Joaõmy heka Isaia ihetxiu riritinyre kawese:

Inyõ bederahy-ki ryrireri: —Inynyrỹ dee ryõbiti biwinyke. Biwinyke ryõ tamy kanakemy. ⁴ Joaõ kamelo radetty ityy rare. Irõduty iwereysanare. Seihiỹle bidi-wana irỹsỹna rare. ⁵ Ibutumy iny

tamy ròirenyre irybe-ò roholakemy iòhò hāwā-ribi, Jerusalē, Judeia, Jordaō bero-ribi wahe. ⁶ Tamy òrarunamy relyyrenyrene rabe-de-womy tamy relyyrenyrene. Tai tahe Joaō heka bero Jordaō-ki tii riratysebenyrene. ⁷ Fariseu mahādu, saduseu mahādu doide tamy riratysebenykemy. Kiau Joaō tamyreny rarybere: —Hemylala mahādu! Deuxu aōhōkŷmydŷŷnana-ribi mahenybenyōtyhy. Aōhe inatyhy? ⁸ Juhuu aōwiihikŷ widŷŷna biwinybeny. Tai tahe iny rierykre kaiboho aōraru-ribi inatyhymy texihutenynte. ⁹ Fariseu mahādu, kaiboho tahōtintenynte: Abraō heka inylabiehekŷreny rare. Rikirāhīōtyhy. Deuxu-ò kia aō aōkō rare. Tamy wikeki mana-ribi Deuxu heka Abraō riōkōreō riwinykre. ¹⁰ Woma tahe òwōru-ribi iòhōmy rŷira. Òwōru bederaty wiwiihikŷ ihoōkeki, kedeseke. Rasōkre. Woma heka Deuxu aōhōkŷmydŷŷnana wese rare. ¹¹ Jiarŷ bedi ararati-sebedŷŷnyra aōraruna-ribi texirāhīteki. Jesuisi tahe Deuxu Tyytybytyhy-di ròratisebedŷŷkre heōty-wana riratysebenykre. Tii waratyre awityhymy ratxireri. Jiarŷ riwaixŷrunymy watxireri iwa ariwykeki. ¹² Tii maixōmo risykre. Maixōmo ributunyre tahyna-ò. Irŷnysi heōty-di riworonykre. Heōty itueōna heka rare.

¹³ Idi tahe Kalileia bede-ribi Jesuisi nade bero Jordaō-ò. Tii Joaō-ò nade riratysebenykre. ¹⁴ Joaō aōkōmy rarybere: —Jiarŷ tahe aō aōkō rare. Kai biwaratysebenyke. ¹⁵ Jesuisi tahe tamy rarybere: —Deuxu deewina heka kia rare. Rikiwinykre. Tahe Joaō rirati-sebedŷŷre. ¹⁶ Ròratisebenymy rahudi tahe Jesuisi ròtuōra. Biuwetyy rarayre Jesuisi tahe bōtōenimy robire, itxi dobehede, Deuxu Tyytybytyhy wahe. Rybeō biu-ribi narybede: ¹⁷ —Kia heka Wariōre rare. Jiarŷ heka sōwemy tukure. Idi wadeysareri.

4

¹ Idi tahe Deuxu Tyytybytyhy heka Jesuisi ridyre bederahy-ò. Tai Satanasi riuriihikemy tamy rehemyreny. ² Jesuisi heka 40 txumy, 40 rumy heka aō rirŷsŷōhyhyy bede idi rŷire. Sōwemy heka rama risamy tai raremyhŷ. ³ Taile Satanasi tamy nade. Tahe iuriihiximy tamy rarybere:

—Kai inatyhy Deuxu Riōre ahāte wana heka mana-di orotxumy biwitxi-ranymy biwinyke ahinamy.

⁴ Tahe Jesuisi dirawyōnyde: Deuxu Ritidŷŷna-ki kiamy roire: —Iny heka orotxudile aōkō irumy rŷirakre. Ibutumy Deuxu rybedile iny irumy rŷirakre.

⁵ Idi Satanasi heka Jesuisi ridyre Jerusalē hāwā-ò. Templo heto ratyre tahe ritidire.

⁶ Tahe tamy rarybere:

—Kai inatyhy Deuxu Riōre ahāte wana heka katyre-ribi ixi-di behukre bede-ò. Buruōtyhy heka besekeki. Deuxu taŷju kiditeònykre aramykemy. Bede-ò aōkō beseke.

Ijō tyyriti rarybere:

—Deuxu araywinykre taŷju-di. Tii ŷju kiditeònykre tebò-di ariijekemy. Awa ritōmonyōtyhy manatyre-ki.

⁷ Jesuisi rirawyōnyre: —Tyyriti tule rarybere:

—Deuxu uritere biurihiōke.

⁸ Iribi Diabo heka Jesuisi ridyre hāwālōō-ò. Tamy ibutumy bede iòlōna riteòsinyre. ⁹ Tahe tamy Satanasi rarybere: —Beseke atiwotimyy tahe biwawowydynykeki, adee kia ibutumy iòlōna wiwiihikŷ ariwahinykre. ¹⁰ —Make Satanasi, Jesuisi rarybere: —Tyyriti rarybere:

—Deuxu-ò sohojile deàlana, wowydyndyna biwahinykre. Tiile bityhynykre. Deòdu tamy sohojile mabeke.

¹¹ Satanasi tahe Jesuisi-ribi rexitare. Ÿju mahādu rehemynyre iyubudŸŸmy.

¹² Joaō òludu heka ròtenawo-ki ritidira. Kia Jesuisi roholareu, Kalileia bedè-ò ròðere. ¹³ Nazare-ribi rare Kafanaō hāwā-ki rasŸnykremy rare. Tii aho-ki iòhòre, Kalileia aho wahe. Zebulō bede, Natali bede tahe inatxi hāwā ibiōwa rare. ¹⁴ Kia tahe Isaia Tyyriti rarybere wese:

¹⁵ —Zebulō bede, Natali bede, Jordaō bero kowawe-ribi ijā-ò. AhohokŸry-ki. Kai judeukōdu mahādu bede rare, Kalileia wahe.

¹⁶ Iny kowasŸ mahādu bede luru-ki rasŸnymyhŸre. Tahe tiiboho loosōnahakŸmy robirenyre. Bede lurusŸ mahādu-ki tahe Deuxu loosōna ritoosōnyre.

¹⁷ Iribi tahe Jesuisi ritelenyde Deuxu rybe ritŸnynykemy. Tii rarybere: —Aòaruna-ribi bexirāhīke. Deuxu Iòlōna bededŸŸnana dori iòhòmy ratxireri.

¹⁸ Kalileia aho ijāti-ki Jesuisi rariamy ratximyhŸ. Tahe inatxi waxidu seriòremy robire, Simaō Pedro, tule Andre ijōre. Riā-di utura rimymyhŸreny.

¹⁹ Jesuisi tamyreny rarybere: —Bodoike wahemy. Iny wadee bimykre. Iwese araerynanykremy bimykre. ²⁰ Aōwesele tahe tariā ririrenyre. Jesuisi-wana roirenyre. ²¹ Roirenyre tahe inatxi ijō seriòre-ki Jesuisi robire. Txiau ijōni rare. Joaō ijōre. Tiiboho Zebedeu riòre roire. Tiiboho talawo-ki ronyrenyde riā riywinyrenyde. Jesuisi tamyreny rarybere: —Wahemy bòdòike. ²² Tai tahe tybyreny ririrenyre. Jesuisi hemy ròirenyre.

²³ Ibutumy Kalileia bedey-ki Jesuisi rariamyhŸre. Tii judeu dohodŸŸna heto-ki rarybemyhŸre. Deuxu Iòlōnamy ritŸnynymyhŸre, Rybe WihikŸ TŸmyra wahe. Sōwemy webinadu mahādu riteytenyde. ²⁴ Jesuisimy iny relyyre ibutumy hāwā hāwā-ki Siria bede ibutumy. Tai tahe sōwemy webinadu mahādu didydenyde tamy, iny tytybybina-di, iny iumy imyremyrehekŸ wahe. Jesuisi ibutumy iny riteytenyde. ²⁵ Iny sōwehekŸ riheludunyde, Kalileia bede-ribi, Debōwiò hāwā-ribi, Jerusalē-ribi, Judeia bede-ribi, tule Jordaō bero kowa-ribi.

5

¹⁻² Jesuisi inymy sōwemy robireu, raòwònyre hāwālò ratya-ò, IerydŸŸna mahādu tamy doidenyde. Taile rierynadŸŸnymy rononymhŸre. ³ Deuxuko-ki iny ibinamy rŸimyhŸre. Kia iny tuu rexierymyhŸre, teysatyhy rare. Tii deysana sōwemy tai ratximyhŸre, Deuxu Iòlōna heka ihòròrenymy rarekre.

⁴ Robumy rŸirakeki teysamy heka rŸirakre. Ibedewona wiòhedŸŸna rybe-di heka tamy kanakre.

⁵ Kia inytyhy-di wídee ratxireri, tii heka teysahyymy ratximyhŸre. Ibutumy heka iny ihòròlehekŸle rŸirakre. Bede bede heka ihòròmy rarekre teysamy rarekre.

⁶ Inyō-ò òbitinamy lobiximy rurukeki tahe teysamy rarekre. Deuxu tamy òbitina riwahinykre.

⁷ Inyō ruxetòena-di ratxireri. Deuxu heka tamy ruxetòena-di rarekre.

⁸ Inyō irayky òbitimy ratxikeki tii heka teysamy rarekre. Tii dori Deuxumy robikre.

⁹ Inyō ywina-di wiwana rŸirake teysamy rarekre. Ywinaō-di rarekré, teysamy rarekre. Tii dori rarinikre: Deuxu riòremy.

¹⁰ Inyõ aõhõkõmy dõyõnana reurõkeki, tii dori õbitimy rurukeki, tii tulesy teysamy rarekre. Deuxu Iõlõna dori ihõrõmy rarekre. ¹¹⁻¹² Inyõ umyreny relyykeki uritere hekyle. Ruirybe-di umyreny relyykeki, aõhõkõmydõyõnana adee riwahinykre wana, tai tahe beysakre. Awimy mohõtinkyre. Kai dori biu-õ mahenykre. Tai tahe beysakre kai awimy nohõtikyre. Uritere nohõti rosarenyõmy. Kia wese tule Deuxu rybemy rybedu aõhõkõmy rotõyõnyre. ¹³ Kaiboho heka saawesemy atximahãtenyete, jyyra wesemy wahe bede mahãdu iny-õ, kai dori kiamy bede mahãdu tewiõhenanyete. Auri tahe urihimyo biõnonykeki tahe aurihixina heka urihimyo lemy releke. Kaa jyyra urile idi adehu ryikre iny ityre rariakremy. Awiohedõyõna biõnonykeki tahe aõma aõkõ beleke. ¹⁴⁻¹⁵ Kai loosõna wesemy atximahãte kabede mahãdu iny-õ. Hãwãõ hãwãlõ ratyy-ki roikeki, tiu heka rexiwõõtyhy itõnyhy roimanyhõke. Loosõnaõ iny ritoosõnykeki, tule heka tiu heka hyna rawoõ-ki roiõtyhy roosõmy. Aõma roosõnanymyhõre ibutu heto jurajuramy heka ibutu ritxuxanymyhõre. Aõma tamana-ki rõimanyhõreki wahe. ¹⁶ Kaiboho tule amahãdureny awiwihiõkõmy robikeki tahe Deuxu-õ wowydyana riwahinykre.

¹⁷ Jiarõ heka anaõde bede ywina tuededõyõmy. Anade aõ Deuxu dee rybedu tuededõyõmy aõkõ heka anade. Anade ibutumy aõmybo rarybere widõyõmy. Timybo rarybere wese heka ibutumy tuu rotõyõnymy rarekre. ¹⁸ Inatyhmy adeereny ararybekre bede ywina tytyriti-ribi tiu iõõõtyhy iõõõ sohoji ritiwedena yreõ reseõhykre. Ibutumy roikre aõhebo rotõyõnymyhõreõ bede konanako-txi. ¹⁹ Inyõ tõhõti urihimyo bede ywina rosakeki rexidenymyhyre iny ribedeernyõkemy iny ritiõhonyõmyhõkemy. Hãbu tahe iy-jamy Deuxuko-õ rarekre, Deuxuko-txi. Inyõ rityhynymyhyre irybe iny rybedeernymyhyre. Tii tahe Deuxu Iõlõna-õ nihikõmy rarekre. ²⁰ Kaiboho aõma fariseu mahãdu-ribi awityhmy ixi-di mohõtinybenykeki. Tiu heka Deuxu Iõlõna-õ arõterenyõmy. Kaiboho heka awi toite aõma fariseu mahãdu judeu mahãdu wedu ratyre heka awi boibeke. Kia aõkõkeki tahe malõbenyõtyhy.

²¹ Ihetxiu bede ywina Tytyriti kawesemy rare:

—Kai inyõ birubunykeki heka iõwynamy iny akanarubunyke. Kia heka bede ywina heka rare.

²² Tahe warybe urihimyo iwitzira bede ywina-ribi. Kai inyõ-õ marakykykeki. Tai tahe brebunahakõ-ki tate. Abiõwa-õ bininikeki itxõtemy. Tamy kai marybekeki: —Kai aõki awiõre. Tai tahe akõnyadykre heka aõma ywisidõyõduko-õ araõwynykre. Inyõ-õ kai makyaranykykeki kai brebuna-ki texilõrõmy tate. Kai inyõ deramy mabekeki uriteremy nodu tamy marybekeki, tai brebuna-ki tate. Inyõ õõõny aradykre wisidõyõdu mahãdu-õ. Inydee ratyhmy mabeke wana aõkõ raremy marybekeki, heõty kõnana bede-õ make lau brebuna-ki tate. Iõhãre kai heõty bede-õ makemy.

²³ Kaki aõma nieru xiwena wahidõyõna-õ behemynykeki inyõ-wana aõhe widee botõyõnykeki õhõti rosaõlemy ahãte wana. ²⁴ Deuxu heka axiwenatewahinyõhyomyhõte aõma xiwena bire-ki heka birike. Tahe biijeke aseriõre juhuu. Aõma wana biõbitinybenyke widee marybebenyke. Iribi tahe tamy bedehemynyke xiwena wahidõyõna-õ wahe tadevenymy atximahãte wana hãbuõ-õ. ²⁵ Aõma tai tahe iõaru-ki aõludumy relera wana. Tamy behemynyke aõma timybo tii-wana widi biywinykemy timybo adeve biõwynykemy tamy heka bitobiny õrale heka aõma rieryke urenana. Aradyhmy aõma ywisidõyõna ube-õ, idi ywisidõyõna mahãdu, idi soldado. Tai tahe bitobinyke bede rierykemy. ²⁶ Inatyhy heka adee ararybekre rõtenawo-ki malõkeki. Tiu

heka aòlòkòmý aõma iòwy mahumý adi ròhòtinkyre. Idi mohòtinkyre xiery heka bòhònyke.

²⁷ Juhuu ihetxiu heka kaweselemy Tyyriti-ki rarybere:

—Òtaõmy!

(Bede ywina tyyriti-ki wahe.) Kaweselemy heka jiarý rebedeerynywähäre.

²⁸ Òtamy ròhòtinkyeki hãwyy-ò retehekeki òtamy rexinohòtinkyeki. Tai heka tii òta òraru riwinymyhýre. Iwese iwitxira hãwyy-wana roireri yrubule taheka òta òraru riwinymyhýre. ²⁹ Arueò òraruna-txi araatykeki, bitake. Awityhymy biu-ki malòke kawesekile heka awire, Deuxusý-ò malòke wahe. Arue wiòmý tahe awiòmý biu-txi arue yremý heòty bede-ò make tahe ibinatyhyre. ³⁰ Tule eraò bitake iurelemy era-di make biu-txi. Aumý ibutuhukýlemy heòty bede-ò rakehãrele tahe awiøre. ³¹ Bede ywina heka kaweselemy ròhònyre iny-ò juhUU wahe:

—Inyò tahãwyy ixi-ribi riteònykeki rixãwididýñnyra tamý tyyritiò riritinymyhýre. ³² Iwitxira rybe-di jiarý arukile tahe hãbu tahãwyy riatyra. Inyò uritere òta òtana òraru-ki ixi-ribi tahãwyy riteònymyhýre. Tai tahe hãwyy roimyhýre hãbu witxira hãbuò-wana. Tai tahe òta òtadumý kia hãwyy rininire. Adýýwe òraru-ò riteònyre tahãwyy riteònyre uritere òhyynaòle. Tai tahe tii adýýwe òrarunaòle heka riteònyre. Taile heka hãwyy hãbu witxiramý heka roimyhýre ahãbuò tahãwyy uritere hyynaòle riteònymyhýre mahãdu hãbu heka. Tii heka tule òtadumý relemyhýre hãwyy òta òtaduò heka roireki wahe.

³³ Juhuu heka ihetxiu kia wesemy Deuxu tamýreny kia rarybere:

—Taholatenyte kiamý Deuxu heka uritere ruiòmý atximahãbenyke Deuxu-ò biwinybenykemy marybemy binykeki biwinybenyke.

³⁴ Tahe jiarý heka kiamý adeereny ararybekre. Aõwidýñny ixi-di nohòtirenýòmý ryberenyòmý iwidýñny. Ixinohòtidýñny ryberenyòmý ariwinykre biwawiohenanyke wana biu-ribi wawiohenanykre wana. Uritere heka tuu ryberenyòmýkre kia wesemy biubrò-ki aòkò biu dori Deuxu rynana rare. ³⁵ Kiamý uritere rybeòmý bedebrò-ki aòkò aò biwinykemy aòmý mabekemy. Bede dori Deuxu idi ratximyhýre rare. Deuxu waa elehyna dori bede rare. Jerusalê hãwãbrò-ki tule aòkò, tii dori Iòlòtyhy hãwã rare. ³⁶ Tule arade-di widýñny uritere dori rybeòmý kai dori awitxiranyòtyhy arade iura-ò ilyby-ò urile araykywydynakile tuu ratxike.

³⁷ Aõma araykywydynakile heka tuu riwitxiranykemy idi tahòtinyinmyhýte. Kiamý heka tarybemahãte iwidýñny teuremy tarybemyhýte: —Kohe, kiale ariwinykremarybeke ada aòkøre, ariwinyòtyhymý aõbo. Kiamý marybekeki iratylemy kohe, aòkøre myý aõbo. Sõwemy marybekeki tahe aõbina binahakýle heka ròhònykre.

³⁸ Ihetxiu bede ywina ròhònyre.

Inyò witxira rueò ribinadýñnykeki, iny witxira tule iwesele riwinyke. Kia widýñny rue heka ribinadýñnyke. Rue heka wilemy raòwynyke rueòwilemy. Juhu tasý ýjuòlemy raòwynyke. Jiarý tahe rebedeerynyre kaweselemy.

³⁹ Inyò aõbinamy adee riwinykeki, aò aòkò tamý biwinyke. Inyò aòsýny rihetenykeki, tule iwyò-di beake rehetenykemy. ⁴⁰ Uritere aòludu-ò ixiòwydýñny. Aõma ijò aty ritakeki heka tule tamý arahana biwahinyke. Inyò sohoji urixinamy adee ixidinymý reake wana. Inatximý heka tii-wana

beake. ⁴¹ Inyõ ixitòedỹỹmy aõ aribi riwykeki tamy biwahinyke tule inyõ aribi aõ huòtemy riwyke wana. ⁴² Abròrò itue-di tamy òkeseòmyke iwòde-ki ihuòtemy biwahinyke.

⁴³ Ihetxiu heka taholatenyte kawesemy:

—Kai heka aõ hãwã ludu mahãdu luumy heka madònymyhỹke.

Aòludumy aki ratxike wana tukumy atxike teramy atximahãke. ⁴⁴⁻⁴⁶ Tahe iwitxiramy ararybekre. Aòludu heka arabedeerynyke. Tukumy mabekemy inyõ aõhòkỹmydỹỹnana rotỹỹnyreri wana tamy rexitòenyke. Kia wese-ki heka inytyby riòremy mabeke, Deuxu riòremy wahe. Tii dori juu riòlòdỹỹnymyhỹre inybina tyre-ki wahe. Tule iny wiwihikỹ tule-ki aõma biu heka tule riteònymyhỹre. Aõma iny òbitikòdu mahãdu tule-ò. Tule òbiti mahãdu tule riteònymyhỹre. Aõma tukumy ahãte sohoji ratximyhỹre sohojile kai itukukeki. Kia heka awi aõkò rare ibutumy òraru mahãdu heka tule riwinyremyhỹre kia wese. Aõma urile rybedỹỹ azry mahãdu, Aseriòre mahãdu. ⁴⁷ Tulesỹ kia aõma aõkò rare aõma tule heka judeukòdu mahãdu dori tule riwinyke, tii Deuxu rierykòre. ⁴⁸ Òbitityhymy kaiboho boibeke. Aõma jiarỹ heka arabedeerynyrenyreri biu-ki inytybyreny ratximyhỹre dori òbitityhy rare.

6

¹ Wahisidỹỹna wiwihikỹ kai hãburu-ki iwahisidỹỹõmy iny-ò. Kai itxer-enaònamy biwahinymyhỹ. Aõkòkeki tiu inytybyreny-ribi bitaòtyhy aòwy awahisidỹỹna.

²⁻⁴ Kai biwahinykeu iny adee aõmybo rurumyhỹreó. Uritere ibutumy iny itxerenamy iwahidỹỹõmyhỹ. Inyõ-ò òbiti mahãdumy riwisỹnymyhỹre mahãdu, kia wesemy heka tii riwinymyhỹre heka. Dohodỹỹmy heto-ki tuu riwinymyhỹre kia wesemy tule ibutumy hãwãhãkỹ ruetyawetyamy tuu riwinyrerimỹ ihỹre. Inatyhy dori adee rarybereri: —Aõma wahisidỹỹnatyhymy heka adee rarybereri: —Wahisidỹỹnaò ixidee ritamyhỹre. Aõbo Deuxu wahisidỹỹnaò heka adee riwahinyòtyhy. Tai heka Deuxu wahisidỹỹnatyhy riwahinyòtyhy tamyreny. Iny-ò aõ biwahinykeki, abiòatyhy-ò belyyòke. Wasilemy tamyreny awiòhedỹỹna biwahinyke. Iny tybyreny dori ibutumy aõna aõna ròtena rieryre aõwahisidỹỹna adee kidiwahinykre.

⁵ Iwese budu mahãdu riwinymyhỹre wese uritere iwidỹỹõmyke. Kia wesemy aõkò heka bexitòenyke. Ibuturu-ò rexitòenymyhỹre dohodỹỹna het-owo-ki heka lamamy rexitòenymyhỹre. Hãwã-ki dori rexitòenymyhỹre ibutu itxerenakemy. Inatyhymy heka adee rarybere: —Atarasana ibutumy ritare.

⁶ Inatyhy dori ritare.

—Bexitòenykeu malòke aheto jurawo-ò. Ixi-di biijòtòbònyke. Ierykònamy boo ratximyhỹreò heka bexitòenymy myke. Ibutumy heka boo aõbo wasimỹ iny riwinyriwinymyhỹremy robimyhỹre. Tai-ki tahe bede ywina wihikỹ heka adee kidiwahinykre. ⁷ Tule rexitòenymyhỹreu uritere irehemy idi lamaòmy uritere ixityre ixityremy tamy ixitòedỹỹõmy wiwesewesehyyle. Judeukòdu mahãdu dori kawesemy riwinymyhỹre. Kiamy heka raraykywydynamymyhỹre aõma rexitòenyre ehehekỹkeki heka roholatyhykemy rohòtinymyhỹrenyre uritere widỹỹõmy iwese tii riwinymyhỹre wesemy. ⁸ Inytybyreny dori rierymyhỹre aõmybo iny raraykynymyhỹré. Inyboho heka rexitòenymyhỹreu rierymyhỹre aõmybo inyboho rurumyhỹrenyre.

Iny sōwemy rarybemyhỹrele aōkō heka tii roholamyhỹre. Aōmybo iny rurumyhyrenyre, heka bexitōenybenyke. Kia wese:

⁹ Wahareny, biu-ki atximahāte. Anityhy iny ibutumy rityhynkemy idi rierykemy watxireri.

¹⁰ Aiōlōna heka wymy kanake. Iny adeewile riwinykemy iwese biu-ki relemyhỹre wese.

¹¹ Wadeereny txuō txuō rỹsỹna bidiwahinyke.

¹² Waōrarunareny ōhōti-ribi bitosadỹnyke. Iwese jiarỹ inyō ōraruna wanohōti iribi aritosadỹnymyhỹre wese.

¹³ Isiratyhy urihixina-ribi heka biwayrubunyke, ōraruna-txi reseke lau. Aōna aōna bina-ō bidiwaijebenyke. Iōlōna, ruru, loosōna heka ahōrōhy rare. Kie.

¹⁴⁻¹⁵ —Inyō ariixāwidinykeki iaōbina-ribi. Tule inytybyreny riwai-ixāwididỹnyke. Deuxu iōraruna-ribi riixāwididỹnyke. Beinareheke wana.

¹⁶ Uritere aōsỹny bedetiidỹỹōmy iwese budu mahādu rỹira wesemy. Tai heka byreōmy iny-di txuu rỹimyhỹremy widi retehemyhỹre. Wiji ōhōtirenre reake. Heka raōwynyra inarehena irareny. ¹⁷ Tai narehereheu tainarehenyeteu. Atarina-di ahātemy beake aōsỹny bisuhōke. ¹⁸ Inywitzira heka anaeryōtyhy kai tenarehemy atxiteri. Inytybyreny sohojile heka rierymyhỹre. Inyō tuu robiōtyhy. Tii tahe ibutumy aōna aōnamy robimy wasimy rỹiramy. Iribi tahe tii araōwynyrenyke.

¹⁹ Aōna aōna butudỹỹōmy tyy, nieru, aōna aōna wiwihikỹ butudỹỹōmy kabede-ki. Txudōera dori ibutumy kabede-ki tuu riroxike aōna aōnamy. Aōma rararỹnyke iaōmydỹỹna ibutumy rararỹnyke rahuke. Wasidu tamy ralōke. Iaōmydỹỹna-ō sōweō wyremy rasinyke iaōmydỹỹna-di. ²⁰ Kaki ibutudỹỹlemy heka biu-ō bibutunyke. Tai heka txudōera aō rirōōtyhy tule rararyōtyhy. Tule wasidu aōkō rare. ²¹ Titxibo aōmydỹỹnana ratxireri iwesele taheka arayky ratximyhỹre. Biu-ki aōbo ada bedeki aōbo. Aōma bedeki araykywydyna ratxireri wana heka kakile taraykywydynanre. Biu-ki araykywydyna ratxireri wana heka biu-ki heka arayky aōmydỹỹna butuna raykywydyna ratximyhỹre. ²² Arue heka loosōna wesemy rare. Aumy dee itỹnykeki heka aumy ibutumy loosōna-di tỹximy rarekre. ²³ Aumy ibinakeki tahe bede loro-ki matxike. Aumy bede lorohokỹ-ki ratxikeki ibinatyhymy matxike aōma butunale-di iny rōhōtinykeki heka tiu Deuxu iny riwiōhenyōtyhy. Deōdumy heka releōtyhy. ²⁴ Inatxi wedu-ki dori inyō rityynyōtyhy. Tule heka tii roholamyhỹre ijō-ribi tahe tōhōti rosamyhỹre. Inyō Deuxu deōdumy releōtyhy tii aōna aōna butunadile rōhōtinymyhỹreki.

²⁵ Tai heka tuu rarybereri adeereny. Uritere nohōtiyreōmy arỹsỹnamy tule atymy, idi matykynkemy. Aumy dori rỹsỹna ratyre aōnityhymy ratximyhỹre. Tule aumy tyky ratyre aōnimy ratximyhỹre. ²⁶ Nawii-di inihe betehebennyke. Tiiboho heka aōōworumy aōkō rōbrōmyhỹrenyre. Aramyre heka aōma tarỹsỹna wydymy bederahymy tarỹsỹna riyrubunyōhyymyhỹre heto nihikỹ-ō. Deuxu biu-ki ratximyhỹre heka nawii riyrubunymyhỹre irỹsỹna tamy riwahinymyhỹre. Kaiboho tahe iratyretyhy toite, Deuxu-ki wahe. ²⁷ Sōwetyhymy maraykywydynanykeki aōbohe, arumy aōbo ariarehemy mariake. Aōkōre. ²⁸ Uritere nohōtiyreōmyke atymy. Betehemyhỹ inihe noijasa-di. Aōma tiiboho heka raaōmysỹdỹỹōhykymyhỹre. Tai tyky wihikỹ-di rexityynyke. Tyy ixidee riwinyōtyhy. Ihāre tahe Deuxu rityynywihikỹre heka tyy wihikỹ tamy riwahinyreri. ²⁹ Salomaō heka

itykynihikÿra. Ihâre tahe ityky heka awityhy aôkô rare. Noijasa heka iratyre ityky wityhyre. ³⁰ Deuxu heka noijasa ritykynymyhÿre aôma noijasa heka wijilemy idi ihÿre. Biurasômy tahe ixâwilemy reamyhÿre, risôra. Tii heka tyky adee kidiwahinykre. Nohôtiyreômy tahe. Tii dori adee kidiwahinykre tykyô. Aityhyna dori ibutetyhyre heka. ³¹ Tahe raykyômy nohôtîômy titxiribibo arÿsÿna bidiwykré, atyky amona. ³² Tyhydÿÿdukôdu mahâdu heka kiaôle heka ritôhôtidÿÿnymyhÿre. Inytybyreny heka rierymyhÿre aômybo tarumahâte. Ibutumy heka araerymyhÿre aômybo taruterimahâte. ³³ Tii Deuxu aôma dÿÿnana sohojidile. Manaykynykeki heka tii ibutumy adee riwahinykre. ³⁴ Uritere nohôtîyreômy aôbo biurasô kia aômydÿÿnana-ô. Rÿire dori sôwemy wiji biaômsÿdÿÿnanykre biwinykré. Iwitxiramy bidiwinykre iwitxira aômydÿÿnanaô.

7

¹ Iny witxira witxira-di ywisidÿÿôkeki. Aywisidÿÿna wesemy heka Deuxu ruxetôena-di ywisidÿÿmy araywinykre. ² Iny teywinymahâte wesemy heka Deuxu araywinykre. ³ Kai heka ôwôru nihikÿreô arue-ki ijôdikeki, aôherekibio bederarasi sômo-di inywitxira rue-ribi bitakemy atxiteri. ⁴ Tai heka kai bobiôtyhy itarasa-ki wahe. Arue-ki dori ôwôruere ijôdireki heka bobiôtyhy. Ôwôru ere dori aôraruna sôwemy rÿire wesemy heka atximahâte. ⁵ Kai texibônnyteri. Aôraruna-ribi juhûu bexiôbitinykre. Idi tahe aseriôre ôraruna-ki biwiôhenanykre. Aôraruny-di rierymy idi ôbitimy betehekre iôraruna-ribi iixi-tarasadÿÿmy biwiôhenanykemy.

⁶ Inyô heka utura rati mana wiwihikÿ-di rehuôtyhy aôma ixÿni herina-txi. Ixÿni dori ityre rariake tahe riônonyke adee heka kanakemy wahe. Iwese tule heka ijôrsa-ô biwahinydÿÿômyke. Rybewiwihikÿ hâbu ôrarudutyhy-ô iwahisidÿÿômyke.

⁷⁻⁹ Rexitôenykeki tahe bitake kia. Biekeki tahe tai mahake. Bihetenykeki heka iny adee riraynyke ijôtôbôna. Inyô heka Tyby-ô rÿsÿnaômy rexitôenykeki, mana heka tyby tamy riwahinyôtyhy. ¹⁰ Uturaômy rexitôenykeki tahe hemylala binahakÿ tamy tiu riwahinyôtyhy. ¹¹ Kai aôna aôna wiwihikÿ biwahinyke heka teerymyhÿte auladu-ô wahe, hâbu ôrarudu hârele wahe. Aôbo heka tule Deuxu inytybyreny inydeereny riwahinyke aôna aônaô wihiikÿô. Rexitôenykeki tahe tamy ariwahinyke. Inytybyreny heka tamy riwahinyke. Iwese iny witxira teyrubunymahâte wesele heka iny araywinymy ixi-di tahôtinymahâte wese. ¹² Tule kai aôwiwi inyô ixidee aôhebo rotÿÿnymyhÿkemy taruteri, kiaweselemy tamy botÿÿnymahâke. Kia heka Moisesi bede ywina tyyriti-ki roire. Kiale Deuxumy rybedu mahâdu ribedeerynyre.

¹³ Bii bede wiwihikÿ kia ryÿijôhÿtÿdile malokre. Heôty ijô bederyijô heka nihikÿ rare. Iny kia ryhykÿ irumy rakre heka isirare iny ibute kowa ralore. ¹⁴ Irumy nonona ijô tahe ihÿtÿre. Ryy heka ihÿtÿre heka ibutere iny ryhÿtÿ-di rôtedu timy bede erydÿÿkôdu-ô.

¹⁵ Bexiijebenyke kia mahâdu lau Deuxu rybe rybedu mahâdu tyhymy aôkô lau wahe. Budoeni wese ratximyhÿre inytyhy wesemy. Tawo-ki tahe inatyhy rare ahola debore wesemy heka ratximyhÿre. ¹⁶ Teeryte wesemy ibederaty-ô betehekeki. Hede-ô heka uvamy figomy tule tiu iratyôna. Iaômydÿÿna-ô bierybenyke tibo roiré. ¹⁷⁻¹⁸ Tii heka bierybenyke aôhebo rotÿÿnyre wana teertyentyte. Tii heka riitxenanyôtyhy kia aôma matyty matynimy heka

tiu biitxenanyōtyhy. Tule betehekeki, bierybenyke aōwesele heka òwòruō bierybenyke. Aōma bederatyō birȳsȳkeki tiu heka bederaty wihikȳō arȳsȳōna òwòru ratyy-ò, bederatybinahakȳ tule rierykre. ¹⁹ Òwòruō bederaty wihikȳmy raratynyōkeki heka hemy raòròròke ròkoke. ²⁰⁻²¹ Kia weselemy heka iny teerytenyte. Aōhebo iny rotȳȳnyke wahe. Tai tahe terytenyte heka, tetehetenyerikile wahe. Òbiti mahādu wesemy rarybemyhȳre. Tahe òbitimy aōkōre ihȳre. Sōwemy heka iny tawedumy riwaninire. Ihārele tahe biu-ò ralòōtyhy. Deuxu tyhydȳȳdule tahe ralokre. Ywisidȳȳnatxu heka kawesemy wadee rarybekre. ²² Sōwemy iny wahe: —Wanyrȳ, Wanyrȳ, jiarȳ hewa iny iwitxira sōwemy aijyy rarybemy rare wahe. Tule heka tyytybybina reteònymy rarewāhā. Tule deytēna wiwihikȳ heka ani-di rewinyhȳre. ²³ Tai tahe jiarȳ tamy ararybekre heka: —Kōrehe, kaiboho aō wamahādumy aōkō atximahāte. Umy reerykōre. Waribi bexitake. Aòaruna dori sōwere.

²⁴ Kawesemy heka iny bede eryna ratximyhȳre. Warybe-ò roholamyhȳreu heka aōwesele riywiny my rityhynmyhȳre. Kia hābu hetowidȳȳdu wesemy heka rare. Iheto heka manatyre-ki riwinyre. Tii heka ibedeery sōwemy ihȳre. ²⁵ Biu heka beòra heka rariamyhȳre. Iu tahe biu rejuxunymyhȳre, yhy rebonyre. Tahe tiu reseōtyhy manatyre-ki dori riwinyre. ²⁶ Warybe ijohonadu tahe iwitxiramy ihȳre. Hābu itxȳte tahe warybe-ribi aōwesele tōhōtiren y rosamy reamyhȳre. Kaiboho aōbedeeryhȳkȳ aōkōre roire. Tii heka iwese hābu ȳnarakile heto riwinyhȳ wese rare. ²⁷ Biu risebenykeu, beòra rareareu, yhy rebonyreu tahe iheto reseke, ibutumy iòre, rahura.

²⁸⁻²⁹ Ibutumy heka Jesuisi rybe erysydȳȳna-ò bede riòtiinyre. Tii heka hābu erysydȳȳdu wesemy tii ribedeerymyhȳre. Aō judeu wedu wesemy aōkō ribedeerynyre.

8

¹ Tiu hāwālò-ribi dobehedeu, sōwemy heka iny ihemy doidemyde webi-nadu, tybina heka tamy nade. ² Wowydyna rybe-di heka tamy rarybere: —Adee wikeki heka kai biwateytenyke. Jesuisi dirawyònyde: ³ —Wadee awire, arateytenykre. Tahe tamy tebò ritytere tamy reerimy. Ityybinana riteytenyre. ⁴ Tahe Jesuisi tamy rarybere: —Boholakre, iny-ò uritere ry-beòmy.

Kai tahe makre xiwena wahidȳȳdu-ò xiwenaō biwahinykre. Idi tahe Moisesi bede ywina raryberewesemy xiwenaō biwahinykre. Kai tahe iny rierykemy heka yteny ratximyhȳre.

⁵ Jesuisi Kafanaō hāwā-ò rehemynyreu heka hābu soldado weduō tamy rehemynyre. Tii tahe Jesuisi-ò rexitòenyre: ⁶ —Wadeòdu biteytenyke raterenymy ratxireri waheto-ki. Sōwemy aōhōkōmy rotȳȳnyreri. Ibinatyhymy roireri rexisiranymy raratykōhykylemy. ⁷ Tai tahe Jesuisi tamy rarybere: —Rakakre, tai ariteyteynykre. ⁸ Idi soldado wedu rariwyònyre: —Aōkōre, Kai hābu wiwihikȳ tate. Jiarȳ tahe hābu aō aōkōmy jiarȳ watxiwāhāre. Waheto-ò manalòōtyhy. Karibile marybekre tamy taile taile tahe wadeòdu reytekre. ⁹ Jiarȳ dori reyryre. Jiarȳ heka tule hābu weduōmy watxiwāhāre. Soldado heka sōwemy riwatyhynmyhȳre. Iny sohoji-ò aōma rakremy rarybemyhȳré heka, ramymyhȳre. Tule ijō dee rarybemyhȳre: —Manake, tai tahe manyhȳde. Ijō dee rarybemyhȳre wana: —Kai biwinyke, idi riwinymyhȳre. ¹⁰⁻¹¹ Tai tahe Jesuisi ribedeòtiidȳȳnyre irybe-ki wahe. Tahe rarybere erydȳȳna mahādu-ò: —Judeu mahādumy-ki tai rahaòre ijō-ki kahābu

wesemy inatyhynana sōwereki. Sōwemy heka judeukōdu mahādu rityynykre kia weselemy. Ijō txu aō wiji aōkō heka riroxirenyke: Abraō, Ijai, Ijaō-wana biu-ki heka riroxirenyke bedede ludu iny mahādu-wana. ¹² Judeu mahāduō rōirenyōkre tamy. Tule kaibohoō tahe aōhetykrebo. Ijō mahādu dori bedede lorohokŷ-txi resekre. Taiki tahe ilynami rurykre aōkōmydŷŷnana-ō. ¹³ Taita Jesuisi soldado dinodu-ō rarybere: —Makre, timybo wiji tahōtīnymy tetyhnyte wesemy heka rarekre. Iurele teōdu reytere.

¹⁴ Iribi tahe Jesuisi Pedro heto-ō ralōre. Iriōre lahi heka aōma rubuna nihikŷ roimyhŷ. ¹⁵ Tahe Jesuisi rimyre tebō-di tamy rerire. Idi tahe irubuna iribi rōhōnyre. Tai tahe tii ronyre. Ronymy tahe rŷsŷna riwinymyhŷ tamyreny. ¹⁶ Txiorotyhy my inyō didyde aōma tyytybybina nihikŷ-di ratx-imyhŷō. Iu Jesuisi sohoji rybeōmy rarybereu tahe aōwesele iribi rōhōnyre. Kia webinadu didyde, tule reytere. ¹⁷ Iwese ihetxiu Isaia ryberiti rarybere wesemy heka tule riwinyre: Jesuisi riwinyre. Kiamy wahe. Wabinanareny waribireny riwyre. Inatyhyre.

¹⁸ Iny sōwemy ributunyre. Tai tahe taerydŷŷna mahādu-ō tii rarybere: —Rokoiirenyhe kanawe-ribi ija-ō. ¹⁹ Tai judeu mahādu, bedede ywina bederydŷŷduō tamy rarybere: —Awana arakre titxibo makre heka aheki anake. ²⁰ Tahe Jesuisi dirawyōnyde tamy heka rarybereri: —Ijōrō heka ihāloo dire, ibŷtŷ dire, nawii bŷtŷ isŷ dire. Tahe jiarŷ, Deuxu Riōre Hābutyhyhykŷ wahe, wahetoōre, waherinaōre. ²¹ Ka ijō iheludu mahāduō tamy rarybere: —Wanyrŷ, waha heka rurura. Tai heka juhuu arituunykre. ²² Tamy rarybere: —Manake, wijile biwaheludunykre. Rubuōmy rŷira, rubu mahādu heka rituunykemy idi ratxireri.

²³ Jesuisi hāworo-ki ronyre tahe reurore. Ieryredŷŷna mahādu riheludun-yrenyre kia lawokile. ²⁴ Ahobetya-ki tahe yhy debore nihikŷ tamyreny rehemynyre. Tahe òbò nihikŷmy resemyhŷre. Uritereribile yhyhykŷ bee riòbōnyra hāwò rilŷmynyke iòhòtyhyre. Jesuisi tahe rōrōmy roimyhŷ iu. ²⁵ Tai tahe ierydŷŷna mahādu heka riixixadŷŷnyre. Tamy raryberenyre: —Biwayrubunykre, Wanyrŷ. Aōkōkeki, rukururenykre. ²⁶ Jesuisi tamyreny rarybere: —Aōherekibo kaiboho taberutenyteri? Aityhyna sōwe aōkō atx-itenyteri. Jesuisi tahe rŷimy reare. Yhy debure-ō, òbò-ō rarybere: —Biyrkye, bedede binahakŷ. Tahe aōwesele ibutumy riyrira. ²⁷ Ierydŷŷna mahādu urile ribedeōtiinyre. Tiiboho raryberenyre: —Aōhābubo tii ihŷre. Òbò, tahe yhy-wana tamy roholare. Iwese tii rarybere wese rityhynyre. Irybemynale riwinyre.

²⁸ Kalileia aho ijō weribi ijana-ō ritehemynyre. Kowa bedede heka Kadara inire. Tule hābu inatxi heka tyytybybina-di tai rasŷnyrenyre wabedewo-ki. Kiary-ki tahe ibutumy iny ruberure. Iribi tahe rōhōnymy reare. ²⁹ Aōwesele heka ryrymy roirenyre Jesuisi-ō rarybekremy: —Aōwe wadireny tate, Deuxu Riōre? Kai aōbina binahakŷmy wahōrōdŷŷōmykre. ³⁰ Tahe kowa-ki ixŷni juramy riroximy rŷimyhŷ. ³¹ Tyytybybina tahe Jesuisi-ō rexitōenyre: —Biwatōenybenykeki, ixŷni jurawomy aralorenkyemy biwateōnyke. ³² Tahe Jesuisi rarybere: —Bōibenye hābuwo-ribi. Tahe rōirenyre ixŷniwo-ō. Ixŷni jura tahe ibutumy rejuxunyre ijōtira-ribi. Berawo-txi tahe rabòròre. ³³ Ixŷni-di itxeredu mahādu tahe hāwā-ō roirenyre iyyymy. ³⁴ Kia hāwā ludu mahādu tahe roirenyre Jesuisi-ō itxeremy. Tai tahe tamy rarybere ibede-ribi rōhōnykemy.

9

¹ Ribererenyre aōma hāwò nihikŷro-ò reuròrenenykremy kanawe-ribi ijà-ò. Tai tahe Jesuisi tahāwā-ò rehemynyre. ² Tai tahe didydenyde weryrybò byre-di idi betyky-di ramyremyrenymy roimyhŷre. Tahe hābu mahādu inatyhyna Jesuisi rieryreu heka hābu dee rarybere: —Waexi, beysake, aōraruna dori reixāwididŷnyra. ³ Tai tahe ritidŷŷna bederydŷŷdu mahādu retehereri. Ixideele heka rarybemahā: —Kia heka ibinamy Deuxumy rarybereri. ⁴ Iyky Jesuisi rieryre tahe tamyreny rarybere: —Kai aōbo ibinamy waki tahateri arayky-ki. ⁵ Timybo heka kaiboho tahōtinyteri. Aōma iōraruna ariixāwidinyke aōbo ada iumy ariteytenyke aōbo? Aōbohe isiratyhyre wadee tahōtinyte wahe. ⁶ Deuxu-ribi waruru dire. Kabede-ki heka òraruna ariixāwididŷnyke jiarŷ heka Deuxu Riòre Hābu tyhyhykŷ rareki wahe. Tamy rarybekre: —Myike, abyre bimykre ta mariakre asŷ-ò. ⁷ Tai tahe hābu aōwesele rŷimy reare. Tahe taheto-ò rare. ⁸ Tahe bede inysōwetyhy heka ribedeòtiidŷŷnyre. Deuxu heka wowydyna riwahinyre. Tii iny-ò ruru riwahinyreki wahe.

⁹ Jesuisi iribi rariamy rare. Tai tahe tii Mateu-wana heka witxi reare ryki: —Jiarŷ heka nieru butudŷŷna heto-ki ranymahā. Jiarŷ rebutunymahā aōma inyōwydŷŷna heka rebutunymyhŷre. Iu Jesuisi wadee rarybere: —Manake waerydŷŷnaōmy heka beleke. Tai tahe jiarŷ tii-wana heka rare aōwesele heka ihemy rare.

¹⁰ Tai jiarŷ retobinyre kanakemy waheto-ò. Waheto-ki riroxikemy taerydŷŷna mahādu-wana. Tai tahe sōwemy heka iny waery mahādu dōidenyde, òrarudu nihikŷ mahādu wahe. ¹¹ Tule heka fariseu mahāduò tai ratximyhŷ. Tahe Jesuisi erydŷŷna mahāduò kia-ò heka rarybere: —Aōherekibo Jesuisi òrarudu nihikŷ mahādu-wana rioxireri? ¹²⁻¹³ Tai Jesuisi roholarehe tamy rarybere: —Aōma òhotibedu heka, webinadu mahādulemy aōnityhymy rarumahāre. Òhotibedu-ò kanakemy. Binadu mahādu-ò tahe tiu ararariōwyōtyhy aōma òbiti widŷŷdu mahāduòle heka anade. Warurumy rurumyhŷle mahādu ariwiòhenanykemy anade. Aō awihikŷmy ixi-di rōhōtinyreriò aōkō wahe. Deuxu Ryberiti-ki tahe kaweselemy roire: Ixiwe heka wadee awiōre aruxetōena wadee awire. Kaiboho bierybenyke aōbo katyriti rare.

¹⁴ Tahe Jesuisi-ò rarybere Joāð eryna mahādu: —Aōherekibo Joāð Sebedeŷŷdu kia erydŷŷna mahādu renarehemyhŷre rexitōenykreu. Fariseu mahādu erydŷŷna heka tule heka renarehemyhŷre. Ihārele taheka aōherekibo abedeerydŷŷna mahādu heka tiu iwesemy riwinymyhŷre. Aōherekibo ka. ¹⁵ Taita Jesuisi dirawyōnyde: —Iu iny inyhāwyymy roimyhŷreu heka iny reysamyhŷre. Aōma kia weryrybò hāwy kialiina heka teysamy ratxirerimyhŷre. Tiu rirubunyōhymyhŷre teti-ò. Tahe aōutxumy tahe weryrybò hāwyymy heridu heka inyò ritakremy ratximyhŷre. Iu tahe renareheke heka. ¹⁶ Uritere inyò deratyby ritòbōnyōtyhy tyytŷmyra-di. Inyò itòbōna tŷmyra-di ritòbōnykeki, raykake heka iura ranihikŷke. Aōma iwesele rare aōma vŷi tŷmyra iròduty tŷmyrahakŷle ritidikreu. Aōma itŷmyra-ò heka iròduty itŷmyrahakŷle raykake. ¹⁷ Aōhe tiu vŷi tŷmyra iròduty tyby-ò rihynyōtyhy. Inyò kia wesemy riwinykeki taheka raykake heka rejuxunykre irube. Ihyna heka rabinake. Vŷi wihikŷ taheka aōma iròduty tŷmyra hyynawo-ki ka awimyhŷre.

¹⁸ Iu dohodŷŷdu hetoò bede erydŷŷduò heka Jesuisi-ò nade tariòre rureki wahe. Tai ta Jesuisimy reālāre tamy heka rarybere: —Aōma wariòre

rarurura wahirari wahe. Kai waheto-ò manake wariòre ruru-ribi biixix-anykremy. ¹⁹ Tahe Jesuisi taerydýŷna mahādu-wana roirenyre tii wana wahe. ²⁰⁻²¹ Tahe hāwyy rōhōtinyre heka: —Jikarý heka ityky reroti-kò karirikrekule karekytekre.

Tii dori ihālubu rihýōhy raremyhýre waò inatxi reurò beòramy. Iòhòmy iribi reare. Ireroti wereysanakile rimymy resere. ²² Taita Jesuisi ròòemy reare. Tuu robire tamy rýraxire: —Lerý, awi heka rare. Aityhyna heka arateyteny. Inatyhymy teyteta. Tai tahe hāwyy aòwesele reytemy reare. ²³ Idi tahe aòwesele rehemynymy reare. Judeu wiuna bedeerydýŷdu heto-ò rehemynyre. Tai heka hāwyy sòwemy robumy rýimyhý rubura-ki rawiunymy rýimyhý. ²⁴ Tai tahe Jesuisi tamyreny rarybereri: —Bòibenye hewahe. Hirarihiký heka ruruòhyky roireri. Urile heka ròròmy roireri. Tahe iny rutxueny. ²⁵ Tai iny sòwemy ròhònyre iribi. Tahe Jesuisi ralòre titxibo hirarihiký roireriò. Debò-ki rimyre tahe riteyteny. Rexixare ixiby. ²⁶ Ibutu bede bedemyhe inina-ò roholare. Kia deytana riwinyraò.

²⁷ Tahe hābu ruetà inatxi Jesuisi riheludunyre heka. Kia hetoy-ribi wahe. Tamy heka raryberenye: —Kai heka iòlò Davi riokore tate. Tai tahe ruxetòena-di biwawotòenye. ²⁸ Idi tahe Jesuisi taheto-ò ralore tai rasýnymy ratximyhý. Iny mahādu ihewomy rare tahe ralòre. Tamy rarybere: —Inatyhymy aòbo tetyhynytenye, ixiby arāitxeredýŷnykeò. Tiiboho raryberenye: —Kohe Wanyrý, retyhynyre. ²⁹ Jesuisi rarybere: —Ainytyhynadireki arue tabita. Aòwesele robirenye. ³⁰⁻³¹ Jesuisi heka rarybere tarurumy tamyreny uritere ijyōmykremy. Tai tahe aōma ròirenye ibutuko relyyrenye.

³² Idita tako-ò rexidorunymy reareki tasý kia hābuò-txi reare tyytybybina-di ratximyhý. ³³ Tahe Jesuisi-ò didydenye hābu irybeòna kia tyytybybina òraru-ki wahe. Jesuisi tuu òlòdýŷnyre iribi. Iule tahe hābu aòwesele heka rarybere iroo-ki. Kia iny ibutumy ribedeòtiidýŷnyre. Timy heka rarybeòhyre iko-ki juhūu raremyhý. Tuu rabiòhe iwesedýŷnadumy. ³⁴ Idi tahe fariseu mahādu rarybere: —Tyytybybina-di ratximyhýre. Tai heka tyytybybinahaký reteònymyhýre iny-ribi. Ihārele heka Satanasi-di ihýre. Tyytybybinatyhy wedu heka ratximyhýre.

³⁵⁻³⁶ Idi tahe ibutumy hāwā hāwā-di Jesuisi rariamy rare ròbedeerydýŷmy. Judeu mahādu dohodýŷna heto-ki relymyhýre, Rybewihikýmy. Tai Iòlòna kia ritýnymy tuu relymy. Ibutumy iny bina bina kia heka riteyteny. Iny nade ihewo-ribi. Sòwemy heka iny aōna aōna bina binahaký riwinymyhýre idi rýimyhý. Titxibo rakre heka rieryòhykymyhýre ta aōna aōna òraru-ki idinoduòreki wahe. Tai tahe Jesuisi riwotòenymyhýre ibutumy tiiboho dori budoeni wese ratximyhýre, itxeredu ihoòreki. ³⁷ Tai tahe taerydýŷnana mahādu-ò Jesuisi rarybereri: —Iny heka maixòmo sòweheký rýira wese heka iny ratximyhýre. Aōma ibutelemy heka arixidu rýira. ³⁸ Bexitòenye Deuxu-ò. Tii heka bederomy maixòmo rýira wedu rare. Bexitòenye tamy aòbo maixòmo arixidu-ò kiditeònykemy. Irybe-di heka raaòmysýdýŷkre ibedero-ki. Ibutu bedero-ki heka idi raaòmysýdýŷkre.

10

¹ Ributunyre Jesuisi aōma tawa-ò inatxi reurò kia bede erydýŷna mahādu. Tamy heka ruru riwahinyre. Aōma tyytybybina riteònykemy. Tule tamy riwahinyre ibutu binana deytana heka riwahinyre tamy.

² Kia heka tadeòdÿÿmahâdurenynimy ararybekre. Juhuu heka Simaõ Pedro. Juhuu heka Simaõ inire, ihewomy tahe Pedromy naninide. Andre ijõ. Tii heka Pedro seriõre rare. Txiau, Joaõ-wana heka Zebedeu riõre rare: ³ Filipi tasÿ ijõ rare. Idi tahe Bartolomeu ijõre. Tome ijõre. Mateu ijõre, jiarÿ wahe. Jiarÿ nieru tarasaduõ rare, imposto tarasadu wahe. Ijõ Txiau tasÿ Afeu riõre rare. Tadeu ijõre. ⁴ Simaõ ijõre. Tii Kana bede luduõ rare. Judasi Isariõ ijõre. Tii heka Jesuisi tyhedÿÿdu rare.

⁵ Jesuisi taerydÿÿna mahâdu waòinatxi reruòmy riteònyre. Tamyreny rarybere: —Judeukõdu mahâdu-ò aõkõkre reteònyre. Aõma Samaria mahâdu hâwâ heka ralòõhyymhÿre. ⁶ Kaiboho heka bõibenyke judeu mahâdu-ò sohojile. Tiiboho Israeli riokore mahâduõ ihÿre. Aõma budoeni reòsamhÿre mahadu wesemy tiiboho ratximhÿreny. ⁷ Aõma tamy marybekenyke: —Deuxu Iòlõna biu-ki heka aõwesele kedehemynkemy ihÿre. ⁸ Webinadu mahâdu heka biteytenyke. Aõma iny rubu-wana witxi beakeki, biixixadÿÿnyke rubu-ribi. Tykybina yjy yjyhykÿ-ribi iny biteytenyke. Tytybybina inywo-ribi biteònyke. Iwese aõ tetate wese iòwykõ heka ijõ-ò biwahinymahâke, iòwykõ wahe. ⁹ Uritere nieru wydÿòmy, womati tÿrÿrÿhÿkÿ nieru aõkõ, prata womati nieru aõkõ, cobre womati nieru aõkõ wahe. ¹⁰ Aõma anieru hyna nihikÿ wydÿòmy, awa ijõ wydÿòmy, ijõ dera wydÿòmy. Aõma òwòru arirana wiòhedÿÿna wydÿòmy. Aõmysÿdÿÿdu taòwy riwykre. Kia òbitire. ¹¹ Hetoõ malòke. Kia heka arayrubunykre. Adee riwahinykre ibutumy aõmybo rarumyhykre. Iu hâwâ-ò malokreu, hâbu ityhydÿÿdu mahâduõ biijekre. Taihyy bonykrehy tahe iwitxira hâwâ-ò iribihymy makre. ¹² Iu hetoõ-ò malòkeu Deuxu ywina tamy marybekre, Deuxu deysanamy wahe. ¹³ Kai awimy ityhydÿÿdu hetomy rÿike wana, biwahinyke aalâna tamyreny. Kai òbitimy aõkõ atxiteri wana tahe uritere tamy Deuxu deysanamy tamy wahidÿÿòmy. ¹⁴ Aõma tii arybe-ò roholaðekei, kai hâwâ-ribi bexitake taheto-ribi wahe. Tahe iribi bõhònykeu tahe awabrybyxi biubÿtÿnymy bõhònyke. Tii tahe tamyreny rioimhÿre. Aõma tamyreny ibinatyhykre. ¹⁵ Inatyhymy heka adee ararybekre. Sodoma hâwâ mahâdu, Komora hâwâ mahâdu inatyhymy heka ibinare tamyreny tahe isiraðkre aõhòkÿmy dÿÿnana wahe. Aõma kia hâwâ arybe-ò raholara heka kia ratyre heka tamy isiraðkre. Kia hâwâ tahe aõnityhymy aõhòkÿmy rotÿÿnykre. Ywisidÿÿna txu heka rÿekreu wahe.

¹⁶ Iwese budoeni ijòrò aholay-ki rÿikre wese heka kaiboho boibekre. Hemylala erydÿÿna wesemy heka maraykynykre. Idi tahe sòwemy aõma ywina-di maraykynybenyke bòðewesena-di. ¹⁷⁻¹⁸ Uritere inatyhy heka aramykre araròtenyke dohodÿÿna hetowo-ò adi ralokre. Waòaru-ki heka bede dinodu mahâdu heka araywisidÿÿnnakre. Judeukõdu mahâduko Rybewihikÿ Tÿmyra rarybekre. Tiiboho arahàtenyke. ¹⁹ Aõ heka belyyke ikoreny ibutumy roholakemy. Aramykeu heka uritere nohòtiòmyke aõmybo marybekremy ywisidÿÿna-ki wahe. Bede heka ariwahinykre rybe ibed-edÿÿnanau. Rybeòmyke, urile rybeòmyke. ²⁰ Kai ixiwanale aõkõ marybeke. Aõma Deuxu Tytybytyhy arâwiòhenanymhÿreny. ²¹ Inyõ heka taseriõre rityhenyke. Tybyõ tule tariõre rityhenyke. Aõma iriõre tasÿ tyby-ò icky reakre idi rirubunykre. ²² Ihyy ibyrymy heka aluu aõkõkre waòaru-ki. Ibutumy iny deramy rarehyke waòaru-ki: Inyõ tule òbitimy rarekreki, ikonanatxu-u, Deuxu Iòlõna-ò ralokre. ²³ Tahe anatakre. Aõma hâwâhâkÿ-ki atxikeki mahenykre ijõ hâwâ-ò. Ihewoludu ikonana hâwâ hâwâhâkÿ-ribi

behemynyke-ribi tahe adòòsekre. Judeu hāwāhākỹ-ò behemynykrekòule tahe adòòsekre, jiarỹ Hābutyhyhykỹ wahe.

²⁴⁻²⁵ Aōma bedeerydỹdu mahādu tahe aōma ierydỹna mahādu ratyre rare. Tule iwedū deòdu ratyre heka ihỹre. Iwesereny tahe boibebenykre. Tahe awedu tate. Inyō tahe riwarinimyhỹre Satanasi, Belisibu wahe raremy. Tahe iwesele heka iny araninikre waweselemy, ibinatyhyre wahe. ²⁶⁻²⁸ Jiarỹ adee wiji relyreri. Biurasōmy heka tuu bedelyyke ibutu ijohonanamy adeereny relyreri. Wasimy wijirumy adeereny relyre. Biurasōmy tahe ibutu ijohonanamy tuu belybyenykre. Uritere ilau brebuōmy. Aōbo wasimy rỹire heka ibutumy ratỹnykre. Uritere ilau brebuōmyke. Adeelekre rirubunykre atyytyby ta rirubunyōtyhy. Iruruōre dori atyytyby rirubunyké. Deuxule tahe bityhynyke. Tii dorihe iruru-di heka rare. Tii bede luru-txi heka atyytyby bede luru heōty-txi heka adi rehuke. Bityhynyke idile maraykynyke. Hābu lau brebuōmy hābu aōbina bina riwinymyhỹre lau brebuōmy. ²⁹ Nawiiō iny riwymyhỹre womati nieru iyja-di, iōwy riōre iny heka riwymyhỹre. Ibutumy heka Deuxu nawii rierere sohoji sohojimy. Tiu heka Deuxu rieryōhyymyhỹre nawii sōmo rurumyhỹreu heka tiu rieryrykōmy idi reteheōtyhy. Kiawese aōbo tahōtīnymahāte. Aōkōre, inatyhymy idi retehemyhỹre. Ijō rurumyhỹreu heka tuu robimyhỹre. Aōma Deuxu heka anaerymyhỹre nawii sōmo ratyre heka aumy rierymyhỹ. ³⁰ Ara erymy heka aōma arati-ki tiwesebo radeti rỹimyhỹre heka rierymyhỹre. ³¹ Breburenykōmyke, kaiboho dori nawii ratyre Deuxu-ò toite. ³²⁻³³ Kai marybeke: —Jiarỹ retyhynyre dori tahe umy arelyyke. Jiarỹ heka umy ararybeke inynyrỹ dee biu-ki wahe. Iny sōwehekỹ-ki riwatxiōnykeki tule aratxiōnyke jiarỹ Wahako-ò. Jiarỹ heka suò anade.

³⁴ Aō ywina wydymy aōkōre heka anade. Jiarỹ heka ywina aōkōre diwyde. Bedejeiejidỹmy anade iribi wadee wou rỹikremy. Hābu heka tybe òludumy rarekre.

³⁵ Tule hāwyy tadi òludumy arisynykre. Tule iriokorese tariòrelahi òludumy arisynykre. Aōma inyō òludu heka tasỹ mahādu òludumy rarekre.

³⁶ Boluu adireny boreny heka boibekre. Kia luumy heka boibekre. Tai tahe iratyremy boibekre aōkōkeki tahe waluuōkeki tahe wahōrō mahādumy aōkō boibeke.

³⁷⁻³⁹ Kaweselemy boibeōkeki. Tai tahe kai wahōrō mahādumy aōkōhe mabekre. Aōma biyrurubunutyhykeki tahe kai ihārele aōkre. Aōma kai waōraru-ki aōhōkỹmy botỹnykeki wadee waaōmysỹdỹy òraru-ki inyō anarubunyekeki aōhe adee rutỹnykeki. Tai tahe aumy ròhònykre inyō tasỹ-ò aradykeki iwese tii tasỹ-ò riwadyra wesele heka aradykre.

⁴⁰ Tii riwadyra wana Deuxu heka ridymyhỹre riwateònyreki wahe. ⁴¹ Deuxu rybeduō bidybenyekeki. Tii Deuxu-ò arāwahinykre. Deuxu adee uriìno kadiwahinykre. Adeereny kidiwahinykre. Wahisidỹna ritakre wese heka tule kai bitakre. Adeereny ararybekre. Deuxu hōrō mahādu heka bimymahābenyeke. Aheto-ò bidybenyeke hābuwi ihỹrenyre. Tiiboho dori wese uriìno ritarennykre wesele kaiboho bitabenyeke. ⁴² Kai uladu-ò bemonao biwahinykeki bedi imonamy. Tai tahe kanakre inatyhymy adee aō kidiwahinykre. Kai waōraru-ki ityhydỹdu-ò bee biwahinykeki, inatyhymy heka aōwy adee kanakre.

11

¹ Jesuisi heka rexihure aõma taerydÿÿna mahâdu waõinatxi bedeery-dÿÿna-ribi. Kia bede ywina tamyreny riwahinyre. Rexihureu tahe rare rôhõnyre iribi hâwâ-di. Aõma rybe ritÿnydÿÿmy rakremy hâwâ hâwâ-ò.

² Idi tahe rôtenywokile heka iu Joaõ roimyhÿ. Aõbo Jesuisi tahe iu aõna aõna wiwihikÿ ritxienymyhÿreu heka Joaõ tamy roholare. Rõtenywo-ki roimyhÿ-ribi. Idi tahe Joaõ taerydÿÿna mahâdu riteõnyre Jesuisi-ò dÿÿraximy:

³ —Kohe, anaraõdenyde tate. Aõma Deuxu deòdÿÿna wahe kanakre aõbo ihewo-ribi. Ariraõrenykre aõbo urihimyo. ⁴ Tai Jesuisi rirawõnyre: —Aõma bõõsebenyke ixbyle Joaõ-ò. Belyybenykre ikò aõna aõna wiwihikÿ rewinyre arureny-ki tule tabite wamyreny. ⁵ Aõma iruetahàkÿ heka. Reruedÿÿnymy rare wahe. Itiere tasÿ retinywâhâre dinoduhukÿ ity reytemyhÿre. Aõma ijõ Rybewihikÿ Tÿmyra roholaõhyymyhÿre tasÿ tule reijohonadÿÿnyre. Aõma rubu tule rubu-ribi reixixadÿÿnyre. Rybewihikÿ Tÿmyramy heka retÿnydÿÿnyre ibutu iny-ò wahe, iny aõkõ mahâdu-ò wahe. Tule Joaõ-ò marybebenyke kaweselemy wahe. ⁶ Maratyhybenykeki, beysabenyke.

⁷ Iribi rôhõnyreu tahe Jesuisi heka rarybere Joaõ bededÿÿnanamy. Aõmybo wahe Joaõ-di rôhõtinyreny aõmy tuu bedi nohõtinyreny tamy itxereny bederahy rôirenyreki wahe. Otxirade wese yhy-ki tahõtinyteri. ⁸⁻⁹ Ada aõma hâbu urimynodutyhymy aõbo idi rôhõtinyreny. Aõma butõre wesemy idi rôhõtinyreny. Ada iwitxiramy aõbo idi tahõtinyteny hâbu tyywihikÿdiremy idi rahõtinyteny. Iòlò taheto wihikÿ-ki ratximyhÿre. Aõkõre, kia iny heka aõ Deuxu rybeduõmybo tahõtinyteny. Inatyhy tii kia rare. ¹⁰ Iratyre heka tii rare. Aõma dori Tyryiti-ki rarybemyhÿre:

—Tii heka wako-ki kadehemynykremy ratximyhÿre, wamy relyykemy, wary riywinymyhÿre.

¹¹⁻¹⁴ Inatyhy heka rare. Tii heka ibutu hâbu ratyre ratximyhÿre. Ihârele tahe heka Deuxu Iòlõna-ki heka ijõ iny iratyre ratximyhÿre. Hâbu binahakÿ heka Deuxu Iòlõna-ò raaõbinanymyhÿre. Joaõ rexidelenyry rybe itÿnydÿÿmy rexidelenyreuhyyle heka ritelemy ralore. Tule wiji nalòmhyhÿde sõwemy. Iu Joaõ rehemynykõle heka tuu rarybemyhÿre ibutu Deuxu rybedu mahâdu heka tuu rarybemy raremyhÿ. Tule Moisesi bede ywina kia rarybere. Tii Eliasi wesele ihÿre. Tetyhynyteny aõbo. Iwese Deuxu rarybereri wesemy heka tii nade. ¹⁵ Inyõ ierysmy rurukeki, roholake wiji. Aõmybo ararybekre kainymy tiwesebo rÿimyhÿremy. ¹⁶ Tiiboho heka iwese weryry uladu risinymyhÿre wesemy ihÿreny. Kiamy heka tiinamahâdu-ò rarybemyhÿre: ¹⁷ —Jiarÿboho heka aõma wiunawihikÿ-di rawinymyhÿreny. Idi tahe teysatenyõhymâhâteny. Tahe wiuna bederarysna-di heka rawiunymyhÿreny. Ta bedewoõhyymahâtenyteri. ¹⁸ Joaõ Sebedÿÿdu heka riroxiõre. Vÿimy riõõre. Inywesereny tai tarybetenyte: —Tii raitxÿtemy ihÿre. Tyytybybina-di ihÿre. ¹⁹ —Jiarÿ Deuxu Riõre heka rehemynyre Hâbutyhyhykÿ wahe. Jiarÿ reroximyhÿre. Reõmyhÿre tahe kiaboho heka waluu aõkõ heka toite. Urile heka wamy tarybemyhÿteny wabyre nihikÿremy wabemo-mohõkÿremy. Aõma ôrarudu kia liinatyhy heka jiarÿ rare. Aõ ikòõlemy heka taraykynymyhÿteny ihârele taheka õbitilemy ixi-di tanohõtymyhÿteny.

²⁰ Jesuisi heka sõwemy aõwiwihikÿmy riwinymy raremy. Ihârele heka imahâdu rityhynyõhyymyhÿre heka. Kia Jesuisi heka rarybere kia hâwâ mahâdumy. ²¹⁻²² Orasi hâwâ aõ heka adee binatyhymy kanakre amahâdu-ò

wahe. Besaida hāwā mahādu, kaiboho aōna aōna wiwihikỹmy tabitenyte ahāwāreny-ki. Tiu heka ixi-txi ōhōtiren y reaōhykymyhỹre. Jiarỹ aōma Tiro hāwā-ki Sidō hāwā-ki aōna aōna wiwihikỹ ariwinyre wana inihe heka ixi-txi tōhōtiren y reare iniheka saumy tyky rexityynyre tule brybysi ixi-tyreren y heka rexihumy. Sidō hāwā Tiro hāwā heka urihimyo adeeren y isirakre. ²³⁻²⁴ Kafanaō hāwā mahādu! Kaiboho heka tule ixitxiren y ōhōtiren y reaōhykyre. Aōma kaiboho heka awiren y ixidiren y tahoōtinymahātenyte, awityhyremy. Kaiboho heka ōhōtenamy bekoabenkyre bedebina heōtyhykỹ-ō dori besebenkyre. Sōwemy dori aōwiwihikỹmy kaiboho tabitenyte. Deysana wiwihikỹ-di wahe. Tiu heka ixi-txi ōhōtiren y reaōhykymy aōraruren y-txi. Aō wiwihikỹ Sodoma hāwā-ki rewinyre wana wahe. Tiu heka rabinaōhyre in-ihē heka wiji-ō. Aōkō botỹỹbenkyre aōma Sodoma hāwā ratyre heka aōhōkỹmy botỹỹnybenkyre, Deuxu ywisidỹnatxu.

²⁵ Tahe Jesuisi rexitōden yre Deuxu-ō: —Waha, biu bede-wana iwedu atx-imahāte. Kai uladu-ō aōna aōna tetỹnynyte. Tewōmahāte heka kia ibedeery-hykỹ lau heka tewōmahāte. Kai ixi-di bedeerhykỹmy rōhōtinymyhỹre lau wahe. ²⁶ Tii heka adeewinare. ²⁷ Ibutumy heka Waha wadee riwahinyre tii heka riwaeryre. Jiarỹ tule tii reeryre. Aōma ixidee wikēi inydee ariteōsinyke. Timybo Waha rare. ²⁸ Elehydỹỹmy buruke aōbo? Manake wadee. Jiarỹ heka araelehynkyre. ²⁹ Walōtityreherina ixidee bitidibenyke. Tai tahe wawana maaōmysỹdỹỹbenkyre. Arabederynykre heka ywina-di. Aritidiōtyhy heka aō utxiehekỹ atyreren y. Elehyna adeeren y ariwahinykre awo araykyren y-ō. ³⁰ Aaōmysỹdỹỹna adeeren y rewahinymyhỹre isiraōre heka. Iutxiemy aōkō rare.

12

¹ Sabado txuu, judeu elehynatxu Jesuisi rariamy ròiren yre maixōmoni oworu-ki. Tahe rekoaren yre aōma maixōmoni oworuro-di heka iren yre. Kia heka tahe Jesuisi taerydỹỹna mahādu heka riarimyhỹre aōma riyren ykremy rama rahuraki. ² Iu-ki tahe fariseu mahāduō retehemy ratximyhỹre. Tii-boho tahe rarybere kia Jesuisi-ō rarybere: —Kia hewa brebuna rare aōma sabadotxu riwinyrmyhỹre: —Aōherekibo aerydỹỹna mahādu iu riwinyrereri. ³ Tahe Jesuisi tamy rỹỹraxire aōma ijyymy ikoren y relyyre iwese Davi riwinyre wesemy heka riwinyrereri ramy rahureu. ⁴ Davi riki heka ralōre Deuxu dohodỹỹna hetowo-ō heka ralōre. Tai tahe rirỹsỹmyhỹ kia aōma xiwena-ki heka riymy. Kia orotxu heka aōma xiwena-ō hidỹỹna mahāduōle rỹimy. Tahe ihārele heka riyren yre heka. Taijoi mahādu-ō riwahinyre. ⁵ Kia wesemy aōma tariakōte bede ywina tyyriti-ki wahe. Aōma xiwena wahidỹỹdu heka rityynyōhyymyhỹre. Aōma sabadotxu kia wahisidỹỹna. Xiwena bede ywina wahe. Iu dohodỹỹna hetowo-ki ratximyhỹu. Tii heka sabadotxu bede ywina rityhynyōhyymyhỹre. Tahe heka aōbina bina riwinyren ynyōhyymyhỹre. Kia tahe heka tule heka bede ywina tyyriti heka ritidỹỹna roire. Idi tariatenyōte. ⁶ Inatyhymy heka adee ararybekre. Inyō kaki ratxikeki jiarỹ heka kaki heka inyō ratximyhỹre aōma dohodỹỹnahakỹ heto-ki wahe. Dohodỹỹdu mahādu ratyre heka watximahāre jiarỹ wahe. ⁷ Kiamy heka ritidỹỹna rỹimyhỹre. Jiarỹ heka xiwena luure ihāre tahe sōwemy heka iratyre ruxetōena luure. Jiarỹ aōma xiwena luure ihāre tahe iratyre heka aōma ruxetōena luure sỹ. Kaiboho terytenyte wana. Aōma heka ibinamy tarybehynnyhỹte inyō teōsamy ratxikeō. Aōma aō riwinyren ynkōhyyre. Kiamy wahe. ⁸ Jiarỹ dori Deuxu Riōre Hābu watximyhỹre. Jiarỹ tule aōma sabadotxu wedu wāhāre.

⁹ Tai tahe Jesuisi nade heka ixyby aõma tohodõõnareny heto-ò. Ralòre heka sabadotxu. ¹⁰ Hãbuõ ratximyhõre debò binare. Debò rayjayja ihõmyhõre. Tahe fariseu mahãdu heka Jesuisi-di mynamy ratximyhõre. Aõ rybebinamy rarybeke òraru-ki rimykemy. Tai tahe rõõraxire Jesuisi-ò: —Timyrebohe brebuna aõbo sabadotxu deyledõõ ada aõkõre aõbo. ¹¹ Tai ta Jesuisi ri-rariõnyre: —Kaweselemy ròkòhõtinyrenyke. Kai heka aõmy abudoeni so-hojilere. Sabadotxu heka reseke hãlooro-txi aribi. Timybo mohõtinyke aõma bitake hãlooro-ribi. Inatyhyre aõbo. Sabadotxu hãrele bitake. Kohe, inatyhyra. ¹² Hãbu heka budoeni ratyre heka iõwy rare. Aõma sabadotxu aõwaxinyre heka reyteke. ¹³ Tai hãbu-ò rarybere Jesuisi: —Ebò biditytyke. Debò ritytyra ta wiwesele debò relere awimy. ¹⁴ Fariseu mahãdu heka wii ributunyre, iribi ròhòrenyreu wahe. Widee raryberenyre: —Aõma timybo rikisõnyrenyke rikimixynyke rikirubunyrenyke.

¹⁵ Tahe Jesuisi rierymyhõ kiamy rarybermyhõreny heka roholamyhõ. Tahe Jesuisi rierimy heka. Iribi irehemy ratximyhõreny hãrele, rierimy heka. Iribi tahe rexitare heka hãwã-ribi wahe. Idi heka ihemy heka rare riheludunyre. Sõwemy heka webinadu ihemy rare. Ibutumy riteytenyreny. ¹⁶ Teyteydyõna mahãdu-ò rarybere: —Uritere itõnydyõõmykremy tuu ijyõõmykremy inyko-ò. ¹⁷ Ihexiu Isaia tyriti-ki heka kawesemy rõimyhõre. Tii heka Deuxu rybeduõ rare.

¹⁸ —Kaheka Wadeu rare. Tuure heka jiarõ, tii heka retare. Rehixinyre. Tii heka deysana wadee riwahinymyhõre Tatytybytyhy tamy ari-wahinykre. Ywisidõõna txuu heka ibutuko-ò relykyre.

¹⁹ Tii heka rryrõtyhy rebureõtyhy heka inyõ-wana widee. Tiu heka inyõ roholaõtyhy irybe dee. Ryki heka inyõ irybe-ò roholaõtyhy.

²⁰ Aõma bõtòreõ irybòhòmy roiheki. Tii raòròõtyhy. Txuheõtyjurà loosòna uri-himyoheki heka tiu ruriõtyhy eleti-di. Tii ritakre iaòbinana, inatyhynaò binana wahe.

²¹ Ibutumy heka iraròsòna iribi ritakre.

²² Hãbu rybeõ ruetãò heka iny didydenyde Jesuisi-ò wahe ralòmmyhõreki wahe. Tii tytybybina iwo-ò ralòmmyhõreki wahe. Jesuisi tytybybina riteõnyre. Tai irue heka awimy relere rarybere. ²³ Ibutu iny sõwe heka heka ribedeõtiidõõnyre. Widee tahe raryberenyre: —Ka heka Davi riore riòre òsana rare, Deuxu deòdõõna wahe. ²⁴ Tahe fariseu mahãdu-ò roholare. Tahe rarybere Jesuisimy: —Tii inatyhymy tytybybina riteõnymyhõre inywo-ribi. Aõma tytybybina wedu ruru-di heka riteõnymyhõre. Belisibu ruru-di wahe.

²⁵ Jesuisi heka rieryre iraykyreny. Tai tahe tamy rarybere: —Ijymy heka tamy rarybere. Iòlòna mahãdu wiribi ibutumy rexihitxinykeki tahe rexihukre ibutumy wiribireny. Tahe hãwã mahãdu taijoiy-ribi rexihitxinykeki, awi aõkõ rare tai wahe. ²⁶ Wiribi rexihitxinyke wana. Tule awi aõkõ rare tai wahe. Aõma Satanasi rexideõnykeki tahe tayreny-ribi rexitake. ²⁷ Belisibu ruru-di tytybybina ariteõnyke wana aõdibohe aheludu mahãdu riteõnykemy ratximyhõre. Tiiboho heka aywisidõõdyurenymy ratximyhõre. ²⁸ Jiarõ Tytybytyhy ruru-di ariteõnykeki heka kaiboho arurunareny Deuxu-ribi nade. Iòlòna adeereny rehemyreri. ²⁹ Inyõ heka hãbu rurutere hetowo-txi ralòõtyhy wasimy wahe. Tai rawasinymy ratximyhõkeki tahe urile juhuu hãbu ritaataake. Idi tahe iheto-ribi aõdibo rawasinyke. ³⁰ Inyõ wabiõwamy aõkõ ihõre wana heka, waòludu rare. Inyõ wawana ibutumy ratxiõmyhõre wana tahe raybatãmmyhõre. ³¹ Inatyhymy jiarõ adee anarybekre. Ibutu

òraru kanaixãwididỹyke. Hãbu aõtxile aõbina bina rarybemyhỹre. Sohojile taruxãwidỹyõtyhy. Aõtxile inyõ aõbina binamy Deuxu Tytybytyhy rarybekeki. Tii aõraru rataõtyhy. Kia heka òraru tiaheymy rarekemy ihỹre. ³² Hãbutyhyhykỹ heka Deuxu riõremy aõbina binamy iny rarybekeki, wamy wahe, tii tahe ixãwidina dire. Deuxu Tytybytyhyhymy rarybekeki, tii tahe iixãwidinyõhyre. Tiehy kã òraru-na di rareke. ³³ Jesuisi rawesenanyre iny òwõru wese rare. Òwõru awimy rỹike wana, tai heka iratywihikỹõ-ki iny rahake. Ruru rasunymyhỹre raruburerimy ihỹre. Kia tasỹ iratywimy aõkõ rỹike ibinamy. Aõma òwõru iny rierymyhỹre aõbo iribi iraty dejuxunymyhỹde òraru-ki iny rierymyhỹre, awire. ³⁴⁻³⁵ Kaiboho heka hemylala mahãdu wesemy atximyhỹtenyte. Kaiboho heka abinatyhymy ahãtenyte. Timybo heka kaiboho aõwihikỹmy marybebenyke. Arayky aõbina bina hakỹlemy tõhõtinyteri wana. Tai taheka ary tuu rõhõnyke ary tuu rarybeke. Aõma hãbu wihikỹõ ratxiremyhỹre wana aõnana wiwihikỹle tarayky-ki riyrubunymyhỹre. Tii heka rarybemyhỹre. Hãbu bina tahe tarayky-ribi ibinalemy rarybemyhỹre. ³⁶ Ibutumy aõmybo iny rarybemyhỹre heka ywisidỹỹna txu tuu rarybemyhỹre rierymy timykibo tuu rarybere wahe. ³⁷ Òrarakibo rarybere: —Arybe òraru-ki heka ywisidỹỹna-ki atxiteri. Bitakemy aõbo ada aõkõre aõbo.

³⁸ Bedeerydỹỹdu mahãdumy heka fariseu mahãduõ tamy rarybereri: —Erydỹỹdu, wadeereny biteõsinyke awiwihikỹõ. ³⁹ Jesuisi dirawyõnyde: —Iny kamahãdu heka ibinatyhy rare aõ awiwihikỹ rexitõenymyhỹre. Abina binale wahe. Aõ wihikỹle bobiõtyhy. Tahe sohoji aõwihikỹõmy heka mohõtinyke. Jonasi widỹỹna wahe. ⁴⁰ Jonasi Deuxu rybeduõ widỹỹna wahe. Tii inataõ txu inataõ rumy uturahakỹ wona-ki ihỹmyhỹwesemy. Iwese Deuxu Riõre Hãbutyhyhykỹ bede-ki rarekremyhỹ wesemy inataõ txumy inataõ rumy. ⁴¹ Ninive hãwã mahãdu heka roholarenymy tõhõtireny reare. Iu Jonasi rybe ritỹnydỹỹreu wahe. Tahe inyõ kaiboho tamy taholatenyte. Sõwemy heka iny Jonasi ratyremy ihỹre. Ihỹrele kaiboho ixitxireny õhõtireny reaõre. Ninive tamahãdu tahe ibinany adeereny rarybekre. Ywisidỹỹnatxu wahe. ⁴² Iolò Hãwyyõ heka ibõò irehe-ribi nade. Aõma Salomaõ bede erydỹỹna-ò roholakemy. Kaiboho heka inyõ-ò taholatenyte. Salomaõ ratyre heka sõwe inihikỹ ihỹre. Ihãrele ta ixitxi nohõtireny reaõre. Ywisidỹỹnatxu heka Iolò hãwyy ibinanamy k̃narybekre umyreny wahe. Ywisidỹỹnatxu. ⁴³ Aõma tytybybina hãbu-ribi rõhõnykreu tahe elehydyỹỹna riijekre. Aõma bedebinana tõteehekỹ tahe tuu reakre. Ihỹre tahe tai rahaõhykyre elehyena-ki wahe. ⁴⁴ Tai tahe ixidee rybekre: —Arõðsekre k̃yhe. Iribi ranywỹhỹreõ anakre. Tai tahe kã hãbu-ki rahara. Tyrahakỹmy iwo-ki iruxeramỹ. ⁴⁵ Tai tahe ijõ-txi reare. Debõ inatxi reurõ tytybybina-txi iratyre tyhy wahe ibinare. Tai tahe ridyke tahãbu-ki rasỹnyrenykeny. Kia hãbu heka iwese juhu raremyhỹre ratyre ibinamy ratximyhỹre. Kaiboho heka kã tytybybina wese atximyhỹtenyte.

⁴⁶ Jesuisi tahe ijõ-ò rarybere ijõ ijoj-ò, tai tahe ise rehemynyre, iseriõreboho-wana. Sõwemy iny mahãdu-ò heka rarybere. ⁴⁷ Inyõ tamy rarybere: —Inyõ heka arãijereri adi ahelỹỹna. Kie heka rehemynyneri adee rarybekemy adi ratxireri. ⁴⁸ Jesuisi dirawyõnyde: —Mota heka nadireri, mota heka waseriõrereri? ⁴⁹ Tai tahe tebõhe riteõsiriteõsinyre taerydỹỹna mahãduõ-ò. Ka heka nadi rare. Ka heka waseriõre. Ka ijõ heka waseriõre. ⁵⁰ Wahadeewi riwinymyhỹreki tahe, tii heka nadi rare. Waseriõre rare. Waha dori biu-ki ratximyhỹre.

13

¹ Itxu taheka Jesuisi rare heto-ribi Kalileia aho ijà-ò. Tahe tai ronyre. Tahe rexiterenyre Jesuisi iny ribedeernynmy. ² Tai ibututyhymy heka iny wirotyre. Tai tahe Jesuisi rexitareny urihimyo hãworo-ò ronmy rexi-taranyre. Iny sôwehekỹ mahãdu tahe aho ijãkile heka roholamy rỹimyhỹre. ³ Tii heka relyymyhỹre aõma ijyõ relyyre: —Aõna aõna wese ijyy rawesene-nanyre. Hãbu alòbòròmý rara. Tii heka alòbòròna dehudu rare. ⁴ Ijõ heka idi rehumyhỹu heka ijõ ryro-txi resere. Nawii heka riròmymhỹre riore heka. ⁵⁻⁶ Ijõ tahe rejuxunyre aõma manarutysu-txi. Tii tahe raumynyre aõwesele. Iraruxiòlemý heka rỹimyhỹ suu ibutureki. Idi bedetòtee rimoedỹỹnyre. Idi tahe rurure. ⁷ Òwòrudỹỹ resere edey-txi. Idi ta ruhunyre edewanale. Idi tahe ede riòdesedỹỹnymyhỹre. Tai heka raratynyòlemyhỹre. ⁸ Ijõ tahe resere suwixirawihikỹ-txi. Tai tahe sòwemy raratynyre. Sohoji òwòruty-ribi tahe 30my raratynyre iraty wahe. Ijõ 60my raratynyre iribi. Ijõ ta 100my raratynyre. ⁹ Tahe Jesuisi heka rarybere: —Kia bohولاتyhymy bonyke. Òhõtirenýdikeki bohólabenýke.

¹⁰ Tai tahe ierydỹỹna mahãdu Jesuisi ritỹỹraxinyre: —Aõherekibo kai ijyy-di biernanykemy atxiteri, rawesenanyreri wahe. ¹¹ Tai tahe dirawyònyde: —Kaiboho aõmybo Deuxu reernanyre kaiboho bierybenýke. Ijõ mahãdu tiu ijyy rieryòtyhy. Kaiboho dori Deuxu Òlòna teerytenyte. ¹² Hãbuò iaòdikeki ijõ heka iratyre tamy ariwahinyke. Tai tahe sòwemy tamy rauhenýke. Tahe hãbu ihoòkeki ibutelemý ijòdikeki heka kiale iribi ibutumy aritakre. ¹³ Reteheymy ihãre tahe robiòhymyhỹrenyre tahe ririòhymyhỹre. Tai heka ijyy-di reernanymy watxireri. ¹⁴ Iwese Isaia tyyriti-ki roire wese heka tiiboho ihỹrenyre:

—Roholamyhỹre, roholamyhỹre ihãre tahe rieryòhymyhỹre. Reteheymy ihãre tahe tiu robiòhymyhỹre.

¹⁵ —Irayky tererenýreki wahe rieryòre heka. Òhõtirený heka ritòbònymyhỹre ta ijohonana-ribi. Tarue ribrenymyhỹre robike lau. Tahe wadee ròòseòtyhy. Aòkòre heka ariteytenýkemy idi watximyhỹre. Tibo heka terarený aòkòre.

¹⁶ Jesuisi ijõ relyymyhỹre tamýrený: —Kaiboho heka eysamy atxitenýteri. Kaiboho heka bobibenýke tahe bierybenýke. Aõmybo kaiboho tabitenýteri heka, tahólatenýteri wahe. ¹⁷ Ihetxiu mahãdu, hỹỹna mahãdu wahe, tuu lobiximý riwisỹnymyhỹre. Aõma aõwobo kaiboho tahólamyhỹtenýteò heka roholakemy riwisỹnymyhỹre tahe rohólaòhymyhỹre. ¹⁸ Tahe bohólake heka adee aritỹnnyke aõbo ijyy rare. ¹⁹ Òwòruty ryro-txi resemýhỹre heka iny ijoireny wesemy ihỹre. Ijohona tuuwesemy wahe. Tibo roholamýrený ihỹre tahe rieryòhymýrenyre. Aõma Satanasi heka nade tai tahe warybe heka iribireny ritamýhỹre. ²⁰ Ijõ manarutysu-txi resemýhỹ mahãdu tahe ijõ ijohonadu wesemy heka roire. Tiiboho heka deysana-di roholamýhýrenyre. ²¹⁻²² Tai tahe urihimýòle rityhynmýhýrenyre aòhòkỹmý dỹỹnana kanakeu tahe aõwesele riatyke ririmý reake. Kia edey-txi resera tasỹ aõma ijõ ijohonadu mahãdu wesemy heka rare. Tiiboho heka aõma 1000 nierule aònitýhymý idi ròhòtinymyhỹrenyre nierudile. Tai tahe rexibedewonýmýhýrenyre. Tiu heka Deuxu aõmydỹỹna riwinyòhymýhýre, Deuxu Rybe riwiòhenanyrenyre. ²³ Kia suwixira wihikỹ-txi resera wana tahe iwixira ijohonadu mahãdu wesemy heka rare. Tiiboho heka roholamýhýrenyre rityhynmýhýre sòwemy Deuxu dee roholamýhýrený heka. Ijõ

100my wesemy raratynyre. Ijō 60my raratynyre ijō 30my raratynyre. Iny sohoji sohojiō heka Deuxu-ò aō riwinyrerimy ihÿre.

²⁴ Idi tahe iwitxira ijyymy relyyre Jesuisi tamyreny: —Deuxu Iòlòna heka kia wesemy ihÿre. Oworudu heka aōma alòbòròna wihikÿ rìtòbòrònymhÿre taoworuro-ò. ²⁵⁻²⁸ Tahe iòluduò rummy heka tamy nade. Tahe iu ibutummy iny ròròmyhÿreu, asibinaty-di tamy rehure. Tai tahe alòbòròna asibina-wana ruhunyre kia aōma ede wana wimy urilemy. Taiki tahe kia aōma oworudu kia aōmysÿdÿÿdu mahādu. Tuu heka ijyy-di nade tuu ijyymy. Idinodu rarybere: —Aōma waòludu heka kia riwinyre wadee. Idi oworudu narybede: —Aòhebohe arotÿÿnyrenykre? Ta idile aòbohe arisiherenykre araxirennyre. Tai tahe rirawyònyre: ²⁹⁻³⁰ —Aòkòre wahe, kia ibutummy alòbòròna rirarutxinykre. Ixinary heka ratybiennykre tii-wana wiurilemy kia maixòmo arixina bed-edÿÿnamy bede relerekeu tahe iribi raarike. Ararybekre heka tamy kia aōma oworu-di raaōmysÿdÿÿkreò. Juhu delemy asi arisykre. Tahe ritoonykre. Idi tahe maixòmo heka riarikre kia maixòmo hetowo-ò riyrubunykre.

³¹ Tahe Jesuisi ijō ijyy witxiramy relyymhÿre: —Aōma Deuxu Iòlòna heka aōma alòbòròna sòmo sòmo wesemy ratximhÿre. ³² Aōma raumynyrreri heka aōma òwòru iyjatyhymy ibutummy òwòruty-ribi rariewesele relemhÿre. Taiki tahe kia nawile tuu rÿtÿnymyhÿre kia òwòru-ò.

³³ Uri paò uri ixiòlòdÿÿna heka Deuxu Iòlòna wesemy heka kia ihÿre. Hāwyy heka paò riwinymhÿreu, riurinymhÿreu tahe ibutummy raubÿtÿmyhÿre kia ibemy.

³⁴ Tai tahe rexiòlònymhÿre Jesuisi heka sòwemy tuu relyymy raremyhÿ. Iu iny ribedeernymy raremyhÿ. Tiiemy heka Jesuisi relyyhy raremyhÿ iu ròbedeerydÿÿmy raremyhÿ. ³⁵ Deuxu rybedu dori ihetxiu rarybere: —Jiarÿ ijyy-di rebedeernymhÿre. Aōma tuu relyymhÿre heka ierykòna rare. Tiihe rieryòhyymhÿre. Iu bede rexideelenyrauhyyle.

³⁶ Idi tahe Jesuisi rexitare iny sòwey-ribi rexitare. Hetò-ò heka ralore. Tai tahe aōmybohe wakoreny inihe bedelyyke. Aòludu inybo arasÿnyremy. Kia ijyy heka aōma hābu ede-di rehure ioworu-ò, taòludu oworu-ò. Kia inihe wadee bitÿnynyke aòbo rare wahe. Kia ijyy telyyté. ³⁷ Tai tahe Jesuisi tii dirawyònyde: —Kia hābu alòbòròna wihikÿ ribòrònyre heka Deuxu Riòre Hābutyhyhykÿ, rare wahe. ³⁸⁻³⁹ Ioworu heka ibutu bede heka roimyhÿ wesemy roimyhÿre. Aōma alòbòròna wihikÿre heka ityhydÿÿdu iwese rÿirawesemy rÿira. Asi tahe kia ityhydÿÿdukòdu mahādu wesemy heka ihÿre. Aōma kia iòludummy rarybereri tahe kia Satanasile heka ihÿre. Kia iyresynamy rarybereri aòbo bedekonana heka tuu rininimy heka tuu rarybereri. Kia ÿju heka iyresydumhÿ tuu rarybereri. Kia rimykre ede riorokremy rarybereri heka aōma ityhydÿÿdukòdu mahādu heka tuu rininimy rarybereri. ⁴⁰ Ritakre heka rihitxinykre. Heòty bedehékÿ heka idi rehukre risòkre iu wahe. Iwesele taheka bedekonana heka rarakre. ⁴¹ Deuxu Riòre, Hābutyhyhykÿ heka aōma ÿju riteònykre ibutu iny ributunykre. Ityhydÿÿdukòdu mahādu ijō iny òraruna-txi rityhedÿÿdu mahādu heka ibutummy ributunykre widee. Ibutummy aòbina bina widÿÿdu wahe.

⁴² Idi tii rihukre. Tai tahe ryykre aòkÿmy rotÿÿnykre tai. Robumhÿre taju.

⁴³ Kiau aōma

Deuxu hòrò mahādu tahe Waha Iòlòmy ronymhÿre kie ronykre. Tiiboho loosòny wesemy heka ritoosònanykre txuu loosòna wesemy.

Òhòtirenidyeki ibutummy heka bohòlabenyke.

⁴⁴ Deuxu Iòlòna tahe nieru wesemy ratximyhÿre. Aõma nieru heka hy-naõ-ki rahara nieru-di tÿximy aõma surawo-ki idi hãbu ixyby riwore. Tai tahe tii reysatÿhymy ròðsere. Kia ibutumy taaõmydÿÿna-di heka rohonyre. Kia bedero riwykremy.

⁴⁵⁻⁴⁶ Ijõ tahe tule Deuxu Iòlòna wesemy ka ratximyhÿre. Iwese ixiura wydydu ihÿre wesemy heka Deuxu Iòlòna ihÿre. Iwydydu heka ijese ijesemy riwymyhÿre. Aõwi riererimy riererimy heka tai rahamyhÿre iruxera-ki tii tahe riwymyhÿre. Kiau tahe tai rahare aõ òwyhykÿõ-ki heka rahare. Tii idi tahe rohonyre ibutumy taaõmydÿÿna-di idi tahe kia iwydymy idi ratxireriò riwyre.

⁴⁷ Riãð wese heka tule Deuxu òlòna ihÿre. Aõma riã-di iny rehumyhÿre wana heka ibutumy utura rimymyhÿre. ⁴⁸ Kia aõma idi tahe idi raixÿnymyhÿre riarimyhÿre iky-ribi. Aõma awi-di awihe riarirerimy iky-ribi. Ibinare rihitxinymy iribi. ⁴⁹ Kia bedekonana tahe iweselemy heka rarekre. Kia aõma ýju heka riarikre awi heka ibinau-ribi riarikre. ⁵⁰ Rehukre heòty bedebinakÿ-ò wahe. Tai ki tahe rirajuamÿhÿkre ta aõhòkÿmy rotÿÿnymyhÿkre. Txuu rikyinyamÿhÿkre

⁵¹ Tahe Jesuisi tamy rÿÿraxire: —Kiamy ibutumy teerymÿhÿtenyte? Tiiboho riraòwònyrenyre: —Kohe, reerymÿhÿrenyre. ⁵² Idi Jesuisi rarybere: —Inyò bede ywina bedeerydÿÿna heka rityhynyreu, waheludu rarekreu wahe. Tii tahe iwese hãbu butudÿÿdumy ratximyhÿre wese heka ronymÿhÿre. Tii heka ibutudÿÿna heto-ribi ritamÿhÿre, tasÿ mahãdu-ò riwahinykemy. Aõ tyby aõ tÿmyra. Ibutumy heka ritamÿhÿre.

⁵³ Tahe iribi Jesuisi rexitareu, ⁵⁴ tahe tahãwã-ò ròðsere. Judeu dohodÿÿna heto-ki ribedeerynre. Tahe ibutumy ribedeòtiidÿÿnyre. Tiribibo heka tii bedeeryna rierymÿhÿre: —Timyrekiibohe aõwiwihikÿ rierymÿhÿre. Tii kÿny heka aõma òwòru besedÿÿwidÿÿdu riòre heka rare. ⁵⁵ Jyje riòre wahe. Marie heka tule rare ise wahe. Txiau, Simaõ, Jyje, Judasi-wana iseriòre ihÿre tule wahe inatyhy? ⁵⁶ —Iseriòre hãwy heka tule kaki rasÿnymÿhÿre inatyhy. Timyrakibohe aõna aõna ikòkò rierymÿhÿre. ⁵⁷ Tahe rityhynyòhyymÿhÿre heka tai wahe. Jesuisi tamyreny rarybere: —Deuxu Riòre Hãbutyhyhykÿ heka tiu tauludu wijirana hãwã-ki inyò rityhynyòtyhy rybeduò ihetomy ijirana-ki. ⁵⁸ Tai tahe aõna aõna wiwihikÿ heka tai riwinyòhyre, rityhynyòmyhÿreki.

14

¹ Kia bedeu tahe Herodi, Kalileia iòlò, Jesuisini-ò roholare. Aõikòkò heka riwinyamÿhÿre. ² My heka rarybere teòdu mahãdu-ò: —Kia Joaõ Sebedÿÿdule aõbohe rubu-ribi riixixadÿÿnyre. Tai tahe tii aõikòkò riwinyamÿhÿre. ³ Herodi tahe juhuu Joaõ ròtenawo-ki riteònyre. Tii taseriòre hãwy òraru-ki kia wesemy riwinyre, Herodia òraru-ki wahe. Herodia heka Filipi hãwy rare. ⁴ Juhuu Joaõ Herodi-ò rarybere: —Awi aõkò rare. Kai dori aseriòre hãwy-wana atxiteri. Uritere heriòmyke. ⁵ Tai tahe Herodi heka Joaõ rubudÿÿmy riwisÿnyre. Urile ruberumy judeu mahãdu lau. Tamyreny Deuxu rybeduòmy rÿiramy Joaõ Sebedÿÿdu rare. ⁶ Herodi kai beòramy bede reareu tahe worana bedehesi ritxienyrenyre. Herodia riòre ijadòma heka iko-ò resemyhÿre. Iixe-ki tahe awimy Herodi rahare, Ijadòma luure wahe. ⁷ Tii tahe tamy rarybere kanakemy. Aõmybo wadee bexitòenykre. Inatyhymy adee ibutumy ariwahinykre. ⁸ Tai ise ijadòma-ò rarybere: —Aõma bexitòenykre: Sebedÿÿkÿdu ratilemy tamy bexitòenykre. Tai tahe ijadòma

tamy rexitòenyre: —Wadeke bidiwyke Joaõ Sebedȳk̄ydu rati, pratoro-ki. ⁹ Tai tahe iòlòhe rabadewore. Ibutu ijohonaru-ò dori tuu rarybere ijadòma-ò. Tahe ibutumy riwinyke r̄yire. ¹⁰ Tahe ihārele iòlò heka soldadoõ riteònyre ròtenawo-ò kia Joaõ rati resymy. ¹¹ Inyò diwyde pratoro-ki. Ijadòma-ò heka riwahinyre. Tahe tii tadi-ò idi rare. Riwahinyre. ¹² Idi tahe Joaõ eryd̄ȳna mahādu dioryde iumy, riwykremy, rituunykremy. Iribi tahe roirenyre Jesusiko relyre.

¹³ Kia roholareu tahe Jesuisi ròhònyre ixisohojilemy bederahu-txi. Hāwò-di rexitaranyre rare. Iny sòwemy bedede-di ròirenyre ihemy titxibo iru-ki rakemy. ¹⁴ Rehemynyreu tahe iny sòwehek̄ymy Jesuisi robire. Tai tahe Jesuisi riwotòenyre. Ibutumy riteytenyre webinadu mahādu. ¹⁵ Tahe ratxioronyre. Tahe ieryd̄ȳna mahādu tamy nade. Tamy rarybere: —Txuu ratxioronyra. Bederahy-ki dori atxiteri. Iny tahe biteònyke hāwā-ò tai r̄ys̄na ixidee riwykemy. ¹⁶ Tahe Jesuisi rirawyònyre: —Aòkòre, ariteònyòtyhy jiar̄y. Kaibohole tahe aõ tamy bidiwahinybedenyke. ¹⁷ Jiar̄yboho k̄ny diwatxiònyreru iruyre orotxu-di, utura inatxire. ¹⁸ Tai tahe Jesuisi narybede: —Bidiwahiny wadee. ¹⁹ Jesuisi tahe ibutumy iny asityre-ki ronykemy ris̄nyre. Orotxu inaubiòwa, utura inatxi r̄yire, utura-wana rimyre tahe ritehere biu-txi àlana Deuxu-ò riwahinyre. Idi tahe paõ riyreyrenymyhyre teòdu mahādu-ò riwahinyre. Idi rare iny sòwehek̄y-ò. ²⁰ Ibutumy iny riroxirenyre ihāre rihydyre. Kia iuhe-di ieryd̄ȳna mahādu 12 weriri rit̄xinyre. ²¹ Hābumy 5000 òsana r̄ymyhyre. Ihāre tahe uladu-di rariaòhyre hāwyboho-di.

²² Tahe Jesuisi taeryd̄ȳna mahādu riteònyre aho kanawe-ribi ijā-ò reuròrenykemy hāwò-di. Jesuisi tahe rarire iny sòwehek̄y mahādu rirybed̄ȳmy. ²³ Jesuisi heka iny tahetoreny-ò riteònyremy rahudi tahe tii raòwònyre hāwālò rat̄y-ò ixitòed̄ȳmy. Taihyyle idi bede roronyre ixi sohojihyyle. ²⁴ Kiaule hāwò ahotya-ki rare. Òbò nihik̄y-txi ixinalemy ratximyhyre. Tiò tiò òbò riwelòrò riwelòròm̄y idi rehumyhy. Yhy deade txura-ribi. ²⁵ Rudile tahe Jesuisi biura-di heka rare taeryd̄ȳna mahādu-ò, beratyredile heka rare. ²⁶ Iu Jesusile betyredile tamy rarau tahe, tiiboho heka ruberurennyre. Rirajuarennyre: —Wor̄ys̄ òsana inydee rareri. ²⁷ Tai tahe Jesuisi rarybere: —Aworeny bitamad̄ȳnybenyke. Jiar̄yle watxireri. ²⁸ Tahe Pedro rarybere: —Wanyr̄y, inatyhymy kai atxiteriwana heka wadee manyarybeke betyre-ki arariakemy. ²⁹ Tahe Jesuisi tamy rarybere: —Manake wahe. Aòwesele tahe Pedro hāwò-ribi ròhònymy reare, Jesuisi-ò rakemy. Betyre-ki rariare. ³⁰ Yhylemy tahe robure. Tii urile ruberure. Tai ijarahak̄ylemy riwis̄nyra berahatxi-ò. Tai tahe Pedro rarybere: —Biwatakewa Wanyr̄y. ³¹ Tahe Jesuisi rimyre: —Ainatyhynak̄ny ibutelemy atxiteri. Aòherekibo heka tiwatyhynyòteri. ³² Idi hāworo-ò wiwana rorukurennyre. Yhy ruhure. ³³ Ieryd̄ȳna mahādu Jesusim̄y reālāre. Inatyhymy heka kai Deuxu Riòretyhy tate.

³⁴ Tai tahe reuròrennyre Kenesare bedede-ò. ³⁵ Ibutumy iny kowa Jesuisi rieryrennyre. Ti ibutumy webinadu mahādu-ò relyyrennyre Jesusim̄y. Tahe hāwā ikòkò-ribi ritelenymy didydenyde. ³⁶ Tahe Jesuisi-ò rarybere. Ixinamy watyky-ò rerike, awim̄y relerenykemy. Ibutumy tamy rerire heka reytere.

15

¹ Jerusalē hāwā-ribi bede ywina bede eryd̄ȳna mahāduò dehemynyde

Jesuisi-wana rarybekemy. Tiiboho-wana tule fariseu mahâduð dehe-mynyde. Tiiboho heka Jesuisi-ò rÿÿraxirenrye: ² —Aðherekibo aerydÿÿna mahâdu teboreny risuhòkòreri roxiko-ki. Inydeereny kia bede ywina rare. Aðherekibo rityhynyòreri ihetxiu lahi rybe. ³ Jesuisi rirawyònyre ÿÿraxina-di: —Aðherekibo kaiboho Deuxu rybe tetyhynyòteri kaiboho lahirybele tetyhynytenyete. ⁴ Deuxu bede ywina kawesemy rarybere:

—Boo adi-wana ibutumy heka bityhynybenyke. Inyð ryhebina tadi-ò tyby-ò rarybekeki. Tii tahe ruruke, tuu bede ywina rybe wahe.

⁵ Kaiboho tahe kawesemy tebedeerynytemy tewitxiranyte: Inyð tadimy tybymy rarybekeki Wanieru Deuxu-ò wahisidÿÿnamy. ⁶ Tai tahe inieru-ei tyby tadi-wana riwiòhenanyòre kia bede ywina witxira tewinymahâte. Deuxu bede ywina rityhynyòreki. ⁷ Kaiboho itxerenadu mahâdu atxitenyteri. Isaia inatyhymy umy rarybereu:

⁸ —Kia mahâdu wadee rybe-di riwadeàlànanyrenrye. Wowydyna wadee ri-wahinymyhÿrenrye. Inatyhymy aòkò heka kai tarybemahâte. Arayky dori Deuxu-ribi irehemy ratximyhÿre. Teertythyòlemy heka atx-imahâte.

⁹ Iwowydyna heka wadee aò aòkò rare. Wabede ywina ribedeerynyòtyhy. Texibedeerynymahâtenyete abede ywinarenydile.

¹⁰ Jesuísí rexidelenymy ribedeerynyre: —Boholabeny warybe-ò. ¹¹ Brebuna roxina-di biroxibenykeki, aò adeereny ibinaòtyhy aò aryrenymy ralòmyhÿre aòkò heka ibinare. Ryribi ròhòmyhÿre heka ibinare, arybe wahe. ¹² Tai tahe Jesuisi erydÿÿna mahâdu Jesuisiko rarybere: —Fariseu mahâdu kÿny tamy awiòre kia wiji tuu tarybeta wahe. ¹³ Tahe Jesuisi rarybere: —Aðhere aòkò rare. Timyre aòkò rare. Ixinamy tuu raryberenrye. Iorutere-di nohòtirennyòmy. Kia fariseu bedeeryna lòbòròna wese rare. Waha ribòrònyòre. Ibutumy waha ribòrònyòre suribi mahâdu ritakre. ¹⁴ Inatxi hàbu ruetà wídee ryò ritÿnynymyhÿre wese. Hãwãry-ribi wiwanale hãloo-txi resekre. Tiiboho ixinamy biribenyke. ¹⁵ Tahe Pedro Jesuisi-ò rÿÿraxire: —Wakoreny inihe biditynnyke, roxina brebuna ijyy wahe. ¹⁶ Kaiboho ibutu wese atxitenyteri. Teeryòtenyete. ¹⁷ Ibutumy iny aò rirÿsÿmyhÿre weryri-di ramyhÿre tahe ròhònymyhÿre. ¹⁸ Tahe inyð ryhebinamy rarybemyhÿre. Tii iwo ibinare, irayky ibutumy ibinare tai wahe. ¹⁹ Raykywydyna binahakÿ-ribi heka òtaòtana, rubuna, wasina, ruina ujòmo inyry-ribi ròhònymyhÿre. ²⁰ Kia aòmydÿÿnana iny risurisumyhÿre, inydee ibinare. Tahe roxinako-ki iny tebò risuhòmyhÿré, kia tahe aò aòkò rare, ibina aòkò rare.

²¹ Iribi tahe kia-ribi ròhònyreu tahe Jesuisi rare irehetytymy Tiro hãwã-ò Sidò hãwã-ò. ²² Kana bede hãwyyò tamy nade. Tahe tamy rexitònenrye: —Wahí, Davi riòkòre, biwaruxetoenyke hewa. Waritxòre heka tykytyby bina-di iwoku-ki ratximyhÿre. Anohòkÿmy heka idi rotÿkÿnymyhÿre. ²³ Tahe Jesuisi aòmy rarybeòhyyre tamy. Taerydÿÿna mahâdu tahe rarybere: —Biteònyke hewa. Inyboho dori riixiranyrenryeri. ²⁴ Jesuisi tahe rarybere: —Jiarÿ Deuxu riwateònyre judeu mahâduòle, tabudoeni mahâdu iòre mahâdu wese wahe. ²⁵ Hãwyy ixityre nade. Tatiowotimy resere. Tahe ixityre tamy rarybere: —Biwawikòhenanyke hewa, Wahí. ²⁶ Jesuisi rirawyònyre: —Awiohedÿÿna kia wese rare aòma hàbuò tariòre-ribi rÿsÿna riwyra tahe idi rehura ijòròsaòle. Kiawese rarekre, jiarÿ arawiohenanykeki. ²⁷ Hãwyy rarybere: —Inatyhy rare. Kuladu-ribi ano rÿsÿna resemyhÿre bede-txi, tiki tahe itxòròsa ritxòre idi riwymy reakamy riròmyhÿre. ²⁸ Inatyhymy Jesuisi rirawyònyre:

—Kai ainatyhyna sôwere. Adee ariwinykre aomybo textitôenyteri. Iule iriôre reytemy rare.

²⁹ Tahe Jesuisi rôdsere ixityre Kalileia ahohokÿ-ò. Raðwònymy rare hãwãlò-ò. Iratytyre ronyre. ³⁰ Sôwemy heka iny webinadu didyde: itiere mahãdu, iruetã mahãdu, irybeò mahãdu, aò ikòkò heka bina bina witxira witxira idi rare. Jesuisiko-ò heka ritidirenyreki ibutumy riteytenyre. ³¹ Iny ruetã rÿira mahãdu itxeretyhymy riwinyre. Rarybekômy rÿira mahãdu, rarybemy rÿimyhÿ teysamy. Itiere rÿira mahãdu, rariamy rÿimyhÿ. Tai ibutumy iny ribedeòtiidÿÿnyre heka tahe judeu mahãdu Deuxu-ò wowydyna riwahinyre.

³² Jesuisi rarybere taerydÿÿna mahãdu-ò kanakemy. Tahe tamyreny rarybere: —Jiarÿ kÿny rewotôenyteri kainy mahãdu rÿireridi. Inataò txumy bedere riera waki. Aò heka ihokôre rirÿsÿrenykemy. Iòwedÿÿkòlemy ariteònykeki heka ijò reseke ryrowetyakile. Rama riatyke. ³³ Tai tahe ierydÿÿna mahãdu rarybere: —Inyboho bederahy-ki, titxibo heka rÿsÿna arimykre iny sôwehekÿ-ò ariwahinyrenykemy? ³⁴ Tahe Jesuisi tamyreny ritÿÿraxinyre: —Tiwesebo roxina-di atxitenyteri. Tahe rirawyònyre: —Debò inatxi reurò orotxu sômo sômomy idi watxireri utura deyre ijò rare. ³⁵ Jesuisi rarybere ibutumy iny ronykemy. ³⁶ Tahe tíi rexitôenyre Deuxumy reàlãre. Orotxu, utura-wana riereenyre tahe taerydÿÿna mahãdu-ò riwahinyre idi rakremy. ³⁷ Ibutumy riroxire heka kia iny sôwehekÿ ta rihydyre. Tabyre rahudi tahe riarire ierydÿÿna mahãdu. Tai tahe rahure tÿxihikÿlemy. Debò inatxi reurò weririmy heka ritÿÿxinyrenyre. ³⁸ Tahe 4000 hãbumy riòwenyre, kia txuu wahe. Uladu, hãwy-di rariaòhyre. ³⁹ Tahe Jesuisi iny-ò rarybere tasÿ-ò ròðsekemy ixyby. Iribi tahe Jesuisi hãwò-di reuròmý rare Magadã hãwã-ò.

16

¹ Fariseu mahãdu saduseu mahãdu nade Jesuisi-ò iurihixidÿÿmy riitxenanyrenykemy: —Aòbedeerydÿÿnabo heka biu-ki iribi rexitôenyre. Biwateòsinyke heka aòwiwihikÿ-di biu-ò jiarÿboho arieyrenykre, kai inatyhy tate wahe. ² Idi tahe Jesuisi rarybere: —Kaiboho heka awirenyre biuwetyky erys-yki. Jesuisi rarybere: —Kia rybe tarybemahãte. Txiorotxumy heka biuwetyy isòhòkÿra-ki, biurasòmý tahe awimý txu kedeakre. ³ Biurasou ibede lyby lybimý txu-di kedeakeki tahe biu ròahyyhy bedexu rariakre. Myhe tarybemahãte. Kaiboho heka iwitxira aòhebo rotÿÿnykre heka teerytenykòlemahãtenyte. ⁴ Iny kamahãdu heka ibutumy ibina binare. Tiu heka rityhynyòhymyhÿrenyre. Rexitôenymyhÿrenyre heka biu-ò rityhynykemy. Tahe riwahinyòtyhy heka aoma bedeerynaò. Kia Jonasi-ò bedeeryna rareòle tahe tamy rakre heka. Tahe Jesuisi rexitamy rare iribireny.

⁵ Idi tahe aho weribijã-ò reuròrenyre tahe, tòhòtirený rosare tarÿsÿnarený-ribi. ⁶ Jesuisi tamy rarybere: —Fariseu mahãdu, saduseu mahãdu iurina-ò bexiebenyke. ⁷ Ierydÿÿna mahãdu tahe widee rarybere: —Tii kia rarybere iny orotxu diwyòdeki. ⁸ Jesuisi roholare aomybo raryberenyre tahe tamyreny rarybere: —Aityhynarený urihimýore. Aòherekibo orotxumy jiarÿ rarybererimý tahòtintenyte? ⁹ Tiu kaiboho bierybenýtyhy. Iruyre orotxumy remyre. Idi 5000 hãbumy reòwenyre. Ihãre tahe weriri txÿxi tÿxihikÿlemy rÿimyhÿre rauhenyre. Itxi aòbo òhòtirený reakòmýhÿre. ¹⁰ Ixityreu tasÿ 4000my reòwenyre, debò inatxi reurò orotxu-di. Ixiyrubule rauhenyre. ¹¹ Jiarÿ orotxumy rarybeòre.

Fariseu mahādu, saduseu mahādu urina-ribi bexiebenyke. ¹² Tai ierydŷŷna mahādu rieryrenyre aomybo rarybemyhŷmy Jesuisi heka fariseu saduseu bederydŷŷnamy rarybereri.

¹³ Idi tahe Sesaria Filipi hāwā iòhòmy rehemynyre. Jesuisi rŷŷraxire taerydŷŷna mahādu-ò: —Iny wamy rarybereri. Mobo heka jiarŷ raremy heka wadi rŷireri. Jiarŷ Hābutyhyhykŷ rare, Deuxu Riøre wahe. ¹⁴ Ijò kŷny rarybemy rŷireri: —Kai riki heka Joaō Sebedŷŷdu atxiteri. Ijò riki Elia atxiterimy adi rŷireri. Ijò tahe Jeremiāmy adi rŷireri. Ijò heka Deuxu rybeduò riki heka atxiterimy adi rŷireri. ¹⁵ Tai tahe Jesuisi rŷŷraxire taerydŷŷna mahādu-ò: —Mowexe watxirerimy wexe wadi tahòtinytenyteri. ¹⁶ Simaò Pedro heka rarybere: —Kai Kristu atxiteri Deuxu deòdŷŷna heka tate. Kai heka Deuxu Riøre tate. ¹⁷⁻¹⁸ Tahe Jesuisi rirawònyre Pedro-ò: —Inatyhymy Pedro tate, Waha, biu-ki Mana ani rare. Boholake, ratximyhŷrele kia adee riteòsinyre. Iny aòkò kia adee riteòsinyre. Wadohodŷŷna mahādu kia mana tyre-ò ariwinykre. Rubu dori heka tiu ituedeòna. ¹⁹ Waiòlòna rayna heka adee ariwahinykre. Kabede-ki aòwidŷŷ adee binakeki tule biu-ki ariiònykre. Aòtxiletixbo aòwidŷŷmy burukre tasŷ biu-ki tule adee ariwinykre. ²⁰ Jiarŷ inatyhymy Deuxu deòdŷŷna rare. Tuu ijyyrenyòmyke.

²¹ Iribi tahe Jesuisi itŷny relymy taerydŷŷna mahādu-ò. Rurukremy heka relyyre: —Arakre heka Jerusalē-ò. Tai heka matuari mahādu, ònosòna be-deeryna mahādu, xiwena wahidŷŷdu mahādu-wana riwarubunykre. Inataò txu-di tahe ixyby rubu-ribi adexixakre. ²² Idi tahe Pedro heka Jesuisi ridyre ijò erydŷŷna-ribi tahe tamy rarybere: —Aòkòre, Wanyrŷ, tiu heka tiiboho ararubunrenyòtyhy. ²³ Tahe Jesuisi rarybere Pedro-ò: —Waribi bexihitxinyke. Kai heka Satanasi weselemy atximahāte. Iwese kai taraykynmahāte heka aò Deuxu deewinamy aòkò tuu tahòtinymahāte hābudeewile rare. ²⁴ Idi tahe Jesuisi rarybere taerydŷŷna mahādu-ò: —Inyò wawananomy rurukeki, ixi-ribi heka tòhòti rosake. Nomy rurukeki heka taitxeò rimyke idi tahe wahemy kanake. ²⁵ Inyò wahemy rariakemy ixi-di ròhòtinyhyke wana heka irumy inonana irehemy ixi-di ratxikeki heka tii ihārele ruruke. Inyò taumy riònykeki waòraru-ki tai tahe tii ròtake. ²⁶ Inyò heka ibutumy aòna aòna bedeki ributunykkeki. Tahe ihārele heka tii ruruke. Tule umytuedeòna riònyre. Aò tarasana tamy aò aòkò rare. Iny iruna riòwynyòhyymhŷre, ixyby tamy kanake wahe. ²⁷ Jiarŷ, Deuxu Riøre, Hābutyhyhykŷ dori kanake wana aòwesele. Taŷju loosòna-ki tii kanake. Iny ibutumy ariòwynyke bibutunymy aòbo iny riwinyymhŷré heka aòwiwihikŷ aòbina bina.

²⁸ Iu jiarŷ, Deuxu Riøre, Hābutyhyhykŷ, kanakeu tahe inyò kaibohoò tuu robikre, Iòlòmy kanakreu.

17

¹ Reare heka debò sohoji reurò txumy. Tahe Jesuisi ridyre Pedro, Txiau, Joaò-wana. Joaò tahe Txiau seriøre rare. Tahe raòwònyre tiiboho-wana hāwàlò ratòbhòkŷ raty-ò. Inyò heka tii wana raòhyyre. ² Ikoreny-ki tahe Jesuisi rexiwixiranyre. Iòsana heka roosòre. Txuwesehekŷle relere iòsana heka ratŷŷrŷnyre. Ityky tasŷ rauranyhŷkŷre. Tahe roosòna itoosònadihikŷre. ³ Iu tahe tuu robire Moisesi rubu, Elia rubu, Jesuisi-wana wídee rarybemyhŷreny. ⁴ Tahe Pedro tamy rarybere: —Awire, Wanyrŷ, kawese watxirenyreri kaki. Adee wikeki hetomy ariwinyrenykre ijò adeekre, ijò ta Moisesiòkre, ijò Eliaòkre. ⁵ Iu Pedro rarybereriule tahe biuwetyky urahakŷ

relere. Iyribile rybeð narybede: —Kia heka Wariðre waluu heka rare. Boho-labeny irybe-ò. ⁶ Idi tahe ierydÿÿna tamy roholareu, tahe ruberure. Tahe reserenyre iðsanaren y bede-ò. ⁷ Jesuisi tamyreny nade: —Breburenÿðmyke hewa bodorukubedenyke heka. ⁸ Reteherenyre tahe Jesuisi sohojile tai rÿire.

⁹ Iribi tahe diberenydenyde hãwãlò ratyy-ribi, Jesuisi narybede: —Uritere waijyyðmyke inyko wiji tuu tabitimy. Iu jiarÿ, Deuxu Riðre Hãbutyhyhykÿ, rubu-ribi riixixanykreu tahe tuu belyykre. ¹⁰ Tahe ierydÿÿna mahãdu Jesuisi-ò rÿÿraxire: —Aðherekibo tarybetenyteri —Elia juhuu kanakemy ako-ò juhuu kanakemy. ¹¹ Jesuisi rirawyðnyre: —Inatyhy rare tii juhuu kanakre. Ibutumy heka bede riywinykre. ¹² Tule ararybekre kiamy: —Elia nade tahe ihãrele heka iny rieryðhyre. Aðhðkÿmy risÿnyre. Iwese Elia aðhðkÿmy risÿnyre wesele tahe Deuxu Riðre Hãbu heka aðhðkÿmy risinykre, jiarÿ wahe. ¹³ Tai tahe Jesuisi erydÿÿna mahãdu rieryrenyre aomybo Eliamy tii raryberemy Joað Sebedÿÿdule tahe Jesuisi rarybere.

¹⁴ Iribi tahe dððsedenyde iny sðwemy riraðmy rÿimyhÿre. Hãbu-ò nade Jesuisiko-ò tatiowomy resere: ¹⁵ —Wanyrÿ, ruxetðena wariðre-di biwahinyke. Irayky awimy aðkð ratximyhÿre. Bera-txi resemyhÿre. Heòtyru-txi rese-myhÿre. Ibutumy aðna aðna riwinyrerimy ihÿre. ¹⁶ Aerydÿÿna mahãdu-ò heka adidyde tahe tiu riteytenyðtyhy. ¹⁷ Jesuisi rirawyðnyre tamyreny: —Kaiboho isira mahãdu atxitenyteri. Að heka inatyhyna heka akireny ijðkðre. Tiwese bede dÿÿnana bohe araðludunyrenyke. Bedese inihe bididy uladu wadee. ¹⁸ Tahe Jesuisi rarybere kia uladuwo-ki ratximyhÿð: —Iribi wa bohonyke! Tahe uladu reytemy reare.

¹⁹ Idi ierydÿÿna mahãdu Jesuisiðle rarybere: —Aðherekibohe jiarÿboho tyytybybina iribi reteðnykðteri? ²⁰ Aðmareki kiehe ainatyhyna ibutetyhyreki ðwòruty sðmowesele ainatyhyna ðikeki heka kai aðwiwihikÿ biwinyke. Kai hãwãlð-ò marybeke: —Iribi bexitake! Tai tahe hãwãlò rexitake iwitxira suò. Að aðkð adee isirake, ainatyhyna ðireki wahe. ²¹ Kia tyytyby bina iwitxira rare. Isiratyhyre heka. Kaiboho bexitðenybenykeki, binarehebenykeki, ixiery tyytybybina biteðnybenyke.

²²⁻²³ Kalileia bede-ki Jesuisi taerydÿÿna mahãdu-wana ributunyre. Tai Jesuisi rarybere tamy: —Jiarÿ, Deuxu Riðre Hãbu, rare. Tai inyð riwahinykre hãhubinað-ò warubudÿÿmy. Inatað txu-di tahe rubu-ribi adexixakre. Tai tahe ierydÿÿna mahãdu rabadewo nihikÿre.

²⁴ Iu tiiboho heka Kafanað hãwã-ò ritehemynyre, inyð Pedro-ò nade. Tii dohodÿÿna ðwy butudÿÿdu rare. Tahe rarybere: —Aweðu aðbohe tii rexiðwinykekð. ²⁵ Pedro rirawyðnyre: —Tii riðwinywymhÿre. Tai tahe Pedro rakemy reare. Iu Pedro tuu Jesuisi-ò rarybekemy hetowo-ò raloreu, Jesuisi juhuu rarybere: —Moribibo iðlò rexitðenymyhÿre ðwydÿÿnamy. Mynydu mahãdu-ribi aðbo ada ta taijoiribile aðbohe rotamyhÿre. ²⁶ Pedro tahe rirawyðnyre: —Mynydu mahãduðle rexitðenymyhÿre. —Inatyhy rare, Jesuisi rarybere. Iloið mahãdu ðsana riðwinyðhykymyhÿre. Jesuisi rarybere: —Ihãre tahe ròkðwydÿÿkre. ²⁷ ðbitimy rakaðwðnyrenyke. Kia Templo heto ðwmy. Ibinamy kia iny-ò ariwinyðtyhy. Kai heka makre ahohokÿ-ð awaxi-di behukre. Juhu utura kanakrele heka bidimykre. Idi iry biraynykre. Tai nieruð-ki mahake. Iribi biditam y tahe makre iny ðwydÿÿmy.

18

¹ Iule tahe Jesuisi erydžŷna mahādu tamy rehemynyre rŷŷraxire: — Mobohe Deuxu Iòlòna-ki nihikŷmy rarekre. ² Jesuisi heka ratximyhŷ uladuò ibire-ki. ³ Idi tamy rarybere: —Kai uladu weseleòmy mabeòkeki, Deuxu Iòlòna-ò malòbenyòtyhy ⁴ Uladu wese maraykynybenykeki heka, tii tahe Deuxu Iòlòna-ki inatyhymy rŷirakre. ⁵ Kai waòraru-ki uladu kawesemy biwiòhenanykeki tiwawiòhenanymahāte ⁶ Kai uladuò òraruna-txi resekemy risŷnykeki, kai abinatyhymy atximahāte. Inyò òy ritakamy reroti-di aratakemy heka inyò adi rehuke bera-txi. Tii tahe awityhyre adee.

⁷ Sòwemy heka aòna aòna rŷira wary-ribi iny riatykemy. Tii adee ibinatyhyre. Tiiemy heka tuhyr rarekre. Inydee heka ibinakre heka. Wary-ribi riòlòdžŷnymyhŷre heka tamy ibinakre. ⁸ Ebò òraru-ki tahe wainatyhyry-ribi bexitakeki, ebò biòròmy idi behuke. Awityhyre heka adee Deuxu Iòlòna-ò malòkre sohoji ebòdile. Inatxi ebò-di heòty bedebina-ò malòkeki, awiòre heka. ⁹ Tule arue sohoji òraru-ki kia òrarunamy beseke lau, urile bitake idi behuke. Arue wiò-di heòty bedebina-ò malòheny arue-di wiòle. Biu bedewihikŷ-ò malòke tahe awire heka arueyremy. ¹⁰ Iny nihikŷ ityhy iny yja mahādu heka tuuòre. Uritere heka iweserenyòmy atxibenyke kaiboho bexiijebenyke tamy. Iny aòkò mahādu dori tii iŷju dire heka. Iŷjurenny heka Deuxuko tii ibutumy relyymyhŷre turenny. Idi òhòtirenny-ribi bosabenyòke. ¹¹ Jiarŷ Hābutyhyhykŷ rare, Deuxu Riòre wahe. Ityhydžŷdukòdu mahādu ibutumy aritakemy anade. ¹² Rakawesenanykre heka kaijyy wesemy. Rakarybekre heka kahābu 100 budoeni ijòdire wesemy. Sohoji heka iòre iy-ribi. Kia hābu idi itxeredu tahe iy-ribi iòre rakre ijesemy. Iuhe tahe hāwālò-ki riroximy ririre. ¹³ Tai rahakre wana heka teysamy ratxikre. Kia sohoji òrarukile reysakre. ¹⁴ Iwesetyhylemy taheka inyò iòòtyhy Waha-ribi. Tamy dori kia ibinare.

¹⁵ Inyò adee rexiòrarunykeki tahe tamy makre rybemy. Uritere inywitxi-rako-txi rybeòmy tuu. Tahe tamyhyylemy marybeke. Aityhydžŷdu seriòre heka arybe-ò roholakeki, tahe ixi-txi tòhòti reake wana, ixi dee ibinamy ròhòtinyra wana, tai tahe kai ixyby tii-wana ityhydžŷdu seriòre biòwamy beleke. ¹⁶ Aòhe wana tahe arybe-ò roholaòhykre, tahe ixityre make inyò wana rexibiòwanymy.

Iny inatximy ixihe ki bidyke. Tii tahe arybe-ò ijohonaduke inatyhy raremy arybera-txi resekemy wahe. Iu dohodžŷna-ki rarybekreu, tai tasŷ tii rarybeke teòsamy aòkò ratximyhŷrelemy rarybeke. ¹⁷ Tii irybereny-ò roholaòkeki, tai tahe dohodžŷna mahādu-ò belykye. Tii irybereny-ò roholaòkeki, tai tahe biteònyke. Tii iwese òrarudu mahādu heka adee rarekre, bede dinodu-ò nieru wydydu wese wahe. ¹⁸ Iwese kaiboho waityhydžŷdu mahādu kabede-ki ròhòtinyre wesele, tule araykywesityhyle Deuxu biu-ki ròhòtinykre. Aòbo adee kabede-ki aòwidžŷ ibinare ada awire heka tule biu-ki ibinamy rarekre, awimy rarekre. Arybe riwitxiranyòtyhy kowa biu bede-ki. ¹⁹ Iwitxiraòmy adeereny ararybekre: —Ijò titxibo inatxi ada inataò ityhydžŷdu seriòre wiweselemy raraykynykre. Waha-ò rexitònenymyhŷreki iwese rexitònenyre wesele heka tamy riwinykre biu-ki. ²⁰ Titxibo waniòraru-ki inatxi, inataò wii ributunykre heka, jiarŷ taile watxireri.

²¹ Tahe Pedro rŷŷraxire Jesuisi-ò: —Bede erydžŷdu! Waityhydžŷdu seriòre heka wadee rexiòrarunykeki, tiwesebo sòwe ariiŷawididžŷnykre ixi-ribi debò inatxi reurò, my aòbo? ²² Jesuisi rirawyònyre: —Aòkòre, debòinatximy

aðkõre, 490 wesemy wahe. Ixityre ixityre biixãwidỹnykre. ²³ Deuxu Iòlòna kawesemy rare: —Iòlòò heka teòdu mahãdu kia contamy robikemy idi ratxireri. Tiwesebo inieru-di rasiranyre wesemy wahe. ²⁴ Sohoji teòdu juhoo dehemynyde. Sõwemy heka tevedỹna ratximyhỹre, 1000,000 womati tỹrỹrỹhỹkỹ nieru wahe. ²⁵ Inieruõre heka iòwydỹna wahe. Idi rohonykemy heka iweðu riteõnyre deòdu mahãdu wesemy. Tariõre-wana tahãwyy-wana ibutumy deòdumy roirekemy. Aõbo tai rỹimyhỹ heka ibutumy idi rohonyre. ²⁶ Tai kia deòdu heka tatiowotimy resere kia iòlòko-txi: —Waiòlòreny, tx-ioinihe biwaraðkre ariòwynykre ibutumy. ²⁷ Tai tahe iòlò riwotòenyre aõma ixinahykylemy ritusanyre. ²⁸ Tai tahe kia hãbu he rare kia urihimyò tamy radevenymyhỹò heka rexinohõtĩdỹnyre. Tai tahe hãbu lòtikile rimyre. Ri-erenymy resere ribòtòrartyxnyre: —Bidiwaòwynykre kỹnyhe wijityhyle. ²⁹ Tai tahe tatiowomy resere, rarybere: —Txiokre inihe ariòwynykre ibutulemy. ³⁰ Tai tahe rirutyre ròtenawo-ò idi riòtenyre. Riwotòenyreõhyyre. ³¹ Itxeredu mahãdu heka rabadewore tai tahe ibutumy relyyre iòlòko. ³² Tai tahe ixityre tamy rarariòwyre tamy rarybere: —Aõherewe, deòdu binahakỹ, jiarỹ araxãwidĩdỹnyre ibutumy inatyhy? Kai dori ixitòedỹna wadee tewinyta. ³³ Aõherekibohe aleina kia adee nadevenymyhỹde kia teixãwidinyòta, iwese jiarỹ araxãwidinyre wese. ³⁴ Tai tahe tii rimyre reburere itere iòlò, tai imynymy riteõnyre rotenawo-ò riòwynykre xiery riòlòdỹnykre. Tai aõhòkỹmy rotỹnyymyhỹre. ³⁵ Jesuisi rexihura narybede: —Kiawesele heka adeereny rarekre. Ityhydỹdu seriõre taseriõre riixãwidinyòkeki heka iwesele heka waha adi riwisỹnykre.

19

¹ Jesuisi ibedeerydỹna-ribi rexihureu, Kalileia bede-ribi ròhònyre. Bero Jordaõ weribijà-ò reurore, Judeia hãwã bede kanawe-ribi ijà-ò rehemyre. ² Tai tahe sõwemy iny webinadu mahãdu rỹire. Idi tahe ihemy rare. Ibutumy riteytenyre. ³ Fariseu mahãdu imynymy idi riwisỹnymyhỹre aõbinamy rarybekeki rimykemy. Tai tahe tamy dỹraximy namyhỹde aõsirahakỹmybo: —Iny bede ywinareny tahãwyy riteònymyhỹre urirybelemy, wiribi resekemy. ⁴ Jesuisi dirawyònyde: —Ritidỹnyamy aõbo tariaõmyhỹte idi? —Deuxu ibutu widỹdu heka juhoo hãbu hãwyy-wana riwinyre. ⁵ Idi tahe rarybere: —Hãbu heka tybyboho-wana tadiboho-wana wiribi rexihitxinyymyhỹre tai tahe tahãwyywanale wii ributunymy rỹira. ⁶ Inatxi heka sohoji weselemy rarekre, hãbu tahãwyy-wana. Deuxu heka hãbu tahãwyy-wana ributunyre, inyò heka tiu rihitxinyòtyhy. ⁷ Tahe ijõmy fariseu mahãdu ritỹraxinyre: —Aõherekibo Moisesi kawesemy juhoo rarybere: —Hãbu tahãwyy riteònykeki juhoo urile tyyriti tamy riwahinyke riteònykekoki. ⁸ Tahe Jesuisi kawesemy rarybere: —Kaiboho heka ieryna urihimyòlereki aõ isirareki heka kia riwinyre. Juhoo tahe kawese aõkò rỹire. ⁹ Aõmale tahe ixinamy riteònyke ixi-ribi òta òtadule heka aõwaxiny tuu riteònyre ixi-ribi. ¹⁰ Tai tahe ierydỹna mahãdu rarybere Jesuisi-ò: —Tahe kiawesekeki heka uritere heriõmy hãwyyõmy, hãbuõmy. ¹¹ Jesuisi tahe dirawyònyde: —Kaa bede eryna heka aõ ibutuhukỹ-ò aõkò tureri aõma Deuxu bede eryna tamy riwahinyymyhỹreòle heka tureri. ¹² Aõtxi-ki tahe tuu hãbuò rỹira hãwyyymy heridumy aõkò rỹira. Ijò hãbuò tahe tiiemy tunodumy rỹirerimy ihỹre.

Iwitxira hābu-ò rexiwahinymy r̃yireriki heka tuu r̃yirerimy ih̃yre. Ijò tahe tuu r̃yirerimy ih̃yre aōma Deuxu aōmys̃d̃ỹna òraru-ki wahe. Kaa rybe tahe inyò tahe rityhynykeki tii inatyhymy rityhynyke.

¹³ Inyò didyde uladuò Jesuisi-ò tamy rexitòenykemy tebò iraty tyre-ki roirerilemy. Ieryd̃ỹna mahādu tahe uritere iixirad̃ỹōmyke. ¹⁴ Tahe Jesuisi rarybere: —Ixinamy kanamyh̃yke uladu wadee. Uritere itinys̃renyōmy. Uladu wesemy dori Deuxu Iòlòna ròtedu mahādu ratximyh̃yre. ¹⁵ Jesuisi tahe iratytyre tebò ritidire tamy rexitòenyre. Idi tahe Jesuisi rare.

¹⁶ Aōu tahe hābuò Jesuisi-ò nade: —Eryd̃ỹdu, aōhebo arot̃ỹnykre. Aōma, timykibo umytuedeōna aritakemy wahe. Aōwid̃ỹ wiwihik̃ybo ariwinykemy.

¹⁷ Jesuisi rarybere: —Aōherekibo wadee aōwiwihik̃ymy wid̃ỹ t̃ỹraxiteri? Iny sohojile awi rare, Deuxule wahe. Kai bede ywina ibutumy bityhynyke, umytuedeōna hak̃y-ò molokre. ¹⁸ Aōbedeywinabo arityhynykre? Tahe Jesuisi rirawònyre:

—Rubud̃ỹōmy, Òta òta wid̃ỹōmy, wasiōmy, ruiōmy,

¹⁹ Adi boo-wana bityhynyke, iwese ixiluure wese heka abireludu mahādu luuke.

²⁰ Hābu rarybere: —Kia heka aōu aōu jiar̃y retyhynyre. Aōijōmybo arot̃ỹnykre? ²¹ Jesuisi rirawònyre: —Kai òbitimy mabekekile aōmyd̃ỹna-di ibutumy. Kia idi bohonyke òwy tahe biwahinyke urimynodu mahādu-ò. Tai sōwemy aōna aōna biu-ki ahōrōmykre. Iribi tahe biwaheludunyke. ²² Iu hābu kia roholareu tahe rabadewonihik̃yre inieru sōwereki heka rabadewore.

²³ Tai tahe Jesuisi taeryd̃ỹna mahādu ribedeerynyre: —Isiratyhyre heka biu bede-ò ralòke aōma ityhy nihik̃ykeki. ²⁴ Isirare heka aōma kamelo tyy rurena òtummy ralòke heka isirare, inatyhy? Tai tahe aōma ityhy mahādu ralòke tarasanamy reake heka isirare. ²⁵ Jesuisi eryd̃ỹna mahādu ribedeòtiinyre kai-ò roholareu. Tai tahe rōhòtiinyre: —Aōkōre isiratyhyre tuu ròte. Inyò tarasanamy reaòtyhy. ²⁶ Jesuisi tamyreny retehere tahe rarybere: —Inatyhy rare hābu-ò isirare. Deuxu dee tahe isiraōle rare. ²⁷ Tai tahe Pedro rarybere: —Jiar̃yboho ibutumy aōmyd̃ỹnarenymy adiridenyde. Araheludunymy watxiwāhāre. Aōma ritarenykre? ²⁸ Jesuisi tahe dirawònyde: —Kiamy heka adee ararybekre. Jiar̃y Deuxu Riòre Hābu tyhyhyk̃y wahe. Kaiboho heka tule borukubenyke aiòlònaryna-ki iu ibutumy rat̃ymyarakre. Kaiboho iny sohoji sohojimy judeu ijoio biywisid̃ỹnanybenykre, waijoi waòinatxi reurò mahāduò wahe. ²⁹ Inyò kia ibutumy aōbo waòraru-ki ririmyh̃yre iwese taheto ririmyh̃yre waòraru-ki, taseriòre, tadi, tyby, uladu, taoworu, ririmyh̃yre. Kia sohoji sohoji-ribi heka aō sohoji sohoji òwymy 100 ritakre. Tule umytuedeōna ijōmy ritakre. ³⁰ Inyò nihik̃ymy ityhymy ratxirerimy ih̃yre, tii iyjalemy relekre, aōma aōkò tai relekre. Tule iyja nihik̃ymy relekre. Sōwemy urimyn-odu kaki r̃yirerimy ih̃yre tahe biu-ki inihik̃ymy rarekre.

20

¹ Jesuisi tas̃y riteòsinyreri ijyò timyrebo Deuxu Iòlòna. Hābu aōmys̃d̃ỹdu heka oworu wid̃ỹmy heka riteranymy tamy rarybemyh̃yre: ² —Aōmamy araòwynykre, sohoji prata womati nieru, iwese ibutumy raòwynymyh̃yre wese, sohoji txuòwy wahe. Tai tahe tii raaòmys̃d̃ỹre uwa oworu-di raaòmys̃d̃ỹmyh̃y. ³⁻⁴ Idi tahe tii reare 9 horau tule, txutyeyu tule, titxibo iaòmys̃d̃ỹna r̃yireri titxibo hābu teaòmys̃d̃ỹmyh̃yò. Tahe tuu robire urile ratximyh̃myhe idi retehemyh̃y. Tai tahe tamy rarybere: —Maaòmys̃d̃ỹke

hewa, waoworu-ki. Ikonana txu heka òbitihyky araòwynykemy adi watxireri. ⁵ Tiiboho raaòmýsýdýýre tule. Txutye tasý ixiyrubule ijò riteranyre aòma iwese kia juhú ijò-ò rarybera wesele. ⁶ Txuinyòbira-ò ijò rimyre, tule ijò txiorotxure. ⁷ Iruyre hora-ò ijò tasý riteònyre. ⁸ Tahe txiorotxumy ròhònyra tahe kia iòwdýýdu tamy rryre. ⁹ Tahe 1 womati nieru tamy riwahinyre, sohoji hora raaòmýsýdýýre mahàdu wahe. ¹⁰ Tahe txusohojimy raaòmýsýdýýre tahe iratyre ròtakremy ixi-di ròhòtinyre. Tahe tule riòwynyra iwese ijò riòwynyra weselemy, 1 womati nieru, sohoji sohoji wahe. ¹¹ Tai tahe rimyre nieru urile tamy rexibinanymy rarybere: ¹² —Kowa heka sohoji horale raaòmýsýdýýhàrele heka 1 teòwynyta. Jiarý boho tahe txuhyy raaòmýsýdýýra, bede tòtee-ki wahe. ¹³ Tahe iwedu rarybere: —Wabiòwa, adeereny rarybera. Wiji 1 womati nieru ariwahinykremy heka inatyhy? Tuheka adeereny rewahinyre. Aribi rawasinyora. ¹⁴ Boibenykre heka ibutumy araòwynyneri. Wiwesetyhylemy heka araòwynyrenyneri, iwese rarybere wese. ¹⁵ Hora sohojilemy raaòmýsýdýýraò sohojimy wanieru ariòwynykre inatyhy. Tamy wanieru ariwahinykemy ixideewimy, aòhe inatyhy? Aòherekibo tebureteri? Jiarý urihimyo raaòmýsýdýýraò wawiremy tarybetenyteri wahe. ¹⁶ Jesuisi tahe rexihure kia rybe-di, kiamykre bede: —Ikoludu heka ihewoludu-ò resekre. Ihewoludu tasý iko-ò resekre.

¹⁷ Tai tahe Jesuisi ròwònyre Jerusalē hāwā-ò. Iny-ribi tawaò inatxi reurò mahàdu rihitxinyre. Tamy relyyre timybo aòhebo rotýýnykremy Jerusalē hāwā-ki: ¹⁸ —Jiarý, Hābutyhykyký adee ararybekre: —Inyò riwawahinykre aòma-ò Xiwenā wahidýýdu wedu mahàdu-ò. Tule diwatyhenykre judeu wedu mahàdu-ò. Tahe riwarubunykemy heka tiiboho wamy rarybekre ijò iny-ò. ¹⁹ Tii heka riwamykre tahe riwawahinykre Roma iòlò-ò, judeukòdu mahàdu iòlò wahe. Ibinatyhymy aòhebo riwasýnymy riwahetenyre. Itxeò nihiký-ò riwatamadýýnykre. Tahe txu inataò-di rubu-ribi areixixanykre.

²⁰ Zebedeu riòrese Jesuisi-ò nade. Tatiowotimy resere tahe rexitòenyre aòmybo Jesuisi-ò tariòre-wana nade. ²¹ Jesuisi tamy rarybere: —Aòbo rare hāwyy rarybere: —Waritxòre inatxi hābu rare. Tikiboho kýnyhe, aikòlònykuna rynana-ki ronykre awana. Ijò aruruna-txi, ijò ahywe-txi wahe, kai aikòlòkuna-kò malokreku wahe. ²² Jesuisi heka iriòre-ò rarybere: —Kaiboho aòmybo textitòenyteri teerykòleteri. Kai Txiau, kai Joaò, teerytenyte aòbo aòhebo wadi rotýýnykre arurukre dori jiarý kaiboho tulekre? Tiiboho dirawyònyde: —Tulekre. ²³ Tahe Jesuisi rarybere: —Inatyhy rare kaiboho tule aòhòkýmy botýýnybenykre. Tahe moba warora-txi ada waruruna weribi rynana-txi ronykre. Jiarý reerykòre. Wahale heka rieryre. Tiile tamy riywinyre. ²⁴ Idi tahe debòwiò ierydýýna mahàdu kia rieryre aòmybo Txiaaku Joaòboho rexitòenyrenyrá. Tai tahe tiiboho rakyarananyrenyre. ²⁵ Tahe Jesuisi ibutumy taerydýýna mahàdu tamy kanakemy rarybere: —Iny iòlò iruru dire. Ibutumy dinodu tahe kia weselere —taijoi mahàdu riteònymyhýre. Teòdu mahàdu riteònymyhýre. ²⁶ Tahe aò tuukre aòkò heka rare ayreny-ki. Inyò dinodumy ixidíkre heka deòdumy rarekre. ²⁷ Kia iny nihikýmy ixi-di rexinohòtinyneri tasý aò aòkò tii rarekre. ²⁸ Iwese jiarý riwinyre wesemy heka rarekre. Hābutyhykyký aò dinodumy aòkò anade. Iwese deòdu rýira wesemy heka nade waumy riwahinykremy rubu-ò kabede-ki. Tai sòwemy iny ritakre.

²⁹ Iu Ijeriò hāwā-ribi ròirenyreu, tahe sòwemy iny riheludunyre. ³⁰ Inatxi

iruetàmy heka ronymyhÿ iu Jesuisi ibire-di rareu. Tiiboho roholarenhyre kia Jesuisi raremy. Rexidelenhyre ryryre Jesuisi-ò: —Davi riokore, wadee hewa ruxetòena biwahinyke. ³¹ Tai tahe iòhòmy iny iribi rÿimyhÿ rarybere: —Txiokre inihe, biyryke! Ixityre ryryre tarurutyhy: —Inynyrÿ Davi riokore, Biwawotòenyke hewa. ³² Jesuisi tamy rarybere: —Aòwexe adeereny ariwinykre. ³³ —Wanyrÿ, Kai wa bidiwaruenykre warue biraynykremy. ³⁴ Tahe Jesuisi riwotòenyre iruebymy reare tebò-di. Aòwesele tahe ruòmy reare. Tai tahe Jesuisihe riheludunhyre.

21

¹ Jesuisiboho tahe rehemynyrenhyre Jerusalē hāwā iòhòmy. Betabaji hāwā-ò heka rehemynyre. Kia Oliveira hāwālò-ribi irehemy aòkò ihÿre. Tahe Jesuisi inatxi iny riteònyre hāwā-ò, taerydÿÿna mahādu wahe. Tamy rarybere: ² —Juhu hāwā dele-ò malokreule aòma bobikre, jumenta tariòre-wana. Tahe bitaanalawekre ta bididykre kaò. ³ Inyò aratyÿraxykyre wana, tai tahe kiamy bisÿnykre aòma: —Wawedu hewa idi ratxikemy rōhōtinyreri. Tai ki tahe ahemy kiditeònykre. ⁴ Kia ihetxiu ritidÿÿna tuheka relemu roimyhÿre. Kamy rarybere: ⁵ —Marybeke heka Jerusalē hāwā-ò:

—Deuxu Iòlòna heka kanakre adeereny wahe. Tii inihikÿ wesemy aòkò kedehemynymy, jumenta tyre-ki heka kedehemynykre.

⁶ Tahe ierydÿÿna mahādu riwinyre iwese Jesuisi rarybere weselemy. ⁷ Didyde tahe jumenta tariòre-wana. Ihetyreny jumenta tyre ritidire. Jesuisi ityre ronyre tahe idi rare. ⁸ Tahe inyò sòwemy-ribi tahetyreny-di rehumyhÿre iryko-txi idi rariakemy ityre-di. Ijō tasÿ hereru-di iryko-txi rehure iryube hetymy ityre-di rariakemy. ⁹ Sòwemy tai iny rirajuamy rÿimyhÿ iko-ò, ihewo-ò:

—Iòlò Davi riokore heka sòwemy iny wowydyna tamy iny riwahinyreri. Tii Deuxu Riòre Hābu rare. Deuxu deysana heka tamy biwahinyke!

¹⁰ Jesuisi hāwā-ki rehemynyreu, ibutumy iny ribedeòtiidÿÿnyre: —Mohābuwe kia ralòreri Jerusalē hāwā-ki wahe? ¹¹ Tai tahe iny mahādu rarybere: —Aòkòre, kia Deuxu rybeduò rare. Jesuisi inire Kalileia bedè-ribi Nazare hāwā-ribi dehemynde.

¹² Tahe ralore Deuxu dohodÿÿna heto-ò. Tai kia aòna aòna-di rohonyreri heka riteònyre. Kia aòma nieru wiuròna iòwòruwebese tahe riatyre. Kia aòma bòtòe dohodÿÿdu ryna ibutumy ritxiwire riatyre. ¹³ Tahe Jesuisi rarybere: —Deuxu Tyryiti rarybere:

—Dohodÿÿna heto heka waha heto rare, ixitòedÿÿna heto rare.

—Kaiboho heka inywasidu mahādu-di tetÿxinytenyta. ¹⁴ Sòwemy iny itiere, iruetà, nade Jesuisi-ò dohodÿÿna heto-ò. Jesuisi taile riteytenyre. ¹⁵ Tahe xiwena wahidÿÿdu wedu tuu robire. Tule judeu bede ywina bede eryna mahādu robireu tahe, aòma uladu templo-ki rryrmy rÿimyhÿò aòma: —Davi riokore heka Deuxudeewina rare. Tai tahe kia rybe-ò reburerenhyre. ¹⁶ Tiiboho tahe raryberenyre Jesuisi-ò: —Kai aòbo taholate aòbo rarybereri. Jesuisi rirawònyre: —Kohe, raholare. Kaiboho teeryòtenyte:

—Uladu dori wowydyna tamy riwahinykre. Tiu aòbo tariatenyòhyymahāte kia Tyryiti-ki.

¹⁷ Tahe Jesuisi iribi rōhònyre Betÿnia hāwā-ò. Taile tahe ruu idi rÿire.

¹⁸ Biurasò txumy tahe tii dòòsede Jerusalē-ò. Tahe rama risare iu.

¹⁹ Òwòruò tai rÿire. Tai tahe diaride figoraty-ò. Tahe iratyòre, txirule rÿire.

Tai Jesuisi rarybere òwòru-ò: —Tiu heka kai maratynyòtyhy aòwesele tahe irade rairuxȳrure. ²⁰ Tai tahe ierydỹna mahādu heka ribedeòtiidỹnyre: —Timykibo heka aòwesele rairumȳròmy reareri. ²¹ Tahe Jesuisi tamy rarybere: —Kai ainatyhyina ijòdikeki heka iwesele biwinyke. Iratyre biwinyke. Kaiboho heka bitxiònyòkeki kaa hāwālò-ò dori marybekre kiamy: —Iribi bexitake tahe aho-ò boikre. Tai hāwālò-ò aòwesele heka aho-ò roikre. ²² Aòtxile kai bexitòenykre heka adee ijò rỹikre. Bityhynytyhykeki, tahe ibutumy bitake.

²³ Tai Jesuisi dehemynde Deuxu dohodỹna heto-ò. Tai tahe ròbedeerydỹmy ratximyhỹ. Tahe xiwena wahidỹdu mahādu, tule judeu bedede ywina erydỹna mahādu tule tamy dỹraximy nade. Tai tahe Jesuisi-ò rỹraxire: —Morurudibo heka kai aomydỹnana tewinymahāte? Mobo heka arateranyre kia biwinykemy. ²⁴ Tai tahe Jesuisi tamy rarybere: —Kai aòbo mȳraxikeki wadee tai ako tuu arelyykre. Kai dỹraxinaòmy bidiwatỹnynykeki tahe, adee tuu arelyykre. ²⁵ —Joaò Sebedỹdu heka morurudibo nade morybekibo tuu tadiwinymahāte wesemy. Morybekibo Joaò iny risebenymyhỹre. Deuxu Rybe-ki aòbo ada iny rybe-ki aòbo. Tai tahe widee rarybe raryberenyre: —Aòma Deuxu Rybe-ki tuu ròsebedỹmyhỹre. Mykeki rakarybenykre taheka: —Aòherekibo tetyhynytenyòte myle tii risỹnykre. ²⁶ Aòmamy rikisỹnyrenykeki: —Iny rybekile tii tahe nade. Mȳ rikisỹnyrenykeki tasỹ kia ijoi inydeereny rakyarananyke. Joaò Sebedỹdu dori ibutumy iny rityhynyrenyre moma tii Deuxu deòduò ratximyhỹre heka. Rakarybenyòkre tahe. ²⁷ Tai tahe Jesuisi-ò raryberenyre: —Aòkòre, reeryrenyòre heka irawyòdỹ tixiribibo iruru nade. Tahe Jesuisi rirawyònyre: —Tule jiarỹ ȳraxina adeereny aritỹnyrenyòtyhy. ²⁸ Ijò Jesuisi rellyre: —Timybo maraykynybenykre ka ijymy arelyykre. Hābuò heka inatiximy iriòre raremyhỹ. Tariòre dela-ò rarybere: —Dàà, maaòmys̄dỹkre waoworu-ki, wiji wahe. ²⁹ Tahe tamy dirawyònyde: —Waha, araòkre hewa. Ihārele tahe tawo rirahòrere rakremy. Tahe rare. ³⁰ Idi tahe tyby rarybere helỹna-ò: —Kai tule makre waaòmys̄dỹna biwinykre: —Dei wahe, arakre araaòmys̄dỹkre. Ihārele tahe tii raòhyyre. ³¹ Adeereny inihe arāraxikre. —Tibohe weryrybò aòma tybyrybe rityhynyre? Tai tahe dirawyònyde: —Juduludule irybe rityhynyre. Tai tahe Jesuisi tamy rarybere: —Iny òrarudu tyhy heka wydena-wana ralòkre biu bedede ròtena-ò. Ihārele tahe kaiboho birònybenyòtyhy. ³² Joaò Sebedỹdu dori adeereny rarybere. Ihārele tahe kaiboho ixitxiireny aòrarureny-txi òhòtirenre reakemy Deuxu bityhynykemy. Kaiboho heka teramy tekoamahāte tahe sòwemy òrarudu mahādu wydena mahādu rityhynyrenyre. Kaiboho tuu tabitenyte ihārele teerytenykòte.

³³ Ijò ijymy arelyykre:

—Hābuò heka uva oworuhukỹle ritòbrònyre. Tahe òtityna riwinyre. Tai tahe utà riwinyre yrubudỹdu mahādu itxerenamy.

Tai tahe rihuòtere oworu wahe hābu mahāduò-ò. Tii tahe rabetetỹinymy rare taheto-ribi. ³⁴ Iu uva bederaty kia siredenamy bedede reareu, riherehe txuramy ixidee ritxuakemy wahe. ³⁵ Tai tahe huòtedu mahādumy heka teòdu mahādulemy raòhòtere. Ijò tahe rirubunyre ijò manadile tamy rehanany rỹimyhỹ. ³⁶ Iribi tasỹ teòdu mahāduò didyde sòwetyhymy juhuna ludu ratyre. Tahe ixbyble tuu raòhòtere juhūu iwese tuu rotỹnyra we-sele. ³⁷ Tahe iwedutyhy ròhòtynyre: —Aòma wariòrele kòri ariteònykre. Tai tahe wariòre rityhynykre heka. Tahe tariòre diteònyde. ³⁸ Tahe huòtedu

mahādu weryrybòmy robireu, tahe wideereny rarybere: —Kaa heka iwedu riòrele rare. Aōma iwedu rurukreu iaōna aōna, ioworu heka ixideereny rikimynykre. ³⁹ Tahe rirubunyreny iumy-di rehurennyre oworuro-ribi.

⁴⁰ Tahe Jesuisi rarybere: —Adeereny araŷraxikre aōbo iwedu tamyreny riwinykre huòtedu mahādu-ò iu tii rehemynykre wahe. Timybohe tii riwinykre? ⁴¹ Tiiboho dirawyònydenyde: —Kia rirubunykre ibutumy hābu bina. Inywitzira-ò huòtenamy ele eleny wijuramy riatykre-ò riwahinykre.

⁴² Tahe Jesuisi tamy rŷŷraxire: —Kaiboho aōbo Ryberiti-di tariaòletenyteri:

—Mana-di heka heto widŷŷdu rehumyŷŷre kia manale heto hàtxi-ki ritidimy roimyhŷŷre. Jiarŷ kia mana wese rare. Inynrŷ Deuxu kia riwahinyre. Tai awi heka rare. Ijò riwiòhenanyre, mana wahe.

⁴³ Tahe Jesuisi tamyreny rarybere: —Tule jiarŷ adeereny ararybekre: —Deuxu Iòlòna heka aribi ritakre. Tahe inywitzira-ò aribi riwahinykre. Inyò txura wylemy riwahinykremy Deuxu-ò. ⁴⁴ Kia iny mana tyre resemyŷŷkre heka tii heka wiòròmy ixòdumy rare. Mana inytyre resekeki tasŷ iny risururunyke. ⁴⁵ Inyò roholakeki kia aōbo aōma xiwena wahidŷŷdu mahādu roholamy rŷimyhŷ tule fariseu mahādu. Tule rexierymyŷŷreny tii boho Jesuisi turenyle rarybereri heka rierymyŷŷreny. ⁴⁶ Tai heka tii mahādu rimykemy idi riwisŷnymyhŷ tahe iny sōwehekŷ lau ruberumyŷŷreny. Iny mahādu dori idi rōhòtiny tii Deuxu rybeduò ratximyhŷremy.

22

¹ Jesuisi heka rexideleny iyyymy relyykre: ² —Timybo Deuxu Iòlòna rare iyyymy heka relyykre. —Iòlò heka tariòre herinamy worana bedehesi riywinyre. ³ Iaòmydŷŷnana ròrarukòmy rŷidi tahe teòdu mahādu iòrysmy roire. Rexihumy rŷireriki iaòmydŷŷnana, kanakremy wahe. Tahe òrysna noderamy reare. ⁴ Ijò riteònyre teòduò iny ritobinykre. Aòhere tahaka, wabroreni kŷnyhe rerubunyre heka. Ibutumy heka waaòmydŷŷna rehumy rŷireri. Tahe kedea kedea heka kòdòidenyke heka. ⁵ Tahe timy heka irybe rityhynyrenyòhyre. Iny sohoji sohoji tatyyresi-di ijohona-ò, ijò taaòmysŷdŷŷna-ò rea reare, ijò taoworu-ò reare. ⁶ Ijò lobidŷŷna reburere teòdu mahādu dee. Tii teòdu dee heka rawobinare. Ijò aòbina bina heka ritxienyre ijò rirubunyre dori. ⁷ Tai tahe iòlò reburere lobidŷŷna mahādumy bina bina raòhòtedŷŷnyre, rirubunyre. Ihāwā ritoonyre. ⁸ Tai iòlò rarybere teòduboho-ò: —Waworana bedehesi rexihumy rŷireri ibutumy. Kia iny mahādu ijoi juhuu retobinyra heka aò ibina heka roire. Urile riòmysanymyhŷreny. ⁹ Tai tahe ibutumy boibenykre hāwā-ò ibutumy iny-txi bekoabenyekre heka bitobinybenyekre ibutumy waworana bedehesina-ò kedea kedea kre. ¹⁰ Tai tahe didyde iny wiwihikŷ, iny ityhy iny bina mahādu. Hetowo tahe ritŷxire tŷmyra mahādu-di. ¹¹ Tahe iòlò ralore hetowo-ò kia iny mahādu dee rybemy. Tahe tii robire hābuòmy kia worana bedehesi kia tykŷòmy ratxirerimy. ¹² Tai tahe tamy iòlò rarybere: —Waliiny, aòherekiwe worana bedehesi kia tyky-di aòkò atxiteri? Kia tahe hābu rybeòmy riijere. ¹³ Tai tahe iòlò aōma rarybere teòdu mahādu-ò: —Bimybennyke kaa hābu. Waa bitaataabenyke imy behubenyeke tahe idi diòlòdŷŷmy idi rehukre luruhukŷ-ò. Tai Aòhòkŷmy dŷŷnana-ki tai txuraruti rikyikyiny. Tai rahinykre. ¹⁴ Tai tahe Jesuisi rarybere: —Sōwemy iny heka kidirahukre tahe ibutemy kanaarikre.

¹⁵ Tai tahe fariseu mahādu rōhōnyre wii rotyre. Aōbinamy Jesuisi rary-bekeule heka rimykeny idi rīmyh̄y. ¹⁶ Kia aōma fariseu ijoio heka riteōnyre Jesuisi-ō. Tule Herodi ijoio mahādu riteōnyre. R̄ȳr̄axire Jesuisi-ō: —Eryd̄ȳdu, kai heka hābuwī tate, hābu ōbiti. Kai heka tōbedeeryd̄ȳmahāte Deuxu deewinamy. Awire aōbo ariōwynyrenykre Roma hāwā mahādu dinodu-ō. ¹⁷ Kai heka ixinamy aōma adee iny rarybererimy ih̄yre. Timybo iny raraykynyrenimy ih̄yre. Iny bede ywinareny aōbohe ixinamy nieru aōna aōna ōwyd̄ȳnamy rōhōnyke aōbohe awire? ¹⁸ Tai Jesuisi heka rierymy h̄y aōma awimy aōkō tai rahareri heka rexierymy h̄yre: —Kaiboho ōbitimy aōkō toite. Aōherekibo heka kai biwaitxenanybenykeny wamynymy wadi atxitenyteri? ¹⁹ Timybohe nieru-ki rakaharenkyre aōna aōna ōwyd̄ȳnamy. Biditeōsinke kia-ō arierykremy. Tai tahe tamy riteōsinke womati nieruō. ²⁰ Tahe Jesuisi rit̄ȳr̄axinyre: —Motytybybo koa r̄yre. Monibo ityre-ki koa roire? ²¹ Tai tahe rirawyōnyre: —Roma hāwā iōlōnile tai roire. Tai tahe Jesuisi rarybere: —Tibo Roma hāwā iōlō nierubo heka tamy biwahinykre. Tibo Deuxu nierule tas̄y tamy biwahinykre. ²² Tai tahe urile ribedeōtiid̄ȳnyre. Tai ririrenyre rōirenyre.

²³ Tahe kia txule saduseu mahāduō heka dōidenyde Jesuisi-ō. Rityhynyōhyymy h̄yre kia aōma rubu-bibi ixixana heka rityhynyōhyymy h̄yre, saduseu mahādu wahe. ²⁴ Tamy rarybere: —Eryd̄ȳdu, Moisesi tyyr̄iti heka kawesemy ribedeerynyre: —Aōma hābumy hāwy heridumy roikeki aōbohe timykibo hāwy uladu-di ratxikeki. Hābuō iriōrekō-di rurukeki tai tahe iseriōre heka iriōrese tyby-wana roike. Tai heka kia hābu rubuweleu, kia derōwymy heka uladu ritybienyke.

²⁵ Aōu heka debō inatxi seriōremy kaki ras̄ynymy raremy h̄y. Telareny heka roire hāwymy tahe iriōrekōlemy rurure. Tahe ihāwytybyhe kia iseriōrewanale roire. ²⁶ Ihel̄ȳna s̄y tule rurure. Kia heka ibutumy debō inatxi reurō tii-wana roiyyre iriōrekōule. ²⁷ Tahe hāwy heka tule rurure. ²⁸ Tai tahe kia ruru-ribi rexixakreu tahe, tiwexe ihābukre? Ibutumy dorihe tii-wana heka roilehek̄yl̄era. ²⁹ Tai tahe Jesuisi rirawyōnyre: —Kaiboho teeryteny kōlemahāteny te timybo Tyyr̄iti-ki roimyh̄yre. Deuxu ruru tule teeryōte. ³⁰ Tiu iny rubu-ribi rexixakreu iwitxiramy rexixakre. Ÿju wesemy ronykre. Timy heka hābumy hāwymy roiōtyhy. ³¹ Kaiboho heka tetyhynytenyōhyymahāteny te rubu-ribi ixixana. Idi heka tariatenyōhyymahāteny te timybo Deuxu rarybere? ³² Kiamy heka rarybere: —Jiar̄y heka Abraō Deuxu rare. Ijai Deuxu rare. Ijaō Deuxu jiar̄y rare. Tii heka iro mahādu Deuxu heka tii ih̄yre rubu mahādu Deuxu aōkō wahe. ³³ Iu iny sōwe ribedeerynyreu, tahe urile iny ribedeōtiid̄ȳnyre.

³⁴ Fariseu mahādu doidenyde Jesuisi-ō wii rotyrenyre. Roholareki wahe aōma saduceu mahādu ribedeōtiid̄ȳnyrenykeki. ³⁵ Bede ywina er̄ȳd̄ȳna mahāduō r̄ȳr̄axire heka aōmybo Jesuisi-ō. Tii rimykeny heka idi riwis̄ynymy kia rybebinaōmy rirawyōnykeki rimykeny. ³⁶ Tahe r̄ȳr̄axire: —Eryd̄ȳdu, ti-bohe aōbo bede ywina kia-ribi aōnityhymy hewe bedēōtiid̄ȳnamy ratximyh̄yre. Wakoreny inihe tuu bedelyykre. Tibo kidiōtiid̄ȳnamy ih̄yre. ³⁷ Tahe Jesuisi dirawyōnyde: —Iny Deuxureny iny iōlōreny luuke heka. Ibutumy awo-ribi heka iluuke, ibutumy aruruna-ribi, ibutumy arayky-ribi luuke heka. ³⁸ Tii heka inatyhy bedēōtiid̄ȳna tyhymy ratximyh̄yre ibutu bede ywina-ribi. ³⁹ Ijō ihel̄ȳna tahe iwesele heka rare: Iwese ixiluure wese heka ibutu luuke.

⁴⁰ Ibutumy Moisesi bede ywina heka juhuhu rare. Tule Deuxu rybedu mahādu erydŷŷna heka iribile rare. Kia bede ywina inatxi-ribi heka ibutumy iny bede eryna rōhōnyre. Kia inatxi bityhynymy bohonykeki iuhe heka tetyhynmahāte.

⁴¹ Iu fariseu mahādu iweroramy rŷimyhŷō tahe rŷŷraxire Jesuisi tamy: ⁴² —Mobo Deuxu deōdŷŷnamy ihŷre, Kristu wahe? Moriōrebo tii ihŷre. Tai tahe tiiboho rirawŷōnyrenyre: —Moma Davi riokore ōsana. Tahe ijō Jesuisi rŷŷraxire: ⁴³ —Tai tahe aōherekibo Davi heka Wanyrŷmy rininire Deuxu Tyytybytyhy irybe riwiōhenanyreu wahe. Davi dori kawesemy rarybere: ⁴⁴ Deuxu wawedu-ō rarybere.

—Bodonyke warurunawe-ribi, jiarŷ heka aōludu mahādu-di arawo-txi.

⁴⁵ Davi tawedumy Kristu rininirehāre, timykibo Kristu iriokore riokorekre.

⁴⁶ Tahe inyō heka Jesuisi rirawŷōnyōhyre. Tai tahe ruberumyhŷre tamy rŷŷraxike lau.

23

¹ Jesuisi heka iny sōwe nihikŷ ribedeerynymyhŷ taerydŷŷna mahādu-wana. Tii rarybere: ² —Judeu bedeerydŷŷdu mahādu heka Moisesi bede ywina bede erydŷŷna mahāduō rare. fariseu mahādu tule bede ywina riwinymyhŷrenyre. ³ Iwese ribedeerynyre wese tahe bityhynkyre. Uritere iwese tii riwinymyhŷre wese uritere iwidŷŷōmy. Aōwidŷŷmy rarybemyhŷrenyrehāre tahe aōwitxira heka riwinymyhŷrenyre.

⁴ Tiiboho heka atyrereny riōdōnynihikŷmyhŷre bede ywina. Ihāre tahe rityhynrenyōhyymahārenyre. ⁵ Aōma ōbitimy ratxike sŷny heka iny tamy roholamyhŷre ixi-di ratxirerimy ihŷre. Aōma walabu riōreō heka rŷimyhŷre axiō-ki bede ywina heka ritidimy roimyhŷre ityky ijeti retydyna bede ywina-txi tōhōti reakemy tuu riwinyrenyre. Sōwemy heka iretydyna riwinyrenyre. ⁶ Ronymyhŷreu heka ikoōhōkŷle ronymyhŷre, worana bedehesina rŷi-wana wahe. Dohodŷŷna heto-ki heka tule ronymyhŷre, iko-ō tuu rexisŷnymyhŷ. ⁷ Hāwāy-ki iny tamy rryrmymhŷre: —Waerydŷŷdu, Habimy, kia tahe irybe-ki bede erydŷŷdu rare. Tii tahe tamyreny awire.

⁸ Tai tahe Jesuisi tamyreny rarybere: —Kaiboho heka uritere Habimy inyō adeereny irykōmy ihŷke. Deuxu sohojile bede erydŷŷdu heka rare. Ibutumy kaiboho seriōre wesemy atximahātenyte. ⁹ Kasu-ki taheka inyō heka tiu wahamy inyō widee rarybeōtyhy Deuxu biu-ki ratximyhŷrele tuu bininibenyke heka. ¹⁰ Uritere Wawedu myŷ inyō kia nidŷŷōmy. Deuxu deōdŷŷnale heka awedu ratximyhŷre Mesia wahe. ¹¹ Anihikŷmy ixi-di mohōtinykeki tahe, kia iny biwiōhenanyke. ¹² Kia ityhy rare ixi-di rōhōtinyamhŷre, tii heka ihewo-ribi rabadewokre. Ihewo-ribi tahe aōma aōkō relekre. Kia iaōkōmy ixi-di rōhōtinykre tahe nihikŷmy heka relekre.

¹³ Belāhaxe! Kaiboho itxenadŷŷyluku. Ibina adeereny kanakre, kai bede erydŷŷna mahādu, fariseu mahādu. Kaiboho uritere iny rōtedŷŷrenyōmy Deuxu Iōlōna-ō. Kaiboho birōnybenyōtyhy tule iny rōtedŷŷ-ō biebenyke. Kaiboho bexisŷnybenyke ōbitinamy. ¹⁴ Aixitōedŷŷna rehereheki wahe hāwā ube-ki. Kaiboho urile iny teitxenanymahātenyte. Aōma wytese urimynodu heka iheto-ribi teteōnymahātenyte kaiboho heka abinarenyre. Tai heka kaiboho yla aōkō aōhōkŷmy botŷŷnybenyke. ¹⁵ Belāhaxe!

Kaiboho ibutumy iny aratyhynrenykeny ixi-di tahōtinyamahātenyte. Tai heka iny tesŷnymahātenyte ōrarudutyhymy wahe ixiratyre heka

teijiradÿÿnymahâtenyte. Aòraru-ki heka aòhòkÿmy botÿÿnybenykre. Iny-di atxikemy heka tahòtÿnymahâte. ¹⁶ Kaiboho rueta mahâdu wesemy kai ahâte. Kaiboho heka kia wesemy tebedeerynytenyte. Inyò heka Deuxu bede eryna heto riwawiohenanykeki heka aòna aòna ariwinykre. Myÿ marybebenykeki, heka aò aòkò heka rare. Deuxu dohodÿÿna heto womati tÿrÿrÿhÿkÿ-di marybekeki heka, tii heka rityhynyhy. Ibutumy heka kia bede ywina òta òta tewinymahâtenyte. ¹⁷ Kaiboho heka bede erydÿÿdu bede erytyhykò mahâdu atxitenyteri dohodÿÿna heto kia-ò ralòkeki. Aòbo bedeòtiidÿÿna tyhyre womati tÿrÿrÿhÿkÿ aòbo ada dohodÿÿna hetole aòbo teeryòte, Deuxu Dohodÿÿna heto wahe. ¹⁸ Kaiboho tule tebedeerynyte kawesemy. Inyò tarybe inatyhy-di rarybekeki, tai heka kia xiwena wahidÿÿna-di rarybekeki, tai tahe tii rityhynyòkeki, awira. Tahe tii xiwena wahidÿÿna tyre-ki rarybekeki tahe, tii òbitimy heka rarybeke. ¹⁹ Kaiboho rueta mahâdu wese, kaiboho heka erydÿÿnakòdu mahâdumy toite. Aòbo awityhyre? Xiwena wahidÿÿna aòbo ada ityre-ki wahidÿÿna roimyhÿre aòbo? ²⁰ Wahisidÿÿna heka wiwesele rare. Aòma xiwena tyre-ki roire wana tule wiwesele rare. Aòma xiwena tyre-ki roiòre wana wahe heka aò aòkò rare. Xiwena utàle heka rierymyhÿre inatyhy rare. Myheka kai mararybekeki heka tai tahe kai heka xiwena utàlemy tarybeteri. Ibutumy iny ityre-ki rÿire bohomy tule heka tai tuu tarybeteri. ²¹ Deuxu dohodÿÿna heto òraru-ki kai koityhyxemy marybekeki heka tai heka kai dohodÿÿna hetomy tarybeteri hàre tahe Deuxu iwo-ki ratxirilemy tuu tarybeteri. ²² Biu òraru-ki ka koityhyxenyteri marybekeki, Deuxusÿmy tarybeteri. Tii dori tarynana-ki ronyreri. ²³ — Belàhàxe! fariseu mahâdu! Kaiboho heka itxenadÿÿdu mahâduò toite. Tule bede ywina bede erydÿÿdu mahâdu. Adeereny heka ibinamy ratxikre. Arÿsÿna uri juraò heka kai Deuxu-ò tewahinyte, hortelâ, erva-doce, cominho wahe. Kaiboho heka aòninihiÿ tetyhynytenyòhyymahâtenyte. Iwese òbitina, ruxetòena, inatyhyna kia-ribi heka òhòti losamyhÿre ibutumy. Aòmydÿÿna jura wahisidÿÿna heka awi rare. Tahe tule uritere òhòti losaòmyke aòwitzira-ribi wahe. Aòbo bedeòtiidÿÿnare bede ywina-ki. Kaiboho heka bede erydÿÿdu toite hàre tahe teerytenyòte. ²⁴ Belàhàxe! Kai hàbuò wese rare. Tiiboho imona berareny-ribi ohoruxòmo riarimahàre. Ihàrele tahe tiiboho iròdu nihikÿ rirÿsÿmyhÿre. Iwesele kaiboho tule terÿsÿmyhÿtenyte. ²⁵ — Belàhàxe fariseu mahâdu, bede ywina bede erydÿÿna mahâdu. Amona deoreny tesuhòmahâtenyte iwe. Iwo tahe ka isuhukÿlemy rÿimyhÿre. Itxenadÿÿna rÿire. Aòma aumy weselemy heka kia ratximyhÿre. Aòma aumy heka webòròsityy tyrare heka. Araykywo-ki tahe ibutu itxenadÿÿ heka tai rÿimyhÿre. ²⁶ Belàhàxe fariseu mahâdu! Kaiboho tarueta mahâdu. Kai mona hynawo bisuhòke heka biòtinky. Aòma bisuhòke ihÿre tahe arayky bityranykre. Tahe ibutumy heka aumy ryranykre. ²⁷⁻²⁸ — Belàhàxe fariseu mahâdu! Kaiboho heka koityhyxenyteri. Rubu heto wiwihikÿ ixideereny tewinymahâtenyte. Kaiboho heka iwesetyhylemy toite. Aòma webòròsityldu heka iruxeramy idi toite. Aòma aworeny-ki tahe aòma iny rubu idi ròhòkÿdileka atxitenyteri mahâtenyte. Ibutumy aòbina bina awo-ki arayky-ki idi atxiteri mahâtenyte. Aumyreny-ki heka tykiwihikÿ texitikyny mahâtenyte. Aòma hàbu wihikÿwesemy. Hàbu òbitimy matxibenyke myheka iny adi ròhòtirenkyemy heka tuu texitikynymahâtenyte. Araykywo-ki tahe arimyrenywo-ki tahe ibutu itxenadÿÿna-di heka toite, òrarudu mahâdu toite. ²⁹ Belàhàxe! Tai heka kaiboho Deuxu rybedu mahâduò rirubunyre. Kaa nohòti ijaranamy tuu tewinymahâtenyte. Awabederenywo-ki heka

noijasa ruxerahakÿle tetidite. ³⁰ Kaiboho heka tarybemahâtenyte. —Tiu wahareny riwinyre wese heka ariwinyrenyôtyhy. ³¹ Kiamy tarybeteu heka hâbu bina riôremy texininite. Bowesele toite. Iriôre toite. ³² Iwese juhûu ibinamy riwinyre wese heka iwesetyhyle aôhebo tatÿÿnymahâtenyte. ³³ Iwese hemylala deborehekÿ wesemy heka kaiboho atximahâtenyte. Boreny tule iweselere. Timybo heka kaiboho heôty bede-ribi mahenybenyke? Kaiboho heôty bede-ô hoibenyke. ³⁴ Adeereny ariteônykre aôma Deuxu rybeduô hâbu erydu, tyryiti erydu wahe. Kaiboho bidirubunybedenykre. Ohodÿÿna heto-ki ijô bidihetenybedenykre awaru hetenaô-di. Itxeôtyre-ki ijô bidirubunybedenykre. Ijô heka biheludumykre hâwâ hâwâ-ô tamy ibinamy riwinykremy. Aôhökÿmy dÿÿnana heka tamy biwahinybenykre ijô hâwâ-ô rakreu. ³⁵⁻³⁶ Kia heka hâbu ibutumy rurure tyby ôraru-ki wahe. Dohodÿÿna hetowokile rirubunyrenyre. Kaiboho Abeli juhûu terubunyenyte ikonana tahe Zacaria, Barakia riôre wahe. Ôbitityhy juratya-ki heka tuu tewinyntenyte. Wijinabôdu mahâdu tai aôhökÿmy rotÿÿnykre. Ibutumy ibinamy kai atyre-ô kedeseke. ³⁷ Jesuisi ikonana tahe rarybere: —Jerusalê hâwâ mahâdu, kaiboho heka terubunyenyte Deuxu rybemy rybedu mahâdu. Jiarÿ heka aramykemy adi rewisÿnyreri wariôre wesemy tahe waderarenyre kaiboho. Iwese hâniefô iriôre ridyre wese idewo-ki. ³⁸ Aheto heka ixisohojilemy rÿimyhÿre. ³⁹ Kaheka ararybekre adeereny: —Wamy heka bobiôtyhy ixityre. Kai heka Deuxu deôdÿÿna bidykreule wamy bobikre. Iu rarybereu, Deuxu deysanamy, wamy bobikre.

24

¹ Iu Jesuisi rôhònyreu dohodÿÿna-ribi, ierydÿÿna mahâdu tamy rarybere dohodÿÿna heto itxeremy rôikemy, eleri-ô wahe. Tai tahe Jesuisi dirawyònyde: ² —Inatÿhy rare, awi heka rare. Urile tahe kidiixâwididÿÿnykre heka. Timy heka manaô wityre-ki roiôhykre. Ibutumy bede-ô idi rehukre. ³ Iribi tahe Jesuisi rehemynyre Oliveira hâwâlò-ô heka ronyre. Tai tahe erydÿÿna mahâdu tii ritÿÿraxinyre iny sôwe-ribi: —Tiubohe ibutumy kedeixixâwididÿÿnykre. Tiuboho ibutumy bede konanadÿÿnamy reakre. Timybohe rikieryrenykre kai bedehemynyke aôma bede ibutumy rexihukre. ⁴ Tahe Jesuisi tamy rarybere: —Uritere inyô aitenadÿÿômykre. ⁵ Sôwemyhe iny itxenadÿÿnamy rÿirakre. Jiarÿ Kristu rare, Deuxu deôdÿÿna heka jiarÿ rare, myheka adee kanarybekre. ⁶ Kaiboho heka boholamy mabekre iny aôbina rôhònymyhÿkre: boholamahâkre. Ihâre tahe iny rarybekre aôma: —Karibi heka aôbina urihimyo rôhònykre. Myhe rarybemahâkre. Ihârele tahe kôdòôseôkre aôma ikonana urihimyo. Ibutumy heka kia wesemy relekre. ⁷ Aôma kia wesemy heka bede roimyhÿ rarekre aôbo iny witxira witxira heka ibutumy iôlôna heka riteranymyhÿkre. Aôbinamy. Tai heka raaôbinanymy rÿirakre. Aôma rama ijara reakre. Bede ibutumy ramytatakre hâwâô-ki. ⁸ Kia heka iwese hâwyw uladu dese wesemy robumyhÿre wese tukre. ⁹ Adeereny heka aôhökÿmydÿÿnana tiiboho riwahinykre aôma wani ôraru-ki wahe. Ijô kaibohoô heka ararubun-nyrenykre. ¹⁰ Sôwemy heka iny riatymyhÿkre wary-ribi heka riatymy rir-imeyhÿkre. Wii rityhenymyhÿkre. Widee rakyarananymyhÿkre. ¹¹ Rybeetna rybeduô heka sôwemy kedehemynykre tahe kia heka sôwemy iny riitxe-ryanymyhÿkre. ¹² Iu heka ôraru nihikÿ iu rôhònykremy roimyhÿre. Sôwemy heka luuna-di rÿiramyhÿ katahe wiji ixâwikre heka ihomy aôkô relekre. ¹³ Kia idi hyy rÿirakre ikonana-ô. Tii mahâdu tahe tarasanamy reakremy rÿira.

¹⁴ Ibutumyhe kia iny-ò rybe tñnydññamy reakremy rñira, Deuxu Rybewihiký Tñmyra wahe. Ibutu iny wixira wixira heka roholakre rybe wihiký-ò. Kia rahudi hikýle heka taheka kedehemynykre heka ikonana. ¹⁵ Aõbinahaký tyhybohe ibinatyhy rñikre. Tii heka rñikre heka aõma Deuxu ubetyre-ki, Deuxu isý-ki, kiaweselemy heka rñikre. Bieryke aõbo kia rare. Bieryke aõbo kia rare Danieli heka Deuxu rybeduò ihetxiu kiamy heka rarybere:

¹⁶ —Judeia mahādu bede-ribi tahe kia bihenybenyke. Ibutumy heka bõibenykre hāwālò bede-ò biòturònykre.

¹⁷ —Kia bededññanau heka tiu aõ bimýõtyhy ahetowo-ribi. Tiiemy heka ròhònyhýkyle rakre aõwesele wahe.

¹⁸ Iu bedero raaõmysýdññykre heka tiu kòdòòseõtyhy tatyky itxemy. ¹⁹ Tule aõma hāwyw bòtòmy rñira kia bedeu aõhòkñmy rotññnykremy rñira. Kia tohouā-di ratxireri tahe tamy isirakre heka itybiedññy idi raked heka isirakre. ²⁰ Bedejutytykòkemy heka bexitòenyke ahena mahenykeu. Tule sabado txu aõkòkemy bexitòenyke. ²¹ Tiu heka aõhòkñmy dññnanamy iny rotññnyõhyymhýre kaa aõhòkñmy dññnana nihikñmy. Tule tiu tuu ro-biõhyymhýre. ²² Kia Deuxu irokorehemynykre wana heka ibutumy iny ituekre. Kaa urihimýòlekre wana tahe kai Deuxu hõrò mahādule tuukre.

²³ —Aõma Mesia heka kowa-ò rehemynyra, Deuxu deòdññna wahe. Ihāre tahe kai heka inyò adee rarybekemi tahe tetyhynýõhyte heka. ²⁴ Kia iu kedehemynykreu tahe aõ Kristu tyhy aõkò heka rarekre. Aõma rybedu itxenadññydu heka tule aõna aõna wiwihiký riwinykre. Aõma ityhydññydu dori riitxenanykemy idi riwisñnykre: ²⁵ Boholake, juhūu dori adee relyyreri ibutumy aõhebo rotññnykre. ²⁶ —Aõma arateòwarinyre dori tuu. Kia Mesia, Deuxu Deòdññna heka ròosereri. Beteheke bederahy-ki, tule hetowo-ki. Iu tahe timy heka tamy itxeremy raõtyhy inatyhy aõkòreki. ²⁷ Iu jiarý Deuxu Riòre Hābutyhyhyký arehemynykreu ibutumy heka rierykre loosòna delaana wesele heka wadehemynyna heka rarekre biu ibutumy ritñxinykre. ²⁸ Iwese aõ rubu roimyhýre, rara heka tamy rabutumyhýre. Kaiboho rierykre iu rehemynykreu. ²⁹ Iu kia bede dññnanamy reakreu tahe txulyby heka kòdòhònykre. Ahādu tule rybinykre. Taina tule ixewesehekýle kanakre.

Ibutumy ramytatakre biu-ki. ³⁰ Iule tahe kia wadehemynynamy iny robikre. Sõwemy heka hinana ibrunana bede bedemy rñirakre. Ibutumy heka iny robikre wadehemynynamy biuwetyky-ki, jiarý dori, Deuxu Riòre, Hābutyhyhyký rare. Loosòna ruruna sõwekre, tahe arehemynykre. ³¹ Tule wajuròna-di, ýju aditeònykre iu, ajuròna wodññhñký-di. Tahe ibutumy wahõrò mahādu he ixidee aributynykre bede bede-ribi, ibutu rehetyhy-ribi wahe. ³² Jesuisi tule relyyre: —Ijyyõmy heka ako arelyykre. Kai heka ibede erylany bimykre. Iu kia figueira òwòru hābu wiji tybieheký. Kia aõma iruru tñmyra rurunymhýré. Tule aõma txirubò tñmyra ròhònykre. Tiu tahe bierykre. Kai iòhòra bohe wyra. Myhe tamy besekre. ³³ Iwesetyhyle taheka kai heka bierykre. Aõma wadehemynyna ròhòny relekre wahe aõbitikre wadehemynyna iu, aõhòkñmydññnana wahe. ³⁴ Tiu kia bededññnanaule heka bedekònyna rexihukre. ³⁵ Biu heka bede-wana ituekre warybe tahe aõu aõu heka rñihyymy rarekre. ³⁶ Inyò heka rieryõhyymhýre. Tiubo txuu ruu kai konany rñimyhýre wahe Ýju dori tiu rieryõhyymhýre. Aõma, jiarý Deuxu Riòre dori rieryòre. Aõma Waha Deuxule tahe rierymyhýre. ³⁷ Noe bededññnana wesemy heka rñimyhýkre iny risinykre kia bedeu. ³⁸ Ibutumy heka worana bedehesi rñikre kiau. Lisisò tahe rñikre. Herina lisina aõma

hāwyyemy herina. ³⁹ Tahe Noe bededŷŷnana wesemy heka reakre. Iu heka beòra rariare. Tahe rityyhyŷŷhyre tiiboho. Tahe heka raòwònyre rariare ibutumy ituere. Iwesele tii heka rarekre heka, wadehemynyna Deuxu Riòre Hābutyhyhykŷ wahe. ⁴⁰ Inatxi hābu heka oworu-ki raaòmysŷdŷŷkre. Ijò heka rakre dynamy reakre. Ijò tahe rarikre. ⁴¹ Tule inatxi hāwyy heka raaòmysŷdŷŷkre heto-ki ratzikre mai risyrenykre. Ijò heka dynamy reakre ijò heka rarikre. ⁴² Tai heka iny rexiywinymy rŷimhyŷkemy rybe roimhyŷre awedureny kanakreki. Tiubo rehemynykre, teeryòte. ⁴³ Aòma hābuò kanakeki heka tiu aòma hābuò itxeredumy ronykeki heka, tiu hābuò iribi rawasinyòtyhy. ⁴⁴ Bexiywinymy heka wadehemynyna biijemy bonyke, jiarŷ Deuxu Riòre Hābutyhyhykŷ wahe. ⁴⁵ Ijò Jesuisi relyyre: —Inyò tadinodu deòdutyhymy ratzikreki, tii aòmysŷdŷŷna riwinyhy ronymhyŷke tamy. Itheto riywinyhyke. Teòdu mahādu txuò txuòlemy riywinyamahāke. ⁴⁶ Kia riwinykeki, deysamy rarekre teòdu rehemynykreu. ⁴⁷ Inatyhymy ararybekre: —Kia deòdu tadinodu aòmydŷŷnana ibutumy idi riywinykre, riyrubunykre. Tii ibutu wedu rarekre. ⁴⁸⁻⁴⁹ Ibinamy tahe tii ròhòtinykeki, kiawesemy riwinykre: Deòdumy raòhòtemyŷ, lisilemy ronymyŷ, riroximyŷ momodu mahādu-wana riòmyŷ. Tii ixidee rarybekre: —Wawedu kedehemynyòtyhy, aòtxile ariwinykre. ⁵⁰ Iu rehemynyòkremy ròhòtinyreu, iweðu kiale rehemynykre. ⁵¹ Tai tahe raòhòtebinakre. Heòty bede-ò riteònykre, Iwese itxena mahādu tii riteònykre wese. Kia-ò rahinykre, robukre, txuraruti rikyikinyymy aòhòkŷmy dŷŷnana òraru-ki.

25

¹ Jesuisi ijò relyyre: —Kia txu heka Deuxu Iòlòna ka ijyy wesemy rarekre. Debòwiò ijadòma heka hābumy herina riraòmyŷrenyrene. Iny sohoji sohoji heka toosòna riwyre iximynamyna. ²⁻⁴ Iruyrele tahe tòhòti reare aòma adŷŷ-di ritŷxinykemy. Ihony tahe tòhòti rosare iruyre wasŷ, ijò tule ihyna-ki riwykemy. ⁵ Weryrybò rehemynyòre, tai tahe ijadòma mahādu ele rihynymy rŷimhyŷ tehemyynyna riiraòmyŷrenyrene. Iny sohoji sohoji heka toosòna riwyre iximynamyna. ⁶ Tai tahe rarybera: —Tŷmyra mahādu-ò wahe rehemynyre. Birybenybenyke ruwetya. ⁷ Tai tahe ijadòma mahādu he ritaranymy rŷimhyŷre. Toosò itŷnytyhymy rookemy. ⁸ Kia ijò tahe tòhòti rosare mahādu tahe uritere riijere. Itoodŷŷmy idi riwisŷnymyŷ. Aòma widee he rexitòenyre: —Urihimyò inihe wahòrò-kò biditxiwike karihukòtekre. ⁹ Tai tahe kialemy risŷnyre: —Anokòre wadehunale dokuri rŷire. Bikòryke tahe ijò itxe tahe. Maa. ¹⁰ Idi tahe ròireny iòbradŷŷmy. Tai titxi tai rohonomyŷhŷreò. Iòrysmy iòbradŷŷmy ròirenyra rookile tahe dehemynyde kia tŷmyra mahādu wahe. Tahe rironyrenyrene ibutumy riroxikemy. Riratòbònyrenyrene. ¹¹ Tai tahe kia iruyre ijadòma iòbradŷŷmy rare tahe dehemynyde: —Wahì, itxòtòbòna wadeke bidirakynybedenyke! ¹² Tai tahe kialemy rirawyònyre: —Jiarŷ umyreny reeryòre. Kie riki ijyy. ¹³ Tahe Jesuisi rarybere: —Tai kaiboho bexiywinymy ahābenyke wadehemynyna biijebeny. Teerytenyòte dori tiubo adòòsekre.

¹⁴ Tii ijò rarybere: —Ijò ijyyemy adeereny arabedeerynykre timybo Deuxu Iòlòna raremy. Inyò heka rakemy ratximhyŷre ijò bede-ò ratŷinykemy. Tii tahe taaòmydŷŷnana ririre teòdu mahādu-ki. ¹⁵ Tanieru tahe tamy riwahinyre timykibo isiraòmy nieru ritamyŷhŷre myheka tamy riwahinyre. Ijò-ò 5000 riwahinyre. Ijò-ò 2000 riwahinyre. Ijò-ò 1000 riwahinyre. Idi tahe tii

rare tabede t̃inamy. ¹⁶ Kia iruyre ritara heka aōna aōna riōbranymyhỹre. Diwymyhỹre tas̃y idi rohonryerimy ih̃ỹre. Tai wylemy heka inieru rabuture. Ijō ixityre iruyremy ritxienyre iratyretyhy. ¹⁷ Kia ijō inatximy tamy riwahinyre tas̃y tulere aōwesele raaōmys̃ỹd̃ỹre ta rōtare tule ijō inatximy ixityre. ¹⁸ Kia sohojimy tamy riwahinyre tahe urile riyrubunyre inieru hāloole riare tamy tahe riyrubunkemy heka riare. ¹⁹ Sōwemy rabadēd̃ỹnana-ribi tahe iwedureny dehemynde. Tahe tamyreny rarariōwyre takōtareny riōbitinykremy. ²⁰ Iruyre riwyre heka debōwiō diwyde: —Beteheiny wawedu ijō iruyre anieru tyre rebutunyre. ²¹ Tahe tawedu sōwemy riwowydynyre iaōmys̃ỹd̃ỹna wiwihik̃my rōhōnyraki wahe. Kiamy heka tamy rarybere: —Ōbitimy idi taaōmys̃ỹd̃ỹteki heka. Sōwemy heka adee ariwahinykre riywinykemy. Aōwaxinyhe bitelenykre aōmys̃ỹd̃ỹna. Kai heka wawana beysanihik̃kre. ²² Idi tahe kia inatximy rōtarē s̃y dehemynde: —Beteheke, inatxi tas̃y inaubiōwa ixityre adee rewinyra. ²³ Tahe iwedu rarybere: —Awityhymyhe taaōmys̃ỹd̃ỹta! Kai heka deōdu wihik̃y tate. Kai ibutedile sōwemy tewinyte tahe sōwemy ixityre adee ariwahinykre riwahinykemy. Kai heka wawana beysanihik̃kre. ²⁴ Kia sohojimy tamy riwahinyre tahe rarybemyhe retximyhỹ: —Kai heka hābu nieru tarasaery heka tate. Aō taaōmys̃ỹd̃ỹteri-ribi aōkō heka nieru tetamahāte. ²⁵ Tai heka jiar̃y raberumahā alau watxireri. Tai heka rewore iny lau. Tahe tii sohojidile ratxireri. ²⁶ Iwedu rarybere: —Kai heka eoruxerere, awi aōkō heka tate! Inyō tehuōtekōta heka idi urihimyō ityre rōtakelemy wahe. Kai tiwaeryte wahe. ²⁷ Aōherekibo banco-ki aōkō tetidite. Kia huōteōwy wanieru-ribi ritarerimy ih̃ỹre. ²⁸ Bitabohe kia nieru-di atxitere, tahe kia debōwiō ritaraō wahe biwahinykre. ²⁹ Kia ōbitimy raaōmys̃ỹd̃ỹra heka sōwetyhymy rōtakre. Kia ōbitimy raaōmys̃ỹd̃ỹōmyhỹre kia heka rōōnod̃ỹkre. ³⁰ Kia deōdu bimy-benyke. Tii dorihe ibinatyhyre inihe bede luruhuk̃y-ō idi behubenykre. Tai heka tii aōhōk̃my rot̃ỹnykre rahinykre.

³¹ Jesuisi tahe ikonana rarybere: —Iu jiar̃y, Deuxu Riōre Hābutyhyhyk̃y, arehemynykreu heka Waiōlōnary-ō aronykre. Arehemynykre wãyju mahādu-wana. ³² Ibutumy heka bede iny mahādu wako-ki ributunykre. Iwese budoeni itxeredu heka tabudoeni, buddē-wana wiribi rihitxinymyhỹre wese heka bede iny mahādu wiribi arihitxinykre. ³³ Wabudoeni heka warurunawe-ribi aris̃ỹnykre. Buddē tahe wahywe-ribi arihitxinykre. ³⁴ Idi tahe waruruna ludu-ō ararybere: —Manake hewa, beysabenyke. Waha Iōlōna-ō rokonykre. Myheka tamy ararybekre. Juhuu bedeu ihetxiu heka ywimy adireny kia r̃yimyhỹre. ³⁵ Rama tahe riwasanyreu r̃ys̃ỹna wadee tewahinytenyete. Iu bemy rarureu, wadee tewahinytenyete. Jiar̃y heka tori rare as̃y-ō tiwadytenyete. ³⁶ Jiar̃y heka watykyhoho aōkōu, kaibohole wadee tewahinytenyete. Binamy r̃yimy rarewāhā, waroramy tadōitenyete rōtenawo-ō. ³⁷ Tai tahe ōbiti mahādu rarybekre: —Wanyr̃y, tiu taheka ramamy heka wadeereny teate —Adee rewahinyrenyre? Tiubo heka bemy tarumy tatemahā adee rewahinyrenyre? ³⁸ Tiubo heka kai torimy tatemahā idi wahetoreny-ō aradyrenyre. Tiubo atykyōmy tatemahā-di, tyky adee rewahinyrenyre. ³⁹ Tiubo rōtena-ki t̃yimy tatemahā-ō ada webinadumy tatemahā-ō, aroramy rōirenyre. Wanohōti atxi reaōhyymyhỹre. ⁴⁰ Tai Jesuisi rarybere: —Jiar̃y, Iōlō, tamy ararybekre: —Iu kaiboho waityhyd̃ỹdu seriōre mahādureny-ō waōraru-ki tewinymy toitemahāu, wadeele tuu tewinytenyete. ⁴¹ Idi tahe kia wahywenawe-ribi ludu tamy ararybekre: —Boibenyke

karibi kaiboho heka abinarenre heòty bede-ò ihyymy boibenykre ixi-di ariteònykre. Diabo tatyytybybinasỹ-ò idi boibenykre. Deuxu isỹ tamy riwinyre. ⁴² Tiu rama riwasareu rỹsỹna kaiboho wadee tewahinytenyòhyyte. Iu bemy rarureu heka ijõ wadee tewahinytenyòhyyte. ⁴³ Torimy rarewahâu, tiu tiwatobinytenyòhyyte. Tykyõ wadee tewahinytenyòhyyte. Binamy rãimy rarewãhã røtenawo-ki wororana webinadumy tahe tõiòhyyte. ⁴⁴ Tai tahe kiamy rarybekre: —Wanyrỹ, tiubohe tuu rewinyrenyõkõre. Wanohõti heka reaòhyymhỹre aramamy rubuna-txi, abemy rubuna-txi, torimy tatemahâu, atyykõmy tatemahâu, røtenawo-ki webinadumy tatemahâu wahe. ⁴⁵ Tahe jiarỹ Iòlò tamy ararybekre: —Kaiboho heka waityhydỹydu seriòreõ tewiòhenanyõmahãtenyete tai heka tiwawiòhenanytenyõte. ⁴⁶ Tahe Jesuisi ikonanamy rarybere: —Tai tahe tii tiuhyymy rakre heòty bede-ò, aòhòkỹmydỹyana-ò. Òbiti mahãdu heka umyutuedeòna-ò rakre.

26

¹ Kia taijyy rahudi tahe Jesuisi taerymahãdu-ò rarybere: ² —Ixityre inatxi txu-di tasỹ aõma Pascoa worana bedehesimy rỹikre. Kaiboho tahe kia teertytenyete. Iu iny riwatyhenykre Deuxu Riøre Hãbu wahe. Irahu-di tahe itxeònihikỹ-ò riwatamadỹyenykre. ³ Tahe aõwesele heka xiwena wahidỹydu wedu mahãdu ributunyre heka judeu wedu mahãdu-wana wahe. Kaifa heto wii rotyre. Xiwena wahidỹydu mahãdu wedu wahe. ⁴ Wiwana heka raryberenre: —Tĩmybohe Jesuisi aõhebo rikisỹnyrenykre aõma teburemy ijiranakõnahakỹle. Tĩmybo rikisiraònyrenykre, rikimyrenykre, rikirubun-nyrenykre. Urile iny tuu rierykõre. ⁵ Pascoa worana bedehesi rỹireu tahe aòkõlemy idi rỹire. Kia worana bedehesiko-ki iny raaòbinanykeki dori ibutuhukỹlemy heka raaòbinanyke.

⁶ Jesuisi heka rare Betỹnia hãwã-ò hãbu tykybinaò-wana heka isỹ-ò rare, Simaò heto-ò wahe. ⁷ Iu iheto-ki riroximhỹre tahe hãwyyò tamy rare aderòna lỹnyrehekỹò-di manaurahyna-ki. Tai tahe Jesuisi tyre ritxiwire, iratityre. ⁸ Ierydỹyã mahãdu heka urihimyo heka rebure riøre iòraru-ki. ⁹ Iòwy nihikỹtyhyre dorihe. Tai heka tanieru uriterehekỹle rahuraki heka tai rawobinamy. Idi rohonykewile heka rare aõma iòwy tahe iny aòkõ mahãdu-ò riwahinykewihikỹle tii røhõtĩnyre. ¹⁰ Tahe Jesuisi rierytyhymy aõmybo tuu raryberenrerimyo: —Aòherekibo kaiboho ibinamy tarybetenyteri hãwyy-ò. Aòwidỹyãna wihikỹ wadee riwinyreri. ¹¹ Aõma kaiboho heka urimynodu mahãdu-wana ihyymy boibekre. Ibutulemy awanarenre jiarỹ watxiwãhãde. ¹² Tii heka wahãloodyỹyã riwaywinyra aderòna watyre ritxiwireu. Kia tahe wadee riwinyre. ¹³ Boholake, iny itxi tõhõti reahyy rỹirakre iòraru-ki. Rybewihikỹ Tỹmyramy ritỹnydỹmyhỹkre heka rierymyhỹkre bede bedemy wahe.

¹⁴ Iribi tahe Judasi Isariò, tii waò inatxi reuròò rare, tii heka røhònyre ierydỹyã mahãduy-ribi. Tahe rare xiwena wahidỹydu mahãdu wedu-ò. Tahe tamy rarybere: ¹⁵ —Adeereny Jesuisi ariwahikre wana heka tiwesebo biwaòwynybenykre? Kiamy tahe 30 prata womati nieru myhe tamy riwahinyre. ¹⁶ Judasi kia ribile rarunymy raremyhỹ dohodỹyãnaõmy Jesuisi tamy riwahinykre. ¹⁷ Pascoa worana bedehesi rỹireule rexidele-nyre, Paò iuridỹyõkõ, kia txu rỹimhỹ wahe. Jesuisi erydỹyãna mahãdu tai ritỹraxyre: —Titxiwexe rikirỹsỹkre Pascoa worana bedehesi jiarỹboho dori ariwinyrenykemy? ¹⁸ Tahe Jesuisi rirawyònyre: —Hãbuò hãwãhãkỹ-ki

ratximyhỹre tii riwaeryre. Tahe tamy marybekre: —Wawedu k̃ny rarybereri aōma aheto-ki heka Pascoa worana bedehesina rir̃s̃ỹkremy taeryd̃ỹna mahādu-wana. Ibeded̃ỹna dori iōhōre riki. ¹⁹ Tai tahe taeryd̃ỹna mahādu kia riwinyre idi kowa worana bedehesi r̃ys̃ỹna riywinyre.

²⁰ Bedesōmy tahe tai riroximy rorukumyhỹreny, taeryd̃ỹna waō inatxi reurō mahādu-wana wahe. ²¹ Aōma inyō heka riwatyhenykremy ratximyhỹre. Jesuisi heka tuu rarybere: ²² —Mowexe tii rarekre. Tiiboho rabedewomy roire, tai tahe widee rarybere: —Jiar̃y kōaōboka. ²³ Tahe Jesuisi rarybere: —Kia wawana pratoro tebō rearerile taheka tiikre. ²⁴ Iwese Deuxu Tyriti-ki Rybe roire wese heka arurukremy jiar̃y Deuxu Riōre Hābutyhyhyk̃y watxiwāhāre. Kia hābu riwatyhenykre tahe tamy heka ibinatyhykre. Raty-bienykorē wana inihe awityhyre. ²⁵ Tai tahe Judasi ityhed̃ỹdu rarybere: —Eryd̃ỹdu, jiar̃y aōbohe rare? Tahe Jesuisi tamy rarybere: —Kaityhy wahe tate. Kaile tarybeta.

²⁶ Tai tahe Jesuisi orotxu sohojiō rimyre ibutumy riroxireu, tahe riyreyrenmyhỹre tahe inysohoji sohoji-ō riwahinyre. Tai tahe tamy Jesuisi rarybere: —Kia biybenyke heka. Waumy wese heka kia ratxireri. ²⁷⁻²⁸ Idi ṽii monahynaō rimymy rexitōenyre Deuxu-ō. Idi tahe tamy riwahinyre iribi sohoji sohoji riōrenykemy. —Biōrenyke kaa dori wahālubu wesemy ratxireri. Tai sōwemy iny biu-ō rahenykre Deuxu dee. Ibutumy ōraruna ixāwidid̃ỹmy heka tuu rōhōnyra. Wahālubu heka Deuxu, iny-wana wii riwōaxinykre rare. ²⁹ Tahe bohōlake warybe-ō. Awanareny heka ixityre ṽii monamy ariōōtyhy. Kia Waha Iōlōna-ō dehemynynahykyle tahe awanareny ixyby tuu ariōkre.

³⁰ Idi tahe wiuō rawiunyrenyre idi tahe Oliveira hāwālō-ō rōirenyre.

³¹ Jesuisi tamyreny rarybere: —Wijiru heka ibutumy kaiboho biwaribenykre. Tyriti-ki heka roire kiawesemy:
Budoeni-di itxerēdu rirubunykre. Ibutumy budoeni raub̃ỹtykre bede bedemy.

³² —Waixixana k̃nynykreu tahe Kalileia bede-ki awanareny aratxikre.

³³ Pedro tahe rarybere: —Ibutumy ararirenykre wana tahe jiar̃y aōkōre. Ararirenyōtyhy. ³⁴ Tai Jesuisi heka Pedro-ō rarybere: —Kai heka hānie dele robukōdile biwatxiō-ribi bexihukre, inataōmy wahe. Tuu wijiru rarekre. ³⁵ Pedro dirawyōnyde: —Aōkōre wa, arurukre heka tahe urile aratxiōnyōtyhy. Tule ibutumy ijō ieryd̃ỹna tule Pedro wesele rarybere.

³⁶ Tahe Jesuisi ridyrenyre bederaty oworuō-ō, aōma Kesemani ninadu-ō ridyre: —Kakile bonykre arakre dori ixitōed̃ỹmy kowa-ō. ³⁷ Tahe Jesuisi heka Pedro ridyre ixi-wana. Tule Zebedeu riōre wiwana ridyrenyre. Tahe Jesuisi rabedeōtiid̃ỹre aōhōk̃my rot̃ỹnyre bedeōtiid̃ỹ ōrarukile. ³⁸ Tii tahe tamy rarybere: —Kaki wawanale atxibekre. Watytyby heka t̃ỹxihik̃ỹlemy bedeōtiid̃ỹ-di ratxireri. Waki bexiebekre. ³⁹ Urile tahe tako-ō rariareu tahe resere bede-ō. Jesuisi tahe tyby-ō rarybere: —Waha, rubu mona waribi bitake adeewikeki. Aōkōkeki tahe ariōkre, arurukre adeewilemy aōhebo arot̃ỹnykre. ⁴⁰ Idi tahe dōōsede kia ieryd̃ỹna inataō tai rōrōmyh̃yō heka ixyby dōōsemy nade. Jesuisi rarybere: —Pedro! Kai heka timy sohoji horamy adi bede r̃ỹiōtyhy wawana. ⁴¹ Bexixaruhy atxibeke bexitōenymy. Aōkōkeki tahe ōraruna kanamukre. Kai heka ōbitimy matxikemy tahōtynmahāte. Aumy tahe ibinara heka arurukōre wahe. ⁴² Ixityre rare rexitōenykemy. Tahe Jesuisi rarybere: —Waha, adeewinale ariwinykre. Aōhōk̃myd̃ỹnana monamy heka ariōkre. Kia mona waribi bitaōkeki ihārele heka arurukre. ⁴³ Tai

dòòsede tai rōrōmyhŷrenyòle heka nade. Tiiboho ixixamy rŷiōhyyre. ⁴⁴ Tahe rōòsere ixbybyle ikonanamy. Iweselemy rexitòenyre tyby-ò. ⁴⁵⁻⁴⁶ Idi tahe dòòsede taerydŷŷna mahādu-ò rarybere: —Bexielehynybeny. Watyhedŷŷdu naderi. Rexihumyhe rare. Hābubina mahādu rehemynyre. Jiarŷ Deuxu Riòre Hābutyhyhykŷ, wahe. Bexixabeny, rakakre watyhedŷŷdu dori rehemynyteri.

⁴⁷ Tahe Judasi dehemynyde waòinatxi reuròò wahe. Jesuisi rarybereu, tii nade sōwemy hābu-di mayrehe-di, òhòte-di tōnori-di widotyde. Judeu mahādu wedu tahe iteòdŷŷdure xiwena wahidŷŷdu wedu wana wahe. ⁴⁸ Juhuu Judasi tamyreny bede riywinyre. Kamy rexirybenymy: —Iòsŷny-ò aru-wokrele heka tiikre. Tiile bimynybenykre. ⁴⁹ Tahe Judasi rarybere: —Rarerì, Wawedu. Iòsŷny-ò ruwore. ⁵⁰ Tahe Jesuisi rarybere Judasi-ò: —Iò, aōwaxiny aōbo biwinykre iwidŷŷmy tateri. Tahe Jesuisi imahādu rimyre. Ritaataare. ⁵¹ Tahe Jesuisi mahāduò mayrehe-di rimymy resere. Tai hābu-ò reare. Tai tahe tōhòtile rikòròmŷ idi reare, xiwena wahidŷŷdu wedu deòduò wahe. ⁵² Tahe Jesuisi tamy rarybere. Aòkòre amayrehe birutyke irasirahanawomy. Kia dori inyò maydese rimymy resekre heka tule rurukre maydeselemy. ⁵³ Karibi xitarasamy arurukeki dori wa-haòle ararybekre. Tai tahe waha sōwemy ŷju kiditeònyke, 12 aōbinadu ijoi mahādu wahe. Kia teeryòtenyete. ⁵⁴ Ihārele tahe ibutumy tuu bed-edŷŷnana relekre iwese ritidŷŷna-ki roimyhŷre wese. ⁵⁵ Tahe Jesuisi rŷŷraxire tamyreny: —Aōbo jiarŷ raremy wadi tahòtintenyteri. Wasidu aōbo. Kai dori waòrysmy tehemynte maydese-di, tōnori-dí. Aòherekibo wahe. Jiarŷ heka arabedeerynyrenyre txuò txuòlemy wahe Deuxu dohodŷŷna heto-ki. Aòherekibo taile tiwamytenykòte kowa watxiwāhāure. ⁵⁶ Kia ibutumy Deuxu ritidŷŷna-ki roimyhŷre. Tai tahe tuu bededŷŷnana relekre iwese Deuxu rybedu mahādu rarybere. Ibutumy aōna aōnamy rotŷŷnyry raremyhŷ. Tai tahe taryberahu-di. Ibutumy iery mahādu iribi tahe robŷtŷre.

⁵⁷ Tiiboho heka Jesuisi ridyrenyre Kaifa heto-ò, xiwena wahidŷŷdu wedu wahe. Tai ibutumy judeu mahādu wedu ributunyre bede ywina erydu mahādu tule wahe. ⁵⁸ Pedro irehetyty-ribi riheludunyre. Iheto ube-ki tahe ronyre yrubu dŷŷdu-wana. Tahe rehere aòhebo rotŷŷnykre. ⁵⁹ Xiwena dinodu mahādu tahe ributunyre Jesuisimy raruikremy heka riijemy. Aōma rirubunykre òbirele heka tuu rarybemyhŷ. ⁶⁰ Tahe inyò-ki heka ra-haòhyyre turybedu wahe. Iny sōwemy tahe relyyre. Ihārele rirubunyòhyyre. Iroona-ribi tahe inatxi hābu dehemynyde. ⁶¹ Tai tahe kiamyhe tuu relyyre: —Aōma Jesuisi rarybere: —Aòwesele heka Deuxu dohodŷŷna heto ariatymy idi areake. Inataò txudi tasŷ ixityre aditamadŷŷke, ibutumy adiwinyke. ⁶² Tai tahe xiwena dinodu heka Jesuisi-ò ryyraxire: —Aōbo marybekre kia umy ijyy rohonyreriki? ⁶³ Jesuisi tahe rybeòlemy ronyre roholare. Ixityre tamy rŷŷraxire: —Kai heka inatyhy tyhymy Deuxu Riòremy kai atximahāte. Mesia aòbohe kai tate? Deuxu riwaeryre inatyhymy rarybereri. ⁶⁴ Jesuisi dirawyònyde tamy: —Kaile kia tarybete. Ibutumy iny-ò ararybekre: —Kaiboho ibutumy bobibenykre

Deuxu Riòre Hābutyhyhykŷmy, jiarŷle wahe. Tii heka Deuxu rurunawe-ribi heka ronykre. Iribi tahe kanakre biuwetyky-ki. Jiarŷle wahe tiire.

⁶⁵ Tai tahe xiwena dinodu tatyky riykare. Reburere kie: —Aòhere tahaka. Deuxumy heka ibinatyhylemy tarybemahāte. Ijò iny-ò aroholaòkre, rexi-hura! ⁶⁶ Ibutumy kaiboho irybe-ò taholatenyteri, inatyhy? Aōbo rikiwinykre tii ibinatyhyre dori, rikirubunyrenykre tahe. ⁶⁷ Tahe iòsŷny-ò rarybexinyre.

Rihetenyre. ⁶⁸ Tamy ihetedÿÿdu rarybere: —Marybeke Kristu, mobo arahetenyra inihe.

⁶⁹ Pedro tahe ube-ki ronymhÿ. Tahe ijadòma heka deòduò tamy rehe-mynyre: —Kai anòbo Jesuisi Kalileia ludu-wana atximahā. Kumymy rabire. ⁷⁰ Iny ibutuko Pedro rarybere: —Aòkòre, aòmybo arybe reeryòhykyeri. ⁷¹ Tai tahe rare ijò-ò. Ijò ijadòma deòduò rarybere kamahāduko: —Inatyhymy heka tiki Jesuisi Nazareludu mahāduno tiki rare. ⁷² Ixityrele Pedro ritxiònyre: —Reerykòre wahe hābu. Tiu heka rabiòwāhāre. Inatyhy rare. ⁷³ Idi hābuò heka narybede tamy: —Inatyhy rare. Kakÿny irybe weselemy tarybeteri, Kalileia rybe wahe. ⁷⁴ Tahe Pedro rarybere: —Jiarÿ reerykòreri, tuu heka rabiòwāhāre. Deuxu riwaeryre inatyhymy rarybereri. Iule taheka hānie hābu robumy reare. ⁷⁵ Tahe Pedro tòhòti itxi reare. Jesuisi rarybere weselemy heka tii riwinyra. Ritxiònyre. Tai tahe Pedro ròhònymy reare heka rahinyhyre.

27

¹ Ijò biurasò ruidile tahe rÿire. Xiwenā wahidÿÿdu wedu ributunyre judeu mahādu wedu-wana. Timywexe aòhe rikisÿnyrenykre. Rikirubunynrenykemy heka idi watxiwāhāre. ² Roma dinodu-ò òsana rikidyrenykre. Tahe tiiboho Jesuisi ritaataare idi ridyrenyre tamy, Pilato-ò.

³ Judasi heka rieryre. Tai tahe tii rabadewonihikÿre rityhenyrenki wahe. Tai tahe raraykynyre tawo-ò raòhòrere. Tahe nieru òkesedÿÿmy idi ròhòtynyre. Tahe nieru diwyde, 30 prata womati nieru tahe riòkesedÿÿnykremy judeu wedu mahādu-ò, Xiwenā wahidÿÿdu mahādu-ò. ⁴ Tahe Judasi rarybere: —Ixāwirahe, jiarÿ raòrarunyra hābu òbitityhymy ratximyhÿrele retyhenyre heka. Tahe judeu mahādu dinodu rarybere: —Jiarÿboho, kia aò aòkò rare. ⁵ Tahe Judasi nieru-di bedetyrele rihure. Tahe ròhònyre iribi. Tahe rare. Rerotihiikÿ-di rexibòtòtaare. Rexirubunyre. ⁶ Tai tahe xiwenā wahidÿÿdu wedu riwyre nieru bede-ribi: —Aòwexe kanieru rikiwinyrenykre? Dohodÿÿna hetowo-ò rikirutyrenyke heka aòkòre. Aòma dori rare rubuòwymy iwahidÿÿ heka rare. ⁷ Urile suòle rikiwyrenykre idi. Tai tamy wabede rikiwinyrenykre. Aòma tori kaki rurukreu tahe rikitoonyrenykre tamyle wahe. Tai tahe tiiboho riwyrenyre aòma butxi widÿÿna subede heka riwinyrenyre. Kia heka inire suni wahe. ⁸ Kia bedero tahe rininire aòma Hālubu Bederomy heka rininire. Wiji tule ini rare. ⁹⁻¹⁰ Iwese Jeremia tyriti-ki roire wesele heka tii riwinyre: Tahe 30 —Womati nieruò-di heka bedero riwyre butxiwidÿÿdu-ribi. Iwese kai riwateònyre wese. Kia iòwy rare judeu mahādu-ò tamy riwahinyre wahe. Txiòdÿÿna òwy wahe.

¹¹ Jesuisi heka Pilato, bede dinodusÿ-ki ratximyhÿ. Pilato tahe tamy rÿÿraxire: —Kai aòbo judeu mahādu iòlò atxiteri? Jesuisi dirawyònyde: —Kai tuu tarybeta. ¹² Xiwenā wahidÿÿdu wedu heka tamy rarybere: —Jesuisi rirawyònyòhyre. Judeu mahādu wedu-ò tule rirawyònyòre. ¹³ Pilato tahe tamy rarybere: —Kai aòbohe rybe-ò taholate. ¹⁴ Tule tamy Jesuisi dirawyònyòhyde. Byy! Urile Pilato ribedeòtiidÿÿnyre. ¹⁵ Pascoa worana bedehesi bededÿÿnana tikiemy tuure. Ròtenawo-ribi heka sohoji beòra beòrahyyle ixinamy inyò rexideònymyhÿ, inysòwe rybe òraru-ki wahe. ¹⁶ Kia beòra tahe hābu ibinatytyre ròtenawo-ki rÿire. Baraba inire. Ibutumy iny tuu rieryre. ¹⁷ Aòma Pascoa worana bedehesi rÿireu ibutumy iny ributunyre. Tahe Pilato ritÿÿraxinyre: —Tibohe ixinamy ariteònykre Jesuisi Kristu aòbo

ada Baraba aõbo? ¹⁸ Tahe iny heka ibutumy urile Jesuisi Kristu luure heka. Tai tahe judeu dohodỹỹdu wedu mahãdu tahe aõkõ tamy waritimy rityhenyrenyre. Pilato kia rieryre. ¹⁹ Iu tabede ywina dohodỹỹna-ki Pilato rỹireu, ihãwyy tamy tyiriti riwahinyre. Kawese heka rarybere aõma: —Ixinamy Jesuisi bitekõnykre. Anobinatytymybo dokuri rarasino txu wadi reakareri. Jikarỹ anohõkỹmy dỹkỹnana sõwemy ratỹkỹnyre Jesuisi kòraru-ki wahe. ²⁰ Iny sõwehekỹ-ò heka xiwena wahidỹỹdu mahãdu wedu rarybere: —Kaiboho mararybebenyke: —Baraba ixinamy bitekõnykre. Tiiboho dirawyònyde: —Jesuisi birubunykre. ²¹ Iribi Pilato rarybere: —Tiwexe ixinamy aritekõnykre? Tiiboho dirawyònyde: —Baraba bitekõnykre. ²² Pilato tahe rỹĩraxire: —Aõhebo tahe arotỹỹnykre Jesuisi-di, Kristu-di? —Itxeò nihikỹ-ki bitamadỹỹnykre. Birubunykre. ²³ Pilato tamy rỹĩraxire: —Aõbinahakỹ aõbo riwinyraki? Tai tahe ibutumy iny rirajuamy rỹĩmyhỹ: —Birubunyke kia bitamadỹỹnykre. ²⁴ Pilato iny sõwe-di aõ riwinyõhyre aõbinatyhy õsana ròhõnykremy idi ròhõtinyre, tai tahe inyõ rarybere: —Bee kidiwykremy baciaro-ki. Tahe tebò risuhore iny sõwehekỹko-ki. Tamy rarybere: —Jiarỹ kỹny waòraru-ki aõkõ heka rurukre. Kaiboho heka irubudỹỹ erydumyhe boibekre. ²⁵ Tahe ibutumy iny rarybere: —Awire, inyboho heka irubudỹỹdu erydumy rokoirekre, tule wariòereny òraru-ki wahe ihãlubu rejuxunykre. Soldado ridyre itxeò nihikỹ-ò ritamadỹỹnykremy rirubunykre. ²⁶ Tai tahe Pilato heka Baraba ritekõnyre ixinalemy. Iribi tahe Jesuisimy raohõtere.

²⁷ Pilato soldado mahãdu urile idi juhu risinyre, soldado tyamy ritidire. Pilato heto-ò ridyre. ²⁸ Ityky iribi ritare tahe aõma tykysò-di ritidire heka juhu rihetyrenyre. ²⁹ Iòdỹỹmy tahe idi ede lòrilòrihikỹ irati-ò ridekremy. Òwòruò tebò-ò ritidire. Tai iko-ò resere tatiowotimy. Raryberenyre: —Awire, kai judeu Iòlòtyhy. ³⁰ Ityre rarybexinyre. Òwòru rimyre tahe iratimy tuu raohõtere. ³¹ Iribi ritarenyrenyre ihõrõ itykyle ixityre rirutyre ityre-ki. Idi tahe ryò ròirenyre.

³² Iu ròhõnyreu, hãbuõ Sireni bede luduõ-wana witxi reare. Tamyhe rarybere Jesuisi itxeò riwykemy.

³³ Tahe Kòkòta hãwàlò-ò rehemynyre. Aõma, rubu ratityby wesemy heka rare. Tai tahe Kòkòtamy heka rininimyhỹrenyre.

³⁴ Tii vỹ riurinyre bee ihyra-wana, idi tahe Jesuisi-ò kia riwahinyre. Iurihi-di teramy reare.

³⁵ Tahe itxeò nihikỹ-ki ritamadỹỹnyre. Irahu-di tahe ityy heka ritxuatxuarenyre wimy rarudeòsanyre tibo iwidydukemy.

³⁶ Idi tahe retehemy rorukumyhỹrenyre. ³⁷ Irati tyre-ki tahe ritidỹỹnaò roire: —Kia Heka Jesuisi Rare, judeu Iòlò Mahãdu.

³⁸ Tule wasidu brebunahakỹ tii-wana ritamadỹỹnyrenyre itxeò hòkỹ-ki, ijõ iruru-ribi, ijõ ihywe-ribi. ³⁹ Iny ibire-di reamyhỹ idi risinimyhỹ kamy rexirybenymy: ⁴⁰ —Kai inihe bexitake, kai Deuxu Riòre tateki. Bodobeheke itxeò nihikỹ-ribi. ⁴¹ Kai heka arurudiremy iximyy tarybemahãte. Dohodỹỹna biatykemy heka iximyy tarybete tahe inataòtxu-di heka biwinykemy tarybeta. Tule xiwena wahidỹỹdu wedu mahãdu idi risinyre. Tii tahe rarybere:

⁴² —Tii heka iny iwitxira witxira aõbina bina-ribi ritamyhỹre ihãre tahe taaõbina bina-ribi rexitaòtyhy. Tii heka aõ judeu mahãdu iòlò aõkõ rare. Myheka tuu rarybemyhỹ. Kia itxeòhòkỹ-ribi kedexiberesedỹỹnykekile tahe rikityhynyrenykre inatyhymy. ⁴³ Tii heka iximyy rarybemyhỹre Deuxu Riòre raremy, Deuxu rityhynimyhỹremy. Reketeherenykre inihe aõbo Deuxu

riwiòhenanykremy wahe. ⁴⁴ Wasidu mahādu kia itxeò nihikỹ rỹire iwesele heka tamy rarybere.

⁴⁵ Txutyeyu tahe bedede luruhukỹ bedede reare, txioro tirehehekỹule bedede kamy reare. ⁴⁶ Kiaule tahe bedede ratỹnyre Jesuisi iu ryrre:

—Eli Eli Lema Sabatani.

Kiamyhe rarybere:

—WaDeuxu, WaDeuxu, aõherekibo waribi õhõti rosare?

⁴⁷ Tai tahe iny sõwe mahādu irybe-ò doholade. Ijõ kiamy narybede: —Eliasi-ò hõwa ryreri. ⁴⁸ Kia ele elemy riwinyre noseõ. Idi tahe vĩõ rirymy tamy idi riteõnyre. Teõrehemy riwinyre bemy rimonykremy. ⁴⁹ Ijõhe raryberenyre: —Txioke inihe inatyhymy aõbo reketeherenykre inatyhymy aõbo Eliasi iwiòhenadỹmy kanakremy aõbo inihe. ⁵⁰ Jesuisi ixityre rirajuare. Rurure. ⁵¹ Kia dohodỹna heto-ki heka ixiwõtenaõ rỹimyhỹre ierykõna. Tahe urile idi ixiwanale ruamy reare iratyre-ribi bede-ò. Suuhe ramytatare. Mana rabõhõbõhõnyre. ⁵² Wabede hālooõ heka riraynyre. Deuxu hõrõ mahādu sõwemy rubu-ribi riixixanyre. ⁵³ Wabede-ribi rõhõnyrenyre. Iu Jesuisi rubu-ribi riixixareu tahe Jerusalẽ-ò ròrenyre. Tai tahe sõwemyhe iny tuu robire. ⁵⁴ Tai heka soldado dinoduõ ratximyhỹ idi retehemy. Tule soldado mahāduõ tii-wana ratximyhỹre. Ibutumy tuu robirenyre. Tai tahe tabrebu-ribi narybedenyde: —Tii inatyhymy Deuxu Riõre heka rare. ⁵⁵ Hāwyyõ tule retehemy ratximyhỹre irehe-ribi idi. Aõma hāwyy Jesuisi riwiòhenanymy raremyhỹ heka idi retehemyhỹre. Tiiboho Kalileia bede-ribi doide. ⁵⁶ Marie Madalena, Marie Txiause Jyrese, Zebedeu riõrese tule tai ratximyhỹ.

⁵⁷ Bedesõmy Jyrese rehemynyre. Tii ityhy heka rare Arimatea hāwā luduõ ratximyhỹre. Tii Jesuisi tyhydỹduõ ratximyhỹ. ⁵⁸ Tai Jesuisi umy rexitõenyre Pilato-ribi. Tai tahe Pilato rarybere: —Tamy biwahinykre. ⁵⁹⁻⁶⁰ Tahe Jyrese linho tyky rirahanany. Tai tahe aõma wabede tỹmyrahakỹ riamy roireriõ heka rituunykremy idi rara. Idi mana nihikỹ ritidire txiõ. Idi ròrenyre. ⁶¹ Marie Madalena ijõ Marie-wana taile retehemy ronyre wabede-ki.

⁶² Ijõ txu tahe fariseu mahādu wedu tule xiwena wahidỹdu wedu heka Pilato-ò sexta feira rahudi tahe, judeu mahādu elehyna txu wahe ituere. ⁶³ —Jesuisi irumy raremyhỹ tii rarybere: —Rubu-ribi heka ariixixanykre inataõ txu-di.

⁶⁴ Ruimy rare tahe ihārele tahe biyrubunyeke iwabede. Aõkõkre-wana tahe ierydỹna mahādu heka iumy riwykre. Tai tahe rarybere: —Tii rexiixixanyre. Tai tahe ibutu rityhynykre iruina. Kia ibinatyhymy rarekre. ⁶⁵ Tai tahe Pilato riteõnyre soldado mahāduõ txiõ-ki. Tamy rarybere: —Awimy biyrubunyeke! ⁶⁶ Kia bedede erynaõ heka tamy ritidire. Txio-ribi resekreule heka rieryrenykre. Tahe soldado mahādu riyrubunymyhỹre.

28

¹ Ijõ txu rudile tahe Marie Madalena, Marieõ-wana rare ihāloona-ò itxeremy, domingo, nobiutxu wahe. ² Aõwesele tahe iu suu ramytatare. Wanyrỹ yju heka dobehede biu-ribi iu. Tahe hāloo ijõ-ribi mana ritamy ityre ronyre. ³ Iõsỹny heka urile ritoosõnyhỹkyre. Ityky tasỹ iurahakỹre. ⁴ Idi itxeredu mahādu heka aõma ruberunihikỹrenyre. Urile rõhõtiberemy reserenyre. ⁵ Yju rarybere hāwyy-ò: —Uritere berebuõmyrenyeke. Kai aõbo Jesuisi teijeteri, inatyhy? Aõma itxeò ritamadỹnyrenyre wahe. Reeryre kia. ⁶ Aõkõre kaki

aõkõ heka ratxireri. Tii dori rubu-ribi rexiixixanyre iwese tii iximy rarybere wese wahe. Beteheke inihe iherina tyby-ò tai juhu roimyhõ. ⁷ Make karibi ele elemy ierydỹnako belyykre tii rubu-ribi rexiixixanyraki. Tii heka rara Kalileia-ò tamy wirotyreriò. Matahe, relyyra dorihe adeereny. ⁸ Tai tahe rakòrunyreny, hāwyyboho. Ruberumy ròirenyre tasỹ reysamy ròirenyre. Ierydỹna mahādu-ò heka riijemyhỹre aõma ýju rybemy ikoreny relyykemy. ⁹ Iu rakòrunyrenyraule tahe wii reòbnyra. Jesuisiwanale heka itxi rekoare. Idi tamy rehemynyre iòhòmy. Iwa rimyrenyre tahe riwowydynyre. Jesuisi tamy rarybere: —Toiteri aõbo! ¹⁰ Uritere breburenyõmyke. Boibeny tahe ijyymy waityhydỹdu mahādu seriòre-ò heka Kalileia-ò aròirenykemy. Tai tiiboho-wana wii areòbnyrenykre.

¹¹ Tai tahe tiiboho ròirenyre. Kiaule tahe wabede soldado itxeredu rehemynyre xiwena wahidỹdu wedu-ò wahe. Tahe ibutumy relyyre iko. ¹² Tai tahe nieruò riwahinyre ruiòmy relyykemy. ¹³ Tamyreny raryberenyre: —Ierydỹna mahādu heka ridyra watỹireny reòbylemy. ¹⁴ Tai tahe bedede dinodu rierykreu heka aõ adee beleõtyhy aõbinahakỹ. ¹⁵ Tai tahe nieru sòwemy riwrenymy tahe tuu ròirenyre ruimy. Wiji dori tuu ijyy rỹira. Ibutumy judeu mahādu kia rybe-ò rityhynymyhỹre.

¹⁶ Idi tahe ierydỹna mahādu ròirenyre Kalileia-ò. Tiobo Jesuisi riteònyrenyremy juhutyhy. ¹⁷ Jesuisimy robirenyreu tahe tiiboho bedede-ò reserenyre tahe riwowydynyrenyre. Ijõ mahāduò riseònylemy idi ròhòtinymyhỹre. ¹⁸ Tai tahe Jesuisi iòhòtyhymy tamyreny relere kiamy tamy rarybere: —Waruruna heka ibutu ratyre ratximyhỹre kabede-ki tule, biu-ki tule. ¹⁹ Tai kaiboho waha deòdumy boibenyke ibutumy iny bedede mahādu-ò, bedede konananahakỹ mahādu-ò ihyy behemynybenyke. Waityhydỹdumy heka bitxienybenyke. Wahanimy, tule Deuxu Riòrenimy, tule Deuxu Tyytybytyhynimy, tahe bòratisebedỹnybenyke wadeòdurenymy, Waha, Ityytybytyhy, Iriòre kaboho deròwumy wahe. ²⁰ Ibutumy aõbo wabede ywina adee rewahinyredi bibedeerykre. Uritere nohòti losarenyõmy awanarenhyhy dori ararekre bededỹnanahy rekehemyntyre.

Marku Deuxu Rybe Wihikỹ Tỹmyra, Marku Tyyritidỹđdu

¹ Kaki heka Rybe Wihikỹ juhu kaki roire. Ka Rybe Wihikỹ Jesuisi Kristumy heka rarybereri. [Tii heka Deuxu Riðre rare.] ² Myheka Isaia tyyriti-ki kia rybe rỹire:

Deuxu rarybere: —Boholake, waðwàðadu ariteðnykre akomy. Tii ary ri-winykre.

³ Tii rryrmyhỹ bederahy-ki: —Kai biwinykre rywihikỹ Wanyrỹ dee. Òbiti tamy biwinyke.

⁴ Joað Sebedỹđdu bederahy-txi taile ihỹmyhỹ rybe tyyriti ritỹnynmyhỹ. Tii sebenaðmy riðbitinymhỹ. Kia riwinykemy ixi-txi tðhòti reakemy taðraru-txi kia Deuxu ritakemy. ⁵ Ibutumy Judeia bedede ludu mahàdu Jerusalē hāwā mahàdu-wana rare bederahy-ò. Taðrarumy relyymy rahudi tahe, Joað risebenyrene bero Jordað-ò. ⁶ Joað rexitynyre kamelo rade tyy-di, tule iròduty wereysana iwetya-ki roimyhỹre. Irỹsỹna raremyhỹ, seihikỹle bidi-wana. ⁷ Joað rybe tyyriti ritỹnynyðỹmy rarybemyhỹ: —Jiarỹ aò aòkò rare, waruru-di aòkò. Inyð wahewomy kanakre tahe iruru waruru ratyredỹñadu rare. Waratyre awityhyke. Jiarỹ riwaixỹrunumy watxireri iwataana ese-ki. ⁸ Jiarỹ bedi arāsebenyrene. Tii heka Deuxu Tyytybytyhy-di arāsebenykre.

⁹ Kiatxu Jesuisi nade Nazare Kalileia bedede ludu-ribi. Joað tii risebenyrene Jordað bero-ò. ¹⁰ Tii bera-ribi dotuodeu biuwetyky rarayre. Deuxu Tyytybytyhy heka bòðe wese tamy dobehede. ¹¹ Deuxu rybe-ò roholare biu-ribi: —Kai heka Wariðre waluu tate. Adi wadeysawihikỹreri.

¹² Aðwesele Deuxu Tyytybytyhy heka Jesuisi riteðnyrene bederahy-ò. ¹³ Tii bederahy-ki 40 txumy bedede idi rỹire. Satanasi aòhòkỹmy risỹnymy Jesuisi raremyhỹ. Iròdu deborehekỹ tai rỹiramyhỹ. Ýjureny iyrubudỹmy rehe-mynyrene.

¹⁴ Joað rare ròtenawo-ò, idita Jesuisi Rybe Wihikỹ ritỹnynykremy dehe-mynyde Kalileia-ò. Jesuisi heka Rybe Wihikỹ ritỹnynyðỹre: —Deuxu Iòlòna bedede-ò wahe. ¹⁵ Jesuisi rarybera: —Bededỹñanahe bedede reara. Deuxu Iòlòna bedede iòhòra. Kaiboho ixi-txi òhòtirenny reake aòrarurenny-txi bityhynybenyke Deuxu Rybe Wihikỹ.

¹⁶ Jesuisi aho ijàti-ki rariamy ihỹmyhỹ. Tii robira tuurenny taseriðre-wana ihỹmyhỹ-ò, Simað Pedro, Andre-wana. Tiiboho rehumy ihỹmyhỹrenny rià-di. Tiiboho heka waxidu roire. ¹⁷ Jesuisi rarybera tamyneny: —Kaiboho bodoibedenyke wahemy. Tai tahe araerynanyrennykre iny rimykemy utura temyta wese. ¹⁸ Tahe aðwesele rià ririrennyrene. Roire Jesuisi-wana. ¹⁹ Iko roire Joað, Txiau, taseriðre-wana. Tiiboho heka Zebedeu riðre roire. Tiiboho hāworo-ki ratximyhỹrenny rià riywinymyhỹrennyrene. ²⁰ Jesuisi tamyneny rarybera: —Wahemy bòðòike. Tahe aðwesele tybyrenny ririrennyrene teòdu-wana. Tahe tiiboho roire Jesuisi-wana ieryðỹñamy roirekemy.

²¹ Tiiboho rirònyrennyrene Kafanað hāwā-ò. Judeu mahàdu aòmỹsỹðỹñna txu aòkò. Jesuisi ralore judeu mahàdu dohodỹñna heto-ò eryðỹñmy. ²² Kowa mahàdu urile bedede riòtiinyrene irybe-ki. Tii heka irurutyhy-di rierynanyrene, ieryðỹđdu mahàdu wese aòkò rohodỹñnanymyhỹre. ²³ Kia bedede heka hābu

tyytybybina-di ratximyhÿre dohodÿÿna heto-ki. Tyytybybina hâbuwo-ribi rarybere: ²⁴—Aôhebo wadi botÿÿnykre Jesuisi Nazare ludu. Biwahubenykre aôbo? Jiarÿ araeryre mobo kai tatehe, kai heka hâbuôtyhy inatyhy Deuxu-ribi kai tate. ²⁵Jesuisi tarurumy rarybere: —Kai rybeômyke. Iribi bôhônnyke tyytybybina. ²⁶Tyytybybina hâbu riatyre riworÿsÿworÿsÿnylemy. Tyytybybina rryre rybe iteremy, idi rôhônnyre. ²⁷Ibutumy iny ribedeôtiinyre. Ritÿÿraxinyre ijô: —Aôwexe ratxireri, aôerydÿÿnatÿmyrabo ratxireri. Tii riteônnyre tyytybybina. Tyytybybina Jesuisi rityhynyre. ²⁸Ityhynina Kalileia bede bedemy reare.

²⁹Tahe dohodÿÿna heto-ribi rôhônnyrennyre. Jesuisi, Txiau, Joaô-wana roirenyre Simaô, Andreboho heto-ò. ³⁰Simaô riôre lahi roimyhÿ rubunamy. Tahe aôwesele tuu relyyre Jesuisiko. ³¹Jesuisi rimyre tebò-ki, tahe, aôwesele irubuna ixâwira. Idi tahe hâwuy tamyreny bede redere.

³²Txu ralômÿ rahudi, ibutumy tamy didydenyde inybina bina. Tule iny tyytybybina tamy didydenyde. ³³Ibutumy iny hâwâ ludu iheto ijò wirotyre. ³⁴Tii ibutumy binana ôta ôta riywinyre. Sôwemy tyytybybina riôlôdÿÿnyre. Tyytybybina Jesuisi rierymyhÿre. Tai tahe Jesuisi riijônnyre tyytybybina rarybekeò.

³⁵Rudile Jesuisi rare bederahy-txi rexitôenykre. ³⁶Simaô, ijô mahâdu-wana Jesuisi ijesetyhymy roire. ³⁷Tiiboho Jesuisi raharennyre. Tamy rarybere: —Ibutumy iny arâijereri. ³⁸Jesuisi tamyreny rarybere: —Rokoikehe rekexinoranyrennyke hâwâ witxira-ò. Jiarÿ tamyreny rybe tyriti aritÿÿnynykre. Iurenana tahe jiarÿ anade. ³⁹Jesuisi rare ibutumy Kalileia bede-ò. Tyytybybina iny-ribi riteônnyre. Tule dohodÿÿna heto-ki tii rybe tyriti ritÿÿnynyre.

⁴⁰Hâbu tyybina mahâduò Jesuisi-ò nade. Tii tatiowotimy resere Jesuisiko-ò. Tahe Jesuisi-ò hâbu rarybere: —Adee awikeki tahe, biwateytennyke. ⁴¹Jesuisi juhu urile riwotôenyre. Tii hâbu ritorunnyre. Tahe rarybere: —Wadee awire, atty awimy relekre. ⁴²Tahe aôwesele ittyybina reytera. ⁴³Jesuisi hâbu riteônnyre. Rarybere: —Kai tahe inyôdee rybeômykre. ⁴⁴Kai bexiteôsinykre Deuxu aômÿsÿdÿÿdu-ò. Iwese Moisesi rôerynadÿÿnyre wese, kai bexiteôsinykre. Kia heka inydee deôsinyre riteôsinyre. Kia iny rieryke timybo teytemy atximahâtemy. ⁴⁵Tahe hâbu rare ibutumy inyko relyyra. Kia heka Jesuisi tahe uritere hâwâhâkÿô-ò ralôôhyre. Tahe bederahykile rarire. Ibutumy iny tamy rare ibutumy bede bede-ribi.

2

¹Tiutxuômÿbo Jesuisi dôôsede Kafanaô-ò. Idi tahe rybe reare rehemynymy ratximyhÿ heto-ki. ²Tahe iny, aôriôre aôkô, tamy wirotyre heto ijô-ò. Tahe Jesuisi relyymyhÿ Deuxu rybemy. ³Hâbu inaubiôwa heka hâbubina-di tamy de-tyydenyde. Kia hâbu rawôronnyre taumy-ki. ⁴Jesuisi-ò rehemynÿôhykylere iny sôwereki. Tahe raôwônnyrennyre idi heto ratyÿtyre-ò. Hetotyre riraynyrennyre tahe reru-di diberesedÿÿnydenyde byretyre-ki Jesuisiko-ò. ⁵Jesuisi rieryre hâbu rityhynyrennyre, tai rarybere hâbubina-ò: —Waexi aôraru-ribi araitarasadÿÿnyre. ⁶Bede ywina erydÿÿ mahâdu rorukurennyre, ixideele rarybemy rÿimyhÿre: ⁷—Aôherekibo hâbu kiawese rarybereri. Tii iôwe ôwelemy rarybereri. Deuxu dee aôbina binalemy rarybereri. Mobo tahe ôraru-ribi iny ritake. Deuxule ôraru-ribi iny ritake. ⁸Jesuisile roholaôlere

ihārele rieryre aōmybo raryberenyre. Tai tahe Jesuisi tamyreny rarybere: —Aōherekibo kiawese tarybetenyteri. ⁹ Tibohe isiraōtyhyre, tuu ararybeke: —Aōraru-ribi anaixitarasadŷŷnyre ada myike, abyre bimyeke, mariake. ¹⁰ Kaiboho bierykemy Deuxu Riōre Hābutyhyhykŷ irurudire iny ōraru-ribi iny ritakemy. ¹¹ Tahe hābubina-ō rarybere: —Boholake, myike, abyre bimyeke tahe makre aheto-ō. ¹² Tahe hābu rŷire, tabyre rimymy tahe rare ibutumy inyru-ō. Ibutumy bede riōtiinyre tahe realāre Deuxumy. Ibutumy rarybere: —Tiu heka aōmy kawese rabiōhyymyhyre.

¹³ Jesuisi rare ahohokŷ ijà-ō. Ibutumy tamy doide. Tii iny ribedeerynyre. ¹⁴ Levi, Afeu riōre, ronymyhy nierumynydu hetowo-ki. Jesuisi ibire-di rareō, tii robira. Jesuisi heka Levi-ō rarybere: —Waijoimy mynake. Tahe rŷimy reare Jesuisi ijoi-ō ralore.

¹⁵ Jesuisi taerydŷŷna-wana rorukure Levi hetowo-ki. Tule nierumynydu mahāduō ronymyhyre ōrarudu-wana. Ibutumy riroximyhyrenyire. Sōwemy heka kia iny mahādu Jesuisi riheludunyrenyire. ¹⁶ Bede ywina erydŷŷ mahādu, lahi rybe-di erydŷŷna mahādu tuu robirenyra. Idi raryberenyre Jesuisi erydŷŷna mahādu-ō —Aōherekibo tii riroxireri ōrarudu-wana, nierumynydu-wana. ¹⁷ Jesuisi roholareu, tamyreny rarybere: —Iny ibinaōkeki tahe luaħidu tamy kanaōtyhy. Tahe iny ibinakeki, tamy kanake bina-ō. Ōbiti mahādu itxemy aōkō anade. Tahe ōrarudu mahādu itxemy anade.

¹⁸ Joaō erydŷŷna mahādu, lahi rybe-di erydŷŷdu mahādu-wana byreōhyky txuu tutyhyle rŷimymyhyrenyire. Tahe roire Jesuisi dŷŷraxidŷŷmy. Inyō Jesuisi ritŷŷraxinyre: —Aōherekibo Joaō erydŷŷna mahādu byreōmy rŷiōmyhyre. ¹⁹ Jesuisi rirawyōnyre: —Heriduō, itxeredu-wana ratxireriu, byreōmy rŷiōtyhy tutyhylemy. ²⁰ Tiutxulemybo tahe heridu iribi kanatakre, tai tahe byreōmy kŷnyikre tutyhylemy. ²¹ Moheka tyytŷmyra dōbōna ritidikre tyytyby-ō. Idi inatyhymy dōbōna rayjakre tahe tyytyby sōwemy raykake. ²² Moheka ōteti bederatyrupe tŷmyra rihynymyhyre irōdutyy walabuutybywo-ō. Idi tahe raberyrōnymyhyreu, urile irōdutyy walabuu raykake tahe irube rejujuke. Tule irōdutyy walabuu ribinadŷŷnymyhyre. Irubetŷmyra awire heka irōdutyy walabuu tŷmyrarokile.

²³ Judeu elehydŷŷnareny txu Jesuisiboho ririranymyhyrenyire maixōmo wesena oworumy, tai ierydŷŷna riōrōmyhyrenyire riroxirenykemy. ²⁴ Tahe lahi rybe-di erydŷŷdu mahādu rarybere Jesuisi-ō: —Aōherekibo aerydŷŷna mahādu riwinyreri aōwidŷŷna aōkō karare sabado txu. ²⁵ Tahe Jesuisi tamy rarybere: —Kaiboho aōbo teriranyōletenyta tyryiti-di. Iwese Daviboho-wana aōhebo rotŷŷnyreri aōmy rekoarenymahāu, rama rahumyhyreny. ²⁶ Tii ralore hetotyhy-ō. Tai tahe orotxu sira ybina riyre, tule tamahādu-ō riwahinyre. Kia tahe Deuxu deōdule rirŷŷmyhyre. Kia Davi aōhebo rotŷŷnyre Abiata heka Deuxu deōdu wedurau. ²⁷ Jesuisi tamyreny rarybere: —Sabado txu heka rawidŷŷre inydee, iny tahe rawidŷŷōre sabado txu dee. ²⁸ Deuxu Riōre Hābutyhyhykŷ tahe sabado txu wedu rare.

3

¹ Ixityre Jesuisi ralore dohodŷŷna hetowo-ō. Hābu debō binahakŷō tai ratximyhy. ² Lahi rybe-di erydŷŷdu mahādu Jesuisi retehemymyhyrenyire. Jesuisi sabado txuule riteytenykeki, tiiboho rarybekemy aōbinabinakibo raharenymy Jesuisi. ³ Jesuisi heka hābubina-ō rarybere: —Manake. ⁴ Tahe

Jesuusi ijō mahādu-ò rarybere: —Aōwihikỹwidỹ awire ada aōbinalemỹ widỹ awire. Tibohe awire, itarasa-ki aōbo ada rubu-ki aōbo. Hābu mahādu urile riyyre. ⁵ Jesuusi tamýreny retehere raōbinamy. Tii heka iaōna aōna riwotōenyrenymỹ. Jesuusi hābu debò bina-ò rarybera: —Ebò biterenyke. Tai tebò riterenyreu, aōwesele awimỹ relere. ⁶ Lahi rybe-di erydỹydu mahādu rara Iòlò Herodi mahādu-ò. Tiiboho raryberenyre timybo tahe Jesuusi rirubunyrenyke. ⁷ Jesuusi rexitare taerydỹy na mahādu wana aho-ò. Tahe sōwemy iny Judeia mahādu, Kalileia mahādu riheludunyre. ⁸ Ibutumỹ aōna aōna roholare Jesuusi riwinyreò. Tahe sōwemy tamy nade: Jerusalē hāwā mahādu, Idumeia hāwā mahādu. Iny Jordaō bero ijā-ribi tule nade. Tule iny Tiro hāwā, Sidò beà hāwā-ribi iòhòmy tamy nade. ⁹ Tahe Jesuusi taery mahādu-ò rarybere: —Walawò bidiwykre. Iny sōwemy dori rehemyreri. Kidiwawotōmonykre òsana. ¹⁰ Ibutumỹ bina mahādu ibymỹ tebò reareri ixideytedỹmy. Urile iny sōwemy riwinyre dori. ¹¹ Tyytybybina Jesuusi reteherenyreu, urile iko-txi resere ryyreri: —Kai Deuxu Riòre tate. ¹² Tai tahe Jesuusi rarybere tyytybybina-ò, uritere iteòsidỹyōmykemy.

¹³ Tii raòwònyre bederatòomy. Tahe taerydỹy na-ò ryyre tibo tamy reòbykemy. Tahe tamy nade. ¹⁴ Tahe ierydỹy na waōinatxi reuròmy rarunyre tii-wana rarekemy, rybe ritỹnynydỹy kemy. ¹⁵ Tule iruru-di rarekemy inybina riteytenykeny. Tule irurudikemy tyytybybina riteònykeny. ¹⁶ Kie ierydỹy nanirenýre: Simaò, (tii tahe Jesuusi ijōni riwahinyre, Pedromỹ) ¹⁷ Txiau ijō, tii Zebedeu riòre rare. Kia seriòre Jesuusi rininirenýre, Boanejimy, inirený. Kia heka irybereny rare, Biumytxy riòrereny. ¹⁸ Ijō heka Andre, Filipi, Bartolomeu, Mateu, Tome, Tadeu, Txiau. (Kia Txiau heka Afeu riòre rare.) Ijō Simaò iwitxira, (tii brebuòmy rybe-ki, tasubedeluudu wahe.) ¹⁹ Judasi Isariò ijōre, kia heka Jesuusi riwahinyre iòludu-ò.

²⁰ Tahe Jesuusi nalode taheto-ò. Ixityre iny sōwemy tamy nade. Tai tahe Jesuusi taerydỹy na-wana riroxiòhyre. ²¹ Idi tahe Jesuusi leinarený itxỹtesana roholarenýreu, riòryrenýre. Tiiboho raryberenyre: —Jesuusi itxỹte iòhòlere. ²² Bede ywina erydỹy mahādu doide Jerusalē-ribi rarybemỹhyrenýre: —Belisibu idi ratximỹhyre. Tyytyby wedu ruru-di tyytybybina iny-ribi riteònyreri. ²³ Jesuusi inyko iyyymỹ relýyre: —Timỹ taheka Satanasi rexiteònykre Satanasi. ²⁴ Iòlòna wiribi rexihitxinykeki tahe, rexihukre ibutumỹ wiludu. ²⁵ Tahe sỹro luduò wiribi rahitxikeki, rỹiòtyhy. ²⁶ Satanasi rỹikeki reburemỹ, tii ixiòbitile rexirubunyke. ²⁷ Inyò heka hābu rurutere hetowo-txi ralòòtyhy. Tai rawasinykeki, urile iny ritaataake. Urile hābu rataataakeki, iròòbymỹ iny rawasinyke. ²⁸ Inatyhy jiarỹ aade ararybereri, ibutumỹ òraru heka kanaixāwidinykre hābu dee aòtxile aōbina binamy rarybemỹhyre. ²⁹ Kia inyò aòtxile aōbina binamy Deuxu Tyytybytyhymỹ rarybekeki, tiu heka iòraru rataòtyhy. Kia òraru riwinyre tiiehyymỹ rarekemy. ³⁰ Jesuisimỹ kiamỹ narybedenyde: —Tii heka tyytybybina dire.

³¹ Tadi tahelỹy na-wana nade. Tahe ahanakile ritamanyre. Tamy riteònyrenýre iòrysmy. ³² Iny sōwemy iwerora-di ronyre. Tahe Jesuisise-ò rarybere: —Adi aseriòre-wana ahanakile nyide, arajereri. ³³ Jesuusi rarybere: —Mowe nadi rare, waseriòrebobo rare. ³⁴ Juhu urile idi retehereri iwerora-ki. Tahe rarybere: —Betehekre, kaiboho ibutumỹ kaki nadiwesere, waseriòre wese toite. ³⁵ Inyò aōna aōna riwinymỹhykeki, Deuxu dee awira. Kia heka nadi, waseriòre roire.

4

¹ Jesuisi ròòsера ahobero ijà-ò iny dohodŷŷmy. Sòwemy iny wirotŷyре. Tai Jesuisi ronyре hāworo-ò таhe rextaranyре аhoro-ò. Aho ijà-ò iny wirotŷyре ijo-honamy. ² Tii aòna aòna sòwemy roerydŷŷnanyре iŷyŷtyhydile. Kaa iŷyŷmy tii relyре: ³—Boholake, alòbòròna-di deĥudu rara alòbòrònamy. ⁴ Alòbòròna-di reĥumyĥŷu, ijò rŷyо-tŷi resere. Таhe nawiiĥòmo rirore. ⁵ Ijò reŷujure manarutàsŷ-tŷi. Таhe aòwesele raumynyре iraruxiòlemy su dori ibutere. ⁶ Irauxiòreki, bede tòtee alòbòròna rimoenyре idi rurura. ⁷ Ijò oworuty resere edeĥu-tŷi idi ruhunyре edewanale. Tai таhe ede-ò riòdesenyре tai raratynyòlere. ⁸ Ijò resere su witxira wihikŷ-tŷi. Kia таhe raumynyре. Таhe soĥoji oworutyò 30my iraty raratynyре. Ijò oworuty 60my raratynyре. Ijò таhe 100my raratynyре. ⁹ Tii rarybera: —Kaiboho aòbo òĥòtidirenyре, inatyĥymy warybe-ò boholake. Adee awikeki, bierybenyke.

¹⁰ Iny robŷtŷreu, ijò rarilere ierydŷŷna mahādu-wana. Tiiboho rŷŷraxire Jesuisi-ò: —Aòĥekemybo telyŷta iŷyŷmy. ¹¹ Jesuisi tamyreny rarybera: —Deuxu Iòlòna rybemy Deuxu araerynanyke. Kia heka tuu teeryòmahāte. Kowaboho-ò ĵiarŷ urile iŷyŷmy relyра. ¹² Tai таhe kиа wesele relyра. Iny reteĥemyĥkemy таhe robiòĥymyĥŷre. Roholamyĥŷre та, rieryòĥymyĥŷre. Tai таhe ralòkemy aòkò, taòraru riixāwididŷŷnakemy aòkò.

¹³ Tii tamy rarybere: —Kaiboho aòbo teeryòĥyyletenyteri iŷyŷ. Ihāre таhe timykibo bierybenyke iŷyŷ ibutumy. ¹⁴ Aloborodu reĥumyĥŷ alòbòròna-di. Kia oworuty heka rybe wese rare. ¹⁵ Oworuty rŷŷjāti ludu heka iwese uriiĥonadu wese heka rare. Rybe-ò roholarenyре, Satanasi nade rybe iwo-ribi ritakremy. ¹⁶ Manarutàsŷ ludu iwese iny reysamy roholareri. ¹⁷ Iny urihimyòle raroreĥenymyĥŷre iraruxi sòweòreki. Idiĥe rasirara irybe. Tule iny ralahatxinamyreki, iĥyyle таhe riixāwidinyра. ¹⁸ Ede rawo ludu iwese iny witxira roholareri. ¹⁹ Tiiboho taaòmydŷŷnadile ròĥòtinymyĥŷre. Sòwemy nieru-di ratxikemy rexinohòtinymyĥŷre та nieru riitxenanymyĥŷre. Ijò aòna aònadile rexinohòtinymyĥŷre. Kia aòna aòna rybe rirarutxinymyĥŷre. Tai таhe rybe raratynyòmyĥŷre. ²⁰ Suwihikŷ ludu iwese iny witxira roholareri. Kia inatyĥymy rŷŷireri heka raratynyре alòbòròna raratynyре wese. Ijò raratynyре 30my, ijò таhe 60my raratynyре. Ijò таhe 100my raratynyре.

²¹ Tii rarybera tamyreny-ò: —Uritere loosòna ideòmyke butxi worawo-tŷi ada herina raworawoò-tŷi aòbo. Loosòna bidekre bedewiò-ò. ²² Inyò iwòteòmy aòna aòna tiieĥymy. Tiutxulemybo ratŷnykemy iĥŷre. Iwòteòmy atximahābenyke aòu bodobikemy atximahātenyte. ²³ Kaiboho aòbo òĥòtidirenyре, inatyĥymy boholake. ²⁴ Таhe Jesuisi tamyreny rarybera: —Kaiboho inatyĥymy boholabeny tamy taholamahātenyteò. Uriĥixina iwese teòteri wesele, kai biwykre. Ihāre таhe biwykre ijò teòta-ribi ritamy. ²⁵ Hābuò ijòdikeki tamyle rawahidŷŷŷke, таhe hābuò ijòòkeki iribi ratatyhyke.

²⁶ Jesuisi relyра kиа iŷyŷmy: —Deuxu Iòlòna kиа iŷyŷ wese rare. Hābu reĥumyĥŷre alòbòròna-di suò. ²⁷ Hābu rumy ròròmyĥŷre txulemy rexix-ameyĥŷre. Tii rieryòlemyĥŷre timybo alòbòròna ratybienymyĥŷre. ²⁸ Suu ixi dee soĥojile raratymyра. Juhuu iòle ramyĥŷre. Idi таhe raratynymyĥŷre, ihewonau, таhe, iraty rasònymyĥŷre. ²⁹ Bederaty rasònymyĥŷreu, iŷyresydu riteònymyĥŷre. Mayrabu-di riòròkemy bederatysò butudŷŷna dori rexihumyĥŷre.

³⁰ Tii rarybera, Deuxu Iòlòna wexe aõwesere. Aõ-ò wexe rikioirenykre. Tiwexe ijyy kawesere. ³¹ Kia heka mostardaty wesere. Tii heka iylatyhymy ratximyhÿre kabede-ki. ³² Tahe tii raumynymyhÿre wana, ireitòbòròdÿÿ ratyre rarurururunymyhÿre. Tahe nawii tamyle rasÿnymyhÿre. Iubòròrò rawolemy taheto riwinyre.

³³ Tahe Jesuisi Deuxu rybemy riernyanymyhÿre. Kia ijyy wese sòwemy ijyy riernyanymyhÿre. Kialemy iny-ò Jesuisi rellyymyhÿ ibutumy tamy reny ritynynymyhÿreki. ³⁴ Kia-ò riòbitinyòlere ijyyò. Tahe iny-ribi irehemy taerydÿÿna-ò riòbitinyre.

³⁵ Iu txu txiorolemy Jesuisi rarybere taerydÿÿna-ò: —Rikiòhòrenenye kowa weribi ijà-ò. ³⁶ Sòwemy iny rarire aho ijà-ki. Tahe taerydÿÿna tamy ralore. Roire hāwò-di. Tahe ijò hāwò idi ratximyhÿre. ³⁷ Tahe bedede binahakÿ rexidelenye yhymy. Tahe òbò hāwò rihātenymyhÿ tai ritÿmynykemy rite-lenye. ³⁸ Tai tahe Jesuisi ròròmy roimyhÿ tòro-ki irati tarahynatyre-ki. Tai tahe riixixanyre. Ijò rarybere: —Waerydÿÿdu, adeehe awimiy aõbo iny ituerenykre. ³⁹ Rexixamy Jesuisi. Tii yhy riixāwididÿÿnyre. Tii ahohokÿ-ò rarybere: —Biyryke! Tai bedede ruhuwihikÿre. ⁴⁰ Tamyreny rarybere: —Aõherekibo kaiboho taberutenyteri? Deuxu aõbo tetyhynyõmahātenye? ⁴¹ Tai tahe tiiboho bedede riòtiinyrenyra. Tahe widee raryberenyre: —Mowexe tuu yhy ahohokÿ-wana irybe riwinyke.

5

¹ Ritehemynyrenyrene ijò berohokÿ weribi ijàna-ò. Kowa heka ibutumy hāwāhākÿ Kadarena inirenyre. ² Jesuisi hāworo-ribi resereu, hābu tyytybybina-di robire ròhònyreri wabede-ribi. ³ Kia heka tiemy rasÿnyny raremyhÿ wabede-ki. Katahe wiji moheka womati reroti-di rataataaòtyhy. ⁴ Aòdorihe òhòðore tebò iwa rataataare womati reroti-di. Tiemy heka rimoenymyhÿ. Teòrutu ludu tawararu ludu tule ritòtynymyhÿre iyresymy. Moheka iruruòre iny erydÿÿmy. ⁵ Txuu ruu-wana heka tii rasÿnyre wabedewo-ki. Tii rariamyhÿre bederatòòmy. Tule rirajuamy tai rexihātenyrene mana-di. ⁶ Tai tahe Jesuisimy robireu, tii raijaranyre Jesuisi-ò. Resere tatiowotimy Jesuisiko-ò. ⁷⁻⁸ Jesuisi tyytybybina-ò rarybere: —Iribi bòhònyke. Tahe tyytybybina rarybera: —Aõwe wadi tate. Kai, Jesuisi, ibutumy inyò dee inyratyre tate. Kai Deuxu Riòre tate. Làhāmy làhà, uritere aòbina binahakÿmy wahòròdÿÿòmykre. ⁹ Jesuisi ritÿÿraxinyre: —Mobohe anire. Tyytybybina rirawònyre: —Wanireny sòwetyhyre wasòwerenyreki. ¹⁰ Urile karibi wateòdÿÿrenyòmykre. ¹¹ Tahe kowa-ki ixÿni juramy riroximy rÿimyhÿ bederatòò-ki. ¹² Ibutumy tyytybybina rexitòenyrenyrene: —Biwateònybenye ixÿni jurawomy aralòrenykeny. ¹³ Tahe Jesuisi riteònyre. Tyytybybina aõwesele ròhònyre tahe ixÿniwomy ralore. Ixÿni jura tahe raòrunyrene rejuxunyrene ijòtira-ribi. Berawo-txi tahe rabòròròre ahohokÿ-ki. Inatxi mìl ixÿni rabòròròre. ¹⁴ Ixÿni-di itxeredu reare ijyyemy ibutumy hāwā hāwāmy rellyrenyrene. Tahe iny dirahude tamy itxeremy. ¹⁵ Tiiboho Jesuisi-ò doideu, tuu robirenyra hābu tyytybybina-di raremyhÿ. Tii rexitynymy ronymyhÿre. Tii heka òbitimy ròhòtynymyhÿre. Tai iny mahādu rabedeòtiidÿÿnyre. ¹⁶ Tiiboho tuu robirenyrene, ijò-ò rellyrenyrene ixÿni ijyyemy, timybo aõhebo rotÿÿnyrenyrene hābu tyytybybina-di ratximyhÿre. Tule rellyrenyrene timybo rotÿÿnyrene ixÿni jura. ¹⁷ Iny rexitòenyrene Jesuisi-ò rexitakremy isureny-ribi. ¹⁸ Jesuisi hāworo-ò ralore. Tahe hābu tyytybybina-di ratximyhÿre, rexitòenyrene Jesuisi-wana

rakemy. ¹⁹ Tahe Jesuisi idy derare. Tamy rarybera: —Mahe asy-ò, aijoi-ò belyyke aõna aõna Deuxu adee riwinyremy, iwese tii araruxetõenymyhÿre wese. ²⁰ Tahe hãbu rare Debõwiò hãwãreny-ò. Ibutumy Jesuisi aõna aõnamy ixidee riwinyremy relyyre. Ibutumy iny ribedeòtiidÿÿnymyhÿre.

²¹ Ixityre Jesuisi rare ahohokÿ weribi ijã-ò. Ixidee iny sõwemy ributunyre. Tii heka ihÿmyhÿ ahohokÿ ijã-ki. ²² Tahe dehemynyde tamy dohodÿÿna heto wedu-ò. Ijairu inire. Tii Jesuisi robireu, resere tatiwotimy iko-txi. ²³ Ijairu rarybere Jesuisi-ò: —Wariòre irubu iòhòtyhylemy roireri. Kai manakre tamy ebò bitidikremy. Tai awimy relekre, ruruòtyhy. ²⁴ Tahe Jesuisi tii-wana rare. Iny sõwemy tule rare iòhòkile tamy rÿire.

²⁵ Kia heka hãwyyò binamy ramyhÿre. Ihãlubu rejuxunymy raremyhÿ. Beòra waòinatxi reuròmÿ rejuxunymyhÿre, rihuòhyy raremyhÿ. ²⁶ Tii aòhòkÿmy rotÿÿnymyhÿre sõwemy òhotibedu mahãdu-di. Tahe awimy rotÿÿòlemyhÿre. Urile tanieru ibutumy rahure òhotibedu mahãdu-ki. Awimy releòlemy, ire bede-ò resere. ²⁷ Tahe roholare Jesuisi nina-ò tahe iòhò-ki nade inyy-ki. Idi ihewo-ribi rimyra itynora-ki. ²⁸ Hãwyy ixidee rarybemyhÿre: —Krile itykynora-ki karimyekei, karekyteke. ²⁹ Tahe aõwesele ihãlubu ijera ixãwire. Ixidee awimy ròhòtynyre. ³⁰ Jesuisi rieryre iruru iribi ròhònyremy, tai rarybere: —Mobo watynora rimyra. ³¹ Tahe ierydÿÿna raryberenyra aòherekibo tuu tarybeta ibutumy taheka iny abirelemy rÿireri. ³² Jesuisi retehemyhÿre urile mobo rarekemy. ³³ Hãwyy rierymyhÿ aòhebo rotÿÿnyre. Tii ruberumy Jesusiko-ò resere relyykemy iko. ³⁴ Jesuisi rarybera: —Lerÿ, atyhydÿÿna kÿnyhe aratara. Mahe, kai dori texiywinyta.

³⁵ Tii rarybemyhÿò, dohodÿÿna wedu deòdu rehemynyrenyreri. Tiiboho raryberenyra: —Wawedu, Ijairu, ariòre rurumy roireri. Aõmybo tahe Erydÿÿdu-di atxiteri. ³⁶ Jesuisi kia-ò roholara tahe rarybera dohodÿÿna wedu-ò: —Brebòmÿ, urile bityhynykre. ³⁷ Jesuisi-wana roire, Pedro, ijò Txiau, ijò Joaò. Joaò heka Txiau seriòre rare. Kaòle heka reòbyre tii-wana rakemy. ³⁸ Dohodÿÿna wedu heto-ò dehemynydeu, ixiyjadÿÿ-ò roholara, robureriò, rirajuarerìò. ³⁹ Jesuisi ralore tahe rarybera: —Aòherekibo tabutenyteri. HirarihiKÿ rurumy aòkò roireri. Tii urile ròròreri. ⁴⁰ Juhu urile tai rutxuenyrenyra Jesuisi-ki. Tahe Jesuisi ibutumy iny riòlòdÿÿnyra hetowo-ribi. Tahe ise, tybyle, ixidee rimyrenyra ratxirenkemy. Tahe tamy rirònyrenyre tai hirarihiKÿ roimyhÿò. ⁴¹ Jesuisi hirarihiKÿ debò rimyre tahe rarybera: —Talita kumi. (Katahe iwitxira rybemy rarybera. Kiamyreri heka, mynyikemy.) ⁴² Aõwesele hirarihiKÿ rÿimyre reara. Tahe rariara aõmyreki iwyrwaòinatxi reuròmÿ iwyrumy. Tahe urile bede riòtiinyrenyre. ⁴³ Jesuisi riteranyre moò rierydÿÿkemy aòkò. Jesuisi tule rarybere: —Rÿsÿna tamy biwahynykre.

6

¹ Jesuisi dexitade kowa bede-ribi. Tahe tauladu tybiena hãwã-ò dehemynyde. Taerydÿÿna mahãdu riheludunyre. ² Sabado txumy rierynanyre dohodÿÿna heto-ki. Sõwemy iny roholamy rÿimyhÿ bede riòtiinymy. Tahe rarybere: —Tiribibo kia hãbu aõna aõna bede rieryre. Aòbedeeryhykÿbo ratximyhÿre. Timyta heka bedeòby riwinyre. ³ Kia aòbohe aòwidÿÿdule ratxireri, Marie riòrele. Tiiboho aòbohe Txiau, Jye, Judasi, Simaò, seriòrebohole ratxirenyreri. Terÿboho aòbohe tule kakile ratxireri. Ibutumy iny heka Jesuisi derarenyre. Irybe rityhynyòre. ⁴ Jesuisi rarybere tamyreny: —Deuxu

rybedŷŷdu heka tyhydŷŷna ritaòlekke tahāwāreny-ribi, taijoi-ribi, tasŷ-ribi.
⁵ Tahe Jesuisi kowa-ki bedeòby riwinyòlere. Urile tebò ritidire inybina bina tyre, taile riteytenyre. ⁶ Jesuisi urile bede idireny riòtiinyre rity-hynyòlemhyŷrenyrekki. Tahe Jesuisi reurore hāwā hāwā-di erydŷŷmy.

⁷ Tii ixidee ributunyre tawaðinatxi erydŷŷna mahādu. Tii riteònyre inatxi inatxi iubŷtŷnyre. Tamyreny taruru-ribi riwahinyre tytybybina deòdŷŷki. ⁸ Jesuisi tuu rarybere: —Urile biwykre adebòna. Uritere orotxu aòkò, nieruhyna aòkò, nieru wereysanawo-ki aòkò, iwydysyrenyòmykre. ⁹ Uritere waubehetyòmy noòmykre. Uritere inatximy wirawomy ty-di ixityydŷŷòmykre. ¹⁰ Hāwā-txi malòkeki, tiemy taile bonykre tiubedemybo iribihyyle bòhònykre. ¹¹ Titxi behemynybenykeki, uritere iny erarenymy reakeki, roholaokeki, txiòrare, urileta awareny bitòtŷnykre bede erynamy. ¹² Tahe tiiboho roire. Rybe ritŷnydŷŷmyhŷre iny ixidee rexirahŷrenyemky. ¹³ Tytybybina irehemy iny-ribi ririradŷŷnykemky. Sòwemy inybina tyre òlŷre ritxiwire. Tai tahe riteytenyre.

¹⁴ Kia heka iòlò Herodi roholara. Jesusini dori erynatyhymy raremyhŷ. Tahe ijòboho rarybemyhŷreny: —Joaò Sebedŷŷdu rexixara rubu-ribi. Ijò rarybemyhŷreny: —Eliale ratxireri. ¹⁵ Ijò rarybera: —Deuxu rybedŷŷdu ratxireri. Deuxu rybedŷŷduò wese heka ratxireri. ¹⁶ Herodi roholareu aòbo Jesuisi riwinyreu, rarybera: —Kia hābu Joaò ratxireri. Kia heka irati reore heka rare. ¹⁷ Kia heka iòlò Herodi riteònyre imynamy. Idi tahe ritisanyre ròtenawo-ò. Taseriòre hāwyy òraru-ki kia riwinyre. Filipi iseriòreni rare. Iseriòre hāwyyini Herodia rare. Herodi, Herodia-wana roire iseriòre riòrese-wana. ¹⁸ Juhuule Joaò rarybere Herodi-ò: —Kai aòkòre aseriòre hāwyy-di mabeòtyhy. ¹⁹ Herodia tamy iky reamhyŷ rirubunykeny ratximhyŷ tahe aòkòhyylyre. ²⁰ Herodi tahe Joaò rityhinyre. Tii rierymhyŷre Joaò hābu wihikŷò ratximhyŷ. Tai riyrubunyre ròtenawo-ki. Herodi Joaò roholareu, urile bede riòtiinyre urile roholawihikŷre. ²¹ Kia txuu ibeòra reare Herodi lisina berenamy riwinyre. Tahe ibutumy hāwā dinodu, soldado wedu mahādu, tule ibutumy hābu ninihikŷ Kalileia mahādu-ribi rihuòtere. ²² Ijadòma ralore resere, Herodia riòre. Herodi, iny huòtedu mahādu-wana tamyreny awire. Iòlò ijadòma-ò rarybera: —Aòtxile aòma wadee bexitònyke, adee ariwahinykre. ²³ Inatyhymy adee ararybekre. Waaòna aòna iweeremy bexitònykeki, adee ariwahinykre. ²⁴ Ijadòma tadi ritŷŷraxinyre aòmybo tahe tamy rexitònykre. Ise rarybera: —Joaò Sebedŷŷkŷdu rati kai bexitònykre. ²⁵ Tahe ijadòma ròsere iòlò-ò. Tahe ijadòma rarybera: —Joaò Sebedŷŷkŷdu rati kai biwahinykre hyna tyre-ki. ²⁶ Iòlò sòwemy rabadewore irybe-ki. Rexitxiònyòlere iny dori sòwemy ibire-ki. ²⁷ Iòlò soldado rariare Joaò rati òrysmy. Tahe irati riorore ròtena-ki. ²⁸ Tahe irati diwyde besetyre-ki. Ijadòma-ò riwahinyre, tahe ijadòma tadi-ò riwahinyre. ²⁹ Joaò erydŷŷna rieryreu tahe, nade iumy òrysmy. Tahe iumy riwyre wabede-ò.

³⁰ Jesuisi erydŷŷna mahādu ròsereenyre Jesuisi-ò. Tahe relyyrenyru ibutumy aòmydŷŷnana tule ibutumy rierynanymyhŷre. ³¹ Jesuisi tamy rarybere: —Inyboho sohojile rokoiireny bederahy-txi ixielehydŷŷmy. Tii dori rarybera tamy heka byrena iòhòtyhòlere tamy roxina raòhòlere. Iny sòwemy tamy wii reutydynyri. ³² Tahe tiiboho sohojile hāwò-di roire bederahy-txi inyò-ò. ³³ Iny sòwemy tuu robira ròhònyrimy. Tahe iny ibutumy hāwā hāwā ludu raijaranyre tòròsòna-ò. Tiibohole juhu rehemynyre iko-ki. ³⁴ Jesuisi rororeu, tahe inymy sòwemy robire, riraòreriò. Jesuisi tamy ratòenymhyŷre.

Tiiboho dori iwese budoeni idi itxereduõmy rỹireri wesemy. ³⁵ Txuu raloreu, ierydỹna mahãdu Jesuisi-ò roire. Tiiboho rarybere: —Ka kỹnyhe bederahy roire txuuke rexihura. ³⁶ Kai tahe iny biteõnykre hãwã hãwã mahãdu-ò rỹsỹna ixideereny õbradyỹmy. ³⁷ Jesuisi tamyreny rarybera: —Kaiboho tamy rỹsỹna biwahinykre. Tahe raryberenyre: —Tĩmybo tahe inyboho 200 prata womati nieru-di orotxu rikiõbranyrenykre. Tĩmy wexe tamyreny rỹsỹna rikiwahinyrenykre. Jesuisi tamyreny rarybera: ³⁸ —Tiwese orotxu bohe rỹire. Maa tamy itxeremy. Idi tahe rieryrenyre, rarybera: —orotxu iruyre, utura inatxi. ³⁹ Idi tahe Jesuisi iny rabõrõhõkỹ asityre rorukukremy. ⁴⁰ Idi tahe iny rabõrõhõkỹ wii rirareare, ijõ sĩwõtamy, ijõ 100my. ⁴¹ Jesuisi orotxu utura-wana rimyre tahe retehere biu-ò Deuxu-ò rexitõnyre. Idi tahe orotxu reõrõrõre. Riwahinyre taerydỹna mahãdu-ò riwykremy iny-ò. Tule utura inatxi wirarea riwahinyre iny mahãdu dee. ⁴² Ibutumy iny riroxire. Rihydymy rỹĩmyhỹ. ⁴³ Idi tahe ritỹxinyre waõinatxi reurõ weririmy orotxu yre yre utura-wana rauhenyredi. ⁴⁴ Kia heka rerỹsỹre 5000 inymy rỹsỹna-di.

⁴⁵ Juhu Jesuisi riteõnyre taerydỹna mahãdu ixiko-ò kanaijõwe-ribi ijã-ò, Besaida hãwã-ò. Tii tahe ririre iny riteõnykremy. ⁴⁶ Tahe riteõnyreu, tii rare ix-itõedỹmy bede ratõdõhõkỹ-ò. ⁴⁷ Txioro bedesou hãwõ ahotyã-ki ratximyhỹre. Jesuisi suki ratximyhỹre ixisohojile. ⁴⁸ Tahe yhy rebõnymyhỹ iutedereny-ribi. Hãwõ rariaõlemyhỹ. Tahe Jesuisi tuu robire txu ijera iõhõ-di. Tahe betyredile tamyreny rariare. Jesuisi iratyrereny wese rariakre. ⁴⁹ Tahe tuu robireu, betyre-di rariarerio, tiiboho unisỹna rõhõtinyrenyre, rirajuarenyre. ⁵⁰ Tahe ibutumy tuu robira ibutumy ruberurenyre. Jesuisi aõwesele rarybere: —Utile beysabeny, breburenõmy. Jiarỹle watxireri. ⁵¹ Tii ralore tamyreny hãworo-ò. Yhy urile ixãwire. Ierydỹnaboho bede riõtĩinyrenyre. ⁵² Tiiboho ruberurenyre, orotxu bedeõbyna dori rierykõrenyre.

⁵³ Tiiboho riõhõrenyre, ritehemynyre Kenesare-ò. Kia-ki hãwõ ritisarenyra. ⁵⁴ Tahe hãworo-ribi rõtũõreriu, ibutumy iny Jesuisi rieryra. ⁵⁵ Juhu raõrunyrenyre bina bina mahãdu õrysmy. Idi tahe didydenyde roholarenyre titxiibo tai Jesuisi ratximyhỹ. ⁵⁶ Tii raloreu iny hãwã-ò aõbo ada hãwãhãkỹ-ò aõbo ada bedero-ò aõbo, tiĩemy iny bina bina mahãdu iryko-txi ritidire. Tai tamy rexitõenihikỹre tamy debõ reakemy ityynora-ò. Ibutumy tamy debõ reareu, tahe riteytenyre.

7

¹ Jesuisi-ò ributunyre fariseu mahãdu lahi rybe-di erydỹdu mahãdu wahe. Tule bede ywina erydỹ mahãduributunyre. Jerusale-ribi ritehemynyreri. ²⁻⁵ Jesuisi erydỹna mahãdu tebõ risuhõõmy riroxireri. Fariseu mahãdu, Bede ywina erydỹ mahãdu-wana Jesuisi-ò ritỹraxyrenyre: —Aõherekibo aerydỹna tebõ risuhõõmy riroximyhỹrenyre. Aõherekibo ihetxiu bede ywidỹnana rityhynyõrereri. Lahi rybe-di erydỹdu mahãdu judeu mahãdu-wana ihetxiu iwidỹnana riwinymyhỹrenyre. Tii heka tebõ tiu surõduõmy riroxiõmyhỹre. Tiiboho aõna aõna wydyna heto-ribi dõõsemahãdeu, tiu heka rõhõõdile riroxiõmyhỹre. Sõwemy iwidỹnareny rityhynymyhỹre. Bemonã butxi, womati bese-wana risuhõrenyre. ⁶ Jesuisi tamy dirawyõnyde: —Isaia juhuule rarybere tiwesebo kaiboho toite. Kaiboho itxenadyỹdu toite. Riritinymy rỹire:

—Kaiboho riwawowydynymyhỹre tary-di. Tahe awo-ribi waluuõlemyhỹre.

⁷ Kaiboho riwawowydynyre tahe watxi nohōti ijeraōlereny. Kai teery-nanyteri erydŷŷna-di iny nohōti-ribi namyhŷdeole.

⁸ Kai Deuxu erydŷŷna tyhydŷŷomy. Iny erydŷŷnale tetyhynytenyte. ⁹ Tii tamyreny rarybera: —Kaiboho aōbo ijō bihōrōnybenyke, biaōmsŷnybenyke. Deuxu rybe bede ywina kaiboho tetyhynyōlemyhŷtenyte. Arybe bede ywinala tetyhynyōlemyhŷtenyte. ¹⁰ Moisesi rarybera:

—Kaiboho biytyhnybenyke adirybe-ō, tybyrybe-ō. Inyō tadimy tybymy iehehemy rarybekeki, aōtaxiny ruruke.

¹¹ Kaiboho teerynanyteri hābuō-ō tadi tybywana-ō rarybekemy: —Wanieru waribi bitaōke. Ariwahiny dori Deuxu-ō. Wanieru heka korbŷ rare. (Korbŷ heka uri wahidŷŷna rare, iwitxira rybe wahe.) ¹² Jesuisi rarybehymy rare: —Kiawese rieriyanany raremihŷ, kaiboho uritere hābuō tadiboho-ō aōmydŷŷomy rarekemy. ¹³ Kawese ityhydŷŷrenyōmy Deuxu rybe, aerydŷŷna òraru-ki. Sōwemy aōna aōna kawese tatŷŷnytenyte. ¹⁴ Tahe Jesuisi ixityre rarybera inysōwe-ō: —Bodoholabenyke, ibutumy bierybenykemy. ¹⁵ Aōbo iny-ō ralōmyhŷre, kia tahe iny risunyōlemyhŷre, inywo-ribi tahe namyhŷde kia tahe iny risunymyhŷre. ¹⁶ Inyō bierybenykeki, boholaŷibenyke. ¹⁷ Tahe iny-ribi rōhōnyreu, heto-ō raloreu, ierydŷŷna mahādu tahe tamy rŷŷraxire ijyymy. ¹⁸ Tii tamyreny rarybere: —Kaiboho tule aōbo teeryōmahātenyte. Aōbo iny-ō ralōmyhŷre, kia iny risŷnyōlemyhŷre. ¹⁹ Tawotyhy-ō dori ralōōlemyhŷre. Urile weryri-ō ralōmyhŷre idi umy-ribi rōhōnymyhŷre. (Ibutumy rŷŷna tahe awire riki.) ²⁰ Tule rarybere: —Aōbo iny-ribi namyhŷde, kia risurisunymyhŷre. ²¹ Inywo-ribi tahe rōhōnymyhŷre ibutumy nohōtinana binahakŷ. Kia heka rare nohōtinana binahakŷ: òta òtalemy, wasilemy, rubudŷŷlemy, ijō hābu riōrese ridymy, ²² ibutumy aōna aōna wedu iny ratyrekemy, binamy rōhōtinymyhŷre, ruilemy, aōbina binaōle, itxeredu, aōbina binalemy rybedu, tule itxŷtelemy. ²³ Kia heka ibutumy bina bina inywo-ribi namyhŷde. Kia heka iny rexisunymyhŷre.

²⁴ Jesuisi rexitare. Tahe r re Tiro hāwāreny-ō, Sidō beā hāwā hāwā-ō. Tahe tii ralore hetowo-txi tahe moō rierykōdi ixidire hetowo-txi. Ralōrau tahe, rexiwōke aōkō. ²⁵ Jesuisi tyhynina-ō hāwyy roholare, tahe tamy nade, tatiowotamy resere. Iriōre-riki tytybybina dire. ²⁶ Kia heka hāwyy Grego mahādu rare. Ilahinanire heka Siru Senisia. Tii Jesuisi-ō rŷŷraxire tytybybina iriōre-ribi deōdŷŷmy. ²⁷ Tahe Jesuisi tamy rarybere: —Txioiny, juhu inihe uladu mahādu riroxikre. Wadee awiōre uladu-ribi rŷŷna ritake ijōrōsa-ō. ²⁸ Hāwyy rirawyōnyra: —Inatyhy rare, Wāhī. Kurile rŷŷna kyre kyre rejujumahāre. Kōwōruku bese-ribi, kuladu-ribi. Kiamy heka itxōrōsa rirakuximyhŷre. ²⁹ Tahe Jesuisi tamy rarybera: —Kia rybe òraru-ki heka kaa tarybeta tytybybina ariōre-ribi rohonyra. Kia bōōsekre aheto-ō. ³⁰ Hāwyy taheto-ki rehemynyreu, iriōre-ki rahara byretyre-ki roire. Hāwyy rieryre tytybybina iribi rōhōnyre.

³¹ Tai tahe Jesuisi ixityre rexitare Tiro hāwāreny-ribi, Sidō beā hāwā reny-ō rara Kalileia aho-ō. Tii raremyhŷu, Debōwiō hāwā hāwā reny ririre. ³² Tahe tamy didydenyde hābuō nohōtityō. Tii roholaōlemyhŷre. Tule awimy rarybeōhyylemyhŷre. Tahe rexitōenyrenyra Jesuisi-ō, tebō ityre ritidikemy. ³³ Jesuisi tii ritare inysōwehekŷ-ribi tahe tebō ritidire tōhōti-ō. Tahe rarybexinyre tahe idi tōrōtōbymy reare. ³⁴ Tahe Jesuisi tarue ruwyy biu-txi, ele-di reare. Tahe rarybere: —Ebata. (Kia heka rybe riwiurōsōdŷŷmy rare, —Biraynyke.) ³⁵ Aōwesele tōhōti riraynyre. Tōrōtō riykoykonyre. Tii

aðwesele awimy rarybere. ³⁶ Jesuisi rarybere: —Uritere iny-ò ijyyðomykremy. Ihārele tahe ibutumy kiamy iny-ò relyymyhÿre. ³⁷ Idi bede riðtiinyrenyire. Tahe raryberenyre: —Ibutumy tii riteytenymyhÿre. Tii nohðtity aðwesele roholamyhÿre. Hābu rybeð aðwesele rirybedÿÿnymyhÿre.

8

¹ Kia txuu ixityre iny sōwemy ributunyre. Kiau tule aðrÿsÿnamy ijððhyllere. Jesuisi taerydÿÿna mahādu ixidee ributunyre. Tahe tamyreny rarybere: ² —Jiarÿ inysōwe rewotðenyneri. Tiiboho txuu inatað waki rÿireri byreðlemy. ³ Jiarÿ byreðlemy ariteðnyrenyeki, ryrowetyakile reserenykre iðderawyrinymy. Tule, iny sōwemy irehe-ribi nade. ⁴ Ierydÿÿna tamy dirawyðnyde: —Timytaka inyboho tamyreny orotxu rikiwahinyrenykre kabederahy-ki. ⁵ Tii ritÿÿraxinyre: —Tiwesebo orotxu kai ijðdire. Tiiboho rarybere: —Debò inatxi reurðmy. ⁶ Jesuisi iny sōwemy risÿdÿÿnykremy sutyre-ò. Tii orotxu debòinatxi reurðmy rimyra. Tii rexitðenyreu tahe riorore. Tahe riwahinyre taerydÿÿna mahādu-ò riwykemy iny sōwe-ò. ⁷ Tule utura ibutemy rÿimyhÿ. Tahe rexitðenymy rahudi tahe taerydÿÿna-ò rarybere: —Kaa tule biwybenyke iny sōwe-ò. ⁸ Tiiboho riroxirenymy tahe rihydymy ratxinyhÿ. Iyre yre rauhenyre riwyrenyre weriri debò inatxi reurðmy riwyrenyre rÿÿximy. ⁹ Inaubiðwa mīl iny iðhðmy rÿimyhÿ. Tahe Jesuisi rexideðwarinyre iny sōwe-ò. ¹⁰ Tii ralore hāworo-ò taerydÿÿna-wana. Tiiboho roire Damanuta hāwāreny-ò.

¹¹ Lahi rybe-di erydÿÿdu mahādu nade fariseu mahādu wahe. Tiiboho tamy nade rybe ðbitidÿÿmy. Tiiboho rÿÿraxirenryra bede erydÿÿnað kiditeðsinykremy. Lahi rybe mahādu rierykemy tii inatyhy rare urenana. ¹² Tii raelewesenanyre tawo-ki rarybere: —Aðherekibo kaa iny mahādu rÿÿraxinyhÿre bede erydÿÿnamy. Inatyhymy jiarÿ ararybekre: —Bede erydÿÿna heka tamy rawahidÿÿðtyhy. ¹³ Tahe idi Jesuisi rexitare. Hāworo-ò ralore. Idi rohorere kanawe-ribi ijā-ò.

¹⁴ Ierydÿÿnaboho tahe tōhðti rosare orotxu wydysy-ribi. Sohojityhyle heka orotxu roimyhÿ hāworo-ki. ¹⁵ Jesuisi tamy ribedeerynyre: —Beteheiny, biyrubuny, lahi rybe mahādu, Herodi mahādu-wana wirÿsÿna uri-ribi. ¹⁶ Jesuisi erydÿÿna mahādu ixideele rarybere: —Aðherekibo Jesuisi kia rarybereri. Inyboho iorotxurenyðreriki ðsana. ¹⁷ Jesuisi heka rieryra tahe rarybera: —Aðherekibo raryberemy orotxu ijððremy. Kaiboho aðbo teertytenyðte. Kaiboho aðbo arawoxierynyrenyðre.

¹⁸ Kaiboho aðbo arueðrenyre. Tabiðletenyteri. Kaiboho aðbo itxi ðhðtirenny reaðlereri.

¹⁹ Jiarÿ 5000my iny-ò orotxu reareareu, tiwesebo weririmy orotxu yre yre-di ritÿÿxinyre. Tahe tiiboho rirawyðnyre: —Waðinatxi reurð weririmy. ²⁰ Tahe debòinatxi reurð orotxumy reòròra 4000 inymy, tiwesebo weriri orotxu yre yre-di ritÿÿxinyre. Tiiboho rirawyðnyre: —Debòinatxi reurðmy. ²¹ Tahe tamyreny rarybere: —Timyrekibo tahe teertytenyðte.

²² Dehemynyde Besaida hāwā-ò. Tahe hābu ruetā-di tamy didydenyde. Rexitðenyrenyre tamy debò reakemy. ²³ Jesuisi tebðmy rimyre tahe ridyre hāwā-ribi bederahy-ò. Iruetyre rarybexinyre. Tebðmy tamy reare. Tahe ritÿÿraxinyre: —Aðmybo aðbo tabiteri. ²⁴ Hābu tahe biu-txi tarue riukora, tahe rarybera: —Hābumy rabira, ðwòru wese rÿirerið, rariareri. ²⁵ Ixityrele Jesuisi tebò reare irue-ò. Hābu heka irue reyteramy ðbitilemy retehereri. Robire

irehetyhy-ò it̃nyh̃k̃ỹlemy. ²⁶ Tahe Jesuisi riteònyre is̃y-ò urile ihāwā-ribi ròseòmykre.

²⁷ Jesuisi taeryd̃ỹna mahādu-wana ròhònyrenyre Sesaria Filipi hāwāreny-ò. Ryki taeryd̃ỹnareny-ò rit̃ỹraxinyre: —Mowe hābureny wamy raryberenyra jiar̃y raremy. ²⁸ Tiiboho rirawònyra: —Joaō Sebedỹỹdu riki, ijō Eliasi riki, ijō riki Deuxu rybedỹỹdu. ²⁹ Tahe Jesuisi tamyreny rit̃ỹraxinyra: —Kaiboho, mobo tarybetenyte jiar̃y raremy. Tahe Pedro rirawònyre: —Kai Kristu atximahāte. ³⁰ Tii raraybinihik̃ỹmy ixi-ki rarybera: —Inyko wamy ijyyòmykre.

³¹ Jesuisi rexiranyre eryd̃ỹmy: —Deuxu Riòre Hābutyhyhyk̃ỹ heka aōna aōnamy aōhōk̃ỹmy rot̃ỹnynihik̃ỹkre. Matuari mahādu heka ixideramy ryanakre. Tule Deuxu aōmys̃ỹd̃ỹdu wedu, Bede ywina eryd̃ỹ mahādu ixideramy ryanakre. Jesuisi kudurukre idi tahe txu inataō r̃ỹdi kedexixakre rubu-ribi. ³² Idi tahe iòurehek̃ỹlemy tamy rarybere. Pedro iny-ribi Jesuisi ritare, tahe tamy rarybere: —Kawese rybeòmyreke. ³³ Jesuisi ròsemy reare, retehemyh̃ỹ taeryd̃ỹna-ò tahe Pedro-ò rarybere: —Bexitake wako-ribi Satanasi. Kai dori Deuxu ijoī aōkō atximahāte. Kai hābu ijoī tate. ³⁴ Jesuisi ributunyre iny sōwehek̃ỹ, taeryd̃ỹna-wana tahe rarybere: —Inyō wahemy kanakeki, ixideele rexirah̃ike, tahe taitxeò rimyke riwaheludunykemy. ³⁵ Mobo taumy tarasamy rurukeki, riononykre. Tahe aōtxile iny waluukeki, Rybewihik̃ỹ luukeki, taumy wadee riononykeki, kia heka taumy ritakre. ³⁶ Aōbo tahe awire, ibutumy aōna aōna bitake tai aumy biononyke. ³⁷ Aōbo tahe iny riwahinykre taumy wydyna òkesena aōbo. ³⁸ Kai wijinabòdu òrarudu mahādu rare, òta òtadu rare. Aōtxile iny walau warybe lau raix̃ỹrukkeki, tule Deuxu Riòre Hābutyhyhyk̃ỹ ilau kanaix̃ỹrukre tii nadeu j̃ỹjuwihik̃ỹ-di boo wowydyna-ò.

9

¹ Tii tamyreny rarybere: —Inatyhymy adeereny ararybekre. Ijōō kaki ratximyh̃ỹre ruruõtyhy Deuxu Iòlònau taruru-di kedehemynykreu.

² Tahe debò sohoji txuu r̃ỹdi, Pedro, Txiau, Joaō-wana Jesuisi ridyre. Tiiboho sohojile bederatò-ò roire. Jesuisi tamyreny rexiwixiranyre. ³ Ityy heka urile rabòtòranyre. Iurahak̃ỹmy relere suròna ratyre heka rauranymy ritoosònyre. ⁴ Tahe tamyreny dexit̃ỹnynyde Eliasi, Moisesi-wana tahe rarybemyh̃ỹre Jesuisi-wana. ⁵ Pedro rarybere Jesuisi-ò: —Wawedu, awityhymy inihe kaki ratxirenryreri tahe rikiwinyrenykre inataō hetomy, ijō adee, ijō Moisesi-ò, ijō Eliasi-ò. ⁶ Pedro rieryòlemyh̃ỹre aōmybo rarybekemy ruberumyh̃ỹremy. ⁷ Nonoe dobehede iubòròna bede ritòbònyre. Tahe rarybere reare rybeuni iy-ribi: —Kia heka warìore waluu rare. Kaiboho tamy bohobabenye. ⁸ Tiiboho reteherenyre tahe inyō robiòlerenyre. Jesuisilemy robirenyre.

⁹ Dohedeu tahe inydee Jesuisi rarybere: —Uritere inyò-ò tuu ijyyòmykre aōmybo tobitemy. Uritere Deuxu Riòre Hābutyhyhyk̃ỹ rubu-ribi rexixareu, tai tahe tuu belyybenykre. ¹⁰ Kia rybe wasimy riworenyre. Ixideerenyle wii rit̃ỹraxinyrenyre: —Aōmybo rarybereri, rubu-ribi reximaxu nade. ¹¹ Tiiboho tami r̃ỹyaxirenyre: —Aòherekibo bede ywina eryd̃ỹ mahādu rarybere Eliasi juhu kanakremy. ¹² Tii rirawònyre: —Inatyhymy, Eliasi juhu nade. Ibutumy aōna aōna riywinykremy. Tewesebo raritinanymy r̃ỹireri: —Deuxu Riòre Hābutyhyhyk̃ỹ aōna aōnamy aōhōk̃ỹmy rot̃ỹnynihik̃ỹkre. Tahe tii inydee

awiõhyhykre. ¹³ Adeereny ararybekre: —Eliasi nade. Tule iny ixideewilemy tamy riwinyreny. Kaheka iaõmydõõnana riritinanymy rýire.

¹⁴⁻¹⁵ Jesuisi dehemynydeu taerydõõna mahãdu-õ, tahe robire iny sõwehekõmy tahe bede ywina erydõõ mahãdu taerydõõna-wana ritxiõnymyhyre. Tahe Jesusimy robireu, tahe tiiboho riumysaõnyreny. Raõrunyreny irybedõõmy. ¹⁶ Tamy rýõraxire: —Aõmybo tamyreny tatõõraxinyteri. ¹⁷ Inyõ rirawyõnyre: —Erydõõdu, wariõre adee redyreri. Tii tyytybybina rybeõhõkõ-di ratxireri. ¹⁸ Tyytybybina rimyreu tahe riatyre bede-õ. Idi tahe urile txuu riyiyinyre. Tahe tii rubureriwelese roire. Aerydõõna-õ jiarõ rarybera tyytybybina riteranykremy, tahe tiiboho iruruõhyymyhy. ¹⁹ Jesuisi tamyreny rarybere: —Tiwesebededõõnanabo wijinabõdu ityhyõlemy rýira. Tiwesebededõõnanabo awanareny ariijekemy. Wadee uladu bididyke. ²⁰ Tahe didydenye Jesuisi-õ. Jesusimy robireu tahe tyytybybina urile raitxõteitxõtenymy resere. Idi tahe urile bede-ki rara õhõremy raratymyhy rybexi irywomy rõhõnymyhy. ²¹ Jesuisi rýõraxire uladutyby-õ tiubedemybo taheka kaa binana tamy dehemynyde. Tii rarybere: —Uladuylale idi rõrarunyre. ²² Tiwese wese aõkõ idi rehure bera-õ, heõtõ-õ rahukemy. Aõ biwinykeki, jiarõboho biwawiõhenanyke wijile. Kai biwaruxetõenybenyke. ²³ Jesuisi rarybere: —Kai bityhinykeki, ibutumy aõna aõna rýimhyhyre. ²⁴ Aõwesele uladutyby rryre idi tahe rarybere: —Jiarõ retyhynyre, biwawiõhenanykre aõbo rauheny. ²⁵ Jesuisi iny sõwemy robire wii rotyrerimy, tahe riteranyre tyytybybina-õ: —Kai tyytyby rybeõ tule roholaõ iribi rõhõnykre, tiu ixityre malõõtyhy. ²⁶ Tyytybybina rryre. Uladu ritxõtenyre idi tahe rõhõnyre. Uladu rubuweselese roire herimy. Tahe iny sõwemy rarybere: —Tii rurura. ²⁷ Jesuisi rimyre tebõ ritamadõõnyremy tahe uladu rýire lamamy. ²⁸ Heto ralorenyreu ierydõõna mahãdu tamy rýõraxirenyre: —Aõherekibo jiarõboho tyytybybina riteõnyõreny. ²⁹ Tamyreny rarybere: —Kaiboho bexitõenybenykeki byreõna-di bonybenykeki, kiawesele heka rõhõnyke.

³⁰ Iribi rõhõnyreu, Kalileia lowysy-di roirennyre. Jesuisi heka iny-erydõõderamyhy tai ratximyhyki. ³¹ Taerydõõna mahãdu Jesuisi riery-nanymyhyre. Jesuisi tamyreny rarybere: —Deuxu Riõre Hãbutyhyhykõ heka rawahidõõkre hãburenyõ-õ. Tii hãbureny rirubunykre. Idi tahe txu inataõ txuu rýidi tahe kedexixakre rubu-ribi. ³² Tiiboho rierykõlere tahe ruberurennyre týõraxidõõki.

³³ Idi tahe rehemynyre Kafanaõ-õ. Ralore heto-õ. Jesuisi tamyreny rýõraxire: —Aõmywe widee tarybetenyteri rryro-ki. ³⁴ Tiiboho urile ro-holarenny rybeõlemy. Rryro-ki dori rarybemyhy mowexe wiribi aõnime rõhõnykre. ³⁵ Tahe Jesuisi ronyrenyredi, Jesuisi taerydõõna mahãdu ribu-tunyre erydõõmy: —Inyõ juhuludumy rarekemy ratxikeki, tai heka tii ihe-woludukre. Tule tii reakre ibutumy deõdumy. ³⁶ Tahe Jesuisi uladuõ rimyre risõnyre iubetya-txi tahe taerydõõna-õ rarybere: ³⁷ —Moõ uladu kawese wadee riwawiõhenanykeki, riwawiõhenanyre. Moõ riwawiõhenanykeki, tule wa-teõdõõdule riwawiõhenanyre.

³⁸ Joaõ tamy rarybere: —Erydõõdu, jiarõboho tuu rabirenyra inyõ tyyty-bybina-di ani-õ rehureriõ. Tahe iny mahãdureny aõkõ rare. Tahe jiarõboho tamy reijõnyrennyre iny mahãdureny dori aõkõ rare. ³⁹ Tahe Jesuisi rarybere: —Bijõnybenyõkre. Inyõ wani-di bedeõby riwinykeki, wanime heka ibinamy rarybeõtyhy. ⁴⁰ Iny õluduõkeki, tii heka iny ijoĩ rare. ⁴¹ Inyõ beõ adeereny

waninamy riwahinykre-wana, kai waerydŷŷna dori tate, inatyhymy adee ararybekre. Tii tawahidŷŷna ritakre. ⁴² Inyō kaa uladu ityhydŷŷdu riatykre òraruna-txi, kia heka tamy awire tòti-ki myna ritaamy idi bera-txi rehure. ⁴³ Ebòle araatykeki òraruna-txi, juhuule adee awire ebò biòròke. Kia heka awityhykre iny welytyle ralokre biu-ò, tahe awiòtyhykre heòtytòteehekŷ-ò ralòkeki debò inatxi-di. ⁴⁴ [Tai mohò ruruòtyhy. Heòty ruruòtyhy.] ⁴⁵ Awa araatykeki òraruna-txi, juhuule adee awire awa biòròke kia awire iny rariake awa sohojilemy, awiòre heka heòtytòteehekŷ-ò ralokre awa inatxi-di. ⁴⁶ [Tai mohò ruruòtyhy. Heòty ruruòtyhy.] ⁴⁷ Arue araatykeki òraruna-txi, bitake idi behuke juhuule adee awire arue sohoji-di Deuxu Iòlò biu-ò ralokre, tahe awiòre heòtytòteehekŷ-ò ralokre arue inatxi-di. ⁴⁸ Tai mohò ruruòtyhy. Heòty ruruòtyhy. ⁴⁹ Ibutumy iny heka heòty-di rijyyranykre. ⁵⁰ Jyyra heka awire, saa wahe. Urile taruru riononykeki, tiwesebo tarŷŷna uri ixbyyle tawo-ki bitidikre. Kaiboho ibutumy widee eysarenylere.

10

¹ Jesuisi iribi rexitare. Tahe rare Judeia bedè bedè-ò, tule Jordaò kanawe-ribi ijà-ò. Iny sòwemy tamy ributunyre, tahe tiiboho Jesuisi riernanyre. Tii reòarimy tuu ratximyhŷre.

² Tamy lahi rybe-di erydŷŷdu mahādu dehemynydenyde irutaadŷŷrenymy. Tahe tamy rŷŷraxinyre: —Hābu aòbo tahāwyy ririleke, awire aòbo ibinare aòbo. ³ Tahe Jesuisi tamyreny rirawyònyre: —Aòrybe bedè ywina-di Moisesi riernanyre. ⁴ Tahe tiiboho Jesuisi-ò dirawyònydenyde: —Tii riernanyre iny tahāwyy ririkemy. Urile juhūu hāwyy bedè erydŷŷna rybe tyyriti riwinykemy, idi tahe tahāwyy ririkemy. ⁵ Jesuisi tamyreny rarybere: — Òhòtixyre dori Moisesi kia rybe bedè ywina adee riwahinyre. ⁶ Juhu bedeu Deuxu riwinyre hābu, hāwyy-wana.

⁷ Iurenana tahe hābu tadibohosŷ-ribi ròhònymyhŷre tai roimyhŷre hāwyy-wana.

⁸ Hābu inatyhy hāwyy-wana roimyhŷreu, sohoji tyhylemy radenymyhŷre. Iny inatxi inymy aòkò rŷimyhŷre, sohoji tyhylemy rŷimyhŷre. ⁹ Hābu hāwyy-wana Deuxu ributunyre, iny iwitxira wiribi ritòhòrarienyòtyhy. ¹⁰ Hetowo-ki tahe ierydŷŷna ritŷŷraxinyre kia rybe-ki. ¹¹ Jesuisi tamyreny rarybere: —Aòtxile hābuò tahāwyy ririkeki tahe ijò-wana roikeki, kia heka òtadu rare. ¹² Hāwyy tahābu ririkeki tahe ijò hābu-wana roikeki, kia heka wedena rare.

¹³ Tiiboho tamy didydenyde uladu tamy debò reakemy. Tahe ierydŷŷna riononymy rarybere tamy idyrenyòmykre. ¹⁴ Jesuisi kiamy robireu, rikyaranyre rarybere: —Txiò, kididyke uladu wadee. Uladu wese dori Deuxu Iòlòna rare. ¹⁵ Inatyhymy ararybekre: —Moò heka uladuwesemy Deuxu Iòlòna ralòòkeki, kia heka Deuxu Iòlòna-ò ralòòtyhy. ¹⁶ Tahe Jesuisi rexiranyre uladu manamy taaxiò-ò rimyre. Tahe tebò iratyytyre ritidimy tamyreny rarybewihikŷre.

¹⁷ Tahe Jesuisi rydi raloreu, hābuò tamy reare. Tahe hābu iko-txi re-sere tatiowotimy. Rarybere: —Erydŷŷdu wihikŷ, aòwexe ariwinykre biu-ò hena aritakremy tiiehyymy umywihikŷ-di ararekremy. ¹⁸ Jesuisi tamy rarybere: —Aòherekibo wihikŷmy wadee tarybeta. Hābu awiòre. Deuxu sohojile tahe awire. ¹⁹ Bedè ywina kai teeryte: rubudŷŷòmykemy, tule òta

òtaõmykemy, wasiõmykemy, tule ruiõmykemy, iny wii itxenadỹỹõmykemy, adi bityhynykemy, boo tule. ²⁰ Hãbu tamy rarybere: —Erydỹỹdu, kia bede ywina rewinyhyylere, uladuule wiji-ò. ²¹ Jesuisi tamy retehere tuu reòarire tahe rarybere: —Kai sohoji aõmydỹỹnale aki nasiranyde. Kai makre, ibutumy aõna aõna-di bòhònykre, idi tahe idi biwahinykre iny aõkõ mahãdu-ò. Kia tahe aõmydỹỹnadikre biu-txi. Tahe manakre biwaheludunykre. ²² Kia rybe-ki heka hãbu rabedewore. Rexitare ibedewomy urile iaõna aõna sòwetyhyreki.

²³ Jesuisi retehemy iwerura-di tahe rarybera taerydỹỹna-ò: —Kia iny iaõna aõna sòwemy rỹireri, tamy Deuxu Iòlòna-ò ralòke isirare. ²⁴ Ierydỹỹna mahãdu bede ribedeòtiinyrenyre irybe-ki. Jesuisi ixityre rarybere: —Waexiboho, isiratyhy rare Deuxu Iòlòna-ò ralòkemy. ²⁵ Kamelo tyyrorenawo-di ralòkemy isirakeki, kia-ribi isiratyhyre iny iaõna aõnadikereki ralòke Deuxu Iòlòna-ò. ²⁶ Tiiboho bede ratiinyre sòwemy. Widee rarybere: —Mobo tahe iòraru-ribi iny ritakre. ²⁷ Jesuisi iwerora-di retehere tahe rarybera: —Inatyhymy kòaðboka hãbu-ò isiratyhyre. Deuxu-ò tahe ibutumy aõna aõna isiraðre. ²⁸ Pedro rexiranyre rarybere: —Boholake, jiarỹboho ibutumy rerirenyra araheludunykre. ²⁹ Jesuisi rarybere tamy: —Inatyhymy adeereny ararybekre. Moð walukeki, rybewihikỹ luukeki, kia heka ririkre: heto, taseriøre, tyby tadi-wana, tariøre, tabede, ibutumy ririkre. ³⁰ Wijile itarasamy rarekre: 100 sỹmy, 100 seriøre, 100 tybyboho, 100 tadiboho, 100 tariøreboho, 100 tabede. Iny tamy rarybebinanykre tule. Ijò bede kanakre tahe taumy tỹmyra-di tiemy rarekre. ³¹ Tahe sòwere juhu ludu ihewomy ròhònykre. Ihewo ludu ijò iko-ò ròhònykre.

³² Tiiboho rydi raòwònyrenyre Jerusalẽ hãwã-ò. Jesuisi heka rare iko-renymy. Ierydỹỹna mahãdu bede ribedeòtiinyre. Tiiboho Jesuisi riheludunymy ihewo-ribi. Tahe Jesuisi reraòmyhỹ idi rare waòinatxi reurò taerydỹỹna mahãdu-wana. Tii relyyre ixityre aõbo ixidee kỹnyikremy. ³³ Boholabenyke inyboho roirenyreri Jerusalẽ-ò. Kowa, jiarỹ Deuxu Riøre Hãbutyhyhykỹ, inyò riwawahinykre Deuxu aõmysỹdỹỹdu mahãdu wedu-ò, bede ywina erydỹỹ mahãdu-ò. Kia warubudỹỹmy riwawahinykre tori-ò. ³⁴ Tiiboho kidiwalahikre. Watyre kanarybexinykre. Òhòte-di kidiwahãtenykre. Idi tahe kidiwarubunykre inatað txu-di. Tahe rubu-ribi adexixakre.

³⁵ Joað, ijò Txiau, wii Zebedeu riøre, tamy nade. Tahe rarybere: —Erydỹỹdu, kai aõma aõ wadeereny biwahinykre. ³⁶ Jesuisi rarybere: —Aõbohe jiarỹ adeereny ariwahinykre. ³⁷ Tahe tamy rarybere: —Kai, aiòlònasỹ-ò kedehemynykreu, aruruwe-ribi aronykre, waseriøre ahywewe-ribi ronykre. ³⁸ Tahe Jesuisi rarybere: —Kaiboho teeryòlemahãte aõmybo textiðenyteri. Kaiboho aõbohe wabemona-di biòbenyke idi Jerusalẽ-ò adiòkremy wahãredi. Kaiboho aõbohe wasebena-di mohòlebenyke idi jiarỹ anohòkremy wãhãredi. ³⁹ Tiiboho dirawyònyde: —Kohe tulekre. Jesuisi tamyreny rarybere: —Bemona-di ariòkre kaiboho tule idi biòbenykre. Sebena-di jiarỹ adohòkremy, kaiboho tule idi mohòbenykre. ⁴⁰ Tahe mobo wabire ronykre ruruwe-ribi hywewe-ribi kia heka jiarỹle ariwahinyòkre. Kia tahe iyubudỹỹmy rỹireri Deuxule kidiwahinykre. ⁴¹ Tai debòwiò erydỹỹna mahãdu heka Joað-ò, Txiau-ò tamyreny iky reare. ⁴² Jesuisi tamyreny ryrure tamy kanakemy, tahe rarybere: —Kaiboho teertyenyte toriwedu irurusòwe dire. Iny nihikỹ heka inymy deòdu luure. ⁴³ Jesuisi kiamy rarybere: —Kia wese tahe aworeny-ki aõkòkre. Kaiboho aòtxile mobo bòityhynyhykre, ijò iny deòdumy

rarekre. ⁴⁴ Mobo juhutyhy rarelekre, deòdumy rarekre. ⁴⁵ Deuxu Riòre Hābutyhyhykỹ nade teòdu sòwekemy aòkò tahe ixilemy reòdunykeny. Nade taumy wahidỹỹmy sòwemy iny tarasamy.

⁴⁶ Idi tahe roire Ijeriò hāwā-ò. Jesuisi taerydỹỹna-wana iny sòwehekỹ-wana ròhònyrenyru. Tahe rahare Bartimeu ruetāhākỹ-ki. Bartimeu tahe Timeu riòre rare. Tii ronyre rywe-ribi aōna aōnamy rexitòenyneri. ⁴⁷ Tii roholare Jesuisi Nazare ludu kia rare tahe tamy ryrury: —Jesuisi, Davi riòre, wadee maruxetòekre. ⁴⁸ Sòwemy tamy rarybere: —Rybeòmyke. Tahe aòhe-wana tii rarybemyhỹre: —Davi riòre wadi mawotòeke. ⁴⁹ Jesuisi riyyre tahe rarybere: —Tamy byryke wadee kodoikemy. ⁵⁰ Tahe rexitareu rỹire, wylemy nade Jesuisi-ò. ⁵¹ Jesuisi tamy rarybere: —Aòmybo kai taruteri adee ari-wahinykremy. Tahe hābu ruetāhākỹ tamy rarybere: —Wawedu, ixityre arobikremy. ⁵² Jesuisi tamy rarybere: —Makre, atyhydỹỹna kai arateytenyru. Kialehe rare. Aòwesele ixityre tii robire. Tahe Jesuisihemy rare, ryki.

11

¹ Jerusalē iòhòmy ritehemynyrenyreu, tahe inatxi taerydỹỹna riteònyru hāwā-ò. Inatxi hāwā-ò iòhòmy, Betabaji, Betỹnia-wana. Kia-ò Oliveira hāwālò roire. ² Jesuisi rarybere: —Kaiboho boikre kowa hāwā-ò. Kowa-ò birònykreu jumentinho mahabenykre. Moheka ityre rariaòlemy ratximyhỹre. Bieseke, wadee bididyke. ³ Inyò adeereny rarybekeki: —Aòhekremybo idi atxitenyteri. Tahe tamy marybebenykre: —Wanyrỹ tuu rurureri. Ixityre kaò kidiòkesedỹỹnykre. ⁴ Tahe hābu roire. Jumentinho ryro hetoiò-ki ritisanymy rỹimyhỹ. Tai riesere. ⁵ Kia hāwā mahādu rarybere: —Aòherekibo jumentinho kaiboho tetatenyta. ⁶ Tai tiiboho Jesuisi rybe tamy riwahinyru. Tai hāwā mahādu jumentinho riwahinyre. ⁷ Tahe ridyrenyru jumentinho Jesuisi-ò. Tiiboho tatyyreny ritidirenyre jumentinho tyremy. Tiiboho risỹnyrenyru Jesuisi ityre-ò. ⁸ Ijòboho tahe horerule ritidire ryromy, ijò tahe tauwòhi ryromy ritidire ityre rariakemy. ⁹⁻¹⁰ Ihewo ludu, iko ludu rawyhyrarònyneri, tule ryrureri: —Tii heka wowydyna rare. Tii heka Wanyrỹ niwesekemy naderi. Wowydyna rare iny labie Davi Iòlòna. Kai Iòlòna kanakre. Wyhyrarò biu-txi kodoholakre.

¹¹ Kia wese Jesuisi ralore Jerusalē-ò. Dohodỹỹna heto-ò ralore, ibutumy retehere, idi tahe ròhònyre txiorotyhyreki. Tahe Betỹnia-ò roirenyre.

¹² Ijò txu biòwamy tahe Betỹnia-ribi rexitarennyreu tahe tii rama rahure. ¹³ Òwòru figueira rademy robirenymy irehe-ribi. Tahe tamy ritehemynyreu iraty-ki raharenyòlere, aòmyreki figueira raty bededỹỹnanamy aòkò bede rỹimyhỹre urenana. ¹⁴ Òwòru figueira-ò Jesuisi rarybere: —Tiu heka moò araty ritòòtyhy. Tahe ierydỹỹna roholare.

¹⁵ Tahe ritehemynyrenyru Jerusalē hāwā-ò. Tahe Jesuisi dohodỹỹna hetowo-ò ralore. Tahe kia-ribi aōna aōna-di rohononymhỹre mahādu, òbradu mahādu diteònyde. Tahe nieru wibydỹỹdu mahādu, òwòrubesedỹỹ-di Jesuisi rehure. Bòtòe dinodu mahādu rynana-di Jesuisi rehure. ¹⁶ Inyò heka ritxyy-dỹỹnyòlere dohodỹỹna hetowo-ki. ¹⁷ Rierynanymyhỹre tahe tamy rarybere: —Raritidỹỹòlemy aòbo rỹireri:

Waheto kōaòboka inatyhymy ibutumy iny witxira witxira dee ixitòedỹỹna hetomy rỹirakre. Waheto tewinytenyte wasidu hetowesele.

¹⁸ Bede ywina erydŷŷ mahādu, Deuxu aōmysŷdŷŷdu wedu mahādu roholarennyreu, rōhōtinyrennyre: —Tymybo inyboho Jesuisi rubudŷŷmy rokiwisŷnykre. Tiiboho ruberumyhyrennyre iny sōwemy dori bede riōtiinymyhy ibedeerydŷŷnarennyki.

¹⁹ Txioromy dehemynynde, tiiboho rexitarennymyhyre hāwāhākŷ-ribi.

²⁰ Txu rōhōny-di, rehemynyrennyre òwōru figueira-ò. Tiiboho robirenyre rarubumy rŷireriò, taru-wana, tararoti-wana. ²¹ Pedro ixi-txi tōhōti reare tahe rarybere: —Erydŷŷdu, betehe inihe aōma òwōru figueira rarubumy rŷire aryebina-di tamy tarybetaki. ²² Jesuisi dirawyònyde: —Kaiboho Deuxu bityhynymyhybeny. ²³ Inyō rarybekeki kaa bede ratōòhōkŷ-ki: —Kai myike, adi adehu rŷikre berohokŷ-ki. Tahe irybe heka kedelekre. Tai inyō rityhynykeki, tumy heka kedelekre. Tahe uritere iseōdŷŷōmykre urile bityhynykre, irybe heka kedelekre. ²⁴ Iurenana adee ararybekre: —Aōtxile aō bexitōenykre, kia heka bitakre. Bityhynykeki, inatyhymy bitake. ²⁵ Kaiboho texitōenytenyteri wana aōbo inydee aky reamyhyre kia biixāwididŷŷnymyhyke ratximyhyre, Deuxu dori riixāwididŷŷnyke aōrarurenny-ribi. ²⁶ Kai iny wixira òraru biixāwididŷŷnyōkeki, boo biu-ki ratximyhyre aōraru riixāwididŷŷnyōkre.

²⁷ Tiiboho ixityre doide Jerusalē hāwā-ò. Ririranymyhyrennyreu dohodŷŷna hetowo-ki, bede ywina erydŷŷ mahādu, Deuxu aōmysŷdŷŷdu wedu mahādu, matuari mahādu tamy doide. ²⁸ Tiiboho tamy ritŷŷraxirenyre: —Mowe ateōdŷŷdu kia aōna aōnamy tatŷŷnymyhyte. ²⁹ Jesuisi dirawyònyde: —Adeereny tule araŷraxikre. Kaiboho bidiwawyònykeki, tahe jiarŷ akoreny ŷraxina arelyyke, aōrudibo aōna aōna rewinymyhyre. ³⁰ Tahe Jesuisi ritŷŷraxirenyre: —Ratyssebedŷŷna, Joaō hōrō, kia heka tiribibo nade, biu-ribi ada hābu mahādu-ribi. Kia manarybeke. ³¹ Tiiboho widee rarybera: —Biu-ribi inyboho raryberenykeki, tai tii rarybekre: —Aōherekibo tahe tii tetyhynytenyōte. ³² Hābu-ribi inyboho raryberenykeki, iny arubumyhyrennykre. Ibutumy iny rityhynyre Joaō heka Deuxu rybedu raremhyŷ. ³³ Tai tahe tiiboho raryberenyre: —Inyboho reeryōrennyre. Tai tahe Jesuisi rarybera: —Hebo, jiarŷ adee arelyyōtŷhy modeōdŷŷdubo jiarŷ watxireri.

12

¹ Iribi tahe Jesuisi tamyrenny iyy-di rierynanymyhyre: —Hābu uva oworuō wese rōbrōre. Tahe riōtitynyre. Tahe hāloo riare oworuubetya-ki, ruŷdŷŷnymy. Tahe utō riwinyre. Idi tahe rihuōtere hābu mahādu-ò. Tahe rexitare tasŷ-ribi ijō bede-ò. ² Tahe bederatysiredemy bededŷŷnana rehemynyreu, iwedu teōdu riteōnyre bederaty ritakemy. ³ Huōtedu mahādu teōdu rimyrennyre, rihetenyrene tahe riteōnyre ixihiykemy. ⁴ Ixityre oworuwedu teōduō riteōnyre. Kia heka irati rihetenyrene ta tamy rawobinarybenyrene. ⁵ Ijō riteōnyre. Kia heka rirubunnyrennyre. ⁶ Tahe oworuwedu iriōre sohojilere, tahe iluummy raremyhy ihewomy tii riteōnyre. tahe wedu rarybere: —Wariōrele heka tiiboho rityhynyrennykre. ⁷ Kia huōtedu mahādu widee raryberenyre: —Kia heka wedu aōna aōna tarasadu rare. Rikirubunnykre tahe iaōna aōna inydeerenykre. ⁸ Tahe rimyrennyre idi rirubunnyre tahe idi rehurennyre oworu-ribi. ⁹ Jesuisi ritŷŷraxirenyre: —Aōhebo tahe oworuwedu rotŷŷnykre. Tii kodoikre huōtedu mahādu hudumy, tai tahe oworu riwahynykre inywixira-ò. ¹⁰⁻¹¹ Ritina-di aōbo tariaōletenyte kia ryberiti:

—Mana-di hetowidĩydu rehura. Kia mana heka hetohàtxi-ki ritidimy doide.

Kia heka Wanyrĩ riwinyre kia iny ruereny dee aõna aõna nihikĩ rare.
¹² Tai ijohonadu mahādu Jesuisi mynomy ratximyhy tii dori rieryre ixidee lau Jesuisi ijyomy relyomyhyre. Tiiboho ruberurenre iny sōwehekĩ lau. Tahe rexitarenre, rexixāwidinyre.

¹³ Idi riteõnyrenre Lahi rybe-di erydĩydu mahādu, Herodi mahādu-wana tamy imynamy irybe-ki. ¹⁴ Tiiboho rarybere Jesuisi-ò: —Erydĩydu, jiarĩboho araerymy adi watxiwāhārenre kai inatyhy hābu tate. Iny ibutumy adee wiwese wiweselere. Inatyhymy iny-ò Deuxurymy teery-nanymahāte. Tahe tiiboho ritĩyĩraxinyrenre: —Awire aõbo ada ibinare aõbo nieru rawahinymyhyre bede dinodu-ò. ¹⁵ Timybo tahe, rikiõwyny aõbo ada aõkõre aõbo. Jesuisi rierymyhyre tōhōtinanarenre, tahe ritĩyĩraxinyra: —Aõherekibo kaiboho tiwaurihitenyteri. Wadee womati nieruõ bidiwy wait-xerenamy. ¹⁶ Tahe tamy diwydenyde. Tahe tii ixityre ritĩyĩraxinyra: —Kawe moõ tytarasana rare, katahe moõ tyritina rare. Tiiboho dirawyõnyde: —Kiahe bede dinoduhõrõ rare. ¹⁷ Jesuisi rarybere: —Hĩdebo, bede dinoduhõrõ tahe tamy biwahinybeny tule tahe Deuxu aõna aõnahõrõ tamy biwahiny-beny. Tiiboho bede riõtiinyrenre.

¹⁸ Saduseu mahādu tamy nade. Kia heka iny rubu-ribi rexixamy aõkõre-riki rierynanymyhyre. Tiiboho ritĩyĩraxinyre Jesuisi: ¹⁹ —Erydĩydu, Moisesi raritinyra bede ywina-di: —Hābuõ rurukeki, tahāwy iriõre ijõdiõkeki, tahe kia hāwy tahābu seriõre-wana roike. Iriõredikre taseriõre rubuõwymy roikre. ²⁰ Seriõre debõinatxi reurõmy raremyhy. Juhuu ijõ roire hāwy-wana. Tahe tii rurure iriõreõlemy. ²¹ Tahe ihewo ludu iseriõre wytese-wana roire. Tii rurure iriõreõlemy. ²² Ihewoludutyhy tule ibutumy roire wytese-wana, tahe ituerenyre iriõreõlemy. Irõõbymy tahe hāwy tule rurure. ²³ Ixixanau tahe mohābubo tuu rarekre. Ibutumy dori wytese-wana roire. ²⁴ Tai tahe Jesuisi tamyreny rarybere: —Kaki kaiboho teõsamy toite aõma ritina teeryõtenyteki. Tule Deuxururu teeryõtenyte. ²⁵ Ixixanau heka moõ roiõtyhy. Ibutumy iny j̃ju wese rarekre biu bede-txi. ²⁶ Kaiboho aõbo tatyyritinytenyõta iny rubu-ribi kedexixakremy. Kia heka raritinyrĩ rĩre Moisesi tyriti-ki, õwõrusõmo ijy-ki rĩmyhy. Iwese Deuxu rarybere Moisesi-ò: —Jiarĩ heka Abraõ Deuxu rare. Ijai Deuxu rare. Ijaõ Deuxu jiarĩ rare. ²⁷ Jiarĩ heka rubu mahādu Deuxu aõkõ rare, tahe iru mahādu Deuxu jiarĩ rare. Kaiboho teõsamy toite.

²⁸ Bede ywina erydĩy mahāduõ nade ijohonamy. Tahe tiiboho widee rary-berenyroholareu, Jesuisi tamyreny rirawyõnywihikĩreu, tahe tii Jesuisi-ò ritĩyĩraxinyre: —Tibo rybe bede ywina juhuure. ²⁹ Jesuisi rirawyõnyre: —Ka heka juhu ludu rare: —Boholake Israeli mahādu, judeu ijoi mahādu wahe. Wanyrĩ, iny Deuxu sohojile rare. ³⁰ Kia aDeuxu luuke ibutumy awo-ribi, aumtytyby-ribi, ibutumy aruru-ribi. ³¹ Ka heka ihewo ludu rare: —Kai abireluduluuke iwese ixiluuke wese. Ijõ bede ywina heka ka ratyreõre. ³² Tahe Bede ywina erydĩy mahāduõ rarybere: —Inatyhymy kai tarybeta. Deuxu heka sohojile ratximyhyre. ³³ Ibutumy awo-ribi iluukemy. Ibutumy aruru-wana iluukemy. Tule ibutumy aeryna-wana iluukemy. Iwese kai ixiluure wese, abire ludu mahādu luukemy. Kia heka ibutumy irõduxiweloo ratyre rare. Ibutumy wahidĩyĩnaloodĩyĩna ratyre rare. ³⁴ Jesuisi rieryre kia hābu rirawyõnywihikĩre tai tamy rarybere: —Kai heka Deuxu Iõlõna-ribi irehemy aõkõ. Tai tahe ibutumy ilau ruberure tĩyĩraxidĩyĩki.

³⁵ Jesuisi dohodŷŷna heto-ki rierynanymyhŷreu, rarybere: –Timybo Bede ywina erydŷŷ mahādu rarybemyhŷre Kristu Davi riōre raremy. ³⁶ Davi rarybere aōmybo Deuxu Tytybytyhy tamy narybedemy: –Wanyrŷ rarybere Wanyrŷ-ò: –Bodony warurunawe-ribi. Txiōhe rare, aōludu awarawo-txi aritidikre. ³⁷ Tahe Davile Wanyrŷ rininire. Timybo tahe Davi iriōremykre. Tahe iny sōwemy deysana-di roholarenyre.

³⁸ Tii rierynanymyhŷreu, rarybera: –Bexiemyhŷbeny bede ywina erydŷŷ mahādu lau. Tiiboho heka tytyrehe-di riraluurenyre. Tiiboho heka rybedŷŷluurenyre hāwāhākŷ riranaki. ³⁹ Dohodŷŷna heto-ki juhurnana luurenyre. Tule ta anarŷŷ rŷiwana, juhu ryanadile tamyreny awire. ⁴⁰ Tiiboho tule wytese urimynydu aōna aōna ritarenyre. Ixitōedŷŷna re-hehekŷ rexitōenymyhŷreny. Tiiboho heka aōnihikŷmy aōhōkŷmy dŷŷnana riōwynyrenykre.

⁴¹ Jesuisi retehemy rŷimyhŷ dohodŷŷna heto nieruhyna ratya-txi. Tii retehere timybo iny sōwemy tanieru-di tamy rehumyhŷ. Tahe ityhynihikŷ tamy sōwemy nieru-di rehure. ⁴² Tahe nade wytese iaōkōdu mahāduō tii rare. Tii inatxi nieru sōmo-di rehure. Tanieru tahe nierukonana rare. ⁴³ Jesuisi ryryre taerydŷŷna-ò: –Inatyhymy adee araybekre. Kowa heka wytese nieru-di rehure ibutumy iny witxira ratyre. ⁴⁴ Kaa mahādu ibutumy nieru-di rehure rauhenyredile. Tahe wytese idi rehure ibutumy tanieru-di rexihumy taumy-ribi idi rehure.

13

¹ Dohodŷŷna heto-ribi rōhōnyreu, ierydŷŷna tamy rarybere: –Erydŷŷdu, beteheke inihe mana nihikŷ-ò, hetohokŷ-ò. ² Jesuisi rirawyōnyre rarybere: –Kaiboho betehebennykre heto nihikŷ-ò. Kia heka mana ijō wityre-ki rŷiōtyhy, ibutumy heka kedejuxynykre.

³ Oliveira bederatōōhōkŷ-ki tii ronyreu dohodŷŷna hetoko-txi, tahe Pedro, Txiau, Joaō, ibutumy tamy doide rŷŷraximy iny-ribi irehemy. ⁴ Wakoreny bedelyyke, tiubo kia kŷnyikre. Ibutumy aōna aōna kŷnyikre wana tibo iny be-deerynyrenykre. ⁵ Jesuisi rexiranyre tamyreny rarybere: –Kaiboho anaitxenanydenyheny lau bexiebenyke. ⁶ Sōwemy dori roikre wanimy rarybemy rarekre: –Jiarŷ dori Kristu rare. Tahe iny sōwemy anaitxenanykre. ⁷ Kaiboho wounarybe-ò, aōbinarybe-ò, boholakreu, breburenyōmykre. Kia heka kanakremy ratximyhŷre. Urile bededŷŷnana ikonanamy aōkōhyylemyhŷre. ⁸ Uritere inylahinareny, ijōlahinareny-wana wii kidiaōbinanykre. Tule iōlōna mahādu ijō iōlōna mahādu-wana wii kidiaōbinanykre. Bede bedesu ijō hāwā-ki kanamytatakre. Tahe aōkōre rama kedeakre. Kia heka juhu aōhōkŷmydŷŷnana rarekre.

⁹ Kai bexiekre anamydenyheny lau. Tiiboho anawahinydenykre aōludu wedu-ò, iōlō-ò. Tiiboho anahatenydenykre dohodŷŷna hetowo-ki. Ki-abohoko-txi wadee kaiboho kedelyykre inatyhymy aōna aōna rŷiremy. ¹⁰ Rybewihikŷ juhuu ibutumy bede hāwā hāwā-ò kidityndŷŷnykre. ¹¹ Tiubo aradyrenykeu, urile nohōtiōmy aōbo kaiboho marybebenykre. Kiautyhyle aōmybo rarybekremy bierykre. Kia tahe marybekre. Kai dori aōkō tarybemahāte, Deuxu Tytybytyhy tahe rarybemyhŷre. ¹² Seridōe seridōe wii kidirubunykre. Tyby heka tariōre kidirubunykre. Uladule tadi, tyby kidirubunykre. ¹³ Ibutumy heka iny iy kedeakre wani òraru-ki. Kia heka ikonana-ò riijekre, taumy tarasanakre.

¹⁴ Aõna aõna binahakỹ kanakreu, ibutumy rahukemy. Tiiboho kanakeu itxinonana-txi aõkõ rarekemy, kaiboho mahenybenykre bederatòdhòkỹ-ò, Judeia hãwã hãwã-ki ratxikeki, mahenybenykre. ¹⁵ Inyõ hetotyre-ki ratxikeki, urile ròteõmy aõna aõna wydysymy. ¹⁶ Inyõ bedero-ki ratxirekeki, uritere òkeseõmy ty ty òrysymy. ¹⁷ Kobexe heny hãwyy bõtõmy rỹira, tule hãwyy tariõre ritõnymy rỹira. ¹⁸ Bexitõenykre kia kanaheny bededỹñnana sirau. ¹⁹ Aõhòkỹmydỹñnana kanakre tiu heka tuuõre. Juhule Deuxu bede riwinyreule wiji tuu yrubule bede roimyhỹre. Tiu heka kiamy bede roiõtyhy aõhòkỹmydỹñnanamy. ²⁰ Deuxu bede iòhõmy rirawetyyòròkeki, moheka irumy ròhõnyõtyhy. ²¹ Inyõ adee rarybekeki: —Kaki heka Kristu ratxireri. Kowa-ki ratxireri. Uritere ityhydỹñõmy. ²² Sõwemy Kristu kanakre, urile Kristu inatyhy aõkõ rarekre. Tule Deuxu rybedỹñdu kanakre. Kia Deuxu rybedỹñdu inatyhy aõkõ rarekre. Tiiboho heka bedeõby riwinykre tule bede eryna. Deuxu hòrò riitxenanykemy inatyhymy kòaaõboka. ²³ Kaiboho warybe biyrubunykre. Adee ibutumy juhuule reõbitinyre.

²⁴ Idi webòhõna rỹira txuu, aõhòkỹmydỹñnana itue-di, txuu heka rurunykre. Ahãdu tule rurunykre.

²⁵ Taina heka kedejuxunykre biu-ribi. Biururu raõweòwenykre.

²⁶ Iny retehekre Deuxu Riõre dehemynyna-di. Biurawetyky-ribi kodobehekre. Kia heka lobixina kanabõtòranykre. ²⁷ Tahe taỹju kiditeõnykre tawedu ijoihòrò butudỹñmy.

Kidibutunykre ibutu bede bede konana-ribi, tule ibutu biukonana-ribi.

²⁸ Tahe figueira òwòru-ribi erydỹñna bierybenykre. Tahe iruru raixinykreu tahe, txiru ròhònykreu, tai tahe bierybenykre wyra iòhòreri.

²⁹ Tule kia aõna aõnamy bobibenykreu, tii iòhòlereri. Ijòkile wese nyide.

³⁰ Inatyhymy adee ararybekre, kia wijinabòdu itueõtyhy aõna aõna rỹikre hãrele. ³¹ Biu, bede-wana ituekre, tahe warybe itueõtyhy. ³² Moõ heka riyiõtyhy tiubededỹñnanamybo tii kòdòòsekre. Tule ýju biutxile rieryõre. Tule iriõre rieryõre. Tule tyby sohojile rieryre.

³³ Kaiboho bexieke, beteheke. Kai dori teeryõtenyite tiubededỹñnanamybo kòdòòsekre. ³⁴ Kedehemynykre dori iwese hãbu týimy rarewese tii rexitareu, ririre tadeòdu. Tadeòdulemy tule ridyre itxeredu retehemyhỹkemy.

³⁵ Tahe betehe inihe teeryõteri dori tiubo kanakre heto wedu, txioromy ada ruwetya aõbo, ada hãnie hãbu rryry-di aõbo, ada txumy aõbo. ³⁶ Betehe inihe iny araraòõlemy tii rehemyreri aki rahakre atỹi-ò. ³⁷ Aõna aõnamy jiarỹ rarybemyhỹre, rarybera ibutu-ò: —Bijebenye.

14

¹ Kia-ribi inatxi txumy riuhenymy ratxireri anarỹỹ kodohònykremy. Kia anarỹỹ wehityhynamy heka iny ratya-di reare. Tule orotxu anarỹỹ kia ròhònyre. Tule Deuxu aõmysỹdỹñdu wedu mahãdu tule bede erydỹñdu mahãdu Jesuisi rimykemy ratxireri idi rirubunykeny. ² Tiiboho rarybemyhỹreny: —Kiahe aõkòre anarỹỹ rỹireriu, iny sõwemy inyeereny kana aõbinanyheny.

³ Jesuisi Betỹnia hãwã-ki ratximyhỹu, Simaõ tyybina heto-ki ratximyhỹre. Jesuisi òwòru besedỹñbire-ki roimyhỹ. Tahe hãwyy aderõna òwynihikỹ-di lýnyrena wihikỹ-di nade. Tai ihyna riwebòhònyra tahe Jesuisi ratityre-ò ritxiwira. ⁴ Inyõreny rexyikaranyke. Tahe widee rarybera: —Aõherekibo aderõna rahura. ⁵ Inywitzira tahe iòwynykewi sõwemy nierumy kia-ò. Kia

nieru-di tahe iny aōkōdu-ò rawahidỹỹnykre. Tahe tiiboho rexibynyneri hāwyy dee. ⁶ Tahe Jesuisi rarybere: —Txiōhe rare, uritere ixibydỹỹōmyke. Tii heka aōwihikỹbo wadee riwinyra. ⁷ Kiamy aōu aōu iny aōkōdu rỹikremy. Aōule heka tamy aōwihikỹ biwinybenyke. Jiarỹ tahe, aki aōu aōu aōkōlekre. ⁸ Tii heka rexikonananamy ròwidỹỹre. Aderòna-di watyre ritxiwire wabede-ò jiarỹ raōle. ⁹ Inatyhymy adeereny ararybekre. Aōtxile Deuxu Rybewihikỹ iny relyykre. Kia-ò kahāwyy ijyymy relyykre, ibutumy iny idi rōhōtinkyremy aōbo riwinyredi.

¹⁰ Tahe Judasi Isariò Deuxu aōmysỹdỹỹdu-ò rara Jesuisi tamy rawahidỹỹkemy. ¹¹ Tiiboho tamy roholarenyreu, reysare. Tahe tamy nieru riwahinykemy riurenanyre. Tahe Judasi riijemyhỹre aōu aōu bedewihikỹ tamyreny riwahidỹỹnykemy.

¹² Juhu orotxu anarỹỹtxure budoeni xiweloo rirubuny rahudi tahe Jesuisi erydỹỹna mahādu tamy rarybere: —Titxibo anarỹỹ rỹsỹnamy biroxi-kemy atxiteri. Jiarỹboho kowa-ò aroikre. ¹³ Tahe Jesuisi tamy rarybere: —Kaiboho boikre hāwāhākỹ-ò. Tahe hābu-wana wii biōbinykre butxi-di riwyrieriò. Tahe tii biheludunybeny. ¹⁴ Aōtxile hetoō-txi ralòke, kaiboho marybebenyke hetowedu-ò: —Waerydỹỹdu rarybera: —Titxiwexe anarỹỹ rỹsỹna arirỹsỹkre waerydỹỹna-wana. ¹⁵ Tii heka adee kiditeōsinykre hetowowitxiraō biu-txi. Ibutumy rexihumy rỹire inydeereny. Kowa rỹsỹna inydeereny biywinykre. ¹⁶ Tahe ierydỹỹna rexitare. Roire hāwāhākỹ-ò. Tahe rōhōnyre iwese Jesuisi relyyre wese. Tahe ibutumy rexihurenre anarỹỹ-ò.

¹⁷ Txiorou Jesuisi nade taerydỹỹna waōinatxi reurò-wana. ¹⁸ Tiiboho òworubesedỹỹ riroximahāu, Jesuisi rarybere: —Kaiboho wawana raboxiteny-teri sohojiò biwawahinykre. ¹⁹ Tahe urihimyo rexiranre rabedewomy. Tahe widae raryberenre: —Jiarỹle heka ariwahinykre. ²⁰ Tii rirawỹōnyre: —Kaiboho, waōinatxi reurò mahādu sohojiò. Kia mahāduō orotxu-di wawana rebenymyhỹ besero-ki. ²¹ Inatyhymy Deuxu Riòre Hābutyhyhykỹ rakre iwese iritina rỹirewesele. Kobexeheny kowa hābu heka kidiwahinykre. Tamy iny awire kedeāōlede.

²² Tiiboho riroxireriu, Jesuisi orotxu rimyre, raorore, rexitōenyre, tahe tamyreny riwahinyre. Rarybere: —Āhāxe, kia heka waumy wese rare. ²³ Tahe vīlhynamona rimyre, rexitōenyre, tahe tamyreny riwahinyre. Ibutumy ibute bute iribi tuu riōreny. ²⁴ Tamyreny rarybere: —Kia wāhālubu wese rare. Kia hālubu heka rybe tỹmyra ywidỹỹna hālubu rare. Kia inyboho kidinohōtijuadenykre. Wahālubu heka kedejuxunykre iny rabòrōnihikỹ dee. ²⁵ Inatyhymy ararybekre: —Ariōōtyhy heka òtetibederatyruke tỹmyra ihyy tahe tiutxumybo Deuxu Iòlòna-ki ariōkre.

²⁶ Deuxuwimy rawinyrenyreu, tahe rexitarenre Oliveira bederatòòhòkỹ-ò.

²⁷ Jesuisi tamyreny rarybere: —Kaiboho ibutumy wijirumy biwaribenykre. Kia heka iritina rỹire. Itxeredu tahe riròrenykeki, budoeni rahenykre.

²⁸ Tahe rubu-ribi adexiakre, arakre akomy Kalileia-ò. ²⁹ Pedro rarybera Jesuisi-ò: —Ibutumy arariki, arariōtyhy. ³⁰ Jesuisi tamy rarybera: —Inatyhymy ararybekre. Wijirumy hāniehābu inatxi kydyrykreule, kai iny wixira-ò biwatxiōnykre inatāō bedemy. ³¹ Tahe Pedro rarybera tarurutyhymy: —Aōkōre, aratxiōnyōtyhy, ihārele tahe awanale arurukre. Ijō mahādu tule kia wese rarybera.

³² Tahe roire Kesemani hāwāmy ninadu-ò. Taerydŷŷna-ò rarybera: — Biwaraòmy bonykre kakile. Kowa-ò arexitòenykre. ³³ Tii ridyrenyre Pedro, Txiau, Joaò-wana. Jesuisi rexiranyre rabadewomy ihyy rexitòenyre. ³⁴ Tahe tamy rarybera: —Watyytyby heka rabadewomy ratxireri rubuhyy-ò. Kaki bonykre bijjemy. ³⁵ Tahe iko-txi urihimyo rareu, resere. Rexitòenyre: — Waha, adee arexitòenykre. Adee awikeki, kia òraule tiu waròteòna. ³⁶ Tii rarybere: —Waha, adee ibutummy isiraòre. Kia bemona inythe waròbi bitake inihe. Tahe wadeewi wadeewi-ki aòkò watxireri, tahe adeewi-ki. ³⁷ Tii rehemynyre tai rahare ròròrenymy roireriò. Rarybere Pedro-ò: —Simaò, Taròteri aòbo. Bijjeòtyhy sohoji òramy bededŷŷnana. ³⁸ Bijjebenykre, bexitòenykre, uritere rutaanamy ròteòmykre inatyhymy atyytyby irurudire tahe ade iruruòre. ³⁹ Tahe Jesuisi ixityre rare rexitòenyre ixiwesele. ⁴⁰ Ròòsereu, ijò-ki rahare ròròmy ixiwesele, irurureny rautxienymyhy dori. Tiiboho rierykòre idi rirawyònyrenyre. ⁴¹ Tahe ixbybyle ròòsere tahe rarybere: —Moròbeny bexielehynybeny. Òra iòhòreri. Kia heka Deuxu Riòre Hābutyhyhykŷ kanawahidŷŷkre òrarudu mahādu-ò. ⁴² Bitŷmynybenyke, rokoireny, walòsedŷŷdu iòhòmy rareri.

⁴³ Tii rarybereriu, aòwesele Judasi nade. Kia heka waòinatxi reurò mahāduò rare. Tii-wana doide hābu mahādu mayrehe-di, òhòtemy debòna. Kia heka hābu mahādu doide matuari mahādu-ribi, Bede ywina erydŷŷ mahādu-ribi, Deuxu aòmŷŷdŷŷdu wedu-ribi. ⁴⁴ Lòsedu tamyreny juhuu bede eryna riwahinyre. Kawese heka rarybere: —Kowa heka inyò-ò aruwokre, tii heka hābu rare. Bimybenykre, birarenybenywihihikŷkre. ⁴⁵ Judasi rehemynyrenyre, tahe rarybere: —Wedu, wedu. Tahe tamy ruwore. ⁴⁶ Juda ijoi Jesuisi rimyra. ⁴⁷ Kia ijoiò mayrehe ritare tahe Deuxu aòmŷŷdŷŷdu wedu deòdu nohòti riorore. ⁴⁸ Tahe Jesuisi dirawyònyde: —Kaiboho mayrehe-di tiwaòrynyteri wasidu-wesemy aòmy, òhòte-di. ⁴⁹ Jiarŷ tahe dohodŷŷna heto-ki watximyhŷ txuò txuòlemy adeereny araerynanywāhādenyde. Kowa-ki heka tiwamyòlemyhŷtenyte. Tahe aòbo iritina-ki rŷireri, kia heka kŷnyikremy. ⁵⁰ Ibutummy ierydŷŷna mahādu ririrenyre, rihenynyre.

⁵¹ Kia heka hābuò riheludunymyhy tyy tayredile rexitynymy tiiboho ridyrenyre. ⁵² Tii tahe tyy ririre tahe rahenyre tadelemy.

⁵³ Deuxu aòmŷŷdŷŷdu wedu-ò tiiboho Jesuisi ridyre. Bede ywina erydŷŷ mahādu, matuari mahādu-wana ributunyre. ⁵⁴ Pedro riheludunyre irehetyhytyhymy. Rehemynyre Deuxu aòmŷŷdŷŷdu wedu heto-ò. Tai tahe ixitòteenymy heòtywera-ò rorukumyhy heto itxeredu mahādu-wana. ⁵⁵ Deuxu aòmŷŷdŷŷdu mahādu wedu, tule dohodŷŷdu mahādu alobixidu rijemyhŷre aòlemy Jesuisi òludu relyymyhyre, Kia òraru-ki rirubunynrenkemy. Rahaòre. ⁵⁶ Sòwemy iny ruimy relyymy rŷimyhŷ. Iruinareny wiribi hitxi hitxilera. ⁵⁷ Ijò mahādu rŷimyhŷre relyyrehāre ruimy rarybere: ⁵⁸ —Inyboho irybe-ò roholarenymy: Jiarŷ heka dohodŷŷna heto ariixāwididŷŷnykre kia heka hābu iwidŷŷna rare. Txu inataò-di ijò ariwinykre iwidŷŷnaweseòre. ⁵⁹ Kia heka aòmbyo tuu relyyrenyremy irybe wiribi hitxi hitxire. ⁶⁰ Deuxu aòmŷŷdŷŷdu mahādu rŷire inŷsòwetya-txi. Tii Jesuisi ritŷŷraxinyre: —Kai aòbo biwarawonykre aòmbyo relyyrenyreri adee òludumy. ⁶¹ Tii rerawyònyòle ixbyby tahe Deuxu aòmŷŷdŷŷdu mahādu ritŷŷraxinyre: —Kai aòbo Kristu tate, Deuxu wityhy riòre. ⁶² Jesuisi rarybera: —Jiarŷ heka. Kaiboho betehenykre

Deuxu Riòre Hābutyhyhykỹ Deuxu rurunaweribi-ò ronyreri. Kaiboho tii betehebennykre Deuxu Riòre Hābutyhyhykỹ biuwetyky-ribi naderi.

⁶³ Deuxu aōmysyđđỹđu wedu ityy riykara idi rarybera: —Aōherekibo ijō alobixidumy iny rururenyreri. ⁶⁴ Kaiboho taholatenyta aōbina binalemy rarybereriō aōmybohe kaiboho tahōtinymyhytentye. Ibutumy heka tawo riraōhōrenyra rubudukremy. ⁶⁵ Tahe ijō ityre rybeximy rarutaara rexiruehetynyre tahe tii rihetenyre. Tahe rarybere: —Mota làhà arahātenyra. Idi tahe heto itxeredu tule rihetenyre.

⁶⁶ Pedro heka ratximyhyhỹ bedeube-ki tahe ijadōma dehemynyde, Deuxu aōmysyđđỹđu deōdu. ⁶⁷ Pedro rexitōteenymyhyhỹ heōtywera-ò tahe ijadōma tamy retehere. Tahe rarybera: —Kai tule Jesuisi Nazare ludu-wana atximahāte.

⁶⁸ Tahe tii rexitxiōnyre: —Jiarỹ reeryōre aōmybo kai tarybeteri. Tahe Pedro hetowo-ribi rōhōnyre. ⁶⁹ Ijadōma ixyby ixyby itxeremy rarybere kowa ijoi-ò: —Kowa heka tii mahāduō rare. ⁷⁰ Tahe tii ixityre rexitxiōnyre. Ixybyle kowa ijoiō Pedro-ò rarybera: —Inatyhymy kai ijō mahāduōle tate. Kai dori Kalileia mahādu tate. ⁷¹ Tii inatyhytyhyrybemy rarybera: —Jiarỹ reerykōre hābumy tarybetenyteri. ⁷² Tahe hānie hābu rryra, inatxi hewoludumy. Ta Jesuisi rybe-txi Pedro tōhōti reare. Iwese Jesuisi rarybere: —Inatxi hānie rryrykredi, ihewoludukomy rryrykre, wadee bedexitxiōnykre inataōmy. Pedro tahe iribi rexitareu, rahinyre.

15

¹ Txuu reareu, Deuxu aōmysyđđỹđu wedu, matuari mahādu, Bede ywina erydyỹ mahādu ibutumy ributunyre. Tahe Jesuisi ritaataare tahe ridyrenyre Pilato-ò. ² Pilato Jesuisi-ò ritỹraxyryre: —Kai aōbo judeu iōlō tate. Tii rirawyōnyre: —Kai ka tuu tarybeta. ³ Deuxu aōmysyđđỹđu mahādu wedu rarybere Jesuisi aōna aōna awimy aōkō riwinyre. Tahe Jesuisi riwawyōnyōhylyre. ⁴ Pilato ixybyle rỹraxyryre: —Kai birawyōnyōtyhy aōbo. Kai aōbo taholaleteri aōmybo tiiboho autedé-ò raryberenyryeri. ⁵ Tahe Jesuisi rarybeōhylyre tahe Pilato urile bede riōtiinymyhyre.

⁶ Kia heka juhūu iny deōwarixina rare hābu rōteduō ritakemy anarỹttxuu. Aōtxile iny tamy rexitōenyke. ⁷ Rōtenawo-ki raremyhyhỹ inyō Barabamy ninadu-ki. Tii tahe inywitxira aōbinadu mahādu-wana ratximyhyhỹ. Kiamy inydinodu òraru-ki aōbina rỹireki, tii iny rirubunyre. ⁸ Iny sōwehekỹky-ki doide, tahe rexiranyre ixitōedỹmy: iny deōwarixina kōdōhōnykre. ⁹ Pilato dirawyōnyde: —Adeereny ariōlōdỹnykeko aōbo ka judeu iōlō. ¹⁰ Tii rieriye dori Deuxu aōmysyđđỹđu mahādu wedu tamy Jesuisi ridyrenyre iwobinanareny lau. ¹¹ Deuxu aōmysyđđỹđu wedu inysōwe riixitōedỹnyre Baraba riōlōdỹnykem. ¹² Pilato ritỹraxyryre ixybyle: —Aōhebo tahe idi arotỹnykre. Kaiboho tuu teninimyhỹtentye judeu iōlōmy. ¹³ Tiiboho rirajuarenyre: —Bitamadỹnyke itxeō nihikỹ-ò. ¹⁴ Ta Pilato tamyreny ritỹraxyryre: —Aōbina taka riwinyre. Aōhe-wana ixityre rirajuamyhỹnyre: —Bitamadỹnyke itxeōnihikỹ-ò. ¹⁵ Pilato inydee aō riwahinykem rōhōtinyra, tai ta Baraba riōlōdỹnyre. Idi tahe Jesuisi riyhytanymy rahudi, riteōnyre itxeōnihikỹ-ò riukōrenykre.

¹⁶ Soldado ridyrenyre heto woube-ò. Tai tahe ibutumy soldado ributunyre. ¹⁷ Tahe tyysōborehekỹ-di ritynyrenyre. Tahe ede rataana ritidire ira-ò. ¹⁸ Tahe rirybenyrenyre: —Adee nihikỹre judeu iōlō. ¹⁹ Tahe rihetenyre bōtōre-di irati-ò, tahe ityre rarybexinyre tahe rỹire tatiowotimy

rityhynykemy. ²⁰ Tahe tyysòbore iribi ritara, tahe ityyle tamy ritidira. Inatyhymy ridyrenyre itxeònihikỹ-ò riukòrenykre.

²¹ Kowa-di rekoarenyre hàbuò. Simaò Sireni inire. Kia heka Alexýdre, Rufu-wana tyby rare. Tii nade bedero-ribi. Tiiboho tahe riitxydyỹnyre itxeò-di rettykemy.

²² Riwyrenyre bederahy-ò Kòkòta ninadu-ò. Kia heka iwitxira rybe rare. Kia heka rubu ratitybyho wese rare. ²³ Tiiboho vïi riurinyre òwòruburu-wana. Tahe tii tuu riòòlera. ²⁴ Itxeònihikỹ-ò raukòrenymy rahudi tahe ityy wirarea riatyre, tahe ityy-di rarudeòsanyre tibo iny sohoji sohoji ityy riwykemy. ²⁵ Biurasò txu Jesuisi itxeò-ki raukore. ²⁶ Iratya-ki tahe ritina rýire: JUDEU IÒLÒ. Kia heka iny tuu rarybemyhýrenyre. ²⁷ Tahe tii-wana inatxi wasidu itxeònihikỹ-ò riherinanyre, ijò ruuweribi-ò, ijò hyweweribi-ò. ²⁸ Tahe rotýỹnyre aòbo Deuxu ritina-ki rýire wese: Tii ratximyhý òrarudu mahàdu-wana. ²⁹ Iny reareare tara riohowimy rarybere aòbina binamy: —Kobe, kai korihe dohodýỹna heto biatykemy inataò txudile tahe ixityre bidiwinykre. ³⁰ Kaile inyhe bexitakre itxeò-ribi. ³¹ Iwesehyyle Deuxu aòmýsýdyỹdu wedu, bede ywina erydyỹ mahàdu-wana widee raryberenyre. Jesuisinimy raujòmorenyreri: —Tii iny witxira ritare, tiile tahe rexitaòtyhy. ³² Kristu, judeu Iòlò, bodobeheke itxeò-ribi jiarýboho arobirenykre, tai tahe aratyhynyrenykre. Tule wasidu tii-wana raukòrenyre itxeò-ki Jesuisinimy raujòmorenyre.

³³ Txutyeyu ibutumy bede rurunyre. Tahe roire txu kaò resemý. ³⁴ Kiaule tahe Jesuisi rarybeterenyre: —Elòi, Elòi, lema sabatani. Kia heka iwitxira tybe rare. Kia rare: —WaDeuxu waDeuxu, aòherekibo kai tiwarite. ³⁵ Ijoiò heka tamy roholareu, rarybere: —Tii heka Eliasi-ò rryreri. ³⁶ Hàbuò reare bexi ritýxinyre vïi juberere-di idi tahe ritidire tabòtòreja-ò. Riwahinyre Jesuisi ritòkemy. Tahe rarybere: —Deinyhe tamy inyhe reketehereny Eliasi kanakremy aòbo inyhe itarasamy. ³⁷ Jesuisi rryyre irariemy idi rurure. ³⁸ Dohodýỹna hetowetty raykare inatxi weryna tyymy, biu-ribi, bede-ò. ³⁹ Soldado dinodu Jesuisiko-txi ratximyhýre. Tahe rurureu, irubumy robire. Tahe rarybere: —Ka heka inatyhymy Deuxu riòre rare. ⁴⁰ Tule hãwy mahàduò retehemy rýimyhý irehe-ribi, tòwysyreny-ki, Marie Madalena, Marie (Txiause, Jyrese tii rare. Txiau heka Jyje hewoludumy rare.) Salome tule ihýre ijò-wana. ⁴¹ Kia heka Jesuisi Kalileia raremyhýu, tiiboho tahe sòwemy iny-wana doide Jerusalè-ò.

⁴² Txioromyhe dehemynde. Wirareasanatxu rare. Kia heka sabadotxukokile rare. ⁴³ Jyje Arimatea hãwã ludu dohodýỹdu nihikýò rare. Tule heka tii riraòmy ratximyhý Deuxu Iòlòna. Tii ruberuòlemy rare Pilato-ò Jesuisiumymy ixitòedýỹmy. ⁴⁴ Pilato rabedeòtiidýỹnanyre Jesuisi rurumy roimyhýdi tai rryyre soldado dinodu-ò. Tai Pilato ritýỹraxinyre, Jesuisi rurumy roimyhýdi. ⁴⁵ Soldado rarybereu Jesuisi rurumy roiremy tahe Pilato riteònyre Jesuisiumy Jyje-ò iwahidýỹmy, ⁴⁶ Jyje ritare itxeònihikỹ-ribi tahe ritýtenyre tyurahãkỹ-di. Idi tahe ritidirenyre mana hãloo wabedewo-ò. Tahe mananihikỹ-di rijòtòbònyra. ⁴⁷ Marie Madalena, ijò Marie Jyrese reteherenyre titxibo tii ritidirenyreò.

16

¹ Tahe nobiutxu, Marie Madalena, ijò Marie-wana ihewoludu Marie, Txiause, Salomese-wana rare. Tiiboho lýnyrena riòbranyrenyre. Tahe roire

Jesuisibymy idi rekoakremy lŷnyrena-di. ² Juhutxu semana bededŷŷnanau txuu deadeule roire wabede-ò. ³ Widee raryberenyre: —Mowexe mana ritakre ijò-ribi. ⁴ Tahe tuu robirenyre. Mana nihikŷ ritamy rŷire. ⁵ Wabede-ò rirònyrenyre, robirenyre weryrybòweselemy ronmyhŷ rururweribi-ò. Ityy urahakŷmy ronmyhŷ. Tahe tiiboho bede riòtiinyrenyre ruberurenymy. ⁶ Tii tamyreny rarybera: —Uritere breburenyòmy. Kaiboho aòbo teòrytenyta Jesuisi Nazare ludu. Kia itxeò-ki iurure. Tii aòkò kaki ratxireri. Rexixara rubu-ribi. Betehebeny inihe tai ritidiraò. ⁷ Makre. Marybekre ierydŷŷna-ò tule Pedro-ò. Tii rakre akorenymy Kalileia-ò kaiboho tuu lobiximy boikre tuu adeereny raryberemy. ⁸ Tahe tiiboho rihenyrenyre wylemy wabede-ribi ruberumy. Tiiboho moò heka rarybeòhyllerenyre ruberumyhyrenyi.

⁹ Juhutxu semana bededŷŷnau Jesuisi rubu-ribi rexixare. Idi tahe juhuu àsitereribile rexitŷŷnyrenyre Marie Madalena dee. Kia-ribi heka juhuule ritare debò inatxi reurò tytybybinamy. ¹⁰ Tii rare Jesuisi-wana raremyhŷ mahàdu-ò. Tiiboho rabadewomy ratximyhŷreny, rahinymyhŷreny. ¹¹ Tamyreny relyyreu iwese Jesuisi tamy rexitŷŷnyrenyre wese Jesuisi irulemy ratximyhŷmy tuu robireke, rityhynyòlerenyre.

¹² Jesuisi rexixamy rahudi tahe, iwitxiramy rexisŷŷny inatxi erydŷŷna-ò. Tiiboho heka roimyhŷrenyre bedero-ò. ¹³ Tahe dòòsede relyyrenyre taijoi-ò, tahe tule rityhynyòlerenyre.

¹⁴ Tahe waòsohoji reurò erydŷŷna-ò Jesuisi àsitereribile rexitŷŷnyrenyre. Tiiboho riroximyhŷrenyò rexitŷŷnyrenyre. Tahe Jesuisi tamyreny rarybera: —Aòherekibo kaiboho iny wamy robira mahàdu tetyhynyòteri. ¹⁵ Kaiboho boibenyke ibutumy bede bede-ò Rybewihikŷ bitŷŷnynykremy. ¹⁶ Inyò Rybewihikŷ rityhynykeki, idi kidisebenykeki, tii Deuxu ritake. Inyò rityhynyòkeki, Deuxu ixi-ribi riteònykre iòraru-ki. ¹⁷ Kia bede eryna ityhydŷŷdu kidiheludunykre. Tiiboho tytybybina kiditeònykre wani-ki. Tule heka tiiboho itŷmyra rybe kanarybedenykre. ¹⁸ Hemylala rimyrenyre, aòhe rotŷŷnyòlere tule rubuna monamy riòkeki, rotŷŷnyòlere. Tiiboho tebò ritidirenykre bina mahàdu-ò tahe riteytenykre.

¹⁹ Idi tahe Jesuisi tarybe rahuredi, Deuxu ridyre biu-ò. Tahe ronyre Deuxu rururweribi-ò. ²⁰ Tahe tiiboho roire ibutumy bede bedemy tai bede ritŷŷnyrenyre. Wanyrŷ riwiòhenanyrenyre tahe bede eryna-di irybe ixidee rimyrenyre ihelududŷŷdu mahàdu-ò.

Luka Deuxu Rybe Wihikỹ Tỹmyra, Luka Tyyritidỹdu

¹⁻³ Wyla, Teòfilo. Adee heka watyyriti ariwahinykre timybo Kristu rotỹnyre. Tuu lobixidu mahãdu tuu relyymyhỹre-ribi, jiarỹ ire ariòbitinytyhykre. Kia heka jiarỹ adee reritinytyhyre, waiòlò, iwese ibutumy reeryrenyre juhu bededỹna-ribi. Aõma inatyhymy kia rotỹnyny rare wahe. ⁴ Kia wese wahe. Iwese iny adee relyyre wese, jiarỹ adee arelyyre inatyhymy aõbo rotỹnyre. ⁵ Zacaria heka Deuxu xiwe wahidỹdu rare, Abia ijoio wahe. Iriòrese Isabeli tahe tule xiwe wahidỹdu riokore mahãdu rare. Kiau heka Herodi judeu bedesỹ iòlòmý raremyhỹ, Araõ riokore mahãdu wahe. ⁶ Wiwanale heka awirenyre Deuxuru-ò. Òbitihy heka ratximyhỹrenyre ibutumy Deuxu bededỹnanako-ò. ⁷ Tiiboho iriòreòhyyre. Ihãwy Isabeli heka rasenadunyre, uladu herina dori awiòre. Ihãbu tule ramatuarinyre.

⁸ Aõutxumy tahe Zacaria raaõmysỹdỹnynyhyre aõma templowo-ki. Kitxu heka iròtenatxumy bede rỹimyhỹre templowo-ò. Tahe iwo-ki ratximyhỹre. ⁹ Hewydysi lỹnywi ritoonynyhy Deuxu kia dealànany, iwese riwinymyhỹrewesehyyle. ¹⁰ Iu ahana-ki tahe sówemy iny rexitòenymyhỹ. ¹¹ Iu Zacaria xiwena ruruwe-ribi loosòna-ò rỹireu, hewydysi lỹnywi ritoonynyhyre. Tahe aówesele j̃juõ rexitỹnynyre Zacariako-ò. ¹² Tii tuu robireu heka rexiraòmý ruberumy reare. ¹³ J̃ju rarybere: —Brebuòmýkre, Zacaria. Deuxu roholare aixitòedỹna-ò. Tai heka adee ijyymy rareri. Ahãwy Isabeli rariòrenykre. Kai heka Joaòmý bininikre. ¹⁴ Tai kaiboho heka iura heka beysabenyke sówemy; ijò iny tule reysakre iòraru-ki. ¹⁵ Tii heka hãbutyhyhykỹmy rarekre Deuxu dee tiu heka vỹ riòòtyhy mona hàrihikỹ riòòtyhy. Deuxu Tyytybytyhy. Juaòtykymy ralokre tii reareu. ¹⁶ Sówemy heka aõma Israeli mahãdu Deuxu rityhynykre iòraru-ki wahe. ¹⁷ Tii heka hãbutyhyhykỹmy rarekre Deuxu rybedumy Elia wesemy. Tii heka aõma Deuxu deòdỹna juhuu rehemynyny reakre ikòlemy iny ywisidỹnakre rehemynykre juhuu, aõma Deuxu Tyytybytyhy dehemynyna riijemy tuu rehemynyny rakre. Tii bede ywina riòbitinykre inyy-ki. Tyby tariòre-wana wii riwoxinykre. Tii heka iny ribedeerynykre aõma òbitimỹ rỹirakremy. Deuxu luumy rỹirakre aõma ilahireny rỹira wesemy juhuu.

¹⁸ Zacaria rarybere j̃ju-ò: —Jiarỹ ramatuarinyre timykre heka? Hãwy tule rasenadunyre ihãrele òsana tukre. ¹⁹ J̃ju rarybere: —Jiarỹ Gabrieli watxireri, Deuxu deòdutyhy wahe. Tii heka diwateònyde kaò adee rybemy wahe. ²⁰ Kai tetyhynyòhytyeri tai kai marybeòkre uladu reakre xiery tahe marybekre. Kaa adee rarybereri dori òbitimỹ rarybereri warybemynamy ibutumy rỹikre. ²¹ Iny riraòmý rỹimyhỹ Zacaria òlòna, tahe raroorehenymyhỹ. Iroorehena rieryòhyymyhỹreny. Dòhònydeu ta, rybe-ki rexisiranyny rarybeòhyyre. ²² Tii rehemynyreu tamy rybeòhykyre rahòra. Idi tebò-d raramynyre urile rybe riwisỹnyny rarybeòhykymyhỹre aõma timybo aõhebo rotỹnyrá heka riòbitinykemy heka rarybeòhyymyhe timyrabo. ²³ Tahe taaõmysỹdỹna rihudi, taheto-ò ròòsere ixyby.

²⁴ Idi tahe Isabeli rabòtònyre iruwyre ahādumy bede riihere rexiwòmý.

²⁵ Isabeli rarybere: —Deuxu awi heka rare, riwatare waix̃yruna-ribi. Kuladu wadeke riwahinyreri.

²⁶ Ijō ahādu tahe Deuxu Gabrieli riteònyre Nazare hāwā-ò Kalileia bede-ò.

²⁷ Ÿjuō heka rybe-di ijadōma-ò. Kia ijadōma heka wii ritobinymy r̃ireri tybyboho iseboho Jyje-wana roikremy. Jyje heka iòlò Davi kia mahāduō rare. Ijadōma tahe Marie inire. ²⁸ Ÿju heka kiamy rarybere: —Beysakre Marie! Inynyrỹ heka awana ratxireri. Bedeòbyhyk̃y adee kidiwahinykre. Tii arāwowydynyryeri. ²⁹ Kia rybe-di tahe Marie rexiraykynyre. Tii rieryōmy aōmybo rare. ³⁰ Tahe Ÿju tamy rarybere: —Marie, Brebuōmy! Deuxu teteysanyte. Kai awi heka rare. Tii aōwihik̃ybo adee kidiwahinykre. ³¹ Kai heka mariòrekre, uladu heka Jesusimy raninikre. ³² Tii heka hābu nihik̃y rarekre. Tii Deuxu riòremy raninikre. Deuxu heka tii iòlòmý ris̃yinykre, iwese Davi alabiehek̃yreny ronyre wese, tii ronykre. ³³ Tii heka ibutu Ijaō mahādu iòlòmý rarekre. Iòlona heka tiu itueòtyhy. ³⁴ Tai tahe Marie Ÿju-ò rarybere: —Jikar̃y heka ijadòkòmattyhy watxireri. Timykibohe krabòtònykre. ³⁵ Tahe Ÿju rirawoyònyre: —Tyytybytyhy adee kanalokre. Deuxu ruru heka adee kanakre. Tai heka kia uladu Deuxu òbiti riòremy raninikre. ³⁶ Nohōti lusaōmy anymy-ribi Isabeli riki bòtòkòmý rareke-ribi tahe bòtòmý ratxireri. Debò sohoji reurò ahādumy iahādu. ³⁷ Deuxu dee heka tiu aō isiraōre. ³⁸ Marie rarybera: —Jikar̃y Wah̃i dekodú rare. Anomybo tarybeteri ka ibutumy rekyrubunyreri. Wadeke awire. Anowaxina tukre irybemynamy karot̃yk̃nykre. Idi Ÿju rikòmý reare.

³⁹ Idi ta tii heka Isabeli roramy rare. Zacaria s̃my Judeia bede hāwālò hāwā bede-ki. ⁴⁰ Iu Marie rehemynyreu tahe wii rirybenyreny: ⁴¹ Tiu kia aōbo uladu Isabeli kia-ki iule rexiwatxiny myh̃y Marie-ò. Isabeli heka t̃yxiyk̃ỹle Deuxu Tyytybytyhy-di ratximy h̃y. ⁴² Riajuamy rare deysana-di sòwere: —Kai hāwyy ibutu-ribi deysana rarekre. Auladu tule deysana rarekre. ⁴³ Anoherekibo Wah̃ise waroramy naderi. Jikar̃y ano anokò rare. ⁴⁴ Adeke rahokujareku, kuladu wawoku-ki rexilòrelòrenymy h̃y tabedesa-di. Tai tahe Isabeli r̃ỹraximy ratximy h̃ỹre Deuxu Tyytybytyhy-di. ⁴⁵ Kai bekysabenyke kia tetyhynyteki. Deuxu rybe dokuri adeke nade. Iwese tiki raryberewesele ibutumy rāikre. ⁴⁶ Marie rarybere: —Jikar̃y wawoku-ribi Wah̃i rewokuwydyny. ⁴⁷ Wawokuribityhy wadekysareri Wah̃i watarasadu dokuri rare. ⁴⁸ Ihyky tahe tiki tekòdu-ribi walanokonakona-ribi tōhōti rosakre. Tahe iny ibutumy hāwyky dekysanamy riwaninikre. ⁴⁹ Deuxu dokuri anomyd̃yk̃nana wiwihik̃y wadeke riwahinyre. Tii tahe ityhy rare.

⁵⁰ Tikiemy inydeke ruxetòena riwahinymy h̃ỹre iny tamy wowydyna riwahinyreki.

⁵¹ Ixityhy nohōtidu mahādu tiki rehure. ⁵² Bede ikòlò sòwemy tiki rehure. Tule iny ianokò mahādu Deuxu riwikòhenanymy h̃ỹre.

⁵³ Rama risamahādu deke r̃ys̃ỹna tiki riwahinyre.

⁵⁴ Irybe tahe tiki rityhynyre anobo tiki initybyreny deke tiki raryberemy. Tikiboho tahe Deuxu riwikòhenanyre. ⁵⁵ Ruxetòena tahe Abraō deke riwahinyre tule tikiemy iriokore deke riwahinymy h̃ỹre.

⁵⁶ Marie tahe inataō ahādu Isabeli-wana riwyr̃a. Idi tahe tas̃y-ò ròòsera.

⁵⁷ Beded̃ỹnana Isabeli-ò rehemynyre. Iriòre reakremy ratxireriu, Iriòre reare. ⁵⁸ Is̃y mahādu heka teysana-ò roholarenyre, iery mahādu tule

rabedesarenynre tamy Inynyrŷ raruxetòdenyredi, Inynyrŷreny ruxetòdena tamy riwahinyreki. ⁵⁹ Tahe debò inatað txu-di, uladu notyky resynamy bede rŷire. Zacaria raninykemyre. ⁶⁰ Tai tahe ise rarybere: —Anokòre, Joaðmy rarekre. ⁶¹ Isŷ mahàdu rarybere: —Joaðmy ninadu taheka ijòkòhkyre inysŷreny-ki. Anoherekibo tuukre? tai tuu raninike wahe. ⁶² Tuu Zacaria-ò rŷŷraxireny: —Momybo raninykre? ⁶³ Tahe Zacaria tababese riòreò rimyre. Riritinyra kia: —Joað heka inikre. Tahe ijò mahàdu ibutumy ribedeòtiidŷŷnyre. ⁶⁴ Iu tahe Zacaria rarybere Deuxu riwowydnyre. Tahe ibutumy isŷ mahàdu heka ruberure. ⁶⁵ Ibutumy heka tii relyymy raremyhŷ Judeia mahàdu hāwālò nihikŷmy. ⁶⁶ Ibutumy tamy roholaré heka raryberenynre: —Timybo uladu rarekre? Inynyrŷ idi tarukimy iweribikre.

⁶⁷ Tahe Deuxu Tytybytyhy heka Zacariatykymy ralore. Tahe Deuxu aðmydŷŷnanamyhe relyyre timybo rabededŷŷnananykremy. Tii rarybere:

⁶⁸ —Judeu mahàdu Deuxu awi rare. Tii dori taijoi roramy nade.

⁶⁹ Iwiòhedŷŷmy tulemy tarasadu tyhy Tii heka Iòlò Davi mahàduy rare.

⁷⁰ Deuxu Rybedŷŷdu mahàdu kia wesemy tuu raryberenynre.

⁷¹ Inydireny òludu mahàdureny-ribi riki iny ritarenynkre. Iny-di heka raruxetòerenyra.

⁷² Tahe iny-ribi tòhòtirenyn rosaðhykyra. Tahe rarybekre timybo raryberemy inytybyrenymy. ⁷³⁻⁷⁵ Tii heka iny ritarenynkemy inydireny ratxireri inyòludureny-ribi. Kia-ò heka rarybere inylabierenyn Abrað-ò. Tai heka rikiwiòhenanyrenyke brebuòlemy. Òbitimy iko-ò rakatxirenyhykyre. ⁷⁶ Kai wariòre Deuxu rybedumy mabekre. Kai heka mabekre Deuxuhukŷ rybemy rybedumy. Kai heka bòhònykre Inynyrŷ-kò iry biywinykremy.

⁷⁷ Asŷ mahàdu-ò marybekre biu-ò hena kanakremy ihŷre. Deuxu heka tòhòti rosakre iðarunarenyn-ribi. ⁷⁸ Iny Deuxurenyn dori inydeerenyn ruxetòedu rare. Tii heka biu-ò hena ibutu-ò kidiòkre, tarasana wahe.

⁷⁹ Kia bede lurumy rŷira mahàdu biuloosònamy robikre.

Zacaria rybe tahe rikonananyre. Loosòna ywinary-ò tahe ritŷnynykre.

⁸⁰ Ihewo-ribi tahe uladu ratybienynre taumy-di Deuxu tyhydŷŷna-ki tule. Tii heka bederahy-ki raremyhŷ. Tiutxumy rexitŷnynykrejudeu mahàdu-ò.

2

¹ Kia mahàdu iòlò Augusto inire. Kia heka ibutumy bede-ki inyni rityritinykemy bede riywinyre. ² Kurina heka Siria bede dinodu rare. ³⁻⁴ Jyje heka Nazare hāwā-ki rasŷnymy raremyhŷ. Tai tahe Kalileia bede-ribi tiiboho roirenynkemy Judeia bede-ò. Iòlò Davi dori tai reare, Belē hāwā-ki. ⁵ Jyje tahe rare, tii dori Davi ijoimy rareki. Marie bòtòmyn tii ridyre tai ihāwyy. ⁶ Tahe Belē hāwā-ò rehemynynre. Tahe herina roxina heto ihoòre herina tamynreny. Taihe awaru roxina heto-ò roire. ⁷ Tai hāwyy ratohouāsenynre. Idi rihetynynre awaru roxina hynaro-ò ritidikemy.

⁸ Iu tahe budoeni-di itxeredu mahàdu bedero-ki ratximyhŷreny. ⁹ Idi tahe ŷjuò tamy nade Deuxu-ribi. Deuxu loosòna tamy ritynyre. Ruberurenynre.

¹⁰ ŷju tamy rarybere: —Brebuòmyrenyke. Rybe wihikŷ-di adee rehemynyreri. Ibutumy iny reysakre ka rybe-di. ¹¹ Atarasadu heka ratohouānyra Davi hāwā-ki, abiu-ò hedu wahe. Tii heka Kristu rare, Inynyrŷreny wahe.

¹² Kaiboho heka awaru roxinað-ò inihe bòike itxeremy. Tai heka tohouā

roireri tyy-di rarahananymy. ¹³ Iule tahe sōwemy ŷju widotyde Deuxu dee rawiunykremy, kiawese rawiunyrenyre riwowydynyrenymy:

¹⁴ —Biu-ki Deuxu loosōna ratxihyymyh̄yre.

¹⁵ Tahe ŷju ròōserenyre biu-ò. Budoeni-di itxeredu mahādu widee raryberenyre. Wylemy Belē-ò ròkòirenkre itxeremy kia aōmyd̄ŷŷnanamy Deuxu inydee riteòsinyrerìò. ¹⁶ Tahe roirenyre idi tahe Marie, Jyje-txi rekoarenyre. Tuu robirenyre. Tahe broreni dōròtòhòhyna-ki uladu roire. ¹⁷ Tai tahe budoeni-di itxeredu mahādu timybo ŷju tamy raryberamy, rarybere. ¹⁸ Tai tahe ibutumy kia tamy roholaré ribedeòtiinymy r̄ŷire. ¹⁹ Marie heka tōhōti itxi reare. Tahe sōwemy raraykywydynanymy ronyre. ²⁰ Budoeni-di itxeredu mahādu ròōserenyre rawiunyrenymy Deuxu-ò Deuxumy reālāre ibutu òraru-ki. Iwese ŷju raryberewesetyhyle heka ibutumy r̄ŷire.

²¹ Iribi tahe txu r̄ŷireu tahe rare Jesuisi notyky orokré. Debò inataō reurotxu r̄ŷireu Jesuisi notyky raorokremy raywire. Tahe rininirenyre Jesuisimy iwese ŷju rarybere myna.

²² Xiwena r̄ŷikemy bede r̄ŷire Moisesi bede ywid̄ŷŷnamyna. Aōutxumy tahe dehemynde Marie Jyje-wana kia idi riwinyrenykemy. Tahe Jyje ridykemy Jerusalē-ò idi ratxireri. Tai uladu-di roirenyre Deuxu-ò riteòsinykemy.

²³ Kiamy heka Inynyr̄ Ritid̄ŷŷna-ki roire.

Weryrykeki, Deuxu dee rawahid̄ŷŷkre. Tii uladudelaa weryrykreki.

²⁴ Iwese tule bōtōe inatximy rawahid̄ŷŷkre ada bōtōerurā inatxi heka xiwenamy reakre Moisesi bede ywid̄ŷŷna myna.

²⁵ Hābuō tai ratximyh̄yre Simeaō inire. Jerusalē hāwādu wahe. Deuxu rityhynymyh̄yre hābuwi rare. Tii Kristu riraōmyh̄yre Deuxu deòd̄ŷŷna wahe. Ijjoī aōbina bina-ribi tarasadumy Deuxu Tyytybytyhy heka tai ratximyh̄yre.

²⁶ Deuxu Tyytyby ihetxiu tamy rarybere: —Kai buruōtyhy Deuxu deòd̄ŷŷnamy bobiōdi. ²⁷ Iu Jesuisise tyby-wana rehemynyreu Deuxu Tyytybytyhy heka Simeaō riteònyre kowa-ò. ²⁸ Simeaō uladu taāxiò-ki rimyre. Tahe Deuxu riwowydynyre:

²⁹⁻³¹ —Kiamy heka Wanyr̄ Iòlò arybe retyhynyre timybo tarybete wahe. Ibutumy dorihe tewinyta. Tahe aōwaxinyhe arurukre. Abiuòhenamy heka rabira. Tii ibutu iny tarasadumy rarekre biu-ò hena wahid̄ŷŷdu wahe.

³² Kia heka ibutumy iny-ò loosōna tewahinyta judeukōdu mahādu-ò. Tai judeu mahādu tahe wowydynamy tii rarekre.

³³ Tai tahe Jyje Marie-wana bede riòtiinyre aōmybo rarybereki. ³⁴ Simeaō tahe Deuxu deysanamy tamyreny rarybere: —Deuxu biu-ò henamy heka kia uladu rare. Sōwemy judeu mahādu tarasadumy rarekre, tule sōwemy tas̄ŷ ituekre. Kia heka Deuxu deòsina rare. Sōwemy heka Jesuisimy rakyararybenynykre. ³⁵ Ibutumy iny rayky-ribi heka ibutumy rit̄ŷnynynykre. Bederyry sōwemy bieryke tai aōhōk̄ŷmy bot̄ŷŷnykre. ³⁶ Tule Deuxu rybe eryd̄ŷŷnaō rehemynyre. Ana inire. Hāwy rare. Tii heka Fanueli riōre rare. Asere mahādus̄ŷō rare. Tii heka rasenadunymy raremyh̄. Ijadōmamy raremyh̄u heka roire hābu-wana. Debò inatxi reurō beòralemy heka tii-wana raremyh̄ tahe tii rawytesenyre. ³⁷ Tii 84 beòramy heka bede idi r̄ŷire wytesemy. Tii Deuxu dohod̄ŷŷna heto-ribi ròhònyōhyymyh̄yre. Tii heka rexitòenymyh̄yre rumy txumy tabyreō-di. ³⁸ Tahe tii rehemynyre Deuxu dohod̄ŷŷna heto-ò. Deuxumy reālāre. Idi Jesuisimy imahādu-ò rarybere tii tarasadumy rarekremy.

³⁹ Iu Marie, Jyje-wana ibutumy bede ywidŷŷnamy ituereu, riððserenyre tahăwă-ò Nazare-ò. ⁴⁰ Jesuisi raumynymyhŷre beòra beòramy. Iruru, ibede eryna sôwemy ijôdire Deuxu dori idi tarukimyhŷre.

⁴¹ Pascoa worana bedehesi riòlòdǿŷnyre Jerusalē hāwā-ki. Jesuisi tyby heka iseboho roihyymyhǿrenyre tamy. ⁴² Tule Jesuisi waɔinatxi reurò beòra-di ridyrenyre tamy. ⁴³ Worana bedehesi rexihureu kidiòkesedeny kremv doide. Tahe Jesuisi naride Jerusalēkihikǿle. Tiiboho rieryrenyòhyyre naridemy. ⁴⁴⁻⁴⁶ Taijoiirenywanale ratxirerilemy idi rōhōtinyrenya. Txusohojimy heka bede idi rǿdi, rierenyre. Tai rahaòhyyrenya iijesemy diòkesedenyde Jerusalē-ò ıxyby. Inataò txu-di tahe tai nahadenyde, Deuxu dohodǿŷna hetowo-ki wahe. Tii heka bede erydǿŷdu mahādu-wana ronyre. Roho-lamyhǿrenyre ırybe-ò ronymhǿreny. Tule rǿŷraximhǿrenyre. ⁴⁷ Tii heka ibutumy rirawyònymhǿre. Tii dori bede ery nihikǿ rare. ⁴⁸ Iseboho tahe bede riòtiinyrenyre tai ronyreki wahe. Ise tamy rarybere: —Waritxòre, anoherekibo kai ıkykyreny-ki tanye. Anoherekibo tuu wadekereny tewinyteri aijesereny-di watxireri. ⁴⁹ Tahe Jesuisi rirawyònyre: —Waijesereny kòmyke. Waha heto-ki watxireri, Waha aòmǿsǿdǿŷnamy reywinyhyy watxireri. Kia aòbo teeryòhyytenyte. ⁵⁰ Tiiboho rieryrenyòhyyre aòmbybo Jesuisi rarybereri. ⁵¹ Idi tahe dòòsedenyde Nazare-ò. Tahe Jesuisi tyby rybe rityhynyhyymaryremhǿ. Tahe Jesuisise kia ibutumy riyrubunyhyymy raremyhǿ taravky-ki.

⁵² Jesuisi tahe raumynyre. Bede erytyhymy relere. Ibutumy he iny iluure. Deuxu wowydyna-di ihÿre.

3

¹ Tiberiò heka walyre beòramy iòlòmy raremyhỹ. Poncio Pilato heka Judeia bedede dinodu. Ijò heka Herodi inire. Inataò inymy heka bedede dinodumy raremy. Herodi heka Kalileia bedede dinodu. Iseriøre, Filipi tahe Itureia bedede, Traconite bedede-wana dinodu rare. Ijò iny tahe Lisỹnia inire. Tii Abileni bedede dinodu rare. ² Anasi, Kaifa-wana heka inatxi hàbu roire. Tiiboho wiwana xiwena wahidỹydu wedu raremyhỹ. Kia bedeu heka Joaò rehemynyre bedero-txi. Tii iny-ò Deuxu rybe tỹnydỹydu rare. Zacaria riøre rare. ³ Tii kia bedede ibutumy rybe ritỹnynyre, Jordaò beroweramy ibutumy wahe. Kia wesemy rarybere: —Aòraru-ribi bòhonyke. Maratisebenyke. Tahe Deuxu aòraru riixãwididỹnykre. ⁴ Iwese Isaia ròritidỹyre wesemy heka wiji rỹire. Inyò heka ryrymyhỹ bedero-ki.
Kia:

–Inynyry̆ry bexiwyinybenyke. Ryòbitihikỹ biwinybenyke. Hãloo
bitỹxinybenyke wimyny biijaranybenyke. Iry iòweòwena ramyhỹre
heka, biòbitinybenyke.

⁵ Iratòratòkeki, wimyna biijaranybenyke. ⁶ Ibutumy iny heka Deuxu biu-ò henamy robirenykre. ⁷ Sôwemy iny nade riratisebenykremy Joaô-ò. Tahe tii tamyreny rarybere:

—Kaiboho hemylalaweselemy toite. Deuxu ykarana-ribi bexitabenyke,
aōwiihikỹ.

⁸ Uritere kawese ryberenyômykre: —Abraô dori iny labiereny rare. Tai tahe ibutumy awityhy rare invdeereny.

Jiariŷ dori adeereny ararybekre: —Deuxudeewikeki, Tii kia manadile iny riwinyke. Abraõ dee ijõ riðrẽomy kia manadile riwinyke. ⁹ Woma heka õwõruraruti riðrõmhyhre. Kia raratynyõkeki heka, raðòrkre. Heòty-di

wòmý ririradýñnymyhýke. ¹⁰ Tai tahe iny rýñraxire Joaõ-ò: –Tímybohe rakatxirenykre. ¹¹ Tai tahe rarybere: –Inyò tòre inatximy ijòdikeki, sohoji iny ijò-ò riwahinyke. Irýsýnadikeki, tule ritxuatxuake ijòkò mahàdu-ò. ¹² Iny witxiraõ Joaõ-ò rehemynyre. Tiiboho nieru tarasadu mahàdu rare bede dinodu-ò. Tai rýñraxirenyre: –Tímybo aõhebo rokotýñnyrenykre. ¹³ Joaõ rirawyõnyre: –Uritere aõnihikýmy itarasarenyõmykre. Bede ywidýñna tyryiti myna ta tuukre. ¹⁴ Tai tahe soldado tamy rýñraxire: –Inyboho tahe aõhebo rokotýñnyrenykre. Joaõ rirawyõnyre: –Inyò biteranyõtyhy adee nieru kanakemy. Inieru dori ahõrò aõkò rare. Beysake, adinodu-ribi tiwe-sebo nieru tetamahâte-di. ¹⁵ Tahe kia iny mahàdu raraykynyre Joaõ-di. Kowa aõbo hàbu Kristu ihýre. ¹⁶ Tai heka Joaõ rarybere: –Jiarý heka bedi araratisebenyteri. Ijò wahewo-ribi kanakre tahe woratyre inihiký rarekre. Tii heka awityhy rare. Jiarý heka raixýruwãhãre iwataana aritake lau. Tii heka akanaratisebenykre Deuxu Tytybytyhy-di. Heòty-di tule wahe. ¹⁷ Iti tebò-ki ratxireri. Maixõmo ruxity hitxina-di wahe. Tii heka ritakre. Maixõmo riyrubunykre ihyna-ò. Iruxityy tahe ritoonykre. Kia heòty heka tiu ruriõtyhy. ¹⁸ Aõ heka Joaõ rarybere. Sõwemy aõna aõnamy iwesele rarekemy. Dohodýñna wihiký-di tamyreny rarybera. ¹⁹ Bede dinodu Herodi heka taseriòre riòrese-wana roire. Aõbina binahakýle riwinyre kia. Tai tahe Joaõ tamy rarybere: –Kia awi aõkò rare. Ibina heka rare. Sõwemy aõna aõna bina tule tii riwinyre. ²⁰ Tai Herodi heka Joaõ mynyny riteranyre ròtenawo-ki roikemy. ²¹ Joaõ ixiwesehyyle rexitýmyranymy iny riratisebenyre. Tahe tule iny witxirahe-ki Jesuisi riratisebenyre, Jesuisi rexitõenyre, biuwetyhy rarayre. ²² Biuwetyky-ribi tahe Deuxu Tytybytyhytle dobehemy nade bòtòderurà wesemy. Biu-ribi rybeò-ò iny roholare: –Kai heka Wariòre tate. Aluure heka jiarý wadeysatyhyre. ²³ Jesuisi 30 beòramy raremy taaõmysýdýñna tyhy ritelenyre, iny heka Jyje riòrelemy rõhõtinyhýre. ²⁴ Jyje heka Eli riòre rare. Matate, Levi, Maki, Janai, Jyje, ibutumy labieheký Jyje rare. ²⁵ Ijò tahe Matatias, Amos, Naum, Esli, Nagai, ²⁶ Maate, Matatias, Semei, Jyje, Joda, ²⁷ Joana, Resa, Zorobabe, Salatieli, Neri, ²⁸ Meki, Adi, Cosã, Elmadaõ, Er, ²⁹ Josue, Eliézer, Jorim, Matate, Levi, ³⁰ Simeao, Juda, Jyje, Jona, Eliaki, ³¹ Melea, Mena, Matata, Natã, Davi, ³² Ijese, Obede, Boasi, Sala, Nasaõ. ³³ Aminadabe, Adimim, Arini, Esraõ, Peresi, Juda. ³⁴ Ijaò, Ijai, Abraõ, Tera, Nakò, ³⁵ Serui, Raau, Faleki, Eber, Sala, ³⁶ Aina, Arfaxade, Sem, Noe, Lamei, ³⁷ Metusalê, Enoi, Jarete, Maleleel, Aina, ³⁸ Enosi, Sete, Adaõ. Tii tahe Deuxu juhúu riwinyre iriòre wese.

4

¹ Bero Jordaõ-ribi Deuxu Tytybytyhy heka Jesuisi diòòsedýñnyde Tai heka tule bederò-ò rexiykynyra. ² Tahe Satanasi Jesuisi riurihire, 40 txu-di wahe. Aõ heka rirýsýõhyre Jesuisi kia itxumy txu rýireu wahe. Idi tahe sõwemy rama risare. ³ Satanasi tamy rarybere: –Kai Deuxu Riòretyhy tate-wana heka, mana bitxienykre hinamy. ⁴ Tai Jesuisi dirawyõnyde: –Deuxu Rybe tule kiamy rarybere.

–Hãbu hewa byre sohojiribile aõkò irumy rýimnyhýre.

⁵ Tai Satanasi heka Jesuisi ridyde heto ratyti tyre. Ibutumy hãwãhãký riteòsinyre bede bede rýirá. ⁶ Tahe Jesuisi-ò rarybere: –Kai biwalãhãnanykeki, ibutumy aõna aõna adee ariwahinykre, ibutumy hãwãhãký dinodumy tule wahe. ⁷ Wahõrò heka rare. Inyò-ò aõtxile ariwahinykre. ⁸ Idi tahe Jesuisi

dirawỳnyde: —Deuxu-ò sohojile walàhàna biwahinykre. Kiamy Deuxu Rybe rarybere. ⁹ Idi Satanasi Jesuisi ridyre Jerusalē hāwā-ò. Biu-txi tahe rỳire, Deuxu dohodỳyna heto tyre-ki wahe. Tii narybede, kai Deuxu Riòre tyhy tate wana heka bexiwatxixinyke inihe karibi hetoratyti-ribi. ¹⁰ Yju riki arayrubunykre wa. Deuxu taỳjuò bede riywinyre aramykemy. ¹¹ Tule kia rarybemyhỳre Deuxu Rybe.

Awa riki manaò riwotòmomyòtyhy.

¹² Tahe Jesuisi dirawỳnyde: —Tule Deuxu Rybe rarybere: —Inyò heka Deuxu uri urihixiòtyhy. ¹³ Rexihure tahe Jesuisi urihixina. Tahe Satanasi heka Jesuisi ririre. ¹⁴ Idi tahe Jesuisi ròsere Kalileia bede-ò. Deuxu Tyytybytyhy rurur tahe tii-wana ratximyhỳre. Ibutumy heka kia hāwā-ki ibededỳynana rierymy hỳreny. ¹⁵ Jesuisi heka dohodỳyna heto-ki ròbedeerydỳymyhỳre. Ibutumy tuu rarybere. Tuu relàlmy rarybemy rỳimyhỳ. ¹⁶ Iribi tahe Jesuisi ròsere tai raumynyréò, Nazare hāwā-ò. Sabado txuu tahe dohodỳyna heto-ò reamy raremy iwesehyyle. Tii tahe lamamy rỳire tyyriti-di rariakremy. ¹⁷ Tahe tamy Isaia tyyriti riwahinyreò. Tahe Jesuisi riijemyhỳre rybeò idi rariakemy. Tai idi rariare:

¹⁸ —Wanyrỳ Tyytybytyhy waki ratxireri. Rybe Tỳmyra wihikỳ inyko arotohodỳykremy. Iny aòkò mahādu-ò rybe wihikỳ ararybekemy riwatere. Tule iny ròtena-ki rỳira mahādu, jiarỳ ariòlòdỳynkemy. Kiamy heka tamyreny ararybekre. Tule ruetỳmyra ariwahinykre ruetā mahādu-ò. Iny idi rarỳynymyhỳre mahādu-ribi, aritakre idi risinymyhỳreki. (Aòna aònamy risỳnyrenymyhỳreki wahe.)

¹⁹ Tibedeubo Inynyrỳreny taijoi ritakremy ararybekre. ²⁰ Idi tasỳ ixyby riwerasenyre. Tahe riwahinyre ixyby kia hābu riyrubunymyhỳre. Tii ronyre. Ibutumy kia dohodỳyna mahādu idi retehemy rỳimyhỳre. ²¹ Tahe Jesuisi ritelenymy rarybera: —Wiji idi rariarā heka aòbo tamy ibededỳynanamy roire. Kia aòbo ritidỳyna-ki roireri ihetxiu. Kaimy tahe wiji rarybereri, jiarỳ heka tii rare. Tii adeereny tyyriti rariarā wahe. ²² Tai tahe bede riòtiinyreny. Kia tahe aòmybo raryberakí. Tahe widee raryberenyre. Kaa heka jyye riòrele ratxireri. ²³ Tahe Jesuisi ixityre tamyreny rarybere: —Aòu kaiboho wamy tarybetenyteri rybeòmy, myỳ manarybeke: Kai bexideytenyke, hàri, òhotibedu. Kiamy aòbohe wadee manarybebenykemy atxitenyteri:

Iwese Kafanaò bede-ki tewinyte wese ariwinyrenykemy wadi atxitenyteri, ahāwā-ki.

²⁴ Adeereny inihe tuu ararybekre. Rybe tỳnydỳydu heka òmo rityhynyòtyhy ihāwāreny-ki. ²⁵⁻²⁶ Tahe iwitxiramy ararybekre. Ibedeu kia raremyhỳu, sòwemy heka rama reamy raremyhỳ judeu sỳ mahādu. Sòwemy wytese mahādu heka ramamy rurumyhỳre. Biu heka roaòhykyre tai inataò beòra weeremyhỳ wahe Sareta hāwā heka Sidò bede-ki tii rasỳnymyhỳre. Tahe Deuxu bede riywinyre Eliasi rakemy iny sohoji wytese-ò, rỳsỳna riwahinykelemy wahe. ²⁷ Eliseu bedeu heka sòwemy tyybinadu rỳimyhỳ. Sohoji inyle riteytenyre. Naamy heka inire. Tii heka Siria bede luduò rare. ²⁸ Kia dohodỳyna mahādu heka ibutumy iu tamy rakyarananyre. ²⁹ Rimyrenyre heka Jesuisi. Idi retỳhireny hāwālò ratya-ò ridyrenyre. Idi rehurenymy riwisỳnyrenyre. ³⁰ Tahe Jesuisi inysòwehekỳ-txi ralore. Idi rahenyre. ³¹ Iribi tahe Jesuisi rare Kafanaò-ò, Kalileia bede-ò. Sabado txuò txuòlemy heka Jesuisi iny ribedeerynymyhỳre. ³² Sòwemy heka iny ribedeerynymyhỳre mahādu tamy awimy rỳira, irybe dori awireki

wahe. ³³ Hãbuõ raremyhỹ dohodỹna hetowo-ki tytybybinahakỹ-di tahe taumywo-ki ratximyhỹ. Tai tahe tii ryryre: ³⁴ —Jesuisi, Nazareludu, aõhebohe ijoi bisỹnykre my atxiteri? Biwahubenykre aõbo? Jiarỹ heka araeryre mobo taté. Kai heka Deuxu deõdu atxiteri. ³⁵ Tai tahe Jesuisi tamy rarybere tytybybina iumywo-ki riyykemy. Iribi riõlõdỹnyre. Tahe idi rehure iutye-õ idi iribi rõhõnyre. Hãbu aõhe risỹnyõhyre. ³⁶ Ibutumy heka iny ribedeõtĩdỹnyre. Iny sohoji sohoji widee rarybere: —Aõrybemy aõwe tii rarybereri? Timybo iny-ribi tytybybina riteõnyke. ³⁷ Ibutumy timybo Jesuisi riwinyre, iyynamy reare. ³⁸ Tahe Jesuisi rõhõnyre Simaõ heto-õ idi rare. Simaõ riõrelahi webinadumy roire rubuna-di. Tai Jesuisi-ko tuu relyyreny. ³⁹ Tai Jesuisi ibireweribi-õ rare. Tahe irubuna iribi riõlõdỹnyre. Tahe tii ritamadỹnyre. Rỹsỹnaõ tamy riwahinyre. ⁴⁰ Ibutumy iny tawebinadu mahãdu didydenyde. Ibutumy Jesuisi riteytenyre tibõ iratityre rilidimyhỹre. Sõwemy iny tytybybina-di rỹireri mahãdu riõlõdỹnyre. ⁴¹ Iu tahe ryrymy reamy rỹimyhỹ: —Kai Deuxu Riõretyhy tate. Tii Jesuisi rierymyhỹ tii Deuxu deõdu raremy, tytybybina wahe. Tai Jesuisi tamy rarybere rybeõkemy. ⁴² Txu ijjiramy Jesuisi rare bedero-txi ixisohojile. Iny sõwemy riijemyhỹ. Itxi rearenyre, iatysy deramy rekoamyhỹreny. ⁴³ Tai Jesuisi rarybere tamyreny: —Jiarỹ heka Rybewihikỹ Tỹmyra arelyyke iwitxira hãwã Deuxu Òlõna Tỹmyramy arelyyke. Tuu Deuxu diwateõnyde. ⁴⁴ Jesuisi ibutumy Judeia mahãdu bede bedemy dohodỹna rỹiraki rothodỹmyhỹre.

5

¹ Jesuisi tahe aho ijã-ki rỹire Kenesare aho ijã-ki. Iny heka sõwemy Deuxu rybe-õ roholakemy iu rỹimyhỹ. ² Tii robire hãwõõ inatximy roinyimyhỹre. Waxidumy mahãdu heka rirahure riã-di risuhõreri. ³ Idi tahe rimyre hãwõõ. Simaõ hãwõ heka rare. Tii tahe ixi-di ritaranyre beroro-õ. Tai tahe tii rexidelenymy relyyre. Kia iny rỹimyhỹ mahãdu heka ribedeerynymy relyymyhỹre. ⁴ Rexihure rybe-ribi. Idi tahe Simaõ-õ rarybere: —Make wa bera-txi. Riã bitidike. Bimykemy utura. ⁵ Tahe Simaõ rirawyõnyre: —Wanyrỹ, ruu wa wadireny aõkõhykylemy bedewadireny rareri, uturamy ho aõkõ. Tarybete urenana anakre. Aritidikre heka riã. ⁶ Tahe ritidireu tahe, riã utura sõwemy rimyre, kia rautxienyre. Tule riykamyhỹ riã. ⁷ Talawõ biõwa mahãdu-õ ryryre: —Bõdõibedenyke bidiwawiõhenanybenykemy. Inatxi hãwõ heka rỹxire. Ritỹxinyre utura-di. Ihyy berahatxi-õ ijjiramy riwisỹnymyhỹ ilawõreny. ⁸ Simaõ tuu robire. Tii Jesuisi ratximyhỹre tahe tatiowomy resere Jesusiko-txi. Simaõ Pedro rarybere: —Wanyrỹ, aribi kỹny iõhõmy arỹiõtyhy. Jiarỹ heka waõrarudimy rare. ⁹ Simaõboho bede riõtĩnyy rabadewore aõma utura sõwemy tamyreny riwahinyraki wahe. Tii tuu iximy rarybere. ¹⁰ Ibutumy tiiboho mahãdu ribedeõtĩdỹnyrenyre Zebedeu riõre kia Txiau, Joaõ-wana. Jesuisi rarybere Simaõ-õ: —Brebuõmyke heka ikonana-õ heka utura bimyõkre. Wadee dori maaõmysỹdỹnykre hãbu wadee bimykemy. Tamyreny biwatỹnynykre. Iwese utura temymyhỹte wese, wadee hãbu wiji bimykre waerydỹna mahãdumy rarekemy. ¹¹ Tahe waxidumy mahãdu ibutumy kaa taxawi тариã iu ririra Jesuisi riõludunykemy.

¹² Rõirenyre rirõnyrenyre ibutumy hãwã-õ. Idi tahe hãbuõ rare ityyjyhykyle. Hãbu Jesuisi robireu tahe resere iko-txi, rexitõnyre: —Wanyrỹ, adeewikeki biwateytenyke. ¹³ Jesuisi tamy tebõ ritetemy rarybere: —Kohe, arateytenyke. Tii reytemy reare. ¹⁴ Tai Jesuisi rarybere tamy: —Inyõ-õ tahe

ijyyōmykre. Xiwena wahidŷŷdu mahādu-ò make. Tai maxiwekre tuu Moisesi bedede riywinyre myna. Xiwenaō heka biwinymy biwahinykre. Moisesi rarybere wese wahe. Iny mahādu-ò heka biteōsinykre. Kia riteōsinykre teytetamy. ¹⁵ Tahe ihārele Jesuisi ibutumy rieryre. Sōwemy iny heka wirotyre raholakremy. Ijō nade aōma iwebinaduna ibina-ribi riteyteuykemy. ¹⁶ Tahe Jesuisi iribireny aōma rexitōenykremy rexitare.

¹⁷ Ijō txuu rōbedeerydŷŷmyhŷy, fariseu mahādu, bedede ywina rybe bedede erydŷŷduō-wana ronmyhŷyreny. Ibutu hāwā hāwā-ribi dotydenyde wese tahe sōwerenyre, Kalileia bedede-ribi Judeia bedede-ribi, Jerusalē hāwā-ribi. Deuxu deytēna Jesuisi-ki ratximyhŷy. Jesuisi hāwālō-ribi dobehede tii-wana, taerydŷŷna mahādu-wana wahe. Tahe sōwemy iny iube-ki ributunymy ronmyhŷyreny. ¹⁸ Iny mahāduō heka hābu iumymy manadu kididydenykemy ratxireri Jesuisi-ko-ò ritidirenykemy. Idi tahe hābu webinadu wahe Jesuisi-ò rakemy bedede riywinyre. Inatyhyle riathyhnyre. ¹⁹ Inysōwereki tahe tamy rehemynyrenyōtyhy. Tai tahe hetoratyti-ò raōwōnyre hābu webinadu-di. Iribi tahe diberesedŷŷnyde reroti-di. ²⁰ Jesuisi robire, rieryre aōma rityhynymy ratxirenyreri. Hābu-ò Jesuisi rarybere: —Wy, aōraru heka raixāwidŷŷnyra. ²¹ Tahe fariseu mahādu he widee raryberenyre: —Mobo kia hābu ratxireri, timyhe tu kia irybeōna rybe-di. Deuxu-ò kia rybe ibinatyhy rare. Deuxu sohojile òraru-ribi iny riixāwididŷŷnymyhŷyreny. ²² Tahe Jesuisi rierymyhŷy timybo rexinohtinymyhyreny. Tai rarybere: —Aōherekibo kia wese my texiraykynytenyeri. ²³ Tibohe irutaōre webinadu-ò rybe: —Aōraruna reixāwididŷŷnyra ada myimy mariake aōbo. ²⁴ Deuxu Riōre Hābutyhyhykŷy jiarŷy rare. Tai waruruna wadee Deuxu Riōre òraruna ixāwididŷŷnyra. Katahe bierybenykre inatyhymy aōbo rarybereri: —Myike, abyre biwymy asŷ-ò ta mahe. ²⁵ Hābu tabyre rimymy tahe aōwesele tasŷ-ò rare. Deuxu riwowodynymy rare. ²⁶ Sōwemy iny ribedeōtiidŷŷnyreny. Riwowodynymy rŷimyhŷy. Tiiboho raryberenyre: —Aōwitxiramy wiji inyboho robirenyra. Tiu juhūu tukōre-ribi wahe robirenyra.

²⁷ Iribi tahe nieru bedede dinodu nieru mynydumy robire, Levi heka inire. Tii heka raaōmŷŷdŷŷnymyhŷy titxibo nieru tarasana-ki. Jesuisi tamy rarybere: —Manakehe wawana. ²⁸ Tahe taaōna ibutumy ririre, idi ihemy rare.

²⁹ Levi tahe taheto-ki roxinaō riōlōdŷŷnyre Jesuisi dee. Tamy rehemynyre nieru arisidu mahādu, tule fariseu mahādu. Ibutumy iny iarixina mahādu. ³⁰ Kia fariseu mahādu kia bederydŷŷdumy mahādu tyyritirybedŷŷdu mahādu kie heka aōbina binahylemy rarybereri Jesuisimy. Jesuisi terydŷŷna mahādu-wana kiamy rarybereny: —Aōherekibo kaiboho teroxitenyeri, nieru arixidu-wana, iōrarudu sōwe mahādu-wana. ³¹ Jesuisi rirawyōnyre: —Iny awidymy ratxireri-wana, òhotibedumy reaōmyhŷyreny. Webinadu mahādule ta tuu reamyhŷyreny. ³² Òbiti mahādu-ò aōkō heka jiarŷy anade rybemy. Tiibohole heka ixi-txi tōhōti reakemy idi watxireri.

³³ Tahe tiiboho Jesuisi-ò rarybere: —Joaō heludu mahādu roxiōmy txumy rŷyre. Tule tiiboho rexitōenyrenyreny. Sōwemy rexitōenymyhyre fariseu mahādu erydŷŷna tule. Tahe aijoi tahe riroximyhŷyrenyreny riōmyhŷyrenyreny. ³⁴⁻³⁵ Tahe Jesuisi tamy rarybere: —Hāwyymy heridu tŷmyra ijoi ratxikeki heka tiu itobidŷŷna mahādu wahe. Kia heka ririximyhŷyreny. Kia tahe tŷmyra iribireny ratakreu, iijoi mahādu renarehekre. ³⁶ Tyky tŷmyraō tiu tyktyby dōbōnamy iny ritidiōtyhy. Timyki dori wii wiōbydŷŷōna. ³⁷ Vii tŷmyra heka tiu aōirōdu tyky watxiwe yla tyby-ò rarareōmyhŷyreny, tukeki ta kia raykakre idi

vĩĩ urile rejujukre. ³⁸ Vĩĩ tĩmyra heka hyna tĩmyra-ò rararemyhĩke. ³⁹ Inyò vĩĩ tybyhykĩ riòkeki, itĩmyra rexitòenyòtyhy. Kiamyki rybe. Vĩĩ tyby dori itĩmyra-ribi awi rare.

6

¹ Judeu elehydĩĩnymyhyĩreny txu kia idi rekoarenyre maixòmo-mo-di. Iery-dĩĩna mahādu rimyra maixòmo, maixòmo, debò-di riroxitytxiwimyhĩ riymy idi rare. ² Fariseu mahādu tuu robire. Tamy rĩyĩraxire: —Aòherekibo kia wese tewinyteri. Kiamy heka iwidĩĩyòmyke bede ywina rybe rarybemyhĩre judeu elehydĩĩnymyhyĩrenytxumy. ³⁻⁴ Jesuisi tamyreny rarybere: —Ihetxiu Davi tamahādu-wany rama risareu, Deuxu dohodĩĩna hetowo-ò rirònyre. Tai Davi xiwena rĩsĩnale tajoi-wana rirĩsĩre. Xiwena wahidĩĩdule heka irĩsĩdule, inywitzira ta aòkò. ⁵ Jesuisi ritĩnyreny tamy: —Hābutyhyhykĩ jiarĩ rare, Deuxu Riòre wahe. Kiata sabado wedu jiarĩ rare, elehydĩĩnymyhyĩrenytxu wedu wahe.

⁶ Ixityre ralore dohodĩĩna mahādu heto-ò ròbedeerydĩĩkemy. Hābuò tai rare tebò rabinamy. ⁷ Tahe fariseu mahādu Jesuisi-ò retehere. Riteyteynkemy kia hābu webinadu judeu elehydĩĩnymyhyĩrenytxu. Rexi-wodohonanyre. Kiatsu tii riwinyrekeki tahe ribinanyke judeu elehydĩĩnymyhyĩrenytxu, riwinykeki wahe. ⁸ Jesuisi rierymyhĩre aòmybo tiiboho raraykynyrenyteri. Jesuisi tamy rryre, —Aòma hābu debòbina-ò: —Mynyike ini, ityaren-txi. ⁹ Tahe fariseu mahādu-ò Jesuisi rarybere: —Arĩyĩraxikre inihe adeereny, awire adee ka hābu debò ariteytenyke sabado txuu. Aòbo adeereny awire sabadotxu widĩĩ. Aòwihikĩwidĩĩmy aòbo ada aòbina widĩĩmy. Rubu-ò wahidĩĩ aòbo ada rubu-ribi itarasa aòbo. ¹⁰ Retehere! Ibutu-ò idi hābu-ò rarybere: —Ebò inihe biditeòsinyke. Tiu hābu tebò riteòsinyreu tahe, reytete. ¹¹ Reburerenyre heka. Timybo Jesuisi risĩnyrenykeny rexinohòtinyrenyre.

¹² Idi tahe Jesuisi heka hāwālòraty-ò rare ixitòedĩĩmy Deuxu-ò. Rureherehemy heka tamy rexitòenymy bede idi rĩre. ¹³ Txuijaramy tahe ludu mahādu-ribi waòinatxi reurò taheludutyhy mahādu ritare. Tarybemy rybedumy rininirenyre. ¹⁴ Sohoji ijò heka, Simaò inire, Pedromy idi ranire, ijò tahe Andre rare, iseriòre. Idi Txiau, Joaò, Filipi, Bartolomeu. ¹⁵ Mateu, Tome, Tadeu Txiau, (Kia Txiau heka Afeu riòre rare.) Ijò Simaò Kana bedeluduò rare, tasubedeluudure. ¹⁶ Juda Txiau riòre, ijò Juda Isariò tahe Jesuisi tyhedĩĩdu rare. ¹⁷⁻¹⁸ Jesuisi dobehede bedero-ò hāwālò-ribi. Tahe sòwemy iny iheludu mahādu tii-wana rĩmyhĩ. Judeia bede mahādu Jerusalē hāwā mahādu. Tule Kalileia bede, Tiro hāwā, Sidò hāwā mahādu. Tiiboho wii ributunymy hāwā mahādu Jesuisi-ò roholakemy idi reytetekemy. Kia tai ròteytedĩĩmyhĩ. ¹⁹ Ibutumy Jesuisi tyky-ò tamy adereximy risĩnymyhyĩre adeytena iribi ròhònymyhyĩ.

²⁰ Tamyreny retehere tai ibutumy riernanyrenyre: —Kaiboho aòkòrenyre-ki, beysebenyke. Deuxu Òlòna dori ahòròreny rare. ²¹ Rama arasareri-wana beysabenyke. Bihydumy dori mabekre. Tule tahinyteri wana beysakre ihewo-ribi. ²²⁻²³ Beysamy butxuenyke, inyò umy radònykeki tule. Kaiboho dori Deuxu Riòre tetyhynyteny jiarĩ tiire, Hābutyhyhykĩ Riòre wahe. Kia mahādu eramy ijira Riòre rĩikeki beysake. Beysa tyhyki tai. Biu-ki dori aòwihikĩ bitakre. Deuxu rybemy rybedu mahādu tule rotĩnyrenyre iòraru-ki. ²⁴ Kobe làhàxe kaiboho ityhy mahādu abedesanareny

dorihe rexihura. ²⁵ Kobe làhàxe ahàdyreny mahādu, aramasanarenny dori rehemynnyre. Kobe làhàxe abedesarenny, ahinanarenny dori abrunarenny rehemynnyre. ²⁶ Kobe làhàxe atyhydđy sōwerenny tule dori. Ilabiereny rybemy rybedutyhy aōkō rityhynnyrennyre.

²⁷ Warybe-ò taholatenyteriki inihe ararybekre. Aòludu luummy atxibenyke amykyaradurenny-di, awimny idi mabeke. ²⁸ Ibinamy aōma umy rarybekeki aōbinahakỹ riwinykeki, tamy bexitòenykre Deuxu-ò. ²⁹ Aòsỹny-ribi anahatenykeki iyre-ribi iwydđy tamy bexirahòreke. Inyò atyky riwykeki tule tamy arahana biwahinyke. ³⁰ Iwese aòtxiu aōna inyò adee rexitòenykeki, tamy biwahinyke ixyby iribi iwydykòkemy. ³¹ Aōbina inyò adee riwinykòkemy atximahāte. Iwese tiu kia aōhòkỹmy inyò isđyđyōmykre. ³² Kai aluu mahādu sohojile iluūōmyke; òrarudu mahādu dori tuu rỹimyhỹre. ³³ Kai aery mahāduòle tawotòemahāte, timyki Deuxu-ribi aō atarasaōna. Iny itxỹte iehēhe mahādu dori widee rawotòemyhỹre. ³⁴⁻³⁵ Òrarudu mahādu heka widee riwuòemyhỹre. Iribi tahe iwesele ixyby kidiwykemy idi riwisyñnymyhỹ. Kai ta buhuòtemyhỹke idi tehuòtete ixyby iraròsòkòmyke. Tukòkeki ta Deuxu-ribi aō atarasaōna. Aòludu luummy atximahābenyke. Tai Deuxu-ribi aōwiwihikỹ bitakre. Tai Deuxu wihikỹ riòremy mabekre. Tii dori inywi-ò inybina-ò awire. ³⁶ Awimny kaiboho boibeke, iwese boreny awimny biu-ki ratximyhỹre wese. ³⁷ Inyòdee kyarakòmyke tai Deuxu adee rakyarananyheny. Inyò taòaruna biixāwididỹnyòkeki, Deuxu tahe aòaruna riixāwididỹnyòkre. ³⁸ Ainytyhyke inyòdee imyna Deuxu adee rainytyhynanyhykre. Deuxu ibutumy aōwi adee riwahinykre. Tiwesebo tòwahite wesemyna idi Deuxu adee ròwahikre.

³⁹ Aōmybo ribedeerynyre ijyōmy relyyre: –Inyò ruetā heka riwiòhenanyòtyhy iwitxira iny ruetā. Tukeki heka hāloo-txi wiwana resekre. ⁴⁰ Ierysđyđy iòrysydỹdu, kia ratyre aōkō ratximyhỹ. Kia uladu ratyrytynyre nihikỹmy tahe erysydu tiu taerysydỹdu ratyre ratxiōmyhỹre. ⁴¹⁻⁴² Òwòrukre nihikỹ aruety-ki roire. Aòherekibo aseriòre ruety-ribi òwòru rỹnysiò tarasamy tewisỹnyteri. Kia heka itxenadỹdu tate. Juhuu òwòrukre aruewo-ribi bitakre. Idi tahe betehemy iruewo-ribi aòsòmo bitakre. ⁴³⁻⁴⁴ Òwòru wihikỹ tiu bederaty binaō riwahinyòhyymyhỹre. Tule òwòru binahakỹ bederatywimny raratynyōmyhỹre. Òwòru raerymyhỹre iraty-ò itxere rỹimyhỹreu, beraty-ò retehemy awire ada ibinare aōbo beraty-ò retehemy awire ada ibinare aōbo. Figoraty uvaraty tiu iwitxira òwòru-ribi raheōmyhỹre. ⁴⁵ Hābuwi heka aōwimny rotỹñnymyhỹre iwo-ki tuu rỹimyhỹremyna. Tule hābu bina aōbinamy rotỹñnymyhỹ iwomny tuu rỹimyhỹremyna aōbina bina. Inyò dori aōmy raraykymyhỹremyna rarybemyhỹre.

⁴⁶ Kai rarybere boholaòkeki aōbo biwinykeki. Uritere wanidỹđyōmy. Wanyrỹmy tiwaninimyhỹtenyete tahe warybemynamy atxòhyylemyhỹtenyete. ⁴⁷ Tiwese hābu warybe riwinyre wese adee ararybekre. Tiu heka ariteòsinykre. ⁴⁸⁻⁴⁹ Hābuōmy akoreny arelyykre. Tii warybe-ò roholare idi imynany rotỹñnyre. Tii kiata taheto riwinyre manadelemny ria-di. Beòra iheto reseòhyre manatyte-ki relereki wahe. Ikòmyta warybe-ò roholakore, kawese rotỹñnyre. Taheto uritere sukile riwinyre. Beòrau ta, urile resere. Ikyhynakòreki wahe. Kiamyta rotỹñnyre warybe tyhydỹdu-ò idi ityhy-đydukò-ò.

7

¹ Jesuisi tarybe rahu-di tahe Kafanaō hāwā-ò rare.

² Tai Roma soldado dinoduō tai ihŷmyhŷ. Teōduō tahe binamy irubu iōhōmy roimyhŷ. ³ Soldado dinodu Jesuisini-ò roholareu tahe, iōrysmy rarybere. Taita judeu mahādu kia matuariō rexitōenyre aōma kididykremy riteytenykremy kia webinadumy roireri. ⁴ Tahe Jesuisi nade juhu be kiamy Jesuisi rarybere: —Ka hābu heka awi biwiōhenanykre heka. ⁵ Ka hābu heka waijoi luu nihikŷ rare ihyymy ta dohodŷŷna hetoō riwinyre waijoi-ò. ⁶⁻⁷ Tai tahe Jesuisi rare tiiboho-wana. Tehemyny sŷ iōhōmy rare. Idi tahe ryrowetyakile Jesuisi-wana wii riōbynyre. Aōma soldado dinodu kia biōwa-ò wahe. Rarybere he aōma soldado dinodu kiamy rarybereri: —Noōmy heka. Ihārele teka awimy rareōle heka bedehē mynyke. Awi tate timy heka anaixiranyōtyhy dori raixŷruwŷhŷre alau adee ixitōedŷŷ-ò aōma dori adee rybe rŷikekile aōweseleke wadeōdu kia reytemy reake. ⁸ Jiarŷ dori inydee radŷŷdu jiarŷ rare. Aōbo riwinykemy. Kia riwinyre warybemynale kia heka jiarŷ rare. Wadeōdu-ò rarybewāhāraki heka: —Kia biwinybenyke. Riwinymhŷreny. Kai tule marybeke, beyteke. Tahe aōwese reytemy reake. Robedeōtiidŷŷnyre, kia tuu rarybereki wahe. ⁹ Jesuisi rōkesereri kia rarybemhŷō wahe: —Jiarŷ ka tiu judeu mahādūy-ki. Hābuōmy rabiō watyhydŷŷnamy. Rabireri riwatyhyreri rabireri. ¹⁰ Soldado dinodu deōdu rōkesereri. Ixyby reytereri idi ronyre.

¹¹ Jesuisi rare terydŷŷna mahādu-di ijō hāwā-ò. Naī hāwā-ò heka rare. Kiemy rahyymy heka rahyyre. Sōwemy iny iheki rare. ¹² Hāwā ijō-ki rehemynyreu tahe kia ibutumyle rehemynyre. Sōwemy iny rubudu rareō wabede-ò. Weryrybō rurure. Ise, wytese, heka iriōre sohojihyylere. Iny sōwemy heka riheludunyre tahi-di taibru-di. ¹³ Tai Jesuisi tuu robireu, idi rexiwōtenymy kamy rarybere: —Ibrukōmyke! ¹⁴ Jesuisi debō ritidire caixaō-ò. Iu idi itxyydu ruhurenyre. Idi tahe rarybere: —Weryrybō, bexixake wahe. ¹⁵ Weryrybō rexixamy reamy ronyre. Idi rarybere. Tai tahe Jesuisi ise-ò riwahinyre. ¹⁶ Ibutumy tasŷ mahādu ribedeōtiidŷŷdunyre. Tai tahe Deuxu riwowydynymhŷreny: —Ebe, aōherewe, Rybedu nihikŷ kŷnyhe witxijumy inydeyreny rehemynyre. ¹⁷ Kia taheka bedē bedē hāwāmy Jesuisini reare.

¹⁸ Joaō heludu mahādu ibutumy tuu relyyre iko. ¹⁹ Inatxinareny Joaō riteōnyre Jesuisi dŷŷraximy kamy wahe: —Kaiwe nodu aōbo tate, ada txiō aōbo ini nodutyhy ariraōrenykre? ²⁰ Idi Jesuisi-ò rōirenyre tuu itŷŷraxidŷŷmy; —Kai we nodutyhy tate? Ta txiō aōbo ini ijō ariraōrenykre? ²¹ (Iu ta Jesuisi yla aōkō webinadu, binanamy binana mahādu riteytenyra, tytybybinamy ykydu mahādu, iruetā mahādu sōwemy tule.) ²² Irahu-di ta Jesuisi rarybere Joaō ijoj-ò: —Bōōsebenyke. Ibutumy kamy tabitenyta taholatenyta Joaōko-ò tuu belyybenyke: —Iny ruetā bina mahādu retehererimy, Iny rutiare mahādu rariarerimy, tybybinamy binana mahādu reytererimy, iny nohōtity mahādu roholarerimy. Iny rubu mahādu heka rubu-ribi rexixarerimy, urimynodu mahādu heka Rybewihikŷ Tŷmyra-ò roholarerimy. ²³ Iny bedesa heka rare, warybe tyhydŷŷdu mahādu.

²⁴ Joaō heludu mahādu iribi rōhōnyre tahe Jesuisi rarybere Joaō bededŷŷnanamy: —Aōmybo wahe Joaō-di tōhōtinytenyte aōmy tubedi nohōtinytenyte tamy itxerena bederahy tōitenyteki wahe. Otxirade wese yhy-ki idi tahōtinytenyte. ²⁵ Aōma hābu urimynodutyhy aōbo tahōtinytenyteri. Hābu tywihikŷdiremy tahe tahōtinytenyte. Iwese iōlō taheto wihikŷ-ki

ratximyhÿre wesemy aõbo tahõtinytenyteri. ²⁶ Wadee manarybeke aõbo betehekemy tahõtinytenyteri. Deuxu rybeduõmy aõbo tahõtinytenyte. Inatyhy tii rare. Kia ratyre heka tii rare. ²⁷ Aõma dori tyyrityi-ki rarybemyhÿre:

—Tii heka wakoki kadehemynykemy ratximyhÿre, tamy relyykemy, ryõ riywinymyhÿre.

²⁸ Inatyhy kaa rare. Tie heka ibutu hãbu ratyre ratximyhÿre. Ihãrele tahe inyõ Deuxu Iòlõna-ki ratxikeki heka iratyre ratximyhÿre. ²⁹ Tahe nieru butudÿÿdu mahãdu kia-õ roholare. Tule sõwemy iny kia-õ roholare. Tiiboho Deuxu bede ywina tyhydÿÿdu mahãdu roire. Tule Joaõ Sebedÿÿna mahãdu roire. ³⁰ Fariseu mahãdu tahe, bede ywina erydÿÿdu mahãdu tahe Deux-udeewina dera rare. Tai Joaõ-õ ratisebemy roiõtÿhy. ³¹ —Mowesebo heka wijinabõdu mahãdu wesemy ratxireri. ³² Uladu mahãdu wesemy tiiboho ratxireri. Tiiboho ijõ uladu mahãdu-õ rryrmyhÿre: —Inyboho rawiunyre, tahe kaiboho teseõtÿhy. Wobina wiu rawiunyre tahe kaiboho tahinyõtÿhy. ³³ Joaõ Sebedÿÿdu renareherenyõmy rÿire, vÿi riõõre. Ihãre tahe kaiboho tarybete: —Tii tyytybybina-di ihÿre. ³⁴ Hãbutyhyhykÿ jiarÿ rare, Deuxu Riõre wahe. Jiarÿ roroximyhÿre tule reõmyhÿre. Tai tahe tarybemahãte jiarÿ wabyre nihikÿlemy wamomohõkÿremy. Jiarÿ riki òarudu liinatyhy heka jiarÿ rare, nieru tarasadu liina wahe. ³⁵ Ihãre tahe aõikõkõlemy heka taraykynmyhÿtenyte ihãre taheka õbitilemy ixi-di tahõtinyamahãtenyte.

³⁶ Fariseu mahãduõ heka Jesuisi ritobinyre taheto-õ roximy. Jesuisi tahe rare idi ronyre roximy. ³⁷ Kia hãwã-ki tahe hãwyyõ rasÿnyre, wydena wahe. Tii heka Fariseu heto-ki riroxirerimny roholare, tii tule rare. Tahe hyna õwyhykÿ rimyre. Alabastro aderõnahynani rare. ³⁸ Hãwyy tahe Jesuisi hewomy ronyre, iòhõmy. Tahe aderõna ritxiwire iwatyre. Tule iwa-ki ruworuwõmy ratximyhÿ irube-di iwa risuhõra idi irade-di rabunyre. ³⁹ Fariseu kiamy robireu, ixideele rarybera: —Kia hãbu Deuxu rybeduõ aõkõ rare. Tuukeki tii hãwyy rieryke aõhãwyybo tii ratxireri. ⁴⁰ Jesuisi tahe fariseu-õ rarybere: —Simaõ, adee ararybekemy watxireri. Simaõ tahe rarybere: —Manarybeke Waerydÿÿdu! ⁴¹ Tahe Jesuisi rarybere: —Nieru huõteduõ heka inatxi hãbu-õ nieru riwahinyre. Ijõ 500 rihuõtera, ijõ tahe 50my rihuõtera. ⁴² Idi tahe hãbu inatxi nieruõhyymy rÿire òõsemy tanieru tamy. Tai tahe nieru huõtedu riwotõenyrenyre tahe ritusanyre, wiwana iõwy riixãwididÿÿnyre. Tibo huõtedu ilãhãnadÿÿdu tyhyre. ⁴³ Simaõ dirawyõnyde: —Kia õsana 500my rihuõtere. Tahe Jesuisi rarybere: —Inatyhy rare. ⁴⁴ Jesuisi tahe hãwyy, riijemy, tahe Simaõ-õ rarybere: —Kahãwyy ini bidiijeke. Jiarÿ nadehemynydeu, tii tarube-di wawa risuhõra. Kai beeõ tadiwyõte. Tii tarube-di riwawasuhõra. Iu tarade-di riwawarabunya. ⁴⁵ Kai tiwawehityhynanyõte rehemynyrau, tii tahe riwaatyõhyymy ratxireri. ⁴⁶ Kai warade-ki òlÿre tetxiwiõta tii tahe aderõna wawatyre-ki ritxiwire. ⁴⁷ Tai tahe adee ararybekre. Tii inatyhymy waluure. Taõraruna ixãwidÿÿna-ki. Inyõ iõraruna ibutemy raixãwidÿÿnymyhÿreki, tii inatyhymy aõkõ taõraruna ixãwidÿÿdu luure. Ijõ tahe inatyhyhykÿlemy taõraruna ixãwididÿÿdumy reamyhÿre. ⁴⁸ Tai Jesuisi hãwyy-õ rarybere: —Aõraruna reixãwididÿÿnyre. ⁴⁹ Tai roxidu mahãdu wídee raryberenyre: —Mohãbubo kia rare? Tii õraruna riixãwididÿÿnyrerimy. ⁵⁰ Tahe Jesuisi hãwyy-õ rarybere: —Atyhydÿÿnamy textitarasadÿÿnyte aõraruna sõwe-ribi biu-õ hena tetateri. Mata hÿny.

8

¹ Rexideleny raremyhỹ ralòralòmy hāwā hāwā ikòkòmy reamy rare kia aōma Deuxu Rybewihikỹ Tỹmyra relymy rare. Tai ierdỹyna mahādu waòinatxi reuròmy idi ròirenyre. ² Tule hāwyyò tiiboho wana ròirenyre Ijòta Marie Madalena heka rare. Juhuu tahe tyytybybinahakỹ-di raremyhỹ. Idi debò inatxi reuròmy tyytybybina iribi riòlòdỹnyre. ³ Ijòta Joana Kusa hāwyy rare. Tii iòlò Herodi heka aōmysỹdỹdu heka rare. Tule ijò hāwyyò Susana inire. Idi tule ihona hona Jesuisi taijoi-wana ibutumy tanierureny-di riwiòhenyrenymyhỹre.

⁴ Idi iny sòwemy titxiribibo dirahude kia-ò. Kia mahādu-ò heka Jesuisi ribedeerynyre ijyyòmy. ⁵ Alòbòròna-di dehuu heka ròhònyre taoworu-ò. Alòbòròna-di imahādu ijò ryro-txi resere. Tai heka iny rariamyhỹre alòbòròna tyre-ki. Nawii tule tuu riroximyhỹ. ⁶ Mana rotysu-txi ijò rejuxunyreri mana rotysu-txi suu dori ibututere tai tahe iraruxiòlemy raumynyre. ⁷ Ijò tahe edey-txi resere. Raumynyreu tahe edemy riòhỹtỹnyre. ⁸ Ijò resere suwi-txi. Tai ta raumynyre idi sohoji alòbòrònaty-ribi 100my raratynyre. Jesuisi tamy rarybere: —Kaiboho òhòtirenidyeki heka inatyhymy warybe-ò bohola benyke.

⁹ Tai tahe Jesuisi-ò rỹraxyrenyreny: —Aòwe kaa tekewesenanyteri? ¹⁰ Jesuisi rirawònyre: —Kaiboho heka teertyenyte aòbohe wasimy ijyy rare Deuxu dori adereny ritỹnynynyre. Kia tahe rare, Deuxu Iòlòna aòmydỹnana wahe. Ijò iny-ò tahe rarybere ijyy-di relyre.

Tai robikre tahe, rieryòtyhyke. Roholarenkyre tahe rieryòtyhyke, timybo juhuu Deuxu rybemy rybedu mahādu rarybere wese.

¹¹ Aòmybo kia aòijyybo kia rare wahe. Alòbòròna heka Deuxu Rybewihikỹ wese rare. ¹² Ryro-txi resere heka ijohonadu wesemy rare. Deuxu ijyy heka resera ede sòwey-ki. Tii heka Deuxu Rybe-ò roholamyhỹre mahādu wese rare. Idi tahe Satanasi heka ritamyhỹre iworeny-ribi. Tai rityhynyrenyòmy idi biu-ò rahenyòkremy. ¹³ Ijò tahe manasuò-txi resere heka, kia Deuxu Rybe-ò roholamyhỹre mahādu wese rare. Rybe-ò juhuu roholamyhỹre deysana-di rityhynymyhỹre. Kia manatyre resera heka irarutiòhykre. Iny mahādu wese heka rare. Idi ikyhynakòreki, iwodelòlòtòmoreki urile tatyhydỹna riatymyhỹre. ¹⁴ Ijò tahe edesuyky-txi resere heka, kia Deuxu rybe-ò roholamyhỹre, idi iworekena sòwemy, iaòdelòlòtòmomomy, idi ityhyna wahe urile riòhòtỹnymyhỹre. Tai ròwiòhenadỹòhyymyhỹre Deuxu tyhydỹyna-ki. (Kia tahe alòbòrònaò ede yky-txi resera tahe iny umy witxira wesemy heka rare. Iny umy tyhyna idi ratxireri heka kia wesemy kia ede-txi iny reseremy. Aòma kia inytyhyna ratxireri. Tii heka ityhydỹyna riòlòdỹòtyhy. Kia alòbòròna tahe tai heka rokuòtyhy.) ¹⁵ Kia ijò alòbòròna suu witxi-txi reserá tasỹ iwitxira inywesemy rare. Kia ijohonadu aòma rierymyhỹre. Irayky-ò ralòmyhỹre. Kia iwotyhywo-ò òbitimy ratxirerí tahe, òbitilemy aò riwinymyhỹre. Iwese kia alòbòròna sòwemy raty rawahinyre wese tahe tii rare. ¹⁶ Ijò ijyy tahe kiamy roire. Uritere inyò loosònaò rideòmykre butxi rawo-txi ada herina rawoò-txi aòbo. Loosòna bidekre bedewiò-ò. Tai tahe ibutumy bede ritoosònanykre. ¹⁷ Aò heka tai wasimy ratxiòhyymyhỹre. Aòutxumy dori ibutumy erynamy rarekre. ¹⁸ Tahe bexije benykre ijohona-ò. Kia sòwemy idi rỹirerimy ihỹre heka sòwemy rimykre. Kia urihimyo iwo-ki rỹireri heka iribi ritakre. Idi ibutumy rỹireri heka iribi ritakre. Urihimyo iribi iny ritakre. Urihimyo iwo-ki rỹireri heka hulemy iribi ritakre.

¹⁹ Jesusise, tariòreboho tamy doide. Tii ròbedeerydÿÿmyhÿki isirare tamy dehemysÿ iny sòwe òraru-ki. ²⁰ Tai inyò Jesuisi-ò rarybere: —Adihe wa aseriòre boho hewa ahanakile ratxireri umy robikemy ratxirenyreri. Adee rarybekemy. ²¹ Tai Jesuisi rarybere: —Waseriòre wa kia Deuxu rybe erydÿÿnaò rare. Kia tamy roholamynyrele heka rityhynymhÿrele heka nadi wesele rare. Tii-wana iwese waseriòre wesele rare.

²² Iribi tahe hāworo rorukurenyreu Jesuisi rarybere: —Ròkòireny kanawe-ribi ijà-ò. Idi tahe roirenyre. ²³ Jesuisi ròròmy tòru-ki. Idi tahe yhynihikÿ òbònihikÿ-wana tamyreny reare. Ruberurenyre tiiboho rÿmyrenyke lau. ²⁴ Tai tahe wylemy riixixanyreny: —Erydÿÿdu, Erydÿÿdu rekekoarenkyre berahatxi-ò. Idi Jesuisi donomy deademy tahe yhy dee rarybere: —Biyryke, Biyrykewa. Yhy ruhummy resere. Òbò tule ruhummy ibutummy riyryre, iny rurukre. ²⁵ —Kaiboho tiwexe ainatyhynareny? Tiiboho rabedeòtidÿÿmy ruberummy wídee raryberenyre: —Aòhābuwe kaa rare. Yhyhykÿ dori òbò dori irybemy reòbyreri.

²⁶ Kanawe-ribi ijà-ò rehemyreny Kerase bede-ò kalileia aho weribi-ò. ²⁷ Hābuò heka tamyreny dobehede hāwāhākÿ-ribi tamyreny dobehede. Tiiboho riòtyròny hāwāro-ribi iu ta tyytybybina-di ratximyhÿre hābu tiu rexityynyòhyymhÿre tatyy-di hyymhÿre. Kiamy wabedekihyyle ratximyhÿre. ²⁸ Jesusimy robireu tahe bedetxile resere tairy-di rryre: —Aòhebo biwasÿnykre Jesuisi. Kai Deuxutyhy Riòre atxiteri. Uritere aòhòkÿmy wasÿdÿÿòmykre. ²⁹ Tahe Jesuisi heka tyytybybina iribi riòlòdÿÿnyre. Sòwemy dori riuwinyre hābu rimymta. Riuwinyre idi rihure. Tai heka tii uritiere womati reroti-di ritaataamy riijemyhÿre. Ihāre tahe ixi-ribi riòròmyhÿre. Tai bedero-txi reamyhÿre tyytybybinamy rawonymy. ³⁰ Idi tahe Jesuisi rÿÿraxire tamy: —Mobo anire? —Sòwemy wanire. Tyytybybina sòwemy dori tuu rexiykynyreki. ³¹ Tiiboho raryberenyre: —Uritere bedebinahakÿ-ò wateòdÿÿrenyòmykre. Uritere sÿu-ò noòma rarekremy hālootxi-ò. ³² Iu tahe ixÿni juramy riroximyhÿ hāwālò-ki. Tai tyytybybina mahādu Jesuisi-ò rarybere: —Biwateònyòke. Kowa ixÿnijura-ò biwateònybenyke aralorenkyremy. Tai Jesuisi riròtenyreny. ³³ Iu kia hābu-ribi tyytybybina ròhònyrenyreu tahe ixÿniwo-ò ralòreki wahe. Raòlònyra ijò-di rejuxunyre taraò wahe. Ibutummy ahoro-txi rejuxunyre. Ibutummy rururenyre berahatximy. ³⁴ Ixÿni-di itxeredu mahādu ibutummy rajiranyra hāwā-ò tule relyyrenyre tuu iny rasÿnymhÿre mahādu-ò. ³⁵ Tai iny dirahude tamy itxeremy. Idi tahe rare Jesuisi-ò. Hābu robimyhÿreny tatyky-di ronymhÿ ibutummy rexiywinymy Jesuisi-ribi iòhòmy ronyre. Kia iny mahādu heka sòwemy ruberure rabe-deòtidÿÿnymhÿre. ³⁶ Ibutummy relyyre. Kia tyytybybina timybo aòhebo rotÿÿnyremy. ³⁷ Kia Kadara bede ludu kia mahādu tahe rexitòenyre Jesuisi-ò iribi ròhònykremy, ilau ruberurenyreki wahe. Idi tahe Jesuisi ròkòsere ixÿbyle reare hāworo-ò. ³⁸ Hābu tahe rexitòenyre Jesuisi-wana rakremy, kia tyytybybina-di iwo-ki ratximyhÿ wahe. Tamy rarybere: ³⁹ —Aòkòre bòkese aheto-ò. Ibutummy belyyke aòbo adee Deuxu riwinyremy. Tai ta ibutummy hāwā hāwā-ò relyyre aòhebo Jesuisi risÿnyremy.

⁴⁰ Kia iny sòwehekÿ mahādu heka teysa-di rimyre ridyremyhÿre riraòhyymy ratximyhÿreny. ⁴¹ Kia hābu dohodÿÿdu hetowo erydÿÿdu tahe nade Jesuisi-ò. Tii heka dohodÿÿnana dinoduò rare. Ijairu inire Jesuisi-ò sutxi resere: —Mynake wasÿ Jesuisi ⁴² Jiarÿ wa wariòre sohojile rare waòinatxi reuròmy

iwyra. Tii ka rurukremy roireri. Idi ta Jesuisi rare isŷ-ò. Sôwemy iny Jesuisi riheludunyre.

⁴³ Hâwyyô raremyhŷ heka hâwyy webinadu rare iòhò Jesuisi rexisŷny waòinatxi beòramy heka idi ròhònyre hykyky hâlubu ratxireri. Tiu heka inyô reteytenyôhyymyhyre luahidŷŷdu, òhotibedu mahâdu he risiranyre. ⁴⁴ Tai tahe Jesuisi tykysi-ò reare. Tai ta aòwesele reytemy reare. ⁴⁵ Jesuisi rarybere: —Mowe watxi reare? Ijô rarybereri: —Erydŷŷ mahâdu aòkôre, jiarŷboho aòkôre. Pedro rarybere: —Aòheta sôwe iny kaki rŷireri. Timykibo tuu tŷŷrayiteri. ⁴⁶ —Jiarŷ dori reeryre. Mobo watxi rearaule reytera. ⁴⁷ Tiihe hâwyy ratxiremyhŷ ramytatamy. Tamy ramytatamy heka tamy rehemynyre. Iòràò rexibedenyre. Ibutumy iko tuu relyyre. Aòherekibo itxi reriramy. ⁴⁸ Tai tahe Jesuisi tamy rarybere: —Lerŷ, atyhydŷŷna myna teyteta. Ta bexiywinymytahŷny maal!

⁴⁹ Kie raryberemyhŷwanale tasŷ iny witxiraòle dehemynyde. Kia aôma dohodŷŷna wedu heto-ribi dehemynyde. Ijairu-ò rarybere: —Ariòre wa rurura. Uritere ta òhotibedu-ò ijiraôma ixinamy tii rakre. ⁵⁰ Jesuisi kia-ò roholareu tahe Ijairu-ò rarybere: —Urile bityhybenykre. Breburenyôma tii reytekre. ⁵¹ Tii rehemynyre heto-ò. Jesuisi ralòre iny deramy reare. Tii wana rake lau. Kia uladuse, uladutyby, Pedro, Txiau, Joaô wana kiale ralòre tamy tiiboho wana. ⁵² Ibutumy rasŷbinamyhŷ Jesuisi rarybere: —Ibryrenyômyke hewa rurumy aôbo roire, urile ròrômy roireri. ⁵³ Ibutumy riererenyleri tiiboho urile tai idi risinyrenyre rurumy roimyhŷki. ⁵⁴ Jesuisi ihâre ta hirari debò-ki rimyre. Tai tahe idi rarybere: —Hirari, bexixamy, bodonyke. ⁵⁵ Ittytyre aòwesele ixityre tamy ralore. Dexixade, donyde. Rŷsŷna hirari-ò riwahinywemy Jesuisi rarybere. ⁵⁶ Tai tahe tybyboho sôwemy rabedeòtidŷŷrenyre rabedesarenyre. Jesuisi rarybereri: —Urile wamy ijyyrenyômykre. Aôbo adeereny rewinyramy.

9

¹ Jesuisi tahe tawaòinatxi reurò taerydŷŷna mahâdu ributunyre. Taruru tamy riwahinyre tytybybina iny-ribi ritakremy. Tule iny webinadu mahâdu riteytenykre. ² Tule rarybere tamyreny: —Kaiboho belyy-benykre Deuxu kia Iòlônamy tule webinadu biteytenybenykre. ³ Aô awanareny wydyrenyômykre debòna aòkô, aôna hyna tule aòkôre. Tule rysŷnake aòkô, nieruke aòkô. Ainatxityke aòkôkre. ⁴ Hâwâ-ki hetoô-txi malòkeki taile bonykre. Hâwâribihyyle bòhònykreu, kia heto-ribi bexitakre. ⁵ Ibinamy aramyrenykreki, urile bixitakre. Idi òlòna-ki, awa bitòtynykre ibinamy tai tahatenyaki. ⁶ Tiiboho ròirenyre hâwâ sômo sômo-di Rybewihikŷ Tŷmyramy relyyrenykeny ròirenyre. Tule iny webinadu ibutumy iteytenyrenyre hâwâ hâwâ-di.

⁷ Idi tahe iòlò Herodi ibutumy heka aôna aôna rieremy ratximyhŷ. Tai tii bede ryy rieryôhyymy ratximyhŷ aôbo riwinykre. Roholamyhŷre heka iny rybe rybe-ò. Joaô heka rexixamy ratxireri. ⁸ Ijô tahe kiamy rarybereri: —Eliasile ratxireri. Ijô rarybere Deuxu rybemy rybeduô ratxireri. ⁹ Tai tahe Herodi kiamy rarybereri: —Jiarŷ heka Joaôra resymy rewahinyre. Mobo ratxireri iwese Joaô raremy wese he ratxireri. Moobo ta kiamy raholamy watxireri. Tai Herodi tuu robikemy riwisŷnymyhŷ.

¹⁰ Jesuisi eryna iko relyymyhŷreny ibutumy aôbo aôhebo rotŷŷnyrenyremy tabededŷŷnana. Jesuisi riòlònyrenyre ijô hâwâ witxira-ò, Besaida hâwâ-ò wahe. ¹¹ Tai iny sôwemy hekŷ rieryoŷlemy idi ta rieryreu tahe sôwemy

ihemy rare roirehe. Jesuisi he ributumy ikole relyyre. Deuxu Iòlòmý relyymyhÿre. Tai ròteytedÿÿmyhÿ webinadu mahâdu. ¹² Aõtxu tahe katxioromy Jesuisi eryna mahâdu, waõinatxi reurò mahâdu tamy raryberenyre: —Bede biywinyke ibutumy iny rÿireri hãwãò-ò tarÿsÿna òbradÿÿmy. Iny-boho dori bedero-ki ratxirenyreri. ¹³ Tahe Jesuisi rarybere: —Kaibohole rÿsÿna biwahinybenyke. Rirasÿnyrenykeny ierydu mahâdu diwyònydenyde: —Aõheretahaka, iruyre orotxu idi inatxi uturale heka roireri. Aroikemy aõbo wadireny atxiteri rÿsÿna òbradÿÿmy inysõwe-ò. ¹⁴ Txibo 5000 hãbu sõwemy heka rÿimyhÿ. Jesuisi rarybere: —Bihitxinybenyke 50 iny heka iny bisÿnybisÿnybenyke. ¹⁵ Tii myna ieryna mahâdu rotÿtÿnyreny. ¹⁶ Idi tahe Jesuisi utura inatxi, orotxu iruyre rimyre. Biu-txi reteheremy rex-itòenyre. Deuxu realãre tamy rexitòenymy riyreyrenymy riwahiny taerydÿÿna mahâdu-ò. Riwyreny tahe riwahiriwahinyrenymy idi roire. ¹⁷ Ibutumy riroxirenyre idi rihydyreny. Ihãre ta waõinatxi reuròmý hyna ixyby rÿximy rauheny. Idi ierydÿÿna mahâdu ixyby ributumy.

¹⁸ Jesuisi heka ixisohojile rare ixitòedÿÿmy. Ierydÿÿna mahâdu heka irarò-ki rÿimyhÿ riijemy rÿimyhÿ. Idi tahe tamy nade tÿÿraximy: —Moboho jiarÿ raremy wamy raryberenyre? ¹⁹ Tai narybedenyde: —Ijò Joaõ Sebedÿÿnamy adireri. Ijò ta Eliasimy adireri. Ijò ta juhuu Deuxu rybedu mahâduomy adireri. ²⁰ Jesuisi tamy rarybere: —Adeereny tahe. Mobo jiarÿ watxireri. Idi Pedro rirawyònyre: —Kai Kristu tate, Deuxu deòdÿÿna wahe. ²¹ Tahe Jesuisi tamy rarybereri: —Uritere tuu iny-ò ijyykòkremy. ²² Jiarÿ Hãbutyhyhykÿ, Deuxu Riòremy, aõhòkÿmy arotÿÿnykre. Judeu wedu mahâdu, xiwena wahidÿÿdu wedu mahâdu, bede ywina erydÿÿdu mahâdu waderamy reakre. Jiarÿ arurukre. Inataõna txu-di arexixakre. ²³ Idi ibutu-ò rarybere: —Wahemy kanake mahâdu urile ixi dee rexiijónykre. Txuò txuòlemy taitxeò rimymy kidiwaheludunykre. ²⁴ Waòrary-ki rubudu heka biu-ò hedukre. Tukòkeki urile ixinany inatyhymy rurukre. ²⁵ Aõmydÿÿnanamy iny ritakeki, tahe taumy riònonykeki, kia heka aõmy aõkòkre. ²⁶ Inyõ raixÿrukeki warybe lau tule jiarÿ Hãbutyhyhykÿ, Deuxu Riòre wahe, tai ilau araixÿrukre. Deuxuko-ò ÿjuko-ò iu adehemynysÿu Deuxu Iòlòna-ki wahe. ²⁷ Inatyhymy heka adeereny ararybekre. Ijò kaki rare. Deuxu Iòlònamy robikre tarubukòtyre

²⁸ Tahe debò inataõ txuu rÿidi, Pedro, Txiau, Joaõ-wana Jesuisi ridyre. Tiiboho sohojile bederatòò-ò roire Deuxu-ò rexitòenykeny. ²⁹ Jesuisi rex-itòenyrieri tii tamyreny rexiwitxiranyre iu rexitòenyreu itty heka urile rabòtòranyre. Iurahakÿmy relere. ³⁰⁻³¹ Tahe tamyreny dexitÿnnynde Eliasi, Moisesi-wana tahe rarybemyhÿre Jesuisi-wana. Jesuisi rubunamy Jerusalê hãwã-ki wídee rarybemyhÿreny, kia Deuxu bedeywidÿÿnana myna. ³² Pedrobobo ròròrenyrieri. Idi tahe rexixarenyreu, tiiboho Jesuisi loosònamy robirenyre. Eliasi, Moisesi-wana tiiboho tuu robirenyre. ³³ Ròireriu, Pedro rarybere Jesuisi-ò: —Wawedu, awityhymy inyhe inyboho kaki ratxirenyreri tahe rikiwinyrenykre inataõ hetomy, ijò adee, ijò Moisesi-ò, ijò Eliasi-ò. Pedro rieryòlemyhÿre aõmybo rarybemyhÿ. ³⁴ Tai rarybereu Nonoe dobehede iubòròna bede ritòbònyre. Pedro, Txiau, Joaõ-wana ruberumyhÿrenyremy. ³⁵ Tahe ròhònymy reare rybeuni iuribi: —Kia heka Wariòre waluu rare. Kaiboho tamy bohòlabenyke. ³⁶ Tiiboho reteherenyre tahe inyòmý robiòlerenyre Jesusilemy ta robirenyre. Tahe rybeòmý rÿirenyre. Iu inyò-ò aõmy raryberenyòre tuu.

³⁷ Tai tahe ijō txu ratò-ribi dehemynydeu iny sōwehekỹmy Jesuisi-ò ròirenyre. ³⁸ Inyō rarybere: —Erydỹđdu, wariōre adee redyreri. Beteheke wariōre sohoji-ò. ³⁹ Tyytybybina rimymyhỹreu tahe riatyre bede-ò. Idi tahe urile txuu riyiyidỹỹnymyhỹre. ⁴⁰ Aerydỹđna-ò jiarỹ rarybera tyytybybina riteònykremy, tahe tiiboho riixāwidỹỹnyōhyreny. ⁴¹ Jesuisi tamyreny rarybere: —Tiwesebededỹỹnanabo wijinabòdu ityhyòlemy rỹira. Tiwesebededỹỹnanabo akryeny-ki ariijekemy. Wade uladu bididyke. ⁴² Tahe didydenyde Jesuisi-ò. Tahe tyytybybina urile riitxỹteitxỹtenymy resere. Idi tahe urile bede-ki rexiraòhòhòremy sutxi resere. Idi rarybexinymy. Rybexi irywomy ròhònymyhỹ. Jesuisi tahe tyytybybina iribi riòlòdỹỹnyre uladu riteyteyre. Idi uladu tyby-ò riwahinyre. ⁴³ Ibutumy iny Deuxu aòwidỹỹna-di bede riòtiinyre.

Jesuisi taerydỹđ mahādu-ò rarybere:

⁴⁴ —Boholatyhyki warybe-ò, Deuxu Riòre Hābutyhyhykỹ heka rawahidỹỹkre hābu mahādubina-ò. ⁴⁵ Tiiboho rierykòlere. Kiamy dori ilaureny riwore. Tahe ruberurenre tỹraxidỹỹki.

⁴⁶ Ryro-ki ierydỹđna mahādu widee rarybemyhỹre: —Mowexe wiratyre ityhykremy. ⁴⁷ Jesuisireny rexiraykynymyhỹreny rieryre. Idi tahe uladuò rimymy rarybere. Jesuisi uladuò wana ronyreny. ⁴⁸ Tahe taerydỹđna-ò rarybere: —Moò uladu ka wese wadee riwiòhenanyeki, riwawiòhenanyre. Moò riwawiòhenanyeki, tule waha riwiòhenanyre. Mobo deòdumy reakre, tii ibutu ratyrekre.

⁴⁹ Joaò tamy rarybere: —Erydỹđdu, jiarỹboho riòlòdỹỹnyrerimy tuu rabirenrya inyō tyytybybina-di animy rehureriò. Tahe iny mahādureny aòkò rare. Tahe jiarỹboho tamy reijònyrenyre iny inyjoirenyre aòkòki. ⁵⁰ Tahe Jesuisi rarybere: —Bijònybenyòkre. Inyō inymyrenyòdukòkeki, inyweribireny-ki tii rare.

⁵¹ Tahe Jesuisi bededỹỹnana iixihidu iòhòmy idi biu-ò rakreu, tii Jerusalē hāwā-ò rakremy rexiywinyra. ⁵² Tahe takomy inybuta bede riywinyre. Tai itỹhinamy rutòmy Samaria hāwā-ò. ⁵³ Tai tahe Jesuisi deramy rekoarenrye Jerusalē-ò ramyhỹreki. ⁵⁴ Txiau Joaò-wana kia rierymy tahe narybedenyde: —Wanyrỹhỹkỹ, adee wikeki heòty biu-ribi ityreny kedesekemy aritxuhorenykre risòrenykre. ⁵⁵ Tahe Jesuisi irybereny-ki ibinamy rahare tahe reburemy taò riòsere iribireny. ⁵⁶ Idi ta iwitzira hāwā-ò roire.

⁵⁷ Tahe Jesuisi taerydỹđna mahādu-wana roirenyreu, hābuò tamy rarybere: —Ihyymy awana arakre titxibo makreu, ahekile arakre. ⁵⁸ Tahe Jesuisi tamy rarybere: —Ijòrò heka ihāloo dire. Nawii týtỹ dire. Tahe jiarỹ, Deuxu Riòre wahetoòre, Hābutyhyhykỹ rare hārele. ⁵⁹ Tahe ijō hābu-ò rarybere: —Biwaheludunye. Tahe tii dirawyònyde: —Wanyrỹ, Waha heka rurura. Tai tahe juhuu arituunykre. ⁶⁰ Jesuisi rarybere: —Txioinihe, rubu mahādu wii rituunye. Kai tahe makre Deuxu Iòlònamy belyukre. ⁶¹ Ijō rarybere: —Wanyrỹ, araheludunykre. Urile juhuu wasỹ mahādu arawehityhynanykre. ⁶² Tai Jesuisi dirawyònyde: —Inyō ritelenykeki, tahe ixbyby òòsemy rexi-nohòtinykeki, tii waheludu mahāduōmy rareòtyhy.

10

¹ Jesuisi 72 hābu heka ritare inatxi inatximy tako-ò tihāwāhāwātxibo rakreò bede riywinyre. Kiamy tamyreny rarybere: —Waijyymy rybemy boibenyke.

² Kiamy heka tamyreny rarybere: —Waaòmỹsỹdỹđna heka inihikỹ-di isirare.

Iwese maixõmo iny riòròmyhÿre wese heka waaõmysÿdÿÿna rare. Maixõmo oworu heka inihikÿre, idi aõmysÿdÿÿdu heka ibutere. Tai oworuwedu-ò aõmysÿdÿÿdumy bexitòenybenyke, Deuxu-ò wahe. ³ Kiaboho heka budoeni wesemy iyreny-ki boibeke. Kia-ribi nohòti losaõmykre. ⁴⁻⁵ Tai heka bexi-ijebenykre anierureny wydÿõmy. Aõna aõna renyhynykeò aõkò awareny wydÿõmy iny-ò ryberenyõmy iny iny-ò ryberenyõmy, rywetyatamy abed-edÿÿna nodÿÿmy. Inyheto-ò malokreu Deuxu deysanamy birybenybenyke. ⁶ Tii adee awirenykre wana heka teysakre kahetoludu. Tai tahe ixibyle adee Deuxu deysana ròðekre adee awiõhÿykeki wahe. ⁷⁻⁹ Aõma hãwã-ò malò-wana uritere deuròsò deòròsòõmy matximahãke. Tai tehemynymy atxiterikile bexiijemahã tetxilemy. Uritere rÿsÿna òta òtaò aubeò ritidi wana uritere rybeòlòõmy. Birÿsÿmy rybeòlemy. Awiõhedÿÿmy ruruke wana bimymyhy aõbo adee riwahinymyhyre. Iny raaõmysÿdÿÿmyhyre heka ròtamymyhyre. Kia wese heka biwinymyhyke. Birÿsÿmahãke aõbo adee ri-wahinymyhyke. Binaò roiwana biteytenymahãbenyke. Kia wesemy tamy marybeke: —Deuxu Iòlõna heka iòhòmy ihÿre. ¹⁰⁻¹¹ Hãwã-ò birònykeki, inyò aradyrenyòkeki, boibenyke hãwãky-di. Myÿ marybebenyke tamyreny: —Aõbo wawa-ki hãwã-ki rÿireri. Wawa aritòtynykre bryby iribi ròhònykremy. Adeereny ariteòsinykre nohòti ijaranamy tamyreny. Nohòti losarenýõmy Deuxu Iòlõna adeereny iòhòmy dehemynde. Tahe kaiboho teramy tekoatenyte. ¹² Aõma ywisidÿÿnatxu heka tiiboho aõhòkÿmy rotÿÿnyrenykre. Jesuisi rarybere: —Tiro hãwã Sidò hãwã heka awimy aribireny ròhònykre. ¹³ Kobe làhaxe kai Korasì hãwã, tule Besaida hãwã. Òhotibe ayreny-ki rÿire, kia heka Txiru hãwã, Sidò hãwã tule kire-wana taò òta òtareny-ribi rexiatyreny. Tiiboho tykysausuhukÿtyre rexisÿnyre bryby-di rexiereny. ¹⁴⁻¹⁵ Òhotibetxumy heka Deuxu raruxetòenykre Txiru hãwã mahãdu, Sidò hãwã mahãdu! Kaiboho tahe aòkore. Deuxu araruxetòenyòkre. Kai Kafanaò hãwã ylydu mahãdu aõbo adeereny rotÿÿnykre. Biu-ò aõbo bòibenykre. Aõkò heka heòtybina bedetxi heka boibenyke. ¹⁶ Tahe Jesuisi taerydÿÿna mahãdu-ò ixyby rarybere: —Inyò aradyrenykre wana tasÿ-ò. Iwese riwadymyhyre wesele, aradyrenykre. Moo adeereny roholamymyhyre iyubu wadee roholamymyhyre. Wana tahe waderalemy reamymyhyre. Waderamy reamymyhyre tahe tule Waha deramy reamymyhyre. Deuxu wateòdÿÿdu wahe.

¹⁷ Tanonanareny-ribi iribi tahe kia erydÿÿna mahãdu ibutumy dòðsedenyde. Tiiboho heka teysa nihikÿmy dòidenyde. Tybybinanahakÿ heka irybe-ki ròhònyhÿre irybereny-ki. Riòlòdÿÿnymyhyreny wana Jesuisini-di heka ròhònymyhyre kiamy Jesuisiko-ò tuu relyreny. ¹⁸ Tii rarybere tamyreny: —Bexiijebenyke jiarÿ dori Satanasimy biu-ribi rabire, biudelaa wesemy reseremy tuu rabire. ¹⁹ Inatyhy rare waruruke nyderi rewahinyre. Tai hemylala tyre-ki mariabenykeki. Tiu inyò ruruoðtyhy itytibòrò nihikÿ arawerenykeki, tiu buruoðtyhy. Tule kai aòludu rururatyre arurureny-di boibekre. ²⁰ Ihãrele tahe uritere deysarenýõmy atxibenyke ka ruu òraru-ki tyytybybina deòdÿÿna, ruu wahe. Kaiboho dori anireny raritinymy roimymyhyre biu-ki kia ta atesananarenykre.

²¹ Iule tahe Jesuisi reysare heka Deuxu Tyytybytyhy iwomy reareu. Kiamy rexitòenyre: —Waha, kai wa biuwedu tate ibutu bede wedu tate. Umy reàlãmy watxireri kamy retòenyre. Wadeksamy watxireri ka aõma dÿÿnana bederaremy nihikÿ iribi tewòmy atxiteriki wahe. Tamy hete iwese iny uladu wesemy rityhynymyhyre heka. Tai tahe tamy ritÿÿnymyhyre. Kia

adeewimy tuu rare. ²² Jiarÿ heka ibutumy Waha wadee riwahinyre. Inyô rieriÿohymhÿre Waha wahe. Waôrarukile tahe iny rierymhÿre. Mobo Waha rare wahe. Waôrarukile dori rierymhÿre. Ijô aritÿnynkemy watxireri. Tai tahe tiki tule riery iruru. Taile rierykre. ²³ Rexitôenymy rahudi tahe wasimy iwôtemy heka rarybere taerydÿÿna mahâdu-ô: —Kaiboho heka sôwemy aôwiwihikÿmy tabimyhÿtenyte. Tai kaiboho beysabenyke. ²⁴ Ihethxiu heka Deuxu rybedÿÿdu wana kia aômysÿnanamy iôlô mahâdu wana. Kaireny aômydÿÿnanamy robikemy risÿnyre, tahe aôkôhÿyre. Wijile heka tuu robireri aôrarureny-ki. Tule tabitenyteri kaiboho ratximhÿ inatyhymy aôbo ôbitimy Jesuisi ijÿy-ô roholarenkemy tahe aôkôhÿyre.

²⁵ Moisesi bedede ywina rybe-di râire Jesuisi lÿÿraxidÿÿmy. Iwese kai ixiluure wese, iny witxira luuke! Tii tahe Jesuisi rihixidÿÿmy rarybere: —Aôhebo arotÿÿnyke biu-ô arahenykemy. ²⁶ Jesuisi dirawyônyde: —Timybo kÿnyhe Moisesi bedede ywina tÿyriti-ki roimyhÿre? Timybo tuu manarybekre. ²⁷ Tii tahe diwyônyde timybo tÿyriti-ki roimyhÿre myna:

—Deuxu adinodureny, ibutumy awo-ribi iluuke, ibutumy arayky-ribi aru-run-ribi, ayky-ribi heka iluuke. Tule ibutumy iny ixiwesemy idi atximahâke.

²⁸ Tai tahe Jesuisi tamy rarybere:

—Kai inatyhymy tarybeteri tai inatyhymy mahenykre biu-ô.

²⁹ Kia hâbu heka rexiôbitinkemy idi ratxireri. Taita rarybere Jesuisi-ô: —Mobota waerye? ³⁰ Tahe Jesuisi ikô relyyre ijÿymy. —Judeu mahâdu hâbu heka ratÿinamhÿ Jerusalê hâwâ-ribi, Ijeriô hâwâ-ô. Iribi tahe kia wasidu mahâdu rimyrenyre. Inieru ibutumy iribi ritarenyre. Itÿy hÿre raôhôtere irubudÿÿle rasiranyre ririre. Tahe ruruôki rÿimhÿ. ³¹ Aôma judeu xiwenawahidÿÿduô heka idi rare. Tahe hâbumy robire. Idi hâbu-ribi irehemy rexemy reare. Tahe tÿtxi rerikôle rare raty resere. ³² Hâbuô rehemynyre tiie-ki dohodÿÿna wiôhedÿÿduô rare, Levita wahe. Tule ratyresemy ririre. ³³ Tahe ijô nade Samaria bedede hâwâ luduô heka rare. Judeu mahâdu heka Samaria mahâdu luukôre. Idi tahe kia judeu mahâdu roimyhÿ. Tahe Samaria mahâdu hâbu sôwemy riruxetôenyre. ³⁴ Idi tahe tamy rexitÿmynymy tahe iwotômona rituahinymy ritaataamy iwotômona. Idi tahe ka hâbu relyymy idi rare. Aôma ijumenta tyre-ô ritidimy. Idi rare rirarehu tahe heto-ô ritidikremy ririkremy ridymy heka idi rare. Rummy heka ritôenyre hykyky idi bedede nade awimy risÿnykemy. ³⁵⁻³⁷ Rudile heka heto ôwy-di iwedû-ô heka nieru riwahinyre riôwynyre inatxi womati nieru. Tamy rarybere: —Biwiôhenanyre idi mabekre adôôsekre rirôkre. Moma arÿnaderenykre Arÿnadebenykre heka adiôwynykre adôôsekre wahe. Ka hâbuhe rarybere: —Hâbu bireludu ratxireri. Kia taruxetôenyeri tiôsinyre waha tieka idi hâbubireludu ratxireri. Wimÿ raôludumhÿre hârele taheka riwiôhenanyre. Jesuisi tamy rarybereri. —Iwesele biwinykre iweseka hâbu riwinyra weselemy biwinykre. Kai aôhebo botÿÿtyhy mahake. Iwesele wahe. Jesuisi rÿÿraxire: —Mobo hâbu aôtxino biôwa rare? Mobo ibireludu wahe? Bedede ywina erydu tai rirawyônyre: —Iwiôhedÿÿdu wahe.

³⁸ Jesuisi, ijô mahâdu-wana rôirenyre. Hâwâ-ô rirônyrenyre. Hâwyô rare Marta inire. Tahe ridyre tasÿ-ô tai ratxirenykemy. ³⁹ Tahe Marta heka iseriôre dire. Marie inire. Marie urile ibire-txi ronyra aôbo tarybeke roholakelemy. ⁴⁰ Marta heka raelelemy ratxireri. Aôna aônale rotÿÿnymhÿle riwinymy taile rare ratximhÿ. Tai tahe nade Jesuisi-ô rarybere: —Jikarÿ sohojile wa watxireri waseritxôre riwawikôhenanykôhykyreri. Kai anobohe

kòbitimy tai tahateri. Tamy marybeke riwawikòhenykeny. ⁴¹ Tai tahe Jesuisi he tamy rarybereri: —Marta, Marta, aòherekibo kai taelelemy teamy atxiteri? ⁴² Sohoji aòmydýŋnale heka awire. Marie awityhy aòmydýŋnana ixidee rimyre. Kia moo iribi ritaòtyhy. Riwinymyhý awityhyreki wahe. Tamy rarybeòtyhyò wadee roholareri iribi ariòlòdýŋnyke wahe.

11

¹ Tiutxubo Jesuisi rexitòenymyhýre, iny rieryòlemyhýre. Jesuisi rexihudi, ijoi rarybera: —Biwaerynanybenykre iwese textitòenyteri wese, Joaò tahe taijoi rierynanyre. ² Tai rierynanyre. Kai bexitòenykeki, kawese marybekre: —Waha, ani ibutumy tamywimy. Wylemy mynake iny òlòdýŋmy.

³ Rýsýna txuò txuòlemy biwahinybenykre.

⁴ Inyòraruna biixáwidinykre, iny iwitxira-dori taòraruna ariixáwidinykre. Waatysyrenyòmy òraruna-txi.

⁵ Jesuisi heka taerydýŋna mahádu rierynanyre ijyy-di: —Kai arýsýnaòmy bonykeki, abiòwa-ò make ruetya rexitòedýŋmy rýsýnaò huòtemy bidiwykemy: —Wy, ahina inataò wadee bidihuòteke. ⁶ Wabiòwa rehemynyreri bedetýi-ribi. Aò heka wawahisidýŋkòtare. ⁷ Tii òsana myý adee rarybekre: —Wadee ixitòedýŋòmyke ruetyahakýmy. Arýiòtyhy waherina-ribi rexiyrubunymy heka ráireri. Ibutumy iny heka ròròmy rýireri. Uladu, tule iumy ròròmy rýireri. Wadee ixitòedýŋòmyke. ⁸ Rexitòenhyhyhy tai hyhyhy rýikeki tai ihàrele rýike. Abiòwatòenamy aòkò kýnyhe rýike. Textitòenyterikile rýike. ⁹ Tai heka adeereny rarybereri. Bexitòenykeki, biwyke. Biijeke aòbo teijeteri, tai tahe mahake. Ijòtòbòna bihetenyke tahe adee riraynyny tahe malòke. Tai tahe adeereny rarybera. Ibutumy rexitòenymahàke, tamy riwahinyamahàke. Ibutumy iny riijemahàke, tai rahake. Iny rihetenymahàke riraynyke. ¹⁰ Tai adeereny rarybere: —Ixitòedýŋki iny aò rimymyhýre. Aòitxe-ki aòtxi ijara rýimyhý. Ijò-di ròtemy ijara-ki iny ralòmyhýre. Ijò-di ròtemy ijara-ki, iny ralòmyhýre. ¹¹ Uladuò tyby-ò uturamy rexitòenykeki aòbo, hemylalaò tyby tamy riwahinyke irýsýnamy? Timyki tuukòna! Kaiboho kiamy aòbo botýŋnybenykre? Timyki tuukòna! ¹² Uladuò tyby-ò hániesimy rexitòenykeki aòbo, itytibòrò tamy riòkre. Timyki tuukòna! ¹³ Kaiboho aòbina binahakýdile tahòtinymahàtenyté, aòwihiký aòbohe ariòrereny-ò biwahinyke. Boreny aratyre heka bede rierike, Deuxu wahe. Tamy bexitòenybenykeki, tii Deuxu Tytybytyhy adeereny riwahinyke.

¹⁴ Ixityre tasý hàbuò raremyhý irybeòmy. Jesuisi taile ratximyhý tahe tytybybina riòlòdýŋnyre iribi. Iu tytybybina iribi rohonyreu tahe, hàbu rarybere kia rybeòmy ratximyhýré wahe. Tahe iny sòweheký mahádu sòwemy idi rabedeòtiimy rýire. ¹⁵ Inyò tahe, inysòweheký yluduò tahe kiamy rarybere: —Kia diabo rurudi, Belisibu rurudi heka iribi riòlòdýŋnyre. Tii tytybybina mahádu wedu rare. ¹⁶ Ijò tamy rarybere: —Jesuisi, araeryrenykre inihe aò biditeòsinykre wadeereny. Inatyhy aruru biuludu ratximyhýre. Widýŋnaò inihe wadeereny bitýnykyke kialemy heka rarybemyhýre urile riurihimy tamy aò itxerenamy riwinykelemy. ¹⁷ Jesuisi tahe rierymyhý aòmybo raraykynymyhýreny. Tai heka tamy tuu rarybere: —Kia iny mahádu wiribi hitiximy raraykwydinykeki, tii tahe rexihuke itueke, sý mahádu tule wahe. ¹⁸ Timybo Satanasihohe bede wídee ribinanymyhýrenykeki, awityhymy roirekre. Jiarý araeryrenyreri timybo taraykynytenyteri. Aòma Satanasi rurudi tytybybina ariòlòdýŋnykemy tarybetenyteri heka reeryeri.

¹⁹ Kia riki ariwinykeki, kaiboho tule wawesele tewinytenyte. Timybo? Mobo awiòhedŷŷdurenny rare? Satanasi aõbo? Kaiboho boibenyke ix-itòedŷŷmy awiòhedŷŷdurenny-ò. ²⁰ Jiarŷ Deuxu ruru-di ariòlòdŷŷnykeki, kaiboho hexiije benyke, Deuxu Iòlòna tahe adeereny iòhòra. ²¹ Hābu deburehekŷ tadebòna-di taheto riyrubunykeki, rexityhynmy ronyke. Iaòmydŷŷna ibutumy iyubudŷŷnamy rŷike. ²² Tahe ijò kedehemynyke iratyre teburetyhy, tahe iaòmydŷŷna ibutumy iribi riwyke. ²³ Iny wawana aòkò ratxirerimy ihŷre, tii heka waribi hitximy ratixmyhŷre. Iny wawana aòkò ratxireri, tii tahe aòtxile ramyhŷre ixideòna. ²⁴ Jesuisi ijò iyy relyyre: —Iny-ribi tyytybybina ròhònymyhŷreu, tii heka rake ixitawo-di rake titxibo. Rubumy rarunmy rake. Bedeò-ki rahakeki tahe, ròhòtinyke. Aròòsekre, tikibo rarawāhāòle. ²⁵ Ixyby kòdòòsekeu tahe, isŷ ibutumy, tytymy roiike iruxeraò. ²⁶ Idi ixityre ijò rimyke debò inatxi reurò tyytybybinaò. Idi tahe tamy rasŷnyrenyke. Iratyre tyhy wahe ibina. Iu kia ixisohojimy tyytybybina-di aòmysŷdŷŷmy raremyhŷu tahe, ihewo-ribi rimyra tahe iroona-ribi tahe aònityhymy releke. Ibinatyhymy tamy rare.

²⁷ Iribi tahe hāwyyò ryyre ibutu ijohonamy: —Hāwyky heka aratxurananyre, aratibienyre heka iny bedekòby rare. ²⁸ Tahe Jesuisi rarybere: —Deuxu Rybe tyhydŷŷdumy iratyre wadee awire. Deuxu deysanamy tamy kanakemy idi watxireri.

²⁹ Idi tahe inysòwetyhymy dehemynyde Jesuisi-ò. Jesuisi kiamy rarybere: —Iny heka kia mahādu ibinatyhymy rŷire aòwihikŷle heka riijemy rŷire. Itxerenaòmy robikre ratxireri tahe itxerena Jonasi-ribi nadelemy tahe robikre. ³⁰ Jonasi heka Ninive hāwā mahādu-ò itxerenaò heka tii rare. Tule jiarŷ heka Deuxu Riòre Hābutyhyhykŷ rare wijinabòdu mahādu dee itxerenaò jiarŷ rare. ³¹ Ibòò mahādu bede konana-ribi iòlò hāwyy Salomaò bede eryhykŷ-ò ijòhonamy irehe-ribi nade. Wijinabòdu mahādu taheka naòhyymahāde wadee ijohonamy. Salomaò ratyre heka jiarŷ watxireri. Ikonana txu tahe ibòò iòlòhāwyy rŷikre rarybekremy. Tii rarybekre: —Anoherekibo Jesuisi deramy teakamahātenyte wahe. Timykibohe irybe bedekeryna-kò ijohokuna rŷikòmyhŷreki wahe. ³² Ninive hāwā mahādu tule rŷikre rarybekremy iwe-sele. Jonasi rybe tŷnydŷŷna-ki rexirāhŷrenyre. Kaki heka Jonasi ratyre hābuò ratximyhŷre, jiarŷ wahe. Wadee ijohonadu aòkò heka toite.

³³ Moheka loosònaò rideòhyymyhŷre herinarawo-txi toosò iwasihiikŷmy roosòmyhŷkemy. Tiiemy heka biuòhyy rademyhŷre ibutumy bederatyŷnymyhŷkemy. ³⁴ Arue umy dori itŷnymy roimyhŷre. Arue awikeki heka ibutumy aumy awikre. Arue ibinakeki tasŷ aumy heka bedelorokile rŷimyhŷkre. ³⁵ Awo toosòm ratximyhŷre wana, hexiijemahāke. Aumy biemahāke bedeloro-ki rurunyhenny. ³⁶ Bedelorohokŷ aumy-ki rŷiòmyhŷre wana, tai tahe boosokre ibutumy titxibo bede-txi mamahākre wana.

³⁷ Jesuisi kiamy rarybereu tahe, fariseu mahāduò tamy rarybere: —Manake wasŷ-ki rikiroxikremy. Tai tahe Jesuisi rare, ralore, ronyre roximy. ³⁸⁻³⁹ Jesuisi ronyreu, tebò risuhòòre. Tai tahe idi bede riòtiinyre. Jesuisi rarybere: —Kaiboho fariseu mahādu, ibutumy heka txisuhòsuhòmahātenyte. Ebò tesuhòmahāte, aumy ibutumy tesuhòmahātenyte. Webòòsityyludu wahe. Kaiboho heka isuhukŷlemy toimyhŷte ibutu aòikòkò-di isumy roimyhŷre aworeny-ki. ⁴⁰ Iu heka òbitimy taraykynytenyòhyymahātenyte. Deuxu heka iwebrò ludu riwinyre, inatyhy? Tule aworeny, araykyreny wana riwinyre.

⁴¹ Iny aōkō mahādu-ò maruxetòemyh̄benyke. Tai tahe byranybenykre heka. Ibutumy awo-ki, ahana-ribi tule ryranykre.

⁴² Kobe làhaxe kaiboho fariseu mahādu. Kaiboho Deuxu dee tewahinymahātenyke uriōno. Debòwiò aō tetatenywana heka, sohoji tewahinymahātenyke. Tule aōmyd̄ȳnareny aoworuludurenyò tewyteny wana, tule tewahinymahātenyke. Kia awire, biwahinymahābenyke. Urile tahe teerytenyōhyymahātenyke Deuxu luuna, Deuxu òbitina. Biwahinymahābenyke heka Deuxu dee aōmyd̄ȳnaō. Tii tahe awire. Tule nohōti losarenyōmyke, luuna, òbitina. ⁴³ Kobe làhaxe kaiboho fariseu mahādu. Dohod̄ȳna heto luureny ikoòhòk̄yle heka torokomahātenyke. Kaiboho alybed̄ȳnareny-ki awimy tahamyh̄tenyke. ⁴⁴ Kaiboho kobe làhaxe. Wobrona wesemy toite. Iwese iny rubuhāloo tyremy iny rariamyh̄re wese ierykōnamy, kiawesele toite.

⁴⁵ Bede ywina bede eryd̄ȳduò heka tai ratximyh̄. Tii tahe Jesuisi-ò rarybere: —Eryd̄ȳdu, kai heka aōbinahak̄ylemy wamyreny tarybeteri, kia wese rybe-ki. ⁴⁶ Inatyhy rare. My tahe Jesuisi ris̄nyre: —Inatyhy dori tule bironybenyke aōhòk̄ymy d̄ȳnana. Iny dori adeereny rarybemyh̄re iny rybe bityhynymyh̄benykeny tahe ihārele tetyhynyōhyymahātenyke. Bede ywina ritid̄ȳna tewinymahātenyke, ihārele tahe tiu heka tetyhynyōhyymahātenyke. ⁴⁷ Kobe làhaxe kaiboho, alahireny, alabiereny wese toite. Iwese tiiboho Deuxu rybedu rirubunyre wese kaiboho toite. ⁴⁸ Kaiboho rubud̄ȳdumy toite. Òbitile tewinymahātenytelemy ixidee tahōtinymahātenyke. ⁴⁹ Deuxu tahe rarybere umyrenymy wahe: —Tahe jiar̄y aditeōnykre heka Deuxu rybed̄ȳduò tule Deuxu deòd̄ȳnaō heka aditeōnykre. Imahāduò birubunyenkre ihona tahe biteōnybenykre. ⁵⁰ Kaiboho heka bede òrarmy boibekre kia rubud̄ȳ òraru erydumy wahe. ⁵¹ Abeli hālubu txiwina tahe xiwena hure rubuna. Idi tule Zacaria hālubu txiwina wahid̄ȳna bire-ki heka Deuxu hetobire-ki. Kohe, ihure rubureny òraru-ki aōhòk̄yh̄k̄ymy biōwynybenykre. ⁵² Kobe làhaxe, kaiboho bede ywina eryd̄ȳdu mahādu, bedeeryna ijo rayna dinoduboho wahe. Kaiboho tahe terònyōmy bede eryny heto-ò. Tule inywitxiraò tetòenytenyke iròte lau.

⁵³ Jesuisi ròhònyreu, teburemy tiiboho rit̄ȳraxinymyh̄re aōna aōnamy.

⁵⁴ Tuu ròt̄ȳraxid̄ȳmyh̄re timykibo rirutaōnyrenykeny.

12

¹ Sōwemy iny tahe ributunyre. Ube tahe r̄ximy ratxireri. Tahe juhuu Jesuisi taeryd̄ȳdu mahādu-ò rarybere: —Fariseu mahādu, saduceu mahādu urina biebenyke. Tiiboho dori ruidu mahādu roire. ² Wasimy wiji adeereny relyre. Tiu ta ibutumy iyynamy r̄yikre ³ Aōbo wasimy wiji taholate heka ibutumy biurasòm̄y rat̄nykre. ⁴ Uritere iny lau brebuōmyke. Aumyle tii rirubunykre. Ijò ibinamy adee aōkō tii rot̄ȳnykre. ⁵ Iny lau sohojile breburenyōmyke. Deuxu lau ta buberukre. Tii dori atytyby bede bina-ò rahuke ixideewikeki. ⁶ Nawiiò kaiboho bidymyh̄benyke iōwy riòre iny heka riwymyh̄reke. Ibutumy heka Deuxu nawii rieryre sohoji sohojimy. ⁷ Deuxu ara erymy heka aōma arati-ki tiwesebo aradeti r̄ymyh̄re rierymyh̄re. Brebuōmyke, aōma Deuxu heka anaerymyh̄re nawii sōmo ratyre heka rierymyh̄. ⁸ Kai marybeke: —Jiar̄y Deuxu retyhynyre dori tahe umy arelyyke Deuxu j̄jukomy rarybeke biu-ki wahe, jiar̄y Deuxu Riòre Hābutyhyhyk̄y wahe. ⁹ Iny sōwehek̄y-ki riwatxiōnykeki tule aritxiōnykre

jiarŷ Deuxu ŷjuko-ò. ¹⁰ Inyò Deuxu Riòremy aòbina binamy rarybekeki, irybe-ribi nohòtilosa rŷikre. Deuxu Tytybytyhymy tahe inyò ibinabinamy rarybekreki tahe, aòhòkŷmy rotŷŷnykre irybe òraru-ki. ¹¹ Aramykeu heka uritere nohòtiòmŷke aòmobo marylakremy ywisidŷŷna-ki. Bede heka ariwahinykre rybedŷŷnanau. Rybeòmŷke ikotyre. ¹² Kai xiwanaale aòkòre marylake. Deuxu Tytybytyhy aràwiohenanymhŷreny.

¹³ Hābuò inysòwey-ki tahe Jesuisi-ò rarybere: —Wanyrŷ, Waha rurura. Waseriòre tahe ibutumy waha aòna aòna riwyraxidee sohojile. Tamy marylake wadee ritxuranykemy. ¹⁴ Jesuisi tamy rarybere: —Hābu, kixaaòmydŷŷna aòkò rare. Timybo ayreny-ki araywisidŷŷnyke? ¹⁵ Tahe Jesuisi ibutumy iny-ò rarybere: —Warybe-ò bodoholabedenyke. Ixityhyòmŷ! Arutyhy heka aaòna aòna-ki aòkò rare aòna aòna sòwerehāre. ¹⁶ Tahe Jesuisi iŷjymy ròkewesenadŷŷre: —Hābutyhy riki ioworu nihikŷre. Tahe sòwemy rŷŷna ributumy. ¹⁷⁻¹⁸ Iheto tahe iyjare ibutumy ributumnykemy. Tahe xidee rarybere: —Aòhebo arotŷŷnykre? Waaònaheto butumy aritxiwikre. Ijò iribi inihikŷmy ariwinykre. Tai ibutumy waaòwiwi. tamy aridekre. ¹⁹ Tai tahe ibutumy waòwiwi-di areysakre. Arexielehynykre, ariroxikre, ariòkre. Waruhyy areysakre. ²⁰ Deuxu tahe kixaaòmydŷŷna aòkò rare rarybere: —Hābu itxŷtere. Kai wijirulemy burukre. Tai tahe moba aòna rimykre.

²¹ Jesuisi taijyy rihure rexirybenymy. Kixaaòmydŷŷna aòkò rare rarybere: —Hābutyhy riki ioworu nihikŷre. Tai tahe moba aòna rimykre.

²² Kixaaòmydŷŷna aòkò rare rarybere: —Hābutyhy riki ioworu nihikŷre. Tai tahe moba aòna rimykre.

²³ Aumy heka rŷŷna ratyre aònityhy ratximhŷre. Aumy heka atyky ratyre aònimy ratximhŷre. ²⁴ Nawii-di betehenyke. Tiiboho heka ioworuòreny. Tarŷŷna riyrubunyòhymhŷreny. Deuxu heka nawii riyrubunymhŷre, irŷŷna tamy riwahinymhŷre. Kaiboho tahe nawii ratyretyhy toite Deuxu dee. ²⁵ Sòwetyhymy maraykywydynanykeki aòbo arumy arirarehemy mariake? Aòkòre! ²⁶ Kixaaòmydŷŷna aòkò rare rarybere: —Hābutyhy riki ioworu nihikŷre. Tai tahe moba aòna rimykre.

²⁷ Betehemy inihe noijasa-di. Aòma tiiboho raaòmysŷdŷŷhymhŷreny. Ihāre tahe iruxerareny ityy wiwihikŷreny wese. Tyy xidee riwinyòtyhy Deuxu rityyny wihikŷ heka tyy wihikŷ tamy riwahinyreri. Salomaò heka ityynihikŷ rare. Ihāre tahe ityy heka awityhymy aòkò noiròsò wese. ²⁸ Deuxu heka noijasa rityynymhŷre kixaaòmydŷŷna aòkò rare rarybere: —Hābutyhy riki ioworu nihikŷre. Tai tahe moba aòna rimykre.

²⁹ Tahe raykòmy nohòtiòmŷ titxiribibo arŷŷna adee kanakredi. ³⁰ Tyhydŷŷdukòdu mahādu heka tuure. Inytybyreny heka rierymhŷre aòmybo tarumahāte. Ibutumy heka arerymhŷre aòmybo teamyhŷte. ³¹ Tii Deuxu aòmŷ dŷŷnana sohojidle maraykynykeki heka tii ibutumy adee riwahinykre. ³² Brebuòmŷ ahābenyke wariòreboho. Deuxu Iòlòna adee kanakemy, Deuxudeewina wahe. ³³ Aaòna aòna-di bohonybenyke. Iòwy tahe iaòkòdu mahādu-ò biwahinyke. Anieruhyna wiwihikŷdile boibeke. Kaki ibutudŷŷlemy heka biu-ò bibutumy. Tai heka judòera aò riròòtyhy tule rararyòtyhy. Tule tai wasidu ralòòtyhy. ³⁴ Tikibo aòwirenŷ rŷikeki, tai heka araykyrenŷ ratximhŷre.

³⁵ Ijò tahe Jesuisi rarybere: —Kaiboho bexiywinybenyke, ibutumy aòhebo rotŷŷnykremy bexiywinyke. Awereysanarenŷ-di atyky beximŷke. Aloosòna bitoonŷke. ³⁶ Deòdu mahādu wesemy boibenŷke. Bexiywinybenyke awedu

dehemynyna-ò, tii worana bedehesi-ribi rehemynyremy wahe. Iu rehemynyreu, teòdu mahādu heka ijò riraynyke. ³⁷ Tiiboho riraòrenykeki, deysamy rŷikre. Iweddu dori reximykre ityky wereysana-di tahe rŷsŷna teòdu mahādu-ò riwahinykre. ³⁸ Tii ruwetyakile rehemynykeki, deòdu mahādu reysakre. Tiiboho dori rexiraòmy rŷimyhŷrenyre. ³⁹ Tai heka iny rexiy-winy my rŷimyhŷkemy rybe roimyhŷre awedureny kanakreki. Aōma hābuò kanakeki heka tii aōma hābuò itxeredumy ronykeki heka, tii hābuò iribi rawasinyòtyhy. ⁴⁰ Kaiboho tule bexiywinybenyke wadehemynyna txu heka biijemy bonymyhŷbenyke.

⁴¹ Tahe Pedro rarybere: —Wanyrŷ, kai wadeerenyle ijyymy telyyte ada ibutumy iny-ò aōbo telyyte? ⁴²⁻⁴⁴ Tahe Jesuisi riwyònyre: —Aòtxile inyòdee, tibo deòdu taaòmysŷdŷŷna riywinymyhŷre, kia idinodu tai aw-imi rahamyhŷre tii dori rŷsŷna òbitimy riòriòmyhŷre. Idi tamy aòwiwi ri-wahinykre taaōna aōna-di itxeredumy tule risŷnykre. ⁴⁵ Tii iwitxiramy rexiraykynykeki tahe, ijò teòdumy raòhòtemy urile idi risinymy kamy rexiry-benymy: —Wawedu dori wiji aòkò rarerikre. ⁴⁶ Tai ierykōna-di iwedu kedehemynykre. Tuu rierymy iaòmysŷdŷŷna-ribi ritamy aòhòkŷmy risŷnykre ityhydŷŷdukòdu mahādu wese. ⁴⁷ Deòdu tawedudeewi rierymyhŷre. Tai heka tuu rotŷŷnyòkeki, tii tahe sòwemy aòhòkŷmy rotŷŷnykre, òhòtemy wahe, tamy riywinyòreki. ⁴⁸ Ijò deòdu tahe tii iwedudeewimy rieryòkeki, tii tahe aòbinamy riwinykeki, tamy tahe urihimyo òhòte tai rŷikre. Inyò sòwemy ityhykeki, sòwemy ijò iny tamy rexitòenykre.

⁴⁹ Jesuisi ijò rarybere: —Heòty-di bede ariworonykemy heka jiarŷ anade. Tii òte raworonykre idi watxireri. ⁵⁰ Jiarŷ ratisebenaòwesemy aralokre. Arurukre dori. Ele elemy rŷikemy ixi-di watxireri. ⁵¹ Kaiboho tahòtinyte wadehemynyna-di. Ywina adiwedemy wadi tahòtinyte. Aòkòrehe, bede jei jeidŷŷmy anade iribi widee rahitxihitximy rŷikremy. ⁵² Iruyre inysŷ mahādu heka widee rahitxihitximy rŷikre. Inataò iny iuhe òludumy rŷikre. ⁵³ Hābu mahādu heka tyby òludumy rarekre. Hāwy tule tadi òludumy rarekre. Iriokorese heka tariòrelahi òludumy rarekre.

⁵⁴ Ijòmy Jesuisi rarybere: —Iu biuwetyky biura-ribi ròhònyreu, Kaiboho kia rybemy tarybemahātenyete biu kòdòakre. Inatyhymy biu ròamyhŷre. ⁵⁵ Tule tarybemahāte. Yhy ibòò-ribi rebonyreu, bede ratòteekre. Inatyhymy tuu ratòteemyhŷre. ⁵⁶ Itxenadŷŷdu mahādu! Kaiboho kia terymahātenyete bede, biu aòmydŷŷna tule iwitxira aòmydŷŷnana teerytenykòlemahātenyete, bededŷŷnana konana eryna wahe. ⁵⁷ Ijò Jesuisi rarybere: —Kaibohole teywinyòmyhŷtenyete, aòòbitinamy wahe. ⁵⁸ Aòòarumy heka aòludu umy rarybekeki, idi ywisidŷŷna ube-ò aradykemy ratxireri, tii-wana widee marybeke idi widi bede biòbitinykemy. Aòkòkeki, tii aradykre ywisidŷŷdu-ò idi ròtenawo-ò soldado mahādu araròtenykre. ⁵⁹ Tii heka aòlòkòmy heka mabekre. Ibutumy iòwy biòwynyke xiery bòhònyke.

13

¹ Tahe inyò Jesuisi-ò relyyre: —Pilato rybemynamy Kalileia mahādu ru-rurenyre Deuxu-ò raxiwerenyreriò. ² Kia ta Jesuisi narybede: —Kaiboho timybo iruburen- di texinohòtintytenyeri. Ijò wiratyre raòaranunanyrenyeki aòbo? ³ Ture aòkò, kaiboho bexiiràhìòbenykeki tule burubenykre iruburen-ny wese. ⁴ Iasŷse ijò. Iu Silòe hāwā mahādu tyre heka heto rarie resereu 18 iny sòwe rirubunynrenyre. Arāŷŷraxikre Jerusalē hāwā mahādu ratyre

raòrarunanyrenyeki aõbo? Aõbo tahõtintytenyteri? ⁵ Kaiboho bexirãhĩõbenyeki tule burubenykre irubureny wese.

⁶ Tahe Jesuisi kaa ijyy-wana rikewesenanyre, Figoratyò wese heka. Tahe Jesuisi kaa ijyymy delyyde: —Hãbu oworu-ki figoðò rĩimyhĩre. Tii iraty di-lawijunyde tiubo. Tahe iraty-txi reakõre. ⁷ Tahe hãbu taoworu-di itxeredu-ò narybede: —Inatað wramy relawijunyre tahe aõkõhyra. Urile ta biòròkre. Iraty ihoòreki, awi aõkõ rare. ⁸ Tahe oworu-di itxeredu dirawyònyde: —Wawedu, txioini kawyramy idi warukikre, isu ariywinykre. ⁹ Aõkõhyykreki tahe urile raorokre ijõ wyrâu.

¹⁰ Judeu mahãdu elehyna txuu Jesuisi rotohodỹĩmyhĩ judeu mahãdu dohodỹĩna heto-ki. ¹¹ Tai ta hãwyyò ratximyhĩ. Tii 18 beòra webinadumy ratximyhĩ tyytybybina òraru-ki. Tii iumy rarabunymy rariamyhĩre. Ixi-taradỹĩ risiranymyhĩre. ¹² Jesuisi tuu robireu, tamy narybede: —Hãwyy, kai heka teytemy tate. ¹³ Tahe Jesuisi tebòm rimyre iuleta reytere. Tai tahe hãwyy heka Deuxu riwowydnyre. ¹⁴ Dohodỹĩna heto wedu tahe ibinamy Jesuisi-ki rahare, judeu mahãdu elehynatxureki wahe. Takamy inyreny-ò narybede: —Debò sohoji reurò txumy aõmysỹdỹĩnamy rĩimyhĩre iu heka adeytemy ixi-di bòdòmymhĩke, judeu mahãdu elehynatxu ta aõkõre. ¹⁵ Tahe Jesuisi dirawyònyde: —Kai, itxenadỹĩdu tate uriteremy iximy rybedu. Kaiboho judeu mahãdu elehynatxu dori abroreni, aawaru heto-ò toimahãte tuu teesenymahãtenyde, tedyimahãtemy idi ibemomodỹĩmy bidybenykre.

¹⁶ Kaa heka Abraõ riore riòreõ heka Satanasi 18 beòramy rimyre. Aõherekibo ta iribi retaraki sabadotxu ibinamy tahateri. ¹⁷ Tahe Jesuisi òludu mahãdu raixĩrurenre Jesuisi rybe òraru-ki. Tahe ixĩ mahãdu awityhymy tai rahamyhĩ iòraru-ki. Ibutumy reysarenre.

¹⁸⁻¹⁹ Tii rarybera: —Deuxu Iòlòna wexe aõwesere. Aõ-ò wexe rikiwese-nanyrenykre. Tiwexe ijyy kawesere? Deuxu Iòlòna heka alòbòròna sòmò sòmò wesemy ratximyhĩre. Raumynyreu heka òwòru rariewesele relemyhĩre. Nawiile tuu rỹtĩnymyhĩre kia òwòru-ò.

²⁰ Ixityre tamy rarybere: —Aõ ijyy wese heka Deuxu Iòlòna rare. Aõwexe rikiwese-nanyrenykre. ²¹ Paõ ixiòlòdỹĩna wese rare, iuri rare. Hãwyy paõ riwinymyhĩreu, inatað urihixina-ki iuribemy riurinymyhĩre. Tai tahe raubỹtĩmyhĩre, rexiòlònymyhĩre.

²² Jesuisi tahe Jerusalẽ hãwã-ò rareu, hãwã hãwãmy rotohodỹĩmy. ²³ Iu inyò ritỹĩraxinyre: —Wanyrĩ, Hedu mahãdu we sòwekre aõbo? ²⁴ Jesuisi tamyreny narybede: —Bexityhinybenyke ijòya-di birònybenykemy. Sòwemy iny tahe ròtemy reakre tahe ralòòhykre. ²⁵ Hãbuò kie taheto ijòtòbòna ritòbònyre. Iu kaiboho uritere bydriydenykre: —Wanyrĩ, aralòrenyke ini. Kiata tii anawyònydenykre: —Tiludubo toite, araeryrenyòre. ²⁶ Kamy ta bidiwyònydenykre: —Inybohòle riroximy roiremyhĩ. Wahãwãreny-ki tòbedeerydỹĩmyhĩ. ²⁷ Ixityre anawyònydenykre:

—Boibenyke aõbina bina widỹĩdu.

Tiludubo toite dori reerykòre. ²⁸ Deuxu iòlò-ki Abraõmy, Ijaimy, Ijaòm, tule ibutumy Deuxumy rybedu mahãdumy bobibenykreu, kaiboho malòbenyòtyhy. Tai hii, ibru, jumytata rĩkre. ²⁹ Iny ibutu bede bede-ribi, Ibòò-ribi, Iraru-ribi, Biura-ribi, Beà-ribi Deuxu iòlò-ò hãwãmy. ³⁰ Kiaremy ta, koludu mahãdu heka ibutuhewomy kedeakre. Ikòmtya, hewoludu mahãdu, koludumy kedeakre.

³¹ Iu ta fariseu mahādu Jesuisi-ò narybedenyde: —Mahenyke, Herodi dori arubudŷŷmy araijereri. ³² Jesuisi dirawyònyde: —Bòòsebenyke kamy ijòrò-ò marybebenykre: —Jiarŷ tytybybina iny-ribi retareri, tule ròteytedŷŷreri wiji biurasòmy. Ijò txumy ta waaòmysŷdŷŷna arihukre. ³³ Kiaremy ta kia rewinyreri arihukre. Deuxumy rybedu dori Jerusalē hāwā-ki sohojile rurukre, iwitxira hāwā-ki ta aòkòre. ³⁴ Jerusalē, Jerusalē hāwā, amahādu heka rirubunyrenyre Deuxu rybedu mahādu wahe. Iwese hānie тариòre ributunymyhŷre wese terawo-ò, kia wesele arayrubunykeny rexinohòtynyre tahe kaiboho terarenyre. ³⁵ Aheto-ribi heka Deuxu rexitakre. Kaheka ararybekre adeereny: —Wamy heka bobiòtyhy ixityre. Tiutxumy kamy bexirybenykre bede-ò, myŷ: —Deuxunimy nodu awityhy heka rare. Kiaule wamy bobikre.

14

¹ Sabadoŷu Jesuisi heka fariseu mahādu wedu mahāduò heto-ò ralore roximy. Tahe iny idi retehemyhŷreny. ² Iu inyò taruti, tadera-di tari-tari-di tamy dehemynyde. ³ Tahe Jesuisi narybede bede ywina erydŷŷdu-ò, fariseu mahādu-ò: —Sabado txuu deytedŷŷwe awire aòbo, aòkòre aòbo. ⁴ Tiiboho rirawyonyòhyre. Tahe Jesuisi hābu riteytenymy bede riywinyre iribi tahe riòlòdŷŷnyre. ⁵ Ixyby narybede Jesuisi: —Txibo kaiboho ariòreò ada abroreniò hāloo-txi resekeki, bitabenyke Sabadotxu hārele. Aòhe inatyhy. ⁶ Tiiboho rirawyonyòhyre.

⁷ Tahe Jesuisi roxidu mahādu-di retehemyhŷre. Tiiboho dori rynana wihikŷ-txi rononymhŷreny. Tai kamy tamyreny rarybere: ⁸ —Txibo inyò bedesanaò araarikeki. Uritere ryanawi-ò rŷòmykre. Txibo dori inyò aratyre ityhy kanake lau. ⁹ Tukeki bedesa dinodu inyò aratyre-ò arynana-txi ronykeny adee kanarybekre. Tai tahe maixŷrumy rynana bina-ò bonykre. ¹⁰ Kialemyta inyò araarikeki, rynana bina-txi bonykre. Tahe bedesa dinodu adee kanarybekre: —Wy, katxi bodonyke ryanawihikŷ-ò. Tai tahe kai mabedesakre ibutuko-ò. ¹¹ Tahe ixityhydŷŷdu mahādu uritere reakre. Kòmyta uriixi dinodu mahādu rawowydykre.

¹² Tahe Jesuisi bedesa dinodu-ò rarybere: —Txibo roxina biwahinykeki, uritere asŷ mahādu, aery mahādu, ityhy mahādu aarixiòmykre. Urikò-ribi iwese teariteri wese araariheny. ¹³ Tukòmyta roxi biwahinykeki, uriteremy rŷira mahādu, iny tiere mahādu, iny ruetà mahādu biarikre. ¹⁴ Tai adeysatyhymy mabekre. Tiiboho dori tiu ixiwesemy araariòtyhy. Deuxu tahe aòwydŷŷdukre iu bede awikreu.

¹⁵ Ijò roholare Jesuisi rybe tai tamy rarybere: —Deuxu Iòlòna-ki, òwòrubese rŷidu mahādu reysamy rarekre. ¹⁶ Tahe Jesuisi rarybere: —Inyò roxina nihikŷò riwinykeny ratxireri. Sòwemy iny ritobinyre. ¹⁷ Rexihumy rŷireu, teòdu mahādu bede riywinyre iny kididykremy. ¹⁸ Sohoji sohoji tahe tarybe tamy riwahinyre. Ijò taoworu tŷmyra-ò reteheke. Ijò kanaòtyhy heka. ¹⁹ Ijò tahe broreni debòitue riòbranyre tai riurihikreki kanaòke. ²⁰ Ijò tahe hāwyy herinamy rexihumy rŷire tai kanaòke. ²¹ Teòdu tahe ròòsera tawedu-ò tamy relyyre. Tii reburere tahe rarybere: —Wylemy makre ibutury-di hāwā-ki. Ibutumy iny witxira witxira bididyke, iaòkò mahādu, itiere mahādu, ruetà mahādu wahe. ²² Iribi tahe teòdu ròòsera rarybere: —Ibutumy rewinyre wawedu, tahe heto rŷixiòmy rŷire. ²³ Tahe iweddu ixybymy bede riywinyre hāwā-ribi ibryrari-ò iny kididykeny: —Aruru-di bididyke, waheto dori

rỹximy rỹirakremy idi watxireri. ²⁴ Juhuu watobidỹỹna mahādu warỹsỹna riurihiōtyhy.

²⁵ Iu sōwemy iny Jesuisi heludumy roire. Tai Jesuisi tamyreny rarybere: ²⁶ —Kaiboho aōbo inatyhymy waluu mahādumy toite. Tuu tarybeta. Tahe boluu, adiluu, ahāwyyloo, ariōreluu, aseriōreluu, ixiluu ratyre waluuōkeki, wamahādumy aōkō boibeke. ²⁷ Inyō riwaheludunyemy ratxireri, tii juhUU taixēō riwyykre. Kialemy tahe riwaheludunye inatyhymy. ²⁸ Inyō heto rare riwinykemy ratxikeki, juhUU iōwy-di rōhōtinykre. Inieru rimykeki tahe riwinyke, aōkōkeki tahe riwinyōtyhy. ²⁹ Tii tuu rōhōtinyōkeki, tii ibutelemy riwinykre tahe inieru ituereu, ibutumy iny idi risinykre: ³⁰ —Tii taheto rarei ritelenyre tahe rexihuōtyhy. ³¹ Iōlōō wou riwinykeki, juhUU taaōbinadu mahādu-di rariamyhỹre. Idi rōhōtinyre. Ijō iōlō wawio mil soldadomy ijōdikeki, tahe tii debōwio mil ijōdikeki, tahe wou riwinyōtyhy. ³² JuhUU tahe teōdu riteōnyre ijō iōlō-ō ireheribile tii-wana wou iāwidỹỹmy rarybekemy. ³³ Akireny tule iweselere. Ibutumy aaōna aōna biriōbenykeki, waheludu mahāduōmy boibeōtyhy.

³⁴ Saa heka aōni awi rare. Tatxuberere rexihukeki tahe turibi iāwike. ³⁵ Tai tahe suurina-ki ahirana silỹna binakōki awiōhōtīdirenkyeki boholabenyke warybe-ō. Suō awiōre, tule ahirana bitōbōnykemy awiōre. Urile idi behuke. Kaiboho ōhōtīdirenkyeki, boholabenyke!

15

¹ Idi nieru tarasadu mahādu sōwemy tamy roholamy doide. Tule ijō iny ōrarudu mahādu rehemynyre. ² Fariseu mahādu, tule bede ywina erydu mahādu kawesemy rarybere: —Kahābu ibinare. Tii ōrarudu mahādu-wana riroximyhỹre, iny iehewe-wana.

³ Idi Jesuisi rierynanyre ijyy-di rawesenanyre. ⁴ Kaibohoō ōsana 100 budoeni ijōdire. Sohoji heka iy-ribi iōre. Kai aōbo makre ijesemy? Kohe, iuhe, 99, birike bedero-ki tahe biōryhyke. Aōhe inatyhy? ⁵ Mahakre wana tahe eysamy atxikre. Tahe bidyke iuhe-ō. ⁶ Taheto-ō rehemynyreu, tasỹ mahādu-ō tahe ritobinyre: —Wawana ini kỹny bedeysabedenyke. Wabudoeni-ki rahara, iōreō wahe. ⁷ Iwesetyhylemy taheka adee reerymahāre iny ōrarudu mahādumy. Iu sohoji iny rexirahīkeki, biu-ki deysana sōwemy rỹikre. Iny ōbiti 99my tahe urihimyo biu-ki deysana rỹikre.

⁸ Ijō Jesuisi relyyre: —Hāwyyō ōsỹny womati ura nieru debōwio dire. Sohoji iōre-wana, tii riijeke inatyhy? Loosōna ritoonyre, iube riwysynyre, sōwemy riijeke ihyyemy tahe tai rahara. ⁹ Tii itxi reakreu, reysamy rỹira. Iu tasỹ mahādu ritobinyre: —Wawana inihe bedeysabedenykre. Wanieru-txi dokuri rahara. ¹⁰ Jesuisi tahe ritỹnyre: —Iwesetyhyle biu-ki rare. Deuxu j̄ju mahādu reysamy roirenyre, sohoji ōrarudu rexirahīreu.

¹¹ Ixyby tahe Jesuisi narybede: —Hābuō iriōre inatxire. ¹² Tiutxumyta ihelỹỹna tyby-ō rarybere: —Waha, ibutumy aōna aōna burukreu wadee rawahikre, wijile bīdiwahinykre. Tyby tahe iaōna aōna jura tamy riwahinyre. ¹³ Iriōre helỹỹna tahe ibutumy taaōna aōna-di rare irehe-ō, iwitxira bedehāwā-ō. Tai aōbina binale riwinyamyhỹre. Ibutumy tanieru tai rahara. ¹⁴ Taaōwiwi rahu-di ta, tai rama ibede mahādu rahumyhỹre. Tii uritere reamyhỹ wahe. ¹⁵ Tahe aōmysỹdỹỹnamy rarunyre. Hāwāduō tahe taixỹniōwedỹỹdumy bede riwinyre taoworu-ō. ¹⁶ Tai rama risamy ta ixỹni rỹsỹna rỹsỹmy rexinohōtinyre. Tahe aōkōre. ¹⁷ Kia tahe tōhōti deade.

Kamy dextrinohōtinyde: —Yla aōkō waha aōmysydydydu mahādu irysynadiri iwana jiarý kaki rama warubudydymeri. ¹⁸ Ixyby aròosekre. Kamy Waha-ò arexirybenymy: —Waha, Deuxuko-ò ako-ò rexiitxytenyre jiarý raòrarunyre wahe. ¹⁹ Ariòre wese aōkōmy wadi mabeke, waitxyte òraru-ki. Aaōmysydydydu mahādu wese ta ararekre myý tii rōhōtiny. ²⁰ Tii tahe tyby heto-ò rare. Irehemy nadeò, tyby tuu dōbide. Idi rexiwobrunymy tamy rajjaranyre iwehityhdydydy. ²¹ Tahe tii narybede: —Waha, Deuxuko-ò, ako-ò rexiitxytenyre jiarý, raòrarunyre wahe. Ariòre wese aōkōmy wadi mabeke, waitxyte òraru-ki. ²² Iule ta tyby teòdu mahādu-ò rarybere: —Wylemy tyywihiký tymyra-di bitynybenyke. Debòò tebò-ò roikre. Waò-di rawanykre. ²³ Tasýse broreni riòre dedi birubunbenyke. Idi rikiroxirenykemy rekeysarenykre dori. ²⁴ Wariòre dori rubu-ribi wese rexixara. Ikò-ribi itxi ijara rýira. Tahe rawobedesarenyre. ²⁵ Iwana ta iumydelatahetoreny-ò dehemynymy nade taaōmysydydy-na-ribi. Tahe wobedesana-ò roholamy. ²⁶ Tahe deòdu-ò narybede: —Aòhereriwe. ²⁷ Dirawyònyde: —Ahelýýna kie ròòsereri aòhe rotýýnyòhyylemy. Tai boo broreni rirubunya. ²⁸ Iumydelatai reburere ròte deramy reare. Idi tyby tamy nade riròtenykemy. ²⁹ Tahe iriòre dirawyònyde: —Aòhe òhòkò adee raaōmysydydynymyhýre. Ibutumy arybe retyhynymy watx-imahāre. Ihāreta budoeni wadee tewahinyòhyymyhýte, wajoi mahādu-wana idi arexideysanykemy. ³⁰ Katahe ariòre urile aònawii rahura wedena mahādu-wana. Ròòsemyta kai broreni riòrede tamy terubunya. ³¹ Tai tyby dirawyònyde: —Wariòre iny ratximyhýre kiaremyta ibutumy waaòwiwi heka ahòròle rare. ³² Iny bedesarenymy heka kawese rewinyre, wadee awireki. Ahelýýna dori ruruwese-ribi rexixara. Ikò-ribi itxi ijara rýira. Tahe rawobedesarenyre.

16

¹ Jesuisi taerydydy mahādu-ò relyyre ijyyò: —Hābuò inieru sòwere. Tamy deòduò ibutumy inieru-di raaōmysydydyre ijò nieru ributunykemy. Ijòtxu tahe inyò rarybere: —Eòdu riki heka anieru-di òbitimy aōkō raaōmysydydyymyhýre. Anieru sòwemy rexihumyhýre. ² Tahe didyde ixidee taconta retehekemy. Tamy rarybere: —Inatyhymy aòbo umy iny rarybemyhýre? Wanierumy tyyriti aretehekemy watxireri. Òbitimy aōkòkeki, waribi arateònyke. Wanieru-di tiu maaōmysydydynyòkre. ³ Tahe teòdu iximy rexiraykynyre: —Wadinodu riwateònyke. Aòhebo arotýýnyke? Warurukòre dori tahe aōmysydydyisira ariwinyòtyhy. Tule ijò iny-ribi iixitòedydy na riwaixýrure. ⁴ Reeryre tahe, aòhebo arotýýnykemy. Aòwiwihiký wabiòwa dee ariwinykre. Riwateònykeki tahe wabiòwasý-ò arakre. ⁵ Ibutumy nieru huòtedu mahādu-wana rarybere, tawedu-ribi huòtedu wahe. Tamyreny rarybere: —Tiwesebo tewyta wawedu-ribi? ⁶ Tahe diwyònyde: —Adýý rehuòtera, 100 hynamy wahe. Tai tahe rarybere ijò: —Iwekre tahe wylemy biritinyke, 50 wahe. ⁷ Ijò-ò tahe rarybere: —Tiwesebo adeve? Diwyònyde: —Trigo rehuòtera, 1000 prato wahe. Tai tamy rarybere: —Kai 800my biritinyke. ⁸ Iribi tahe hābu ityhy heka teòdumy rarybere: —Tii inatyhy nieru erydu ratxireri. Tahe Jesuisi rarybere: —Kabede wijinabòdu mahādu heka aōmydydyñana erydutyhy rare, ityhydydydu mahādu ratyre wahe. ⁹ Tai tahe adee ararybekre. Kabede mahādu biòwamy boibeke, anieru-di. Tahe anieru ituekeki, Deuxu taheto wiwihiký-ò aradykre, biu-ò heto wiwihiký wahe. ¹⁰ Aōmydydyñana aō aōkōmy kai òbitimy masýnykeki, tule aō nihikýmy kai

iweselemy mabeke. Inyō heka ibutemy wasikeki, tii tule aō nihikỹmy rawasinykre. ¹¹ Kaiboho heka kabede nieru-di òbitimy aōkō atxibenykeki, tule biu-ki araròsòna bitaòtyhy, aō wiwihikỹ inatyhy wahe. ¹² Iny witxira nieru-di heka òbitimy boibebenyōkeki, timybo anieru tyhy-di òbitimy boibeke. ¹³ Inyō iny inatxi deòdumy aōkō rarekre. Inatxinaō dori iluukre, ijō ta iluukōkre. Deuxu dee maaōmysđđỹòtyhy. Tiu nierurahi inatyhymy teamyhỹteki.

¹⁴ Fariseu mahādu tamy roholareu, urile idi nierurahi risinyrenyreny, tii-boho ire nieru ributunymyhỹrenyreny bōđỹlũurenyreny. ¹⁵ Tahe Jesuisi tamyreny rarybere: —Kaiboho heka òbitimy inyko-ò ixi-di atximahātenyteny. Ihāre tahe Deuxu timybo toimahāte rierymyhỹre aōna aōnarenny bina. Aōmy hābu rex-inohōtinymyhỹre, aōtxi-ki Deuxu-ò awiōhyyre. ¹⁶ Moisesi bede ywina rybe tahe tule Deuxu Rybedu mahādu awi rare, Joaō Sebedỹđdu rehemyrenyreny tahe ixāwire. Iu tahe Deuxu Iòlòna Rybe wihikỹ tamyra rōhònyre. Kia tahe iny ritohodỹnyreny. Ibutumy iny kia-ò ralokremy idi ratxireri. ¹⁷ Biu, bede rexihuke tahe isiraōre. Deuxu rybe tahe rexihuòtyhy. Kia isiratyhy rare. Ityriti rybe wedenaō riònonyòtyhy. ¹⁸ Hābuō tahāwyy-ribi ixāwikeki, idi iwitxira-wana roiikeki, tii òtadu rare. Hāwyy ixedu-wana tii roiikeki, òtadu rare.

¹⁹ Ityhy mahāduō riki tyy òwyhykỹwiwi-di rexitynynymyhỹre. Tii idi rexirabedesirananyymyhỹre. Awimyhỹre tuu ratximyhỹre. ²⁰ Tahe urimyn-odu tyymy binadumy iijò-ki ixyby ixyby ratximyhỹre. Lazaru inire. ²¹ Tii ityhy rỹsỹnauhe rirỹsỹkemy raòbirenymyhỹre. Ijòròsa dori itybinatòmy di-rahumyhỹde. ²² Lazaru rurureu, ýju mahādu ridyrenyreny biu-ò ilabiereny rora-ò, Abraō wahe. Tule ityhy rurure idi rituunynyrenyreny. ²³ Tahe rubu-ki rubu mahādu bedebina-ribi aōhōkỹmy đỹynana ityhy Abraōmy robire irehe-ò Lazaru tule irora-ki. ²⁴ Tahe ityhy dyryde: —Abraō, walabie, wadi inihe bedexiwoboronyke. Lazaru ini wadee tebò-ki beruty-di kanake wadòròtò elehynamy. Jiarỹ dori raòhỹtỹhỹtỹreri kaheòtywo-ki. ²⁵ Tukòleta, Abraō narybede: —Dāa aōwihikỹ-di tatemyhỹ-di bexinohōtinyke. Tukòlemtya Lazaru aòbina binahakỹle rimyre. Tahe kaki aōwimy Lazaru ratxireri. Tukòmyta kai ibymy atxiteri. ²⁶ Ihāre ta hāloohukỹ inyko-ki rỹire. Timyki kaludu kia-ò iòhòreseòna. Tule kia ludu kaò iòhòreseòna. ²⁷ Hebose, Abraō walabie, kamy ityhy narybede, Urile Lazaru wasỹ-ò biteònykeko aòbo. Waseriòreboho deòwarisidỹmy. ²⁸ Waseriòreny dori iruyrerenyreny urikò-ribi kabedebina-ò kòdòiheny. ²⁹ Tahe Abraō diwyònyde: —Tiiboho dori Moisesi tyyriti, Deuxu rybedu mahādu tyyriti dire. Tii tahe tamy roholarenymy rityhynyrenyke. ³⁰ Ityhy narybede: —Aòkòre Abraō walabie. Kia inyò tarubu-ribi rexixamy ròsekeki xiery ta, taòarunarenny-ribi rexirahirenyke. ³¹ Tahe Abraō dirawyònyde ixyby. —Moisesi tyyriti rybe-ò, Deuxumy rybedu mahādu rybe-ò roholaòkeki, tii mobo rexixake tule ityhydỹđña.

17

¹ Tahe Jesuisi taerydỹđña mahādu-ò rarybere: —Kiemy inyō wodohonadỹmy aradykre òraruna-ò besekemy. Kobe làhàxe tii kiawesemy rotỹnykreki. ² Tii dori ibinatyhy rare. Wadee heka kabera-txi mana-di rataataamy sỹ-ò reakenawi rare. Tukòmy uri-ribi watyhydỹđđu tỹmyraò riòrarudỹnyheny. ³ Bexiihebenny ta. Aityhydỹđđu seriòre rexìòrarunanykeki, tamy marāhike. Tii rexirāhikeki, iaòna aòna bina-ribi bexinohòtilosanyke.

⁴ Txu sohojiõmy adee rexibinanykeki, kai tule ibinamy tai mahamy. Tii ixi-di rexiwotõenymy adee nakeki, tule idi bexiwobrunymy bexinohõtilosanyke iaõna aõna-di.

⁵ Jesuisi erydõõna mahãdu dexitõenydenyde: —Wanyrõreny, wainaty-hynareny ini bisõwedõõnyke. ⁶ Jesuisi dirawõnyde: —Ainatyhynareny heka sunysisõmo wesekeki, kamy bederarade-õ marybebenyke: —Bexitake inihe idi bera-txi myike. Tahe tii aratyhynykre. ⁷ Titxibo kaibohoõ eòdudirenykeki aoworu-di itxeredu ada budoeni-di itxeredu wahe. Tii taaõmysõdõõna-ribi kanalokreu, kawesemy aõbo tamy manarybekre? Wy, wylemy rikiroxikre dori. ⁸ Timyki kawese tamy arybeõna. Tukõmyta tamy marybeke: —Warõõsõna biywinyke idi wadee, idi manakre. Ariroxikre dori. Wabyre arihu-di ta bexiõenykre. ⁹ Teòdu deòdumy rearahu-di aõbo, txiòòetuukemy tamy rarybere aõbo. Timyki tukõna. Kiemy dori taaõmysõdõõnale riwinyre. ¹⁰ Iu aõmysõdõõnareny bihudi, iwese heka atximahãbenyke kamy bexiybenymyhybenyke: Inyboho deòdule roire, aõtyhy aõkõ mynodu, iny aõmysõdõõnarenyle heka inyboho riwinyrenyde.

¹¹ Jesuisi Jerusalẽ hãwã-õ ramyhõreu, Samaria bedede, Kalileia bedede wotyã-di rare. ¹² Iu hãwã-õ txi raloreu, debo ituemy sõwereny tyymy binamy mahãdu iry-õ doide, tahe irehemy rexierenyde. ¹³ Iribi tamy dyrydenyde: —Jesuisi, Erydõõdu, wadireny ini bexiwobrunyke. ¹⁴ Tureny robireu, narybede Jesuisi-õ: —Xiwenã wahidõõna mahãdu-õ ixi-di itxerenamy bõike. Kia-õ rariamy roirennyre, tahe reyterenye. ¹⁵⁻¹⁶ Ijõreny Samaria ludu mahãduõ reytemy iximy robireu, Deuxu riwowydõõnny tamy dõõsede, rawiunymy. Tatiowomy Jesuisiko-õ resere. Tahe rarybere: —Txiòòetuuke. ¹⁷ Tahe Jesuisi ritõõraxyre: —Debõ itue wese, asõwerenyre? Titxibo ta debõ in-aubioiwaboho roire? ¹⁸ Aõherekiwe kaa iny witxira sohojile Deuxu wowydõõnny dõõsede, Samaria luduõ wahe? ¹⁹ Tahe Jesuisi tamy rarybere: —Mynyke, idi makre. Atyhydõõna õraru-ki dori teyteta. ²⁰ Idi fariseu mahãdu Jesuisi-õ rõõraxyre: —Tiubo Deuxu Iolõna kanakre? Tii diwyõnyde: —Timyki Deuxu Iolõna dehemynysõnny inyõ robiõtyhy. ²¹ Tule inyõ kiau rarybeõtyhy: —Betehebeny inihe ka-õ: —Tukõmy aõbo: —Kowaki heka rare? Deuxu Iolõna dori aworeny-ki rare.

²² Tahe taerydõõna mahãdu-õ rarybere: —Tiutxumy heka Deuxu Riõre Hãbutyhyhykõ txumy bobibenykemy tahe bobibenyõtyhy. ²³ Tahe ijõ adeereny kanarybekre: —Bedetehebeny inihe kaõ ada kowa-õ. Tahe iitxerenyõmykre. ²⁴ Iwese tiribi tiõ biu relaanyhyhyre wese heka Deuxu Riõre Hãbutyhyhykõ txu kõnykre. ²⁵ Delemy tahe tii aõhõkõmy rotõõnykre. Wijinabõdu mahãdu teramy reakre. ²⁶ Noe bededõõnana wesemy heka rõmyhykre. Iu beõra rariareu. Tahe Deuxu Riõre Hãbutyhyhykõ kedehe-mynykre iu. ²⁷ Ibutumy heka worana bedehesi rõire. Lisisõ tahe rõire. Hãwyy herina lisina rõire iu. Iu tahe beõra rariare. Ibutumy ituere. ²⁸ Lõò bededõõnana tule iwesere. Tiiboho worana bedehesidile rõire. Tiiboho ri-tyhynyõtyhy. Urile hetomy riwinymyhyre, oworumy riwinymyhyre, aõna-di rohonymyhyre. ²⁹ Iu tahe Lõò ihãwã-ribi rõhõnyre, Deuxu heõty ityre riteõnyre. Biu-ribi heõty ityre resere enxofre-wana. ³⁰ Iwesele txu tii heka rareke heka, Wadehemynna Deuxu Riõre Hãbutyhyhykõ wahe. ³¹ Kiau tahe inyõ ihetotyre heka rõire. Malõkekõ heka ahetowo-õ aõnamynny. Inyõ tule oworu-ki rõire, taheto-õ aõkõ rõõseke. ³² Lõò hãwyy-di mohõtinyke. ³³ Inyõ taumy riyrubunykeki, tii ruruke. Ijõ tahe wadeewimy rurukeki, tii taumy

rayrubukre. ³⁴ Adee rarybere: —Bede rurureu heka inatxi hābu rōrōreri. Ijō heka rakre dynamy reakre. Ijō tahe rarikre. ³⁵ Inatxi hāwyy heka rŷsŷna-di raaōmysŷdŷŷnmy heto-ki ratxikre. Ijō heka dynamy reakre, ijō heka rarikre. ³⁶ Inatxi hābu heka oworu-ki raaōmysŷdŷŷkre. Ijō heka rakre dynamy reakre, Ijō tahe ririkre. ³⁷ Ierydŷŷna mahādu rŷŷraxire. Titxibo rŷikre, Wanyrŷ? Tii rirawŷōnyre: —Titxibo iumy rubu roire-wana, rara tai wii ributynyre.

18

¹ Jesuisi heka ròkewesenanyre ribedeerynyreu. Kia wese heka tii ijyymy relyyre. Rexitōenyhykemy tii ribedeerynyre tule ixitōedŷŷ-ò ixirarenyōmy. ² Hāwāō-ki tahe hābu matuariō rare, tii tahe ibinare. Juizimy heka ratx-imyhŷre ywisidŷŷdu wahe. Tii iny rityhynyōtyhy, Deuxu lau ruberuōmyhŷre. ³ Tule heka hāwyy wyteseō tai rasŷnymyhŷre. Kia tamy ramyhŷre sōwemy. Tamy rarybera: —Biwawikōhenakykre wahe. Wakòludu tahe riwahureri. Kywisidŷŷdu kai atxiteri. Anoherekibo tiwawokutōdenykōteri. ⁴⁻⁵ Aōòhòkōmy hābu iaōna aōna òbitidŷŷ deramy reamyhŷre. Tahe Hābu ixidee rarybehyyra. Inatyhymy jiarŷ inyō retyhynyōtyhy. Tahe hāwyy wytese sōwemy wadee rarybereki, jiarŷ ariòbitinykre iaōna aōna ibutumy iòludu-wana. Aòkòkeki tiemy kidiwarulòlōdenyke. ⁶ Tahe Jesuisi ritŷnynyre: —Juizi bina rybe-ò kaiboho boholabenyke. My wahe. ⁷ Deuxu heka taijoi mahādu-ò roholake. Òbitimy iòludu-di riywisinykre. Taijoi mahādu dori tamy rexitōenyre. Tii wymy riwiòhenanyke. ⁸ Tii inatyhymy taijoi mahādu riwiòhenanykre. Jiarŷ, Deuxu Riòre Hābutyhyhykŷ wymy adehemynykreu, watyhydŷŷdu-txi aōbo areakre.

⁹ Tule Jesuisi kia ijyy relyyre, iny ixityhymy ixi-di ratxityhymy kia ijō inymy kiale radònymyhŷre. Kia tahe rikewesenanyre. ¹⁰ —Iny inatxi hābumy heka templo-ò ròirenyre rexitōenykemy. Ijō fariseu rare, ijō tahe nieru arisidu rare. ¹¹ Fariseu tahe rŷimy rexitōenykemy ixidee. My wahe: —Deuxu, jiarŷ aōhābubina aòkò rare. Tai tahe umy realāmy wahāre. Jiarŷ aōwasidu aòkò, aòòrarudu aòkò, aòòtadu aòkò. Iwese kowa nieru arisidu wese aòkò jiarŷ rare. Txiòòetuuke tai. ¹² Semana sohoji heka wabyreò-di inatx-itxumy rewymyhŷre. Tule waaōna aōna ibutumy ijura adee rewahinyre. Debòwìona-ribi sohoji rewahinymyhŷre wahe. ¹³ Nieru arisidu tahe irehemy rŷire. Biu-ò aòkò retehere, tahe rexihetenyre rexitōenyrerimy Deuxu-ò. My wahe: —Deuxu, biwawotōdenyke. Jiarŷ òrarudu rare. ¹⁴ Jesuisi ijyy ritŷnynyre: —Adee ararybekre. Mobo teysamy taheto-ò nade? Ixityhydŷŷdu aōbo ada ijō aōbo. Kohe ijō tuure, ixityhydŷŷdukò wahe.

¹⁵ Tiiboho heka uladu tamy didydenyde. Iu Jesuisi tebò iratityre ritidimy ritxuhore awimy roirekemy. Tahe ierydŷŷna mahādu tamy idyrenyòkremy raryberenyre. ¹⁶ Jesuisi rarybere: —Txiò, kididyke uladu wadee. Uladu wese dori Deuxu Iòlòna rare. ¹⁷ Inatyhymy ararybekre: —Moò heka uladu wesemy Deuxu Iòlòna rityhynyòkeki kia heka Deuxu Iòlòna-ò ralòòtyhy.

¹⁸ Idi tahe iweduò rarybere: —Erydŷŷdu wihikŷ, aōwexe ariwinykre idi biu-ò arahenykre. ¹⁹ Jesuisi tamy rarybere: —Aōbo wa wihikŷmy wadee tarybeta. Hābuò tiu awiòre. Deuxu sohojile tahe awira. ²⁰ Bede ywīna tyryiti kai teeryte:

—Rubudŷŷòmykemy, tule òta òtaōmykemy, wasiōmykemy, tule ruiōmykemy, iny wii itxenadŷŷòmykemy, adi biywinykemy, boo tule.

²¹ Hābu tamy rarybere. —Kia bede ywina rybe retyhynyhyylere, uladudi-hyyle wahe. ²² Jesuisi rarybere: —Kai sohoji aōmydŷŷnale aki nasiranyde. Kai makre, ibutumy aōna aōna-di bohonykre, idi tahe kia nieru biwahinykre iny aōkōdu mahādu-ò. Kia tahe aōmydŷŷnadikre biu-ki. Tahe manakre biwaheludunykre. ²³ Kia rybe-ki heka hābu rabadewore. Rexitare ibedewomy iaōna aōna sōwetyhyreki. ²⁴ Jesuisi retehemy ibederyry-di tahe rarybera taerydŷŷna-ò: —Kia iny iaōna aōna sōwemy rŷireri, Deuxu Iòlòna-ò ralòke isirare. ²⁵ Kamelo tyyrorenawo-di ralòkemy isirakeki, kia-ribi isiratyhyre iny iaōna aōnadikeki ralòke Deuxu Iòlòna-ò. ²⁶ Ijohonadu tahe widee rarybere: —Mobo tai biu-ò hedukre. ²⁷ Jesuisi rarybera: —Inatyhymy kōaōboka hābu-ò isiratyhyre. Deuxu-ò tahe ibutumy aōna aōna isiraōre. ²⁸ Pedro rarybere: —Boholake, jiarŷboho ibutumy rerirenyra araheludunykremy. ²⁹ Jesuisi rarybere tamy: —Inatyhymy adeereny ararybekre. Moō waluukeki, rybewihikŷ luukeki, kia heka ririkre: heto, taseriòre, tyby tadi-wana, tariòre, tabede, ibutumy waòraru-ki, Deuxu Iòlòna òraru-ki, ririkre. ³⁰ Ka bedekile ritakre sōwetyhymy ibutumy aōna aōna. Ihāreta biu-ò rahenykre Deuxu-wana rasŷnykemy.

³¹ Jesuisi taerydŷŷna mahādu ridyre inysōwe-ribi tamyreny rarybekemy: —Boholabenyke wajioi! Jerusalē-ò rokoirenykre. Tai iny riwarubunykre jiarŷ Hābutyhy rarehāre, Deuxu Riòre rarehāre wahe. Iwese Deuxu Rybemy rybedu mahādu rarybere wese. ³² Tiiboho riwawahinykre judeukōdu mahādu-ò. Tiiboho riwabinabinadŷŷnykre, riwalahikre, watyre rarybexinykre. ³³ Riwahetenykre òhòte-di, idi riwarubunykre. Ihāre tahe inataō txu-di tahe adexixakre rubu-ribi. ³⁴ Jesuisi erydŷŷna mahādu urile bederiòtiinyreny. Aōmybo tii rarybere rierytyhyōreny. Irybe tamyreny dori ierynatyhykōreri.

³⁵ Iu Ijeriò hāwā-ribi iòhòmy roirenyreu, inatxi iny ruetāmy heka ronymyhy Jesuisi ibire-di rareu. Tiiboho nierumy rexitòdenymyhyŷreny. ³⁶ Inysōwe-ò roholarennyreu tahe, tii rŷŷraxirenyre: —Aōhereriwe. ³⁷ Tahe tamy rarybere: —Jesuisi wa rareri Nazare hāwā ludu wahe. ³⁸ Tahe ruetāō rryre: —Jesuisi, Davi riokore! Biwatòenyke hewa! Wadi làhà inihe bexiruxetòenyke. ³⁹ Iny sōwemy tamy rarybere: —Iryōmyke! Ihāre ta tii rryrymyhyŷre: —Davi riokore, wadi mawotòeke! ⁴⁰ Jesuisi riyyre tahe rarybere: —Tamy byryke wadee kanakemy. ⁴¹ Jesuisi tamy rarybere: —Aōmybo kai taruteri adee arutŷŷnykremy. Tahe hābu ruetāhàkŷ tamy rarybere: —Wawedu, ixi-tyre arobikremy. ⁴² Jesuisi tahe tamy rarybere: —Makre, atyhydŷŷna kai arateyteny. Kialehe rare. ⁴³ Aōwesele ixityrele tii robire. Tahe Jesuisihemy rare ryy-di. Taihe ibutumy iny heka Deuxu riwowydynymyhyŷ.

19

¹ Ijeriò hāwā-ki Jesuisi rehemynyre. Idi rariareri. ² Tahe hābuō tahe Jesuisi riere. Zaqueu inire. Inieru sōwere. Tii nieru tarasadu weduō rare. Inieru sōwere. Tii heka iyjare tahe Jesusimy robiòtyhy. Raòwònyre tahe òwòru-txi. ³ Tii Jesusimy robikemy risŷnymyhyŷ, tiu tuu robiòhyymyhyŷreki. Iyjare-ki tahe rexisiranyre. Kiemy dori iny rarie rarie iko-ki rŷimyhŷ. ⁴ Tahe ijoiko-ò rexi-raòre tai òwòru-ò raòwònyre Jesusimy robikemy iribi idi kanakreò. ⁵ Iu Jesuisi tamy rehemynyreu, biu-txi retehemy Zaqueu-ò. Narybede: —Wylemy bedeseke Zaqueu. Wiji dori aheto-ki bede wadi rŷike. ⁶ Tahe rabedesamy wymy resere. Awimy Jesuisi rybe-ki rahare. ⁷ Tahe inyò mahādu iòraru-ki

kamy rexirybenyreny: —Aôhewe Jesuisi iheto-ò rara? Tii iny òbikômy nodu hârele wahe. ⁸ Zaqueu tahe Jesuisi rarybere: —Bodoholake ini, Wanyrÿ. Tahe waaôna aôna iwekre iaôkôdu mahâdu-ò ariwahinymy ararekre. Tule txibo inyô-ribi rowasire inaubiôwa wawasi ratyre tamy ariwahinykre. ⁹ Tai Jesuisi narybede: —Wijityhyle kahâbu sÿmahâdu-ò henana rehemynyra. Kahâbu tule Abraô riore riôre rare. ¹⁰ Deuxu Riôre Hâbutyhyhykÿ dori iny ôrarunamy resere mahâdu ôrysmy itarasamy nade. Jiarÿ tiire.

¹¹ Jesuisi tamyreny rawesenanyre timybo Deuxu Iôlôna raremy. Jerusalê hâwâ-ò iôhômÿ ratximyhÿre. Tai tahe Deuxu Iôlôna iôhômÿ ratximyhÿremÿ roholare. ¹² Tahe Jesuisi rarybere iny ityhyô heka: —Inyô nihikÿ heka rakemy ratximyhÿre ijô bede-ò ratÿinykemy. Tai iôlômÿ ronykremÿ rare. Iribi tahe rôdôse. ¹³ Tii tahe taaômysÿdÿÿnana ririre teôdu mahâdu-ki. Teôdu mahâdu debôwiômÿ heka womati tÿrÿrÿhÿkÿ nieruô sohoji sohoji tamynyre riwahinyre. Tamyreny rarybere: —Nieru bitakre, idi bibutunybenykremÿ adireny watxireri adooskreu. ¹⁴ Tahe kia bede ludu mahâdu iôlô deramy ratximyhÿre tai tahe tamy rybemy iny mahâduô riteônyre: —Kahâbu aôkô iny iôlôrenÿ ronykre. ¹⁵ Ihâre tahe iôlômÿ ronyre. Idi tahe tanieru wedu mahâdu-ò rarariôwyre. Tiwesebo teôdu mahâdu nieru ritare rierykemy. ¹⁶ Juhuludu tahe rehemynyre: —Wawedu, betehe inihe ijô debôwiô anieru riore rebutunyre. ¹⁷ Tahe iôlô sôwemy riwowydinyre: —Awityhymÿre taaômysÿdÿÿta. Kai heka deôdu wihikÿ tate. Kai ibutedile sôwemy tewinyte tahe debôwiô hâwâ adee ariwahinykre. ¹⁸ Ijô tahe rehemynyre: —Wawedu, betehe iny iruyre anieru tyre rebutunyre. ¹⁹ Tahe iôlô tamy rarybere: —Kai sÿ iruyre hâwâmy dinodu mabekre. ²⁰ Ijô deôdu rehemynyre: —Wawedu, ahâxe anieru. Jiarÿ tyky-di reraserasenymÿ rerarenymÿ. ²¹ Jiarÿ alau raberure. Kai dori hâbu nieru tarasaery heka tate. Aô taaômysÿdÿÿteri-ribi aôkô heka nieru tetamahâte. ²² —Kai heka deôdu awi aôkô heka tate. Arybe xiery waribi arateônykre. Kai tiwaeryte jiarÿ nieru tarasaery heka watxireri. Aô raaômysÿdÿÿre-ribi aôkô nieru retamahâre. ²³ Aôherekibo. Kia nieru yrubuna heto-ki terikôte. Tai iximyna ratyre ini iribi ratare. ²⁴ Iôlô teôdu inatxi-ò rarybere: —Wanieru iribi bitabenyke. Ijô hâbu sôwemy rôtareô rawahikre. ²⁵ Ijô raryberenymÿ: —Tii heka debôwiô nieru ijôdire. ²⁶ Adee ararybekre: —Inyô ôbitimÿ raaômysÿdÿÿkeki, tii sôwetyhymÿ ritakre. Tule inyô ôbitimÿ raaômysÿdÿÿôkeki, tii ibutumÿ rôdôdÿÿkre. ²⁷ Iwedu rarybekre: —Waôludu mahâdu tahe wadee bididybedenyke. Wadera mahâdu wahe. Wako-ki birubunybenyke.

²⁸ Tarybe rahudi tahe Jesuisi rare Jerusalê hâwâ-ò.

²⁹ Jerusalê iôhômÿ ritehemynyrenyreu, tahe inatxi taerydÿÿna bede riyynyra hâwâ-ò roikemy. Inatxi hâwâ iôhômÿ roire, Betabaji, Betÿnia-wana. Kia-ò Oliveira hâwâlô roire. ³⁰ Jesuisi rarybere: —Kaiboho boikre kowa hâwâ-ò. Kowa-ò birônykreu jumenta riôre mahabenykre. Moheka ityre rariaôlemÿ ratximyhÿre. Biesemy, wadee bididybedenyke. ³¹ Inyô adeerenÿ rarybekeki: —Aôhekremÿbo idi atxitenyteri. Tahe tamy marybebenykre: —Wanyrÿ tuu rurureri. Ixityre kaô kidiôkesedÿÿnykre. ³² Tahe hâbu roire. Iwese Jesuisi rarybere wese ibutumÿ rÿire. Jumenta riôre ryro hetoiôjô-ki ritisanymÿ rÿimÿhÿ. ³³ Tai riesereu, iwedu rarybere: —Aôherekibo teeseteri. ³⁴ Tai tiiboho Jesuisi rybe myna tamy raryberenymÿ: —Inynyry tuu rurureri. ³⁵ Tahe ridyreny jumenta riôre Jesuisi-ò. Tiiboho tatyreny ritidirenymÿ jumenta riôre tyremÿ. Tiiboho risÿnyrenymÿ Jesuisi ityre-ò.

³⁶ Jesuisi rehemynyreu, ijōboho tahe tauwōhi ryromy ritidire ityre rariakemy. ³⁷ Jerusalē iōhōmy rehemynyreu, Oliveira hāwālō-ribi, ierydŷŷna mahādu rawyhyrarōnyrerī, tule ryrereri.

³⁸ Tii heka wowydyna rare. Tii heka Wanyrŷ niweseekemy naderi. Wowydyna rare Deuxu Iōlōna. Kai Iōlōna kanakre. Wyhyrarō biu-txi kōdoholakre.

³⁹ Ijō fariseu mahādu rarybere Jesuisi-ō: —Marybeke aerydŷŷna mahādu-ō tiiboho riyrykemy. ⁴⁰ Jesuisi tamy rirawyōnyre: —Tiiboho riyrykeki, manale wowydynamy rryrke.

⁴¹ Jesuisi Jerusalē hāwā-ō iōhōmy rehemynyreu, rahinyre. ⁴² Tii rarybere: —Kaiboho ywinatyhy teeryōte. Inatyhymy teeryte wana wadee awire, tahe aōkōre. ⁴³ Ijō txu kanakre. Ahāwā ibutumy rirurawonykre aōbina mahādu, aōludu. ⁴⁴ Ibutumy hāwā ituekre. Iny iwo-ki tule rurukre. Mana ibutumy kedeseke. Rierykōre dori tiubo jiarŷ ahedŷŷrenymy nanade.

⁴⁵ Tahe Jesuisi dohodŷŷna hetowo-ō ralore. Tahe kia-ribi aōna aōna-di rohonymyhyre mahādu, ōbrađu mahādu dīteōnyde. ⁴⁶ Rierynanymyhyre tahe tamy rarybere:

—Raridŷŷōlemy aōbo rŷireri: —Waheto kōaōboka inatyhymy ixitōedŷŷna hetomy rŷirakre. Idi kaiboho tewinyteny te wasidu hetowesele.

⁴⁷ Txu ibutumy Jesuisi dohodŷŷna heto-ki rōbedeerydŷŷmyhŷ. Xiwe wedu mahādu, Deuxu aōmysŷdŷŷđu wedu mahādu roholarenyreu, rōhōtinyrenyire: —Tīmybo inyboho Jesuisi rubudŷŷmy rikiwisŷnyrenykre. ⁴⁸ Tiiboho tahe aōkōhykre iny sōwemy dori bede riōtiinymyhŷ ibedeerynadŷŷna-ki.

20

¹ Ijō txu tahe Jesuisi rōbedeerydŷŷmy, Ijyy Tŷmyra Wihikŷ wahe. Ririranymyhŷrenyreu dohodŷŷna hetowo-ki, bede ywina erydŷŷna mahādu, Deuxu xiwena wahidŷŷđu mahādu wedu, tule matuari mahādu tamy doide. ² Tiiboho tamy rŷŷraxirenyre: —Mowe ateōdŷŷdure kia aōna aōnamy tatŷŷnymyhŷtemy. ³ Jesuisi dirawyōnyde: —Adeereny tule araŷraxikre. Kaiboho bīdiwawyōnykeki, tahe jiarŷ akoreny ŷraxina ariwyōkre aōrurudibo aōna aōna rewinymyhŷre. ⁴ Tahe Jesuisi ritŷŷraxinyre: —Mobo Joaō ratisebedŷŷmy riteranyre? Deuxu aōbo ada iny aōbo? ⁵ Tiiboho wīdee rarybera: —Deuxu riteranyremy inyboho rakaryberenykeki, tai tii rarybekre: —Aōherekibo tahe tii tetyhynytenyōte. ⁶ Inyō riteranyremy rakaryberenykeki, iny aruberuwŷhŷrenykre. Ibutumy iny dori Joaō rityhinyre tii Deuxu rybe-di rybedumy. Ijō ijoj mahādu urile inyreny kidihetenykre. ⁷ Tai tahe tiiboho raryberenyre: —Jiarŷboho reeryōreny. Tai tahe Jesuisi rarybere: ⁸ —Hebo, jiarŷ adeereny ixi my arybeōtyhy modeōdŷŷnamy jiarŷ tuu watxirerimy.

⁹ Iribi tahe Jesuisi tamyreny ijyy-di riernanymyhŷre: —Hābu uva oworōd wese rōbrōre. Tahe riōtitynyre. Tahe hāloo riare oworu ubetya-ki, ruŷdŷŷnymy. Tahe utō riwinyre. Idi tahe rityhere hābu mahādu-ō. Tahe rexitare tasŷ-ribi ijō bede-ō. ¹⁰ Tahe bederaty sirede my bededŷŷnana rehemynyreu, iwedu teōdu riteōnyre bederaty ritakemy. Tahe oworu-di itxeredu oworu wedu deōdu rimyreny, rihetenyrenyre idi riteōnyrenyre ixihiylylemy. ¹¹ Ixityre oworu wedu teōduō riteōnyre. Kia heka irati rihetenyre ta tamy rawobinarybenyre. ¹² Ijō riteōnyre. Kia heka rirubunyrenyre. ¹³ Iwedu ixi dee rarybere: —Aōhebo arotŷŷnykre. Tahe oworu wedu iriōre sohojilire, wariōre kie kie sohojile ariteōnykre. Tai tiiboho rityhynyrenykre. ¹⁴ Kia oworu-di

itxeredu mahādu widee raryberenyre: —Kia heka wedu aōna aōna tarasadu rare. Rurukre, idi tahe iaōna aōna inydeerenykre. ¹⁵ Tahe rimyrenyire idi rirubunyrenyire tahe idi rehurennyre oworu-ribi. Jesuisi ritỹřaxinyre: —Aōhebo tahe oworu wedu rotỹřnykre. Tai Jesuisi ixityre narybede: ¹⁶ —Tii kanakre oworu-di itxeredu mahādu hudumy, tai tahe oworu rityhekre iny witxiraō-ō. Kia-ō tiiboho roholareu, tahe raryberenyre. Timyki tukōna. ¹⁷ Jesuisi idi reny retehemy tahe rarybere: —Ritina-di aōbo tariaōletenyte kia ryberiti:

—Mana-di hetowidỹřdu rehura. Kia mana heka hetohātxi-ki heridu rare.

¹⁸ Inyō kia manatyre resekeki, kia urile raoroorokre. Mana tahe inytyre resekeki, kia urile risyrisinykre.

¹⁹ Bede ywina erydỹřna mahādu, tule xiwena wahidỹřna mahādu wedu rymykemy riwisỹnyre kiaule. Brebuny ta turennykōre. ²⁰ Tiiboho hābubinaō riōwynyire tamy imynamy irybe-ki. Tai tahe Dinodu-ō riwahinykremy aōsirakōmy timykibo irutaōmy rirybewitxiranyrennykemy. ²¹ Tiiboho rarybere Jesuisi-ō: —Erydỹřdu, jiarỹboho araerymy adi watximahārennyre kai inatyhy hābu tate. Iny ibutumy adee wiwese wiweselere. Inatyhymy iny-ō Deuxurymy teerynanymahāte. Tahe tiiboho ritỹřaxirenyre: ²² —Awire aōbo ada ibinare aōbo nieru rawahinymyhỹre bede dinodu-ō. Timybo tahe, imposto raōwymy aōbo ada aōkōre aōbo. ²³ Jesuisi rierymyhyre tōhōtinanarenny, tahe ritỹřaxinyre: —Aōherekibo kaiboho tiwaurihitenyteri. ²⁴ Wadee womati nieruō bidiwy waitxerenamy. —Kawe moō tyttarasana rare, katahe moō tyritina rare. Tiiboho dirawyonnyde: —Kiahe bede dinodu hōrō rare. ²⁵ Jesuisi rarybere: —Hỹdebo, bede dinodu hōrō tahe tamy biwahinybeny, tule tahe Deuxu aōna aōnahōrō Deuxu-ō biwahinybeny. ²⁶ Tiiboho aōkōre. Irybe-ki rimynamy aōkō. Urile ribedeōtiinyre.

²⁷ Saduseu mahādu tamy nade. Kia heka iny rubu-ribi rexixamy aōkōre-riki rierynanymyhyre. Tiiboho ritỹřaxinyre Jesuisi: ²⁸ —Erydỹřdu, Moisesi raritinyre bede ywina-ō, kaimy:

—Hābuō rurukeki, tahāwy iriōre ijōdiōkeki, tahe kia hāwy tahābu seriōre-wana roike. Iriōredikre taseriōre rubuōwymy roikre.

²⁹ Seriōre debōinatxi reurōmy raremyhỹ. Juhuu ijō roire hāwy-wana. Tahe tii rurure iriōreōlemy. ³⁰ Tahe ihewoludu iseriōre wytse-wana roire. Tii rurure iriōreōlemy. ³¹ Ihewoludutyhy tule ibutumy roire wytse-wana, tahe ituerenyre iriōreōlemy. ³² Irōōbmy tahe hāwy tule rurure. ³³ Ixixanau tahe mohābubo tii-wana rarekre. Ibutumy dori wytse-wana roire. ³⁴ Jesuisi rirawyonnyre: —Kabede-ki hāwymy iny roimyhỹre. ³⁵ Ixixanabedeu heka moō roiōtyhy, inyō dori bede kia riōbynykreu. ³⁶ Ibutumy iny řju wese rarekre biu bede-txi. ³⁷ Moisesi tatyyriti itỹnyhỹkỹlemy rarybere: —Iny rubu-ribi kedexiakremy. Tai ta heōty ōwōru sōmo riworonymyhỹki ixbylesỹ rarybera:

—Deuxu heka Abraō, Ijai, Ijaō kia Deuxu rare.

³⁸ Tai Deuxu inryu mahādu Deuxu dori rare. Iny rubu mahādu ta aōkōre.

³⁹ Inyō rarybere: —Arawyonnykynyna, Wanyrỹ tate. Bede ywina tabohe teertyhyte! ⁴⁰ Tai tahe ixbyby řỹřaxiōhyrennyre.

⁴¹ Jesuisi rarybere: —Timybo bede ywina erydỹřdu mahādu rarybemyhỹre Kristu Davi riōre raremy. ⁴² Davi rarybere aōmybo Deuxu Tytybytyhy tamy narybedemy iwiuna-ki:

—Wanyrỹ rarybere Wanyrỹ-ō:

—Bodony warurunawe-ribi.

⁴³ Txiòhe inihe, aòludu awarawo-txi aritidikre.

⁴⁴ Tahe Davile tanyrÿmy rininire. Timyki tahe Davi itybymykre.

⁴⁵ Tii taerydÿÿna mahâdu rierynamyhÿreu. ⁴⁶ Tii rarybera: — Bexiemyhÿbeny bede ywina erydÿÿdu mahâdu lau. Tiiboho heka tyrehetyhywidihikÿle rexitynymyhÿrenyre. Tiiboho heka ixi rybedÿÿluurenyre hâwâ riraki. Dohodÿÿna heto-ki rynanawi luurenyre. Tule ta anarÿÿ rÿi-wana, tyhytyrekile rynana tamyreny awire. ⁴⁷ Tiiboho tule wytese aò aòkò mahâdu aòna aòna ritamyhÿrenyre. Ixitòedÿÿna rehehekÿ rexitòenymyhÿrenyre. Tiiboho heka aònihikÿmy aòhòkÿmy dÿÿnanamy rotÿÿnyrenykre.

21

¹ Jesuisi retehemy rÿimyhÿ dohodÿÿna heto nieruhyna-txi. Tii retehere tibo iny tanieru-di rehummyhÿdi. Tai inieru sòwe mahâdu nieru sòwemy ritidimyhÿ. ² Tule tahe nade wytese aò aòkò mahâduò. Tii inatxi nieru sòmo-di rehure. ³ Tai Jesuisi rarybere: —Kowa heka wytese nieru-di rehure ibutumy iny wixira ratyre. ⁴ Ijò mahâdu tanieru uhedile rehummyhÿ. Tahe wytese idi rehure ibutumy tanieru-di rexihumy taumy-ribi idi rehure. ⁵ Dohodÿÿna hetomy ierydÿÿna tamy rarybere: —Erydÿÿdu, beteheke mana wihikÿ ruxera ruxera-di eryna heto riruxeranyreridi. ⁶ Jesuisi rirawyònyre: — Kaiboho betehebennykre hetonihikÿ-ò. Kia heka mana ijò wityre-ki rÿiòtyhy, ibutumy heka kedejuxunykre. ⁷ Tiiboho ritÿÿraxinyre. Tiubohe ibutumy kidiixixâwididÿÿnykre. Tiiboho ibutumy bede konanadÿÿnamy reakre. Tiybohe arieryrenykre, aòma bede ibutumy rexihukre. ⁸ Jesuisi tamyreny rarybere: —Kaiboho anaitxenanydenyheny lau bexiebenyke. Sòwemy dori rÿikre wanimy rarybemy rarekre: —Jiarÿ dori Kristu rare. Tahe iny sòwemy itxenadÿÿmy reakre. ⁹ Kaiboho wounarybe-ò, aòbina rybe-ò, boholakreu, breburenyòmykre. Kia heka kanakremy ratximyhÿre. Urile bededÿÿnana ikonanatyhy aòkò rare.

¹⁰ Tii tamyreny rarybere: —Uritere iny lahinareny, ijò lahinareny widee kanaaòbinanykre. Tule iòlòna mahâdu, ijò iòlòna mahâdu-wana widee kanaaòbinanykre. ¹¹ Bede bedes ijò hâwâ-ki kanamytatakre. Tahe aòkòre rama kedeakre. Kia heka juhu aòhòkÿmydÿÿnana rarekre. Aòbrebuna brebuna kÿnyikre. Idi biu-ki aòwixira kÿnyikre. ¹² Tiiboho arawahinyrenykre aòludu wedu-ò, iòlò-ò. Kaiboho heka aòhòkÿmy iu botÿÿnybenykre, watyhydÿÿ òraru-ki. Tiiboho arahatenyrenykre dohodÿÿna hetowo-ki. Kiabohoko-txi wadee kaiboho kedelyykre inatyhymy aòna aòna rÿiorem. ¹³ Rybewihikÿmy ibutumy bede bede hâwâ hâwâ-ò belyybenykre. ¹⁴ Tiubo aradyrenykeu, urile nohòtiòmy aòmybo kaiboho marybennykre. ¹⁵ Kiautyhyle aòmybo marybennykre bierykre. Kia tahe marybekre. Kai aòkò dori marybekre, Deuxu Tyytybytyhy tahe rybedukre. ¹⁶ Asÿreny dori ròtenawo-ò araròtenyrenykre. Seriòre seriòrele wii kidirubunykre. Tyby heka tariòre kidirubunykre. Uladule tadi, tyby kidirubunykre. ¹⁷ Ibutumy heka iny iy kedeakre wani òraru-ki adeereny. ¹⁸ Ibedeu araderenytiò reseòtyhy. ¹⁹ Bexityhymy ta tai ixiery dori biu-ò mahenybenykre. ²⁰ Ijò tahe Jesuisi rarybere: —Wòudu mahâdu Jerusalê rirurawonykreu heka bierybenykre aòhuluhudunamy bede rÿirerimy. ²¹ Judeia hâwâ hâwâ-ki ratxikeki, mahenybenykre bederatòòhòkÿ-ò. Inyò Judeia hâwâkikeki, iribi òlò rÿikre. Idi

inyō bederokeki ixyby Jerusalē-ò ròteōmykre. ²² Kia txuu heka òwynatxumy rare. Ibutumy rybe tyyrity myna heka bede rỹkre. ²³ Kobexe heny hāwyy bōtōmy rỹira, tule hāwyy tariōre ritōnomy rỹira. Aōhōkỹmydỹnana kanakre tiu heka tuōdre. Debure nihikỹ heka kanake kia iny tyre-ki. Tiu heka kiamy bede roiōtyhy aōhōkỹmydỹnanamy. ²⁴ Sōwemy iny rurukre mayrehe-di. Iny sōwemy radykre ijō bede-ò aōhōkỹmy tai rotỹnykremy. Ityhydỹdukōdu mahādu rasỹnykre Jerusalē hāwā-ki iu.

²⁵ Ixityre tahe Jesuisi rarybere: —Idi webōhōna rỹira txuu, aōhōkỹmydỹnana itue-di, txuu heka rurunykre. Ahādu tule rurunykre, tule taina. Beōbō lau iwodỹ lau ibutumy iny ruberukre inihikỹ òraru-ki. ²⁶ Iu bede bede iny mahādu aōhebo rotỹnymy, tatōhōtibre-di tiiboho reserenyre sutyre-ki tai. ²⁷ Iny retehekre Deuxu Riōre, Hābutyhyhykỹ dehemynyna-di. Biurawetyky-ribi kodobehekre tatyhy-di.

²⁸ Tahe kia aōmydỹnana rỹkreu, ywinamy bōibenykeu, iōhōlereri.

²⁹⁻³⁰ Tai tahe Jesuisi figueiraō-wana tahe bede ròkewesenanyre: —Figueiraō-di ini bexinohōtinybenyke. Tii heka tairu-txi, tanoiròsò ritỹmyranomyhỹreu, tai tahe bierybenykre wyra iōhōlereri. ³¹ Tule kia aōna aōnamy bobibenykreu, tii iōhōlereri. Ijō-ki iōhōwesele rỹire. ³² Inatyhymy adee ararybekre, kia wijinabōdu itueōtyhy aōna aōna rỹkre hārele. ³³ Biu, bede-wana ituekre, tahe warybe itueōtyhy.

³⁴ Tahe Jesuisi tarybe rihumy rarybere: —Kaiboho bexiebenyke, bete-hebenykre ixinohōtidỹrenythykōmy. Roxina worana bedehesi-di timybo kaiboho atximyhỹtenytedi. Mona juberere biōbenykemy mohōtinyōke. Kai-boho dori teeryōtenyete tiubedemybo adōōsekre. ³⁵ Kiatxu kanakre tahe iwese nawii mynyna wese aōwesele rimykre ibutumy bede iny mahādu rimykre. ³⁶ Biebenyke tahe, Deuxu-ò bexitōenybenyke. Kia tahe aōhebo rotỹnykre-ribi mahenyke. Bityhynyke Deuxu Riōre, Hābutyhyhykỹ, jiarỹ wahe.

³⁷ Txuō txuōlemy tii Dohodỹna heto-ki ribedeerynyre ihāre tahe rumy Oliveira hāwālō-ò rara. ³⁸ Rudile tahe sōwemy iny dohodỹna heto-ò rehe-mynymyhỹre Jesuisi rybe-ò ijohomy.

22

¹ Iōhōmy ratxireri Pascoa worana bedehesi kodohōnykremy. Kia anarỹ wehityhynamy heka iny ratya-di reare. Tule orotxu anarỹ kia ròhōnyre.

² Deuxu aōmysỹdỹdu wedu mahādu, tule bede erydỹdu mahādu Jesuisi rimykeny ratxireri idi rirubunykemy. ³ Satanasi heka Judasi Isariōwo-ki ralore, tii Jesuisi erydỹnaō ihỹre. ⁴ Juda Isariō heka Deuxu aōmysỹdỹdu-ò rara Jesuisi riwahinykemy. ⁵ Tiiboho tamy roholarenyre, reysare. Tahe tamy nieru riwahinykemy riurenanyre. ⁶ Tahe Juda riijemyhỹre aōu aōu bedewihikỹ tamyreny riwahinykemy. Wasimy riwahinykemy tii roholare.

⁷ Juhu orotxu anarỹtxure budoeni xiweloo rirubuny rahudi tahe Jesuisi erydỹna mahādu tamy rarybere: —Titxibo anarỹ rỹsỹnamy biroxikemy atxiteri. ⁸ Tahe Jesuisi heka Pedro, Joaō-wana riteōnyre: —Kaiboho boike iny rỹsỹnareny ywidỹmy. ⁹ Tiiboho rỹraxyre. Titxibo ariywinynyrenyke?

¹⁰ Jesuisi tamy rarybere: —Kaiboho boike hāwāhākỹ-ò. Tahe hābu-wana wii biōbnykre butxi-di retyreriò. Tahe tii biheludunynybeny. Titxibo heto-txi ralokreò, kaiboho tule bironybenymy bitỹraxybenyke heto wedu: ¹¹ —Wawedureny rarybera: —Titxiwexe anarỹ rỹsỹna arirỹsỹkre waerydỹna

mahādu-wana. ¹² Tii heka adee kiditeòsinykre hetowoō-txi biu-ki. Ibutumy rexihumy r̃yire inydeereny. Tai r̃ys̃na inydeereny biywinybenykre. ¹³ Tahe ieryd̃ỹna rexitare. Roire hāwāhāk̃y-ò. Tahe rot̃ỹnyrenyre Jesuisi rybe myna. Tahe ibutumy rexihurenyre anar̃ỹ-ò.

¹⁴ Kia txu rimyreu tahe Jesuisi nade taeryd̃ỹna waòinatxi reurò-wana byremy ronyrenykre. ¹⁵ Tii tamyreny rarybere: —Jiar̃y awanareny ariroxikemy watxiwāhāre. Karibi dori warubuna-ò arakre. ¹⁶ Inatyhymy ararybekre: —Jiar̃y konanamy ayreny-ki ariroxikre. Ixyby ta Deuxu Iòlònakile tahe rikiroxirenykre. ¹⁷ Tahe ṽl̃ mona hyna rimyre, rex-itòenyre, tahe tamyreny riwahinyre. Ibutumy ibute bute iribi tuu riòrenyre. ¹⁸ Inatyhymy ararybekre: —Tiu ixyby tuu ariòòtyhy Deuxu Iòlòna-ki kotyre. ¹⁹ Tiiboho riroxireri, Jesuisi orotxu rimyre, raorore, rexitòenyre, tahe tamyreny riwahinyre. Rarybere: —Ahāxe, kia heka waumy wese rare. Iu biroxikeu, warubuna-di mohòtinybenykemy. ²⁰ Biòbenyke! Kaa dori wahālubu wesemy ratxireri. Tahe tamy riwahinyre riòrenykemy. Tai s̃owemy iny ròhonyke biu-ò hena-ò ibutumy òraruna ixāwidid̃ỹmy. Tuu ròhonyra. Kia heka wadeewim̃y iny Deuxu-wana ratxiinyh̃re, wahālubu òraru-ki. ²¹ Boholabeny inihe watyhed̃ỹdu inkyrenyke ronyre. ²² Iwese tyriti-ki roire wese heka arurukemy, Deuxu Riòre, Hābutyhyh̃ỹ, iar̃y wahe. Kobe làhāxe watyhed̃ỹdu. ²³ Tiiboho tahe widee rarybere: —Mobo tahe rare? Mobo Jesuisi riwahinykre.

²⁴ Iribi tahe widee raryberenyre, mobo wiratyrenyem̃y? ²⁵ Tahe Jesuisi tamyreny rarybere: —Kabede iòlò mahād̃ỹ-ki iruru dire. Bede dinodu tahe iny rininire: Iny biòwa. ²⁶ Tahe ayreny-ki kawese aòk̃ ih̃re. Inihik̃tyhy inyò ratxikeki, tii inyuhe deòdumy ratxikre. ²⁷ Tibo inytyhy rare? Roxidu mahādu ada deòdu mahādu? Roxidu mahādu, aòhe inatyhy? Jiar̃y tahe ayreny-ki deòdu wesemy iar̃y rare. ²⁸ Kaiboho heka wawanah̃y atxitenyte aòhòk̃my rat̃ỹnymyhỹreu. ²⁹ Tai tahe adee ruruna ariwahinykre. Iwese Waha wadee riwahinyre wese, adee ariwahinykre. ³⁰ Waiòlòna-ki kaiboho wawana biroxibenykre, biòbenykre. Tule rynana wiwihik̃ tyre-ki r̃ydu mahādumy bonybenyke. Israeli iny mahādu heka kaiboho biòbitinybenykre, ibutumy judeu mahādu wahe.

³¹ Jesuisi ijò rarybere: —Simaò, Simaò, wadee bohولاتyhyke. Satanasi araurihirenykemy wadee rexitòenyre. Tahe adeereny kanake arauri-hid̃ỹmy. ³² Dori rexitòenymyhỹre, Simaò, kai bityhynhykemy. Wadee bòdòòseku, abiòwa mahādu biwiòhenanyke. ³³ Tahe Pedro diwyònyde: —Awanah̃y arakre, wanyr̃y, arurukre hāre, ròtenawo-ò arakre hāre. ³⁴ Jesuisi tamy rarybere: —Pedro, kai biwatxiònyke, hānie hābu rryrkòle biwatxiònyke inataòm̃y.

³⁵ Jesuisi tamyreny r̃ỹraxire: —Juhu arateònyrenyreu anieruhynakòm̃y, asaurenkòm̃y, awarenyòm̃y, adeereny aòbo aò rasiranyre? Tiiboho di-rawyòm̃y: —Aòk̃, aò rasiranyòhyre. ³⁶ Tahe Jesuisi narybere: —Wiji tahe txibo inyò inieruhynadikeki, saudikeki, biwykre. Txibo inyò imayre-hedikòkeki tayhyitxena-di rohonykre iòwy-di tahe tii riòbranykemy. ³⁷ Kamy dori Deuxu rybe tyriti-ki roire:

—Òbitikòm̃y nodu mahādu-wana tii r̃yire.

Ibutumy tymiyo tyriti wamy rarybere heka r̃yikre. ³⁸ Tamy ieryd̃ỹna mahādu rarybere: —Wanyr̃y, kaa inatxi mayrehe r̃yire. Tahe Jesuisi r̃yire rarybere: —Awire kia.

³⁹ Tahe Oliveira hāwālò-ò roirenyre, taerydỹna mahādu-wana. ⁴⁰ Tiiboho kowa-ò rehemynyreu, Jesuisi rarybere: Bexitòenyke! Tai tahe òraruna-txi beseòke. ⁴¹ Tahe iko-txi urihimyo rareu, taowotimy resemy. Rexitòenyre: ⁴² —Waha, adee arexitòenykre. Adee awikeki, aòhòkỹmy dỹỹnana waribi biixāwidỹnyke. Tahe adeewikomykre, wadeewi ta aòkòre. ⁴³ Yjuò tamy nade biu-ribi tamy ruru riwahinyre. ⁴⁴ Sòwemy tahe rexitòenyre, iòsana-ribi resere bee wahe. Hālubu wese heka ihỹre resereri bede-ò. ⁴⁵ Tii rehemynyre tai rahare ròròrenymy roireriò. Tiiboho ele risarenyre sòwemy rabedeworenyreki. ⁴⁶ Tamyreny rarybere: —Aòherekibo taròtenyteri? Biijebenykre, bexitòenykre.

⁴⁷ Tii rarybereri, aòwesele Judasi nade. Tii-wana doide hābu mahādu. ⁴⁸ Jesuisi rarybere Judasi-ò: —Judasi, Deuxu Riòre bityhenykre aòbo, jiarỹ hābutyhyhykỹ wahe? Waòbuò-di aòbo biwatyhenykre? ⁴⁹ Jesuisi erydỹỹna mahādu tuu robireu, tamy rarybere: —Iny mayrehe-di araaòbinanyrenykre, Wanyrỹ. ⁵⁰ Kia ijiòì mayrehe ritare tahe Deuxu aòmỹsỹdỹỹdu wedu deòdu nohòti riorore. ⁵¹ Tahe Jesuisi rarybere: —Ixāwike. Tahe hābu nohòti riteytenyrene. ⁵² Tahe Jesuisi dirawyònyde tamyreny, Xiwe wahidỹỹdu mahādu-ò, dohodỹỹna heto itxedu wedu-ò, matuari mahādu-ò: —Kaiboho mayrehe-di, òhòte-di tiwaòrytenyteri jiarỹ wasiduòrys wese. ⁵³ Jiarỹ tahe dohodỹỹna heto-ki watximyhỹ txuò txuòlemy adeereny anaerynanymahādenyde. Kowa-ki heka tiwamyòlemyhỹtenyete. Kia heka bededỹỹnana rexihure. Bede luru ruru roirerimy. Tahe aòbo iritina-ki rỹireri, kia heka kỹnyikremy.

⁵⁴ Xiwena wahidỹỹdu mahādu dinodutyhy-ò wedu-ò tiiboho Jesuisi ridyrenyrene. Pedro riheludunyrene ireheriòremy. ⁵⁵ Rehemynyreu tai Pedro ixitòeenymy heòtywera-ò ronyrene heto itxeredu mahādu-wana. ⁵⁶ Pedro ratximyhỹ-ò tahe deòduò rehemynyrene, ijadòma wahe. Pedro-di ijadòma retehemy ta rarybere: —Tii tule Jesuisi Nazareludu-wana ratximyhỹre. ⁵⁷ Tahe tii rexitxiònyrene: —Jiarỹ reeryòre aòmỹboho kai tarybeteri. ⁵⁸ Ixybyle kowa ijiòì Pedro-ò rarybera: —Inatyhymy kai ijò mahāduleò tate. Tii inatyhytyhyrybemy rarybera: —Jiarỹ reerykòre hābumy tarybetenyteri. ⁵⁹ Ijò òrau tahe ijò rarybere: —Inatyhy rare kai Jesuisi-wana ahāte, Kalileia mahāduòreki. ⁶⁰ Tahe Pedro rarybere: —Hābu, reeryòre aòmỹbo tarybeteri! Tahe hānie hābu robura. ⁶¹ Jesuisi heka Pedro-ò retehere. Tahe Jesuisi rybe-txi Pedro tòhòti reare. Iwese Jesuisi rarybere: —Hānie inataòmỹ robukre myna, kai waheludumy bedexitxiònykre. ⁶² Pedro tahe iribi rexitareu, ixidee icy reamy rahinyrene.

⁶³ Tahe hābu mahādu Jesuisi rihetenymy, rilahirenymyhỹre. ⁶⁴⁻⁶⁵ Tiiboho riruehetynymy rihetenymy idi ritỹỹraxinymyhỹre: —Mowe arahātenyrene. Idi tahe sòwemy idi risinymyhỹrene.

⁶⁶ Rudile tahe judeu wedu mahādu ributunyrene xiwena wahidỹỹna mahādu-wana. Jesuisi ridyrenykeny raryberenyrene dohodỹỹna mahādu-ò. ⁶⁷ Tamy ritỹỹraxinyrene: —Kai aòbo Kristu tate, Deuxu Riòretyhy. Jesuisi rarybera: —Jiarỹ heka kohemy ararybekeki, kaiboho biwatyhinyòtyhy. ⁶⁸ Adeereny arỹỹraxikeki, kaiboho biwawyònybenyòtyhy. ⁶⁹ Kaiboho bierybenykre

Deuxu Riòre heka jiarỹ rare. Idi Waha rurunaweribi-ò aronykremy.

⁷⁰ Ibutumy tahe tamy rarybere: —Kai aòbo Deuxu Riòre tate? Tii rirawyònyrene: —Iwese kaiboho tarybetenyteri wese jiarỹ inatyhy rare. ⁷¹ Tahe tiiboho

raryberenyre: —Inyõ istrybe-ò ijohoke heka aõkõre, inybohrole dori tuu roholarenyre.

23

¹ Kia iny ka ibutumy Jesuisi ridyrenyre Pilato-ò, bede dinodu-ò wahe. ² Idi tahe aõbina binahakỹmy tuu raryberenyre: —Kahãbu heka bede rijeijeinyreri iòlõmy ijoi radõnykemy. Iribi iòlò-ò òwydỹ rỹiõmyhỹkemy rarybere. Ihãreta Deuxu Deodỹnyamy raremy idi iòlõmy rexininimyhỹre. ³ Tahe Pilato rỹraxyre Jesuisi-ò: —Inatyhywe kai Deuxu mahãdu iòlõtỹhy tate? Tai tahe Jesuisi riwyõnyre: —Kai tuu tarybeteri, Wanyrỹ. ⁴ Tai tahe Pilato rarybere xiwe wahidỹydu mahãdu dinodu-ò, tule inysõwe mahãdu-ò: —Timyki kahãbu aõhõkỹmy wasỹdỹỹõna, aõõ bina dori riwinyõlere. ⁵ Tai ixyby idi risỹnyrenyre: —Kahãbu heka Kalileia bede-ribi bede rijeijeinyreri rareri, idi Judeia bededi tule katahe kakile tuu rotỹnyre. ⁶ Taita Pilato rỹraxyre: —Tii aõbohe Kalileia mahãduò ratxireri? ⁷ —Tii Kalileia mahãdu rare. Kia Pilato rieryre, Herodi-ò riteõnykemy rexinohõtinyre. Tii kia dinodureki. Ihãreta Herodi Jerusalẽ hãwã-ki iu ratximyhỹ.

⁸ Herodi Jesuisi robireu heka reysare. Jesusimỹ robikemy riwisỹnymyhỹre sõwemy. Idi tahe tuu robireke, redsare. Tai tahe reysare. Ini-ò roholahyymyhỹre. Tule aõwihikỹ wixira riwinykemy idi riwisỹnymyhỹre. ⁹ Idi tahe Herodi sõwemy rỹraxyrimyhỹre. Jesuisi tahe rirawyõnyõhyre. ¹⁰ Aõbo xiwena wahidỹydu mahãdu wedu, tule bede ywina erỹdỹydu mahãdu sõwemy aõna aõna binamy tuu raryberenyre. ¹¹ Herodi tasoldado-wana tuu raõhõtemy idi risinymyhỹreny. Tyywihikỹ-di rirahananyrenyre. Iribi riõkesedỹnyre Pilato-ò. ¹² Juhuu heka Herodi Pilato òludumy widi raremyhỹ. Kia txule tahe widee rowoixirenyre.

¹³ Idi tahe Pilato tahe ibutumy xiwena wahidỹydu wedu, tule matuari mahãdu tule ijõ iny mahãdu ributunynyre. ¹⁴ Tamyreny rarybere: —Kaiboho heka wadee tedytenyteri bede jei jeiwidỹydu tuu tarybetenye tebutenyteri heka. Jiarỹ akoreny-ò retỹraxyre idi aõhe tai ibinamy rahaõhyre. ¹⁵ Tule iòlò Herodi tai ibinamy rahaõhyre. Tai diõkesedỹnyde. Tai iurenana ta aõhereki timyki irubuõna. ¹⁶ Urile raõhõtendỹkemy bede reywinyre idi ta ixinamy rakre. ¹⁷ Kiemy dori worana bedehesi, rõtëna-ribi inyõ heka ròhònymyhỹke. ¹⁸⁻¹⁹ Sõwemy iny heka rirajuare: —Aõkõre uritere ta Baraba biteõnyke. Kia hãbu urile ruruke. (Baraba inyrubudỹydu. Bede jei jeidỹy-ki heka rõtëna-ò ralore.) ²⁰ Tai Pilato Jesuisi òlòdỹmy riwisỹnymyhỹ tai ixyby rarybere: —Aõkõre Jesusile ariteõnykre. ²¹ Sõwemy iny ixyby rryre: —Aõkõre, itxeò-ki bitamadỹnyke! ²² Tahe Pilato tainatãõnamy narybede: —Aõherewe, aõwe tii ibinamy riwinyre. Aõheka tai ibinaõhyreri rubu-ò rawahikemy. Ohõtële ta arawahinykre idi ariteõnykre. ²³ Ihãre ta iny sõwe mahãdu ire rirajuamyhỹrenyre itxeò nihikỹ-ò rurukemy. Ixieryta iryreny-ò roholare idi tukremy. ²⁴ Iu Pilato heka Jesuisi riwahinyre rubu-ò tumyna rexitõnymyhỹreny. ²⁵ Ijõ hãbuò ta rõtënowo-ribi riòlòdỹnyre, iixitõedỹnyre myna wahe. Tii hãbu aleerydu rare, tahe bede jei jeidỹydu tule. Iwana ta Jesuisi rawahire irybemynarenymy aõhebo rotỹnykemy.

²⁶ Tahe Jesuisi ridyrenyre. Ryki tahe hãbuò iutedereny-ò nade, Simaõ inire, Sireni hãwã ludu wahe. Nohõtìõlemy ta ityre itxeò nihikỹ ritidirenyre, iherenymy idi kanakremy.

²⁷ Sōwemy ihemy nodu sōwe. Iy-ki hāwyy mahādu Jesuisi-di robumyhyreny.
²⁸ Tii tahe tamyreny rexiōkesemy narybede: —Jerusalē hāwā ludu hāwyy mahādu! Ixirahi bobubenyke ariōre rahi tule warahi ta aōkōre. ²⁹ Tiutxumybo bexirybenybenykre: —Hāwyky bedekōby heka raritxōrenyōkōre mahādu rare, tohokuā ritōnyōkōre mahādu tiku kuladu-di tarukikōre mahādu. ³⁰ Tiutxumybo bexirybenybenykre hāwālō-ò: —Watyreny bedeseke tule hāwālō riōre-ò bexirybenybenykre: —Biwawòbenykre.

³¹ Wiji kawesemyhyre hee itukure hāre. Timykrebo tahe hee irubukreu.

³² Ihāre tasŷse iny inatxi hābu òbitimy nodu aōkō ridyrenyre Jesuisi-wana rururenkyremy.

³³ Tahe hāwālō riōre-ò ratitybymy ninadu-ò ritehemynyreny. Tahe tii-wana inatxi wasidu itxèò nihikŷ-ò rilamadŷŷnyreny. Ijō ruruweribi-ò ijō hyweweribi-ò. ³⁴ —Waha, idireny bexiruxetōenyke rieryōhyrenyri dori aōmybo rotodŷŷnyri.

Tai tahe ityy wimy ritxuatuakremy dado-di rehumyhyreny tibo iwydydukremy.

³⁵ Iny retehemy rŷimyhŷ taile wahe. Judeu wedu mahādu tule Jesuisimy rarybere: —Tii iny sōwemy rihedŷŷnyre, kia aōherekibo tii rexitaōreri rubu-ribi, tii Deuxu deòdŷŷna rarehāre. ³⁶ Tule soldado mahādu rarybere aōbina binahakŷlemy. Diwyde tii aōna ta iny kremy rirahōreny tamy idi reare rijeny: ³⁷ —Kai inatyhymy judeu mahādu iōlōmy atxiteri wana heka kaa bexitakre iribi. ³⁸ Itxèò ratya-ki tahe aōma timy roire tyyritidŷŷna.

—Kaa Heka judeu Mahādu Iōlō Rare.

³⁹ Ijō heka rarybereri Jesusibire-ki roireriōle tamy rarybereri: —Deuxu deòdŷŷna tateki, bexitake tule biwatabenyke. ⁴⁰ —Wy, Deuxu lau taberuōlema hāte aōbo tule dori iny aōhōkŷmy rokotŷŷnykrelemy iny roireri.

⁴¹ Lōwudu tamy rarybereri: —Iny heka rurureri, aōbina binahakŷ iny riwinyre òraru-ki. Iny rurureri. Kaa hābu rŷire tiu aōbina riwinyōhykyre.

⁴² Jesuisi-ò rarybere: —Jesuisi, watxi òhōti beakre Iōlōmy bonykreu. ⁴³ Jesuisi tamy rarybere: —Wijile heka biu-ò heka rakakre.

⁴⁴⁻⁴⁵ Txutyemy bedede roronyre idi txioro txu rehehekŷ-ò bedede tuu rŷire. Inataō òramy bedede rybinyre, rŷire. Heto-ki rahanaheridu urile raykare templo-ki wahe. ⁴⁶ Tahe Jesuisi rirajuare: —Waha, watyytyby adee rawahinyri. Iu irybe rexihureu rurure. ⁴⁷ Soldado mahādu wedu tuu ro-bire kia aōhebo rotŷŷnara tuu rarybere: —Kia inatyhymy hābu òbitityhy rare. ⁴⁸ Ibutumy iny kia robire Jesuisi rubu-ò rahinymy ròōsere rexihetenyrenymy tabreti-ò. ⁴⁹ Ibutumy tii mahādumy ratximyhŷre iribi ihereriōremy rexiije-myhŷ.

⁵⁰⁻⁵¹ Tii judeu bedede mahāduō rare. Jyjemy inire. Tahe Kristu rubuna-ki awimy rahaōhŷŷre taijoi mahādu-ribi. Tii dori Deuxu Iōlōna riraōmyhŷre. Ihāwā Arimatea inire. ⁵² Tai ta rare ixitōedŷŷmy Pilato-ò, Jesuisi umy kidiwahinykremy. ⁵³⁻⁵⁴ Tai tahe ritare itxèò-ribi tyy ura nihikŷ-di tyy-di ritŷtetŷteny. Manawabedewo-ò ritidire. Tai tiu iny rahāloonaōmyhŷre. Aōma judeu mahādu elehyna txu wahe ixiywidŷŷnatxumy txu rŷireu heka aōma worana bedehesi txu. ⁵⁵ Hāwyy mahādu Kalileia-ribi Jesuisi-wana. Tiiboho doide Jyje-wana Jesuisi hāloo-ò itxeremy. ⁵⁶ Tahe timybo roimyhŷ riōtudunyenryre. Dòōsedenyde iribi aderōna lŷnyre ywidŷŷmy iumy tŷnyrenamy.

Kia rexielhynnyrenyre sabado txu bede ywidÿÿna myna-di.

24

¹ Juhu txu semana bededÿÿnanau txuu deadeu hāwyy roire wabede-ò. Tiiboho riwyre lÿnyrena. ²⁻³ Rehemynnyrenyre, mana nihikÿ tahe ijò-ribi ratamy rÿire. Tahe ralòrenyre, Jesuisiumy ihoòhyyre. ⁴ Wabede-ò rirònyrenyre, robirenre inatxi hābu. Ityy urahakÿmy ronmyhÿre tai. ⁵ Tahe tiiboho bede riòtiinyrenyre idi tabrebu-di suò reserenyre. ÿjyò tamyneny rarybere: ⁶ —Iny irumy kaiboho teijeteri kaki wabede-ki aòbo? Tii kaki ratxireri. Tii rexixara rubu-ribi adeereny rarybere wese Kalileia bede-ki: ⁷ —Inyò riwawahinykre inybina-ò Deuxu Riòre Hābutyhyhykÿ. Itxeòtyre-ki arÿikre tai arurukre. Inataò txu-di tahe rubu-ribi arexixakre. ⁸ Tahe hāwyy irybe-di ròhòtynyrenyre. ⁹ Wabede-ribi raijaranyrenyre Jesuisi erydÿÿna mahādu-ò ijyymy. ¹⁰ Kia tiibohore: —Marie Madalena, Joana, Marie Txiause. Ijò hāwyy tule tii-wana roirenre. ¹¹ Iu tamy relyyreu, rityhynyòlerenre. ¹² Pedro tahe rÿimy reare idi raijaranyre wabede-ò. Urile tykylemy robire tahe dòòsede, rexiòtiinyre.

¹³ Itxuleu ta iny inatxi hābu Jesuisi tyhydÿÿdu mahādu tahe roirenre Emau hāwā-ò. Jerusalē hāwā-ribi txibo 10 km wese irehere. ¹⁴ Ibutumy aòhebo rotÿÿnyramy wiko relymy ròimyhÿre. ¹⁵ Iuleta Jesuisi tamyneny dehemynde idi tiiboho-wana roire. ¹⁶ Tiiboho tuu robirehāre timykibo rierykòhykyrenyre. ¹⁷ Tahe Jesuisi ròtÿÿraxire: —Aòmywe widee tarybetenyeri. ¹⁸ Iijòreny Klopamy nidu narybede: —Kai sohojilewe Jerusalē-ki aòhebo bede rÿira teerykòte. ¹⁹ Tii dotÿÿraxide: —Aòherabo ta. Tiiboho tuu relyre: —Jesuisi Nazare ludu kie. Tii Deuxumy rybedu nihikÿ heka rare, Deuxu-ò dori ibutu iny-ò heka rybe-ki aòni heka aòmywidÿÿ-ki heka ihÿÿna rare. ²⁰ Waxiwenarenre wahidÿÿdu wedu tahe wadinodurenre itxeò nihikÿ-ò rurukremy riwahinyrenyre. ²¹ Tule judeu mahādu tarasadukresÿna raholarenre. Ihāreta tukòlemyta inataò txumy rubu-ki bede idi rÿira. ²² Bederarasò-di wajioirenre hāwyyò ihāloo-ò roire. ²³ Tai itxi rekoahÿyyre. Dòòsedenydeki tahe ÿjumy riki robirennyremy delyydenyde. Tii Jesuisi rubu-ribi rexixamy tamyneny rarybere riki. ²⁴ Wajioirennyò tule ihāloo-ò roirenre. Inatyhy rikihe rare. Ureleta riki Jesuisimy robiòrenre. ²⁵ Tahe Jesuisi tyhy Klopaboho-ò narybede: —Aòherewexe Deuxu Rybedu mahādu rybe awo-ki teximynyteriti tetyhynykòtenyeriki wahe. ²⁶ Kialemy dori Kristu dori aòna aònamy rotÿÿnykremy tai Deuxu riwowdydynkremy. ²⁷ Tahe Jesuisi rexidelenyre aòbo rybe ritina roiremy. Moisesi ryberiti juhuumy ritÿÿnynyrenre. Timybo Deuxu rybe ritidÿÿdu raremy. Tiiemy heka iximyhÿyle rarybere. ²⁸ Ibutumy tamy relyyhyre ramyhÿrehy tahe ritehemyny Emau hāwā-ò, tai inatxi hābu rarikreò wahe. Tahe Jesuisi rarybere: —Aòkò arexinoranykre. ²⁹ Tai ta tamy ihārele rarybemyhÿre: —Txioinihe bodonyke kakile. Aòma bede ratxinyra ratxioronytyhyra. Taile tiiboho-wana rare ihetorenre-ò. ³⁰ Rorukurenre riroxirenykremy. Tahe Jesuisi orotxu rimyre rexitònenre Deuxu-ò. Tahe orotxu riororiorore imynarenre. ³¹ Iu tahe aòwesele rierymy reare Jesuisi. Tai iruereny raraymy rieryrenyre. Tahe aòwesele iòmy iribi reny reare. ³² Tai widee raryberenyre kiamy. Iu tii Ryberitimy inydeereny rydi relyyreu, urile wawo ratooteemy. Kai tahe. Ijò diwyònyde: —Kohe jiarÿ tulere. ³³ Iribi tahe ritamanyrenyre. Diòòsedenyde ixbyy Jerusalē hāwā-ò. Tiu waòsohoji reurò erydÿÿna itxi rekoarenyre. Tai

tiiboho narybedenyde: ³⁴ Inynyr̃renyhe rexixara. Pedro heka tuu robira: ³⁵ —Jiar̃yboho tulerenyra wawanale ròrenyrya rydi. Tule wadeereny orotxu riyreyrenyrya. Taile reeryrenyrye.

³⁶ Iu kiamy relymyh̃ỹrele, Jesuisi dehemynymy deade ityareny-txi. Riryberenyre ibutumy: —Ywina heka akirenyke! ³⁷ Ibutumy ruberurenrye ilau. Urile rares̃ny tamy raholarenrye. ³⁸ Jesuisi rarybere: —Aòhebo taberutenyteri. Breburenyòmyke hewa biwatyhynybenyke. ³⁹ Jiar̃yle ratxireri. Wadebò-di bedetehebedenyke, wawa-ò tule. Jiar̃y karare wadee inihe bideribedeny. Jiar̃y uni aòkò watxireri. Uni dori idedire aòkò wawese aòkòre bedetehebedeny inihe. ⁴⁰ Tai tahe tebò wotò mona, tawa wotòmona, riteòsinyre tamyreny. ⁴¹ Ihārele tahe rityhynyrenyòre, ibedesamy bede riòtiinyh̃ỹreny. Jesuisi tahe rexitòenyre tamyreny aò rir̃s̃ykemy. ⁴² Tamy riwahinyrenyrye utura wòsi deyreò. ⁴³ Riras̃yre ikorenyòle.

⁴⁴ Idi tamyreny rarybere: —Aòma wawanale ratximahāre, òhòtireñy itxi reara. Aòma wawana atximahātenyete juhūu. Ibutumy heka adeereny ret̃ynynymy rarybere aòmybo wamy rybe roimyh̃ỹremy. Ibutumy heka Moisesi rybedu ritid̃ỹnaki iritina-ki roimyh̃ỹre. Wiuna tule wamy riritinyre. ⁴⁵ Tai tahe rit̃ynynyre òbitimy irakyreny riraynyre. ⁴⁶ Ihetxiu rybe wāhā aòma Deuxu Deòd̃ỹna rurukre heka aòhòk̃my rot̃ỹnykremy. Ruru-ribi inataò txu-di rexixakremy bede roire. ⁴⁷ Kaa rybe wihik̃y ritid̃ỹna heka kaa Jerusalē bede-ki rob̃ỹtkre ihāreta ibutumy iny iny kòkòmy bede bedemy rob̃ỹtkre. Kiamy heka ibutumy inydee marybebenyke. Iny riwatyhynymy r̃yirakre heka ibutumy iòraru-ribi ariixāwidid̃ỹnyke. ⁴⁸ Tule terytenyteri ibutumy aòhebo rot̃ỹnykremy. ⁴⁹ Tahe adee ariwahinykre iwese Deuxu rarybere wesemy heka adee ariwahinykre. Kaki hewa matxibenykre hāwā-ki. Tahe kanakre heka adee ruruò biu-ribi. Iribi tahe bòhònykre karibi.

⁵⁰ Iribi tahe Jesuisi ridyrenyrye Bet̃niary-ò. Tai tahe rilāhānanyrenyrye tuu tamy rexitòenyrenyrye ibutumy tamyreny. Tamy rexitòenyreu heka ilāhānamy tamy rexitòenyrye biutxile ire rexidymy ramyh̃ỹre rynanamy ramyh̃ỹre. ⁵¹ Iu rilāhānanyh̃ỹreny, biu-ò rare. ⁵² Tamy rexitòenyrya aòma lāhānamy, wowy-dynamy rexitòenymyh̃ỹre Deuxu-ò. Tai riwowydynymyh̃ỹreny. Teysa-di diòkesedenyde Jerusalē-ò ixyby. ⁵³ Tai tahe Deuxu dohod̃ỹna heto-ki ixyby ixyby rowowydynanyh̃ỹrenyrye.

Joaõ

Deuxu Rybe Wihikỹ Tỹmyra, Joaõ Tyyritidỹđu

¹⁻² Ibutu aõna aõnakõu, Jesuisi rarehyymy raremyhỹ. Tii rybehyyymy raninira. Tii Deuxu-wana ihỹre. Ihãre tahe tii Deuxule rare. ³ Tii ibutuhukỹlemy riwinyre. Tiiõhyykeki tahe, aõ releõtyhy.

⁴ Umytuedeõna wahidỹđu tii ihỹre kia-di iny mahãdu rayky ritoosõnymyhỹre ritỹnynymyhỹre wahe. Kia loosõna heka bedede luru luru loosõna rare. ⁵ Bede luru tỹnyna loosõna rare. Loosõna ròtamyhỹre, bedede luru tahe ròanodỹỹmyhỹre.

⁶ Deuxu teõduõ diteõnyde, Joaõ inire. ⁷ Tii loosõnamy rarybekremy nade. Kia rybe-di roholamyhỹreki, ibutumy iny rityhynyrenykre. ⁸ Joaõ loosõna aõkõ rare. Urile tuu rarybekemy nade.

⁹ Jesuisile loosõnatyhy rare. Tii bedede-õ nadeu, ibutumy iny rayky ritoosõnyre. ¹⁰ Tii bedede-ki raremyhỹ, bedede widỹđu rare, ihãre tahe iny rieryõhyyre mobo tii ihỹre. ¹¹ Tasỹ mahãdu-õ dehemynyde, judeu mahãdu-õ wahe. Ihãre tahe ridyõhyyre, rityhynyõhyyre urile teramy reare. ¹² Iu inyõ Jesuisi rityhynymy ridyre. Deuxu riõreõlemy risỹdỹỹnyre inimy rityhynyreki. Kia-õ tahe ruru tamy riwahinyre. ¹³ Kia ityhydỹđu tahe Deuxudeewilemy tule iriõreõmy roirekemy. Hãlubu-ribi aõkõ ratybienyre, urariribike aõkõ, hãbudeewike aõkõ. Deuxudeewilemy iny ihỹmyhỹnyre.

¹⁴ Rybe tahe umyõ rimyre, demy rexiijenyre, inyyreny-ki rasỹnymyhỹre. Tii tỹxihikỹlemy Deuxu loosõna-di ratximyhỹre, ruxetõena-di inatyhyna-di nade. Inyboho tuu robirenyre. Deuxu Riõre delamy ratximyhỹre, sohojhyyre. ¹⁵ Joaõ Jesuisimy rarybere kia wese: —Kiamy heka adeereny rarybere. Tii wahewomy kanakre heka waratyre awityhyre. Tii dori wako-ki rarehyymyhỹ waribi juhuutyhy wahe. ¹⁶ Inyboho dori sõwemy ruxetõena iribi ritarenyre. Luuna sõwetyhymy tawo-ribi Jesuisi inyydeereny diwahinyde. ¹⁷ Deuxu bedede ywina tahe Moisesi õraru-ki nade inyydeereny. Ruxetõenamy tahe inatyhyna Jesuisi Kristu õraru-ki nade. ¹⁸ Inyõ heka tii Deuxumy robiõtyhy. Deuxuriõre delale heka itỹnydỹđu rare. Tuunatyhy-di taãxiõti-ki rimyre. Tiile iny-õ Deuxu ditỹnynde.

¹⁹ Judeu mahãdu Jerusalẽ-ribi xiwena wahidỹđu mahãduõ diteõnyde Joaõ dỹỹraxidỹỹmy. Levita mahãduõ tule diteõnyde. Tahe roirenyre ritỹỹraxinykemy mobo tii raremy. ²⁰ Tahe Joaõ-õ rỹỹraxirenyre aõhereriwe mobo atxiteri. Joaõ dirawyõnyde inatyhymy rexitxiõnyre: —Jiarỹ Kristu Deuxu deõdỹỹna aõkõ jiarỹ rare. ²¹ Tai tahe ixityre tamy rarybere: —Mobo tahe atxiteri, Elia aõbo. Aõkõre, Joaõ rarybere. Tahe Deuxu dee rybedu atxiteri inyboho riraõrenyleriõ wahe? Joaõ rarybere aõkõremy. ²² Tamy tahe ixityre raryberenyre: —Wakoreny bedelyyke mobo atxiterimy. Tai iny deõdỹđu mahãdu-õ arelyyrenykre. Aõmybo iximy manarybeke? ²³ Tahe Joaõ rarybere: —Jiarỹ Isaia Deuxumy rybedu wesele adeereny ararybekre. Jiarỹ rybeterenaduõ jiarỹ rare. Jiarỹ bederahy-ki iny-õ rarywãhã. Inynrỹ-õ ryõ biõbitinyke.

²⁴ Fariseu mahãdu-ribi kia mahãdu roirenyre. ²⁵ Tai tamy rarybere: —Kai Kristu aõbo tate? —Aõkõre. Elia aõbo? —Aõkõre. Deuxu dee rybedu aõbo?

—Aôkôre. —Aôhereki tahaka iny teratysebenyteri? ²⁶ Joaõ dirawyònyde: —Jiarỹ bedi iny reratysebenyteri. Inyò tahe ayrenyikile ratxireri. Tii tahe teeryòmahàtenyete. ²⁷ Tii wahewo-ribi kanakre. Jiarỹ raixỹrumy watxireri iwataana ese-ki, tii waratyrereki. ²⁸ Kia ibutumy aôhebo rotỹỹnyre Betỹnia hãwã bede-ki. Jordaõ bero kowa weribi ijà-ki ihỹre. Tai iule Joaõ iny riratysybenymyhỹre.

²⁹ Txubiòwau tahe Jesuisi Joaõ-ò kedehemynykemy nade. Tahe rarybere: —Beteheke, kowa Deuxu budoeni naderi. Tii òraru-ribi iny ritakremynade. ³⁰ Tuu jiarỹ rarybereu, inyò wahewomy kanakre. Tii waratyre awityhy rare. Tii dori wako-ki rarehyymhỹ waribi juhuure. Kia rarybereu tule jiarỹ tuurarybemahã. ³¹ Reeryòre heka tii, ihãre tahe anade tii aritỹnykemy judeu mahãdu-ò. Tai tahe anade iny bedi reratysebenymahãremy. ³² Tahe Joaõ tamyreny relyre: —Jiarỹ Deuxu Tyytybytyhymy rabire tamy dobehede-ò. Bòtòe wesemy ityre-ò desede. ³³ Deuxu riwateònyre bedi iny ariratysebenykemy. Tahe riwateònyreu tahe wadee rarybere: —Aômy kai bobikre? Deuxu Tyytybytyhy ronymy resekele inyòtyre-ò. Tii sohojile tahe Deuxu Tyytybytyhy-di iny riratysebenykre. ³⁴ Jiarỹ tuu rabire, tai tahe reeryre, tule taheka relywãhãre, tii inatyhymy Deuxu Riòre raremy.

³⁵ Itxubiòwau tahe Joaõ taerydỹỹna inatxiò-wana raremyhỹ. ³⁶ Tahe Jesuisi nadeò tuu robire. Tahe tamahãdu-ò rarybere: —Kowa tahe Deuxu Budoeni naderi. ³⁷ Kia rybe-ò tiiboho roholareu, tahe ròrenyire Jesuisi riheludunyrenykemy. ³⁸ Jesuisi tahe tuu robire ihemy roirerimy. Tahe tamyreny rarybere: —Aôbo teijetenyteri. Tahe dirawyònyde: —Rabi (kia rybe tahe irybereny-ki, erydỹỹdu rare), titxibo kai tasỹnymahãte. ³⁹ Jesuisi rirawyònyre: —Bòdòibedenyke betehebenykemy. Tahe tii-wana roirenyre, tamy reteherenyre. Tahe txioromy tii-wana ihỹmyhỹ. ⁴⁰ Joaõ rybe-ò ijo-honaduò, Jesuisi helududỹỹduò, Andre rare. Tii Simaõ Pedro seriòre rare. ⁴¹ Andre tahe taseriòre Simaõ aôwesele rioryre. Tahe tamy rarybere: —Mesia-ki inyboho rahamy ratximyhỹrenyire. (Ka rybe, Mesia, heka. Kristumy rare, Deuxu deòdỹỹna rare.) ⁴² Tahe Andre Jesuisi-ò Simaõ didyde. Jesuisi Simaõ-ò retehere urihimyò idi tamy rarybere: —Kai Simaõ tate, Joaõ riòrere. Iribi tahe ani Sefamy rarekre (Kani heka Pedro rare.)

⁴³ Itxubiòwau Jesuisi Kalileia-ò rakremy ixi-di ròhòtinyre. Tahe Filipi riijere. Tamy rarybere: —Wahemy manakekò aôbo. ⁴⁴ (Filipi tahe Besaida hãwã luduò rare Pedro, Andre-wana ihãwãluduòle rare.) ⁴⁵ Filipi tahe Natanaeli witxi reare. Tamy rarybere: —Moisesi bede ywina tyyriti-ki inyòmy rarybere: —Tule Deuxu dee rybedu tyyriti-ki rarybere. Taile rahare. Jesuisi ihỹre. Nazare hãwã luduò rare. Jyje riòre rare. ⁴⁶ Tahe Natanaeli ritỹỹraxinyre: —Aôwihikỹ aôkàbo Nazare hãwã-ribi kadòhònykre. Filipi rirawyònyre: —Manake betehekemymy. ⁴⁷ Jesuisi Natanaeliny robire naderimymy tahe tuu rarybere: —Kowa judeu mahãduò inatyhy rare. Tii hãbu òbiti rare. ⁴⁸ Tahe Natanaeli rarybere: —Timykibo tiwaeryteri. Jesuisi rirawyònyre: —Figueira òra-ki tanyteò, umy rabire. Filipi aòrysmy raòreule, umy rabire. ⁴⁹ Natanaeli rimasajuamy rirawyònyre: —Kai Deuxu Riòre tate Inyerydỹỹdu tate. Kai judeu mahãdu Iòlò tate. ⁵⁰ Jiarỹ adee rarybera: —Figueiraòra-ki umy rabireki. Kiakile aôbo, tiwatyhynyteri. Iratyre aôna aôna wiwihikỹ adee ariteòsinykre. ⁵¹ Inatyhytyhymy adee araybekre: —Biuwetty riranykre. Jiarỹ biuloosòna hãbu jiarỹ rare. Ýjuboho Deuxu-ribi wadee doideò kai bobikre. Idi waribi roireò bobikre.

2

¹ Inataõ txu-di tÿmyra herina txumy reare. Kana hãwã-ki Kalileia bedeki. Jesuisise tai ratximyhyre. ² Jesuisi tule ritobinyre tamy rakremy taerydÿÿna mahãdu-wana. ³ Lisinaube tya-ki vÿi mona ituere. Tai Jesuisise Jesuisi-ò rarybere: —Vÿi mona ituere, imona kõre. ⁴ Jesuisi rarybere: —Nadi, aõhebo arotÿÿnykre. Aõka wawidÿÿkõna wabededÿÿnanamy aõkõka bede rÿireri. ⁵ Tahe Jesuisise deõdu mahãdu-ò rarybere: —Anowidÿÿkÿmy adekereny tiki rarybekeki, ibutumy biwinybenyke. ⁶ Debõsohoji reurõ mana butxi nihikÿ tai rÿimyhÿ judeu mahãdu ibe-di brebu õraru-ki aõna aõna risuhõmyhyre worana bedehesinau. Mana butxi sohoji sohoji 80 urihixina ratyre rimyre. ⁷ Jesuisi tamyreny rarybere: —Ibutumy bedi bitÿxinybenyke. Tahe ibutumy ijã ratyre ritÿxinyrenyre. ⁸ Katahe iribi bitake. Worana bedehesi wedu-ò biwybenyke imona. Tahe riwyrenyre. ⁹ Kia bee heka Jesuisi riwitxiranyre vÿi monamy. Tahe iwedu riurihire, rieryõre tiribibo nade. Deõdu tahe rieryre juhuu bee rare. Tahe iwedu rarybere weryrybõ heridu-ò: ¹⁰ —Katahe awityhyre. Kai ijõ-ribi iwitxiratyhymy tewinyteri. Ijõ iny heka awityhy iko-ò ritxiwimyhÿ. Ihewomy tahe awiriõre ritxiwimyhÿ. Kai tahe awityhy ikonana-ò teyrubunyta. ¹¹ Katahe aõna aõna wiwihikÿ iny itxerenamy juhu ludu rare. Kana hãwã-ki Kalileia bedeki ihÿre. Tii tarurutere riteõsinymyhÿre taerydÿÿna mahãdu-ò. Tai ierydÿÿna mahãdu rityhynyre.

¹² Iribi tahe Kafanaõ hãwã-ò Jesuisi dobehede tadi, taseriõre, taerydÿÿna mahãdu tii-wana roirenyre. Ijõtxumy tahe tai bede tÿnyra rÿira.

¹³ Pascoa worana bedehesi iõhõmy rÿireu, Jerusalẽ rotuore kia tahe judeu mahãdu worana bedehesina rare. ¹⁴ Tai Jesuisi Deuxu dohodÿÿna hetowo-ò ralore. Tahe iwo-ki itxi reare sõwemy aõna aõna-di rohonryeriõ, broreni-di ijohodu-txi, budoeni-di ijohodu-txi, bõtõde-di ijohodu-txi, tule nieru witxira witxira wibydyÿÿdu mahãdu-txi reare tai ronymyhÿki. ¹⁵ Jesuisi reroti awaru hãtena wesemy riwinyre. Idi tahe dohodÿÿna hetowo-ribi ibutumy riõlõdyÿre, budoeni, broreni-wana, tahe nieru wibydyÿÿdu mahãdu oworubesedyÿ-di Jesuisi rehure, tai nieru rejuxynyre. ¹⁶ Tahe rare bõtõde-di ijohodu-ò. Tamy rarybere: —Biõlõdyÿnyke wa. Waha heto dori aõ-di ijohona aõkõ rare. ¹⁷ Tahe Jesuisi erydyÿÿna mahãdu tõhõti-txi reare aõbo Deuxu Tyriti-ki roiretxi:

—Waha heto yrubudyÿÿna-ki dori riwasamyhyre. Ariyrubunykem y dori watxireri, tai riwasareri.

¹⁸ Judeu mahãdu Jesuisi-ò rÿÿraxire: —Aõherekibo kai teõlõdyÿnyteri. Mobo he arateranyreri tuu biwinykem y. ¹⁹ Tahe Jesuisi rirawyõnyre: —Deuxusÿ-di behuke tahe inataõ txu-di aditamadyÿnykre. ²⁰ Tahe judeu mahãdu rarybere: —Ka heto 46 beõra-di relere, timykibo kai inatãõ txu-di biwinykem y. ²¹ Jesuisi tahe Deuxusÿmy taumylemy rarybere. ²² Iribi tahe iu rubu-ribi iixixana-txi tõhõtireny reare, kia tuu rarybere-txi. Tai heka iritina rityhynyre, tule Jesuisi rybe rityhynyre.

²³ Jerusalẽ-ki Jesuisi Pascoa worana bedehesidyÿÿna riwyre. Aõna aõna wiwihikÿ inyy-ki ritxienyre riwinyre. Tai sõwemy iny inityhy rityhynyre.

²⁴ Jesuisi tahe urihimyoõle iny rityhynyre. ²⁵ Tii dori ibutumy iny rayky rierymyhyre. Inyõ timy iny raremy tiu tamy aõna relyyõtyhy tii ibutumy aõerydu rareki.

3

¹ Nikodema fariseu mahãduõ rare. Tii judeu mahãdu weduõ rare. ² Tii

rudimy Jesuisi roramy rara. Tahe tamy rarybere: —Wanyrŷ, reeryrenyre kai Deuxu-ribi erydŷŷdu tate. InyƆ Deuxu-diƆkeki tii aƆ wiwihikŷ ri-winyƆtyhy. Iwese aƆ wiwihikŷ kai tewinyte wese. ³ Tahe Jesuisi rirawyƆnyre: —Inatyhytyhymy adee ararybekre: —InyƆ ixityre reakƆkeki, tiu Deuxu ƆlƆnasŷmy robiƆtyhy.

⁴ Nikodema rŷŷraxire: —Timykibo matuari ixityre reakemy. Timyrabo, ixyby tadiwo-Ɔ iny ralƆkeki aƆbo ixyby iny raumynyke. ⁵ Tahe Jesuisi rirawyƆnyre. Inatyhytyhymy rarybere. InyƆ bera-ribi ratybienyƆkeki Deuxu Tytybytyhy-ribi ratybienyƆkeki, tiu ralƆƆtyhy Deuxu ƆlƆna-Ɔ. ⁶ Deribi tybie heka dee rare. Deuxu Tytybytyhy-ribi tybie tasŷ tytyby rare. ⁷ Idi wanaƆtaƆmy aƆmybo rarybereridi ixityre ijiranamy. ⁸ TiƆ tiƆ yhy ribonymhŷre: —Iwodŷŷ taholate, tahe tiribibo namyhŷde teeryƆmahŷte tiƆhe ramyhŷre teeryƆte, kia wesele iny Deuxu Tytybytyhy-ribi tybie iny rŷire. ⁹ Tahe Nikodema rŷŷraxire: —Timyrebohe kia ratxike. ¹⁰ Jesuisi dirawyƆnyde: —Kai judeu bedede erysydŷŷdu tate ihŷarele teeryƆte aƆbo. ¹¹ Inatyhytyhymy adee rarybere aƆmybo reeryre, aƆmybo rabire. Ihŷarele tahe kia tetyhynyƆte. ¹² Bede aƆmydŷŷnanamy rarybere tahe tetyhynyƆte. Timybo bityhynyke biu aƆmydŷŷnanamy ararybekeki. ¹³ Iny sohojile biu-Ɔ raƆwƆnyre, Deuxu RiƆre Hŷbutyhyhykŷ rare. Tiile iribi juhu dobehede. (Tiile isŷre. Taile isŷ roire.) ¹⁴ Iwese Moisesi bederahy-ki womati hemylala ritamadŷŷnyre wese, Kiawesele jiarŷ, Deuxu RiƆre Hŷbutyhyhykŷ, wadi kidiwatamadŷŷnykre. ¹⁵ Tahe inyƆ wadi rityhynykeki, umytuedeƆna tuu ritamy rŷihyy rakre.

¹⁶ Deuxu RiƆre sohoji hyule rare. Deuxu bedede ludu mahŷadu ibutumy iluutyhyre. Tai tahe tariƆre diteƆnyde iny rityhynykre. InyƆ tii rityhynyre-wana, umytueƆnahakŷ ritakre. Tii ruuƆtyhy rubu bina bedede-Ɔ. ¹⁷ Deuxu tariƆre bedede-Ɔ diteƆnyde bedede iny mahŷadu tarasadumy rarekemy. AƆ iny ywisidŷŷna-Ɔ rirutykemy aƆkƆ. ¹⁸ InyƆ rityhynyhyreki, tii ywisidŷŷdu idi rehuƆtyhy. Iny rityhynyƆmyhŷreki tihe aƆhƆkŷmy dŷŷnana-txi riteƆnykre Deuxu idi ratximyhŷre, tii dori Jesuisi rityhynyƆmyhŷre, Deuxu RiƆre dela wahe. ¹⁹ Ibinatyhymy iny aƆmydŷŷnana bedede bedemy rŷira, tai bedede luru-ki rira tamy awira. Tuu loosƆna nadeu, tamy ibinare. Tai tahe Deuxu riteƆnykemy idi ratximyhŷre. ²⁰ InyƆ aƆbinahakŷ rotŷŷnymyhŷre, loosƆna dera heka tuu rŷira; loosƆna-Ɔ rehemynyƆtyhy, rehemynyre-wana, iny taaƆbina bina rierymyhŷre. ²¹ Iny tahe awiwihikŷle rotŷŷnymyhŷre-wana tii tahe loosƆna-Ɔ rehemynykre rŷira, taaƆmydŷŷnana dori Deuxudeewimy ririmyhŷre, ibutu iny rierykremy ririre.

²² Iribi tahe Jesuisi taerydŷŷna mahŷadu-wana Judeia bedede-Ɔ rƆirenyre. Tai heka bededŷŷnana-Ɔ riwiyre. Tiiboho iny ityhydŷŷdu mahŷaduƆ tai riratysebenyrenyre. ²³ JoaƆ iribi iƆhƆmy ratxireri. Iny riratysebenymyhŷre. Tii Eno hŷwŷ-ki Salŷ hŷwŷ-ribi iƆhƆmy roire. Tai riratysebenyre sƆwemy beede tai roimyhŷreki. SƆwemy iny tamy ratysebenymy rare. ²⁴ (JoaƆ iu rotenamy ralƆƆlemy ratximyhŷ.) ²⁵ Judeu mahŷaduƆ, JoaƆ erydŷŷna mahŷadu-wana rybetere txiƆdŷŷna rƆhƆnyra, bedede ywina Ɔbiti aƆmydŷŷnanamy wahe. ²⁶ Tahe JoaƆ erydŷŷna JoaƆ-Ɔ doidenyde rarybekremy: —Waerydŷŷdurenŷ. Kai hŷbumy telyymy tatamahŷ, kia JordaƆ kanawe-ribi ija-ki umy-wana raremyhŷ, tii rƆratysebenyeri. SƆwemy iny tamy wirotŷre. ²⁷ Tahe JoaƆ tamy rarybere: —Kia wadee awire aƆ aƆkƆ iny ritamyhŷre, biu-ribi kanakekile tahe iny aƆ ritake. ²⁸ Jiarŷ heka Jesuisi nonanamy ijyymy diwateƆnyde wahewo-ribi kanakremy. Jiarŷ tii aƆkƆ rare. Tii tahe Kristu tyhy rare.

Jiarỹ kiamy juhuu rarybewāhāre: —Kia tahe teerytenyte. ²⁹ Inatyhymy tahe hābumy heridu wesemy Jesuisi rare. Ibutumy iny tuu robikemy tamy wiitotyre. Ibiōwa weselemy jiarỹ rare. Tahe irybe-ō raholareu, reysamy rarewāhā. ³⁰ Tai wadee awire iny tii rieryreki, waribi tahe nohōti rosakemy idi watxiwāhāre.

³¹ Tii biujuxahakỹ-ribi nadeki ibutu ratyremy ratximyhỹre. Bede-ribi jiarỹ anadeki, tahe bede ludu jiarỹ rare, bede aōmydỹnanamy rarybewāhāre. ³² Tii rarybere aōmybo roholare, robire, tahe ijō iny rityhynyōhyre irybe. ³³ Inyō tahe rityhynykeki, tii tule ijō-ō rarybere, Deuxu inatyhy rare wahe. ³⁴ Deuxu deōdỹna heka irybelemy rarybere Deuxu dori Tatyytybytyhy ibutumy tamy diwahinyde. ³⁵ Tyby taRiōre luure, tai tahe ibutu aōmydỹnana ywisidỹmy tamy diwahinymy diteōnyde. ³⁶ Iny Jesuisi rityhynymyhỹreki, umytuedeōnahakỹ-di iny rỹira. Inyō tamy ratxiōkeki, tiu umytuedeōna ro-biōtyhy, Deuxu ykarana dori tii-wana ratximyhỹre.

4

¹⁻⁴ Inyō fariseu mahādu-ō rarybere: —Jesuisi Joaō-ribi iny sōwemy di-ratysebenymyhỹde. Sōwemy iny ritamyhỹre ierydỹmy. Tahe Jesuisi aōkō rōratysebedỹmyhỹre, ierydỹnale tahe riratysebenymyhỹre. Iu Jesuisi kiamy rieryreu tahe, Judeia-ribi rexitare. Roirenyre Kalileia bede-ō ritehemynykemy. Roirenyreu tahe Samaria bededihiyale riōhōrenyre. ⁵ Samaria bede hāwāō-ō tahe ritehemynyre. Sika inire. Ijaō riōresu-ribi iōhōmy rōira, tariōre Jyje-ō riwahinyre wahe. Ijaō behāloo tai rỹimyhỹ. ⁶ Txutyeu tahe Jesuisi elerihynymy rononymhỹ tatilemy nadeki berysina werora-ki. ⁷ Tahe Samaria mahādu hāwyyō dobehede beixemy. Jesuisi tamy rarybere: —Beō inihe wadee bidiōke. ⁸ Jesuisi erydỹna mahādu tahe juhuu roirenyre hāwā-ō rỹsỹna itxemy. Tai Jesuisi riraōmy rononymhỹ. ⁹ Tahe hāwyy rarybere: —Kai judeu mahādu tate, jikarỹ samaria mahādu rare. Anoherekibo wadeke textiōenyteri bemomomy. (Judeu mahādu Samaria mahādu-wana wiymy reaōhyymyhỹre. Widi òludu wesemy rare.) ¹⁰ Tahe Jesuisi rirawyōnyre: —Kai heka teeryōhyteri mobo jiarỹ rare wahe. Tule, Deuxu wahisidỹna teeryōte. Tiwaeryteriwana kai bedexitōenyke, tahe bee irumy ihỹre adee ariwahinyke. ¹¹ Hāwyy rarybere: —Wahĩ, timybo bee irumy ihỹre wadeke kanakre. Kai ahynakōre, hāloko heka behekyre bee irehere. Timybo bee iru kumy-wana ratxireri. ¹² Kai anobohe inytyby Ijaō ratyrere. Tiki heka behāloko wedu juhuku rare; idi riwahinyre inydekereny. Iribile iritxiōre riōmyhỹre tiki-wana, ibroreni riōmyhỹre. ¹³ Jesuisi tahe tarybetyhy-di rarybere: —Inyō kahāloobemy riōkeki, ixityre bemomomy ruruke. ¹⁴ Jiarỹ bee ariwahinyke. Inyō tahe kiabemy riōke-wana, tiu bemy tamy umytuedeōnahakỹ riwahinyhyymyhỹre. ¹⁵ Tahe hāwyy rarybere: —Wahĩ bee tuedekōdu ikuny tuu kariōke. Tai kakō kanakōtyhy berysiny. ¹⁶ Tahe Jesuisi rarybere: —Maa hỹny, ahābu biōryke, tahe manake. ¹⁷ Hāwyy dirawyōnyde: —Anokōre, wahābukōre. Jesuisi rarybere: —Inatyhymy tarybeteri ahābuōremy. ¹⁸ Kai heka iruyre ahābu tate. Wijina tahe ahābu aōkō rare atỹhibiōwale wahe. Kia tahe inatyhymy tarybeteri. ¹⁹ Wahĩ, wiji tahe arakeryra, kai Deuxu rybeduō tate. ²⁰ Wahareny Deuxumy reālāmyhỹre kahāwālo-ki. Amahādu anokō, tamy tahe Jerusalē Deuxu deālāna rare. ²¹ Tahe Jesuisi rarybere: —Lerỹ, warybe bityhynyke. Kanakre itxu kahāwālo-ki aōkō, Jerusalē-ki aōkō Waha Deuxu deālāna rarekre. ²² Kaiboho aōmybo teālāte teeryōtenyte. Jiarỹboho

tahe aõmybo reàlàre, reeryrenyire, tarasana dori judeu mahãdu-ribi nade. ²³ Kia bededýýnanamy reara. Inyõ Waha Deuxu àlànamy ratximyhýreki Deuxu Tyytybytyhy-di, inatyhyna-di reàlàmyhýke. Tuu deàlàna mahãdu Deuxu rijemyhýre. ²⁴ Deuxu Tyytyby rare: —Tai tahe tudeàlànadu tatyytyby-ki inatyhyna-ki tuu reàlàmyhýre. ²⁵ Kia tahe jikarý rekeryre, Mesia kanakre, Deuxu dekodýkýnamy wahe, Kristu inire. Tiki kanakreku wahe, ibutumy inydekereny anona anonomy relykyre. ²⁶ Jesuisi rarybere: —Jiarý tahe tiire, umy-wana wiji rarybereri wahe.

²⁷ Tahe Jesuisi erydýýna mahãdu rehemynyre. Hãwyy-wana rarybereriki tahe ribedeòtiidýýnyrenyire. Tahe inyõ tamy rýýraxiõhyire. Aõmybo tamy rýýraxire, ada aõherekibo tamy rarybereriki. ²⁸ Iu tahe hãwyy tabutxi ririre, hãwã-ò rara. Tahe tahãwã mahãdu-ò rarybere: ²⁹ —Bodoibedenyke wahemy. Betehebenykemy hãbu-kò. Tiki wakoku relykyre ibutumy anohebo ratýkýnymahãremy. Tiki kòsana Kristu ratxireri. Deuxu dekodýkýna rare. ³⁰ Hãwã-ribi roirenyre Jesuisi-ò. ³¹ Iu hãwyy hãwã-ki rareamyhýreu, tahe ierydýýna Jesuisi-ò rarybere: —Iny erydýýdureny rýsýnaò birýsýke. ³² Tahe Jesuisi rarybere: —Warýsýnadire wahe. Kaiboho heka kia rýsýna teeryòtenyite. ³³ Tahe widee raryberenyre: —Inyõ kòaðboka tamy rýsýnaò riwyreri. ³⁴ Jesuisi rarybere: —Wadeòdýýdu deewimy ariwinykemy idi watxireri. Kia tahe warýsýnare, iaòmysýdýýna arihukemy wahe. ³⁵ Maixòmo butuna inaubiòwa ahãdu-di bidiòrarunybenykremy kaiboho tahòtinytenyteri. Tahe aòkòre adeereny ararybekre. Betehebenyke bedero-ò. Maixòmo redenamy rýire. ³⁶ Kia maixòmo butudýýdu iòwy ritake, tahe umytuèdeònahaký-ò iny ributunyire. Tahe wiwanale riwodeysanymyhýre ibròdýýdu ibutudýýdu-wana. ³⁷ Iwese inyõ rarybere wese, inatyhy rare. Ijò tahe ibòròdýýdu rare. Iwitxira tahe ibutudýýna rare. ³⁸ Jiarý kaiboho arateònymahãre. Aòbo tebòrònyòtenyite tahe bibutunye. Juhuu inyõ raamýsýdýýre: —Kaiboho tahe iraty temytenyite.

³⁹ Tahe hãwyy òraru-ki sòwemy Samaria hãwã mahãdu rityhynyre. Hãwyy rarybere juhoo: —Tiki wakoku relykyre ibutumy anohebo ratýkýnymahãre walananonanamy relykyre. Kia rybe òraru-ki tahe rityhynyrenyire. ⁴⁰ Samaria hãwã mahãdu tahe Jesuisi-ò rexitòenyre tii-wana roirekemy. Tahe Jesuisi tii-wana inatxi txumy riwyre. ⁴¹ Sòwemy tahe rityhynyre Jesuisi Rybe òraru-ki. ⁴² Tahe hãwyy-ò rarybere. Wiji tahe arybe òraru-ki aòkò retyhynyrenyire. Tamy tyhy-ò jiarýle raholare, tahe reeryre tii bede iny tarasadu tyhymy raremy.

⁴³ Inatxitxu-di tahe Samaria-ribi rare Kalileia bede-ò. ⁴⁴ Jesuisile dori rarybere: —Deuxu rybeduò uladumy ijirana bede-ki iny rityhynyòhyymyhý. Tiu tamy wowydynaò riwahinyòtyhy. ⁴⁵ Kalileia mahãdu juhoo Jerusalê-ò tule roirenyre, worana bedehesi rýimyhýraò. Ibutumy aòbo Jesuisi riwinyra heka tiiboho reteherenyre. Tai Jesuisi tasubede-ò rehemynyre tiiboho awimy ridyrenyire.

⁴⁶ Tahe ixityre Jesuisi rehemynyre Kana hãwã-ò. Juhuu tai bee riwitxi-ranyre vîi monamy wahe. Bede dinodu aòmýsýdýýdu Kafanaò-ki rasýnyre. ⁴⁷ Jesuisi Kana hãwã-ki ratxirerimy hãbu roholare, tamy rara. Tariòre dori ibinamy roire taheto-ki. Jesuisi-ò hãbu rarybere: —Manakekò aòbo waheto-ò wariòre biteytekemy. ⁴⁸ Jesuisi rirawyònyre: —Kaiboho bede aòmydýýnana wiwihiký tetehtenyteule tetyhynytenyite. ⁴⁹ Hãbu heka Jesuisi-ò rarybere:

—Wanyrỹ, wylemy manake wariõre rurukreko-txi. ⁵⁰ Jesuisi rarybere: —Bòõseke, ariõre dori awimy relera. ⁵¹ Tahe tii Jesuisi rybe rityhynyra tai ròõsere taheto-ò rakemy. Ijõ txu tahe ryro-ki teõdu-wana witxi reare. Tii rarybere: —Ariõre reytera aheto-kile. ⁵² Hãbu ritỹỹraxinyre tiubo reytera. Tahe relyyre. Kaule, txutyeyu reytera. ⁵³ Jesuisi rarybereu, kialeu iriõre reytera. Hãbu rieriye. Tai tahe idi ibutumy hãbu sỹmahãdu Jesuisi rityhynyre. ⁵⁴ Kia tahe Jesuisi inatxina aõna aõna wiwihikỹ iny itxeranamy riwinyre Kalileia bedeki.

5

¹ Iribi tahe judeu mahãdu worana bedehesimy rỹimyhỹ. Tai tahe Jesuisi rare Jerusalẽ-ò. ² Hãwã-ki tahe hãloo ibedỹỹ roimyhỹ budoeni ryijò iòhò-ki rỹimyhỹ. Beteta inire, hebraika rybe ini rare, judeu rybe wahe. Iruyre iwòtena ube iwerora-ki rỹire. ³ Sòwemy webinadu ube-ò wii rotyre, iny ruetã ijõre, iny tiere ijõre, inytibina ijõre. ⁴ Tiiboho ýjuò riraõmyhỹre. Ýju beò rerireu tahe raukỹre. Mobo juhu itxi resekeki tahe, tii reytemyhỹre. ⁵ Hãbuò 38 beòramy ibinamy roimy raremyhỹ. ⁶ Jesuisi tamy retehereu, rieriye tiwesebeòrabo ibinamy roimy rare myhỹ. Tahe tamy rarybere: —Kai aõbohe beytekekõ. ⁷ Hãbu dirawyònyde: —Aõkõre Wanyrỹ, wawìhedỹỹduõre. Bee rexiukỹnyrau, ijõ wako-ò ralõmyhỹre. ⁸ Jesuisi tamy rarybere: —Myikewa, abyre bimyeke, mariake. ⁹ Aõwesele hãbu rỹimy reare, awimy. Tabyre rimyre tahe rariare. Kia txu tahe sabado txu rare. Kia txu tahe judeu aõmysỹdỹỹna txu aõkõ rare. ¹⁰ Tai tahe judeu mahãduò tamy rarybere: —Abyre-di riraõmy, sabado txu dori òbiti aõkõ rareki. ¹¹ Tahe dirawyònyde: —Wadeytedỹỹdu wadee rarybere wabyre arimykemy. ¹² Tahe tamy rỹỹraxire: —Mobo adee rarybere abyre bimykemy idi mariakemy. ¹³ Tahe hãbu deytedu rieriye mobo rare. Jesuisi dori dexitade iribi. Sòwemy iny tai rỹimyhỹ. ¹⁴ Deuxu dohodỹỹna heto-ki Jesuisi idi hãbu-ki rahara. Tamy rarybere: —Kai teyteta, inatyhy. Tai tahe aõraruna biixãwidinyke, aõbinatyhy aõhe adee rotỹỹnyheny. ¹⁵ Hãbu tahe rare. Judeu mahãdu-ò rarybere, mobo teytedỹỹdu raremy, Jesuisi wahe. ¹⁶ Tai tahe judeu mahãdu Jesuisi ibinamy rexidelenymy rarybere, sabado txuu kia riwinyreki. ¹⁷ Jesuisi tahe rarybere tamyreny: —Waha, Deuxu aõu raaõmysỹdỹỹre, jiarỹ tulere. ¹⁸ Tai tahe sòwemy irubudỹỹmy rurumyhỹre. Sabado txu bede ywina-ribi tii riywinyõre. Tule Jesuisi Deuxu wesemy rexioire, Wahamy dori rarybemyhỹreki.

¹⁹ Tai tahe Jesuisi tamyreny rarybere: —Jiarỹ ixi-di aõkõ aõmydỹỹnanamy ratỹỹnmaõhãre aõbo Waha riwinymyhỹre, jiarỹ tule rewinywãhãre iweselemy. ²⁰ Waha Deuxu dori waluure. Aõbo riwinyre wadee riteòsinyre, tai tahe aõruxerahakỹtyhymybo bobibenykre, idi bede biòtiinybenykre. ²¹ Waha Deuxu dori rubu-ribi iny riixixanymyhỹre. Tai tule jiarỹ iny areixixanyke ixideewikeki. ²²⁻²³ Ibutumy iny hitxidỹỹna Waha wadee tuu rarybera, tii dori iny rihitxidỹỹnyòtyhy. Jiarỹle tahe iny ywisidỹỹdumy aròhònykre, tai iwese Deuxu iny riwowydynymyhỹre wesele iny riwawowydynymyhỹkre. Adeereny Deuxu diwateònyde. Tai inyò riwawowydynyòkeki, tii Deuxu riwowydynyòreri. ²⁴ Inatyhytyhymy adeereny ararybekre. Inyò warybe roholakeki, wateòdỹỹdu rityhynykeki, tii wijityhyle umyuedeòna ritake, ywisidỹỹduko-ò ròhònyòtyhy, rubu ryribi ròhònyre umy irumy ihỹre ryò iny ralõmyhỹre. ²⁵ Inatyhytyhymy adee arelyykre: —Bededỹỹnana-ki kòhòra, bede dỹỹnanamy reara. Tahe rubu mahãdu Deuxu Riõre rybe-ò roholakre.

Roholamy rÿikeu tahe irumy rÿike. ²⁶ Tyby dori iumyõnanaõhyyre wese tule iRiõre rare. Umytuedeõna wedu rare. ²⁷ IRIõre heka hitxidÿÿna wedumy relere. Tii dori Deuxu Riõre Hãbutyhyhykÿ tii rare, jiarÿ wahe. ²⁸ Bedeõtiidÿÿõmy tahe bededÿÿnanamy he reare. Rubu mahãdu wabedey-ki warybe-ò roholakre, tai iribi rôhõnykre. ²⁹ Ibutumy aõwibo riwinyre mahãdu kedexixakre umytuedeõnahakÿ-di. Kia ibinamy riwinymyhÿre mahãdu ywisidÿÿdu-ò rexixakre.

³⁰ Jiarÿ ixi-di aõkõ aõmydÿÿnanamy ratÿÿnywãhãre. Iwese Waha-ò raholare wese iny ywisidÿÿmy arõhõnykre. Waywisidÿÿna heka õbiti rare. Wadee wimy aõkõ dori tuu watxiwãhãre. Waha wadeõdudeewimy tuu watxiwãhãre. ³¹ Iximy ararybekeki, inyõ riwatyhynyõtyhy. ³² Iwixira heka tuu rarybereri wamy wahe. Reeryre inatyhy raremy. ³³ Kaiboho inywixira teteõnytenyte. Joaõ ratysebedÿÿdu-ò rÿÿraxikemy ibutumy kia wamy rarybere inatyhy rare jiarÿ inatyhy rare. ³⁴ Iny wamy rarybemyhÿre, tahe jiarÿle kia reijeõhymahãre inyle rierÿõre wamy rybe, wahe. Tahe kiamy adee relywãhãre kaiboho ritamy rÿikemy. ³⁵ Joaõ tahe loosõna wesemy raremyhÿ. Tii urihimÿõ bededÿÿnana ritoosõnymy raremyhÿwesemy tahe kaiboho atximahãtenyte. Idi urihimÿ-ò teysatenyte iloosõna-di, idi iribi kaiboho terarenÿre. ³⁶ Jiarÿ Waha õraru-ki aõmydÿÿnana wiwihikÿ, rewinyamahãre. Kahaka inatyhymy urihixina rare. Joaõ wamy rarybere ratÿre heka kaa roire, Deuxu Waha inatyhymy wadeõdu raremy riteõsinyre. ³⁷ Waha wadeõdu wamy tule relyyre. Kaiboho irybe-ò taholaõtenyte tule tii tabiõtenyta. ³⁸ Kaiboho tamy taholaõhymahãtenyte, tiwatyhynyõteki, jiarÿ dori iteõdÿÿna rare. ³⁹ Tyyriti-ò tetehetenÿte iwo-ki dori umytuedeõna-ki mahakemy tahõtinytenyte. Ritidÿÿnakile wamy relyymyhÿre. ⁴⁰ Ihãrele tahe wadee taõmahãte adeerenÿ umytuedeõna ariwahinykemy. ⁴¹⁻⁴² Aõmybo wamy iny rarybemahãkeki, aõ aõkõ rare wadee, jiarÿ dori reeryre Deuxu luuna-di aõkõ atxitenyteri. ⁴³ Jiarÿ Wahani-di anade, tahe kaiboho tiwatyhynyõmy wadi ahãte. Inyõ ixideewilemy kanakeki, kaiboho bityhynybenÿkre. ⁴⁴ Tai heka tetyhynyõmahãtenyte. Widee dori kaiboho tewowydynmahãtenyte, tahe Deuxu-ribi wowydyna ritakemy terarenÿre, sohojihyyre heka Deuxu. ⁴⁵ Kiamy tahe Waha-ò arelyyõkre, Moisesi tahe relyykre. Moisesi bede ywina dori, ararõsõnyrenÿ rare. ⁴⁶ Inatyhymy Moisesi tetyhynymahãte-wana tule jiarÿ biwatyhynymahãke, wamy dori Moisesi rôratidÿÿre. ⁴⁷ Irybe bityhynyõkeki, timybo warybe bityhinyke.

6

¹ Iribi tahe Jesuisi Kalileia aho-ki ixyby reurore, Teberiadde ahoniõre. ² Tahe sõwemy iny riheludunÿre tuu robireki, aõna aõna wiwihikÿ, deyt-edÿÿna wiwihikÿ robireki. ³ Tahe hãwãlõratÿy-ò Jesuisi raõwõnyre taerydÿÿna mahãdu-wana –rorukurenÿre tai. ⁴ Judeu mahãdu worana bedehesi rexidelenÿkemy iõhõre. ⁵⁻⁶ Tahe Jesuisi retehere inysõwehekÿ-ò, tamy rehemynÿrerì. Tai Filipi-ò riurihimÿ rarybere: –Tikibo orotxu tamÿrenÿ rikiõbranyre riyrenÿkemy. Jesuisi rierymyhÿre aõbo riwinykremÿ ratxireri ihõrele tahe Filipi-ò kia rarybere. ⁷ Filipi tahe dirawyõnyde: –Inyõ sohoji sohoji orotxu ÿre sohoji riykeki, 200 prata womati nieru rakahurenÿke ihãre rimyõtyhy. ⁸ Andre Jesuisi erydÿÿna-ò rare, Simaõ Pedro seriõre rare. Tii tahe Jesuisi-ò rarybere: ⁹ –Weryryboõ kaki ihÿmyhÿ. Iruyre cevada orotxu idi ratximyhÿ, utura inatxi. Kia tahe aõ aõkõ rare inysõwe-ò. ¹⁰ Tahe Jesuisi

taerydÿÿna-ò rarybere: —Tamy marybebenyke ranyrenykemy asityrekile. Tahe rorukurenre ibutumy. Hābu 5000 ronyre ijò inyò tahe sòwetyhymy rorukure. ¹¹ Jesuisi orotxu rimyre. Deuxumy realàre, idi tahe tamyreny riwahinyre. Tule utura-wana wiwelele risÿnymy. Tuu rotÿÿnyre. Ibutumy heka ixideewina rirÿÿnyre. ¹² Rihydyrenyre, Jesuisi rarybere taerydÿÿna mahādu-ò: —Bibutunyenye rauhenyru uritere ixinamy itxiwixirenyòkemy idi watxireri. Uritere idi dehurenÿomy. ¹³ Tahe ributunyenye iuhe waòinatxi reuròmy weriri ritÿxinyre orotxu yrere-di. ¹⁴ Jesuisi aòwiwihikÿ widÿÿnamy robirenre kiamy tahe raryberenre. Tii inatyhymy Deuxu Rybedutyhy rare. Juhuu dori tuu rarybere kabede-ò kanakemy. Inyboho tii riraòmyhÿre.

¹⁵ Ròhòtynyre: —Jesuisi inyiòlòrenymy rikimynenye. Tamy ròkòbirenre. Iu Jesuisi kia rieryre, ixisojòlemy rexitare ixiby, hāwā-ò.

¹⁶⁻¹⁷ Ibedesou aho ijà-ò ierydÿÿna mahādu riberenre riraòkemy. Bede rurunyre tahe Jesuisi rehemynyòhyre. Tai hāwòò rimynenre idi reuròkemy ijòwe-ribi ijà-ò, Kafanaò hāwā-ò. ¹⁸ Tahe yhy deborehekÿ tiribi tiribi rebonymhÿ. Òbò tahe resemyhÿ. ¹⁹ Sohoji urihixina iòhòmy ròirenre tahe Jesuisimyn robirenre. Tii betyredile tamyreny nariamyn nade. Tiiboho ruberunihikÿnyre. ²⁰ Jesuisi tamyreny rarybere: —Jiarÿle wa rare, breburenÿomyke. ²¹ Tai tahe hāworo-ò Jesuisi ronykemy tiiboho disÿnydenyde. Aò wesele tahe rehemynrenre tiòbò ròirenre.

²² Itxubiòwamy sòwemy iny wii ributunyre aho kanawe-ribi ijà-ki. Hāwò sohojile tahe tai roire aho-ki. Jesuisi erydÿÿna mahādu roirenremyn rieryrenre. Tahe Jesuisi aòkò idi rare. ²³ Tahe hāwòò dehemynydenyde. Teberiadde hāwā-ribi Jesuisi tai ratximyhÿ iòhò-ò. Tai juhu Jesuisi rexitòenymy rÿimyhÿ tahe orotxu tamy riwahinyre. ²⁴ Jesuisi iòre tai, ierydÿÿna mahādu iòre. Kia tahe iny sòwemy robirau, hāwò-ò rimynenre. Iòrysmy roirenre, Kafanaò-ò. ²⁵ Kanawe-ribi ijà-ò rehe-mynre, tii-wana witxi reare. Tahe tamy rÿÿraxire. Waerydÿÿdurenre, tiubo kaò tadehemynre. ²⁶ Aòwiwihikÿ rewinyremyn aòkò tiwaijetenyteri, rÿsÿna adeereny rewahinyrakile, tehydymy terÿsÿtenytakile. ²⁷ Rÿsÿna tyhy ituemyhÿre kiaòle aòkò maaòmysÿdÿÿbenyke, tahe iwitxira rÿsÿnaò-ò maaòmysÿdÿÿbenyke, kia ituedeòna-di aòkò rare. Deuxu Riòre Habutyhyhykÿ dori adee riwahinyre. Kia rÿsÿna umytuèdeònahakÿ wesemy rare. Taile tahe Deuxu Waha riwateònyeri. ²⁸ Tahe Jesuisi-ò rÿÿraxire: —Timybo iny Deuxudeewimyn arotÿÿnyrenykemy. ²⁹ Jesuisi dirawyònyde: —Kialemyn, biwatyhybenyke: —Deuxu dori wateòdÿÿdumy rare. ³⁰ Tahe raryberenre tamy: —Aòwiwihikÿbo inyko-ò biitxeredÿÿnyke. Aòhebo botÿÿnykre, iny aratyhynkemy. ³¹ Inytybyreny orotxu riyrenre bederahy-ki. Kia wese Tyriti-ki roire:

—Moisesi tamy orotxu riwahinyre biu-ribi.

³² Jesuisi rirawyònyre: —Inatyhy tyhymy Moisesi aòkò tamy riwahinyre. Waha dori biu-ribi orotxu tyhy adee riwahinyre. ³³ Deuxu orotxu tahe irutyhymy inydee riwahinymyhÿre, biu-ribi diwahinymyhÿde.

³⁴ Tahe raryberenre: —Wanyrÿ, tiu kia orotxu bidiwahinymahākre.

³⁵ Jesuisi iximyn rarybere: —Jiarÿ orotxu irutyhymy rare. Inyò wadee kanakeki, tiu rama risaòtyhy. Inyò riwatyhynykeki, tiu bee risaòtyhy.

³⁶ Adeereny heka rarybere: —Wamy tabitenyde, ihārele tiwatyhynyòtenyde.

³⁷ Ibutumy iny Waha wadee riwahinymyhÿre wadee kanakre. Tiu ixi-ribi

ariteònyòtyhy. ³⁸ Adobehede dori aõ ixideewimy aõma arotÿÿnykemy aõkõ. Wadeòÿÿdudeewimy arotÿÿnykemy watxiwãhãre. ³⁹ Tiu ariònonyòtyhy wadee diwahinydeò kiaboho ibutumy ikonana txuu rubu-ribi ariixixanykre. Kia tahe wadeòdÿÿdu deewimy rare. ⁴⁰ Inatyhymy Waha deewimy kia rare. Iny iRiòremy robireu, rityhynykeu, umy tuedeõna ritake. Ikonana txuu tahe rubu-ribi ariixixanykre.

⁴¹ Jesuisi rarybere: —Jiarÿ biu ludu orotxu rare. Tai tahe judeu mahãdu aõbina binahakÿlemy rarybemyhÿre. ⁴² Kia wese rarybemyhÿre: —Kaa Jesuisile rare. Jyje riòre rare. Tyby he ijoi eryna rare ise tule. Aõherekibo tii rarybereri biu-rubu nademy. ⁴³ Tahe Jesuisi dirawyònyde: —Tuu wamy ryberenyòmyke ayludurenymy. ⁴⁴ Wadeòdÿÿdu iny wadee rayky-ò rarybemyhÿre namyhÿde. Kia wesele iny wadee kedehemynykre, ikonana txuu tiiboho rubu-ribi ariixixanykre. ⁴⁵ Deuxu rybedu Tyyrity-ki kia rybe rÿire: —Deuxu ibutumy iny ribedeerydÿÿnykre.

Tai tahe Waha-ribi iny rierymy roholamyhÿre, tii tahe wadee rehe-mynykre. ⁴⁶ Inyò Wahamy robiòhyymyhÿre jiarÿle tahe tuu rabimahãre, iribi anadeki. ⁴⁷ Inatyhytyhymy adee rarybemahãre. Inyò riwatyhynykeki, umy tuedeõnahakÿ tiivanale ratxireri. ⁴⁸ Jiarÿ orotxu wesemy jiarÿ rare. Umytuedeõna wahidÿÿdu jiarÿ rare. ⁴⁹ Boreny dori biu-ribi orotxu riyre bederahy-ki. Irabihyy ibutumy tiiboho ituerenye. ⁵⁰⁻⁵¹ Jiarÿ tahe biu ludu orotxu wese rare, inyò tahe kia orotxu riykeki, tiu ruruòtyhy. Waumy ari-wahinykre rubu-ò ibutumy iny òraruna òwydÿÿmy. Tamyreny umytuedeõna riwahinykre rubu-ò ibutumy iny òraruna òwydÿÿmy. Tamyreny umytuedeõna riwahinykre.

⁵² Judeu mahãdu tahe txiòdÿÿna rybemy widee raryberenye: —Timybo tadelemy inyboho riòwenyrenykemy wahe. ⁵³ Jesuisi rirawyònyre: —Inatyhytyhymy adee ararybekre. Kaiboho Deuxu Riòre Hãbutyhyhykÿde biròòbenykeki, umytuedeõna bitabenyòtyhy. Ihãlubu biòbenykeki, umytuedeõna-di aõkõ atxitenyteri. ⁵⁴ Inyò waderòdu wahãlubumy momodu tii umytuedeõna-di ratxireri. Tii tahe ikonana txuu rubu-ribi adiixixanykre. ⁵⁵ Wade heka juhu irònatyhy rare, wahãlubu tu monatyhy rare. ⁵⁶ Inyò wade rirokeki, wahãlubu riòkeki, wawana tiuhyy ratxireri. Jiarÿ tule tii-wana watxihyreri. ⁵⁷ Waha irumy ratxireri. Tii wadeòdÿÿdu rare iòraru-ki warumy watxireri. Tule waderòdu irumy ratxike waòraru-ki. ⁵⁸ Jiarÿ biu ludu orotxu inatyhy jiarÿ rare. Iwese bederahy orotxu heka boreny riyrewesemy aõkõ jiarÿ rare. Ihãrele tahe ituerenye. Inyò riwaykeki, rexihahymy rarekre. ⁵⁹ Kia ibutumy Jesuisi rarybere Kafanaõ judeu dohodÿÿna-ki, riernanymyhÿreu.

⁶⁰ Iribi tahe Jesuisi-ò ijohona mahãdu rarybere: —Kia isira tyhyre iny rieryke. Inyò heka kia rityhynyòtyhy.

⁶¹ Jesuisile heka rexierymyhÿre tiiboho tuu rarybemyhÿreki, tahe tamy rÿÿraxire:

—Kaa aõbohe arabinadÿÿnyrenyke.

⁶² Tahe jiarÿ Deuxu Riòre Hãbutyhyhykÿ, ixyby biu-ò aròòsekeki, timybo marybebenyke, kaiboho wamy bobibenykeki. ⁶³ Deuxu Tytybytyhyle umytuedeõna riwahinymyhÿre. Umydetyhy umytuedeõna-di aõkõ rare. Urile adee rarybemahãre Deuxu Tytybytyhymy rybena rare, adeereny umytuedeõna rare. ⁶⁴ Tahe inyò ayreny ludu riwatyhynyòri. Jesuisi tahe juhuhu-ribi rierymyhÿre mobo rityhynyòmyhÿre, tule mobo tatxiòdÿÿdumy rarekremy. ⁶⁵ Jesuisi raryberehyymy tii-wana: —Jiarÿ juhuhu rarybewãhãre.

Inyô Waha wadee riteònyôkeki tiu wadee kanaôtyhy. Tai heka tuu adee jiarý rarybere.

⁶⁶ Kia rybe òraru-ki sôwemy taerydýýna mahâdu ririrenyre. Tahe roirenyre. ⁶⁷ Tahe Jesuisi rýýraxire taerydýýna waòinatxi reurò mahâdu-ò. Ka bexxe boibenyôkre aôbo biwaribenyôkre aôbohe. ⁶⁸ Tahe Simaô Pedro rirawýònyre. Wanyrý moobo aròirenyre. Kaile heka umytuedeòna rybe-di atxiteri. ⁶⁹ Jiarýboho ka aratyhynmahârenyire. Araeryrenyre ka, kai Deuxu-ribi hâbu òbitityhymy atximahâte. ⁷⁰ Jiarý aratarenyre waòinatxi reurò inymy erydýýna mahâdumy. Ihâre tahe inyô ratximyhýre diaboô heka tii rare. ⁷¹ Jesuisi tahe Judasi Isariòmy rarybereri. Iwò inatxinamy wahe. Simaô-Isariò riòre tii rare. Judasi dori Jesuisi riwahinykremy ratxireri iòludu mahâdu-ò.

7

¹ Judeu mahâdu Jesuisi rubudýýmy rurumyhýre. Tai tahe Judeia bedede luðu hâwâ-ò ralòòmyhýre. Kalileia bedede hâwâdile rariamyhýre. ² Tahe judeu mahâdu worana bedehesi iòhòmy rýimyhý. Kiani tahe heto riòre worana bedehesi rare. ³ Tahe Jesuisi seriòrebobo tamy rarybere: —Make wa karibi Judeia mahâdu bedede-ò aerydýýna mahâdu dori aôwiwihiký kai tewinyteò tuu robikemy. ⁴ Aôwiwihikýmy tewinyteri, tai tahe ixinamy iny tuu ibutummy robikre. Ibutummy iny ixierysymy tahòtinyteri-wana urile iny lau iwôteòmy aôna aôna wiwihiký. ⁵ Jesuisi seriòre mahâdu tule rityhynyòre. ⁶ Jesuisi tahe dirawýònyde: —Wiji araôkre wabededýýnanamy dori tuu reaòmy ratxireri. Kaiboho tahe adohotalemy bôike. ⁷ Bede luðu mahâdu iny dori aluurenyre, tahe waderamy rekoarenyre. Iòarunamy dori jiarý tamy rarybemahâre, ibinatyhyremy. ⁸ Kaiboho boibenyke worana bedehesi-ò. Jiarý tahe wiji araôkre, wabededýýnanamy reaòmy doimyhýde. ⁹ Kia tahe Jesuisi tamyreny rarybere. Tahe Kalileia-ribi Jesuisi ròhònyòmy rýimyhýre.

¹⁰ Tahe iseriòre roirenyre worana bedehesi-ò. Idi tahe tule tii rare iherenymy itýnymy aôkò wahe, wasimy inyô tuu robiheny. ¹¹ Judeu mahâdu tahe Jesuisi riijemyhýre worana bedehesi òrake-ò. Rarybemyhýre: —Titxibo tahe tii ratximyhýre. ¹² Jesuisimy rybe ixitxiòdýýna ròhònyre inysòweheký-ki. Inyô heka awimy tuu rarybemyhýre. Ijò tahe ibinamy tuu rarybemyhýre, tii iny itxenadýýdu raremy. ¹³ Inyô tuu rarybeòhyymyhýre ibutummy ijohonamy judeu mahâdu lau ruberureki.

¹⁴ Worana bedehesi tya-ki Jesuisi Deuxu dohodýýna heto-ò ralore ribedeerynkemy. ¹⁵ Ribedeerynyreu tahe judeu mahâduò ijò-ò rarybere: —Timykibo he kia ritidýýna rierymy tuu rarybemyhýre. Rierykò ihârele iny rierynanyimyhýre. ¹⁶ Tahe Jesuisi dirawýònyde: Waerydýýna-di aôkò rebedeeryre, Deuxu wateòdýýdu rybe-di wahe. ¹⁷ Inyô Deuxudeewimy ratxikeki, tii rierykre aôerydýýnabo òbitimy ratxireri. Tii rieryke Deuxu-ribi aôbo rarybereri ada ixi-ribi rarybereri. ¹⁸ Iny ixi-ribi rarybekeki, tiile rexiloosònanyke. Tahe iny iteòdýýdumy rarybekeki, tii tahe inatyhy rare. Tii inatyhymy òbiti rare. ¹⁹ Moisesi adee bedede ywina riwahinyre: —Tahe kaibohoò tetyhynyòhyymahâtenyete. Tai tahe aôherekibo biwarubunykmey atxitenyteri. ²⁰ Tamy inyô dirawýònyde. Kaita itxýteteri. Inyô ka ararubunykmey aôkò ratxireri. ²¹ Jiarý inyô reteytenyre sabado txuu tahe kaiboho wadi bedede teòtiinytenyete. ²² Boholake, Moisesi bedede ywina arateònyke ariòre ritòtyky aròkemy resynanykemy. (Boboho tahe kia tuu ritelenyre Moisesi aôkò.) Tahe notyky resyna txu rýikeki, tuu tewinyte

sabado txu hãrele. ²³ Kia sabado txu biwinybenykeki Moisesi bede ywina riywinykemy, tahe aõherekibo wadee taykarananyteri hãbu sabado txu reteytenyreki. ²⁴ Aõ õbitimy aõkõ rare, õbitimy tahõtinyterikile. Õbitinale-di maraykynybenyke.

²⁵ Ijõ Jerusalê hãwã ludu mahãduõ rarybere: ²⁶ —Kia rarybemy rÿirerile, tii irubudÿÿmy rexinohõtinyreri. Beteheke. Butumy ijohonanamy kia rarybemyhÿre. Ihãrele taheka inyõ tamy rarybeõhyymyhyre. Wedu mahãdu rõhõtinymyhyre: —Ina aõkãbo Kristumy inatyhymy tii rare. ²⁷ Inyboho tahe rierymyhyre titxiribibo tiò namyhyde. Kristu Deuxu deõdÿÿna tahe kanakeu, inyõ tahe rieryõtyhy titxiribibo kanake. ²⁸ Jesuisi tahe Deuxu dohodÿÿna heto-ki ribideerynymyhyreu rarybere: —Kaiboho tiwaerytenynte, titxiribibo anade tule teerytenynte. Tahe wateõdÿÿdu teeryõtenynte. Terõwmy heka jiarÿ anade. Tule tii inatyhytyhymy rare. ²⁹ Iribi jiarÿ anade Tii riwateõnyre, tai jiarÿ tii reeryre. ³⁰ Inyõ riijemyhÿ rirõtentykemy. Tahe rimoõhyyre ruberureki, ibededÿÿnanamy aõkõ bede rÿireki. ³¹ Iny sõwehekÿ-ribi sõwemy iny rityhynyre. Tahe inyõ rarybere: —Kristu Deuxu deõdÿÿna iratyre aõna aõna wiwihikÿ riwinykemy tahõtinyteri. Aõkõre, tii dori inatyhymy Kristu rare. ³² Fariseu mahãdu kia-õ roholareu, tahe wii ributunyre xiwe wahidÿÿdu wedu mahãdu-wana. Tahe tiiboho soldadu mahãduõ riteõnyrenyre Jesuisi rinykemy. ³³ Jesuisi tahe tamyreny rarybere: —Urihimyõ umyreny-wana watzikre, idi ta arõðsekre wateõdÿÿdu-õ ixyby. ³⁴ Kiaboho biwaijebenykre, waki mahabenyõtyhy. Titxibo watzireri kia-õ heka bitehemynyõtyhy. ³⁵ Judeu mahãdu tahe widee rarybere: —Titxiwexe tii rakremy ihÿre, tuu rokobirenyõtyhy tai rakaharenyõtyhy, myÿ rarybemyhÿre wahe: judeukõdu mahãdu bede-õ aõbo rakremy ixi-di ratxireri. Tai ribedeerynykemy, judeu mahãdu-wana rasÿnykremy. ³⁶ Timybohe rarybere: —Waki mahabenyõtyhy, titxibo watzireri-õ behemyhyõtyhy, myÿ rarybereri.

³⁷ Ihewotxu worana bedehesi aõnihikÿtyhy rare. Jesuisi iu rexiukÿnyre rarybekemy: —Inyõ bemomy risakeki, wadee kanake, riõke. ³⁸ Inyõ riwatyhinykeki, Tyyritina-ki kia wese rybe rÿire:

—Iwo-ribi benihikÿ iru rõhõnyke.

³⁹ Iu Jesuisi kia rarybereu, Deuxu Tyytybytyhy aõmy dÿÿnanamy rarybere. Iny dori rityhinykeki, iwo-õ Deuxu Tyytybytyhy ralõke. Urile tahe Deuxu Tyytybytyhy riwahinyõmy rÿire. Jesuisi dori rõðseõre biu-õ. ⁴⁰ Tahe roholare mahãdu tahe rarybere: —Ka heka hãbu Deuxu Rybedutyhy rare. ⁴¹ Ijõ tahe rarybere: —Tii Kristu rare. Ijõ tahe rarybere: —Kristu aõkõ Kalileia bede-ribi dori tii rareri. ⁴² Tyyritina rybe-ki roire: —Kristu, Davi sÿ-mahãdu ribi kanakremy. Belê hãwã-ribi; titxibo Davi rasÿnyre-ribi. ⁴³ Tai tahe wiwese wese aõkõ rõhõtinyrenyre Jesuisi-di. ⁴⁴ Inyõ rirõtentykemy ixi-di ratximyhyÿ, ihãrele tahe inyõ rimoõhyyre.

⁴⁵ Tahe soldadu mahãdu rõðsemy rare rimoõhyylemy fariseu mahãdu-õ xiwewahidÿÿdu mahãdu wedu-õ. Tahe soldadu-õ rÿÿraxirenyre: —Aõherekibo tedyõteri. ⁴⁶ Tahe dirawyõnyde: —Timybo inyõ kowa hãbu wesemy rarybeõhyyre rybe iwitxira wihikÿmy tii rarybere. ⁴⁷ Tahe fariseu mahãdu rarybere: —Kaiboho aõbo tule araitxenanyrenyra. ⁴⁸ Inyboho mahãdu reny-ribi moõ rityhynyõhyymyhyre, fariseu mahãdu wahe, wedu mahãdu wahe. ⁴⁹ Inyõ rityhynyre, tahe tiiboho Moisesi bede ywina rieryõre tai Deuxu aõhõkÿmydÿÿnana-txi idi rehukre. Aõhõkÿmydÿÿnana-õ ritamadÿÿnykre. ⁵⁰ Nikodema iyreny-ki ratximyhyÿ. Fariseu mahãduõ tii rare, juhuv Jesuisi

raraò rare wahe. Tii heka rarybere imahädu-ò. ⁵¹ Juhuu roholamyhÿre aõhebo rotÿÿnyraò wahe idi tahe ibinakeki riròtenykremy riijemyhÿre. Kia tahe iny bede ywinareny rare. ⁵²⁻⁵³ Tahe rirawyònyrenyre: —Kai wa tule Kalileia mahäduò atxiteri. Tyyriti-ò beteheke timybo rarybereriò: —Kalileia-ribi rybeduò röhònyòthy wahe.

8

¹ [Tahe ibutumy he tasÿ-ò reareare. Iu tahe Jesuisi rare Oliveira hāwālò-ò. ² Biura-di tahe dòòsede Deuxu dohodÿÿna heto-ò ixby. Sòwemy iny tamy rare; Jesuisi ronyre; ribedeerynyre. ³ Hāwyyò ratximyhÿ hābu witxiraò-wana wasimy ratximyhÿ. Tahe inywitxiraò itxireny reare. Tai tahe Deuxu rybe erydÿÿdu mahädu fariseu mahädu-wana hāwyy didyde Jesuisi-ò. Tahe hāwyy-ò rarybere rÿikemy iny sòwehekÿy-ki. ⁴ Tahe raryberenyre Jesuisi-ò: —Bede erydu: —Kahāwyy tÿwe rare inyò itxi reara. ⁵ Iny bede ywina Moisesi riwawahinyrè tahe rarybere mana-di rurumyhÿkemy. Tahe aõmybo kai mynarybeke. ⁶ Tiiboho kiamy rarybere Jesuisi riurihire timybo rarybekemy. Tai tahe ibinamy tamy rarybekemy idi ratxireri. Jesuisi tahe suò resera ròritidÿÿkremy tebò-di suki riritinyra. ⁷ Tahe ritÿÿraxinyhy ihÿmyhÿ. Tahe Jesuisi rÿire; rarybere: —Inyò òrarukòmy ratxirerile, tii mana-di juhUU tamy rehukre. ⁸ Ixityrele sÿ Jesuisi ròritidÿÿre suò. ⁹ Kia rybe-ò roholarenyre, tahe rexitarenyre sohoji sohojilemy, tarayky dori ribinadÿÿnyrenyre. Matuari mahädu tahe juhUU rexitare. Ikonanatyhy dori rare, tahe Jesuisi hāwyywanale tai rÿire. ¹⁰ Jesuisi retehere: —Hāwyy sohojilemy robire rÿÿraxire tamy: —Hāwyy, titxibo mana-di arubudÿÿmy rybedu mahädu rirahura. Inyò aõhe arasÿnyòhyra. ¹¹ Tahe dirawyònyde: —Anokòre, Wahì. Tahe Jesuisi rarybere: —Jiarÿ tulere! Mahe, òaruna-txi tahe ixby ixèòmy.]

¹² Ixityre Jesuisi rarybere tamy: —Jiarÿ wabede loosòna rare. Inyò wahemy kanakeki, bede luru-ki rariaòthy. Tii heka loosòna-di tarayky-ki rarekre. ¹³ Tahe fariseu mahädu tamy rarybere: —Aòkòre, kai wa iximy tarybeteri tai tahe arybe inatyhymy aòkò rare. ¹⁴ Jesuisi dirawyònyde: —Inatyhymy iximy rarybereri jiarÿ, tahe warybe inatyhy rare, jiarÿ dori reeryre titxiribibo anade, tule tiobo arakre reeryre. Kaiboho tahe kia teeryòtenyte. ¹⁵ Kaiboho waywisidÿÿmy tadiòlònyte, ihāre tahe òbitimy ti-waywinytenyòte tiwaerytenykòteki. Tahe jiarÿ inyò reywinyòreri. ¹⁶ Jiarÿ inyò ariwinykeki, waywisidÿÿna tahe òbiti rare. Jiarÿ dori ixiwanale aòkò rare. Waha, wadeòdÿÿdu wawana raremyhÿ. ¹⁷ Abede ywina-ki kia rybe riritiny my rÿimyhÿre: —Inatxi hābumy wiwesehyylemy rarybekeki kia tahe inatyhy rare. ¹⁸ Jiarÿ iximy rarybemahāre tule Waha wadeòdÿÿdu wamy adeereny rarybemyhÿre. ¹⁹ Tahe tiiboho Jesuisi-ò rÿÿraxirenyre: —Titxibo boo ratximyhÿre. Jesuisi rarybere: —Kaiboho tiwaerykòmahātenyte, Waha tule teeryòmahātenyte. Kai biwaerybenyòkeki, tule Waha bierybenyòthy. ²⁰ Kia Jesuisi rarybere Deuxu dohodÿÿna hetowo-ki, iubeweri yrubudÿÿna ube-ki. Tahe inyò rimyòhyre, ibededÿÿnanamy aòkò bede rÿireki.

²¹ Iribi tahe ixityre tamy rarybere: —Jiarÿ he arakre karibi. Kaiboho biwaijebenykre tahe aòrarenydile burubenykre. Boiòthy titxibo arakre-ò. ²² Tai tahe judeu mahädu wídee raryberenyre: —Inatyhymy aòbo tii rexirubunykre. Tii raryberaki: —Titxibo arakremy boiòthy, myki tuu idi röhòtinyrenyre. ²³ Tahe Jesuisi rarybere: —Kaiboho kaludu

toite; jiarỹ aõkõre, biu ludu rare. Kaiboho bede ludu toite, jiarỹ tahe kabede ludu aõkõ jiarỹ rare. ²⁴ Tai heka adeereny rarybereri aõrarureny-di burubenykre. Inatyhymy jiarỹ tii rare: —Iwese rarybere wesemy. Tahe kia warybe bityhynyõbenykeki, aõrarureny-di burubenykre. ²⁵ Tahe tiiboho rỹraxyrenyre Jesuisi-ò: —Mobo he tate. Jesuisi dirawyõnyde: —Timybo adeereny rarybewãhãre, juhuu wahe. ²⁶ Jiarỹ sõwemy rỹire aõna aõnamy umyreny ararybeke umyreny ariwinyke ta ararybekre Waha tuu wadee rarybelemy. Tii diwateõnyte tii inatyhymy rare. Irybelemy bede iny-ò ararybekre. ²⁷ Rieryõhyre tamyreny rarybere, tybmy. ²⁸ Kaiboho heka biwatamadỹnybenykreu, bierybenybenykre mobo jiarỹ rare. Tule ixi-ribi aõkõ aõna aõna rewinywãhãre bierybenykre; tule iwese Waha riwaerynanymyhyre wese, rarybemahãre. Kia tule bierybenykre. ²⁹ Wateõdỹdu wawana raremyhỹ. Iximy riwariõtthy, jiarỹ tamy wimy rewinyhyymahãreki. ³⁰ Kiamy tarybe rahudi tahe, sõwemy iny rityhynre.

³¹ Judeu ityhydỹdu mahãdu-ò Jesuisi rarybere: —Kaiboho warybe tyhy-di mohõtynybenyhykeki, inatyhymy watyhydỹdu waheludumy boibekre. ³² Inatyhyna tahe bierybenykre. Kia dori aratarenyke, deõdumy aõkõ boibekre. ³³ Dirawyõnydenyde aõkõre inyboho Abraõ riõkõre roire, tiu heka modeõdumy roirekõmahãre. Timybo tarybeta: —Deõdu-ribi riwatakemy. ³⁴ Tahe Jesuisi tarybere inyõ òraru-di hyy rexìðrarunyekeki, tii òraruna deõdu wese hyyle rare. ³⁵ Deõdu heka heto wedu ijoihyymy aõkõ rarekre. Iwedu ixinamy rakre. Riõre tahe ijoihyymy rare. ³⁶ Tahe Deuxu Riõre heka ixinamy arateõnykeki, tiu òraruna deõdu wesemy ixby bonybenyõtthy. ³⁷ Abraõ riõkõre inatyhymy toite. Kia tahe reeryre. Ihãrele tahe biwarubunybenykemy atxitenyteri warybe dori araykywo-di aõkõ ratxireri. ³⁸ Waha-wana ranymahãu, aõmybo rabire, wiji tuu rarybereri. Kaiboho tule boo-ribi tabitenyete tuu tewinytenyteri. ³⁹ Rirawyõnyrenyre: —Wahareny heka Abraõ rare. Jesuisi rarybere: —Abraõ riõremy inatyhymy toite-wana, Abraõ aõmydỹnana iwesemy biwinybenyke. ⁴⁰ Katahe warubudỹmy wadi atxitenyteri. Inatyhyna Deuxu-ribi raholaremy, adeereny rarybemahãre, tai tahe warubudỹmy atxitenyteri. Abraõ tahe tiu tahe tuu rotỹnyõtthy. ⁴¹ Kaiboho heka borenityhy wesele tatỹnymahãtenyete. Dirawyõnyde: —Aõkõre, jiarỹboho waxiriõre aõkõ roire. Deuxuhyyle iny tybyreny rare. ⁴² Tahe Jesuisi rerawyõnyre: —Deuxu boo inatyhymy rare-wana inihe kaiboho waluurenyre. Jiarỹ dori Deuxu-ribi anade. Ixidee wimy aõkõ anade tii diwateõnyde. ⁴³ Aõherekibo teerytenyõte warybe. Isiratthyre aõbo ijohona. Aõkõre, ityhydỹ isirare adeereny. ⁴⁴ Kaiboho Diabo riõre toite tamywimy biwinykemy atxitenyteri. Tii juhuu rubudỹdu hyy rare. Tii heka raruireri inatyhwesehekỹle wahe. Tii ruidu rare. Ruiwedu tii rare. ⁴⁵ Kaiboho heka tiwatyhynyõhyymahãtenyete inatyhyna dori jiarỹ rarybemahãre. ⁴⁶ Inyõ inihe wamy rarybeõtthy jiarỹ òrarudu raremy. Adeereny inatyhynamy rarybereri. Aõherekibo tiwatyhynyõteri. ⁴⁷ Iny Deuxu-ribi ratxireri, Deuxu rybe roholamyhyre. Kaiboho Deuxuhõrõ aõkõ toite. Teõdu aõkõ toite. Taita warybe-ò taholaõteri.

⁴⁸ Jesuisi-ò tiiboho dirawyõnydenyde: —Inatyhymy rarybewãhãrenyre. Kai Samaria mahãdu tate. Kaludu mahãdu aõkõ tate. Kai tyytybybina dire. ⁴⁹ Jesuisi rirawyõnyre: —Aõkõre, tyytybybina-di aõkõ watxireri. Waha tahe rewowydynwãhãre. Kaibohole tiwabinadỹnymahãtenyete. ⁵⁰ Wowydyna ixi-di aõkõ reijereri. Waha tahe kia aõmydỹnanamy riwinykre, tii ri-

erymyhÿre. ⁵¹ Inatyhytyhymy adee ararybekre: —Inyõ warybemy reõbykeki, tiu rubumy tii robiõtyhy. ⁵² Tai judeu mahãdu rarybere: —Katahe inatyhymyhe inydeereny aerysydÿÿna rÿira tyytybybina-di tate wahe. Abraõ tahe rurure; Deuxu rybedu tule. Tahe timybo kai tarybeta: —Inyõ warybemy reõbykeki tiu rubu urihixinamy roiõtyhy tamy. ⁵³ Kai aõbo inatybyreny Abraõ ratyre awikemy aõbo ixi-di tahõtinyamahãte. Abraõ rurure Deuxu rybemy rybenadu amahãdu tule rurure. Mobo raremy he tahõtinyamahãte. ⁵⁴ Tahe Jesuisi rirawyõnyre: —Jiarÿ ixi-di wowydyna ariijekeki, tahe wawowydyna aõ aõkõmy rareke. Waha tahe riwawowydynymyhyke aDeuxumy raremy tu tarybeteri. ⁵⁵ Tahe aõkõ teeryõtenyte. Jiarÿ tate reerymahãre. Jiarÿ reeryõmahãremy ararybekeki, tai ruidumy rareki, iweke kaiboho toite wesele wahe. Tahe reerywãhãre, tule irybemy reõbumahãre. ⁵⁶ Boreny Abraõ, wamy dobide, wabededÿÿnana kanakremy tuu dobide, wabededÿÿnana kanakremy tuu dobide tai tahe reysatyhymy rare. ⁵⁷ Tahe judeu wedu mahãdu rarybere: —Kai 50 beõramy aõkõ atxiteri timyrekibo tarybeta Abraõ tabitemy. ⁵⁸ Jesuisi ñirawyõnyde: —Abraõ reaõule, Jiarÿ rarehyymahã.

⁵⁹ Tahe manadile rimymy reserenyire idile rirabunykemy. Jesuisi tahe rexiwõmy iribi rõhõnymy rare, dohodÿÿna heto-ribi.

9

¹ Jesuisi rariamy rareu, tii robimy rare hãbu ruetãmy. Tii iruetãhãkÿmy ratohouãmy herinanyre. ² Ierydÿÿna mahãdu rÿÿraxire tamy. Erydÿÿdu, aõherekibo hãbu ratohouãnyra iruetymy, ise tyby iõrarudireki aõbo ada taõrarumy aõbo. ³ Tahe Jesuisi rirawyõnyre: —Tahe aõkõre tyby ise-ke aõkõ tiike aõkõ. Deuxu ruru wiji riteõsinykremy tahe tii kiawesemy rohonyre. ⁴ Wateodÿÿdu aõmydÿÿnanamy arotÿÿnyrenykemy watxiwãhãrenyire. Inyboho rikiwinyrenyke ibededÿÿnanamy rÿikreu, iweke txumy rÿikre wese tahe rumy heka kanakre tai raaõmysÿdÿÿõmyhyre. ⁵ Kabede-ki watxiwãhãreõle tahe jiarÿ bede ludu mahãdu loosõnatyhy jiarÿ rare. ⁶ Tarybe rahudi tahe rarybexinyre suõ idi tahe subororomy ritxienyire. Idi ta hãbu rueyre-õ subororo ritidire. ⁷ Tahe hãbu ruetã-õ rarybere: —Make wa bexisuhõke Silõe ahobe-di. Silõemy ninadu heka iny rybe-ki deodÿÿna wesemy rare. Hãbu tahe rare, risuhore, dõõsede robimy. ⁸ Tahe ierydu mahãdu, tuu robire idi itxeredu mahãdu raryberenyre widee: —Kabe hãbu ixitõedÿÿdu rare, nierumy kowa-ki rexitõenymy ronymyhyrele rare. ⁹ Ijõ rarybere tule rare. Ijõ rarybere: —Aõkõre, iwekele tahe iwitxirari. ¹⁰ Rÿÿraxirenyre tamy: —Timykibo arue reytera. ¹¹ Rirawyõnyre: —Hãbuõ Jesuisi inire. Tii tahe suboro borole riwinyra warue-õ ritidire. Tahe wadee rarybera: —Make Silõe ahobe-õ aõ bisuhõke. Tahe rare, resuhore, tai rabimy watxireri. ¹² Rÿÿraxirenyre titxibo tahe tii rara. Rirawyõnyra: —Reeryõre.

¹³⁻¹⁴ Kia ruedeytena Jesuisi riwinyre sabado txuu, judeu aõmysÿdÿÿna txu aõkõ. Tahe tiiboho hãbu ridyrenyire fariseu mahãdu-õ. ¹⁵ Ixityre hãbu-õ rÿÿraxirenyre: —Timykibo riteytenyra. Tahe rirawyõnyre: —Subororole waruetyre-õ ritidira, idi resuhõra, iule tahe retehera. ¹⁶ Tai tahe fariseu mahãdu-õ narybede: —Ka hãbu Deuxu-ribi aõkõ nade. Kakÿny sabadotxu bede ywina riywinyõhyre. Tahe ijõ imahãduõ rarybere: —Hãbu õraruduõ tiu deytenawiwihikÿõ kia wesemy riwinyõtyhy. Tai tahe wiribi hitximy raraykynyrenyire. ¹⁷ Tahe ixityre hãbu-õ rÿÿraxire: —Tii arue arue

riteytenyra: —Tai tahe timybo tuu marybekre. Hãbu rarybere: —Tii Deuxu rybemy rybeduõ rare. ¹⁸ Tahe judeu mahãduõ rarybere: —Ise-wana tyby-wana widee ararybekekile, arityhynykre. Tai riteõnyre tybybohoõrysmy. ¹⁹ Rehemynyreu, tahe tamy rarybere: —Kaa aõbo ariõre rare. Inatyhymy aõbo iruetãmy reare. Timykibo tahe wiji robira. ²⁰ Tahe tyby-boho riawayõnyre. Inatyhymy wariõreneny rare. Iruetãlemy ka reare. ²¹ Reerykõreny timykibo retehera. Iruẽ riraynyre dori, reeryõhyyre. Tamy marybebenyke. Ibeõra dire ka, iximy relyyleke. ²²⁻²³ Tybyboho ruberumyhýreny judeu mahãdu lau. Judeu mahãdu dori, rarybemyhýre: —Inyõ Jesuisimy rarybekeki, tii Kristu Deuxu deodýýna raremy rarybekeki, tahe dohodýýnawo-ribi riteõnykemy idi rýira. Tai tahe hãbutybyboho kia wesemy raryberenyre. Tii ibeõra dire: —Tamy marybebenyke.

²⁴ Juhuu iruetãmy raremyhýõ ixityre rõtédýýmy rarybere. Òbiti rybe-di marybeke. Inydeereny tahe ka dori òrarudu rare. Tai tahe Deuxu biwowodynyke. Tahe tii rarybere: ²⁵ —Tii òrarudu rare, reerykõre. Sohoji aõmydýýnana reeryre. Juhuu waruetãle heka reeryre, wiji tahe retehereri. ²⁶ Tahe ixityre tamy rýýraxire: —Aõbo tii riwinyre. Timybo arue roire. ²⁷ Hãbu rarybere: —Adeereny tuu rarybere tahe taholaõhyytenya. Aõherekibo ixityre ijohonamy tarybetenyteri. Ierydýýnamy boibekemy aõbo atxitenyteri. ²⁸ Tuu raryberenyre aõbina binalem. Kai heka iijoiõ atxiteri. Jiarýboho Moisesi erydýýna jiarýboho roire. ²⁹ Deuxu Moisesi-ò rarybemyhýre. Kiamy reeryreny. Ka hãbumy tahe aõmy raholaõmahãreny, tiludubo rare. ³⁰ Kia wa riwateytenyra bedetiidýýna urenana tii rare. Ihãrele tahe kaiboho teeryõmy tuu tarybetenyteri. Wadee kia ajuedena rare. ³¹ Deuxu wa òrarudu ixitõedýýna-ò roholaõtyhy. Kia reeryreny. Tahe inyõ Deuxu rityhynykeki tamywim rýirakeki, kia-ò Deuxu roholakre. ³² Bede rexidelenyreu, inyõ roholatyhy iruetãmy raumynyre heka reytere. Inyõ tiu riwinyõre, wiji tahe diwinyde. ³³ Kia hãbu Deuxu-ribi nokõduõ aõkõkeki tiu aõ riwinyõtyhy. ³⁴ Tahe fariseu mahãdu aõbinahakýlemy tuu rarybere: —Kai uladumy teateu, òrarudutyhymy tate. Kai aõmybo biwabedeerynybenykremy aõbo wadireny tahõtinyteri. Tahe riteõnyre dohodýýna heto-ribi. Ihymy riteõnyre.

³⁵ Kia-ò Jesuisi roholareu hãbu riijere tahe rýýraxire tuu: —Kai Deuxu Riõre Hãbutyhyký aõbo tetyhinyte. ³⁶ Hãbu rarybere: —Mobo tii rare, Wanyrý, arityhynykemy watxireri. ³⁷ Wamy wa tabita, jiarýleheka watxireri. Adeẽ rarybererile watxireri. ³⁸ Tahe rarybere: —Wanyrý aratyhynyra he. Tahe hãbu Jesuisi riwowodynyre. ³⁹ Jesuisi rarybehyyra: —Jiarý anade kabede-ò iny ruetã aritobixidýýnykemy; tule robimyhýre mahãdu ariruetãdýýnykre. Iny òwydýýnamy anade. ⁴⁰ Fariseu iõhõmy iribi rýimyhý roholare irybe-ò. Tahe tamy rýýraxire. Inatyhykõ aõbo ka jiarýboho tule waruetãreny. ⁴¹ Jesuisi rarybere: —Aruetãmy ahãtenyeki, aõraruna-di aõkõ toite. Tahe tarybetenye reerywãhã, rabiwãhãre. Tai aõraruhy-di toite.

10

¹ Inatyhytyhymy adeereny ararybekre: —Inyõ budoeni yrubudýýna ijõtòbõna-di, ralõõkeki, tii tahe wasidu ixiwatxidýýdumy rare, raðwõnymy heka ralõmyhýre. ² Ijõtòbõna-di rõtèdu, tii budoeni-di itxeredytyhy rare. ³ Iu ijõtòbõna-ò rehemynymyhýreu, ijõtòbõna ludu tami riraynymyhýre. Tule budoeni irybe rierymyhýre. Sohoji sohoji-ò ininimy tamy ryrymyhýre, tahe idi ròhõnymy ridymyhýre. ⁴ Ihõrõ ahana-ò ridyreu, tii iko-ò rýimy idi ramyhýre.

Riheludunymy idi raremyhỹ rierymyhỹreki irybe. ⁵ Budoeni ieryõdu rihe-ludunyõtyhy, irybe rieryõreki. Iny ieryõdu-ribi rahenykre. ⁶ Jesuisi tamy kia bede eryna ijyymy relyyre. Tiiboho tahe rieryõhyrenyre timybo ibede erydỹnany rororerimy.

⁷ Tahe Jesuisi ritỹnynre tamyreny: —Jiarỹ budoeni ijõtòbòna wesemy rāimahāre. ⁸ Ibutumy iny wakõle rehemyreny wasidu ixiwatxidỹdỹdumy rỹiramyhỹ. Wabudoeni ityhydỹdỹdu wesemy rỹirerimy ihỹre. Tiiboho wasidurybe-ò roholaõhyymyhỹrenyre. ⁹ Jiarỹ ijõtòbòna wesemy rāiwāhāre. Inyõ wamy ralòkeki, tii heka tarasanaõmy rarekre. Iwese wabudoeni ralòmyhỹre idi ròhònymyhỹre asi wiwihikỹmy riroximyhỹre wesemy, tule ityhydỹdỹdu mahādu rỹirakre, bededỹbyna wiwihikỹ ritakremy. ¹⁰ Wasidu heka rubudỹdỹmy nade, bedehudumy wasimy, jiarỹ tahe anade inyõ umytuedeõna ariwahinykremy, irutytyhy wiwihikỹmy wiji rỹirakremy. ¹¹ Jiarỹ budoeni-di itxeredu wihikỹ rare. Ihyy ta waumy ariwahinykre teròwrenymy. ¹² Inyõ budoeni-di itxeredumy deòdumy risỹnykeki, tii riwisinanyõtyhy, tii dori budoeni wedu aõkõ rare, deòdule rareki. Tahe iròdu brebunaõ tamy kanakeki tahe rahenyke iribi, tai ijõ rimyke, ihona tahe raòrunyke. ¹³ Deòdu heka rahenyke tii iwedu aõkõ rareki, tii aõmy aõkõ idi ròhòtinymyhỹre, iòwydimy aõkõ. ¹⁴⁻¹⁵ Jiarỹ heka itxeredu wihikỹ rare wabudoeni riwaerymyhỹre. Jiarỹ tule tii mahādu reerywāhāre. Waha riwaeryre, tule tii reeryre. Iwesetyhyle wabudoeni-wana wii reerynre. Iòraru-ki tahe waumy ariwahinykemy idi wāhāre. ¹⁶ Jiarỹ wabudoeni-ò-di watxiwāhāre. Aõ kabede-ki aõkõ. Ibutumy aributunykemy idi watxireri. Tai tahe sohoji ijojihyylemy heka roikre. Ibutu-di itxeredumy ararekre. ¹⁷ Tai heka Waha waluure, waumy ariwahinykreki wahe. Ihārele tahe ixyby idi arexiumydỹdỹnykre. ¹⁸ Inyõ heka ixideewiòkeki riwarubunyõtyhy. Arexiwahinykre tamyreny riwarubun-yrenykremy. Ixideewikreu, arexiwahinykre, tule waumy arimymy arexiix-ixanykre. Waha dori wadee rarybere tii ariwinykremy.

¹⁹ Kia rybe òraru-ki judeu mahādu rybe rexijeijeinyre. ²⁰ Sòwemy iny ritxiõnymy rarybere: —Tii tyytybybina-di ratximyhỹre ada raitxỹtemy aõbo ihỹre. Aõherekibo tamy taholamahātenyte. ²¹ Ijõ tahe rarybere: —Aõ tyytyby-bina-di aõkõ rarybemyhỹre. Tyytybybina aõbo hābu ruetā riruedỹdỹnyõtyhy.

²² Jerusalē hāwā-ki heka beòrahyy rare. Worana bedehesi hetxina Tỹmyradỹyna rỹire. ²³ Salomaõ Ube-ki, Deuxu dohodỹyna heto ube-ki. ²⁴ Jesuisi rariamy ihỹmyhỹ. Tahe judeu mahādu rirurawonyre itỹraxidỹdỹmy. Tiwese bededỹnanybo nohòtidihyy bede ariwyrenykre. Kai inatyhymy Kristumy tate-wana, tahe manarybeke itỹnymy. ²⁵ Jesuisi dirawyònyde: —Rarybere wahe, tahe kaiboho tiwatyhynytenyõhyte. Inatyhymy ierysmy mohòtinyinbenykeki, waaòmydỹynana wiwihikỹ rewinyamahāre-di betehebentyke. Wahani-di kia rewinyamahāre. ²⁶ Kaiboho tahe tiwatyhynyõlemahātenyte, wabudoeni wesemy aõkõ toite. ²⁷ Wabudoeni warybe rierymyhỹre, riwaheludunymyhỹre; jiarỹ heka ibutumy wabudoeni reerymahāre. ²⁸ Tamy umytuedeõna rewahinywāhāre tiu heka ruruõtyhy. Inyõ waribi ridyõtyhy. ²⁹ Waha wadee riwahinyre. Tii heka ibuturatyre rare. Inyõ iribi ritaõtyhy. ³⁰ Jiarỹ Waha-wana sohojihyyle watxiwāhāre.

³¹ Ixityre tahe judeu mahādu mana-di rirubunykre idi rỹire. ³² Tahe Jesuisi tamyreny rarybere: —Jiarỹ sòwemy bededỹbyna inydee rewinywāhāre Waha ruru-di. Aõòrarukibo biwarubunybenykre. ³³ Tahe judeu mahādu rirawyònyre: —Kai aòmydỹynana wiwihikỹle tewinyte. Kia òraru-ki aõkõ

ijoi adi r̃yireri mana-di arubud̃ỹmy Deuxumy binatyhymy tarybeteriki. Kai dori hābu tate, ihārele Deuxumy texininiteri. ³⁴⁻³⁵ Jesuisi rarybere: —Abede ywina-ki ryberiti r̃yire. Deuxu Rybe òbithiyyumy raritinyumy r̃yire. Kiamy: —Jiar̃y rarybere: —Kaiboho Deuxu toite. Deuxu Rybe heka inyō-ò dited̃nyde. Kia mahādu tahe Deuxulemy rininire. ³⁶ Deuxumy tiiboho rininirenyre-wana, aōherekibo wadee takyarananyteri jiar̃y tule Deuxu Riðrelemy rexininireki. Waha dori, riwatamy diwated̃nyde. Timykibo kaiboho tarybetenyteri Deuxumy ibinamy jiar̃y rarybererimy ³⁷⁻³⁸ Waha-ribi beded̃byna ariwinyōkeki, biwatyhynybenyōtyhy. Tahe ariwinykeki, aōbo rewinyre-wana bityhynybenyke, biwatyhynybenyōke hārele. Tai tahe bityhynybenymy boibeke jiar̃y Waha-wana wāhāre tule Waha wawana ratximyh̃re. ³⁹ Kabedeu ixityre rijere Jesuisi rimykemy tii rexitamy rexihed̃ỹnyre.

⁴⁰ Jesuisi ixityre Jordaō bero kowa weribi-ò reurore. Joaō juhū rōsebed̃ỹmyh̃yō rare. Taile tahe tii raremyh̃y. ⁴¹ Tahe sōwemy iny tamy roirenyre. Tamy rarybere: —Inatyhymy Joaō beded̃by iny itxerenamy riwinyōre. Tahe ibutumy tii Jesuisimy rarybemyh̃re, inatyhy rare. ⁴² Sōwemy heka taile Jesuisimy rityhynymyh̃re.

11

¹⁻² Lazaru ibinamy roimyh̃y Bet̃ỹnia hāwā-ki. Marie, Marta-wana iseriðreneny rare. Juhū Marie Jesuisi-wana raremyh̃y, tii Jesuisiwa tyre-ò tarinal̃nyrehek̃yō ritxiwire, idi tahe tarade-di rirubud̃ỹnyre. ³ Lazaru ibinamy roimyh̃yki tahe tiiboho rited̃nyre Jesuisi-ò rarybekremy: —Wah̃i, abiōwa tyhy binanihik̃ymy roireri. ⁴ Jesuisi kiamy roholareu rarybere: —Kabinana hāwā Deuxu wowydynamy tamy nade. Tule riwawowydynkemy jiar̃y dori Deuxu Riðre rare. Kabinina tahe rubuhymy aōkō tamy r̃yike. ⁵ Jesuisi heka ibutumy iluurennyre, Marta, Marie, Lazaru-wana. ⁶ Iu Jesuisi rieryreu Lazaru webinaduna, tahe taile ratximyh̃re, reriðrele inatxixumy. ⁷ Iribi tahe rarybere taeryd̃ỹna mahādu-ò: —Ròkòirenyke ixyby Judeia beded̃-ò. ⁸ Tahe ieryd̃ỹna mahādu tamy rarybere: —Eryd̃ỹdu aōherekibo ixybynomy tamy tarybeteri judeu mahādu adi heka riwis̃ynymy r̃yimyh̃y mana-di arubud̃ỹmy. ⁹ Jesuisi dirawyōnyde: —Txu heka waðinatxi òra beded̃ỹnanamy rare. Aōhe inatyhy. Inyō txumy rariakeki, tiu aō òraru-ki reseōtyhy loosōnamy dori ibutumy robimyh̃re. ¹⁰ Bede lurumy rariakeki tahe, aō òraru-ki reseke, loosōna dori ihoðreki wahe. ¹¹ Tahe ijōmy Jesuisi tamyreny rarybere: —Iny biðwareny rōrōmy roireri. Tamy arakre ariixixanykremy. ¹² Tahe imahādu rarybere: —Wanyr̃y tii rōrōmy roireri-wana bohe, reytekre. ¹³ Jesuisi heka rarybemyh̃y Lazaru rubumy roirerimy. Tiiboho tahe rōhñninyrennyre urile rōrōmy roirerimy. ¹⁴ Tahe Jesuisi rit̃ynnytyhyra tamyreny: —Lazaru rurure. ¹⁵ Jiar̃y wa aōrarurenny-ki wadeysamy watxireri tai watxiðraki. Ka tahe biwatyhynybenykre. Ròkòirenykre tamy. ¹⁶ Tome ieryd̃ỹna mahāduō rare. Didimomy iniðre. Tamahāduō rarybere: —Ròkòirenyke, tule tii-wana rukururennykre.

¹⁷ Jesuisi rehemyrennyre, Lazaru inaudiðwatxumy hāloo iwòd̃ỹwo-ki roimyh̃y. ¹⁸ Bet̃ỹnia Jerusalē hāwā-ribi sohoji urihixinamy roire. ¹⁹ Judeu mahāduy-ribi sōwemy doidenyde Marta Marieboho wotðenamy, iseriðreneny rurureki. ²⁰ Marta Jesuisi kanakre rieryreu, tahe rōhñnyre tii-wana witxi reakemy. Marie tahe tahetokile ronymyh̃y. ²¹ Tahe Jesuisi-ò Marta rarybere:

—Wahĩ, kakile atxiberi-wana waseritxòre rurukõhykyra ikuny. ²² Ihãrele tahe rekeryre ibutumy Deuxu-kò bexitòenyeki, tiki adeke kidiwahinykre. ²³ Jesuisi tahe tamy rarybere: —Aseriòre wa rubu-ribi kedexixakre. ²⁴ Tahe Marta rarybere: —Rekeryre jikarĩ ikokunanatxu-ku rubu-ribi rexixakre, ibutumy ixixanatxu-ku. ²⁵ Jesuisi rarybere: —Jiarĩ waixixanadĩyĩdu rare, umytuedeõna wahidĩyĩdu rare. Inyõ riwatyhynyeki, tii rubu-ki roire hãrele, kedexixakre. ²⁶ Ibutumy irumy roirekeki, tiu rururenyõtyhy, tii dori riwatyhynyreki. Kai aõbohe kia tetyhynyteri. ²⁷ Tii dirawyõnyde: —Kohe, Wahĩ, aratyhynywãhare. Kai Kristu tate, Deuxu ritxòretyhy. Deuxu tuu rarybereki, bede-kò kanatekõnyde wahe. ²⁸ Tahe Marta ròsere Marie taseriòre-ò rarybere: —Inyhĩ rehemynyteri, kai makremy rarybereri. ²⁹ Kiamy roholareu, tahe, wylemy rĩimy reare tamy rare.

³⁰ Jesuisi dori hãwã-ò ralòõlemy raremyhĩ Marta tamy raryberekile raremyhĩ. ³¹ Tii rĩimy ròhõnyre, judeu mahãdu tuu robire. Tahe riheludunyre, wabede-ò robukremy raresĩny tamy roholare. ³² Marie rehemynyre Jesuisi-ò. Tahe tii tuu robireu, resere iko-ò, tahe rarybere: —Wahĩ, kaki atxiberi-wana ikuny waseritxòre rurukõhykyra. ³³ Jesuisi Marta ibru-di tule judeu mahãduhi-di retehereu tule tii rabadewonihikĩyĩ. ³⁴ Iule Jesuisi rĩyĩraxire: —Titxiwexe tii tetiditenyte. Tiiboho rirawyõnyre: —Wanyrĩ, manake itxeremy. ³⁵ Jesuisi tahe rahinyre. ³⁶ Tai tahe judeu mahãduò rarybere: —Betehebentyke sòwemy heka tii Lazaru luure. ³⁷ Ijõ tahe rarybere: —Tii iny ruetã riteytenyre. Aõherekibo Lazaru irumy ratxireriule riteytenyõra.

³⁸ Jesuisi ixbyby tawo-ki bederiòtiinyre. Tahe rariamy rare wabede-ò Lazaru suiwoĩyĩwo-ò roire. Mana-di tahe ritxiotòbõnyre. ³⁹ Tahe Jesuisi rarybere: —Mana bitake Marta tahe iseriòre rarybere: —Wahĩ, rarõnyteri wahe inakubikòwa txumy dokuri txuu idi rĩira. ⁴⁰ Tahe Jesuisi rarybere: —Rarybere taheka, bityhynyeki, Deuxu rurumy bobike. ⁴¹ Tahe mana iribi ritarenyre. Jesuisi retehere biu-ò rexitòenyre: —Umy reàlãmy wahe watxireri kai wadee taholataki. ⁴² Wadee taholahyy atxiteri mahãte: —Kia reeryre, kata insyõwehekĩ òraru-ki kiamy rarybera adee, tai tiiboho rityhynyrenyemmy wahe, kai tiwateònyteki. ⁴³ Kia rexihureu tahe rryyre: —Lazaru, bodohonyke wa ahana-ò. ⁴⁴ Kia rurumy roimyhĩ-ribi tahe dòhõnyde. Iwa heka tebò-wana widee ritĩtenylemy roimyhĩ. Irati tahe tyybese-di ritĩtenymy ihĩmyhĩ. Jesuisi rarybere: —Biesebenyke wa ixinamy rake.

⁴⁵ Tahe judeu mahãduy-ribi, Marie Martaboho roraludu mahãdu, aõbo Jesuisi riwinyremy robireu tahe, rityhynyre. ⁴⁶ Ijõ tahe fariseu mahãdu-ò roirenyre tamy relyykemy aõbo Jesuisi riwinyremy.

⁴⁷ Iribi tahe xiwe wahidĩyĩdu wedu, fariseu wedu mahãdu-wana heka ywisidĩyĩna mahãdu ributunyre. Dohodĩyĩna mahãdu wedu heka imahãduni rare. Tahe inyõ rarybere: —Ka hãbu heka aõwiwihikĩ sòwemy diwinymyhĩde. Aõhebo he rokotĩyĩnyrenykre. ⁴⁸ Tiihyyle riwinymy rarekeki, heka ibutumy rityhynykre. Idi tahe Roma hãwã mahãdu soldadu kanakre iny riolòdĩyĩnyke insyĩ rahurenkyre. ⁴⁹⁻⁵⁰ Kaifa imahãduò rare. Kabeòrau tahe tii ibutu xiwena wahidĩyĩdu wedu rare. Tahe tii rarybere: —Kaiboho aõ teeryõhytenyte. Hãbuò tahe ruruke ibutu inydee. Tai tahe ibutu iny itueòtyhy. ⁵¹ Kia heka irayky-ribi aõkò ròhõnyre. Deuxu irayky-ò ritidire, tii dori xiwena wedu tyhy rare kabeòrau. ⁵² Kiamy rarybereu, tahe Jesuisi rubunamy rarybereri. Jesuisi dori ibutumy judeu mahãdu dee rurukre. Tamy sohojile

aõkõ rurukre. Tahe sohoji mahãduòle rabutukre Deuxu riòre bede bedemy rÿira mahãdu wahe. ⁵³ Itxuule tahe Jesuisi rubudÿÿmy rõhõtinyrenyre.

⁵⁴ Tai tahe ihãwã-ki rariaõre, Judeia mahãduy-ki. Tahe iribi rexitare bederahy-ò iòhòmy. Hãwã-ò heka rare, Efraï heka inire. Taile taery mahãdu-wana ihÿmyhÿ. ⁵⁵ Judeu mahãdu worana bedehesi iòhòmy rÿimyhÿ Pascoa heka inire. Ritelenykòule heka sòwemy roirenyre Jerusalê hãwã-ò, tai rexiwinyrenykemy iwese bede ywina rarybere wese Pascoakomy wahe. ⁵⁶ Sòwemy iny Jesuisimy robikemy rÿimyhÿ. Tahe Deuxu dohodÿÿna het-owo-ki widee rarybemhÿre tahe rarybere: —Kanakre aõbo Jesuisi worana bedehesi-ò. ⁵⁷ Xiwenã wedu fariseu-wana juhuu inyò rarybemahãre: —Inyò Jesuisimy robikeki, tuu wadeereny kanarybekre, tii ramykremy wahe.

12

¹ Jesuisi rare Betÿnia hãwã-ò Pascoa worana bedehesi rÿikrekoki. Debòsohoji txumy rauhenymy rÿimyhÿ tamy. Tai heka Lazaru rasÿnymhÿre rubu-ribi rexiare-ribi wahe. ² Martaboho tahe rÿsÿna wiutãdãna riwinyrenyre Jesuixideewina. Lazaru Jesuisi-wana riroxikremy ronymyhÿ. Tahe Marta tamyreny rÿsÿna riwymyhÿ. ³ Marie tahe sòwemy aderòna lÿnyre-di ratximyhÿ, iòwyhykÿre heka. Tahe tii Jesuisi watyre ritxiwire idi tahe taradedile risuhore. Heto tahe tÿnyrehékÿlemy roire. ⁴ Judasi Isariò tule Jesuisi erydÿÿnaò rare tii tai ratximyhÿ. Tii Jesuisi rityhenykremy tii raremyhÿ ihewo-ribi. Tii tahe rarybere: ⁵ —Kaa aderòna heka iòwyhykÿ rare. Aõherekibo idi tahonyòte nieru idi bitakemy iny aõkõ mahãdu-ò nieru biwahinykemy. ⁶ (Judasi heka iny aõkõ mahãdu luu aõkõ rare. Erydÿÿna mahãdu nieru rubudÿÿdu tii rare. Kia nieruò tahe ixideele ritosinymhÿre. Tai tahe aderòna òwy ixidee ributunykemy idi ratximyhÿ). ⁷ Tahe Jesuisi rarybere: —Ixinamy wawatyre ritxiwike, wahãloo-ò waherina heka riryrymy tuu ritxiwireri. ⁸ Kaiboho heka aõu biwiòhenanymy ahãbenyke iny aõkõ mahãdu awanarenymy dori rarehymy rarekre. Jiarÿ tahe kaki aratxihyke aõkõ rare.

⁹ Judeu mahãdu Jesuisi rehemyryeriò roholare. Tahe sòwemy iny tamyreny nade itxeremy. Tule Lazaru-ò itxeremy nade rubu-ribi rexiareki. ¹⁰ Tai tahe xiwewahidÿÿdu mahãdu wedu tule Lazaru rubudÿÿmy rarybere. ¹¹ Lazaru òraru-ki dori sòwemy judeu wedu Jesuisi rityhinyre.

¹² Itxubiòwau tahe Jesuisi nade Jerusalê-ò kia-ò tahe roholare ibutumy worana bedehesi ludu mahãdu. ¹³ Tai tahe roirenyre tii-wana witxi reakemy horeru riwyre ityre-di kanakre. Ryryrenyre Jesuisi-ò: —Waiòlòreny, kai arawowydynyryeri, kai bedeòbydÿÿdu tateki! Kai Deuxuni-di tateri. Kai judeu Iòlòtyhy tate. ¹⁴ Jesuisi nade jumenta riòre tyre-ki, tuu dori ihetxina tyryiti-ki roire wesemy. ¹⁵ Kiamy wahe roire:

—Judeu riòre mahãdu uritere brebuòmy atximahãbeny aiòlòreny dori kanakre jumenta riòre tyre-ki.

¹⁶ Iery mahãdu kia rieryòhyre juhuu. ¹⁷ Iribi tahe tõhòti itxi reare ritidÿÿna hetxina-ki roiremy, Jesuisi biu-txi ròðsemy rareu wahe tõhòtirenymy itxi reare. Tule sòwemy iaòmydÿÿnana rybe hetxina-ki riritinymy rÿimyhÿre. Kia-di tahe idi tõhòtirenymy reare. ¹⁸ Inyò itxeredu heka Lazaru ixixanamymy relyre. Tai tule iny sòwemy doidenyde. Kia Jesuisi riwinyreò heka roholarenymy. ¹⁹ Tai tahe fariseu mahãdu widee raryberenymy: —Ibutumy ihemy roirenyre. Timyòre, aõhe heka rikisÿnyrenyòtyhy.

²⁰ Inyō worana bedehesi-ki grego rybedu mahāduō ratximyhỹ. Tii tai Deuxu reālākemy ratximyhỹ. Tii Besaida hāwā ludu-ò Kalileia bede luduō ratximyhỹ. ²¹ Tahe grego rybe mahādu tamy rarybere: –Wanyrỹ, jiarỹboho, Jesusimy arobikemy watzixenyneri. ²² Filipi tahe Andre-ko relyyre. Ta wiwana roirenyre Jesuisi-ò. ²³ Jesuisi rarybere: –Aōkōra, Wabededỹnana iōhōra Deuxu Riōre Hābutyhyhykỹ rubuna-ò, wahe. ²⁴ Inatyhymy adeereny ararybekre: –Jiarỹ alōbōrōna rijuxunymyhỹre wesemy aresekre suō, arurukremy. Aruruōkeki ixiwanahyyle ararekre. Arurukre-wana sōwemy araratynkyre. ²⁵ Inyō ixiluukeki heka, ruruke. Kabede-ki tahe ixiluūōkeki, tii rexiiwiny my umytuedeōna-ò ratxiike. ²⁶ Inyō wadeōdumy ratximyhỹkeki, tii riwaheludunye. Tai titxibo aratxiikeò tii wawana ratximyhỹke. Inyō wadeōdumy rareke-wana, tii Waha riwowydynkyre.

²⁷ Katahe wabedewonihikỹmy watzixeri. Timybo ararybekre, Waha, kia rubu aōmydỹnana-ribi biwatake. My òsana arexitōenyre. Aōkōre, kiaōle heka kabede-ò anade. ²⁸ Waha, anityhy-ò iny riwowydynkemy watzixeri. Iule tahe rybeō-ò roholarenyre: –Kia rotỹnyre ihāre ta ixityre tuu rotỹnyre. ²⁹ Tahe iny sōwehekỹ kia rybe-ò roholare. Tahe rarybere: –Biumytxyle rare. Tahe ijō rarybere. Aōkōre ŷju rare. ³⁰ Tahe Jesuisi rarybere: –Waōraru-ki aōkō kia rybe rỹreri, aōraruren-ki, tamy bohōlabenykemy. ³¹ Wiji tahe ywisidỹna kỹnykre, bedemy iny rỹira mahādu-ò. Kia mahādu iōlō, Satanasi, kanahitxidỹkre. ³² Iu jiarỹ itxeō-ki riwaukokreu, ibutumy iny heka ixidee adiwiutādānykre riwatyhynkyre. ³³ Iu tii kia rarybereu, tarubuna ritỹnyre timybo ruruke. ³⁴ Iny sōwehekỹ dirawyōnyde: –Jiarỹboho raholarenyre bede ywina-ò. Tii rarybere: –Tiiemy Kristu rarehyymy rarekre. Timybo kai tarybeteri: –Biwaukokremy. Mobo tahe Deuxu Riōre Hābutyhyhykỹmy tuu tarybeteri. ³⁵ Tahe Jesuisi dirawyōnyde: –Urihimyōle loosōna awana rariamy ratxireri. Idi atxiteriule idi mariake, bede luru atxi kanakelau. Inyō bede luruki rariakeki, tiobo rake rieryōhyyre. ³⁶ Walosōna atxiteriule, biwatyhynke waloosōnamy, taile waloosōna mahāduōmy boibeke. Kiarybe rahu-di tahe Jesuisi iribi rexitamy rexiwore. ³⁷ Tii sōwemy bedetiidỹna ikoreny-txi riwinyre. Ihārele tahe sōwemy rityhynyōre. ³⁸ Kia tahe Isaia tyriti-ki roire, tahe iwelese tuu rarybere wese wiji rỹira rotỹnyre:

–Wanyrỹ, Iny rybe tỹnydỹnareny tiiboho rityhynyōhyyre, Deuxu taruru tamy riteōsinyrehārele rityhynyōre.

³⁹ Tai rityhynyōhyyre. Isaia, Deuxu rybedu ijōmy rōritidỹre:

⁴⁰ –Deuxu riruetānyre, irayky riteredỹnyre. Tai rieryōhyymy robiōhyymyhỹre. Tiu heka Deuxu rityhynyōhyyre. Tiu riteytenyōhyyre.

⁴¹ Isaia Jesuisi loosōnamy robire. Tai tahe tuu rōritidỹre. ⁴² Ihārele tahe dohodỹna mahādu wedule sōwemy rityhynyre. Urile fariseu mahādu òrarukile, ijō-ò tuu rarybeōre, dohodỹna mahādu-ribi riōlōdỹnyheny. ⁴³ Tiiboho dori Deuxu wowydyna luurennyōre inywowydynale luurennyre.

⁴⁴ –Iny riwatyhynymyhỹkeki, wadeōdỹdule rityhynymyhỹre. ⁴⁵ Inyō wamy robiikeki, iule wadeōdỹdumy robike. ⁴⁶ Jiarỹ loosōna wesemy anade bede-ò. Tai tahe iny riwatyhynkeki, bede luru ribi rōhōnyke. Tai heka anade. ⁴⁷ Inyō warybe-ò roholake hārele riywinyōkeki, tahe jiarỹ tii wiji ariywidỹnyōke. Jiarỹ dori tarasaduhyylemy anade. ⁴⁸ Inyō riwatyhynyōkeki,

warybe-ò roholaòkeki, ikonana txuu tahe ywisidỹỹna-ò ralòke, warybe-ò rityhynyõmyhyreki aõhòkỹmy dỹỹnana-ò heka kia ralokre. ⁴⁹ Jiarỹ ixi rayky-ribi aõkò rarybemahãre. Wahale rybe wadee riwahinymyhỹre. Kia wesele relymahãre. ⁵⁰ Deuxu rybe bedede ywina-di diwateònyde umyutuedeõna wahidỹỹna kia rare. Kiale heka reeryre.

13

¹⁻³ Pascoa worana bedehesi txumy txuu rỹire. Tahe Jesuisi rexieryre ixyby tyby-ò ròòsekremy ihỹre, ibededỹỹnana iòhòmy roireki. Tule rexieryre tyby ibutumy tamy riwahinyremy. Tii tyby-ribi nade tule ixybyle tamy rakemy. Txioro roxinau Jesuisi taerydỹỹna mahãdu-wana riroximyhỹreny. Judasi Isariò (Simaò riòre) taile ratximyhỹ. Juhuu diabo tamy rarybere iruule Jesuisi rityhenyremy. ⁴ Jesuisi sòwemy taerydỹỹna mahãdu luure. Tai tahe rỹire, tatyytyre ludu ritare òsuròna rimyre, idi rexiwetyataare. ⁵ Hynaro-ò bee ritxiwire taerydỹỹna mahãduwaa risuhokremy tahe òsuròna-di tawetya-ki ihỹmyhỹ-di iwa rirubudỹỹnyre. ⁶ Tahe Jesuisi rehemynyre Simaò Pedro-ò, Pedro rarybere: —Aòkòre kai wawarenny suròdòomyke. ⁷ Jesuisi rirawyònyre: —Kai heka teeryòte aòherekibo resuhòreri. Ihewo-ribi tahe bierykre. ⁸ Pedro rarybere: —Aòkòre, wawasuròdòdỹỹõmy. Jesuisi rirawyònyre: —Arisuhòòkeki wawanahyy aòkò mahàke. ⁹ Pedro rarybere: —Wawasohojile aòkò bisuhokre, wadebò warati-wana tule wahe. ¹⁰ Tahe ritỹynyre Jesuisi; inyò ròhòre-wana iwale rasuhòke. Iuhe ibutumy tyralemy rỹimyhỹre. Kaiboho yralemy toite. Sohoji tahe aòkòre. ¹¹ Jesuisi tatyhedỹỹdu rayky rierymyhỹre. Tai tahe rarybera, ibutumy aòkò tyraremy.

¹² Jesuisi iwasureòdò rexihureu, tatyytyre ludu retyynyra roxina-ò ròòsere. Tamyreny rỹỹraxire: —Kaiboho teerytenynte. Aòhebo jiarỹ kia ratỹynyra. ¹³ Adeereny aritỹynyre. Kaiboho tiwaninitenyte anyrỹmy, aòhe inatyhy? Aerydỹỹdumy, inatyhy heka jiarỹ rare tahe òbitimy tarybetenyte. ¹⁴ Jiarỹ aerydỹỹdureny anyrỹreny heka awareny resuhore. Tai tahe kaiboho wiwa bisuhòbenykre. ¹⁵ Iwese jiarỹ rexideòsinyre wese kaiboho biwinybenyke. ¹⁶ Inatyhymy adeereny ararybekre. Deòdu dori tawedu ratyre aòkò rare. Rybe-ò ijohonadu dori rybedutyhy ratyre aòkò rare. ¹⁷ Kia warybe teerytenynte. Tahe biywinybenykeki bedèòbynatyhy adeereny kanakre. ¹⁸ Ibutumy umyreny aòkò rarybereri jiarỹ araeryreny, aratarenyeki, wahe. Rybe tyyriti-ki roire kiamy: —Kia wawana riroximyhỹrele heka riwatyhenykre. Ele elemy tuu rotỹỹnykre.

¹⁹ Wiji rarybereri heka wylemy kia tuu rotỹỹnykre. Tuu rotỹỹnykreule, kaiboho bierybenykre òbitimy raryberé wahe; jiarỹ biwatyhynybenykemy wahe. ²⁰ Inatyhytyhymy ararybekre: —Inyò adee aditeònykre. Inyò tii rityhynymy kididykeki, tii riwadymyhỹre. Inyò kidiwadykeki wadeòdỹỹdu ridymyhỹre, Deuxu rityhynymyhỹre wahe.

²¹ Tahe Jesuisi rabadewonihikỹmy rononymhỹ. Tahe rarybera: —Iny sohojiò ayreny-ribi riwatyhenykre. ²² Tahe wii riijerijereny. Mokobo rarekremy ròhòtynyreny. ²³ Jiarỹ, Joaõ Jesuisi weribi ranywỹhỹ, tii dori sòwemy waluure. ²⁴ Tahe Pedro wadee narybewasidi: —Tamy inihe myỹraxike mobo raremy. ²⁵ Tahe jiarỹ retorunyre: —Wanyrỹ, mowexe ratxireri. ²⁶ Jesuisi rarybere wadee: —Kia orotxu ituudỹỹ tamy ariwahinykrele tiikre. Tahe Jesuisi orotxu yre rituunyre idi tahe Judasi Isariò-ò

riwahinyre. Tii Simaõ riõre rare. ²⁷ Tahe Judasi riyre. Iribi tahe Satanasi aõwesele tamy ralore. Jesuisi heka Judasi-ò rarybere: —Aõhebo botỹỹnykre wylemy makre biwinykremy. ²⁸ Tahe riroximy rỹimyhỹ mahãdu rieryõre aõmybo Jesuisi rarybemyhỹ. ²⁹ Judasi Isariò dori nieru hyna yrubudỹỹdu heka rare. Tai tahe rõhõtinyrenyre Jesuisi worana bedehesi aõna aõna riwykemy riteõnyre, ada iny aokõdu mahãdu-ò nieruõ riwahinykemy. ³⁰ Judasi orotxu yre riymy rahudi tahe rõhõnymy rare bede luru-txi.

³¹ Judasi rõhõnymy rahudi tahe Jesuisi rarybere: —Wiji tahe Deuxu Riõre Hãbutyhyhykỹ loosõnamy iny robimyhỹre taraykywo-ki. Tii heka jiarỹ rare. Deuxu-ò waõraru-ki wowydyna riwahinykre. ³² Deuxu loosõnamy tahe waki iny robikeki, Deuxu riwatoosõnyreri aõwesele ibutumy iny tuu robike. ³³ Waluudu mahãdu wariõre wesemy atximahãtenyte, umywanareny urihimiyõle ararekre, idi tahe arakre. Tahe biwaijebenyhãrele waki mahabenỹõthy. Iwese judeu mahãdu-ò rarybere wesele adeereny ararybekre: —Titxibo arakre-ò kaiboho boibenyõke. ³⁴ Bede ywina tỹmyra wese adeereny ariwahinykre kiamy wahe: —Wiluurenykemy wahe: —Iwese jiarỹ aluurenyre wese tule kaiboho wiluurenyke. ³⁵ Wiluurenykeki ibutumy iny rieryrenykre kai waerydỹỹna mahãdumy tate.

³⁶ Tahe Simaõ Pedro ritỹỹraxinyre: —Wanyrỹ, titxibo kai makre. Jesuisi dirawyõnyde: —Titxibo arakre-ò wiji kaiboho boibenyõke, iribi tahe wahemy bodoikre. ³⁷ Tahe Pedro rarybere: —Wanyrỹ aõherekibo araõkre wiji ahemy waumy kie aõraru-ki ariwahinykemy watzireri. ³⁸ Inatyhymy aõbo aumy biwahinykre waõraru-ki. Inatyhytyhymy ararybekre: —Hãnie hãbu robukõule kai biwatzixõnykre inataõmy.

14

¹ Kaiboho bedetĩĩdỹỹrenyõmyke bedewona-ki. Kaiboho Deuxu tetyhynytenyte, tai tahe biwatyhynykre. ² Wahasỹ-ki sõwemy sỹỹ rỹimyhỹre kialemyre heka tai. Kaweseõkeki adee inatyhymy rarybemahãre. Jiarỹ tahe arakre sỹỹ adeereny ariwinykemy. ³ Ariwinymy arahudi tahe ixbyble aõrysmy adõõsekre. Tahe aradyrenykre titxibo-txi aratzireriò kaiboho tule matxibenykre. ⁴ Kaiboho dori teerytenyte titxibo wasỹry roire. ⁵ Tahe Tome rarybere tamy: —Wanyrỹ, titxibo makreò reerykõrenyre. Tai tahe timykibo asỹry reeryrenykeny. ⁶ Jesuisi dirawyõnyde: —Jiarỹ wa ryy rare. Deuxu inatyhyna jiarỹ rare. Umytuedeõna wahidỹỹdu jiarỹ rare. Inyõ waõrarukile Waha dee rakre. ⁷ Kaiboho tiwaerytenyte-wana tule Waha teerytenyte. Wiji tyhyule Deuxu teerytenyte, tuu tabitenyte. ⁸ Idi Filipi rarybere: —Wanyrỹ, boo inydee biteõsinyke, tai tahe awike. ⁹ Tahe Jesuisi rarybere: —Filipi, sõwemy bededỹỹnana umy-wana rewyre. Ihãrele tahe tiwaeryõte. Inyõ wadee kanakeki, Wahamy robike. Aõherekibo wadee tarybeta boo wadee biteõsinykeny. ¹⁰ Jiarỹ Waha-ki watxiwãhãre tule Waha waki ihỹre. Kia aõbohe tetyhynyõte rarybewãhãre, kia iximy aõkõ rarybewãhãre. Waha waki ratximyhy tii taõmydỹỹnanamy rotỹỹnyre waumy-ribi. ¹¹ Waha-ki watxiwãhãre, tule tii waki ihỹre, kia bityhynybenyke. Aõwiiwhikỹ rewinywãhãre òraru-ki biwatyhynybenyke. ¹² Inatyhytyhymy adee ararybekre: —Inyõ riwatyhynykeki, wawesele aõwiiwhikỹ riwinykre. Tahe watyreleaõ riwinykre. Jiarỹ dori Waha-ò arakre. ¹³ Tai wanimy aõmy bexitõenybenykeki, tii tahe ariwinykre. Iny Waha-ò wowydyna riwahinykemy idi watzireri, iRiõre wahe jiarỹ rare. ¹⁴ Tai aõma wani-ò bexitõenybenykeki,

tii tahe riwinykreadeereny. ¹⁵ Inyõ waluukeki tii wabede ywina riywinytyhyke. ¹⁶ Waha-ò arexitòenykre ijõ wiòhedÿÿdu adeereny kiditeònykremy waderòwmy. Tii aõu aõu adeereny hyyle rarekre. ¹⁷ Tii Deuxu Tytybytyhy rare. Tii inatyhynamy rieryrenyre, iny bedede mahâdu wahe. Deuxu Tytybytyhy ixidee ridykemy. Tuu dori robiòtyhy rieryòtyhy. Kaiboho tahe teertyentye. Tii dori umywanareny ratximyhÿre, aworeny-ki ratxikremy. ¹⁸ Jiarÿ heka ixisohojimy ararisidÿÿnyòtyhy. Jiarÿle adee adoosekre. ¹⁹ Wijile arurumy arakre bederibi. Bede bedede mahâdu tiu wamy robiòtyhy. Kaiboho tahe wamy bobilebenykre, jiarÿ dori ixityre rubu-ribi adexixamy ararekre. Tai tahe tule kaiboho rubu-ribi bexixamy boibekre. ²⁰ Kia txuu kaiboho bierybenykre jiarÿ heka Waha-ki watxiwâhâremy. Kaiboho tasÿ waki ahâtenyte. Jiarÿ tule akireny watxiwâhâre. ²¹ Inyõ wabede ywinareny dikeki tahe, riywinykeki, waluudu rare. Waha tule iluukre. Jiarÿ tule iluutyhyre. Tamy tule arexideòsinykre. ²² Judasi tamy rarybere: (aõ Isariò aõkõ kÿny, iwitxiraõ.) —Wanyrÿ, aõhekremybo wadeereny bedexideòsinykre tahe bedede ludu mahâdu-ò aõkõ wahe. ²³ Jesuisi rarybere: —Inyõ waluukeki, wabede ywina riywinytyhyke. Waha, heka iluutyhykre. Jiarÿboho tamy adoidenykre tamysÿmy. ²⁴ Iny waluuòkeki, warybe tiu rityhynyòtyhy. Aõ warybe-di aõkõ heka rarybereri. Waha wadee riwahinyredi heka rarybereri.

²⁵ Tai arakrekoki tuu rarybereri adeereny. ²⁶ Tahe Deuxu Tytybytyhy, awiòhedÿÿdu, tii araerynanykre ibutumy aõna aõnamy. Timybo jiarÿ adeereny raryberemy akananohòtitaranydenykre. ²⁷ Ywina adeereny adiwahinykre waywina wahe. Iwese bedede ludu mahâdu riwahinyhÿre wese aõkõ ariwahinykre. Uritere nohòtyreòmy brebuòmy. ²⁸ Rarybere dori arakremy tule adoosekremy. Waha waratyre rare. Tamy he arakre. Kaiboho waluukeki, beysabenykre tamy arakreu. ²⁹ Kaa bedede reakoki tuu rarybereri. Tuu reakreu tahe, kaiboho biwatyhynybenykre. ³⁰ Sòwemy heka adeereny ararybeòkre, bedede dinodu dori tehemynysÿ iòhòmy ihÿre, Satanasi wahe. Tii heka wadee iruruòhyre, riwateònyòtyhy. ³¹ Jiarÿ Waha luure. Rewinywâhâre aõbo Waha ariwinykemy riwateranymyhÿre. Botamanyke: —Ròkòirenyke.

15

¹ Hãjutò òwòna wese wihikÿ jiarÿ rare. Waha tahe bedede rade wysydÿÿdu wese rare. Bedede òbèbure iratyòkeki iò riòròke. Iratydikeyi iòsòmo iribi risihere. Tai tahe sòwetyhymy nihikÿmy raratynyke. ² Kaiboho bedede rade-ò wese my toite. Warybe-di aòsòmoreny aribireny resihemahâre. Katahe òbitimy toite bederatymy raratynykemy. ³⁻⁴ Kaiboho biwamymy wadi myikre. Iwese bedede radeò raòròomhÿkeki irulemy rÿikre raratynyke. Aòkòkeki ruruke. Kaiboho iwesele toite. Waki beàrenyòbenymyhÿkeki, tiu Deuxudeewimy atxibenyòtyhy. ⁵ Jiarÿ hãjutò òwòna wese rare. Kaiboho ibede radeò wese toite. Waki beerenybenykeki, jiarÿ aki ararike, tai bederaty wese sòwemy maratynyke. Wahoòkeki tiu aõ biwinybenyòtyhy. ⁶ Inyõ waki rariòkeki, iwese iny bedede rade rubu-di rahuleke, tii iwesele inyò rahukre. Juhuu rimyre, idy heòty-ò rehure, tai roomyhÿre. ⁷ Kaiboho waribi boibenyòkeki, warybe òhòti-ribi rosaòtyhykeki, aòtaxina wadee bexitòenybenykre, tai ibutumy adee ariwahinykre. ⁸ Iwese bedede rade sòwemy raratynymyhÿre wese, kaiboho, aõna aõna wiwihikÿ biwinybenyke Deuxu dee. Kiakeki tahe Deuxu deàlàna

sôwemy ritakre. ⁹ Iwese Waha waluure wese jiarÿ aluurenyre waluuna-ribi boibenyôke. ¹⁰ Wabede ywina inyô riywinykeki, tii waluuna-ribi raôtyhy. Iwese Waha bede ywina reywinymyhyre wese tahe Waha luuna-ribi jiarÿ tiu rahônyôhyyre. ¹¹ Wadeysana awo-ki ratxikemy jiarÿ adi watxireri. Eysana sôwemy mabekemy adi watxiwâhâ. Tai tahe warybe adee rarybere. ¹² Wabede ywina heka kaa rare: —Wiluukemy. Iwese jiarÿ aluure wese wiluurenykemy. ¹³ Inyô taery dee rurukeki taluunadireki, tii luunatyhy ijôdire. ¹⁴ Kaiboho wadeewi biwinybenykewana tai inatyhymy wabiôwa toite. ¹⁵ Tahe aô wadeôdumy aôkôhe araninirenykre. Kaiboho wabiôwa toite jiarÿ dori Waha-ribi raholare adee tuu relywâhâre. ¹⁶ Kaiboho tahe ti-watatenyôhyte, jiarÿ tahe aratarenyre kaiboho boibenykemy. Sôwemy aôna aôna wiwihikÿ botÿÿnybenyke. Tule kia aôna aônamy tule roihiyykemy. Tai tahe aômy Waha-ribi wani-di bexitôenybenykeki, adee riwahinyhy rareke. ¹⁷ Wiluubenyke: —Kia tahe wabede ywina adeereny adiwahinyde. ¹⁸ Bede ludu iny mahâdu eramy reakeki myÿ uritere nohôtiomy juhuu dori waderamy waluôre. ¹⁹ Kai bede ludu iny tate-wana iny aluuke, tahe aôkôre. Tai tahe iny eramy reamyhyre. Bede ludu mahâdu ribi jiarÿ aratara. Bede ludu mahâdu aôkô tate urenana. ²⁰ Adee heka rarybere aômybo. Uritere iribi nohôti lusaômy kia wahe: —Deôdu tawedu ratyre aôkô rare. Tai wadee aôbina binamy iny rotÿÿnymyhyre. Adeereny tule aômy rotÿÿnykremy wahe. Tiiboho warybe riywinyrenykeki, arybe tule tiiboho riywinyrenykre. ²¹ Kia tahe adee ratÿÿnymyhyre wanimy rybe ôraru-ki, tiiboho dori wadeôdÿÿna rieryôreki. ²² Tuu ararybeôre wana inihe tiiboho ôrarudiôhyrenyre. Katahe rarybere tai tahe tiiboho rarybeôtyhy rieryôremy. ²³ Inyô waluuôkeki, tule Waha luuôtyhy. ²⁴ Jiarÿ heka ibutuko-ô wowydyna iitxerenanymy rewinyôrewana, tiiboho iôrarudiôhyre inihe. Tahe rewinyamahâre, tuu robimyhÿrenyre, ihârele tahe waluuôre tule Waha luuôre. ²⁵ Kiamy heka rotÿÿnyre bede ywina ritidÿÿna-ki roireki. Tai heka tuu rotÿÿnymyhyre. Kiamy wahe ritidÿÿna-ki roire:

—Tii heka bede ôraru aôkô rare, ihârele tahe iluuôrenyre.

²⁶ Deuxu Tytybytyhy adee ariteônykre. Tii, wiôhedÿÿdu rarekre inatyhy-namy rierynanykre. Tahe, tii kedehemynykre wamy rarybekre. ²⁷ Tule kaiboho wamy marybebenykre, wawana hyy ahâtenyeki.

16

¹ Kiamy adee rarybemahâre ôraruna-txi ixêôkemy. ² Tiiboho heka anatakre tohodÿÿna hetowo-ribi. Kobe, bede dÿÿnana iôhômy kadeakreu inyô anarubunykeki, kia Deuxudeewimy tuu konohôtinykre. Tii Deuxu wiôhedÿÿdu raremy ixi-di kônohôtinykre. ³ Tiiboho Waha rieryôhyymyhyrenyre tule riwaeryômyhyre. Tai tahe kiamy adeereny rotÿÿnymyhyrenyre. ⁴ Iu adeereny aômydÿÿnana kedehemynykre, ôhôtirenny itxi reake timybo adeereny relyyretxi. Tiu heka tuu rarybeôhyyre, umywanarennyhy dori wâhâre. ⁵ Katahe arakre wadeôdÿÿdu-ô. Kaiboho bÿÿraxibenykekô aôbo tiobo arakre-ô. ⁶ Kaiboho heka tabedewomy toite kamy rarybereriki. ⁷ Ihârele tahe inatyhymy adeereny ararybekre: —Adeereny awikre arakreki wahe. Jiarÿ araôkeki awiôhedÿÿdu, Deuxu Tytybytyhy kanaôkre. Arakeki tahe tii aditeônykre adeereny. ⁸ Iu kanakreu, tii inydee kiditeôsinykre irayky binadiremy, iôbitina-di aôkôremy, iôrarunadiremy. Deuxu dori ôrarudu riywisidÿÿnykre. ⁹ Taôraruna ixidee kiditeôsinykre

tiiboho riwatyhynyõrenyriki. ¹⁰ Tahe ixidee kiditeõsinykre. Jiarỹ iratyre waõbitina direki. Waha-ò dori arakre, wamy bobibenyõtyhykemy. ¹¹ Deuxu ixiywisidỹyna ixidee kiditeõsinykre kabede dinodu dee rarybere tii rexihukremy. ¹² Jiarỹ heka sõwemy adee ararybekemy watxireri, ibutumy tahe isiramy ixidee bohlabenyke. ¹³ Txiõhe rare. Deuxu Tytybytyhy kanakreu, inatyhymy adeereny rarybekre inatyhyna-di ibutumy. Tarybe-di tahe rarybeõkre. Deuxu-ribi aõmybo roholaremy tahe rarybekre. Tule timybo aõna aõna rarekremy kanarybekre. ¹⁴ Tii waaõmydỹynana adeereny ritỹnynykre. Tai kidiwatoosõnanykre. ¹⁵ Ibutumy Wahahõrõ heka wahõrõ rare. Tai heka tuu adeereny rarybereri waaõmydỹynana adeereny kiditynynykre. ¹⁶ Urihimyò riõre heka waõkre, idi tahe ixityre wamy bobibenykre. ¹⁷ Tahe ijõ ierydỹyna mahãduõ widee rarybere: —Timybo tii rarybere: —Urihimyò iõkremy tii rarybereri, tule ixiryre wamy bobibenykre. Tule Waha-ò arakre. Timybo heka rieryrenyõhyre aõmybo rarybera. ¹⁸⁻¹⁹ Tiiboho Jesuisi-ò rỹraxyrenykre ratxirenyreri. Tahe Jesuisi rierymyhỹre tuu rỹraxykre. Tahe Jesuisi tamyreny rỹraxyre: —Kaimy ixidee tỹraxytenyteri. Wananamy waõkesenalemy. ²⁰ Inatyhymy adeereny ararybekre: —Iny bede mahãdu urile reysakre, kaiboho tahe araeryrenyra urile mahinybenykre, birajuabenykre, mabedewobenkyre. Idi tahe kaiboho beysabenkyre. ²¹ Iwese hãwyy iijera iõhõreki, rabadewomyhỹre, taaõhõkỹmydỹynana-di rõhõtinyinmyhỹre. Idi tahe reamyhỹre. Iu tahe tõhõti rosamyhỹre tohouã tỹmyradile reysamyhỹre. ²² Iwesele kaiboho mabedewobenkyre, ixityre wamy bobebenkyre tahe, kaiboho beysabenkyre. Inyõ heka deysana aribireny ritaõtyhy. ²³ Kiatxu tahe uritere watỹraxydỹyõmykre inatyhymy adeereny rarybereri. Waha-ribi aõmy bexitõenybenykeki. Tii adeereny kidiwahinykre wani òraru-ki. ²⁴ Tiu heka aõmy texitõenytenyõmahãte wani-di. Bexitõenybenyke, tai bitabenkyre. Tai tahe kaiboho beysabenkyre.

²⁵ Ibutumy rybewõtemy adeereny rarybewãhãre wahe. Idi tahe tuu adeereny ararybeõkre. Idi tahe itỹntyhy Waha aritỹnynykre adeereny. ²⁶ Kiatxu tahe bexitõenybenykre wani-di jiarỹ ararybeõkre umyreny Waha-ò. ²⁷ Waha dori aluurenre, kaiboho waluurenreki, Deuxu-ribi anade tetyhynytenyeki. ²⁸ Waha-ribi anade, bede-ò adehemynyde ihãrele bede-ribi arakremy Waha-ò. ²⁹ Jesuisi ierydỹyna mahãdu rarybere: —Wiji tahe itỹntyhy tarybeteri. Rybewõtẽ-di aõkõ tarybeteri. ³⁰ Kai ibutumy teeryte. Inyõ dỹraxyõmy adee. Kai inatyhymy Deuxu-di tanate. Kia jiarỹboho retyhynyreny. ³¹ Tahe Jesuisi tamy rỹraxyre. Inatyhymy wijityhyle tetyhynyteny. ³² Wabededỹynanamy heka reara. Kaibohoõ sohoji sohojimy tasỹ tasỹ-ò rakre. Biwaribenkyre ixi sohojilemy arỹkre. Tahe ixi-wana aõkõ watxikre, Wahawanale arỹkre. ³³ Kaheka aõna aõnamy adeereny rarybere ywina-di araykyreny-ki boibekre. Bede-ki kaiboho aõhõkỹmy botỹnybenkyre. Ihãrele beysabenkyre, jiarỹ heka Deuxu òludu mahãdu-di ròtara.

17

¹ Jesuisi rarybemy rahudi tahe retehere biu-ò rarybere: —Waha, wabededỹynanamy reara. Ariõre watxiwãhãre. Wowydyna wadee biwahinyke tai tahe adee wowydyna adee ariwahinykre. ² Kai, Waha, ibutumy wadee ruruna tewahinyta iny deõdỹynamy. Tai umytuedeõna ariwahinykre biu-ò

hedu mahādu-ò. ³ Kia heka umytuedeōna rare: —Deuxu inatyhy tate sohoji-hyy tate. Tii araeryrenykeki tahe eòdỹyna Jesuisi Kristu rieryrenykeki. Kia umytuedeōna rare tamyreny. ⁴ Aō aōmysỹdỹynabo wadee tewahinyte, ibutumy adee rewinyre. Tai heka arawowydynyra kabede-ki. ⁵ Iu bede rexide-lenyreu umywanahyy rarewāhā. Sōwemy loosōna nihikỹ-di rawāhāre. Tahe wiji, Waha, kia loosōnale ixityre bidiwahinykre umywanahyy my ararekre. ⁶ Kai iny mahāduò wadee tewahinyte bede mahādu-ribi. Tamyreny umy rarybemahāre. Juhu tiiboho ahōrō roire. Idi wadee tewahinyte. Tiiboho arybe riywinymyhỹre. ⁷ Ibutumy waaōmydỹyna aribi retamahāre. Kia heka wiji tiiboho rieryrenyra ibutumy aribi nade. ⁸ Aōrybebo wadee tewahinytamy tamy rarybemahāre. Tiiboho rityhynyrenyre, rieryrenyre aribi jiarỹ anade, kai wateòdỹydu tate. ⁹ Iōraru-ki adee rexitōenyre. Tiiboho amahādu roire. Wadee tewahinyte, bede mahādu-ò raru-ki aōkō adee rexitōenyre. ¹⁰ Ibutumy wahōrō, ahōrō rare. Tule ahōrō, wahōrō rare. Tai heka iny mahādu riwatoosōnanymyhỹre. ¹¹ Jiarỹ adee arakre tai kaki arareōkre. Tiiboho heka kaki rarirenykre. Tiiboho biyrubunykre, Waha, ani òbiti-di biyrubunyke, wadee tewahinyteki. Tai tahe iraykyreny wiwesehyymy roirekre. ¹² Tiiboho-wana rarewāhāu ani òraru-ki reyrubunymahāre, wadee tewahinyteki. Timy heka reñnonydhyyre ijō, sohojile tahe reñnonyre. Juhuu dori Ritidỹyna roire ijō sohojiò ariñnonykremy. Ihyy tahe reñnonyre, Judasi Isariò ònodỹyduhyymy rarekre. ¹³ Ka tahe arakre arora-ò. Tii heka inyò rarybemahāre ibutumy wadeysana iworeny-ò ralòmyhỹkemy. ¹⁴ Jiarỹ arybe tamyreny rewahinymahāre. Bede mahādu iny dori terarenyre, tiiboho bede mahādu iny aōkō roireki. Iwese jiarỹ bede ludu hābu aōkō rare wese. ¹⁵ Bede-ribi tarasamy aōkō heka adee rexitōenyre. Urile ibina bina widỹy-ribi biyrubunykemy. ¹⁶ Tiiboho tahe wiji ijō bede witxira ludu roire, iwese jiarỹ rare wese, wahe. ¹⁷ Arybe-di tiiboho biòbitinyke, tai ahōrō mahādumy rarekre. Arybe dori òbitityhy rare. ¹⁸ Iwese bede iny-ò tadiwateònyte wesemy, Jiarỹ tiiboho reteònyre bede ludu mahādu-ò rarybekremy. ¹⁹ Tamyreny xiwena wesemy adee arexiwahinykre. Òbitihyy my ararekre, tai tiiboho òbitihyy my roirekremy inatyhyna-di. ²⁰ Aō tamy sohojile aōkō heka rexitōenyre. Ibutumy kia rityhynymy rỹirakre-ò dori rexitōenyre. ²¹ Tai tahe ibutumy wiwese wesemy rōhōtinyrenykre. Iwese, Waha, kai waki atxiteri wesemy tule aki watxireri wesemy tiiboho iny-ki roirekre. Tai bede iny mahādu rityhynykre atēòdỹyna watxireri urenana. ²² Kai loosōna wadee tadiwahinyte, tahe tamyreny rewahinyre. Tiiboho sohojihyy weselemy roirekremy, iwese iny sohojihyy rare wesemy. ²³ Jiarỹ taireny wāhāre, kai waki ahāte. Tai tahe inyboho butuhyy my rokoirekre. Wii riòbitinymyhỹrenykre. Tai bede mahādu rierykre tadiwateònyteki. Tule wamahādu luu tate urenana Waha, iwese waluure wese. ²⁴ Waha, titxibo ararekre, tiiboho wawanahyy my roirekre, wamahādumy wadee tewahinyteki. Tai tiiboho waloosōnany robikre. Kai dori bede ihokōule waluure, tahe loosōna wadee tewahinyte. ²⁵ Waha òbiti, bede mahādu araeryōre Jesuisi tahe araeryre. Wamahādu tule rieryre tadiwateònyte. ²⁶ Jiarỹ tiiboho reerynanyre ani-di. Ihāre ta arierynanykre. Tai aluuna iwese waki ratxireri wesemy taireny rarekre, tule jiarỹ taireny ararekre.

18

¹ Jesuisci rexitòenymy rahudi tahe roirenyre taerydÿÿna mahâdu-wana Cedrô beâwe-ribi kowa ijâ-ò heka reuròrenyre, tahe bederaty oworuro-ò rirònyrenyre. ² Judasi heka Jesuisci tyhedÿÿdu heka ibede riereyre, Jesuisci dori taerydÿÿna mahâdu-di tamy rahyymyhyre. ³ Tahe Judasi, soldado mahâduô tadinodu-wana ributunyre. Fariseu mahâdu-ribi xiwena wedu wahidÿÿdu-ribi Judasi soldado yrubudÿÿdu mahâdu rihitxinyre tule xiwena deòdu mahâduô rihitxinyre tii-wana rakremy roirenyre. Tahe tamy ritehemynyrenyre tòbòra heòty-wana. ⁴ Jesuisci rexieryre ibutumy aòmybo tamy kodotÿÿnykre. Tahe iny mahâdu-ò rexidorunyre. Tahe rÿÿraxire tamy: —Mowe teijetenyteri. ⁵ Tahe dirawyònyde: —Jesuisci Nazare hâwâ ludu reijeri. Tahe Jesuisci rarybere: —Jiarÿ wa tiile rare. Tahe Judasi ityhedÿÿdu tii mahâdu wanale nade. ⁶ Jesuisci tamyreny rarybereu, tahe rexilòhòrarienyre iribi, tahe suòle reserenyre. ⁷ Ixityre Jesuisci tamy rÿÿraxire: —Mowe teijeteri. ⁸ —Jesuisci Nazare hâwâ ludu, tiiboho dirawyònyde. —Rarybera tahe jiarÿ raremy wahe. Tiwaijeteri-wana tahe biwadyke urile ixinamy waijoi rirahuke. ⁹ Kawesemy wahe irybe hitxina wadee tewahinyteò heka tiu reòhonyòhywâhare. Jesuisci, kiamy rarybere tamyreny irybe hitxina wesemy ibutumy tuu rotÿÿnykremy. ¹⁰ Tahe Pedro tamaydese ritamy reare tahe xiwena wedu deòdu riwotòmonyre. Malòò heka inire. Pedro Malòò nohòti riorore ruuwe-ribi ludu wahe. ¹¹ Jesuisci rarybere Pedro-ò: —Amaydese birutyke. Jiarÿ Waha deewimy aòhebo arotÿÿnykrekò aòbo wadi tahòtinyteri. Aòhòkÿmy arotÿÿnyòkemy aòbo wadi tahòtinyteri.

¹² Tahe soldadu, tadinodu-wana, judeu yrubudÿÿdu-wana Jesuisci rimyre ritaataamy ridyre. ¹³ Kia beòra Kaifa xiwena wedu tyhy rare. Anasi iriòre labie rare. Tai tahe juhoo Ana-ò ridyre. ¹⁴ Kaifa tahe juhoo judeu mahâdu-ò rarybere: —Wiji beòramy hàbuò iny mahâdu òraru-ki rurukremy rahòtinyteri.

¹⁵ Simaò Pedro inyò-wana rare Jesuisci hewomy. Kia Pedro-wana rare, kia xiwena wedutyhy eryna rare. Tai tahe ralore òity ijòrore-di. ¹⁶ Pedro tahe ahanakile rÿire. Kia Pedro-wana rare. Rohonyre hetowo-ribi hetoiò-di itxeredu-ò rarybere, tahe Pedro ridyre hetowo-ò. ¹⁷ Kia ijadòma, heto ijò-di itxeredu rarybere Pedro-ò: —Kai Jesuisci erydÿÿkÿna mahâdunokò anobo tate. Tahe Pedro dirawyònyde: —Aòkòre. ¹⁸ Tahe soldado yrubudÿÿdu tai rahetòmy rÿimyhÿ, heto ludu deòdu mahâdu-wana txutàtà riki. Pedro iyrenykhile rÿimyhÿ rahetòmy.

¹⁹ Tahe xiwena wedu tahe Jesuisci-ò rÿÿraxire. Aòhebohe aerydÿÿna mahâdu-wana tadotÿÿnymahâte. Timybohe tebedeernymahâte. ²⁰ Tahe Jesuisci ritÿnyrenyre: —Ibutumy inyko relyymahâre iwasimy aòkò heka relyymahâre. Judeu dohodÿÿna hetokile relyymahâre Deuxu dohodÿÿna heto-wana. Titxibo judeu mahâdu ributunymyhyremy relyywâhare. ²¹ Tai aòherekibo wadeele tÿÿraxiteri. Myÿraxike wadee ijohonadu-ò. Tiiboho ka riereynyre aòmybo rarybere. ²² Jesuisci kia rarybereu, soldadu itxereduò rihetenyre. Tahe rarybere: —Tu heka rybeòmyke xiwena wedutyhy-ò. ²³ Jesuisci dirawyònyde: —Jiarÿ ibinamy aòmybo rarybera-wana, manarybeke tuu. Aòkòeki, awimy rarybera-wana aòherekibo tiwahetenyte. ²⁴ Anasi tahe Jesuisci ridykemy riteònyre tataanadihyyle Kaifa-ò, xiwena wedutyhy wahe.

²⁵ Kowa tahe Simaò Pedro ratximyhÿre rahetòmy rÿimyhÿ. Inyò rÿÿraxire: —Kai aòbo ierydÿÿna mahâduò tate. Tahe rexitxiònyre. Jiarÿ ijò aòkò rare.

²⁶ Xiwena wedu deòduò Pedro-ò rÿÿraxire: —Tii heka Pedro ritòhòtiore

ijoiô rare. Tahe tamy rarybere: —Umy taheka rabire tii-wana bederaty oworuro-ki atximahâ-ò. ²⁷ Pedro ixityre rexitxiônyre. Aôwesele tahe hânie hâbu robure.

²⁸ Idi tahe Kaifa heto-ribi Jesuisi ridyrenyire ywisidỹña-ò bede dinodu heto-ò rudiulere. Tiiboho rirônyôhyire brebuna-di rexisunyrenyheny. Rirônyrenykeki, tahe Pascoa worana bedehesi rỹsỹnaô rirỹsỹôtyhy. Tiiboho dori rôhôtinyre rirônykeki, brebuna raremy. ²⁹ Tahe Pilato rôhônnyre tamy rarybekremy: —Tahe Jesuisimy tamy rỹraxyire kia hâbumy terajuatenyteri aôhebohe rotỹnyra. ³⁰ Tahe dirawyônyde: —Aôbibina binamy rotỹnykôhyira wana inihe aridyrenyôhyireri. ³¹ Tahe Pilato rirawyônyre: —Bidyke abede ywina rybe-di biywinyke. Tahe judeu mahâdu rarybere: —Wabede ywina rybe warubudỹmy rybe aôkô rare. Inyô heka arirubunyrenyôtyhy. ³² Kia rybe tahe Jesuisi rybe wesemy rare. Tii dori iximy rarybere timybo rukremy. Tai timybo irybe hitxina wesemy raryberemy ibutumy rarekre.

³³ Ixityre Pilato ralore ywisidỹña-ò Jesuisi-ò rỹraxyire: —Kai aôbo judeu mahâdu Iôlò tate. ³⁴ Jesuisi ritỹraxyire: —Yraxina aôbo ahôrô rare ada ijô aôbo wamy kia rarybere. ³⁵ Tahe Pilato rarybere: —Jiarỹ wa judeu mahâdu aôkô wâhâre. Aôbinatyhymy aôbo he tewinyte. Judeu mahâdu wadee tiwadyte. ³⁶ Jesuisi dirawyônyde: —Waiôlôna hâwâ bede ludu aôkô rare. Waiôlôna kaki ratxikeki wamahâdu wadee raaôbinanyke. Tai tahe judeu mahâdu-ò riwawahinykemy aôkô watxiwâhâre. Tahe aôkôre kabede ludu aôkô Waiôlôna rare. ³⁷ Pilato tahe rarybere: —Kai aôbo inatyhy iôlômy tate. Tahe Jesuisi dirawyônyde: —Kai ka wamy tarybeta. Kia-ò uludumy anade. Kia-ò anade, inatyhynamy arelyykemy. Inyô inatyhynamy luukeki warybe-ò roholamhyhẽre. ³⁸ Tahe Pilato rỹraxyire: —Aôbo inatyhyna rare. Ta rybe rahuda tahe judeu mahâdu-ò rarybekemy rare. Tiu kỹny kahâbu-ki aô ibinamy tai rahaôhyira. ³⁹ Inyô ariteônykemy watxireri kaiboho wadi tôhôtinyhytenyteri ka woranabedehesi-ki. Tahe judeu Iôlò aôbohe ka ribi ariteônykre ywihiyyle. ⁴⁰ Tahe ixityre ibutumy ryriryrenyire: —Kia hâbu aôkôre, Baraba biteônyke (Baraba heka hâbu debore wasidu rare.)

19

¹ Idi tahe Pilato Jesuisimy rerotiyhyta-di raôhôtekremy soldado mahâdu riteranyre. ² Soldado mahâdu edehékỹ rataanadile ira-ò ritidire, iumy tahe tylỹrehékỹ-di rityynyre iôlôtywesekemy. ³ Tamy rehemynymhyhẽre: —Aôherebo iôlôtyhy wesena, tahe rihetenyrenyire. ⁴ Pilato tahe ixityre rôhônny iny-ò rarybekemy: —Ixityresỹ adeereny redyreri. Bierybenyke. Aô heka tai ibinaôhyymy idi retehewâhâre. ⁵ Tahe Jesuisi rôhônnyre ede rataana-di tylỹrehékỹ-di. Tahe Pilato tamy rarybere: —Kakỹnyhe tiire. ⁶ Tahe xiwena wedu mahâdu, yrubudỹdu mahâdu tuu robireu, ryriryreny birubunybenyke, itxeò dee bitamadỹnyke. Pilato rarybere: —Kaibohole itxeò-di bitamadỹnybenyke. Jiarỹ tahe tai ibinamy aôki rahaôhyimahâre. ⁷ Tahe judeu mahâdu rarybere: —Jiarỹboho kỹny wabede ywina renydire. Rurukemy heka tuu bede ywina roireri, tii dori Deuxu Riôremy rexininimhyhẽre. ⁸ Pilato kia-ò roholareu tahe, ruberutyhyre. ⁹ Ixityre ralore ywisidỹña heto-ò: —Rarybere Jesuisi-ò, tiribi wexe tanate. Jesuisi rirawyônyôhyire. ¹⁰ Tahe Pilato rarybere: —Bidiwarawyônyôkre aôbo. Jiarỹ warurudire anarubunyke aôbo ada arateônyke aôbo. ¹¹ Jesuisi rirawyônyre: —Aruru-di aôkô tate. Deuxu kidiwahinykekile tahe biwateônyke ada biwarubunyke.

Tai tahe adee wawahidÿÿdu aratyre iòraru dire. ¹² Tai tahe Pilato iteòdÿÿmy rurure. Tahe judeu mahâdu tamy ryryre: —Kai biteònykeki tahe, Iòlò Cesar biòwa aòkò tate. ¹³ Kiarybe-ò Pilato roholareu tahe, Jesuisi diòlòdÿÿnyde ahana-ò. Pilato tahe ywisidÿÿna ryna-ò rexisÿnyre. Kia ubeni heka Rirana Ijàti inire. Tahe judeu rybe-ki heka Kabata inire. ¹⁴ Pascoa worana bedehesitxu sexta feira rÿire. Txutye iòhòmy tahe bede rÿire. Tahe Pilato rarybere judeu mahâdu-ò: —Betehebenyke aiòlòreny-ò. ¹⁵ Tahe tiiboho ryryreny. Bidybenyke! Itxeònihikÿ-ò birubunybenyke. Pilato tahe tamy rarybere: —Aiòlò aòbo, birubunybeny. Tahe xiwena wedu rirawyònyre: —Iny iòlòreny sohojile wa rare: —Cesar heka inire. ¹⁶ Tahe Pilato Jesuisi tamyreny riwahinyre rirubunyrenykemy.

¹⁷ Tiiboho heka Jesuisi ridyreny. Iitxeò tamy riwahinyre idi re-tyykremy. Tahe Kalvariu-ò idi ridymy rare. Kalvariu heka Kòkòta inire judeu rybe-ki. ¹⁸ Tai itxeò nihikÿ dee ritamadÿÿnyre ijò hâbu inatxiò-wana Jesuisi itxeònihikÿ itya-ki rÿire. Hâbu wiò wiòmy idi rÿire. ¹⁹ Pilato riritinyre ritidÿÿna-ò Jesuisi tyre-ò ritidire. Kawesemy ritidÿÿna roire: —JESUISI, NAZARE HÂWÂ LUDU, JUDEU MAHÂDU IÒLÒ. ²⁰ Hâwâ-ribi ireheriòremy roire. Tai tahe sòwemy judeu mahâdu tuu robire iritidÿÿnamy. Inataò rybemy witxira riti heka inataòmy roire. Judeu rybe ijòre, latim rybe ijòre, grego rybe ijòre. ²¹ Judeu xiwena wedu mahâdu Pilato-ò rarybere: —Judeu mahâdu Iòlò rarybere: —Iritidÿÿomyke wa. Kawesemy biritinyke: —Tii rarybere judeu mahâdu Iòlò raremy. ²² Tahe Pilato dirawyònyde: —Iwese reritinyre wesemy rarehykre.

²³ Soldado Jesuisi itxeònihikÿ-ò ritamadÿÿnymy rahudi tahe, itty ritxuatx-uakremy diwyde. Inaubiòwa heka riywinyra. Wirarea riwykremy soldado mahâdu idi rÿireri. Iyhyitxena tahe iretydyna-di aòkò rare. ²⁴ Tahe ijò wídee rarybere: —Iyreyredÿÿrenyòmyke wa urile ta idi rikihurenkyre mobo ritakremy. Kia ryberiti-ki tuhyy roire:

—Watyy ritxuatxware ijò yre wimy riywinyreny. Tule wayhyitxena tyre-ki rehurenkyre mobo ritakremy. Tahe iwese Tyyriti rarybere wese, soldadu mahâdu ibutumy aòhebo risÿnyre.

²⁵ Inaubiòwa hâwyy retehemy rÿimyhÿ Jesuisi itxeònihikÿ iòhòmy. Jesuisise taseriòre-wana, Marie Madalena ijòre, Klopa hâwyy ijòre. ²⁶ Jesuisi tadimyy robireu, Joaõ, taerydÿÿna luunadu bire-ki, tahe rarybere: —Nadi beteheke wa kowa ariòre rare. ²⁷ Tahe Joaõ-ò rarybere: —Kaa adi rare. Ierydÿÿna Joaõ tahe ridyre taheto-ò tai rasÿnykemy.

²⁸ Jesuisi tahe rieryye ibutumy rexihuramy tahe rarybere: —Ariòkemy watxireri. Kaimy heka rarybere aòbo Ritidÿÿna-ki roire riwinykemy. ²⁹ Tai tahe wíi mona silÿnyhÿkÿ-ki raharenkyre. Tahe Jesuisi-ò iwereheni wese-ò rituunymy idi riteònyre iry-ò teòdimy. ³⁰ Jesuisi tahe rìòre idi tahe rarybere: —Ibutumy Waha aòmÿsÿdÿÿna rexihumy roire. Tahe ròtiòròmÿ resere iule ta rurure.

³¹ Kia sabadotxu heka worana bedehesitxu nihikÿò rare, brebuna rare. Tai tahe hâbu rubu itxeò-ki ririkòkemy tuu rarybemyhÿre. Tai Pilato-ò judeu mahâdu rexitòenyre hâbuti rìòròmÿ riteònykemy, itxeò-ribi ritakemy. ³² Tahe soldado mahâdu hâbuti wiòle riorore. ³³ Jesuisi tahe rurumy roireki iti rìòròòre. ³⁴ Soldadoò tahe Jesuisi-ki rojyre iweki tahe hâlubule rohonyre bewana. ³⁵ Kia tuu rabire tahe òbitimyy tuu jiarÿ rarybere, Joaõ wahe. Waritidÿÿna inatyyhy raremy, reeryre. Kaiboho bityhynybenykemy, adireny

watxireri. ³⁶ Kaheka ibutumy iritina hetxina tuu rarybere heka ibutumy tuu rotýÿre. Kia wesemy roire: —Iti riòròòkre, sohoji aòkò. ³⁷ Ijò iritinaò kawesemy roire:

—Riorenkyre tònori-di idi reteherenykre tamy.

³⁸ Jyje heka Arimatea hāwā luduò rare. Idi tahe tii Pilato-ò rexitòenyre Jesuisi umymy rituunykremy. Tii heka Jesuisi heluduò rare. Judeu mahādu lau ruberumyhȳ tai Pilato-ò rare wasimy. ³⁹ Pilato tahe awiremy rarybere. Tahe Jesuisi umy riwyre. Nikodema tule rare Jyje-wana. Tii juhule rummy Jesuisi-wana widee raryberele rare. Tii òwòrutyby òwòruòbru-wana aderòna wesemy diwyde sòwemy, 45 urihixinamy riutxienanyre. ⁴⁰ Tahe Jesuisi umy tyky jurarehe-wana ritýtenyre aderòna wanahyyle. Kawesemy dori judeu mahādu iny rituunymyhȳre. ⁴¹ Itxeòalamana-ribi bederaty oworu iòhòmy roire. Ityi-ki tahe wabede tamyra roire. Mana hāloo rýire tai heka moo rawabedenyòhyyre. ⁴² Tai tahe rawabedenyire iòhòreki, tule judeu worana bedehesina txumy roireki.

20

¹ Semana juhu ludu txu Marie Madalena rehemynyre wabede-ò, rudile wahe. Mana ijòtòbòna iraylemy rýiremy idi retehere. ² Tahe raijaranyre Simaò Pedro-ò, ijò Jesuisi luunaduò wahe, Joaò-ò, jiarýle wahe. Tahe wadeereny rarybere: —Wahĩ tahe hālokowoku-ribi ritakarenrya. Titxibo ritidira, rekerykòre. ³ Pedro tahe ròhònyre, Joaò-wana wabede-ò roire. ⁴ Wiwana raijaranyre tahe jiarý Pedro ratyre raijaranyre tamy. Jiarýle heka juhu tamy rehemynyre. ⁵ Tahe rawebesere iwo-ò itxeremy. Irahanalemy rabire. Ta ralòòhyyre tamy. ⁶ Idi Pedro rehemynyre ralore tamy. Tule irahanamy robire. ⁷ Jesuisi rati rasirahana rihitxinyro roire ixiwanale. ⁸ Tahe jiarý juhu rehemynyre tahe Pedro hewomy ralore. Tuu robire, retyhynyre. ⁹ Tiiboho dori ritina rieryrenyire ihāre tahe rierytyhykòlerenyre. Jesuisi rubu-ribi rexiixixanykemy ritina roire. Tii tahe rierytyhykòlerenyre. Tahe wiji rieryrenyira. ¹⁰ Tahe ixyby raòkeserenyire inyhetoreny-ò.

¹¹⁻¹² Marie tahe robumy wabede-ribi iòhòmy rýire. Rawebesere tahe wabedewo-ò itxeremy. Inatxi ýjummy robire iwo-ki itykyuramy roimyhý. Ijò heka rýmy ronymyhý Jesuisi ratiherina tyre-ki. Ijò tahe iwaherina-ki ronymyhý. Jesuisi umy tahe iòre. ¹³ Tahe ýju Marie-ò rýÿraxire: —Hāwy, aòherekibo tabureri. Rirawyònyre: —Wahĩ kumy dokuri riwumy ramyhýre. Rekerykòre titxibo ritidira. ¹⁴ Iu rarybereu tahe tahewoòle roosere. Jesuisi umy robire rýimyhýò. Tii heka rieryòhyymyhý tii Jesuisi raremy. ¹⁵ Tahe Jesuisi rýÿraxire: —Hāwy aòmybo tabuteri, mobo teijeteri. Bederaty oworu ywidýdu raremy heka tii ròhòtinyre: —Tahe dirawyònyde: —Wahĩ, kai anobo karibi tetakata-wana wakoku tuu belykyke. Tahe jikarý karikorykremy. ¹⁶ Tahe Jesuisi tamy ryryre: —Marie! Marie rokesemy reare rijjemy: —Wahĩ, erydýkýdu! (Tii hebraika rybe tuu rarybere: —Raboni, wahe.) ¹⁷ Jesuisi rarybere tamy: —Waroorehedýÿòmyke wa. Waha-ò dori raòlemy wāhāre tahe arakre. Kai tyhydýdu seriòre-ò makre tamy rybemy. Jesuisi rarybere kawesemy: —Arakre inytybyreny-ò, iny Deuxureny-ò. ¹⁸ Idi tahe rarybere erydýna mahādu-ò Wanyrýmy rabira. Marie Madalena relyyre tímbo raryberamy.

¹⁹ Semana juhu ludu txuu, txioromy heka Jesuisi erydýna mahādu wii ributunymy rýimyhý hetowoò-ki. Ibutumy ijò ritòbòtòbònyra judeu mahādu

lau brebumy. Jesuisi tahe nade iyreny-ò rexitỹnyre. Rarybere: —Ywina araykywo-ki atxikemy idi watzireri. ²⁰ Kia rarybereu tahe tebò rurena riteòsinyre, tawerurena tule riteòsinyre tamy. Iule tahe reysarenre Jesuisi robireki wahe. ²¹ Ixyby tamy Jesuisi rarybere: —Ywina araykywo-ki rarekemy idi watzireri. Iwese Waha diwateònyde wese tule arateònykre. ²² Iu tahe ribunymy rarybere: —Deuxu Tytybytyhy tetateri. ²³ Inyòrarunaò biixãwididỹnykeki tule kã òraruna ariixãwidinyke. Tule aòkòkeki, ijò òraruna biixãwididỹnyòkeki, kã tule ariixãwididỹnyòke.

²⁴ Tome (Inatxina iniòre) tii waòinatxi reurò mahãduò rare, tahe tairenyòre heka Jesuisi nadeu. ²⁵ Jesuisi erydỹnaò rarybere: —Wanyrỹmy rabirenyra. Tahe Tome tamyreny rarybere: —Retyhynyòre kỹnyhe.

²⁶ Semana sohoji bededỹnanamy idi rỹire, ixyby wii ributunre Jesuisi erydỹna mahãdu. Iu tahe Tome tii mahãdu-wana ratximyhỹ. Ijò ritòbòtòbònymy rỹimyhỹ. Tahe Jesuisi nade iyreny-ò. Tamyreny rarybere: —Ywina-di araykywo-ki atxikemy idi watzireri. ²⁷ Tahe Jesuisi Tome-ò rarybere: —Betehe inihe wadebòrurena-ò ebò inihe tamy biditidike. Tule wawerurena-ò ebò biditidike. Itxiòdỹòmyke wa, bityhinyke. ²⁸ Tome tai dirawyònyde: —Wanyrỹ, waDeuxu. ²⁹ Tahe Jesuisi rarybere: —Tome, kã aòbo biwatyhynre wamy tabiterikile. Sòwemy deysana inyò kanakemy wãhãre tiiboho dori wamy robiòre hàrele riwatyhynrenre.

³⁰ Jesuisi heka sòwemy aòwiwihikỹbo riwinyre. Ierydỹna mahãdu heka kã aòmybo robire. Kã aòmydỹnana heka ihoòre kaki iritina-ki. ³¹ Kaa ritidỹna reritinyre Jesuisi Kristumy rare. Deuxu deòdỹna rare. Kã bityhinybenykemy wahe, Deuxu Riòre wahe tetyhynyteri-wana tahe umytuedeòna bitakre, ini òraru-ki wahe.

21

¹ Iribi tahe Jesuisi rexitỹnyre Tiberiade ahohokỹ ijà-ki. Kã wesemyre heka. ² Ibutumy heka juhu rỹimyhỹ: —Simaò Pedro, Tome Didimo iniòre, Natanaeli. Tii Kana hãwã ludu rare, Kalileia bedeki. Zebedeu riòreboho ijòre, inatxi Jesuisi ierydỹnaò ijòre. Rarekie. ³ Tahe Simaò Pedro rarybere tamyreny: —Rià teredỹmy arakre. Imahãdu rarybere: —Jiarỹboho aroirenykre ahemy. Tahe roirenyre hãwò-di. Aòhomy aòkò ruu idireny nade. ⁴ Tahe bede ratỹnrau heki Jesuisi ýnyrakile ratximyhỹ. Ierydỹna mahãdu tahe rieryòhyymyhỹre. ⁵ Jesuisi rryre tamyreny rỹrãxire: —Ijoi moò rokoreny. Utura aòbo temytenyta? Rirawyònyre: —Aòkòre wa. ⁶ Kaiboho biterebenyke rurunawe-ribi taita bimybenykre. Tahe riterenyre sòwemy rautxienre irià heka ritusinyòhyymyhỹrenre utura sòwereki. ⁷ Kã ierydỹnaò Jesuisi luunaduò rare jiarỹ, Joaò wahe. Jiarỹ tahe Pedro-ò rarybere: —Inynrỹle wa rare. Pedro Jesuisi raramy roholareu, tatyky tawetyamy ritaamy tamy resere, tade hekỹlemy rareki. Tahe resere bera-txi tamy rakremy. ⁸ Ijoi mahãdu rià-di narurunymy nade utura sòwereki. Tahe 100 urihixinamy ýnyra-ribi ratximyhỹreny. ⁹ Ýnyra-ò rejuxunyre tahe, robirenyre heòtymy obiurawo-ki. Orotxu tule tai rỹire. ¹⁰ Jesuisi tamy rarybere: —Uturaò bidiwybedenyke wiji temytenytaò. Simaò Pedro hãworobile rià-di rarurunre. Sòwemy heka tai utura nihikỹ rỹimyhỹ, 153 wahe. Ihãre tahe rià raòròòhyre. ¹¹ Tahe Jesuisi rarybere: —Manake hewa biroxi benyke. ¹² Ibutumy ierydỹna mahãdu rieryre tii inynrỹreny raremy. Tai tahe inyò rỹrãxiòhyre: —Mobo tii raremy. ¹³ Tahe Jesuisi orotxu rimyre. Tamy

riwahinyre. Ixiyrubule utura tamy riwahinyre. ¹⁴ Kia tahe ihewotyhymy Jesuisi rexideòsinyre taerydỹỹna mahādu-ò, rubu-ribi dexixade hewomy wahe.

¹⁵ Riroximy rahudi tahe Jesuisi Pedro-ò rỹỹraxire: —Simaõ, Joaõ riòre, kahābu mahādu waluure. Kai tahe iratyre aõbo waluure. Tii rirawyònyre: —Kai tiwaeryte, aluure. Tahe Jesuisi rarybere: —Wabudoeni riòre bidiòwenyke.

¹⁶ Ixityre rỹỹraxire: —Simaõ, Joaõ riòre, kai aõbo waluure. Tahe Pedro rirawyònyre: —Kohe, Wanyrỹ aluure jiarỹ, tiwaeryta. Tahe Jesuisi rarybere: —Bidyke wabudoeni biòwenykemy. ¹⁷ Ihewotyhymy tahe Jesuisi rỹỹraxire: —

Simaõ, Joaõ riòre, kai aõbo waluure. Iu tahe Pedro rabadewomy ronyre, ixityremy rỹỹraxireki. Tahe dirawyònyde: —Wanyrỹ, ibutumy teeryte aõna aõna. Aluure heka, tiwaeryta. Tahe Jesuisi rarybere: Wabudoeni biòwenyke.

¹⁸ Inatyhymy adee ararybekre. Iu ijoi morõkõmy tatemahāu, ixiwanale textiynmahāte ixidee wimy titxibo tamahāte. Iu tahe mamatuarinykre iny-witxira aratyynykre, Ebò biteòsinykre iny arataataanykre tahe inyò aradykre titxibo noderamy beakreò. ¹⁹ Kiamy heka Jesuisi rarybere ritỹnynykremy

timybo Pedro rubu-ò rỹikremy. Tai Deuxu riwowydynykre. Idi tahe Jesuisi rarybere: —Biwaheludunyke wa. ²⁰ Tahe Pedro retehere Joaõ Jesuisi hemy rarerìò, Joaõ Jesuisi luumy raremyhỹ. Joaõ ihetxiu Jesuisi-ò iòhòmy rỹỹraxire

jiarỹ wahe: —Mobo iwahisidỹỹdukremy, ihewo ludu roxina rỹireu. ²¹ Tahe Pedro Joaõmy robireu, rỹỹraxire Jesuisi-ò Joaõmy. Aõbo he tamy rotỹỹnykre.

²² Tahe Jesuisi rirawyònyre: —Tii rurukòlemy adòòsekemy idi watxikeki, timybo tahòtinyte. Adee tahe biwaheludunykekile awike. ²³ Ierydỹỹna mahādu rarybemy raremyhỹ: —Kiamy wahe Joaõ rurukòlemy Jesuisi rarybere. Tahe kiamy aõkò Jesuisi rarybere. Jesuisi juhoo rarybere: —Tii

rurukòòle adoosekre-wana, timybo tahòtinytenyteri.

²⁴ Jiarỹ tahe kia aõmydỹỹnanamy relymahāre, Joaõ wahe, reritinyamahāre. Inatyhymy kia tuu rare, jiarỹ tuu relymahāre.

²⁵ Sòwemy aõmydỹỹnanamy tahe Jesuisi riwinyre. Inyò ibutumy rir-ityneki, iritina heka bedede ritỹxinykre tyyriti sòwekre-wana.

Aõhebo Rotÿÿnyre Aõhebo Rotÿÿnyre Jesuisi Erydÿÿna Mahãdu

¹ Juhuu adee ratyyritinyreu, Teòfilo, relyyre ibutumy Jesuisi aõbo riwinyré, aõmybo bede riernanyrémy. ² Deuxu Tyytybytyhy bede erydÿÿnamy taerydÿÿna woludu mahãdu riernanyre. Tahe taerydÿÿna mahãdu-ò bede ywina riwahinyre. Iribi tahe Jesuisi ròòsere biu-ò. Kia ibutumy juhUU adee relyyre. ³ Iribi itxeònihikÿ-ki rurureu, taerydÿÿna woludu mahãdu-ò rexitÿÿnyre hãbu irudilemy. Tamyreny rexideòsinyre sòwetxu-di rulemy ratximyhÿmy. Inatyhy wa warybetyhy rare, tamyreny rarybere. Rexitÿÿnyre, tamyreny riernanyre Deuxu Iòlònamy. Txuò txuòlemy iny inatxiwaitue txumy riernanyhyre. ⁴ Tiiboho-wana riroximy raremyhÿ, Jesuisi tamyreny rarybere: —Uritere Jerusalê-ribi ixtarasarenyòmy. Urile Deuxu Tyytybytyhy awo-ò kanakre xiery, Jerusalê-ribi boibenyke. Deuxu rarybere Tatyytybytyhy kiditeònykremy. Tule juhUU Jesuisi kia rarybere. ⁵ Deuxu Tyytybytyhy aworeny-ò kanalokre. Kia ratisebenaò wesele rare, Deuxu Tyytybytyhy ratisebena. Iwese Joaò juhUU bero-ki iny risebenyrene wese, kia rare. Kia-txu tahe, iòhòmy roire.

⁶ Tahe, juhUU ibutumy wirotynyreny, Jesuisi dee rÿÿraxirenyre: —Wanyrÿ, kai aõbo wiji iny Iòlòreny bediwahinyke inywedureny wesemy ixyby ronykemy. ⁷ Tahe Jesuisi dirawyònyde: —Waha-ki ywisidÿÿnatxu doimyhÿde. Tiile riernanyhyre. Kai aòkòhykre. ⁸ Tahe Deuxu Tyytybytyhy aworeny-ò kanalokre, rurunatyhy arayky-ò bitabenyke. Kia tahe warubu-ribi waixixanamy belykre ibutumy Jerusalê hãwã mahãdu-ò, Judeia hãwã bede mahãdu-ò, Samaria hãwã bede mahãdu-ò, iribi tahe ibutumy bedekonana bede iny-ò. ⁹ Tarybe rahudi tahe Jesuisi ixihiy rexidyry raòwònyre biu-txi. Iòre biuwetyky-txi. Tiiboho rarirenyre bede-ribi idi reteherenyre. ¹⁰ Idi retehemyhÿ iòtududÿÿtyhymy. Inatxi hãbumy ity uamy aòwesele rÿimy reamyhÿre hãbu mahãduko-txi. ¹¹ Tahe tiiboho raryberenyre: —Hãbu, Kalileia bede mahãdu, itxereòmahãbenyke. Jesuisi ka ramyramyhÿre biu-ò, Deuxu sÿ-ò. Iwese rarawesele ka ixyby kòdòòsekre.

¹² Jesuisi erydÿÿna mahãdu ratximyhÿreny Oliveira òwòruraty hãwãlò-ki. Tahe dòòsedenyde Jerusalê hãwã-ò. Jerusalê rehe iribi doide sohoji urihixina rehemymyòlemy. ¹³ Tahe wii rotyreny rorukure ixitòedÿÿmy hetoratyawo-ki. Kahekani-di rirana rarekre tai rÿimyhÿreny: Pedro, Joaò, Txiau, Andre, Filipi, Tome, Bartolomeu, Mateu, ijò Txiau (tii Afeu riòre rare), Simaò Zelòte, Judasi (ijò Txiau iwitxira, kia riòre rare). ¹⁴ Ijò iny tule tai ronymyhÿ, Jesuisise, hãwyy ijò ronymyhÿ, Jesuisi seriòre mahãdu tule rorukumyhÿreny. Ibutumy rexitòenymyhÿreny wiwese wiweselemy ròhòtinymyhÿreny.

¹⁵⁻¹⁶ Ijò txubiòwamy 120 inymy wii ributunyry ixybyle. Tahe Pedro rÿire kiamy tamyreny rarybere: —Waityhydÿÿdu seriòre mahãdu, iwese Judasi aõhebo rotÿÿnyre wesemy Davi tyritinamy roimyhÿre. Kiamy wahe: —Jesuisi taòluduboho-ò ròhònyre, Judasi tiiboho riwìòhenanyre. Iwese ka tyritina-ki roire wesele, inatyhymy ibutumy rotÿÿnyre. ¹⁷ Judasi inybohoòmy raremyhÿ. Tii nieruò ritare Jesuisi òludu-ribi tamyreny ridyrekì. Tahe kia nieru-di subutebedeò riwyyre. ¹⁸ Tahe idi Judasi rexibòtòtaara. Idi

tahe tasubute bedero-txi taratytihiikÿle-ribi resere. Tahe iumy ruare iwona rejuxunyre. ¹⁹ Iribi ijyy heka ibutumy Jerusalë mahädu-ò tuu ijyy rÿire. Tahe kia subutebede rininirenyre hälubu bederomy. ²⁰ Iòlò Davi kia wese riritinyre tawiunatyriti-ki:

—Ixinamy iheto rÿike, inyò taisÿõmy.

Ijò:

—Inywitziraõ teròwmy tai rarekre iaõmysÿdÿÿna rimykremy.

²¹⁻²² Inyò tahe teròwmy iaõmysÿdÿÿna rimykremy. Tule rikimynyreke Jesuisi ixixanamy ijyyduò inywanahyy rybe ritÿnynykemy. Inyò Jesuisi sebedÿÿna-di itxereduò rikimynyreke, inyò tuu robire Jesuisi nonanamy tule rikimynyreke. ²³ Tahe inatxi häbumy ritarennyre: Jyje (Basaba inire) Justu iniòrysina rare, ijò häbu tahe Matxia rare. ²⁴ Iribi tahe rexitòenyre: —Kiamy heka Deuxu dee raryberenyre:

Kai Wanynyrÿreny, ibutumy inrayky teeryte, Deuxu. Biteòsinyke tibo rik-itarennykemy.

²⁵ Tii ritÿxinykre ixihyymy ratximyhÿre mahädu. Judasi deròwmy rarekemy, Judasi dori iny-ribi ròhònyre taòrarunaòwydÿÿnamy rare aòhòkÿmy rotÿÿnykemy. Tahe rare tiobo rareò. ²⁶ Wyhy raheto lisina wesemy idi rehure. Kiamy heka riwinyre tibo ròtakemy. Matxia tahe iribi ròtare. Tii tahe ralore waòsohoji reurò erydÿÿnaky-txi.

2

¹ Pentecostemy ninadu lisina kia txumy txuu rÿireu, ibutumy iny rorukurennyre tarynanakile. ² Aòwesele biu-ribi wodÿÿò nade yhni-hikÿwesele ibutumy heto-ò ralore tai rorukumyhÿrennyrewo-ò. ³ Heòty helÿÿresi wesemy nade. Iny sohoji sohoji tyre resere. ⁴ Ibutumy iny tykumy heka Deuxu Tyytybytyhy ralòmy rÿire. Ta raryberenyre iwitxira rybemy. Deuxu Tyytybytyhy tamy rybe riwahinyre wese tahe raryberenyre.

⁵ Deuxu dee òbitimy häbu mahädu noduò rasÿnymy raremyhÿ Jerusalë häwä-ki. Judeu mahäduò ihÿre. Ibutumy bede bede häwä häwä-ribi nade. ⁶ Kia-ò roholareu, wii ributunnyre ijohonamy. Tahe rexieryòhykyre aòmybo ròhòtynyre tahe widi bede riòtiinnyre iny sohoji sohoji tarybe tarybeòlemy roholareki. ⁷ Urile bede riòtiinnytyhyrennyre. Tahe raryberenyre deysana-di: —Betehebeny iny, kowa rybedu Kalileia bede ludu mahädu ratxireri.

⁸ Timykibo iny ryberenmy rarybereri. Iny sohoji sohoji tarybeòle raholareri. ⁹⁻¹⁰ Kaheka inyboho bede bede ludu roire: Partia mahädu, Media mahädu, Elaò mahädu, tule ka bede ludu mahädu: Mesopotamia, Judeia, Kapadosia, Ponto, Asia, Frigia, Panfilia, Egito, Libia Sireni-wana iòhòre, Roma häwä luduò tule kaki ihÿre. ¹¹ Tymybo inyrybereny witxira witxira-ò iny roholarennyre. Deuxu rybemy rarybereri ibutumy inyryberenmy. Ibutumy inyboho: Judeu, Judeuerydÿÿna ityhydÿÿdu, tule Kreta mahädu, Arabia mahädu, Deuxu aòmydÿÿnana wihikÿ-ò raholarennyre. ¹² Tahe bede riòtiinnyrennyre. Rieryòrennyre aòbo rare. Tahe widee rÿÿraxirennyre iny sohoji sohoji-ò aòbo raremy. ¹³ Ijò tahe tawobinarybe rarybere: —Tiibohe rururennyre, itxÿtemonamy riòreri.

¹⁴ Tahe Pedro rÿire waòsohoji erydÿÿna-di, tahe tii rexidelenyry rarybekemy:

—Boholake inihe, ibutumy kaibohe, Judeia mahädu, Jerusalë sÿludu-wana —kia bierybenyky.

¹⁵ Inyõ rarybereri itxÿtemonamy riõrerimy. Tahe inatyhymy aõkõ rare. Txuu rati rariarerile heka rudiletÿhyre. ¹⁶ Joel juhoo Deuxu rybeduõ rare. Tii narybede wijitxumy. Tahe iwese tii rarybere wesele, wiji ratximÿhyre. Tii rarybere:

¹⁷ —Kiamy Deuxu rarybere:

—Ikonanatxuu watÿtybytyhykÿ aditeõnykre ibutumy inydee. Ariõrereny, hãwyy hãbu-wana, warybe rierynanykre. Weryrybõ tahe matu-ari-wana rarasinÿtyhykre.

¹⁸ Ibutumy wadeõdu-ò, lerÿ, hãbu, ibutuwo-ò Deuxu Tytybytyhy kanalokre. Tuu raryberenykre, ritÿnynyrenykre.

¹⁹ Aõ tÿmyra ariteõsinykre biu-ki, bede-ki. Hãlubu, heòty, worona-wana ròhõnykre.

²⁰ Txuu heka ilybyhykÿlemy relekre. Ahãdu isòhòkÿlemy relekre. Iribi tahe Inynyrÿtxu-ò rehemynykre. Kia txu awimÿ roikre. Inynyrÿ kòdòhõnykre.

²¹ Kia bede, inyõ Inynyrÿnimy rexitòenykeki, tii jiarÿ aritakre iòraru-ribi. Kia Deuxu rybe rare.

²² Judeu mahãdu, Israeli mahãdu, boholabenyke warybe-ò: Deuxu sòwemy aõna aõna witxira witxira-di, bedeõby-di riwahinyre. Inatyhymy Jesu-isi Nazare hãwã ludu mahãduõ riteõsinyre. Inatyhymy rare. Kaiboho heka teerytenyte. ²³ Kaiboho Jesuisi temyteu, Deuxu juhoo rimykremy rierymÿhyre. Rexierymy ròhòtinyre kawesemy bede roimÿ rarekre. Kaiboho Jesuisi terubunÿtenyte. Kaiboho itxeò nihikÿ-ki tetamadÿÿnytenyte hãbubina debòreny-di. ²⁴ Tahe Deuxu ritare rubu-ribi riixixadÿÿnyre. Wabede Deuxu ribòhõnyre. Iribi Jesuisi riòlòdÿÿnyre. Rubu heto tii rimyõtyhy. ²⁵ Davi juhoo rarybere iwese Jesuisi rarybekremy:

—Wanyrÿ wawana ratxireri, brebu-di watxiòkre. Tii riwawiòhenanymÿhyre. Tai wawo deysana-di ritÿxinymÿhyre.

²⁶ Wadòròtò wowodyna tamÿ rewahinymÿhyre. Reeryre ibutumy rubuhetowo-ki awityhymy wãhãré, iribi dori aròhõnykre.

²⁷ Kai watÿtyby teriòte rubuheto-ki. Jiarÿ ariòre òbitityhy rare, tai waumyde rasunyõtyhy.

²⁸ Kai tiwaeryte ibutumy umÿtÿmyra aõmydÿÿnana awana aratxikreu, deysana-di tÿximÿ biwasÿnykre.

[Kia ibutumy Jesuisi rarybekremy Davi rarybere.] ²⁹ Pedro ijõ rarybe-myhÿre: —Tahe kiamy heka mohòtinybenyke, Waseriòrebobo. Davi heka aõ iximÿ aõkõ rarybereri. Tii tahe hãloowo-ò roire. Itityby heka kakile iny-wana ihÿre. ³⁰ Tahe Davi Inynyrÿ deròwimÿ rybeduõ raremyhÿ. Deuxu inatyhyna rybe-di Davi-ò narybede. Kia tahe: Iriòre riòreõ bede dinodumy kodonykremy taiòlò ryna-ki. Kia iòlò Davi rieryre. ³¹ Davi tahe Kristu ixixanamy juhoo narybede. Kristu umÿ dori rubu-ki rariòhyre. Iumyde rarònyõre. ³² Jesuisi Kristu, Deuxu riixixanyre. Ibutumy inyboho tuu robirenyre. ³³ Jesuisi ronymÿhyre Deuxu rurunawe-ribi. Iwese rarybere wese Deuxu Tatÿtybytyhy tamÿ diteõnyde. Tii adee diwyde. Kiamy tahe wiji tabitenyteri, taholatenyteri. ³⁴ Davi raòwònyõre biu-ò. Tahe kiamy rarybere: Deuxu rarybere Inynyrÿ-ò:

—Bodonyke katxi warurunawe-ribi.

³⁵ Aòludu awarawo-ki arisÿnykre. Aòludu-di arehukre.

Kiamy tahe Deuxu Jesuisi-ò rarybere. ³⁶ Boholake judeu mahādu. Kaa inatyhy hyy rare. Itxeònihikÿ-ki Jesuisi terubunytenyte. Deuxu tahe Jesuisi ritidire ibutu-ò wedumy, ibutu-ò Kristumy, aõma, Deuxu deòdÿÿna.

³⁷ Tahe Pedro rybe-ki urile rōhōtinyrenyre. Tai tahe Pedro-ò ijò erydÿÿna-ò rÿÿraxirenyre:

—Waseriòreboho, aõhebo rokotÿÿnyrenykre.

³⁸ Tahe Pedro dirawyònyde: —Bòòsebenyke aòrarureny-ribi ixyby Deuxu-ò. Idi tahe Jesuisini-di maratysebekemy aòraru ritakemy. Tai bimykre Deuxu Tyytybytyhy wahidÿÿna wesemy awo-ki rarekremy. ³⁹ Kristu juhuu rarybere:

—Ibutumy heka Deuxu Tyytybytyhy bimybenykre, ariòre rimykre, iny hāwā wixira ludu rimyke. Ibutumy Deuxu dee wimy tahe rimykre.

⁴⁰ Pedro relyymy raremyhÿ. Tamyreny rarybere tarasamy roikemy:

—Iny bina binahakÿ-ribi bexitabenykre.

⁴¹ Kia rityhynyré heka tahe ratisebedumy roiremyhÿ. Ralore kiatsu 3000 iny iohōmy Jesuisi tyhydÿÿdu mahādu-ò. ⁴² Tahe Jesuisi erydÿÿna mahādu rierynanymyhÿre, wii ributunymy roiremyhÿ, paò rioroororenyre wideereny: rexitòenymy roiremyhÿ.

⁴³ Iny sohoji sohoji bedede riòtiinymy rabrebumy hitxinymy hÿre. Jesuisi erydÿÿna mahādu bedebby sōwemy riwinymy hÿre. Aõna aõna wiwihikÿmy riwinymy hÿre. ⁴⁴ Ibutumy rityhynymy hÿre mahādu, sōwemy wii riwutyre. Ibutumy aõna aõna wimy riywinyre. ⁴⁵ Taaðmydÿÿna, tasu-wana idi roho nyre. Wimy tahe ritxuatxware. Ibutumy ityhydÿÿdu iaòkō mahādu dee riwahiriwahinyre. Inyō aõna aõna rauhenyeki, tamy riwahinyre. ⁴⁶ Deuxu dohodÿÿna heto-ki txuō txuōlemy wii ributunyre. Tahe tota hetomy paò riyryrenyre. Riroxirenyre ibutumy teysarenymy wii wese rōhōtinyrenyre.

⁴⁷ Tuu reālārenyre Deuxumy. Ibutumy iny hāwāhākÿ mahādu awimy tai raharenyre. Deuxu rimyre txuō txuō lemy ralore mahādu kia ritakemy.

3

¹ Pedro, Joaō-wana rare Deuxu dohodÿÿna heto-ò rexitòenykemy, inataō òra bedeu. ² Deuxu dohodÿÿna heto ijò inyō rininire, ijò ruxerahakÿ. Txuō txuōlemy hābu tibina ridyhyhyymy iny tamy reamyhÿre. Tamy iny ralòmyhÿkeò tamy nierumy rexitòenykemy. Tii tuu hyy uladumy reareu ihyy itibinare. ³ Pedrobobo rirōnyrenyre, hābu tibina tuureny robire. Nierumy tahe tamynyre rexitòenyre. ⁴ Pedro juhu tamy retehere idi rarybere:

—Bedeteheke wadireny.

⁵ Tai hābu retehemy ronyre, nieruō iribi riwykemy rōhōtinyre. ⁶ Pedro rarybere:

—Aō ijōkōre, womati tÿrÿrÿhÿkÿ ijōkō, pratakō. Tahe aōbo idi watxirerile ta adee ariwahinykre. Jesuisi Nazare hāwāludunimy adee ararybekremy idi mariakremy. Kia deytēna adee ariwahinykre.

⁷ Pedro, hābu debò rimymy ritamadÿÿnyre. Aōwesele iruru iti-ò ralore. ⁸ Hābu rexiwatxinymy tahe, ririradÿÿnyre. Ihyy ralore dohodÿÿna heto-ò. Deuxu dee deysamy rexiwatxinymy ralore. ⁹ Ibutumy iny idi retehere rariarerimy, Deuxumy reālārimy. ¹⁰ Inyō rarybere: —Tii ijò ruxerahakÿ-ki nierumy rexitòenymy hÿremy, inyboho tii reeryrenyre. Tai tahe idi bedede riòtiinyreri timykibo aõna aõnamy rotÿÿnyramy.

¹¹ Hãbu ta Pedro, Joaõboho werora-ki xiery. Idi tahe ibutumy ributunyre Salomaõ heto ijõ ahanawo-ò. ¹² Pedro kia robireu tahe, tamy rarybere: — Judeu mahãdu, wadireny itxereõmy, bededõtiidÿõmy. Jiarÿboho inyruru-di aõkõ ka hãbu reteytenyreny, Deuxu rurudile wahe. ¹³ Abraõ, Ijai, Ijaõ kiaboho Deuxu heka hãbu riteyteny. Tybyreny Deuxu kia heka riwinyra. Deuxu, Kristunimy riwowydnyre, rubu-ribi riixixanyraki. Kaiboho tahe Jesuisi Kristu tedyteny Pilato-ò. Pilato tii riteõnykemy ratxireriu, kaiboho tamy rarybere: —Aõkõre, tii deodÿõmy. Ijõ biteõnyke. Tai tahe rubudÿÿduõ riteõnyre. ¹⁴ Jesuisi òraru widÿÿdu aõkõ rarehyemy raremyhÿ, ityhydÿÿdu ihÿre, òbiti widÿÿdu ihÿre. Kaiboho tii tetxiõnyteny, tewahinyteny. ¹⁵ Umytuedeõna wahidÿÿdu tii rare. Kaiboho tahe terubunye. Deuxu tahe tii riixixanyre rubu-ribi. Inyboho ierydu, iitxeredu ratximyhÿreny. ¹⁶ Rityhynyrekile hãbu tibina reytemyhÿre. Kia hãbu teeryteny. Jesuisi tyhyna kia riwinyre. Hãbu ibuturu-ò reytera, tai òbitimy raramy ratximyhÿre. ¹⁷ Jiarÿ reeryre kaiboho teeryõte aõbo tewinyteny. Tule adinodu rierykõlemy kia riwinyre. ¹⁸ Tahe Deuxu tarybe riwahinyre ihetxiu rybedu mahãdu-ò kia wahe tii rarybere Jesuisi rurukremy. Idi tahe irybe uludumy Jesuisi rurure. Iwese Deuxu rarybere wesemy heka irybe uludumy rõhõnyre. ¹⁹ Kaiboho ixi-txi òhõti reakemy Deuxu-ò biòòsekemy. Tai tahe aõraru aribi tii ritakre. Inynyrÿ adeereny kiditeõnyke aõwihikÿmy Deuxu-ribi, biu-ribi. ²⁰ Jesuisi Kristu wijityhyle kanaõkre. Aõna aõna juhu rÿimy rareke rexihudi, tahe kanakre. ²¹ Tii biukile rarekre wiji. Ijõ bededÿÿmya wihikÿkre iòhõmy rahudi tahe kanakre. Kia bededÿÿnanau tahe rarybere ihetxiu rybedu mahãdu. ²² Tahe Moisesi ijõmy rarybere: —Deuxu rybeduõ kedelekre asÿ, aijoi-ribi tii rarekre. Iwese Deuxu riwatare wese rybeduõmy ararekremy, iwesele tii Inynyrÿ kiditakre. Tamy boholabenykre irybe aõmybo kanarybekremy. ²³ Kia, Deuxu rybedu rybe-ò inyõ roholakõkre-wana, Deuxu tii kanahukre. Kia Moisesi rybe rare, Pedro rarybere. ²⁴ Deuxu rybedu sòwemy kia bededÿÿnanamy rarybere. Samueli juhuu rarybere. Idi sòwemy ijõ kiamy rarybere. Ihymy ta wiji kabededÿÿnana roimyhÿre. ²⁵ Kaiboho Deuxu ihetxiu rybedu roire atximahãtenyteri Deuxu juhuu rarybere Abraõ-ò. Ariõre-ribi iny sòwemy ruaruakre. Kia ibutumy ariõre hãwã hãwã-ki rasÿnykre. Kia iny-ribi inyõ rõhõnykre ibutumy iny wiòhedÿÿdumy rarekre. ²⁶ Deuxu tariõre Jesuisi adeereny riteõnyre aõraru-ribi arahitxinykemy, arawiòhenanykemy. Kia tahe Pedro tamyreny rarybere.

4

¹ Pedrobobo tamyreny rarybereu, tamyreny rehemynyre Deuxu heto dohodÿÿna mahãduõ, ijõ tahe kia heto itxeredu dinoduõ, ijõ, saduseu mahãduõ. Inataõ ijoi tamy rehemynyre. ² Pedro, Joaõ-wana iny-ò relymy raremyhÿ: —Inyõ Jesuisi rityhynykeki, tii tule rubu-ribi riixixanykre. Jesuisi dori riixixanyre. Tahe Jesuisi ixixanamy tiiboho relymyhÿreki, kia hãbu mahãdu riykaranyreny. ³ Taita rimyre, Pedro, Joaõ-wana. Rõtana-ò ridyre. Wijile tahe tamy ixidee roholaõreny, txiorotyhyreki. Biurasou tahe roholakremy riòlòdÿÿnykre. ⁴ Iny sòwemy Deuxu rybe-ò kia txuu roholare. 5000 hãbume, ijõ iny tule. Tii boho Pedrobobo-ò roholare. Tahe sòwemy rityhynyreny.

⁵ Itxu biòwamy tahe Jerusalẽ-ò rehemynyre dinodu mahãdu, matuari mahãdu, judeu bede ywina erydÿÿna mahãdu. Kia ijoi mahãdu ibutumy rehemynyre. ⁶ Anasi tule rehemynyre. Deuxu-ò xiwena wahidÿÿdu mahãdu

wedu tii ratximyhÿre. Tule Kaifa ijõ, Joaõ ijõ, Alexÿdre ijõre. Anasi sÿ mahãdu tule ijõre. ⁷ Tahe dinodu mahãduõ Pedroboho ritamadÿÿnyre ibutu kia mahãdu koõ. Tahe ritÿÿraxinyre: —Aõrurudibo iny teteÿtedÿÿnymahãte. Monidibo kia tewinytenyete. ⁸ Ta Pedro tykymy heka Deuxu Tytybytyhy ralore. Idi tamyreny rarybere: —Iny dinodu mahãdu, matuari mahãdu, adeereny ararybekre. ⁹ Hãbu tibina aõmydÿÿnanamy tiwatÿÿraxinyte-wana, adeereny kiamy arirawyõnykre. ¹⁰ Jesuisi Kristu Nazare hãwã luduni-di kia rybe ruru-di rewinyrenyete. Kia tahe bierybenyke. Kaiboho dorikÿhe Jesuisi itxeõ nihikÿ-õ teukotenyte. Deuxu tahe riixixanyre rubu-ribi. Tai tahe ka hãbu reytemy rÿimyhÿre. ¹¹ Jesuisi manaõ wesemy ratxireri. Kia-di rehure heto widÿÿduõ. Wiji tahe heto idile rÿimyhÿre. Kaiboho Jesuisi-di tehute heto widÿÿdu mana-di rehure wese. Wiji tahe Jesuisi Deuxu heto dinodu rarekre. ¹² Tamy inyõ rityhynyõkeki, òraru-ribi ritaõtyhy. Ijõni aõkõ iny rityhynyke, Jesuisi nile iny rityhynymy rÿikrele, òraru-ribi ritamy rÿirakre.

¹³ Pedro, Joaõ-wana brebuõ-di kia rybe ritÿÿnyre. Tai iny bederitiinyrenyete, tiiboho dori tyriti erydu aõkõ roire. Urile Jesuisi-wana roiremyhÿ, kiale iny rieryrenyete. ¹⁴ Hãbumy inyboho robirenyra juhuu itibinamy. Tai tahe inyõ aõbinamy tamyreny rybedu aõkõ rare, hãbu tibina riteÿtenyenyaki. ¹⁵ Tahe ibutamy iny dohodÿÿna heto wo-ribi riteõnyre. Tahe wimy rarybere: ¹⁶ —Aõhebo rokotÿÿnyrenyete kia hãbu-di. Inatyhymy tiiboho aõwiwihikÿ riwinyrenyete. Kia rikitxiõnyrenyõtyhy. Ibutamy Jerusalẽ hãwã mahãdu kia rieryete. ¹⁷ Tai kiamy rokotÿÿnykre. Tamy rakarybekre tiu Jesuisimy ixyby rybeõmykemy. Tai Jesuisimy rybe-di rikiixãwãdidÿÿnykemy. Inyõ-õ kiamy rarybeõtyhy. Kia wese raryberenyete rybe ywidÿÿdu mahãdu. ¹⁸ Idi tahe rarariõwyre Pedro Joaõ-wana tamyreny rarybere: —Jesuisi nimy rybeõmy, bibedeerynyõtyhy irybemy. ¹⁹ Tahe Pedro, Joaõ-wana tamyreny dirawyõnyde: —Aõbo awityhyre. Inyboho arybe arityhynyete aõbo ada Deuxu rybe aõbo arityhynyete. ²⁰ Aõbo jiarÿboho rabirenyrẽ, raholarenyrẽ, kialemy araryberenyete. Inyõ riwarybebinanyõtyhy. ²¹ Idi ta ixityre tamyreny raryberenyete, rybedÿÿõkemy. Tahe riteõnyrenyete. Tamy aõwidÿÿõmy rÿimyhÿ hãwã mahãdu dee ruberurenyeki. Hãwã mahãdu dori Deuxu reãlãmyhÿre hãbu riteÿtenyaki. ²² Kia hãbu dori 40 beõra ratyremy tabeõra-di ratximyhÿre riteÿtenyau.

²³ Pedroboho rexitamy roirenyreu, ityhydÿÿdu seriõre òrysmy roirenyete. Tahe tiiboho tamyreny relyyrenyete iwese dohodÿÿna heto wedu matuari mahãdu-wana tamy rarybere wesemy. ²⁴ Tahe wiwese wesele rõhõtinyreri wese, Deuxu-õ rexitõenyrenyete: —Kai, Waha, inyIõlõreny atximahãte. ²⁵ Kai, ibutuwidÿÿdu tarybete: Davi, initybyreny-di tarybete Atytybytyhy tamy ritÿÿnyre, iwese tii rarybekemy. Davi eõdumy raremyhÿ. Irybe tyriti-ki roimyhÿre kiamy: —Judeukõdu mahãdu raykarananyreri. Kia awimy aõkõ ihÿre. Waijoi aõ õbitinadibo aõkõ rõhõtinyreri.

²⁶ Dinodu mahãdu wiributunyete Deuxuõludumy rÿikreky. Tule Kristu, kia Deuxu deõdÿÿna õludumy rÿikreky.

²⁷ Arybe-ki, Waha, kia ritidÿÿna roire. Tule Waha, inatyhy rare. Ka hãwã-ki, Herodi, Poncio Pilato, Judeu mahãdu, Judeukõdu mahãdu, kia ibutamy ributunyete ariõre Jesuisi õludu rÿirakreky. ²⁸ Tiiboho riwinyete iwese kai tarybete wese, Waha, kia aõmydÿÿnanamy rÿirakreky. ²⁹ Kai, Waha, teeryte iwese tiiboho raryberemy, aõma, rybeõmykemy. Tahe eõdu biwiõhenanyete arybe-di

ihärele rarybekemy brebuõ-di. ³⁰ Biwiõhenanykre, Waha, eõdu mahãdu, webinadu mahãdu riteytenykemy. Tule aõna aõna wiwihikÿ riwinykremy, Jesuisi, Ariõreni òraru-ki kia riwinykremy. ³¹ Tahe ixitòedÿÿna rexihureu, heto ramytatamy. Deuxu Tytybytyhy ibutumy iny tykymy ralore. Tai tahe Deuxu rybe rarybemyhÿre. Brebumy aõkõ tiiboho rellymyhÿrenyre.

³² Ityhydÿÿdu mahãdu iaõna aõna-di wii riwiõhenanyre. Inyõ rarybeõhyra: —Kaa wahõrõ sohojile rare. Ibutu aõna aõna ibutu hõrõmy rÿimy raremyhÿ.

³³ Deuxu Jesuisi erydÿÿna mahãdu riwiõhenanytyhyre irybemy rellyrenyreu, kia Jesuisi rubu-ribi ixixana rybemy. Deuxu teysana tamy riwahinyre tule iny sõwemy iluurenyre. ³⁴⁻³⁵ Tai tahe ityhydÿÿdu mahãdu aõna aõnamy rasiranyõhyra. Ityhydÿÿduõ ityhymy rÿirakeki, taheto, tasubede rohonyre tahe nieru Jesuisi erydÿÿna mahãdu-ò diwyde. Idi tahe tii ritxuatuamy riwahinyre ibutu-ò timyby iny sohoji sohoji tuu rumy rÿiramy.

³⁶⁻³⁷ Jyje tule kiawesele riwinyre. Tasubede-ò di rohonyre, idi iõwy nieru diwyde Jesuisi erydÿÿna mahãdu-ò. Jesuisi erydÿÿna mahãdu Jyje rininire, Banabemy. Kiani inrybe-ò riwiurõnanyre, rybe-di wiõhedÿÿdu kiani rare. Tii Levi mahãduõ rare, Xibri bedebutesÿdu tii raremyhÿ.

5

¹ Idi tahe tule ijõ hãbu, Anania ninadu, tahãwyy Safira-wana tasubed-erenyõ-di rohonyrenyre. ² Iõwy tahe txuralem y diwyde Jesuisi erydÿÿna mahãdu-ò tasubede õwyreny ibutumy risÿnyrenyreri. ³ Tahe Pedro tamy rarybere: —Aõherekibo Satanasi-ò taholamy araykywo-ki atxiteri Deuxu Tytybytyhy-ò taruiteri. Aõherekibo iõwyjura-di atxiteri. ⁴ Juhuu asubede tahonyõteu, ahõrõ rare. Aõhe, inatyhy? Inyõ adee rarybeõre idi bohonykemy. Idi tahonyteu, tahe, nieru ahõrõ rare, aõhe inatyhy. Aõherekibo aõbinahãkÿmy tahõtinyteri. Hãbu-ò aõkõ heka taruiteri Deuxu dee. ⁵ Kia-ò Anania roholareu, rurulemy resere. Tai ibutumy iny ruberutyhyre. ⁶ Weryrybò tahe iumy rihetynyre. Tahe ritamadÿÿnymy riwyre rihãloonykremy.

⁷ Inataõ òra bededÿÿnanamy reare tahe Safira, Anania hãwyy rehemynyre. Aõ heka rieryõhyre tahãbu rubuna rieryõhyre. ⁸ Pedro tamy rÿÿraxire: —Tiwesemybo asu teõwynyta —ahãbu rarybere wesele aõbo. Tahe tii di-rawyõnyde: —Kohe, iwesele rakõwõnyre. ⁹ Ixityre Pedro rarybere: —Aõherekibo ahãbu-wana kai taruiteri. Tii teurihite aõbo riwinykeò. Beteheke, weryrybò ahãbu loodÿÿ-ribi rehemynyreny. Tule tii aradykre rubumy. ¹⁰ Tule tii aõwesele rurulemy resere. Weryrybò mahãdu ralore. Tai riwyre ritoonykre tahãbu biremy roikremy. ¹¹ Tai tahe ibutumy ityhydÿÿdu mahãdu ruberue. Ibutumy kia-ò roholareu, tule ruberumyhyre.

¹² Jesuisi erydÿÿna mahãdu sõwemy wowydyndy aõmydÿÿnana riwinyrenyre. Tule deytanawiwihikÿtyhy sõwemy riwinyrenyre. Ityhydÿÿdu mahãdu wii ributunymyhyre Deuxu dohodÿÿna heto ube-ò. Salomaõ ubetyhy inire. ¹³ Kaa hãwã mahãdu dori sõwemy ruberumyhyre Jesuisi erydÿÿna mahãdu-ò wiutadã lau. Tamy rabutuõhyre ijohonamy. Ihärele tahe ijõ rityhynymyhyre, ityhydÿÿdu mahãdumy ralokemy. Aõbinatyhymy heka inyõ ityhydÿÿdu mahãdu dee raryberenyõhyre. ¹⁴ Ityhydÿÿdu mahãdu rasõwerenymyhyre. Hãbu, hãwyy tule ralõmyhyre Inynyrÿtyhy-ò. ¹⁵ Webinadu mahãdu iny ridymyhyre ryò, hãwã hãwã-ribi. Tai Pedro nonana-ki riraõmy roimyhÿ byretyre-ki, herina tyre-ki. Pedro ubõrò webinadu-txi reakemy tai

riteytenykemy rexinohõtinyre. ¹⁶ Ibutumy Jerusalê-ribi iòhòmý rÿira mahâdu nade webinadu-di, tule iny tytybybina-di didyde. Tai tahe ibutumy reyttere.

¹⁷ Xiwenawidÿÿdu wedu mahâdu, Jesuisi erydÿÿna mahâdu-ò rexinaanymyhyre. Tule kiawedu eryna mahâdu riwiòhenanyre. Saduseu imahâdu ni rare. ¹⁸⁻²⁰ Tai tahe xiwe wedu mahâdu, Jesuisi erydÿÿna mahâdu rimyrenyre idi rehurenyre hâwâ ròtenawo-ki. Rummy tahe Inynyrÿ ÿjuò riraynyre ijò, tahe ridyre ahana-ò. Tamyreny rarybere: —Boibenye Deuxu àlàna heto-ò. Bexideòsinybenyke iny sòwehekÿ-ò. Tamyreny bitÿnybenyke timybo Jesuisi umytÿmyra inydee riwahinymyhyre. ²¹ Iwese ÿju rarybere wese, txuu ratÿnyreu, dohodÿÿna heto-ò ralomyhyre. Tai rierynarenymyhyre. Tahe xiwena mahâdu wedu dehemynyde, tii-wana ratximyhy-wana. Israeli nohòti juradÿÿdu mahâdu ributudÿÿnyre. Ibutumy judeu mahâdu, matuari mahâdu bedereytyhy mahâduò rare. Tahe soldado itxeredu-ò riteònyre ròtena-ò iòrysyrenymy. ²²⁻²³ Tahe roirenyre. Ròtena-ki tai rahaòre. Ròsere tamy relyyre: —Ròtena-ò rehemynyra. Txiòtòbòhòkÿlemy rÿire. Tahe reraynyreu, aòho aòkò rare. ²⁴ Dohodÿÿna wedu xiwena wedu-wana kia roholareu, tiiboho rexieryrenyòhyre aòbo riwinyrenykemy, aòhebo rotÿÿnyrenykemy. ²⁵ Iwesemy ròhòtinerikònalemy, inyò dehemynyde. Tai rarybere: —Ròtena-ki tetidite mahâduò, dohodÿÿna heto-ki ratxireri. Iny kowa ritohonyri. ²⁶ Tai tahe soldado dinodu, soldado itxeredu-wana riòryre ta didydenyde ywilemy. Tamy heka aòhe risÿnyòhyre mana hunadi tamyreny kedehukemy heka soldado ròhòtinyre. ²⁷⁻²⁸ Tahe dehemynyde ritamadÿÿnyre inysòwe weduko-txi. Tahe wedutyhy rybe riteleyenre: —Jiarÿboho heka juhu adeereny rarybere uritere Jesuisi nimy bede erydÿÿrenykòmykemy. Ihàrele tahe tuu tebedeerynytenyta ibutumy Jerusalê hâwâ iny-ò. Ibutu-ò aeryna-di tariate. Wamy tarybetenyteri jiarÿboho Jesuisi rerubunyrenyramy. ²⁹ Tahe Pedro taijoi-wana rarybere: —Iwese Deuxu wadeereny rarybere wese, arityhynyrenykre. Hâbuò iwitxiramy wadeereny rarybekeki, tiu arityhynyòtyhy. ³⁰ Kaiboho inatyhymy Jesuisi terubunytenyte. Òwòru nihikÿ itxeò-ò tetamadÿÿnytenyte. Inybyby Deuxu tahe rubu-ribi riixixadÿÿnyre. ³¹ Deuxu tarurunawe-ribi debò-di biu-ò ritamadÿÿnyre ibutu iòlòmý rarekemy, ibutu tarasadumy rarekemy. Tai ibutu Israeli ijoi mahâdu-ò òraru bedewona ixâwina riwahinykemy. ³² Inyboho heka kia aòmydÿÿnamy robimymyhyrenyre, tai heka reerymahàrenyre inatyhy raremy. Inyò Deuxu rityhykeki, tii Tatytybytyhy tamy kidiwahinyke. Tii tule kia aòmydÿÿnamy rarybemyhyre.

³³ Xiwena wahidÿÿdu mahâdu wedu tamy roholarenyre, rakyarananyrenyre, irubudÿÿmy idi ratximyhy. ³⁴ Tahe fariseu mahâduò lamamy rÿire. Ònosòna erydÿÿduò tii ihÿre. Ibutumy iny tii riijemyhyre rityhynymyhyreki. Kamalie heka inire. Tahe tii rarybere: —Jesuisi erydÿÿna mahâdu-di biòlònyke urihimyo ahana-ò. ³⁵ Idi tahe taijoi-ò rarybere: —Hâbu, Israeli mahâdu, bexiijebenyke kia hâbu-ò, aòhebo botÿÿnybenykre. ³⁶ Kaiboho dori òhòtirený beabenye Teudani-txi. Juhuu dori dinoduòmý tii raremyhy. Tii xiòlòdÿÿnihikÿmy iximý rarybere. Sòwemy heka iny tii-wana raremyhy tahe 400 hâbumy ihemy rare. Inyò tahe rirubunyre rityhynymyhyre mahâdu tahe iribi raubÿtÿre. Tahe aò heka rimyòhyre, ibutumy iòre. ³⁷ Iwitxirau ijò-txi òhòtirený rearenye. Judasi inire. Tii Kalileia mahâduò rare. Iu bede dinodu iny-di rariareu tahe, tii rexiòlòdÿÿnyre. Sòwemy iny riheludunyre. Tii tule rurure. Taityhydÿÿdu mahâdu tule raubÿtÿre. ³⁸ Tule wahe kahâbu

mahâdu rare ixinamy biteõnyke. Hâbu kia aõmydÿÿnana dinodukeki, aõmy aõkõ relekre. ³⁹ Deuxu tahe idinodukeki, tiu heka idi behuõtyhy. Deuxu õludu wesemy heka kai tesumahâte. Tai tahe Kamalie rybe-õ ibutumy rityhynyrenyre. ⁴⁰ Didyde he Jesuisi erydÿÿna. Rihetenyre. Idi tamyreny rarybere: —Rybeõmyke Jesuisi nimy. Tahe ixinamy riteõnyre. ⁴¹ Tiiboho iribi rexitarenyre, reysatyhymy ratximyhÿ, Jesuisini õraru-ki dorikÿhe tiiboho aõhõkÿmy rotÿÿnyrenyraki. ⁴² Txuõ txuõlemy Rybewihikÿ ritÿÿnymyhÿrenyre dohodÿÿna hetomy dori, heto hetomy tiiboho rarybehymy rÿimyhÿre: —Jesuisi inatyhymy Kristu rare, Deuxu deõdÿÿnamy nade.

6

¹ Tahe ityhydÿÿdu rasõwetyhynymy rÿiramyhÿ. Iu ityhydÿÿdu wytese mahâdu-õ rÿsÿna riwahinymyhÿreu, grego rybedu rexinaanymyhÿre rÿsÿna wahidÿÿdu mahâdu dee. Judeu mahâdu wytese sõwemy rÿsÿna ritamyhÿrenyre waratyrenyre. Kia wesemy heka judeukõdu mahâdu rarybere. ² Jesuisi erydÿÿna waõ inatxi reurõ mahâdu, ibutumy ityhydÿÿdu didydenyde kia aõmydÿÿnana-õ roholakemy. Tahe raryberenyre: —Deuxu rybe erydÿÿ rikiixãwidinyrenykeki, wytese rÿsÿna ariwahinyrenykemy, kia heka õbiti aõkõ rare. ³ Tai tahe kaiboho hâbu mahâduõ bitabenyke ayreny-ribi debõ inatxi reurõ hâbumy bitabenyke. Hâbu tyhydÿÿnale, Deuxu Tyytybytyhy-di tÿximy rÿiralemy, iny bedeeryhykÿle, kiaweselemy hâbu bitake. Tiiboho dori aõna aõna ywisidÿÿdumy roirekre, kiawesemy iaõmysÿdÿÿnarenykemy. ⁴ Tai jiarÿboho arexitõenywãhãrenykemy watxiwãhãrenyre. Deuxu rybemy arierynanyamahãrenyke. Kiawese Jesuisi erydÿÿna mahâdu rarybere. ⁵ Ibutumy heka tuu raryberé, tamyreny awire. Tai tahe hâbu mahâdu ritarenyre. Estevaõ ijõre, tii Deuxu Tyytybytyhy-di tÿximy rÿira, tatyhyna-ki tÿximy rÿira. Filipi ijõre, Prokoro ijõre, Nikanu ijõre, Timaõ ijõre, Parmena ijõre, Niolau ijõre, Niolau tahe Atxiõkia mahâdu juhuu rare. Judeu bede erydÿÿna tyhydÿÿdu juhuu tii rare. ⁶ Ityhydÿÿdu mahâdu tiiboho didydenyde Jesuisi erydÿÿna mahâdu-õ. Deuxu-õ rexitõenyrenyre tahe Jesuisi erydÿÿna ityre tebõ ritidirenyre.

⁷ Deuxu rybe heka ibutu ijohonanamy rÿire. Ityhydÿÿdu mahâdu-õ sõwetyhymy tamy ralõmyhÿre Jerusalẽ hãwã-ki. Xiwena widÿÿdu tule sõwemy Jesuisi rityhynyre.

⁸ Estevaõ heka Deuxu luuna sõwemy ratximyhÿre. Sõwemy Deuxu ruru-di ratximyhÿre. Deuxu urihixina nihikÿmy inyko-õ riwinymy raremyhÿ. Aõdeytenawiihikÿ wesemy tule riwinyre. ⁹ Kowa hãwã-ki tahe judeu dohodÿÿna heto iwitxira rÿimyhÿre. Libertu mahãdumy rexininire tajoi. Imahãduõ Sireneu ludu rare, ijõ Alexÿdria hãwã luduõ rare. Tiiboho doidenyde Estevaõ-wana rybe ritxiõnykemy. Silisia bede luduõ-ribi, Afia bede luduõ-ribi tii-wana doidenyde. ¹⁰ Estevaõ rarybere bedeerynihikÿ-di. Kia mahâdu tahe irybe weseõre. Estevaõ dori, Deuxu Tyytybytyhy-di ihÿre. ¹¹ Tai tahe hãbuõ-õ raryberenyre: —Kaiboho heka Estevaõ dee maruibenykre. Jiarÿboho dori araõwynyrenyke. Kawesemy maruibenykre, my: —Jiarÿboho Estevaõ rybe-õ raholamy rãiwãhãrenyre. Tii Deuxumy aõbinahakÿlemy rarybemyhÿre, Moisesimy tule. ¹² Kia-ki heka Estevaõ dee iny raykarananyre, judeu matuari mahâdu tule tamy raykarananyre. Ibutumy Estevaõ õrysymy roirenyre tahe rimyrenyre, ridyrenyre rybe

ywisidÿÿna-ò. ¹³⁻¹⁴ Tahe ruidu mahädu didydenyde. Tahe tiiboho raryberenyre, my: —Ka häbu heka Deuxu dohodÿÿna hetomy ibinamy narybede. Tii rarybere Jesuisi Nazare ludu iny dohodÿÿna heto kidibòhònykre. Jesuisi iny aõmydÿÿnana kidiwitxiranykre, ibutumy Moisesi inydeereny rierynanyre. ¹⁵ Ibutumy iny ywisidÿÿna mahädu Estevaò-ò retehere. Iòsana, ÿju ósÿnÿwesehekÿlemy tamy rõhòtynyrenyde.

7

¹ Tahe xiwe wedu Estevaò-ò rÿÿraxire: —Kia aõbohe inatyhy rare. ² Estevaò tahe dirawyònyde. Wanyrÿboho, Wahaboho, Ijyymy adeereny arelyykre. Warybe-ò bohohabenyke. Mesopotamia bede-ki Deuxu biu-ribi rexitÿnyre Abraò-ò, inybyreny-ò, Harä häwä-ki rasÿnyòreu. ³ Tamy Deuxu rarybere: —Abede-ribi boibenykre. Alahi riòkòre mahäduy-ribi makre. Manakre ijò bede-ò adee dori asÿbede ariurihikre. ⁴ Iribi tahe Abraò Kadeu mahädu bede-ribi roirenyre Harä häwä-ò tai rasÿnykemy. Iribi tahe tyby rurureu, Deuxu kaò didyde ka bede-ò titxibo kaiboho wiji tasÿnymahätemy. ⁵ Abraò-ò sÿò riwahinyòre timy urihimyoòhy. Tahe idi tamy riwahinykemy, iriòre-ò riwahinykemy Deuxu tamy rarybere. Abraò iriòreòre, ihärele Deuxu tusÿmy tamy rarybere. ⁶ Tule Deuxu tamy rarybere: —Ariòkòre ijò bede-ki rasÿnykre 400 beòramy. Kowa ariòkòre heka deòdu wesemy raaòmysÿdÿÿkre. Iwedü mahädu heka ibinamy idi rarekre. ⁷ Jiarÿ tahe iny ariòwynykre, Deuxu rarybere, ibinamy widi rÿira mahädu. Iribi ka bede-ò kòdòhònykre wamy kaki reàlàmyhÿkemy. ⁸ Idi urihixinaò Abraò-ò Deuxu riwahinyre, tòhòti itxi reakemy. Uladu notyyresyna aõmydÿÿnana tamy riwahinyre. Idi tahe Ijai reareu, Abraò Ijai noty riorore debò inataò reurò txu-di. Iribi tahe Ijai tariòre Ijaò ritòtykyorore. Iribi tahe Ijaò tariòre notyky riorore. Tiiboho waò inatximy riòrenaduò roire. Inatyhymy tiiboho inytybyreny rare. ⁹ Idi waòsohoji inytybyreny mahädu Jyje dee rexiwobinanymyhyre. Idi rohonyre Egito-ò ramyhyre mahädu-ò. Tahe Deuxu tii-wana raremyhÿ. ¹⁰ Iaòhòkÿmy dÿÿnana-ribi Deuxu ritamyhyre. Egito iòlò, Faraòmy ninadu rare. Deuxu heka Jyje luumy Faraò risÿnyre. Faraò rue-ò heka Jyje bedeerydÿÿna sòwemy ratximyhyre. Faraò ibutu dinodumy Jyje risÿnyre. Tule Iòlòheto-di itxeredu tyhymy Jyje ronyre. ¹¹ Ramamy rubu nihikÿ dehemynyde ibutusu-ò, Egito-ki, Kanaa bede-ki. Sòwemy iny aòhòkÿmy rotÿÿnyre. Inytybyreny rÿsÿnaò-ki rahaòhyre. ¹² Egito maixòmo rÿimyhÿreò, Ijaò roholare. Tahe inytybyreny riteònyre iòrysmy. ¹³ Idi tahe ixityre iòrysmy riteònyreu, Jyje tamyreny rexideòsinyre. Tai tahe Faraò Jyje sÿmahädu rieryre. ¹⁴ Tahe tyby-ò Jyje tarybe riwahinyre tamy sÿmy kanakemy ibutu imahädureny-wana. Tiiboho 75 inymy rimyre ibutumy. ¹⁵ Tai tahe Egito bede-ò Ijaòboho roirenyre. Iribi tahe Ijaò rurure. Idi tahe ibutumy inytybyreny rurure. ¹⁶ Tahe iumyreny diwyde ritoonyre wabede-ò, Sikenì häwä-ò. Abraò kia wabede juhuu riwyre nieru-di, Emo riòre-ribi. ¹⁷ Deuxusÿ-ò wahidÿÿna juhuu rarybere Abraò-ò. Ibodedÿÿnana iòhòre Deuxu tamy riwahinykemy. Inyboho Egito-ki rasòwemyhyreny. ¹⁸ Ikonanau tahe iòlò iwitxiramy rõhònyre Egito bede iòlòmy. Tii Jyje rieryòre. ¹⁹ Tii iny ijoi riitxenanymyhyre. Tii heka ibinatyhyre inytybyreny-ò. Uladu-di heto-ribi rehukemy riteònyre. Tai iny riòrereny ituerenyre. ²⁰⁻²¹ Iu tahe Moisesi reare. Tii uladu ruxeratyhyre. Tii tahetotyhykile raumynyre inataò ahädumy idi rÿire. Heto-ribi dòhònydeu,

Faraò riòre rimyre itibiedÿÿmy tariòre wesemy. ²² Ibutumy Egito bedeery-dÿÿnana tamy rierynanyre. Tii heka rexiòlònyre rybedunihikÿmy aõmydÿÿna widÿÿdu nihikÿmy. ²³ Moisesi iny inatxiwa itue beòra-di rÿireu, tamahàdu, Israeli mahàdu roramy nade. ²⁴⁻²⁵ Egito mahàduò Israeli mahàduò ri-hetenyreu, Moisesi tuu robire. Tahe Moisesi tii rirubunyre, Israeli mahàduò riwiòhenanykemy, Egito mahàduò rexiòwynymy. Deuxu Moisesi debò-di iny ritakre. Kiamy tahe Moisesi mahàdu rierykremy Moisesi ròhòtinyre. Tahe aòkòre rieryòhyre. ²⁶ Ijò txu biòwamy tahe Israeli hàbu inatximy wiwana ròrenymyhÿ. Moisesi ronyre iyreny-txi riixàwididÿÿnykemy. Rarybere: —Kaiboho seriòre toite, aòherekibo wii tehetenytenyteri. ²⁷ Kia òhòtedu Moisesi ritorunyre rarybere: —Mobo he wawedurenymy arasÿnyra, awaywisidÿÿdu renymy. ²⁸ Kai biwarubunyekò aòbo, iwese kau Egito mahàduò terubunyte wesemy. ²⁹ Kiarybe-ò roholareu, Moisesi rahenyre Midià bede-ò rasÿnykemy. Idi tahe inatxi Moisesi riòremy kowa reare. ³⁰ Iny inatxiwaituemy beòra-di bededÿÿnana riwyre. Tahe Sinai hāwālò bederahy-ki raremyhÿu, ÿjuò tamy rexitÿnnyre bede rade tòbòhòkÿ-ki tamy roomyhÿre. ³¹ Moisesi kiamy dobideu, bede riòtiinyre. Tamy itxeremy rehemyntyre. Tahe Deuxu rybe-ò roholare. ³² Jiarÿ borenny Deuxu watxireri, Abraò Deuxu, Ijai Deuxu, Ijaò Deuxu. Tahe Moisesi ruberutyhyre, timy heka tamy reteheòhyre. ³³ Tahe Deuxu tamy rarybere: —Awa bitake, suu awarawo ludu dori, brebuna rare. Jiarÿ heka Deuxu watxireriki, biwatyhynke. ³⁴ Wiji tahe waijoimy rabireri Egito-ki. Tiiboho aòhòkÿmy rotÿÿnyrenyre. Ibru-ò raholareri, iohitxi-ò raholareri. Jiarÿ heka aditadenykre iribi. Manake, Egito-ò arateònykre. Kia heka Deuxu rarybere Moisesi-ò. ³⁵ Ka Moisesi heka Israeli mahàdu juhuu teramy reare. Tamy rarybere juhuu mobo wawedurenymy arasÿnyra, waywisidÿÿdurenymy. Tiile heka Deuxu riteònyre idinodumy rarekemy, tarasadumy rarekemy. Bederade tòbòhòkÿ ÿju, heòtywoludu, iwiòhedÿÿdure. ³⁶ Tahe Moisesi Egito-ribi iny ritamyhÿre. Egito bede-ki bedeeryna aòna aòna wiwihikÿ-wana. Iwese ahohokÿbesò-ki tule bederahy-ki iny inatxiwaitue beòramy aõmydÿÿnana wiwihikÿ riwinyre. ³⁷ Kaa Moisesi heka rarybere Israeli mahàdu-ò: —Ayreny-ribi, amahàdu-ribi rybedu nihikÿmy Deuxu kiditamadÿÿnykre iwese riwatamadÿÿnyre wese. ³⁸ Kaa Moisesi taijoi-di wii ributunyreu, bederahy-ki ihÿmyhÿ inytybyreny-wana heka ratximyhÿ. ÿju-wana tii ratximyhÿ Sinai hāwālò-ki iu tamy rarybere. Deuxu rybe tyhy iru-di ratximyhÿ. Tahe rybe bede ywina heka Moisesi-ò Deuxu riwahinyre inydeereny kidiwahinykemy. ³⁹ Tahe inytybyreny ityhydÿÿ deramy rare. Reòbyòrenyre. Ixybyle Egito-ò ròòsekemy ròhòtinyre. ⁴⁰ Tahe iny Araò-ò rarybere: —Ritxoo deouxò inydeereny biwinyke inykorenymy rakemy. Moisesi, Egito-ribi iny ritarenyre, tahe titxibo ihÿre reeryrenyòre. ⁴¹ Kiatxu tahe broreni riòreò riwinyre. Tahe xiwemy ritoonnyrenyre iko-ò, ritxooko-ò. Rexideysanyrenyre aòbo tebò-di riwinyrenyreki. ⁴² Tai tahe Deuxu rexitare iribi, taina rityhynykemy. Iwese rybeduò iu tyryiti-ki riritinyre wese:

—Israeli mahàdu, kaiboho xiwena tetoonytenyte, iròdu xiwena tetoonytenyta. Wadee aòkò tahe kia tetoonytenyta 40 beòramy bederahy-ki.

⁴³ Kaiboho tewytenyta ritxooheto riòre. Mòlòki inire, aritxoo deuxuni. Tule Renifa taina ijò aritxoonire. Kia tewinytenyte, tetyhynytenyte wahe. Tai tahe arateònyrenykre Babilonia weribihikÿ-ò wahe.

⁴⁴ Inytybyreny heka Deuxu rybe bede ywina tyky heto riwiny-myhÿre bed-erahy-ki. Iwese Moisesi-ò Deuxu riteònyre wesemy kia riwiny-myhÿreny.

⁴⁵ Iribi tahe inytybyreny tatyby-ribi tyky heto ritare, tii-wana riwiny-myhÿre kabede-ò, Josue tadinodu-wana. Iu Deuxu iko-ribi riteònyre, ibutumy tai sÿ mahädu tii-wana riwiny-myhÿre, ihyy tahe Davi reare. ⁴⁶ Deuxu heka sòwemy Davi luure. Davi heka rexitònyre Ijaò Deuxu dee heto riwinykemy. ⁴⁷ Tahe tii aòkò riwinyre, Salomaò iwidÿÿdure. ⁴⁸⁻⁴⁹ Deuxu biukisÿdu tahe häbu widÿÿna heto-ki rasÿnyòmyhÿre. Iwese Deuxu rybeduò rarybere wese:

—Biu tahe warynana rare, bede tahe wawa elehyna rare. Timybo inyò wadee heto riwinyke, Inynyrÿ rarybere. Iwo-ki tahe waelehyna arihynyòkre.

⁵⁰ Deuxu rarybere:

—Ibutumy aõna aõna jiarÿ rewinyre.

⁵¹ Tahe Estevaò rakanananyre he tamyreny rybena heka rõhònyre: —Kaiboho araykyterereny. Deuxu Tyytybytyhy rybe-ò taholaòhyymahäteny. Iwese iny tybyreny riwinyreny wesemy.

⁵² Ibutumy Deuxu rybedu mahädu-ò ibinamy iny tybyreny riwiny-myhÿreny. Tiu ihetxiu Deuxu òbiti häbu kanakeò, tiiboho raryberenyeu, rirubunyre irybedu. Kaiboho tahe Deuxu òbiti häbu-di ijò-ò tewahinyteny, terubunyteny. ⁵³ Deuxu bede ywina ÿju mahäduò adeereny diwahinydenyde, kia bede ywina kaiboho tetateny, tahe tetyhynyòhyymahäteny. ⁵⁴ Tahe kiamy Estevaò rarybereu, tiiboho heka rebure nihikÿre. Urile txyde-ki ruruamyhÿre tamy. ⁵⁵ Estevaò tahe Deuxu Tyytybytyhy-di iwoki ratximyhÿre. Tahe biu-ò retehere: Deuxu loosònamy robire. Jesuisimy robire lamamy rÿire Deuxu rurunawe-ribi.

⁵⁶ Tahe Estevaò rarybere: —Jiarÿ wa rabireri biu juxahakÿmy. Jesuisimy rabireri Deuxu deòdÿÿna. Lamamy heka rare Deuxu rurunawe-ribi.

⁵⁷ Tahe ryrmyhÿre, tõhòti ritòbòny-myhÿreny, raijeranyre tamy. ⁵⁸ Ridyre häwä-ribi, mana-di tahe tamy rehummyhÿre, rirubunyreny. Erydÿÿna ijyydu tahe taderamy ririrenny Saluko-txi tamy riyrubunykemy. ⁵⁹ Iu mana-di rehureu, Estevaò rexitònyre: —Wanyrÿ, Jesuisi, watytyby kai bimyleke awana ararekemy. ⁶⁰ Tahe tatiowotimy resere, rryre: —Wanyrÿ, kia òaruna iòwydÿÿomyke. Idi tahe rurure.

8

¹ Salu tahe kia òbitimy raremyhÿ rõhòtinyre, Estevaò rurureu. ² Iribi tahe ityhydÿÿdu mahädu aòhòkÿmy rotÿÿnymyhÿre. Judeia wedu mahädu dori, iòludumy rÿimyhÿre. Tai tahe ityhydÿÿdu sohoji sohoji Jerusalè häwä-ribi rõhònyre. Urile Jesuisi erydÿÿna mahädu sohojile rÿire. Judeia bede häwä my-namyna robÿtÿre, Samaria bede-ò tule. Tahe häbu ityhydÿÿduò Estevaò umy riwinyreny rihäloonykemy. Tahe rahiny-myhÿreny, rirajuamyhÿreny. ³ Salu tahe ityhydÿÿdu mahädu hudumy. Wii risÿnymyhÿre. Ihetorenywo-ò rõlòmyhÿre tahe ridymyhÿre häwyy, häbu, rõtenawo-ò riròtenykemy.

⁴ Iu tahe ityhydÿÿdu mahädu ijò bede-ò roire mahädu Deuxu rybemy relymyhÿre ibutu häwä-ki. ⁵ Filipi ijò raremyhÿ. Tii Samaria häwä-ò rehemyreny. Tahe Kristumy tamyreny relyre. ⁶ Iny sòwemy rity-hynyreny aomybo Filipi rarybemyhÿre. Tahe deytedÿÿna wiwihikÿmy iny robimyhÿreny, tyytybybina deòdÿÿnamy tule robirenyre. ⁷ Tahe

riteònyreu, tyytybybina iny-ribi ròhònyre, rirajuamyhÿre. Tule iny webinadu raraserasemy roimyhÿre, tule inytiere-wana. Tahe ibutumy riteytenymyhÿre. ⁸ Tai tahe ka hãwã-ki deysana nihikÿ rÿire.

⁹ Samaria hãwã-ki tahe hãbuò raremyhÿ. Simaò inire. Tii wodohonana widÿÿdu ihÿre. Iny riitxenanyimyhÿre. Tahe riòtiinyrenyire. Tii iximy rarybemyhÿre moò wiwihikÿmy raremyhÿmy. ¹⁰ Ibutumy iny tii rityhynyrenyire, hãbu wedu mahãdu tule, hãbu aòtxile mahãdu tule. Tiiboho raryberenyre: —Simaò Deuxu ruruna rare. Ruruna nihikÿ inire. ¹¹ Tiu bedeu aòkò iny riitxenanyimy raremyhÿ, riòtiinyrenyire. Tai tahe rityhynymyhÿrenyire. ¹² Iu tahe Filipi Jesuisi Kristunimy, Deuxu òlònamy tamy relyymyhÿre. Tai tahe rityhynymyhÿre, raratysebemyhÿrenyire. ¹³ Iribi tahe Simaò itxenadÿÿdu tule Jesuisimy reòbyre, raratysebenyre. Tahe Filipi-wana ihyy ròirenyre bede òtiidÿÿna-di retehemyhÿre aòbo Filipi riwinyrenyre.

¹⁴ Samaria hãwã mahãdu tahe Deuxu rityhynyire. Kia-ò Jesuisi erydÿÿna mahãdu roholare Jerusalê-ki. Tai tahe Pedro Joaò-wana riteònyrenyre kowa-ò. ¹⁵ Rehemyrenyre, Deuxu-ò rexitòenyrenyre Deuxu Tyytybytyhy tamy kanakemy. ¹⁶ Inyò dori Deuxu Tyytybytyhy-di rÿiòmyhÿ. Urile Jesuisi Inynyrÿni-di raratisbedÿÿmy rÿiramyhÿ. ¹⁷ Tahe Pedro Joaò-wana tebòreny ityrenyre ritidire. Tahe Deuxu Tyytybytyhy tamy nade. ¹⁸ Kiamy Simaò robire, aòma, debòtidina-di Deuxu Tyytybytyhy nade. ¹⁹ Tai tahe tamy rexitòenyre: —Ka heka wanieru rare. Bidiwahinyke kia ruruna. Tahe inyò tyre wadebò aritidikeki, tamy Deuxu Tyytybytyhy kanakemy. ²⁰ Tahe Pedro tamy dirawyònyde: —Aòkòre, anieru rakemy watxireri awanale rububede-ò. Deuxu ruruna dori anieru-di biwykemy mohòtinyke. ²¹ Kia heka aòmÿsÿdÿÿnakòre wayreny-ki. Arayky, awo, òbitimy aòkò ratximyhÿre Deuxu dee. ²² Mabedewomy atximahãke aòraruna-ki, aòbo tahòtinyte. Bexitòenyke Inynyrÿ-ò tii òsana aòraruna-ribi araxãwididÿÿnykre. ²³ Kai dori texiwaritinymahãte. Aòraruna adi nararotinyimyhÿde. ²⁴ Tahe Simaò tamy rarybere: —Wadee bexitòenybenyke Inynyrÿ-ò, kia aòkò waki kÿnyikemy, aòmÿbo tarybetenyteki aòbo.

²⁵ Iribi tahe, Pedro Juaò-wana Inynyrÿ rybemy rarybemyhÿrenyre, relyymyhÿrenyre tai. Sòwemy Samaria bede hãwã hãwã-ki Rybewihikÿ relyymyhÿre, Jerusalê-ò ròòserenyreu.

²⁶ Filipi Samaria hãwã-ki raremyhÿ. Tahe Inynyrÿ ÿjuò tamy rarybere: —Bexiwyinyke, make ibòò-ò. Kasa hãwã ryhykÿ biminyke. Jerusalê-ribi ryy rare, bederahy-ki rare. Tahe Filipi rare. ²⁷⁻²⁸ Tahe inyò-wana wibymy reare. Tii Etiopia bede luduò rare. Etiopia bede iòlò hãwyyò rare. Kanasi inire. Inieru-di itxeredu kahãbu rare. Tii enuku rare. Tii ròòsereri Jerusalê-ribi. Kowa Deuxu reàlãmy rare, tahe tasÿ-ò ròòsere iawarutewedile. Isaia Deuxu rybedu tyyriti-di rariamy tii rononymyhÿre. ²⁹ Deuxu Tyytybytyhy Filipi-ò rarybere: —Make, awarutewe-ò, mariake ibire-di. ³⁰ Tahe Filipi tamy raijaranra. Roholare tyyriti-di riarariò. Tahe Filipi rÿÿraxire: —Kai aòbo teeryte aòbo rare, aòdibo tariateri. ³¹ Tahe dirawyònyde: —Aòkòre, inyò dori wadee ritÿnynyòre. Timybo arierykremy. Manaòwònyke wabire-ò bodonyke. Tahe Filipi raòwònyre. ³² Tii kia-di riarareri tyyriti-ki:

—Iwese iny budoeni rubudÿÿdu-ò riwyre wese, tii iwesele ridyrenyre. Budoeni-ribi iny isira riororeu, rirajuàlere. Iwesetyhyle Tii rarybeòlere.

³³ Iehehenamy tamy raryberenyre wese hãbu ehehe wesena, òbitimy aòkò idi riywinyrenyre. Inyò rarybeòtyhy iriòkòremy, iumy dori bede-ribi ituera.

³⁴ Tahe tii Filipi-ò rarybere: —Wadee manarybeke momybo rybedyÿdu rarybereri, iximy aòbo ada ijòmy aòbo. ³⁵ Tahe Filipi kia Tyyritidile rexidelenymy relyyre. Jesusimy Rybewihikÿ Tÿmyramy tamy relyyre. ³⁶ Rydi rariamyhÿre idi rehemynyrenyre beò-ò. Tahe tii Filipi-ò rarybere: —Kowa bera rare. Biwaratisebenykekò aòbo, adee awikeki. ³⁷⁻³⁸ Tahe Filipi dirawyònyde: —Awire wadee. Inatyhymy arayky-ki tetyhynyte-wana, aratisebenykre. Tahe rarybere: —Retyhynyre, inatyhymy Jesuisi Kristu Deuxu Riòre raremy. Tahe tewe irira riixãwidinykemy riteònyre. Tahe itewe-ribi ròhònyra, bera-ò riberenyre. Tahe riratisenbenyre. ³⁹ Bera-ribi rotuoreu, Filipi aòwesele iòmy reare. Inynyrÿ Deuxu Tyytybytyhy ridyre. Hãbu ixyby Filipimy robiòhyyre. Tahe tary-di rariamy rare. Teysanatyhy-di tÿximy rare. ⁴⁰ Idi tahe Filipi rexieryreu, Asoto hãwã-ki rehemynymy raremyhÿ. Iribi tahe Rybewihikÿ-di relyyre ibutumy hãwã hãwã-ki. Ikonana tahe Sesaria hãwã-ò rehemynyre.

9

¹ Salu rarybemy raremyhÿ, Inynyrÿ Jesuisi ityhydÿÿdu mahãdu rubudÿÿmy. Tii rarybemy raremyhÿ Deuxu dohodÿÿna heto wedu-ò. ² Tamy rexitòenyre: —Arybe tyyriti ariwykremy watxireri Damasus hãwã dohodÿÿna heto wedu-ò. Tai tahe kowa-ki ityhydÿÿduò-txi areakeki, aòtxile hãbu hãwyy aòbo, aridykemy Jerusalê hãwã-ò, ariròtenykemy. ³ Tahe iòhòmy Salu rare Damasus hãwã iròte iòhò-di, idi tahe loosonahakÿ Salu tyre resere. ⁴ Tahe bede-txi resere, tahe rybeò roholare: —Salu, Salu, aòherekibo aòna aònamy ibinamy wadee tatÿÿnymahâte. ⁵ Tahe tamy rarybere: —Mowexe, Wanyrÿ atxiteri. Tahe rirawyònyre. —Jiarÿ Jesuisi watxireri, aòna aònabina binamy wadee tadotÿÿnymahâte wahe. ⁶ Myike, mariamy tahe hãwãhãkÿ-ò malokre. Taita inyò adee rarybekre aòhebo botÿÿnykemy. ⁷ Tahe Salu ijoy riòryre rybeòhyy rÿimyhÿ. Rybe-ò roholare, tahe tuu robiòhyyre. ⁸ Salu suribi rÿireu, iruetà wesele heka ratximyhÿ. Tahe hãbu tii-wana ihÿmyhÿ heka iaxiò-ki idi rimymy idi rare Damasus hãwã-ò. ⁹ Tahe hãwãhãkÿ-ki txu inataò txu idi rÿire aòmy robiòhyyre, riroxiòhyyre, bemy riòòhyyre.

¹⁰ Damasus hãwã-ki ityhydÿÿdu wihikÿ rasÿnyre. Anania inire. Wanyrÿ Jesuisi tamy rarybere rasi weselemy: —Anania. Tahe rirawyònyre: —Aòbo rare, Wanyrÿ, kakile watxireri. ¹¹ Tahe Jesuisi riteònymy rarybere: —Myike, make òbitiry-ò, Judasisÿ heto-ò. Tai bitÿÿraxinyke titxibo Salu ratxirerimy. Tarso hãwãludu tule rininire. Tii wiji wadee rexitòenyre. ¹² Tii umy robireri tarasi-ki. Kai themynyteri wese, irue-ò ebò bitidikemy, biteytenykemy. ¹³ Anania Jesuisi-ò rirawyònyra: —Wanyrÿ, sòwemy kia hãbumy rybe-ò raholara. Aòbina binamy ityhydÿÿdu-ò risÿnymy raremyhÿ Jerusalê-ki. ¹⁴ Deuxu dohodÿÿna heto wedu tyyriti diwyde kaki ityhydÿÿdu rutysÿny rirutekemy. ¹⁵ Tahe Inynyrÿ tamy rarybere: —Aòwaxina tamy makre, Jiarÿ dori, kia retara wadee aòmÿsÿdÿÿdu nihikÿmy rarekemy, judeukòdu mahãduko, iòlòrenyko, tule Israeli mahãduko wanimy rarybekre, aòma, warybetÿmyra wihikÿmy. ¹⁶ Tamy aritÿnynykre tiwesebo aòhòkÿmy rotÿÿnykre wanimy rybeòaru-ki. Kia ibutumy Jesuisi rarybere Anania-ò. ¹⁷ Idi ta Anania rare tamy Judasi heto-ki. Ralòmy rahudi, tahe, tebò ityre ritidira. Tahe rarybera: —Salu, waseriòre, Inynyrÿ adee riwateònyra. Tiile, Jesusile heka ryro-ki adee

rexitŷnyre. Tiile heka riwateõnyra arue ritxuakemy, tule Deuxu Tyytybytyhy atykmy ralòkemy. ¹⁸ Tahe aõwesele irue-ribi rejujura aõ yyy wesele. Tahe ixityre robira. Idi rŷimy rahudi tahe, Anania riratysebenyire. ¹⁹ Idi riroximy rahudi tahe, inatyhmy raruruterenyre. Tahe Damasu hãwã-ki tiwese txubo idi rŷire kia erydŷŷna mahãduy-ki. ²⁰ Idi dohodŷŷna heto-ki rybe ritŷnyre. Rarybere: —Jesuisi heka Deuxu Riòrele rare. Kiawesele rybe-di ritynynmyhŷre. ²¹ Tahe uri ijohonadu mahãdu urile bede riòtiinymy rŷimyhŷ. Tahe inyõ rarybere: —Kia aõ heka ityhydŷŷdu rubudŷŷdule ratxireri, Jerusalê-ki. Kiale heka kaõ nade ityhydŷŷdu ritaataamy ridykemy dohodŷŷna heto wedu-ò. ²² Salu tahe ire riixiòlòdŷŷnymyhŷhyre. Judeu Damasu hãwã ludu rieryõhyymyhŷ aõmybo rarybemy. Tii rarybere: —Jesuisi Kristule rare, Deuxu deòdŷŷna rare.

²³ Tiwese txubo txu idi rŷidi tahe judeu mahãdu rarybere irubudŷŷmy. ²⁴ Tahe Salu rierymy rŷimyhŷ tahe inonana-ò rexiywinymy rŷimyhŷ. Rummy tahe, txummy hãwã ijò-ki rirubunykemy retehemy rŷimyhŷ. ²⁵ Tahe ijò erydŷŷna mahãdu weriri nihikŷ riwinyre. Rummy tahe Salu riòlòdŷŷnyre òtity nihikŷ kanaweribi-ò, hãwã ahanaube-ò.

²⁶ Salu Jerusalê-ò rehemynyreu, ityhydŷŷduky-ò ralòkemy ratxireri, tahe urile ilau ruberumy rŷimyhŷ. Erydŷŷna mahãdu ròhòtynyre: —Tii ityhydŷŷdu inatyhy aõkò ratximyhŷre. ²⁷ Banabe tahe rityhynymy ridyre Jesuisi erydŷŷna mahãdu-ò. Tahe relyyre iwese Jesuisi Salu-ò ryki rexitŷnyremy tamy raryberemy. Tule relyyre iwese Jesuisinymy Salu rybe ritŷnydŷŷnymyhŷre, Damasu hãwã-ki. ²⁸ Tahe taihy Salu ratximyhŷre. Tiò tiòle reamy ratximyhŷre rybe ritŷnydŷŷnyrerimyhŷre, ruberumy aõkò. ²⁹ Salu rarybera grego rybe heka erydŷŷna mahãdu-ò. Widee rarybehyymyhŷrenyre. Idi tahe kia mahãdu Salu rubudŷŷmy roromymhŷre. ³⁰ Ityhydŷŷdu seriòre kia rieryreu, tahe Salu ridyrenyre Sesaria hãwã-ò. Iribi tahe Tarso hãwã-ò riteònyre.

³¹ Idi tahe ywina reare ityhydŷŷdu mahãduy-ki. Ibutumy hãwã bedemy, Judeia, Kalileia, Samaria, ityhydŷŷdu mahãdu iruruteremy relere. Ibutumy Inynyrŷ dee òbitina-ki rariamymhŷre, rityhynymyhŷre. Deuxu Tyytybytyhy teysatyhmy tamy riwahinyre. Sõwemy tahe ralore iheki ityhydŷŷmy.

³² Ibutumy hãwã hãwãmy Pedro rariamymhŷre. Tule robehere Lida hãwã-ò ijò ityhydŷŷdu mahãdusŷ-ò. ³³ Tai Eniamy ninadu-txi Pedro reare heka rare. Iumy heka imyremyrehekŷ heka rare. Debò inataò reurò beòramy heka herina-ki bede idi rŷire ³⁴ Pedro rarybere tamy: —Enia, Jesuisi Kristu arateytenykre. Myike, aherina biyrubunye. Aõwesele hãbu rŷira. ³⁵ Ibutumy Lida hãwã mahãdu Saronu hãwã mahãdu tuu robire, tai Inynyrŷ rityhynyrenyre.

³⁶ Jòpe hãwã-ki hãwyy ityhydŷŷdu rasŷnyre. Tabita inire. Kiani riwiurònyre, watxi wese heka rare. Kia heka aõwiwihikŷ widŷŷdu heka rare. Aõna aõna sõwemy iny-ò riwahinymyhŷre. ³⁷ Ijòtxu heka webinadumy resere, ihyy ta, rurure. Risuhòmmy rahudi tahe, ritidire hetowo ratyaluduwo-ò. ³⁸ Laida hãwã iòhòmmy rŷire, Jòpe hãwã-ribi, Ityhydŷŷdu roholare Pedro Lida hãwã-ki ratximyhŷreò, tahe hãbu inatxi diteònyde Pedro òrysmy. Uritere eleòkòmmy kanakemy tii-wana. ³⁹ Pedro tahe tii-wana rare. Rehemynyrenyre, tahe ridyre hetoratya ludu wo-ò. Ibutumy wytese mahãdu robumy rŷimyhŷre, rubuweroramy. Tahety, tatybohò ritxeredŷŷnymy tamy riwinyreò. ⁴⁰ Tahe Pedro rarybere ibutumy rexitakemy. Tahe rexitòenyre taowotimy resemy. Tahe rexiòkesere rubu-ò rarybekemy: —Tabita, myike. Tahe irue raraynyre

tahe Pedromy robire, tahe ronyre. ⁴¹ Pedro tebò tamy riwainyre tahe rÿire. Tahe wytese-ò, ityhydÿÿdu-ò rryre. Tamy riteòsinyre hāwyy irulemy roirerimy ihÿremy. ⁴² Jòpe hāwā mahādu ibutumy kia rieriye. Sōwemy iny tahe Inynrÿ rybe rityhynyre., ⁴³ Txu sōwemy Pedro Jòpe hāwā-ki ihÿmyhÿ Simaōmy ninadu heto-ki. Simaō heka iròduty wysydÿÿdu rare.

10

¹ Italia soldado mahādu dinodumy raremyhÿ. Oreniliu inire. Sesaria-ki rasÿnyre. Tii òbitimy nodu rare, isÿ mahādu-wana. ² Tii uriwahidÿÿna diwahinyde tule sōwemy rexitòenyre Deuxu-ò. ³ Aōutxu inataò òra bedeu iòhòmy, rasina wesemy Deuxu ÿjummy tii robira, tamy rehemynyeri. Tahe tamy rryre:

⁴ —Oreniliu, rimasajuare-ribi riwawyònyre: —Aòherekibo, Wanyrÿ. Tahe ÿju rarybere Oreniliu-ò: —Aexitòedÿÿnamy Deuxu rierymyhyre. Tule ijò-ò awahisina Deuxu rierymyhyre.

⁵ Biteònyke eòdubohoò Jòpe hāwā-ò Simaō Pedro òrysmy. ⁶ Tii Simaō iròdutyky ixydÿÿdusÿ-ki ihÿre, bera ijā iòhò-ki. ⁷ ÿju rybedu rexitareu, teòdu inatxi-ò rryre. Tule tasoldado mahādumy-ribi inyòwihikÿ rihitxinyre. ⁸ Kia ibutu-ò relymy rahudi tahe riteònyre Jòpe hāwā-ò.

⁹ Ijòtxu txutyetxuu, tiiboho hāwā-ò iòhòmy ròire. Kiaule Pedro raòwònymy rÿimyhÿ hetotyre-ò rexitòenykemy. ¹⁰ Rama risamy ratximyhÿ tahe riroxikemy ixi-di ihÿmyhÿ. Rÿsÿna riraòmy rÿimyhÿ. Idi rasi wesemy rōhòtinymy rÿire. ¹¹ Tahe robire: biuwetty ruamyhÿre wese tuu robire. Riā wesemy aōna tamy dobehede. ¹² Riā wo-ki ibutumy iròdu, nawii, hemylala, aōbo dòkònakònale. ¹³ Rybeò-ò roholare: —Myike, Pedro, birubunye, biroxike. ¹⁴ Pedro rirawyònyra: —Aòkòre, Wanyrÿ. Kia dòkòna reròkòhywāhāre, isu-isure dori. Ixityre tamy rarybere: ¹⁵ —Aòbo Deuxu risuhore wese isuisumy rybeòmyke. ¹⁶ Ixityre narybede. Iu tahe aòwesele ridyre biu-ò.

¹⁷ Tahe Pedro kia aōbo raredi heka rōhòtinyre, Oreniliu-ribi hābu mahādu rehemynyre. Simaō heto riijemyhÿ tahe ijòhòkÿkile rahare. ¹⁸ Tahe rryrenyre: —Simaō Pedro aōbo kakile ratxireri. ¹⁹ Pedro, tatxuu rasina-di rōhòtinyre. Deuxu Tytybytyhy tamy narybede: ²⁰ —Myike tahe, bobeheke. Inataò hābu dori araijereri. Tii-wana makre adee dori aditeònyde. ²¹ Tai Pedro robehere. Tamy rarybere: —Jiarÿ aòrysdu rare. Aòherekibo tōitenyte. ²² Tahe rirawyònyre: —Oreniliu hābu òbiti rare. Tii Deuxu dee ijohonaduò rare. Ibutumy judeu bede mahādu awiremy tuu rarybemyhyre. ÿjuò tamy rarybere aòrysmy kiditeònykemy, adee roholakremy. ²³ Tahe Pedro tamyreny rarybere: —Kakile inyboho ròkòròrenyke.

Ihewoludu txu, rÿidi tahe Pedro tiiboho-wana ròirenyra. Ijò ityhydÿÿdu seriòre tule roirenyra. ²⁴ Ijò hewo ludu txu Sesaria-ò rehemynyrenyre. Oreniliu tii riraòmyhyre. Taijoi mahādu tabiòwawoludu mahādu-wana ributunymy rÿimyhÿre. ²⁵ Pedro rehemynymy raloreu, Oreniliu ròhònyra heto-ribi tahe tatiowotimy iko-txi resere riwowdynekemy. ²⁶ Tahe Pedro ritamadÿÿnyre. Rarybere: —Myniye wahe. Jiarÿ hābule watxireri. ²⁷ Tahe rarybemy ralòmyhÿ, sōwemy wii ributunyeriò itxi reare. ²⁸ Ta Pedro tamyreny rarybere: —Judeu mahādu iny witxira mahādu-wana wibutudÿÿòmy, iòhòmy wiribi riraòmy. Kia teertytenyte. Deuxu dori riwaerynadÿÿnyre kia wese aròhòtinykre. Iny wiwese wiwesele raremy

arõhõtinkyemy. ²⁹ Tahe tai waõrysmy teteõnyteu, aõtaxyimy anademy wanohõti rÿire. Tai tahe adeereny arÿÿraxikre. Aõherekibo waõrysmy aõtaxyina teteõnyte. ³⁰ Ta Oreniliu rirawyõnyre: —Inaubiõwa txumy txu rÿire tahe hæbu tyky tÿrÿrÿhÿkÿ-di wako-txi rexitÿnyrya. Iule wesemy tahe waheto-ki rex-itõenywãhare. ³¹ Tahe wadee rarybera: —Oreniliu aexitõedÿÿna-õ Deuxu roholara, ijõ-ò awahisina rierya. ³² Biteõnyke Jõpe hãwã-õ Simaõ Pedro õrysmy. Simaõ, irõdutyky iyxidÿÿdusÿ-ki ihÿre bera ijã iõhõ-ki. ³³ Aõwesele tahe, aõrysmy reteõnyre. Awimy tahe tateriki rahara. Inyboho kakile ributunymy ihÿreny, aroholakemy ibutumy Deuxu-ribi aõmybo manarybekemy. ³⁴ Tahe Pedro rarybere: —Deuxu dee iny ibutumy wiwese wiwesele rare. Kia reeryre. ³⁵ Ibutumy bedede hãwã ludu Deuxu rityhynykeki, aõbo tamy õbiti riwinykeki, tii Deuxu ixidee rimyke. ³⁶ Kia rybe tahe Deuxu riwahinyre judeu mahãdu-õ. Rybewihikÿywina kia diwyde inyeereny bederynamy. Kia Jesuisi Kristumy rarybere ibutunyrãna kia rare. ³⁷ Joaõ ijõ ratyseybenamy rarybere, idi tahe kia rybe hãletedÿÿmy rexideleny Kalileia-ki. Tahe ibutu judeu mahãdu bedemy rarybere. Kia kaiboho teeryteny. ³⁸ Iwese Deuxu Tytybytyhy, taruru-wana Jesuisi Nazare ludu tyre-ki ditiwide wesemy relymyhÿre. Iwese Jesuisi reamy raremyhÿ wesemy aõwihikÿ riwinymyhyre, tule iny Diabo rururawo-ki ratxirerimy ihÿre Jesuisi iribi riteõnyre, ta reteytenymyhyre. Deuxu dori Jesuisi-wana ihÿre. Ibutumy kia teeryteny. ³⁹ Tahe ibutumy judeu mahãdu hãwã-ki riwinymyhyre, idi itxeredumy inyboho roiremyhÿre. Ihãre tahe tii Jesuisi riubunynyre, õwõru itxeõ nihikÿ-ki ritõhãletenymy ritamadÿÿnyreny. ⁴⁰ Inataõ txu-di tahe Deuxu rubu-ribi riixixanyre, tahe tii riteõsinyre inyõ-õ. ⁴¹ Tatarasanaõõle Deuxu Jesuisi ritÿnydÿÿnyre. Kia heka inyboho roire tii-wana riroxirenyreki, riõrenyreki, iixixana hewomy. ⁴² Deuxu rarybere: —Jesuisi hitxidÿÿdu iny wiribi ywisijuradÿÿdu rareke, iru mahãdu dee, rubu mahãdu dee. Kiamy heka Deuxu iny-õ ritÿnytedÿÿmy, ta inyboho rokoirekemy diwahinyde. ⁴³ Ibutumy iny Jesuisinimy tamy rityhynykeki, iõraru-ribi iny riixãwididÿÿnyke. Kia ibutumy ihetxiu rybedu mahãdu rÿimy rarybemy raremyhÿre. Kia heka Pedro tamyreny rarybere.

⁴⁴ Pedro rarybemy raremyhÿu, Deuxu Tytybytyhy ibutu rybe-õ ijohonadu tyre-ki resemu ralore. ⁴⁵ Pedro-wana rare mahãdu, judeu mahãdu õbiti, tahe riõtiniyre judeukõdu mahãdu-ki Deuxu Tytybytyhy ralõmy rareki. ⁴⁶ Raholare dori rybe witxira-di raryberenyreõ, tiiboho Deuxumy heka reålãmyhÿre. Tahe Pedro tamyreny rarybere: ⁴⁷ —Inyõ rarybeõkre, iratysebedÿÿõmykemy, tiiboho dori Deuxu Tytybytyhy-di ratxirenyre inyweserenyle. ⁴⁸ Tahe Jesuisi Kristu nimy iratysebenykeny riteõnyre. Tahe rexitõenyreny Pedro idi iyreny-ki ijõ txumy ramyhyre.

11

¹ Judeukõdu mahãdu Deuxu rybe roholamy rityhynymyhyre. Kia-õ tahe Jesuisi erydÿÿna mahãdu roholare kiamy ityhydÿÿdu seriõre mahãdu tule roholare. Judeia bedede ludu ratximyhy mahãdu ibutumy kia rare. ² Pedro ixityre Jerusale-õ rehemynyre, tahe judeu ityhydÿÿdu mahãdu tuu tamy narybede. ³ Kia heka, Pedro, judeukõdu mahãdu-wana wiwo-ki atxiteri, tii-wana teroxiteri. Tai tahe ibinamy raharennyre. ⁴ Iribi tahe Pedro ikoreny relyre ibutumy taaõna aõnamy. Kia wesemy Pedro rarybere: ⁵ —Jõpe hãwã-ki watxiwãhã. Tahe rabire rasinawesemy riã nihikÿ biu-ribi robehere-õ. Iwese

inyõ iòhòti inaubiòwa-ki rimymyhyre wesemy wadee robehe my roimymhyre.
⁶ Tahe aõbo heka iwo-ki ratximyhydi, retehenihikymy raiwãhã iròdu deborehekymy wesemy ratximyhy iwo-ki. Abòròrò wesemy tai ratximyhy, iròdu wese, nawii wese tai ratximyhy, inyboho rirysyomhyhyre wesemy. ⁷ Iribi raholare rybeò-ò: —Myike, Pedro, birubunye hewa aotxile birubunye tibo biròkemy. Aòkòrewa Wanyrÿ, tiu heka reròwãhare. Judeu mahãdu bede ywina heka tiu iny kia riròdtyhy. ⁸⁻⁹ Tahe ixityre rybeò tamy rarybere: —Marybeòke kia ibinamy. Aõbo Deuxu awimy rarybere, kia wiji tahe ibinamy aòkò rare. Deuxu dee awikeki, kia awi rare. ¹⁰ Inataò heka tuu rotÿÿnyre. Iribi tahe kia rià, ibutu-wana iore biuribihyy heka iore. ¹¹ Iribi tahe hàbu inataò dehemynymy deade tai watxiwãhã-ò. Tii diwaòryde riwadykremy Sesaria hãwã-ò. ¹² Tahe Deuxu Tytybytyhy wadee rarybere tii-wana arakremy. Nohòtiomy heka aõbo judeukòdu mahãdu raremy. Tii-wana makre ele elemy. Tahe kia debò sohoji reurò seriòremy wahemy rare. Tahe retehemynyreny wadrysmy riteònyreny heto-ò tahe ralòreny Oreniliu heto-ò. ¹³ Iribi tahe Oreniliu rarybere iwese yju ihetowo-ki tamy rexitÿnyreny rarybereri: —Oreniliu, inyõ biteònyke Simaò Pedro òrysmy Jòpe hãwã-ki. ¹⁴ Tii rybe tÿmyraòmy adeereny kanarybekre. Tai tahe ibutumy asÿ ijoì-wana aòraru-ribi kanakre. Kia Oreniliu inydee rarybere. ¹⁵ Iribi tahe jiarÿ Rybewihikymy rexidelenymy rarybere tamy. Pedro rarybere. Urile tahe roholare, tahe aõwesele Deuxu Tytybytyhy ityreny resere iwo-ò ralòkemy iwese watyreny resere wesele juhoo. ¹⁶ Tahe Jesuisi rybe wanohòti itxi reare tiubo raryberemy: —Joaò heka inatyhymy bedi iny ratisebeny, kaiboho tahe Deuxu Tytybytyhy-di akanasebedÿdenyke. ¹⁷ Judeukòdu mahãdu Inynrÿ Jesuisi Kristu rityhynymhyre. Tai Deuxu tamy diwahinyde iwese wadeereny juhu riwahinyre wesetyhyle. Deuxu Tytybytyhy uriòno wesele tamyreny diwahinyde. Mobo jiarÿ raremy wahe tuu Deuxu dee aòmy ararybekemy. ¹⁸ Iribi Pedro rybe-ò roholareu tahe timyhe tamy irybekòna. Tule Deuxu riwowidyreny: —Inatyhy wa rare Deuxu heka judeukòdu mahãdu-ò heka umyuedeòna riwahinyre. Inyò rityhynykeki, ixirahikeki, tarasana rimyrenyke.

¹⁹ Iu tahe Estevaò rurureu, ityhydÿÿdu aòhòkymy rotÿÿnyre tahe, ityhydÿÿdu mahãdu Jerusalè-ribi ròhònyre. Tii heka relymyhyre Rybewihikymy judeu mahãduòle kÿny wahe, iwitxira witxira-ò aòkòre. Tahe ibutu bede-ò ritelenymy ròreny. Senisia-ki relyre. Xibri bedebute-ki tule relyre, Atxiòkia hãwã-ki tule relyre. ²⁰ Ijò ityhydÿÿdu mahãdu Jesuisi Rybewihikymy tÿmyra rarybere. Tiiboho Xibri bedebute-ribi ròhònyre, Sireni-ribi ijò rybedu ròhònyre Atxiòkia-ò. Tiiboho relyre judeukòdu mahãdu-ò tule. ²¹ Deuxu riwiòhenanyre sòwemy iny rityhynyre, Jesuisi ryò ralòreny. ²² Jerusalè ityhydÿÿdu mahãdu kiamy roholare. Tai tahe Banabe riteònyreny Atxiòkia-ò. ²³ Banabe rehemynyre tahe, tuu robire aõbo Deuxu kowa riwinyrerimy. Tai tahe reysare. Tahe ityhydÿÿdu tÿmyra-ò dohodÿÿmy, riwiòhenanykremy: —Iòhòtyhymy Deuxu-ribi atximahàbenyke, aworibityhy Deuxu bityhynybenyke. ²⁴ Banabe heka hàbu wihikÿ rare. Tÿxihikÿlemy Deuxu Tytybytyhy-di ratximyhyre. Ibutumy ratximyhyre tyhydÿÿna-di. Sòwemy iny rexiròteny Inynrÿ mahãdu-ò. ²⁵ Idi tahe Banabe rare Tarso hãwã-ò Salu ijemy. ²⁶ Tai rahareu tahe, didymyhe dòðemy nade Atxiòkia-ò. Sohoji beòramy idi bede riereny. Sòwemy iny ribedeernymhyreny. Atxiòkia hãwã-ki ityhydÿÿdu mahãdumy raninira Kristu wese mahãdumy. Kiani

tamyreny riwahinyre.

²⁷ Aõutxu tahe dehemynyde Deuxu rybedu mahãduõ Jerusalẽ-ribi Atxiõkia-õ. ²⁸ Ijõ Abusi inire. Iribi tahe tii rarybere Deuxu Tytybytyhy rybemy. Ramamy rubu nihiký kanakremy raxireri, ibutu suõ. Laujiu iõlõmy raremyhýu, kiamy rotýŶmyhýre. ²⁹ Tai tahe ityhydýŶdu mahãdu he nieru riwahinykremy rýire Judeia bedẽ sýdu ityhydýŶdu riwiõhenanykremy. Tahe nieru riwahinyre tiwesebo idi ratximyhýre wesemy tamy riwahinyre. ³⁰ Tahe nieru riteõnyre, moma-wana Banabe Salu-wana Jerusalẽ dohodýŶna heto matuari mahãdu-õ riwyre.

12

¹ Kia bededýŶnanamy heka Herodi judeu iõlõmy raremyhý. Iribi tahe rex-idelenymy riwinyre heka ityhydýŶdu mahãdu kia òludumy risýnykre myhý. Tii riteõnyre aõna aõnamy risýnykemy ityhydýŶdu mahãdu-õ. ² Tii mayrehe-di rubudýŶmy riteõnyre Joaõ seriõre wahe, Txiau wahe. ³ Tai tahe judeu wedu mahãdu heka tamy wihikýlemy tuu rotýŶnyre. Herodi rierymy raremyhý idi Pedro rimyre. Tahe worana bedehesi rýire. Paõ taurina ihoõ inire. Kia ibutumy rotýŶnyre kia bedehesi rýireu. ⁴ Tahe Pedro rirõtenyre, ròtenawomy wirutyre. Aõmamy soldado mahãdu inaubiõwamy iitxeredumy rýimyhýre. Pascoa kia worana bedehesi konana txu rexihumy rýireu tahe, judeu mahãdu-õ riwahinykre. Kia Herodi rexinohõtidýŶnyre. ⁵ Ròtenawo-ki tahe Pedro ratximyhýre. ItyhydýŶdu mahãdu tahe Deuxu-õ rexitõenyhyumyhýre Pedro tòenamy. ⁶ Txubiõwamy tahe itxu riywinyrenyre iny sõweheký-õ Pedro riwahinykemy. Kiamy Herodi rõhõtinyre. Ruu tahe Pedro rõrõmy roimyhý. Inatxi soldado heka idile ratximyhýre. Pedro womati reroti inatxi-di rati-samy roimyhýre. Ijõ soldado rotana ijõ-ki ratximyhýre. ⁷ Inynyrý ŷju heka Pedro weribi rihetenyre riixixanykemy. Loosõna itýnyhýkýlemy ròtena ritoosõnyre. Tamy rarybere: —Wylemy wa rexiukýnyke. Tahe aõwesele Pedro axiõ-ribi womati rerotihiký rejuxunyre. ⁸ Tahe ŷju tamy rarybere: —Awamy birutyke, bexityynyke. Kiamy riwinyra. Ijõ arahana birutyke tahe biwaheludunye. ⁹ Iribi rõhõnyra he tai rõrõreri-ribi wahe. Kia ibutumy heka rasi weselemy Pedro rõhõtinyre rieryõre inatyhy aõbo ada rasi aõbo. ¹⁰ Juhu heka ikoludu soldado mahãdumy reare idi ihewoludumy reare iribi rehemynymy rýire ahana ijõtýhy-õ. Womatilere heka iijõtòbõnare. Ixiwanale heka rarayre ijõtòbõna. Iribi tahe roirenyre hãwãry-di ririranyrenyre. Idi tahe ŷjuhe iõre iribi. ¹¹ Tahe Pedro rõhõtinyre, rieryre heka aõhebo rotýŶnyraõ. Wanyrý ŷju riteõnyre riwatara Herodi-ribi judeu mahãdu-ribi. Katahe wadee aõhe rotýŶnyrenyõtýhy. ¹² Rõhõtinyry rýire juhuu urihimyõ idi tahe rare Marie heto-õ. Joaõ Markuse heka tii rare. Tai ityhydýŶdu mahãdu rýimyhý tahe rexitõenyrieriõ Pedro tamy rehemynyre. ¹³ Tahe ijõ he rihetenyre. Ijõtòbõna-õ nade mobo raremy rierykemy ijadõma deõdu. Rode inire. ¹⁴ Tahe Pedro rybe rieryra. Reysamy raijaranyre iwo-õ. Pedro tahe ralõõlemy rýire. Tahe relyyre Pedro heto ijõ-ki rýimyhýmy. ¹⁵ Tiiboho raryberenyre: —Kai tabinamy atxiteri. Ixityre rarybere: —Aõkõre tii taile naderi. Tahe raryberenyre: —Pedro aõkõ rare, taŷjulemy tahe rare. ¹⁶ Tahe Pedro ri-heterihetenymy rýimyhýre. Idi riraynyrenyre. Pedromy robirenyrau, bedẽ riõtiniyrenyre. ¹⁷ Pedro tahe tamyreny tebò reara roholarenkemy. Tahe tamyreny relyyre timybo Inynyrý ròtena-ribi rexiòlòdýŶnyramy. Tule tamy

riteònyre: —Kiamy belyyke Txiau-ò tule inyseriòre-ò. Tahe rexitare, rare ijòsÿ-ò.

¹⁸ Txuu ratÿnyreu, soldado mahādu ierysmy wii risÿnyre timybo Pedro aõhebo rotÿÿnyramy. Tahe jei jei aõnire. ¹⁹ Herodi iijesemy riteònyre tai moò tai rahaõhyllera. Tai soldado itxeredu sohoji sohoji dÿÿraximy riteònyra. Idi irubudÿÿmy riteònyra. Iribi tahe Herodi Judeia bedè-ribi ròhònyra. Sesaria hāwā-ò bededÿÿnanaò riiwya.

²⁰ Tiro hāwā mahādu Sidoma beà hāwā mahādu-wana Herodi derarenyre. Tahe tiiboho ributunynyreny tamy ròirenykemy rybe-di. Iòlò heto-di itxeredu Blastu inire. Tahe iny mahādu Blastu ròtarenyre iwe-ribi mahādureny. Tahe ròirenyre Herodi-ò tamy rexitòenyreny, tamy ykaraòmykemy. Tarÿsÿna dori diwyde iòlò bedè-ribi, Herodi bedè-ribi. ²¹ Herodi tahe itxu riywinyre. Kia txuu tahe ròhònyre tamy. Rexityynyre taiòlòtÿyrehe-di tahe tarynana tyre-ò ronyre, tamy Rybewihikÿmy rarybere. Tai tahe iny rirajuare: —Katahe hābu aòkò rarybereri, Deuxu wahe. ²²⁻²³ Aõwesele Deuxu ÿju heka Herodi rirubunyre, tii Deuxtutÿhymy reàlàòreki. Woudò rubudÿÿnamy rurure.

²⁴ Deuxu rybe tahe ibutumy roholare. Sõwemy iny tahe rityhynyre.

²⁵ Banabe Salu-wana nieru riwahinymy rahudi tahe, diòòsede Jerusalē-ribi Atxiòkia-ò. Joaò Marku tii-wana ridyre.

13

¹ Atxiòkia dohodÿÿna heto mahādu-ki rybe tÿnydÿÿdu mahāduò, bedè ery-dÿÿdu mahāduò rÿimyhÿre. Kaheka inireny rare: Banabe, Simaò, iniraròsòna Nike rare. Lusiu ijòre, tii Sireni hāwā ludu rare. Manaì ijòre, tii Herodisÿ-ki ratibienyreny, Salu ijòre. ² Ibutumy tahe Inynyrÿmy reàlàre, riroxiòhyy heka bedè riemyhÿ. Tahe Deuxu Tytybytyhy tamyreny rarybere: —Jiarÿ waaòmysdÿÿna dìre Banabe-ò, Salu-ò. Kaiboho heka biteònybenykre kia riwinykremy. ³ Tahe roxiòhyymy bedè riemy, rexitòenyreny. Tebòreny iratytyre ritidirenymy, idi riteònyreny tabede tÿina-ò.

⁴ Deuxu Tytybytyhy tahe tiiboho riteònyreny. Selusia hāwā-ò tamy riberenyreny. Tahe hāwò rimyreny Xibri bedebute-ò. ⁵ Tahe rehemynyreny Salamina hāwā-ò. Tai judeu dohodÿÿna heto-ki Deuxu rybemy rarybereny. Tule Juaò Marku rare tii-wana wiòhedÿÿdu wese heka rare.

⁶ Tahe ibutumy bedebutemy rekoarenny. Ritehemynyreny hāwā-ò Pa-fumy ninadu-ò. Tai tahe judeu mahādu witxi deade, Bajesuisi heka inire.

⁷ Tii Deuxu rybeduòmy raremyhÿmy iximy rarybere tahe aòkòre, raruire, riitxenanyre. Tii bedebute hāwā dinodu-wana rare. Kadinoduni tahe Sergio-Paulo inire. Tii hābu bedeery nihikÿ rare. Tii Deuxu rybe-ò roholakemy ratxireri. Tahe didyde Salu, Banabe-wana tamy roholakemy. ⁸ Bajesuisi, Elimasi ijò ini rare. Tahe tii bedebute dinodu-ò rarybere uritere Salu rybe-ò, Banabe rybe-ò ijohonakòmykemy. Wanyrÿ tyhydÿÿkòmykemy dori tuu risÿnyre. ⁹ Salu tahe, Paulo ijò ini rare. Deuxu Tytybytyhy heka itykmy ralòmy rÿimyhÿre. Tahe Paulo retehere Elimasi-ò tamy rarybere: ¹⁰ —Kai Satanasi riòre tate. Kai heka ibutu itxenadÿÿ-di tÿxihikÿlemy ahāte. Kai heka awihikÿ òludu tate. Tiubo heka bexihukre Inynyrÿ-ribi iny riixāwididÿÿnyre.

¹¹ Deuxu heka wiji araòwinykre, aòhòkÿmy arasÿnykre, aruetamy bonykre. Txu bobiòkre bedè biwyke. Iule tahe aõwesele bedè torohokÿlemy reare. Robiòhyymy reare. Urile riemy ratximyhÿre, iny riwiòhenanykemy, ryy tamy

ritÿÿnyrykemy. ¹² Tahe kia bedebute dinodu tuu robire aõhebo rotÿÿnyryamy, tai bede riõtiinyry ronymyhÿ tahe tii Inynyryÿ rityhynyre.

¹³ Iribi tahe Paulo rõhõnyra taijoi-wana Pafu hãwã-ribi. Rakremy riberenyra hãwã nihikÿ-ki Panfilia bede-ò, Peke hãwã-ò. Juaõ Marku iribireny rexitara, dòòsede Jerusalê-ò. ¹⁴ Tahe Paulo Banabe-wana roirenyre. Peke-ribi riòlõnyre tahe rekoarenryre Atxiòkia-ò. Kaa iwitxira Atxiòkia hãwã rare, Pisidia bede-ki ratxireri. Tahe riònyrenryre judeu mahãdu dohodÿÿna heto-ò. Sabado txu rÿire. Ronymyhÿre ijohonamy. ¹⁵ Kia hãbu mahãdu heka Moisesi bede ywina tyyriti-di, Deuxu rybemy rybedu mahãdu tyyriti-di rariamyhÿre. Tahe dohodÿÿna heto wedu Pauloboho-ò raryberenrykemy rarybere: —Waseriòre, arybemy idi atxiteri-wana marybeke aõwaxiny bitÿnyke. ¹⁶ Tahe Paulo rÿire lamamy. Iwese rybedÿÿmy rõteòsidÿÿmyhÿre wese rÿire. Tahe rexidelenryre: —Hãbu, Israeli mahãdu, tule ibutummy Deuxu rityhynyry rÿira mahãdu, bodoholabedenryke kaa ijyy-ò. ¹⁷ Israeli mahãdu Egito-ki rasÿnyreu, taDeuxu iribi ritare, moma, inytybyreny Deuxu, Israeli mahãdu tybyreny wahe. Deuxu rasõwedÿÿnyre. Iribi tahe Deuxu Egito-ribi ritarenryre tebò ruruteretyhy-di. ¹⁸ Tiiboho bederahy-ki 40 beòramy bede riereu, Deuxu taaõbina bina riòludynyre. ¹⁹ Kanaã bede-ki debò inatxi reuròm yixÿju ixÿju mahãdumy rahure. Idi tamyreny riwahynyre bede, isÿhyymy rarekemy. Idi tahe rybe ywisidÿÿdu mahãdu tamy riwahynyre. 450 beòra rahureu, tahe Samueli Deuxu rybeduòm y raremyhÿ. ²⁰ Idi tahe rybe ywisidÿÿdu mahãdu tamy riwahynyre. Tahe 450 beòra rahureu, Samueli Deuxu rybeduòm y raremyhÿ. ²¹ Iribi iny Deuxu-ò rexitòenyre iòlòm y tamy kadiwahynykemy. Tahe Deuxu Salu tamy riwahynyre, iòlòm y. Salu tahe Kixi riòre rare. Benjami mahãdu rare. Tahe 40 beòramy iòlòm y ronyre. ²² Salu iribi ritareu, tahe Davi, Deuxu ritamadÿÿnyre iòlòm y. Deuxu Davimy rarybere: —Davi Ijese riòre rare. Jiarÿ iluure. Tii ibutu wadee wimy riwinykre. ²³ Tahe Davi riòkòre-ribi Jesuisi rõhõnyre, Israeli tarasadumy rarekemy. Iwese juhuu Deuxu rarybere wese. ²⁴ Jesuisi naõdeu, Juaõ ritÿÿnyryre Israeli mahãdu-ò iòrarureny ririkemy idi raratisebenrykemy. ²⁵ Juaõ rybe tÿnydyÿna kònanau, tamyreny rarebere: —Jiarÿ wa iwese tahòtinytenyteri wese aõkò jiarÿ rare. Kaiboho tiwaraòòhyamahàtenyete. Betehebenryke, tii, wahewomy kanakre. Jiarÿ aõ aõkò rare, iwtatisana arieseòtyhy iwa ritakemy, tii dori waratyre wihikÿreki. ²⁶ Waseriòreboho, Abraõ riòre riòremy ibutummy inyboho roire, tule Deuxu reàlãm y rÿira mahãdu kaki ratximyhÿ. Deuxu inydeereny biu-ò hedu rybe diwahinyde. ²⁷ Jerusalê mahãdu, iwedureny-wana raeryòhyryre tii tarasadu rare. Ibutummy sabado txu rybedu tyyriti-di rariamyhÿre tohodÿÿna heto-ki, tahe aõbo rare rieryòhyryre. Jesuisi rubudÿÿmy raryberenryreu, iwese rybeduò rarybere wese, tiiboho rotÿÿnymyhÿre. ²⁸ Tiiboho aõbina bina-ki tai rahaòhyryra, ihãrele irubudÿÿmy rexitòenyre Pilato-ò. ²⁹ Iwese ibutummy Jesuisim y riritinymy roireri wese, ibutummy tuu rõhõnyre. Tahe itxeò nihikÿ tyre-ribi ritarenryre. Tahe mana hãloo rawo-ò ritidirenryre. ³⁰ Tahe Deuxu rubu-ribi riixixadÿÿnyre. ³¹ Tii-wana iny mahãduò roirenryre juhuu Kalileia-ribi Jerusalê-ò. Rexixamy rahudi tahe, tii mahãdule tuu robihyymy txuu widirenry rÿire. Kia mahãdule inysõwey-ki relzymyhÿre. ³²⁻³³ Deuxu juhuu rarybere inytybyreny-ò aõhebo rotÿÿnyrykemy. Inydeereny tahe tii riwinyre Jesuisi riixixanyreki. Kia Rybewihikÿmy adeereny relymahãrenryre. Iwese inatxi wiuna ritidÿÿna-ki roire wese:

—Kai waRiòre tate. Wiji tahe bom y watxiwãhãre.

³⁴ Kiamy heka Deuxu rarybere Jesusimy: —Rubu-ribi ariixixanykemy, tiu rasunymhÿre bede-ò ròòseõtyhy. Iwese Davi-ò jiarÿ rarybere wesemy ibutumy adee bede ariywinykre. ³⁵ Deuxu ijõ wiuna Ritidÿÿna-ki tule rarybere. Iwese Jesusile rarybere wese, kiamy roire:

—Eòdutyhy umy rasÿnyõtyhy kai dorì waumysudÿÿ-ò teijemahâte.

³⁶ Iu Davi Deuxu dee taijoi riwiòhenanymy rahudi tahe, rurure. Tybyreny-ò tii rara. Iumy tahe rasunyre. ³⁷ Jesusi umy tahe rasunyõre Deuxu dori rubu-ribi riixixadÿÿnyreki. ³⁸⁻³⁹ Jesusi bityhynybenykeki, aòraru riixawidinyke. Kiamy Moisesi bede ywina ihoõhyre adeereny. Kia bierybenyke waseriòreboho, tiile, Jesusi, adeereny relywãhãrenyre. ⁴⁰ Bexiijebynye, kiamy adeereny rotÿÿnyke lau iwese rybedu ritina-ki roire wese:

⁴¹ —Kaiboho inatyhy derare. Betehebenyke, burubenyke, bede biòtiinybenyke, aõbo jiarÿ rewinyreriò. Inyõ adeereny ritÿnynye ihãrele. Tiu heka bityhynybenyõtyhy.

⁴² Tahe Paulo irybe rexihura. Iribi ròhònyre Banabe-wana. Rexitòenyrenyre ijõ sabado biòwau tarybetybydile ixybyle relyykemy. ⁴³ Iny ritobinymy rahudi, judeu mahãduò, judeu bede erydÿÿna ityhydÿÿdu mahãduò tule Banabe Paulo-wana riheludunyre. Tahe tamyreny raryberenyre: —Deuxu ruxetòena-ki idi mariahyymhÿkemy.

⁴⁴ Ijõ sabado rehemynyreu, ibutu iny hãwã-ribi doimyhÿdenyde Deuxu rybe-ò ijohonamy. ⁴⁵ Judeu mahãdu tahe inysòwemy robireu, tiiboho rexiiwaritinyhÿrenyre. Tiiboho raryberenyre aõbinahãkÿlemy Deuxuru-ò. Paulo riki inatymy aõkò tii rarybemyhÿre. ⁴⁶ Paulo Banabe-wana ihãrele brebuòlemy raryberenyre: —Juhuu adeereny Deuxu rybe dobehede. Tahe kaiboho tetyhynyòtenyte, tai judeukòdu mahãdu-ò aroirenykre. Kaiboho Deuxu rybe terarenyreki, ixi sohojile tahe tetaòte adeereny aõ aõkòreki.

⁴⁷ Kia Inynyryÿ bede ywina wadeereny riwahinyre: —Kai loosòna wesemy atxikre judeukòdu mahãdu-ò. Kai tarasanary ritÿnynye ibutu inyko-ò. ⁴⁸ Judeukòdu mahãdu kia-ò roholareu, tahe reysarenyre. Deuxu rybe riwowdydynyrenyre tai. Tahe rityhynyre, timybo Deuxu juhUU ritare wesele tamyreny umytuedeòna riwahinyremy. ⁴⁹ Inynyryÿ rybemy kia bede-ki ibutumy relyyre. ⁵⁰ Tahe judeu mahãdu rarybere hãwywihikÿ ityhy-ò, tule hãwã wedu-ò. Tai tahe Paulo Banabe-ò òludu sòwemy resere. Tahe isubede-ribi riteònyrenyre. ⁵¹ Paulo Banabe-wana tawa-ribi bryby riòhòwinyre tamyreny tiiboho ibinareki. Tahe Ionio hãwã-ò roirenyre. ⁵² Atxiòkia ityhydÿÿdu mahãdu tahe reysamy rÿimyhÿre. Deuxu Tyytybytyhy-di tÿximy ihÿre.

14

¹ Ionio hãwã-ò Paulo Banabe-wana rare. Judeu mahãdu dohodÿÿna heto-ò. Tahe rybe ritÿnyrenyre, tarurumy he relyyrenyre. Sòwemy judeu mahãdu, judeukòdu mahãdu-wana rityhynyrenyre ijyy. ² Tahe ijõ judeu mahãduò rityhynyõre. Ijyy deramy reamhÿre, tule ijõ-ò tule rarybere ityhynyòkemy. Tahe Paulomy, Banabemy aõ òta òtalemy rarybemyhÿrenyre. ³ Ihãrele tahe Paulo Banabe-wana bede nihikÿ riwyrenyre tai. Tamy rybe ritÿnyhy roiremyhÿ ibrebuòlemy. Inynyryÿ taruxetòena rybetyhydÿÿnamy riwiòhenanre tiiboho bedeòbyna widÿÿdu renyreki. ⁴ Hãwã mahãdu ritxware. Ijõ heka judeu wedu mahãdu rityhynymhÿre, ijõ tahe Paulo Banabeboho rityhynymhÿre. ⁵ Judeukòdu mahãdu, judeu mahãdu, tawedurenre-wana widee rarybere

Paulo Banabe-wana riòkòròrenykeny tamy mana-di rehurenykeny. ⁶ Tahe tiiboho rexierenyre tahe rihenyreny. Tahe ròirennyre Listra hāwā-ò, Debi hāwā-ò, kia Laonia hāwā hāwā-ò rare. Tule rariarennyre kowa bedewo-ki. ⁷ Tahe kowa tiemy ritýnyhy roiremyhý Rybe týmyra wihiký-di.

⁸ Listra hāwā-ki heka hābu-ò-txi rekoarennyre, itierere heka. Taihy heka ronymhýre. Tuuhy heka ratohouāmy ijaranannyre. ⁹ Tii tahe Paulo rybe-ò roholare. Paulo tamy retehere. Kia tahe Paulo rierye hābu teytetyhynadire Paulo riteytenykeny. ¹⁰ Tai tahe tamy rarybere tarybe riterenmy: — Mynyke, òbitimy. Ta hābu rexiwatxinyre, rariare. ¹¹ Ijohona mahādumy robireu, aōbo Paulo riwinyreny tahe rirajuare tarybe-di, Laonia rybe-di: —Ka hābu mahādu heka deuxu wesemy idi rexinohòtidýnymyhýre. Inydeereny deuxu wesemy dobehede. Iumyreny tahe hābu wesemy rare. ¹² Banabe heka, Jupitemy tadeuxurenyniōmy rininire. Paulo tahe ijōniny, Meuriumy rininireny irybe sōwetyhyreki, tii rybedureki. ¹³ Jupite xi-wena wydydu horeru bederade-di dehemynyde. Tohodýna heto hāwā ahana ube-ki rýire. Broreni xiwe wesena tamyreny hāwā mahādu riworonykeny, riwahinykeny. ¹⁴ Kiamy roholareu, Paulo Banabe-wana tatykyreny riykarannyre idi rihurenyre. Tahe ralōmy reare inysōwey-txi rarybekemy. ¹⁵ Tamy ryryre: —Aōhebo tatýnytenyteri. Jiarýboho hābulemy watxinyreri. Kialemy adeereny rarybewāhare, Deuxu ryhetýmyra wihiký. Adeuxureny-di nohòtirennyōmy. Bedewidýdu ta mohòtinenykeny. Tii dori benihiký riwinyre, ibutumy biu-ki riwinyre, tahe Deuxutyhy-di mohòtinenykeny. ¹⁶ Ihetxiu Deuxu ibutumy bede bedemy sýdu ririre ixidee winy aōna aōnamy rotýnykeny. ¹⁷ Urile tahe tamy rexideōsinyre tamy biu riwahinyre taoworumy raratenykeny. Tai tahe kaiboho arýšýna dire, Deuxu debò-ribi, awo-ki eysanadire. ¹⁸ Ihārele iny tamy xiwe wesena tamy riwahinykeny ratxireri. Paulo tamyreny rarybere: —Aōkò, inydeereny bidiwahinyōke.

¹⁹ Iribi tahe judeu mahādu-ò Atxiòkia-ribi, Ionio-ribi tamyreny raryberenyyre Paulo rubudýmy. Hāwā òtityube-ò Paulo ridyrennyre. Mana-di tamy rehumyhy. Tahe rubu wesemy ririrenyre. ²⁰ Idi tahe ityhydýdu tamy wirotyre. Paulo tahe suribi rýire tahe tii-wana nalòde hāwā-ò. Ijòtxu biòwamy tahe Banabe-wana Paulo rexitare ijò hāwā-ò, Debi hāwā-ò. ²¹ Ka hāwā-ki tahe Paulo rybe týmyra wihiký ritýnyre. Sōwemy tai rityhynyreny, Pauloboho ròserenyre Listra hāwā-ò, Ionio hāwā-ò, Atxiòkia-ò. ²² Ibutumy hāwā-ki Pauloboho ityhydýdu mahādu riwiòhenannyrennyre, tiiboho rityhynyhyumy ratximyhykeny. Tamyreny rarybere: —Kaiboho aòhòkýmy botýnybenyke, ihārele malòkemy titxibo Deuxu Iòlò ratximyhyre-ò. ²³ Ibutu ityhydýdu mahādumy ribi ritamy rýimyhý rarekeny, idinodumy. Matuari mahādu-ribi tii ritare. Iu ritareu tahe, rexitòrennyre Deuxu-ò tule byreòhy txuò riwyyrennyre. Inynyrý-ò rexitòrennyre: —Kia ibutumy aratyhynyrennyre, tai tahe biywinymy ahāke. ²⁴⁻²⁵ Pisidia bede-ki rekoamyhyrennyre Panfilia bede-ò. Kowa-ò Rybewihiký týmyramy relymy rahudi Peke-ki, Atalia hāwā-ò dobehede. ²⁶ Tai hāwò nihiký welòdi-di rimyrennyre. Tahe Atxiòkia-ò rorore. Kowa-ribi juhuule rybe týmyra wihiký ijyy-di dòhònyde. Kowa juhuu rexitòrennyre tamyreny Deuxu ruxetòena-wana rarekeny. ²⁷ Atxiòkia-ò rehemyrennyre, Paulo, ibutumy ityhydýdu mahādu ditotynnyde. Tai heka tamyreny rarybere iwese Deuxu riwiòhenannyre wese ibutumy iaòmydýnana-di. Iwese judeukòdu mahādu rityhynykeny. Deuxu tamy ityhyna ijòtòbòna riraynyre wese. ²⁸ Idi

bededÿÿnana riwynihikÿre ityhydÿÿdu mahâdu-wana.

15

¹ Hâbuõ Judeia mahâduõ ditechemynydenyde ta teõsamy ribedeerynyrenyre. Kawese ribedeerynyre: —Moisesi Tyriti bede ywina, notykyresynamy, rityhynyõkeki, iny rataõtyhy. ² Iribi tahe Paulo Banabe-wana tamyreny rarybehyy rare. Tai tahe inyõ tamy rarybere Jerusalẽ matuari mahâdu-õ roirenykemy aõmydÿÿnana rexiõbitinyrenykemy. Iny witxira-õ Jesuisi erydÿÿna mahâdu-õ rarybekemy heka tamy, Pauloboho iteodÿÿmy rarybere. Tahe ijõ hâbu mahâduõ tule tiiboho-wana riteõnyrenyre. ³ Dÿÿraximy heka tamy rõiirenyre, aõ aõmydÿÿnabo ratxirerimy wahe. Sõwemy dohodÿÿna mahâdu ihemy roirenyre urihimyo, tai tahe ririrenyre. Tahe Senisia bede bedemy, Samaria bede bedemy riðõorenyrenyre. Relyyre judeukõdu mahâdu tule ityhydÿÿdu mahâdu-ki rÿirerimy. Tai ibutumy ityhydÿÿdu mahâdu reysare. ⁴ Tahe ritehemynyrenyre Jerusalẽ-õ. Wihe ritotynyrenyre ityhydÿÿdu dinodu-wana, tule matuari mahâdu-wana, Jesuisi erydÿÿdu mahâdu-wana. Tiiboho relyyrenyre aõmybo Deuxu rotÿÿnre iyreny-ki, timybo riwiðhenanyré. ⁵ Tahe hâbu mahâduõ tai raremyhÿ heka. Juhuu heka fariseu mahâdumy ihÿre, idi tahe ityhydÿÿdumy ralore. Imahâdu-ribi ijõ rÿire ribedeerynykremy. Tahe rarybere: —Inydeereny kia wese rare. Judeukõdu tyhydÿÿdu ibutumy notyresyna-di rõiõnyke. Tule ibutumy Moisesi bede ywina ibutumy rityhynykemy. Kawesemy tamy ribedeerynyre õbitimy aõkõ watxiriri.

⁶ Idi tahe Jesuisi erydÿÿna, matuari mahâdu-wana wii ributunyre rybe õbitidÿÿmy. ⁷ Rybe sõwemy rahude tahe, Pedro rÿire tamyreny rarybekemy: —Wasiõreboho, Deuxu juhu riwatara Rybewihikÿ rybedumy judeukõdu mahâdu-õ tuu aritÿnynykremy, tiiboho tule rityhynyrenykremy. Tai rarewãhã. Kaiboho kia ibutumy teerytenyte. ⁸ Iwese inydeereny riwahinyre wese, Deuxu Tytybytyhy tamyreny tule riwahinyre. Judeukõdu mahâduõ tule ixidee rimykeny. Kia wese tui riteõsinyre inydeereny. ⁹ Deuxu wiribi lahiximy aõkõ iny riwinyrenyre. Wiwesehyyle ihÿre. Tiiboho inywesele ihÿrenyre. Tiiboho rityhynyrenyre, heka irayky rityranyrenykemy ritarenyke. ¹⁰ Kia wese Deuxu teurihitenyteri. Kia bede ywina itxynnauxiehekÿ wesere ityhydÿÿdu mahâdu tyre-ki tetiditenyteri. Inytybyreny tiu retyõre tule inyboho idi retyõre. ¹¹ Inynyrÿ, ruxetõenale-di iny ritamyhÿre. Tule judeukõdu mahâdu kia weselere ritamyhÿre.

¹² Tahe aõmy rarybeõhyrenyre. Ibutumy he Paulo Banabeboho rarybereõ, roholarenyre. Tiiboho heka relyyrenyre tule bedeõby wihikÿ aõna aõna-wana Deuxu riwinyremy tadebõ-di wahe. ¹³⁻¹⁴ Iribi tahe rexihurenyre tasÿ, Txiau rÿire rarybekremy: —Wasiõreboho, bodoholabedenyke inihe warybe-õ: —Pedro kÿny adeereny rarybere, timybo Deuxu judeukõdu mahâdu roramy rare iny mahâduõ ixidee ritakremy tanityhy-õ. ¹⁵ Kiawesemy he tule ihetxiu Deuxu rybemy rybedu mahâdu riritinyre, kamy wahe: ¹⁶ —Wanyrÿ heka rarybera: —Adõõsekre, ixby ariywinymy aritamadÿÿnykre aõdohodÿÿna heto Davi juhUU riwinyre. Idi tahe resere. Ixyby ariwinykre. ¹⁷ Tai tahe judeukõdu mahâdu-ribi iuhe riwaõrykre wamy rityhynykemy. Wanyrÿ, Deuxu, kiamy heka tiiboho rarybekre, ibutumy jiarÿ retarenyreki. ¹⁸ Kawesemy Wanyrÿ tuhyy rarybemy raremyhÿ, tule wiji ihÿre. ¹⁹ Tai heka kiawidÿÿõmy rakatximyhÿrenyre. Tamyreny rybeõmy rakatximyhÿrenyre. Judeukõdu mahâdu Deuxumy

rityhynyrenyreu, iny bede ywina reny tyhydÿÿmy tamyreny rybeõmy.
²⁰ Kialemy heka tamyreny rakaryberenykre: Suritxoo xiwe-ribi iròdude ròrenyõmy. Tule òta òta òraruna widÿÿõmy, iròdu hãlubu-di ròrenyõmy, ihãlubu rejuxunyõmyhÿre-wana. ²¹ Kiamy heka rakatximyhÿrenyke. Moisesi bede ywina-di dori ibutu hãwã-ki judeu dohodÿÿna heto-ki rariamy raremyhÿ. Sabadotxu ihyymy aõkõ kia ritÿÿnynmy raremyhÿ.

²² Tahe kiamy heka rahõtynyreny, Jesuisi erydÿÿna mahãdu, ibutumy dohodÿÿna mahãdu-wana, hãbuõ ayreny-ribi rikitakre. Tai Atxiòkia-ò riteònyrenykemy Paulo Banabe-wana. Tahe Judasi ritarenyreny tule iniòrysina Basaba rare. Ijõ tasÿ Sila inire. Ka hãbuboho ityhydÿÿdu mahãdu awimy tai rahareny. ²³ Katyryiti tiiboho-wana rakre. Kawesemy tyryiti rare: —Jiaryboho, erydÿÿna, matuari, seriòre mahãdu adeereny rybe wehityhyna rewahinyreri. Ibutumy judeukõdu mahãdu ityhydÿÿdu-ò ka tyryiti rakre Atxiòkia hãwã-ò, Siria bede-ò, Silisia bede-ò. ²⁴ Inyõ rare wayreny-ribi adeereny notykyresymy rybemy. Tai tahe araykyreny riwerydÿÿnyre. Jiaryboho reteònyrenyõhyre. Kia reerymy watxirenryeri. ²⁵ Tahe wiwesele rahõtynyreny riki, hãbubohoõ Paulo Banabe inyluudu-wana reteònyrenryeri. ²⁶ Kia hãbu Paulo Banabe-wana hãwã binahakÿ-ò roimyhÿrenyre Jesu-isi Kristu Inynyryni-di. Ixi-txi ròhõtynyòlere, brebumy. ²⁷ Judasi-wana tule adee raryberenykre kia aõmydÿÿnanamy, katyryiti rewahinyreny wese. ²⁸ Kawese inyboho ròhõtynyryhÿre, Deuxu Tytybytyhy dori inyrayky rewiohenanyre. Kia bede ywinalemy adeereny rarybereri biywinyrenykemy. ²⁹ Uritere, suritxoo xiwe-ribi iròdude ròrenyõmy iròdu, ihãlubu-di ròrenyõmy, ihãlubu rejuxunyõmyhÿre-wana. Tule òta òtana òraruna widÿÿõmy. Ka bede ywina biywinybenykeki, awimy boibeke. Deuxu deysana tahe adeereny kanakemy watxiwãhare.

³⁰ Tahe hãbuõ iny inaubiòwamy Atxiòkia hãwã-ò ròrenyreny. Tahe Atxiòkia tyhydÿÿdu mahãdu ributunyre. Iu tahe tamyreny tyryiti riwahinyre. ³¹ Tahe idi rariarenyre, ritÿÿnynmy tamyreny. Ribedeerynyreny. Tai tahe reysarenyre. ³² Judasi Silaboho tule Deuxu dee rybeduwihikÿ roire. Sòwemy dohodÿÿna-ki seriòre mahãdu-wana rohonymyhÿre. Tai tahe rirurudÿÿnymyhÿre. ³³ Aòutxumy raroorehenyre, tahe seriòre mahãdu tamyreny rarybere: —Bòibenye he ateòdÿÿdu mahãdu-ò. Biòkeske wowina-di Jerusalê hãwã-ò. ³⁴ Tahe Sila ròhõtynyre rarikremy Atxiòkia-ki. ³⁵ Tahe Paulo Banabe-wana naride Atxiòkiakile. Inynyry rybemy riernanyrenryeri, ritÿÿnynyrenryeri, ijõ seriòreò-wana.

³⁶ Aòutxumy tahe Paulo rarybere Banabe-ò: —Ròkòòsekre kÿnyhe, ibutumy hãwã hãwã-di tai juhuu Inynyry rybemy ritÿÿnynmahãreò wahe, rikiwehityhynanykremy timybo ityhydÿÿdu mahãdu nyimyhÿde-ò. ³⁷ Tahe Banabe Joaò-Marku ridykemy tamy reare. ³⁸ Paulo heka Joaò-Marku ridyòkemy ratxireri, Panflia hãwã-ki dori iribireny ròhònyreki, riwiòhenanyòreki. ³⁹ Marku ridykemy wiwese wesemy aõkõ ròhõtynyreny teratyhylemy ratximyhÿ. Tai tahe wiribi rexihitxinyreny, Banabe Paulo-ribi. Banabe Marku ridyra Xibri bedebute-ò, hãwò-di ròira. ⁴⁰ Paulo tahe Sila ridyra. Seriòre mahãdu tahe Pauloboho riixitòedÿÿnyre, Inynyry ruxetòena tamyreny kanakemy. ⁴¹ Tahe Siria bede werawo-di, Silisia bede werawo-di, ririranyre dohodÿÿna mahãdu riwiòhenanykemy, rirurudÿÿnymyhÿkemy.

16

¹ Pauloboho tahe Debi hãwã-ò rehemynyre. Ihyy tahe Lистра hãwã-ò rare. Tai tahe Tximòtxi-wana witxi rekoare. Tximòtxise judea tyhydyÿduõ rare. Tyby tahe grego mahãduõ rare. ² Lистра, Ionio ityhydyÿdu seriõre Tximòtxi luure. Tximòtximy wídee rarybere: —Tii iny hãbu tyhy rare. ³ Tahe Paulo Tximòtxi-wana rakemy rexiwiny my raremyhÿ. Tahe rexitarenykre kotyreu, Paulo, Tximòtxi notykyresy my riteõnyre, kowa judeu mahãdu õraru-ki wahe. Tyby dorihe ibutumy iny rieryre tii grego mahãdu raremy. Notykyresykõmy rake tahe judeu mahãdu dee kia ibinare. ⁴ Iribi tahe ròirenyre hãwã hãwã-di, ityhydyÿdu seriõre mahãdu ribedeerydyÿnykemy, timybo Jerusale mahãdu rõhõtiny myhÿremy. ⁵ Tai tahe ibutumy dohodÿÿna heto mahãdu tii rirukedyÿnymy hÿre ityhydyÿna-di. Tule ijò rityhynmy hÿre txuõ txuõlemy ralokemy ityhydyÿduõmy rarekemy.

⁶ Pauloboho Asia bede-ò ròirenyõre rybe ritÿny nykemy, Deuxu Tytybytyhy ritirÿreki. Tahe Frigia-Alatxia bedemy rekoamy hÿreny re. ⁷ Misia bede-ò rehemynyreu, Bitinia bede-ò ròirenykemy riwisÿnyreny re. Tahe Jesuisi Tytybytamy riteõnyõhyre, ritirÿmy hÿre. ⁸ Tahe Misia bedemy rekoare, tahe Troaji hãwã-ò robehe. ⁹ Tahe Paulo hãbuõ wesemy robire rasina weselemy. Hãbu, Macedonia bede ludu lamamy rÿimyhÿõ, tuu robire. Tahe hãbu ryrmyhÿ tamy: —Manake Macedonia-ò, biwawiohenanykemy. Kia Paulo rasi-ki tuu robire wese. ¹⁰ Tahe tarasi rahureu, tamyhe wylemy aroikemy watxiwãhãreny re. Jiarÿ, Luka, Paulo-wana. Deuxu dori inydeereny rarybereri Macedonia-ò rõkòirenykemy, Rybewehikÿ rikiubÿÿnyreny kemy. Kialemy rõkòhõtinyrenykre.

¹¹ Tahe Troaji hãwã-ribi rõhõnyre hãwò yhywydynalaworo-ki. Samotrasia hãwã-ò imynahyy riõhõre. Ijò txu tahe Niapoli hãwã-ò riõhõre. ¹² Iribi tahe Filiposi hãwã-ò ròirenyre. Juhuludu hãwã rare Macedonia bede-ki. Roma hãwã mahãduõ tule tai rasÿnymy hÿre. Tai txuõ rewyreny re. ¹³ Sabadotxu tahe hãwã-ribi reolõnyreny re bero ijà-ò. Rahõtinyreny re tai ixitòedÿÿna-ò rÿimyhÿremy. Tai tahe hãwyyõ rexibutunymy rÿimyhÿ. Tahe rorokorenyre tamyreny raryberenykemy. ¹⁴ Hãwyyõ Lidia inire, inyrybe-ò tahe roholatyhymy hÿre. Tii Txiatira hãwã luduõ rare. Tii tylÿre ijohodure, tule Deuxu tyhydyÿdure. Inynyrÿ irayky riywinyre Paulo rybe rityhynykemy. ¹⁵ Tahe ibutumy isÿmahãdu-wana riratysebeny re. Tai tahe tamy Lidia rarybere: —Inaanokãbo ityhydyÿkÿdumy watxiwãhãre-wana, wahetoku-kò manakre. Tai tahe iheto-ò ròirenyre irybe-ki.

¹⁶ Aõutxumy tahe ribereny re ixitòedÿÿna-ò. Itxi rekoareny re ijadõmaõ-txi, deõdu rare. Iwo-ki tytybybina ralõmy rÿire. Tai ijadõma relyre inyko aõhebo iny-ò rotÿÿnykemy. Tai sõwemy niuru ritare tawedu-ò. ¹⁷ Tahe waherenymy dyrymy nade: —Deuxu ibuturatyre rare. Iteððÿkÿna mahãdu kia mahãdu rare. Tikiboho rarybemy hÿre timybo iny taõraru-ribi ratakemy. ¹⁸ Tuheka rarybehyy raremy hÿ. Aõutxumy tahe Paulo tai rexirare, tamy rõõsem y reare. Rarybere tytybybina tai ratxireriõ: —Jesuisi Kristu nimy iribi arateõnykre. Bexitakre. Tahe aõwesele iribi rõhõnymy reare.

¹⁹ Iwedu tahe rieryre nieru idi ritaõkre ta rimyreny re Paulo Sila-wana. Retÿhimy rare ywisidyÿdu-ò, hãwã elehyna ube-ò. ²⁰ Tahe ijadõma wedu rarybere ywisidyÿdu mahãdu-ò: —Kaa judeu mahãdu iny hãwãreny dibinadyÿnymy hÿde. ²¹ Tiiboho iny ribedeerynymy hÿre aõ iny bede ywinaren y-di aõkõ. Inyboho Roma hãwã mahãdu rare. Tai kia-ki aõhe

arotÿŶnyõtyhy. ²² Tai tahe sõwemy iny Paulo Sila radõnyre. YwisidÿŶdu mahãdu tahe ityy ibõrõ-ribi ritxuahakÿre idi tahe rityhenymy tuu raõhõtere. ²³ Tuu raõhõtere, tuu raõhõtere, idi tahe rõtenuwõ-õ idi rehurennyre. Rõtenu-di itxeredu-õ rarybere: —Kaa rahenykre-wana, kaile budurukre. ²⁴ Tai rirutere iraru-txi rarutxi-õ iwa ritidire õwõru iwodÿŶwomy raratyheny. ²⁵ Ruetya tahe Paulo Sila-wana rexitõenymy roimyhÿ Deuxu dee. Ijõ rõtenuwoludu mahãdu roholamy rÿimyhÿ tai. ²⁶ Aõwese bede ramytatare. Rõtenu ijõtõbõna rirayre hãbu mynyna iribi rejuxunyre. ²⁷ Tai tahe itxeredu ijõ iraymy idi retehereu, rexirubunykemy tamaydese ritare. Rõtenu woludu mahãdu rahenyramy tii rexinohõtynra. ²⁸ Paulo tahe tamy rryyre: —IxirubudÿŶõmyke, kakile watzixenyreri, ibutuhukÿlemy. ²⁹ Itxeredu rryyre loosõna kidiwykemy tahe ralore ramytatamy brebumy. Paulobohoko-õ resere tatiõhomy. ³⁰ Tahe itxeredu diõlõdÿŶnyde irarutxira-ribi, tamyreny rarybere: —Wanyrÿboho timybohe aratamy arÿike. Aõhebohe arotÿŶnyke. ³¹ Tahe rirawyõnyre: —Inynyrÿ Jesuisi bityhynkrekile, tarasanamy myikre, asÿ mahãdu-wana. ³² Tahe tamy Deuxu Rybe-di ritÿnydÿŶre ibutumy isÿ mahãdu-õ. ³³ Iruule tahe riwisinanyrenyra ibrõ wotõmona risuhõra. Idi tahe itxeredu raratysebenyre tasÿ mahãdu-wana ibutumy. ³⁴ Iribi tahe itxeredu ridyrenyre taheto-õ riroxikemy tahe ibutumy reysanihikÿrenyre, Deuxu rityhynrenyraki.

³⁵ Txu deadeu tahe ywisidÿŶna dinodu ijõ ywisidÿŶna mahãdu riteõnyre, rõtenu-ribi Pauloboho riteõnykre. ³⁶ Itxeredu tahe Pauloboho-õ rarybere: —YwisidÿŶna mahãdu arateõnykre riwateõnyreri. Bõibenye, wowina-di, biõlõnybenye. ³⁷ Paulo tahe rirawyõnyre: —Aõkõre, araõtyhy. Jiarÿboho Roma hãwãhakÿ mahãdu kaa watzixenyreri. Tii riwayhytanyrenyra idi rõtenuwõ-ki riwasÿnyrenyra. YwisidÿŶdu mahãdu wii rotykõhyre riwarõtenyrenyra. Wasimy ka tiu ariõlõnyõtyhy. Tiiboho kodoikreule tahe ariõlõnykre. Tii he riwaõlõdÿŶnykre. ³⁸ Tahe ywisidÿŶna mahãdu tawedu-õ rarybere. Tahe tiiboho ruberurennyre Pauloboho Roma hãwã mahãdu roireki wahe. ³⁹ Tai tahe dõidenyde tamyreny, aõwaxina riõlõnykre. Tahe lãhãmy tamy rexitõenyre. Tutyhy-ki aõkõ lãhã ararutara. Tai riteõnyrenyre, hãwã-ribi rexitarenykemy tamy rexitõenyra. ⁴⁰ Rexitarenyre, Pauloboho tahe Lidia heto-õ ròsere. Ibutumy ityhydÿŶdu tahe wii ritotyrenyre, wii riwiõhenanykemy. Idi tahe riõlõnyre kia hãwã-ribi.

17

¹⁻² Tiiboho rekoarennyre Afipoli hãwãmy, Apõlonia hãwãmy tahe rehe-mynnyre Tesalonia hãwã-õ. Judeu dohodÿŶna hetoõ tai rÿimyhÿreõ. Paulo, iwese aõu riwinymyhÿre wesele rare tamy. Ralore rybe-di rarybekemy. Inataõ sabadomy tai riraynyre tyyriti ritidÿŶna tamy ritÿnynykemy. ³ Rybe hitxina rurukremy tuu relyyre. Tahe Paulo tamyreny ritÿnynyre iwese Kristu durudemy idi dexiixixanyde rubu-ribi. Kia iny rityhynra Jesuisi inatyhymy Deuxu deodÿŶna raré. ⁴ Tahe ijohonadu mahãduõ rityhynnyre. Tule ijõ judeukõdu mahãdu rityhynnyre. Tule ijõ hãwyw wihikÿ mahãduõ rityhynnyre sõwemy. ⁵ Tahe judeu mahãdu dinodu tuu rõhãrumyhÿre. Tiiboho tahe hãbu binahakÿ mahãduõ wii rotyre aõbina ritelenykemy. Tahe ròirennyre Ijasõ heto-õ Pauloboho rimyrenykemy, ywisidÿŶna-õ idi retÿhikemy. ⁶ Tai tahe rahaõhyre tai. Tahe Ijasõ ritarennyre ijõ ityhydÿŶduõ-wana. Tahe ridyrennyre

ywisidÿÿna-ò. Tahe raryberenyre ywisedÿÿdu mahâdu-ò: —Paulo, Silamy urile bedede diòtanymhÿdenyde, aõna aõna binahakÿlemy rotÿÿnymhÿre. ⁷ Ijasò tahe ritirÿmyhÿre taheto-ki. Tiiboho iny òludu roire. Iny iòlòreny rityhynyòtyhy. Jesuisi ka iòlòrenyre. ⁸⁻⁹ Ibutumy iny idi ròhòtinenyre, tule ywisidÿÿna mahâdu rexitònenyre nieru ririkemy. Tai xiery tahe ròhònyke. Tai tahe ririrenyre nieruò.

¹⁰ Kiaru tahe ityhydÿÿduò Pauloboho riwiòhenanymy iribi riòlònykemy Bereia hâwâ-ò. Tahe rehemyhÿreu, dohodÿÿna-ò ròirenyre. ¹¹ Kia hâwâ-ki judeu mahâdu iny awi rare, Tesalonia hâwâ mahâdu wese aòkòre. Teysamy tamy roholarenrya. Idi heka rariara Tyyriti-di, òbitimy Paulo rybe aòbo roirerimy rierykemy. ¹² Tahe sòwemy judeu iny rityhynyre. Judeukòdu mahâduy-ribi sòwemy rityhynyrenyre, hâwyy wihikÿ, hâbu-wana tule rityhynyrenyre. ¹³ Bereia hâwâ-ki Paulo Deuxu rybe ritÿÿnymy raremey. Judeia mahâdu dinodu Tesalonia hâwâ-ki roholareu, tahe doidenyre. Iny sòwe-ò raryberenyre: —Pauloboho bibinadÿÿnyke. ¹⁴ Tahe ityhydÿÿdu seriòre mahâdu aòwesele Paulo riteònyrenyre ahohokÿry-di. Sila, Tximòtxi taile rarire. ¹⁵ Hâbuò rare Paulo-wana Atena hâwâ-ò. Iribi tahe dòòsede hâbuò. Paulo tamy tarybe riwahinyra Tximòtxi Sila-ò, wylemy kanakremy.

¹⁶ Paulo Atena hâwâ-ki riraòreu, tahe robire suritxoole rityhynymhÿreò. Tai tahe tii rabadewore. ¹⁷ Idi tahe Paulo ralore dohodÿÿna mahâdu heto-ò judeu dee rarybekemy, tule judeukòdu ityhydÿÿdu dee rarybekemy. Tahe rarybemyhÿre txuò txuòlemy. Tule hâwâ ube-ki rarybemyhÿre hâwâ-di reamyhÿre mahâdu-ò. ¹⁸ Aòutxumy tahe Epikuriu mahâdu Paulo-txi nade. Estòiku mahâdu ijòre. Tiiboho, aòbo rybe rare kia erydu roire. Tiiboho he Paulo raujòmorenyre: —Aòmy aòkò, kiarybedu rarybereri. Ijò tahe rarybere: —Tii Deuxu tÿmyramy rarybereri. Paulo dori juhuu Jesuisi ixixanamy relymy raremhyÿ. Tai kiamy raryberenryeri. ¹⁹ Paulo tahe ridyrenyre. Tai iny roholamy rÿimyhÿreò ridyrenyre: —Rybe tÿmyramy telyymahâtemy inihe bedellyke wakoreny. Tamy kia rarybere. ²⁰ Aòkòre inihe aõna aõnamy tarybemy atxiteri, aòwitxira witxiramy. Tai aroholarenykemy watxirenryeri. ²¹ Atena hâwâ mahâdu, tule iwitxira bedeluduò tai rasÿnymhÿre, aò tÿmyraòòle roholarenykemy ratxirenryeri. ²² Tahe Paulo rÿire rybenatya-ki. Rexiòrarunymy rarybere: —Atena hâwâ mahâdu, kaiboho Deuxu rybe hyky tahòtìnymahâtenyte. ²³ Jiarÿ hâwâmy rariamy watxireriu, sòwemy xiwena-di retehera. Ijò-di kiamy retehera iritina-di: Kaa Deuxu heka inyò rieryòhymhÿre. Ka Deuxumy kÿny heka akoreny arelykre, teerymahâtenyte-di aòkò tuu tealàmahâtenyte. ²⁴ Ka Deuxu ibutumy bederiwinyre. Ibutumy tuu rÿira tii riwinyre. Tii heka biuwetyy wedu rare, su wedu rare. Aò hâbu widÿÿna heto-ki aòkò tii rasÿnymhÿre. ²⁵ Tii heka tii aòmy reaòtyhy hâbu aò tamy riwahinyòtyhy. Tule tahe inydee ibutumy aõna aõna riwahinymhÿre, ele wesena, umy, ibutumy inydee riwahinyre. ²⁶ Hâbu sohojiò-ribi ibutumy iny ròhònyre iriòre riòremy bedelwitxira witxiramy rasÿnymy rÿirakemy. Urile wiribi rihitxihitxinyre. Tii tamy riteòsinyre, tikibo rasÿnymy rÿirakemy. ²⁷ Ibutumy Deuxu rajemyhÿkemy, raerykemy. Tii dori irehemy aòkò ihÿre iny-ribi. Iny sohoji sohojiò-ribi iòhòmy ratximyhÿre. ²⁸ Deuxu òraru-ki inyboho ibutumy irumy ratximyhÿrenyre, ririranymyhÿre, ihoòkeki tahe aò rikiwinynyòtyhy. Atyyriti widÿÿduò kiamy rarybere: —Inyboho heka Deuxu riòre. ²⁹ Inyboho Deuxu riòre rareki, urile nohòtiòmy womati tÿrÿrÿÿ ritxoo wesemy, womatiura wesemy, manaritxoo

wesemy Deuxu-di nohõtiõmahãbeny. Hãbu rayky-ribi, hãbu debò Deuxu releremy nohõtiõmahãbeny. ³⁰ Ihetxiu tii Deuxu rieryõhyreny. Tai tahe iõrarunareny aõnihikÿmy aõkõ Deuxu dee ihÿre. Wiji bededÿÿnana tahe, ibutumy taõraru-txi ixi-txi nohõti ijaranamy, tai tahe rabedewomhÿkemy. Kia tahe ibutu iny-ò rarybereri, iny taõraru ririkemy. ³¹ Deuxu Jesuisi riixixanyre rubu-ribi. Tai tahe ibutumy tii rityhynyrenkemy ihÿre. Aõtxumy tahe ibutumy iny ywisidÿÿdumy kanakremy ijÿre. Òbitina-di Jesuisi iny ritxuarenkyre kia wiribi hitxi hitxina txuu.

³² Paulo Jesuisi ixixanamy rarybereu, inyõ tuu rirajuare. Ijõ tahe rarybere Paulo-ò: —Ijõ txuu arybe ini aroholatyhykemy watxireri. ³³ Idi tahe Paulo rare iribireny. ³⁴ Ijõ iny tahe Jesuisi rityhynyre, Paulo-ò tahe rixibutunyre. Ijõ Dionisiu inire, Areòpolo heto ube-ki tii iny mahãduõ roholamhÿre. Ijõ, hãwyõ rityhynyre, Damari inire, tule ijõ mahãduõ rityhynyre.

18

¹ Paulo tahe Atena hãwã-ribi ròhònyre Oritxi hãwã-ò. ² Kia-ki tahe judeu mahãdu-wana witxi reare. Ini heka Akila inire. Tii Ponto hãwã-ki raumynyre. Urihimyòle Italia bede-ribi dehemynyde. Prisila ihãwyynire. Iòlò Laujiu Roma hãwã-ribi ibutumy judeu mahãdu diteònyde. Tai heka nade kaweribi-ò. ³ Paulo iaõmysÿdÿÿna rierymyhÿre, tyyheto widÿÿ. Tai tahe tiiboho-wana raijoinymhÿre wiwana raaõmysÿdÿÿrenkemy. ⁴ Sabado txuõ txuõlemy tamy reamhÿre judeu mahãdu dohodÿÿna heto-ò. Tahe ritohonymhÿre, judeu mahãdu judeukõdu mahãdu tule. Tamy rarybere tii Rybewihikÿ òbitimy rierykemy.

⁵ Sila tahe Macedonia bedewe-ribi rehemynyre, Tximòtxi-wana. Paulo tai rybe ritÿnynymhÿhy raremyhÿ. Aõu Paulo rarybere: —Inatyhymy Jesuisi Deuxu deòdÿÿna rare, Kristu rare. ⁶ Katahe judeu mahãdu tamy raykaranany raremyhÿ. Aõbinahakÿlemy Jesuisimy rarybere. Tahe Paulo taty riohowire iixãwidinykemy riteòsinykemy. Tahe tamyreny rarybere: —Jiarÿ aõkõ bede òrarure. Kai aõraruna-di buruke-wana, ahãlubureny waki aõkõ rare, adeereny dori Deuxu rybemy rarybere. Tahe judeukõdu mahãdu-ò sohojile tuu arelyykre. ⁷ Iribi tahe inyõ heto-ò Paulo rare. Txisiu Justu inire. Tii judeukõdu mahãduõ rare, tahe Deuxu rityhynymhÿre. Judeu dohodÿÿna heto bire-ki iheto rÿire. ⁸ Krispu judeu dohodÿÿna heto weduni rare. Tii tasÿreny ibutumy Inynyryÿ rityhynymhÿre. Tule sòwemy Oritxi hãwã mahãdu rityhynymhÿre. Paulo riratysebedÿÿreny. ⁹ Paulo tahe rummy ròrõmy roire. Tai tahe rasina wesemy robire. Inynyryÿ tamy narybede: —Brebuõmy, Paulo. Marybeke aõmybo rybemy adee rewahinyré. Rybe tÿnydÿÿ lau brebuõmy. ¹⁰ Jiarÿ adi watxiwãhare urenana. Inyõ adee aõhe rotÿÿnyòtyhy. Sòwemy iny rÿire kaki watyhydÿÿdu. Kia Jesuisi tamy rarybere. ¹¹ Tai he Paulo bede riijere sohoji beòra weeremy tai bede riere. Ribedeernymhÿre Deuxu rybemy.

¹² Roma dinodu tÿmyraõ ronyre Grecia bedeki. Ini heka Kalio inire. Dinodumy ronyrau tahe, judeu mahãdu wii dotyde. Wii ritobinyre Paulo dee aõbinabinahãkÿ riwinykremy. Tahe tiiboho Paulo rimyrenyre idi kanakremy ywisidÿÿdu dinodu-ò. ¹³ Kiamy raryberenyre: —Paulo, Deuxu deàlànamy iny dibedeernymhÿde. Tai bede ywina rityhynyõhyymhÿre. ¹⁴ Tahe Paulo ixideele rarybekemy ratxireri, tahe Kalio judeu mahãdu-ò rarybere: —Kia rubudÿÿdu ada aõ ibinatyhymy ratxikeki, tai idi arohonykre, ariy-wisidÿÿnanyke. ¹⁵ Tahe aõkõre, urile abede ywina rybedile rarybemyhÿre,

tai ywisidÿÿnamy idi araõkre. Kaibohole biywisidÿÿnanybenyke. ¹⁶ Tahe Kalio ibutumy diteõnyde ywisidÿÿna hetoube-ribi. ¹⁷ Tai tahe judeu mahãdu dohodÿÿna heto wedu rimyrenyre. Sõteni inire. Tule raõhõterenyre ywisidÿÿna heto ube-ki. Kalio tahe kia õhõtena-ò aõhe rotÿÿnyõhyllere.

¹⁸ Oritxi hãwã-ki Paulo rare myhÿre sõwemy he tai txu riwyre. Idi tahe seriõre mahãdu-ò rarybere: —Arakre. Tahe hãwõð-di he rare, reurõkemy Siria bede-ò. Tahe Prisila Akila-wana tii-wana ròrenyre. Paulo Deuxu-ò rarybere aõmybo rotÿÿnykremy. Idi tahe rexihumy kia rÿire. Tai tahe tarade risyre nohõti ijerana wesemy. Sekrea hãwã-ki tarade risyre. ¹⁹ Tahe ritehemynyre Efesu bede-ò. Prisila Akila-wana ririre. Iribi tahe rare tyyriti ritÿÿnyremy judeu mahãdu dohodÿÿna heto-ò. ²⁰ Tii mahãdu tahe Paulo rexitõenyre tai aõutxumy tai ratxunykemy. Tahe rarikõkemy ratxireri. ²¹ Karibi ròhõnyreu, tamy rarybere: —Deuxudeewikeki, ixyby adòðsekre. Efesu-ribi ròhõnyreu, yhydynalawõð rimyre.

²² Ritehemynyre Cesaria bede-ò. Iribi resereu, Jerusalẽ hãwã-ò rare. Tahe rarybere riwehityhynanyre dohodÿÿna mahãdu. Iribi tahe Atxiõkia hãwã-ò rare. ²³ Tai bededÿÿnana riijere idi tahe rara. Rariamy rare hãwã hãwã-di, Alatxia bede-di, Frigia bede-di. Ibutu hãwã-ki ityhydÿÿdu rotohodÿÿnymyhyre, riwiõhenanymyhyre.

²⁴ Iu tahe inyõ judeu mahãduõ dehemynyde Alexÿdria hãwã-ribi. Apòlo inire. Tii ribedeeryny wihikÿmyhyre tyyriti, tarybe-di rotohononymhyre, Deuxu rybe rieryreki. ²⁵ Inyõ Apòlo riernanyre timybo Inynyry Jesuisi aõmydÿÿnana raremy. Tai Jesuisimy ribedeerynymy raremyhÿ, deysanatyhy-di rarybemyhyre. Tii tahe Joaõ ratysebenale rieryre. ²⁶ Apòlo rexidelenymy relyyre judeu mahãdu dohodÿÿna heto-ki. Prisila Akila-wana tai roholamy rononymhyre. Idi tahe tiiboho Apòlo ridyrenyre ibutumy Jesuisi aõmydÿÿnanamy tamy ritÿÿnykemy. ²⁷ Iribi tahe Apòlo ratÿÿnykemy rexiwonyre Grecia bedey-ki. Ityhydÿÿdu seriõre tamy rybe riwahinyre, Grecia ludu seriõre mahãdu-ò, aõma, riryludunykemy, rehemynykeu. Tahe rehemynyreu, sõwemy riwiõhenanyre kia tyhydÿÿdu seriõre, Deuxu ruxetõena ityhydÿÿdu mahãdu. ²⁸ Tii dori judeu mahãdu raykyrybe itxÿte riwitxi-radÿÿnyre iny sõwe hekÿy-ki. Rybetyyriti ritina-di riurihimy rarybere iwese Kristu Jesuisi raremyhÿ wese, Deuxu deòdÿÿna wahe.

19

¹ Apòlo, Oritxi hãwã-ki rareu, Paulo rabetetÿnyre kabedey-ki idi rehemynyre Efesu hãwã-ò. Kowa ityhydÿÿdu mahãduõ-ki he rahare. ² Tamy Paulo ritÿÿraxinyre: —Tetyhynyteu, Deuxu Tyytybytyhy ixidee aõbo temytenyte. Tahe rirawyõnyre: —Aõkõre he, aõmybo tarybeteri. Deuxu Tyytybytyhy reeryõrenyre. ³ Paulo rÿÿraxire: —Taratysebetenyteu, mobohe tetyhynytenyte. Tahe rirawyõnyrenyre ixityre: —Retyhynyrenyre ibutumy Joaõ Sebedÿÿdu riwabedeerynyremy. ⁴ Paulo tahe tamyreny ritÿÿnyre: —Joaõ sebedÿÿna urihimyõ iwitxi rare. Tii kiawese rybe ritÿÿnyre: iny taðraru-txi tõhõti reakemy. Tahe Jesuisi Juaõ hewo-ribi kanakreu, tii tahe inatyhymy kanatyhydÿÿkre. Paulo kia tamyreny rarybere. ⁵ Kia-ò roholareu tahe, raratysebenyre Inynyry Jesuisi nimy. ⁶ Paulo iratytire tebò ritidire, tai Deuxu Tyytybytyhy tamyreny ralore. Tahe Deuxu rybemy raryberenyre, tule iwitxira rybemy raryberenyre. ⁷ Waõinatxi reurõ hãbumy rÿiramy.

⁸ Inatao ahadumy Paulo reamy raremyhÿ judeu dohodÿÿna heto-ò. Tiemy rarybehyymyhyre, riòbitinymyhyre, Deuxu Iòlònamy ritÿŶnynymyhyre. ⁹ Paulo-ò ijohonaduò rityhynÿòhyymyhyre, teramy reamyhyre. Deuxu aomÿdÿÿnanamy ibinamy rarybemyhyreny iny sòwey-ki. Tai tahe Paulo rexi-hitxinyre judeu dohodÿÿna heto-ribi. Txirano kìa tyyrity rybena heto-ò txuò txuòlemy ralòmyhyre taerydÿÿna-wana. Tahe rabeederynymyhyre. ¹⁰ Tahe bede riere inatxi beòramy. Tai tahe ibutumy iny Asia bede ludu mahadu Inynyrÿ rybe-ò roholamymyhyre, judeu mahadu, tule judeukòdu mahadu. ¹¹ Deuxu aona aona wiwihikÿ riwinyre Paulo debò rihuòtere. ¹² Paulo tykyyre riwyrenyre webinadutyre ritidirenykremy. Tyky òsuròna wesemy ijòmy riwyre. Tai tahe webinadu riteytenymyhyre. Tule tytybybinahakÿ iny-ki raremyhÿu, aòwesele iribireny ròhònymy reare tykyyre òraru-ki. ¹³ Ijò judeu mahaduò ratÿinyre hāwā hāwā-di inyò ribi tytybybina ritakemy. Tiiboho tytybybina riteònykemy idi ratxirerì. Tai tahe Inynyrÿ Jesusini-di riteònyre. Kia wesemy rarybere: —Paulo, Jesusi rybe ritÿŶnynymyhyre, tai Jesusini òraru-ki iribi bòhònykre. ¹⁴ Debòinatxi seriòre kìa riwinyre. Sewa tybynire, judeu xiwena widÿÿdu kìa wedu tii rare. ¹⁵ Tahe Jesusi ni-di tytybybina-ò rarybereu, tytybybinaò dirawyònyde: —Jesusi reeryre, Paulo reeryre, tahe mobò atxiteri. ¹⁶ Tahe hābu tytybybina-di ratxirerì, ityrehekÿle dexi-watxinyde, rihetenyre, ibutumy riwotòmonyre ityky ritare tai hetowo-ribi hābu mahadu tadehekÿlemy rahenyre. ¹⁷ Ibutumy Efesu hāwā mahadu kìa reryreny, judeu mahadu, judeukòdu mahadu. Tahe ibutumy ruberure, Jesusi ni nityhydÿÿhÿkÿmy ini raremyhÿki. ¹⁸ Sòwemy ityhydÿÿdu taòrarureny riixitòedÿÿnymyhyre, dohodÿÿna mahaduy-ki. ¹⁹ Ijò ityhydÿÿdu juhū tytybybina rerymyhyreny, tiiboho tahe tatyryti diwyde itxenadÿÿmy rybe-tyryti, òwòruwidÿÿ kìa tyryti. Tahe iny retehemyhÿreruki kìa tyryti sòwemy ritoonyre. Idi ibutu tyryti juhū òwy wese inyò riritinyre. Iòwy tahe 50 mīl womati ura nieru juhū iòwyre. Ihārele tahe idi rahure. ²⁰ Ibutumy kìa bede mahadu Deuxu rybe-di ròhòtinihikÿreny.

²¹ Idi tahe Paulo tarayky-ki ròhòtinyre: —Judeukòdu mahadu bede-ò arakremy ixi-di watxiwāhāre. Juhū Jerusalē-ò arakre Macedonia bede-di Akaia bede-di arariamy arakre. Adòòsekure, tahe Roma hāwā-ò arakre. ²² Tai tahe tawìòhedÿÿdu Tximòtxi, Erasto-wana Macedonia bede-ò riteònyre. Tai Paulo Asia bede-ki naride. Bededÿÿnanaò riwyre.

²³ Kia bededÿÿnanau aòbina nihikÿ rÿikemy riwisÿnyre Deuxury òbitina òraru-ki. ²⁴ Dimitiu heka womati tÿrÿrÿ ura ritxoo widÿÿdu rare. Hāwy ritxoo ihāwāreny deuxu rare. Diana inire. Nieru sòwemy ritamy raremy idi riwinymyhyreki. ²⁵ Dimitiu ributunyre ibutumy womati ritxoo widÿÿdu, tamahādu-wana. Tamyreny rarybere: —Wanyrÿboho adeereny ararybekre. Inyboho nieru ritamymhyreny kaa aomÿsÿdÿÿki. Kia tahe teertyenyte. ²⁶ Paulo rarybemyhyre kaa inywidÿÿnareny deuxu aòkò rare. Tai tahe sòwemy iny tamy nariade irybe-di. Efesu hāwā sohojile-ki aòkò, ibutumy Asia bede-ki irybe rityhynymyhyre. ²⁷ Iny aomÿsÿdÿÿna òsana riixāwididÿÿnykre, ideuxu dohodÿÿna heto-wana, iny deuxu reny riixāwididÿÿnykre. Diana inyluure. Kaki sohojile aòkò inyluure, ibutumy Asia bede-ki, tule bede bede ludu iluu inihikÿmy awireki. Paulo heka kìa ibutumy rahukre. ²⁸ Kia roholareu tahe, raykarananyreny. Ryryreny: —Diana awi rare iny-deereny. Tii Efesu hāwā deuxu rare. ²⁹ Rirajuamy rÿimymÿ hāwā-ki. Hāwā mahadu, Kaio Aristarku-wana rimyreny tahe ridyreny butunaube-ò.

Tiiboho Paulo tÿimahãdu rare, Macedonia hãwã mahãdu rare. ³⁰ Tahe Paulo ralòkemy rexiwonyre tatÿi mahãduhe-ki, iny sòwey-ki tahe taerydÿÿna ijoiriritÿre. ³¹ Tule ijò bededinoduò, Paulo wiòhedÿÿmy ratxireri. Tai tarybereny Paulo-ò riwahinyre ibutunaube-ò raòkemy, brebunamy roireriki. ³² Tiilemy ijò rarybemyhÿre. Ijò iwitziramy rirajuamyhÿre. Urile wimy rauriurire. Aòherekibo ibutumy rÿireri, iny rieryòhyre. ³³ Alexÿdre iny sòwey-ribi rimyrenyre tahe, idi retÿhire, ritamadÿÿnyre iny rudera-ò. Alexÿdre debò riteòsinyre tamahãdumy rarybekemy. ³⁴ Iny sòwemy idi retehereu, judeu mahãduò raremy rieryreu tahe rirajuatyhyre. Tahe inatxi òramy rirajuahyy rÿimyhÿ: —Diana awi rare. Tii heka Efesu deuxu rare. Kiamy rryrenyre. ³⁵ Idi tahe hãwã weduò riixãwididÿÿnyre. Tahe rarybere: —Hãbu, Efesu hãwã mahãdu. Ka hãwã Diana hãwã rare. Kaki tohodÿÿna heto reyrubuwãhãrenyre. Kaki biu-ribi mana ritxoo desede. Ibutumy kia reeryrenyre. ³⁶ Kia inatyhy rare. Tai tahe rikiyrymy rokorokorenykre. Aòwesele aòwidÿÿomy. ³⁷ Kaa hãbu tedytenyteri. Aòhe rotÿÿnyòreri. Aò-di rawasinyòhyreri dohodÿÿna heto-ribi. Aòbinahakÿ iny hãwyy deuxumy raryberenyòhyreri. ³⁸ Dimitiu tamahãdu-wana aòbo tai reny ibinamy ihÿrenykeki, ywisidÿÿdu-ò idi rakre. Tiiboho heka wii ributunymy rÿireri. ³⁹ Ijò rybe tahe atxibenykeki, ijohonadu mahãdu adibutunyre arybe-ò aroholarenykemy. Iwese inyboho rotÿÿnymyhÿre wese arieryrenyre. ⁴⁰ Roma hãwã dinodu òsana aòmybo inymyreny kanarybekre. Wijii inyboho aòhebo rotÿÿnyrenyrimy. Aò kÿnyhe iò-ki ka wijii jei jei rÿireri wahe. Roma hãwã dinodu tarybe kidiwahinykre-wana wahe, timyhe warybeòna. ⁴¹ Tahe riixãwididÿÿnyre. Ròòsere ibutumy.

20

¹ Kia jei jei rybe rexihureu, Paulo tahe taerydÿÿna mahãdu-ò tarybe riteònyre tiiboho kanakemy. Tahe rakrekou tyremy tamyreny Deuxu rybe-di rotohonnyrenyre Deuxudeewimy rierykemy. Idi tahe ritobinyrenyre. Rare heka Macedonia bedè-ò. ² Ibutumy titxibo rexitomonymyhÿ rito-hodÿÿnymyhÿre ityhydÿÿdu mahãdu-ò. ³ Tahe Akaia bedè-ki heka bedè riijere inataò ahãdu. Tahe rexiwinymyhÿre ratximyhÿ Siria bedè-ò rakremy hãwò-di ridymyhÿredi heka rakremy rexiwinyre. Idi tahe judeu mahãduò irubudÿÿmy rarybemy nyimyhÿ. Inyò Paulo rierydÿÿmy, tai ta Macedonia bedè-di ròòsere Siria bedè-ò rakemy. ⁴ Hãbuò ramyhÿre tii-wana Jerusalè-ò, ta kamahãdu Asia bedèòle he roirenyre. Sopatu ijònire, tii heka Bereia hãwã mahãdu rare, Biru heka Sopatu tybyni rare. Aristarku ijòre, adelahelÿÿna ijòni rare, tiiboho Tesalonia hãwã mahãdu rare. Ijò Kaio inire, tii Debi hãwã mahãdu rare, Tximòtxi ijò rare. Tule ijò Asia bedè ludu rare, Txitxiò ijò, Trofimo ijòre. Rarekie. ⁵ Kiaboho juhutyhy rexiraòmy roirenyre. Paulo riraòmy Troaji hãwã-ki. Tule riwaraokre —Luka jiarÿ ka tyryiti widÿÿdure. ⁶ Worana bedehesi ituereu tahe, jiarÿ Paulo-wana roirenyre heka hãwò-di Filiposi hãwã-ribi. Iruyre txu rÿidi tahe rehemnyre. Troaji hãwã-ò. Taita sohoji semanamy rewyyrenyre.

⁷ Tahe nobiutxu ityhydÿÿdu mahãdu iny wi ributunyre, Inynyry mona, rÿÿÿna-wana tuu rihitxinymy rirÿÿkemy. ⁸ Tahe Paulo iu rybe ritÿnyrenyre itxu biòwamy rexiwinymy rÿimyhÿ tahe rakremy. Urile tahe rarybereri hyky tahe ruetya he wihe ritotynymyhÿrenyre. Hetoranoa-ki biu-ki rÿimyhÿre. Kanoòtyhy-ki rabuturenyre. Tiu Paulo rarybemy rarybemy rexihukòhyre,

biurasòmý rakreki. Tahe sówemy heka lamparina rýimyhýre. ⁹ Ronymyhý, moma iníre, Otxiu. Aõma-ki ronymyhý, heto janela tyre-ki biu-ki. Ta tòhòti rosare, ròròmý resere. Iribi reare, biuribihikýle resere suò. Rurure. ¹⁰ Tahe Paulo robehe my rare tamy. Tatiowotimy resere weryrybò rimykremy iwetya-ki. Paulo rarybere: —BedeòtiidýŸòmýke irulemy roire. Deuxu ixiby iumy tamy riwahinyre. ¹¹⁻¹² Weryrybòmý irumy robirenyreu tahe, ibutumy reysarenyre. Tai tahe Inynyrý bemona, rýsýna-wana tuu rirýsýrenyre biu-ki wahe. Paulo ixityre rarybere. Txu iòlò iòlòmý rareri-wana tahe rarybere. Tahe Paulo rare. Tatilemy rare Aso hāwā-ò. Tii tamy tarybe ririrehe: —Kowa ahyhywydyna lawò arimykre.

¹³ Tahe jiarý, Luka, wamahādu-wana roirenyre yhywydynalawò-di Aso hāwā-ò Paulo-wana rekoarenkyemy. ¹⁴ Rehemynyrenyreu tahe, Paulo ralòmý yhywydyna laworo-ki. ¹⁵ Imytxubiòwa tahe Kio hāwāko-txi rehe-mynyre. ijò txu tahe Samosi hāwā-ki rehemynyre. Ijò tahe rehemynyre Mitilene-ò. ¹⁶ Paulo ixitamadýŸ deramy reare Efesu hāwā-ò. Raelelemy ratximyhý Jerusalē-ò rehemynykemy, aõma, Pentecoste kia judeu worana bedehesi-ò raelelere.

¹⁷ Tahe Miletu hāwā-ki rehemynyreu, dohodýŸna matuari mahādu tamy he rarariòwyre tamy rarybekremy hāwò-ò kedehemynykemy. Tahe Efesu-ribi ditehemynydeu, kia tamy rarybere: ¹⁸⁻¹⁹ —Tahe tiemy Asia bede-ki Inynyrý-ò raaòmýsýdýŸhy watiwāhāre. Aõmy aõkò ixidee rahòtinyinwāhāre. Rahinyinmahāre, Inynyrý dee rybe retýnynmahāre. Warube resehy watiwāhāre. Tai ta brebuna nihiký waumy-di rarewāhā. Judeu mahādu heka sówemy wamy rarybemy riwarubunykemy. Kia ibutumy aõmydýŸnana teertyenye. ²⁰ Tiu raberuòhywāhāre Inynyrý nimy rybemy. Ibutumy rarybewāhāre iny sówey-ki tule heto hetowomý relymahāre. ²¹ Judeu mahādu-ò retýnynyre tule judeukòdu mahādu-ò taòraru ririkemy Deuxu dee taòraru-txi tòhòti reakemy rabedewokemy. Tule Jesuisi Kristu rityhynykemy. ²²⁻²³ Katahe wiji arakre karibi Jerusalē hāwā-ò. Deuxu Tytybytyhy heka wadee dyrymyhýde. Aõhebo arotýŸnykre, reerykòre. Kiale reerywāhāre, aõma, Deuxu Tytybytyhy wadee rarybemyhýre ibutu hāwā-ki, aõma, aõhòkýmy arotýŸnykre kowa. Rotenawo-ki aoirake. Myle reeryre. ²⁴ Tiemy tamy raaòmýsýdýŸmahāre. Kiale wadee Inynyrý Jesuisi rewahinyre urenana. Kia ariwinyòeki, aõ aõkò heka jiarý waumy-ki. Tii arelywāhāke inyko-ò rybe týmyra wihiký, timybo Deuxu inyluurenyre. ²⁵ Araerynanywýhýrenyre Deuxu iòlònamy, wamy tahe bobibenyòtyhy ixityre. Kia reerywāhāre. Jiarý tule umyreny arobiòtyhy. ²⁶ Tahe adeereny aõmybo ararybekre. Ryrany my heka watiwāhāre ibutu hālubu-ribi. Kaiboho aòraru-di burubenykeki, jiarý aõkò tuure. Inyò wamy rarybeòtyhy aõma Rybewihiký-di jiarý itýnynyòmahāremy. ²⁷ Tiemy rarybehyy rarewāhā ibutumy Deuxu bede ywinamy. ²⁸ Tai tahe ixi-di awimy boibekre. Iwese budoeni itxeredu tamy rýsýna riwahinyre wese, kaiboho ityhydýŸdu mahādu-ò Deuxu rybe tamyreny biwahinybenykre. Deuxu dohodýŸna mahādu tii rare. Jesuisi tahālubu-di tii riwyre. Tai tahe ityhydýŸdu mahādu wiòhedýŸdumy kaiboho toite. ²⁹ Karibi arohonykre, aixeredu mahādu kanakre. K reeryre. Adeereny òbitimy aõkò rierynanykre. Tiiboho ahola wesemy ratximyhýrenyre. Iwese budoeni-ò imynymy ròsemy ramyhýre wese heka kedehemynykre. ³⁰ Inyò heka aityhydýŸdu seriòre yribi iwitxira aõna aõnamy

kidiernanymyhykre. Taijoi kididymyhykre tarybe-ò ijohonamy. ³¹ Tahe biijemy boibekre. Inataõ beòramy awana rarewāhā. Kiamy rarybereri, iribi nohõtilosarenyōmy. Txu-wana, ruwana adireny ròrenyāhāre. Rahinymy heka aòrarureny-ki watxiwāhāre. ³² Tahe ararirenykre Deuxu-wana ixi-di he awimy renykre. Tii heka adireny rarekre. Tii tahe nohõtilosarenyōmy, boibekre Deuxu rybe-di. Tii heka riwiòhenanykre atyhyna raumynykre. Deuxu riywinyre wahe adee reny aõna aõna wiwihikỹ riwahinykre òbiti mahādu-wana kia bitabenykre. ³³ Tiu heka jiarỹ ijõ hābu-ribi nieru tarasamy rahõtinyõhyimahāre tyy wiwihikỹ tarasamy raruõhyimahāre. ³⁴ Tiiemy wadebò-ribi hyy hyy raaõmysỹdỹmy rarewāhā waaõmydỹnana òwydỹmy. Tule rewiohenanywāhāre tii-wana watxiwāhāre mahādu. Kaiboho teerytenyete kia. ³⁵ Ibutumy rewiohenanywāhāre iaõkõ mahādu kia heka tuu tabitenyete kia rewinyimahāremy. Teerytenyete timybo Jesuisi rarybere: —Biwahinybenyke, kia dori iny-ribi ritamyhyre ratyre awi rare.

³⁶ Tahe rybe-ribi rexihureu, tatiowotimy rotamanyrenyrene wiwana rex-itòenyrenykre. ³⁷ Tahe rahinyrenyrene, rimyrenyrene tamy wòrenyrene, aõna rakreki, kia-ki rexityhenyreri tamyreny. ³⁸ Tiiemy rabadeworennyrene tiu tuu robirenyõkre. Tahe hāworo-ò tiiboho-wana roirenyrene.

21

¹ Iribi ròhònyreu tahe, òbitihyy rare Kòsi hāwā-ò. Ijõ txu tahe Rodesi hāwā-ò ritehemynyrene. Iribi tahe Patara hāwā-ò ritehemynyrenyrene. ² Tai tahe rahare hāwò-ki, Senisia hāwā-ò rakremy rexiywinyreri. Roirenyrene kia yhywydynalawò-di tahe rorukurenymy ròirenyrene tamy. ³ Xibri bedebute weribi-ò reurora, inyhywenawe-ribi Siria bede weribi-ò. Tahe ritehemynyrene Tiro hāwā-ki. Tai tahe hāwò-ribi aõna aõna-di rekoarennyrene. ⁴ Tamy roirenyreu tahe, rỹraxirenyrene kahāwā ityhydỹdu mahādumy. Tai raharennyrene. Sohoji semanamy bede tiiboho-wana wadireny rỹre. Kiaerydỹna mahādu heka Paulo dee raryberenyyrene: —Aõma noõmykre Jerusalē-ò. Deuxu Tytybytyhy tuu tamyreny rarybemyhyre. ⁵ Tahe semana ituereu, diòòsedenyde ixyby hāworo-ò. Ibutumy diberenydenyde ityhydỹdu mahādu tiiboho-wana ýnyra-ò, hāwyy, uladu, ibutumy. Tahe rexitòenyrennyrene. ⁶ Ritobinyrennyrene tahe, riòòserenyrene heto-ò ixyby.

⁷ Idi tahe Tiro hāwā-ribi rare. Tahe Tolimaida hāwā-ki ityhydỹdu mahādu rerybewāhārennyrene txu sohojilemy bede reijerenyrene tai. ⁸ Ijõ txu biòwamy tahe roirenyrene Cesaria hāwā-ò. Tahe Filipisỹ-ki rasýnyrenny Rybewihikỹ-di tỹnydỹdusỹ-ki wahe. Tii juhuu aõma ityhydỹdu mahādu wiòhedỹduò juhutyhy rare. ⁹ Tii heka inaubiòwa iriòre rare. Tahe heridu aõkõ ijadõma mahādu rare. Ijadõma mahādu heka Rybewihikỹmy rybeduõle rare. ¹⁰ Tahe aòutxu taile watxiwāhārennyrene. Tahe hābuò dehemynynde Judeia bede-ribi, moma inire Abusi. Tii tule Deuxu rybe-di rarybemyhyre. ¹¹ Idi tahe nade inyorarenymy. Tahe rimyre tii Paulo wereysana. Tawahe idile rimyre rexitaare tebò-wana. Idi tahe rarybere: —Deuxu Tytybytyhy wa kiamy rarybere: —Kia wereysana wedu heka iwese rataataamy raire wesele heka tule rataataamy rỹkre Jerusalē-ki judeu mahādu heka kia riwinykre ta riwahinykre judeukõdu mahādu-ò. ¹² Tamy raholarennyreu tahe, raryberenyyrene Paulo dee raõkremy Jerusalē-ò. Jiarỹboho raryberenyyrene tamy tule ijõ tule tamy raryberenyyrene. ¹³ Tahe Paulo rarybere: —Hirenyõmyke, tiwabe-dewodỹnytenyteri. Rxiywinymy watxireri Jerusalē ròtena-ò aralòkemy.

Tamy sohojile aõkõ kŷny, tule Deuxu dee wikeki tahe arurukre Inynyryñi òraru-ki. ¹⁴ Tamy heka Paulo nohõti rareadýŷrenyõke tiiemy tanonanamy rara. Tahe rarybemy rahudi kiamy tarybe-ò resere Deuxudeewilemy rotýŷnymy ratxike.

¹⁵⁻¹⁶ Iribi tahe iny aõna aõna rexiywinymy Jerusalẽ-ò roirenykemy. Ijõ ityhydýŷduõ Cesaria-ribi iny-wana roirenyre. Tahe retehemynyrenyre, Menasõ heto-ki rasýnyrenykemy ityhydýŷdu riwadyrenyre. Menasõ heka juhutyhy ityhydýŷdumy ralõmy raremyhŷ. Juhuu tii Xibri bedebute-ki rasýnymy raremyhŷ.

¹⁷⁻¹⁸ Jerusalẽ ityhydýŷdu mahãdu ibutumy awimy riwamyrenyre. Jiarŷ, Luka wahe, Paulo-wana, ijõ ityhydýŷdu-wana. Ijõ txu biõwamy tahe Paulo riwadyrenyre Txiaumy robikremy. Tule ijõ Jerusalẽ dohodýŷna matuari mahãduõ tai ronyre. ¹⁹ Wirirybenymy rahudi tahe, Paulo tamy relyyre aõhebo Deuxu tamy rotýŷnyremy. Tímybo judeukõdu mahãdu Deuxu rityhynyremy. ²⁰ Kiamy roholareu, Deuxumy reàlãrenyre ibró-kí. Tai tahe inyõ rarybere: —Paulo, sõwemy judeu mahãdu rityhynyre. Kai teeryte, inyseriõre, ibutumy judeu mahãdu bede ywina riywinymy ratximyhŷhy. ²¹ Inyõ umy rarybere, raroimyhŷre kaki Jerusalẽ-ki. Judeu ityhydýŷdu mahãdu-ò rarybere: —Paulo he Moisesi bede ywina-ribi nohõtirasakemy tii riteõnyre. Paulo riernanyreri judeu ityhydýŷdu mahãdu-ò kia judeukõduy-ki rasýnyre mahãdu-ò. Kia inyõ riki rarybere, Paulo uladunotyky resyna riteõdýŷõreki riki. ²² Tii kŷnyhe roholarenykre kaò tehemynterimy. ²³ Tai kiamy rikiwinyrenykre. Inaubiõwa hãbu katxi rare tarade riwysynykremy. Deuxu-ò tarybetyhy riwahinyrenyre, tai tahe tarade riwysynykremy. ²⁴ Kai tule makre iwesele arade riwysynykre Deuxu dohodýŷna heto-ò. Tahe iradereny synaõwumy biõwynykre. Tai tahe ibutumy aluukre judeu mahãdu bede ywina tetyhynmahãteki wahe. ²⁵ Aõ inyboho ka judeukõdu mahãdu. Ka bede ywinaõ rityhynykemy aõkõ tuu iny ratxirenyre. Kaa adeereny tuu rarybewãhãrele rityhynyrenykemy: —Ka aõma rŷsýna ritxoo rŷsýnamy iwahidýŷnalemy irŷsýõmy, tule irõdude ihãlubu iijeradýŷõreri, uritere irŷsýõmy, tule òta òta òraru widýŷõmy. ²⁶ Tai tahe Paulo rarybere: —Hŷde, tii ariwinykre. Tahe Paulo rare Deuxu dohodýŷna heto-ò kia hãbuõ-wana. Tahe ibutumy iny rieryre xiwenaõ riwinykre wahe, tamy dori raryberenyre.

²⁷ Tahe debòinatxi reurò txu-di riwinykremy. Idi ka debòinatxi reurò txu rexihudi tahe iõhõmy. Tahe Asia bede ludu judeu mahãduõ tuu robira. Tiiboho iny-ò rarybere Paulo rimykre. ²⁸ Sõwemy iny tamy wi rotyre Paulo òludumy. Tiiboho kiamy rirajuarenyre: —Haeli mahãdu, wylemy bodoike. Biwawiõhenanybenyke. Ka hãbu ratxireri iny bede ywinareny òludumy ritýŷnyymy rŷimyhŷre. Iny dee narybemyhŷde judeu mahãdu bede ywina rityhynyõkemy, tule iny Deuxu dohodýŷna hetomy, judeukõdu kawo-ò didyde tai tuu ribinadýŷnyreri. ²⁹ Juhuu tahe ijõmy robire hãbuõmy hãwãhãkŷ-ki Paulo-wana ratxirerimy. Trofimo inire. Tii heka Efesu hãwã mahãduõ ityhydýŷduõ rare, judeukõdu mahãdu aõkõ tii ihŷre. Tahe judeu mahãdu rõhõtinyre Paulo dohodýŷnahetowo-ò Trofimo ridyramy. Tahe Paulo ridyõlere. ³⁰ Tahe sõwemy iny rakyarananyre tamy, aõma kia hãwã hãkŷludu mahãdu. Sõwemy iny rarybemy rŷimyhŷ, rajeijeimy rŷimyhŷ. Paulo tahe retŷhirenyre dohodýŷna hetowo-ribi, ijõtòbõna riratòbõnyre. ³¹ Tahe rirubunykemy ritelenyre heka. Tahe soldado dinodu tyhy roholare aõma ibutumy

Jerusalê hãwã-ki jei jei-di rÿireri. ³² Tai tahe soldado tawedu diteònyde kia tai jei jei mahãdu rÿireriò. Tahe soldado robirenyrau, riixãwidinyrenyre, Paulo òhòtedÿÿ-ribi. ³³ Kia soldado wedu tyhy Paulo mynyny riteònyre. Tahe ritaataarenyre womati reroti-di. Tahe rexitòenyre kia inydee mobo he ratxireri. Aõhebo he tii rotÿÿnyrerimy. ³⁴ Ijò heka iwitxiramy rarybemyhÿre, ijò tilemy rarybere. Tai tahe soldado dinodu bede rieryòhyrya timyrebomy, ibutumy iny rirajuareki. Tahe ridykemy riteònyre. Tahe soldado heto-ò Paulo-di roiremyre. ³⁵ Ryòwòna-di rotuòrau tahe, hãwã mahãdu aòkòre he reburera. Soldado mahãdu Paulo taaxiò tyre ritidimy idi rara iny rimyheny. ³⁶ Iny he rirajuamy rarybemyhÿre: —Bidybenyke, birubunybenyke wahe. Myhe soldado mahãdu hewomy rirahumyhyre.

³⁷ Tahe rirònykremy roirau tahe, Paulo soldado dinodu-ò rarybere: —Adee inihe wanyrÿ, ararybekemy watxireri. Tahe soldado dinodu ritÿÿraxinyre: —Kai aõbo kreku mahãdu rybe teeryte. ³⁸ Kai jiarÿ araeryre. Kai Egito mahãdu dinoduò tate, ibutudÿÿdu wedu tate. Kai 4000 iny aõbina widÿÿdu tedyte bederahy-ò. ³⁹ Aòkòre, Paulo dirawyònyde, tii aòkò watxire. Jiarÿ Roma hãwã mahãdu tyhyre jiarÿ rare. Wahãwã, Tarso hãwã rare, hãwã riòre aòkò Silisia bede-ki. Judeu mahãdu tule jiarÿ rare. Kaki iny mahãdu-ò ararybekemy watxiwãhare. ⁴⁰ Tahe soldado Paulo —ò rarybere: —Tahe marybeke. Tahe lamamy rÿire inydee rarybekemy. Paulo tebò riteòsinyre riijohonadÿÿnykemy. Tai ibutumy iny riyrymy rÿirenyre. Judeu mahãdu rybe-di tamyreny rarybere.

22

¹ Kawese Paulo tamyreny rarybere: —Waseriòre, waluuboho, wabed-edÿÿnanamy adee arelyykre. Wamy bohولاتyhyke.

² Judeu mahãdu rybe-ò roholareu tahe, riyrytyhymy rorukurenyre. Tii heka rarybere: —Jiarÿ judeu mahãdu jiarÿ rare. Raumynyre Tarso hãwã-ki. Kia Silisia bede-ki rare.

³ Kaki Jerusalê-ki ratyritinymy rarewãhã, Kamalie ninadu tyritina-ki. Ibutu Judeu mahãdu bede ywina bede reeryre Kamalie-wana. Ibutumy Moisesi bede ywina-di riwaerynanymyhyre. Tii tahe reywinywãhare, retyhynytyhywÿhyre. Ibutumy Deuxu bede ywina ariywinykemy ixi-di rahòtinywãhare iwese wiji iwidyÿmy tarutenyteri wesele wahe. ⁴ Jiarÿ ka ityhydÿÿdu mahãdu aòhòkÿmy rotÿÿnymyhyremy reteòwãhare ihyyle ijò rubudÿÿmy reteònywãhare. Hãbu hãwyy-wana reròtenywãhare ròtenawo-ò.

⁵ Waaòmydÿÿnanamy bierybenykre-wana, tamy marybeke dohodÿÿna wedu-ò, matuari mahãdu-ò. Dohodÿÿna wedu tyriti rewyre Damasus hãwã dohodÿÿna heto-ò. Tai tahe tyriti-di risÿnyre ibutumy ityhydÿÿdu mahãdu aòhòkÿmy rotÿÿnykemy, tule womati reroti-di rataataakemy Jerusalê-ò kididykemy. ⁶⁻⁷ Iòhòmy txutyemy iijira-ò, Damasus hãwãry-ki watxiwãhã. Tahe loosòna itÿnyhÿkÿmy wadee dehemynyde. Bedetxile resere. Tahe rybeò raholare: —Salu, Salu, aòherekiwexe aõbina binahakÿle wadee tadiwinymahãte. ⁸ Tahe jiarÿ rarybere. Mowexe wadee rarybereri, Wanyrÿ. Tii rarybere: —Jiarÿ Nazare ludu watxireri, Jesuisi. Kai aõbina binale wadee tadiwinymahãte. ⁹ Hãbu wawana rÿimyhÿ, aò rieryòhyrye aõmybo wadee rarybemyhÿre tahe loosònamy he robirenyre. ¹⁰ Tai tahe rarybere jiarÿ: —Aòwexe ariwinykre, Wanyrÿ. Rarybere: —Myike wahe, make Damasus hãwã-ò. Tai tahe inyò adee kanarybeke aõbo biwinykremy. ¹¹ Tai tahe rabiòmy rãiwãhã kia loosòna ritÿÿrÿhÿkÿreki. Tai wabiòwa

ryy wadee ritÿnyre wadebò-ki riwamymy Damas-ò arehemynykemy.
¹² Tai tahe hàbuò wadee rehemynyre, Ananiamy ninadu. Tii heka Deuxu tyhydÿduò rare, bedede ywina rityhynymyhyre, ibutumy Judeia mahàdu, Damas hāwā-ki heka tuure. ¹³ Tii tahe wadee rarybere: —Waseriòre, Salu, aruebimyké ixityre bobikemy. Aõwesele tahe rabimy reare. Ananiamy rabire. ¹⁴ Tahe ixityre wadee narybede: —Inytyby Deuxu juhuu aratare, aõbo tamywimy bierykemy. Tule Jesusimy bobikemy, Deuxu òbiti hàbu. Tule boholakemy aõbo tii adee kanarybekeò. ¹⁵ Tai tahe biwykre irybewihikÿ tÿmyra ibutu bedede iny-ò. Belyyke timybo taholatemy, tabitemy. ¹⁶ Tai tahe rooreheòmykre. Wijile makre maratysebekre. Aòraru-ribi yrahakÿlemy mabekre, Wanyrÿnimy tetyhynyte xiery. ¹⁷⁻¹⁸ Idi tahe Jerusale-ò rehemynyre wahe, aòutxumy ixitòenymy rarewÿhÿ Deuxu dohodÿÿna heto-ki. Tai raholarerasina wese-ki aõma Deuxu wadee rarybererimy: —Wylemy bòhònykre Jerusale-ribi. Warybemy tamy marybekreu, rityhynyrenyòtyhy. ¹⁹ Tahe Inyinyrÿ-ò rarybere: —Ibutumy hāwā-ki aityhydÿdu mahàdu rehātenyre, rewotomonyre, reròtedÿÿnyre. Ibutumy kaki kia rierymy roimyhÿre. ²⁰ Arybe tÿnydÿÿdu rirubunyreu, moma Estevaò, jiarÿ taile watxiwāhāre. Rewiòhenanywÿhÿ irubudÿÿdu mahàdu tyy reyruunyreu aõma mana-di rihurenyreu wahe. ²¹ Tahe Deuxu wadee rarybere: —Bòhònykre wa Jerusale-ribi. Irehetyhymy arateòkre judeukòdu mahàdu-ò. Kia Paulo tamyreny rarybere.

²² Tahe kia iny roholamy rÿimyhÿre kia Paulo iximy relyyreò. Tahe raykarananymy rryre: —Bidyke karibi ahana-ò, birubunyke. Irumy rareòkre idi watxiwāhārenyre. ²³ Tatyky riohowire, brybysi-di biu-txi rehure, rryrimyhÿrenyre. ²⁴ Soldado dinodu tahe riteònyre iwo-ò ridyrenykemy awaru òhòtenahāÿ-di tuu raòhòtekemy. Soldado dinodu rierykemy ratxireri aòherekibo iny tamy rakyarananyraki wahe. Tii rarybekre òsana tuu raòhòtekeki. Kia soldado dinodu rōhòtinyre. ²⁵ Tahe Paulo ritaataarenyre. Imy rahudi tahe Paulo rarybere soldado dinodu-ò: —Jiarÿ Roma hāwā mahàduò rare. Wamy maòhòtebenyòtyhy, aywisidÿÿna mahàdu wadee roho-laòre tebutunyòteki. Kia riwadÿÿkòkemy roimy rare. Abede ywinareny adee rarybere kia widÿÿòmy. ²⁶ Tai tahe kia soldado dinodu tadinodu-ò rare. Tahe tamy rarybere: —Kowa hàbu, Roma hāwā mahàduò rare. Tai tahe aòbina bina tamy iwidÿÿòmy. ²⁷ Kia roholareu, tii rara Paulo-ò tamy rÿÿraxikemy: —Inatyhybe Roma hāwā mahàduò aõbo atxiteri. Paulo tahe narybede: —Kohe, jiarÿ, kia mahàduò watxireri. ²⁸ Tai tahe soldado dinodu narybede: —Jiarÿ tule watxireri. Nieru sòwe-di reòwynyre tuu aronykremy. Tahe Paulo rirawyònyre: —Jiarÿ tiu kia watxireri. Waha dori Roma mahàduò raremyhÿ. ²⁹ Tai he soldado mahàdu iribi rōhònyre aõwesele tii Roma mahàdu ratxire riki. Soldado dinodu tule ruberure tii dori rataataamy riteònyreki.

³⁰ Txu biòwamy ritare ròtena-ribi rōhònykemy. Judeu xiwewahidÿÿna dinodu inyò ributunyre ywisidÿÿdu mahàdu-wana. Tahe Paulo ridyre tamy. Tii dori rierykemy ratxireri aòherekibo judeu mahàdu Paulo deramy rÿireri.

23

¹ Paulo tamyreny retehere, dinodu mahàdu-ò wahe. Tahe rarybere: —Waseriòreboho, Deuxudile watximy ramahāre. Tiiemy aòbina binamy aòkò watxireri, tamy iluuna-di tyhy watxiwāhāre. ² Anania hàbu-ò rarybere, iòhòmy Paulo-ribi rÿireriò: —Iry-ò bihetenybenyke. ³ Paulo tahe tamy

narybede: —Kai wa aõ aõkõ Tate. Hetotira ura wese Tate, awo arayky isuisure. Waywisidÿÿdu wesemy talõmy atxiteri, tahe wahetedÿÿmy tarybeta. Kia bede ywina rarybera wesemy aõkõ tewisÿnyteri. ⁴ Tahe iõhõmy Paulo-ribi rÿireri, tamy rarybere: —Kia wesemy rybeõmy Deuxu xiwe wahidÿÿdu wedu-ò. ⁵ Tahe Paulo rarybere: —Aõkõre, reeryõhyre aõxiwe wedubo ratxireri. Tyytiri kiamy rarybemyhÿre: Tiu riki wedumy aõmy rybebinamy aõkõke. ⁶ Idi tahe Paulo rexierymy resere. Tahe ixidee rõhõtinyre. Ka iny sõweyre fariseu mahãdu heka rare. Iyrejura tasÿ saduseu mahãdu rare. Tai tahe Paulo rryre: —Waseriõre mahãdu, jiarÿ fariseu mahãduõ rare. Waha, wylabieboho ibutumy fariseu roire. Rubu-ribi ixixana retyhynywãhãre. Tai tyhy tahe kia-ò, ywisidÿÿdu-ò wiji diwadyde. ⁷ Imy rahudi tahe fariseu mahãdu saduseu mahãdu-wana wiribi rihitxinyre. ⁸ Saduseu dori rubu-ribi ixixana rityhynyõhymyhyrenyre, tule ÿju, tytyby-wana rityhynyõre. Fariseu mahãdu tahe, kia ibutumy rityhynymyhyre. ⁹ Tai tahe sõwemy rajei jeimy rÿimyhÿ. Tahe fariseuõ rarybere Paulo õbitimy ratximyhÿ. Aõ teõsamy tai tuu arobirenyke kÿnyhe aõkõre. ÿjuõ õsana tamy rarybera ada tytyby aõbo. ¹⁰ Tai ta tarurutyhymy rryrenyre. Tai tahe soldado dinodu ruberure aõma Paulo riykaykaketxi roholare. Tai rarybere tamy: —Iribi bitake, idi boibenyke ixxyb soldado heto-ò.

¹¹ Rummy tahe Paulo weribi Inynyry tamy narybede: —Brebuõmy aõ-di nohõtĩõmyke ixi-di. Iwese kaki Jerusale hãwã-ki wamy tarybete wesele heka Roma hãwã-ki wamy marybekre.

¹²⁻¹³ Tahe biurasõtxu he judeu mahãduõ wi dotyde Paulo rubudÿÿmy. Iny inatxiwa ituemy hãbu kia wese raryberenyre: Rikiroxirenyõtyhy bemy rikiõrenyõtyhy. Paulo rurukeki xiery ta rikiroxirenykre. ¹⁴ Tahe xiwe wedu mahãdu-ò tiiboho roirenyre. Judeu matuari mahãdu-ò tule kia ibutumy relyyrenyre iwese Paulo rubudÿÿmy ratxireri wese. ¹⁵ Tule tamyreny rarybere: —Kaiboho ixityre marybebenyke soldado dinodu-ò manakremy Paulo-di ywisidÿÿdu-ò. Tamy dÿÿraximy idi ratxireri tiiboho rõhõtĩnykre. Tai tahe ry kana-ò rearaki tahe ijoĩ rikirubunykre. Kia judeu mahãdu xiwe wedu-ò rarybere. ¹⁶ Tahe Paulo seriõre woludu, ilana rubudÿÿmy rarybereõ roholare. Tahe ralore soldado heto-ò tahe tuu Pauloko relyykemy. Tahe relyyre. ¹⁷ Kia roholamy rahudi ta Paulo rariõwyre soldado dinodu tamy kanalokremy. Kiamy rarybere: —Ka weryry bidykre adinodutyhy-ò, aõma, ijyy-di ratxirerimy tamy relyykemy. ¹⁸ Tahe ridyre soldado dinodu tyhy-ò tahe rarybere: —Paulo kÿny ka weryry-di riwateõnyrerĩ aõmybo ako relyykemy. ¹⁹ Tahe dinodu weryry axiõ iyre ribi rimyre, tahe iny-ribi rirenhyre rarybekemy: —Aõbo wexe wako belyykre, weryry. Tahe relyyre: ²⁰ —Wylana Paulo ridykremy judeu mahãdu adee rexitõenykremy ratxirenyre. Tiiboho adee raryberenykre: —Rikitÿÿraxinykre ijo aõmydÿÿnana. ²¹ Uritere tamy boholaõkre, weryry rarybere, idyõmykre tamy. Hãwã mahãdu sõwere rexiwõmy rÿikre, iny inatxi wa itue hãbumy, wylana rubudÿÿmy. Tii ruruõkeki, riroxiõtyhy, bemy riõõtyhy. Kiawese ka hãbu mahãdu rarybemy ramyhÿre. Ahana õsana inyõ rÿireri wylana ridykremy adee kedexitõenykremy. Wylana õludu tahe ryijãti-ki rexiwõmy rÿireri. ²² Tai soldado dinodutyhy weryry-ò rarybere: —Uritere inyõ ierysyõmykre wadee tuu telyyteri. ²³ Tahe inatxi soldado dinodu rarariõwyre, tahe tamy rarybere soldado dinodu tyhy: —Aõma, 200 soldado widotykre inataõ òra txu dõhõny-ribi, ijo 70 soldado awarutyre-ki, ijo 200 soldado tõnorĩ-di. ²⁴ Kia ibutu-wana Paulo bidybenykre

awarutyre-ki Cesaria hãwã-ò. Biyrubunymy boibenyke Feli, kia bededin-odu-ò. ²⁵ Tahe tyryiti riwinyre kia wese:

²⁶ —Jiarÿ Laujiu Lucio, warybe reritinyreri. Warybe wehityhyna rehahinyreri Feli-ò, Wanyrÿtyhy, bede dinodu-ò rehahinyre. ²⁷ Hãbuð adee reteònyreri. Tii judeu mahãdu rimyre tahe rirubudÿÿmy riwisÿnyre. Tahe soldado reteònyre ritakremy rubu-ribi, tii Roma hãwã mahãdumy rareki. ²⁸ Redyra heka ywisidÿÿna mahãdu-ò. Aðherekibo rimyrenyremy arierykemy. ²⁹ Tabede ywina òrarukile teramy tamy reare, kia reerymy rawãhãre. Iny bede ywina òraru-ki aõ aõkõ tii riwinyre. Tai rurukemy aõkõ idi rewisÿnyre. ³⁰ Judeu mahãdu rarybemy ramyhÿre irubudÿÿmy. Kiamy raholareu tahe, adee reteònykemy resere. Tule irubudÿÿmy rõhõtynyra mahãdu adee rarybekemy reteònyre. Tiiboho aõbo raremy rarybekre. My kie warybe rehahinyre.

³¹ Idi tahe soldado mahãdu Paulo ridyre, iwese idinodu riteònyre wese. Rudile ridyre Atxipatxi hãwã-ò. ³² Tahe biurasòtxumy tahe tatilemy rare mahãdu rõòsere soldado heto-ò. Ijõ soldado awarutyre ludu Paulo iridyre Sesaria-ò. ³³ Tahe rehemynyre Cesaria hãwã-ki. Rare he bede dinodu-ò. Paulo tamy riwahinyre tyryiti-wana. ³⁴ Kia tyryiti-di tii rariareu tahe, tamy ritÿÿraxinyre: —Tiribibo tate Paulo. Tahe Paulo dirawyònyde: —Jiarÿ, Silisia hãwã mahãdu rare. ³⁵ Tahe bede dinodu narybede: —Kaa hãbu mahãdu wii kodotykreu, kedehemynykreu, aroholakre inihe arybe-ò. Tahe iyubudÿÿ idi risÿnyre Herodi ywisidÿÿna heto-ò, Pretòriu ninadu-ò.

24

¹ Iruyre txu reare rexihudi tahe, Anania, xiwena wedu tyhy, judeu mahãdu matuari-wana rehemynyre, ywisidÿÿna mahãduò-wana rehemynyre, moma, Tertuliu inire. Paulomy aõbinabinahãkÿ rybemy rareri bede dinodu-ò. ² Tahe Paulo didyde. Tertuliu rarybere Paulomy. Awioymy rybe tahe rõhònyre. Juhuu Feli-ò rarybere: —Kai Wanyrÿ tyhy, awiyyymy heka atximahãte wadeereny. Tiiemy bede ywina inydee tewahinyamahãte. Ibutumy iny bede hãwã hãwã-ki iny tewiòhenanyamahãte. ³ Tai tahe omy reàlãtyhymy he watxiwãhãre. Urihimyòle adee Paulo aõmydÿÿnanamy ararybekre. ⁴ Txioi inihe làhà, boholabeny. ⁵ Tiiemy jei jehiyy ratximyhÿre Paulo òraru-ki. Tiiemy judeu mahãdu, my heka rarybehyy ratximyhÿre. Tii Nazare hãwã dohodÿÿna mahãduò rare, kia weduò rare. Tii Jesuisi rityhynyre. ⁶⁻⁷ Aõkõre, iny Deuxu dohodÿÿna heto ribinadÿÿnyre, brebuna rÿirerimy ihÿre Paulo òraru-ki. Remyreny tahe, ywisidÿÿmy watxiwãhãre iny bede ywinareny rarybere wesemy. Tahe aõkõre, Lisiu soldado dinodu tyhy ritare iny-ribi wotõmona-di. ⁸ Tahe inydee rarybere: —Boibenyke Feli-ò. Tii adee roholakre. Kia tahe Lisiu rarybere. Tahe jiarÿ tule rarybere. Boibenyke Paulo dÿÿraximy kia inatyhy aõbo ada aõkõre aõbo. Tertuliu kia ibutumy rarybere. ⁹ Ijõ judeu mahãduò rarybere: —Kia inatyhy ibutumy inatyhyle ratxireri, aõmybo Tertuliu raryberemy.

¹⁰⁻¹¹ Tahe bede dinodu Paulo-ò riteòsinyre rÿikemy, rarybekemy. Paulo tahe tamy rarybere: —Wanyrÿ bede dinodu tyhy, sòwe beòra aõmydÿÿnana-di ywisidÿÿna-di atximahãte. Jiarÿ kia reeryre. Tai reysawãhãre adee ararybekremy. Waò inatxi reuròtxumy heka Jerusalẽ-ò adehemynyde. Iny-ò bitÿÿraxinykeki, wylemy ka bieryke inatyhy raremy. Jiarÿ Deuxu dohodÿÿna heto-ò rehemynyre Deuxu reàlakemy. ¹² Tiu heka jei jei rewinyòhywãhãre

dohodÿÿnaõ-ki aõkõ, hãwã-ki aõkõ. ¹³ Aõmybo wamy rarybemy rÿireri heka, aõ inatyhy aõkõ. ¹⁴ Sohoji aõmydÿÿnanamy tahe akoreny arelyykre, inatyhy rare. Retyhynywãhãre heka aõbo Jesuisi rierynanymyhyÿre. Ti-iboho watyhydÿÿna rininirenyre dohodÿÿna mahãdu iwitxira. Kia hãbu rityhynymyhyÿre wesele jiarÿ tule Deuxu inytyby retyhynymyhyÿre. Ibutumy bedede ywina tyryiti-ki riritinymy rÿimyhÿre retyhynywãhãre. ¹⁵ Iny, òrarudu mahãdu, ityhydÿÿdu mahãdu kedeixixakremy rubu-ribi. Kia retyhynywãhãre. ¹⁶ Tiu ibutumy òbiti widÿÿmy raruwãhãre. Deuxu-txi tule ibutu hãbu rue-ki. ¹⁷ Jerusalê-ribi rarewãhãu, tiwese beõra rewyre tahe ixyby dòðsede Jerusalê-ò aõkõ mahãdu wahidÿÿna wesemy ariwahinykremy xiwena wese Deuxu-ò. ¹⁸ Deuxu dohodÿÿna heto-ki watxiwãhã, òbitimy rãire, ibutu bedede ywina reywinymy rawãhãre. Tahe waxiwenadi waõludu wamy robire. Iny sòwemy weroramy watxiwãhã. Rybe jei jei rarybeõhyÿre. Tahe Asia bedede judeu mahãdu tai rÿimyhÿ. Tiibohole rybe jei jei riwinymyhyÿreny. ¹⁹ Wamy aõmydÿÿnana rarybekremy ijõdikeki, rokoholakre. Kaki aõkõ ratximyhÿreny. ²⁰ Aõbo waki teòsamy rahare ywisidÿÿna mahãdu-ko rãireu, tamy rokoholakre. ²¹ Sohoji aõmydÿÿnanalemy rarybere teòsamy. Kiamy rarybere: —Retyhynyre rubu ixyby kedexixakre. Tai ywisidÿÿna mahãduko-ki watxiwãhã.

²² Feli bedede dinodu rierymy ratxireri aõmybo ityhydÿÿdu mahãdu rityhynyre. Tai rarybere judeu mahãdu-ò: —Lisiu, aõma, soldado dinodu tyhy rehemynyreu, bedede rikerydÿÿnanykre. ²³ Tahe Paulo ròtena heto wese-ò ratximyhÿreki, riòðsedÿÿnyre. Ta rarybere he soldado dinodu-ò: —Ywimy idi ratximyhÿkemy. Tule rarybere: —Iò ixinamy terina mahãdu iroramy kanakre. Ixinamy uriõnomy tamy kidiwahinykre awityhy roimyhÿkemy.

²⁴ Iribi nade Feli tahãwyy-wana Drusila. Ihãwyy heka judeu mahãduò rare. Riteõnyre Paulo-ò tamy kanakremy, tamy kanarybekremy. Paulo rarybere tamy: —Jesuisi Kristu kia tyhydÿÿnamy. Tii òbiti-di iny ròhõtinkyemy tule ywisidÿÿna txumy Deuxu kanakremy ritÿnyre. ²⁵ Tahe Feli ruberure. Makre, tamy rarybere, aõwaxiny tiubo wabededÿÿnana-di my kÿnyikreu, ixyby adee ararãriõwykre. ²⁶ Tule Feli ijõ nieru Paulo-ribi ritakemy ratxireri, tai rarariõwyre ijõtixu ijõtixu tii-wana rarybekremy. ²⁷ Inatxi beõramy bedede rÿire. Iwitxira bedede dinodu ralore Feli derõwy. Porsiu Festu inire. Feli tahe judeu mahãdu tuure tamyreny aõð riwinykemy ratxireri tahe Paulo ririre ròtenawo-ki.

25

¹ Cesaria hãwã-ki bedede dinodu tÿmyraõ ronyre. Festu inire. Inataõ txu-di tahe iribi ròhõnyre Jerusalê-ò rakemy. ² Tahe xiwe dinoduò, judeu mahãdu dinoduò tamy rarybere Paulo aõmydÿÿnanamy. ³ Tamy rexitõenyre Paulo-di wylemy kanakremy. Kiamy heka rexinohõtidiÿnyre ryrowetya-ki rirubunyrenykre. ⁴ Aõkõre, Paulo ratxirekre Sesaria-ki, Festu rarybere, jiarÿ tahe aròðsekre ele elemy kowa-ò. Kaiboho adinodu mahãdu wadi roikre kowa-ò. Rokoholarenkykremy ywisidÿÿna-ò. ⁵ Tule kaiboho aõrybedikeki, Paulomy, kowa-ò rarybekremy.

⁶ Iribi tahe debòwiò txu òsÿny txu idi rÿidi tahe ixyby Festu dòðsede Cesaria-ò. Irootxu tahe Paulo ywisidÿÿna ròhõnyre. Tahe Paulo ridykemy riteõnyre ywisidÿÿna butuna-ò. ⁷ Tahe judeu ywisidÿÿna mahãdu heka

sõwemy tuu aõbina binahakÿmy Paulomy rarybemyhÿre, Jerusalê-ribi rehemynyreu. Aõ inatyhymy aõkõ. ⁸ Paulo tahe rexitxiõnyre: —Jiarÿ kÿny kia-di aõkõ watxiwâhâre. Tii rarybere: —Tiu heka judeu mahâdu bede ywina ratyre aõna aõnamy ratÿÿkõre. Tiu heka Deuxu dohodÿÿna hetomy rewinyõwâhâre, tiu Roma dinodu bede ywina ratyre aõhe ratÿÿnyõwâhâre. ⁹ Idi tahe Festu rÿÿraxire Paulo-ò: —Kawexe texiwyiny atxiteri Jerusalê-ò makremy. Kowa ywisidÿÿna ariwinykemy adee roholakremy. Kiamy Festu rarybere aõwiwihikÿmy riwinykemy ratxireri judeu mahâdu dee. ¹⁰ Tahe Paulo rirawyõnyre: —Aõkõre, arakre he Iòlò tyhyòhòkÿle arehemynykre. Tii wadee roholakre. —Jiarÿ dori ixiwinyhytamy arakre. Kai teeryte jiarÿ aõkõ tudÿÿduramy. ¹¹ Aõma aõbo waki binamy relera-wana heka arurukre. Aõkõeki tahe aõbo awihykyle rewinyre-wana heka timy inihe warubudÿÿõmy. Iòlò tyhyle wadee roholakemy he ixide rahõtinyreri. ¹² Festu tawiohedÿÿdu-ò rarybere. Idi ta dirawyõnyde: —Awire, iòlò tyhy-ò atxiteri urenana kÿnyhe aõwaxiny makre.

¹³ Iribi tahe aõutxumy tahe iòlò Agripa dehemynyde, Benise tariõrese-wana. Festu roramy rareri. ¹⁴ Tahe tii-wana rarybemyhÿre aõutxu, Festu-wana. Idi tahe Paulo aõmydÿÿnanamy iòlò-ò rarybere: —Ròtenawoluduõ roireri ròtenawo-ki. Tai he Feli ririre jiarÿ iaõmydÿÿnana arierykremy. ¹⁵ Aõma Jerusalê-ki watxiwâhâu, dohodÿÿna wedu mahâduõ wadee heka rarybere: —Tii arirubunyky heka wadee rityhenymy hÿre. Judeu mahâdu matuariõ tule kia rarybere. ¹⁶ Tahe tamy jiarÿ rarybere: —Aõkõre, aõma Roma mahâdu kia bede ywina dori tuu aõkõ roimyhÿre. Juhu heka rakre ywisidÿÿna-ò tahe relyykre heka iximy, taòludu mahâduko-ki. ¹⁷ Kaò juhu ditechemyndenyeu, tamy rarybere. Ijõ txu he reyrubunyre ywisidÿÿna-ò roholakremy tahe Paulo ridykemy aditeõnyde. ¹⁸ Tahe aõmybo tamy rarybere heka, iwese rahõtinyre wese aõkõ tii riwinyre. ¹⁹ Aõbo ityhynareki heka tuheka rÿire. Inyõ heka tii rarybemyhÿre Jesuisi rurulemy. Tahe Paulo rarybemyhÿre irulemy ihÿre. Tai kÿnyhe rimymy ramyhÿre. Riròtenymyhÿre. ²⁰ Tai tahe tiemy rahõtinyre: Timy taheka aõhe arotÿÿnykre ka aõmydÿÿnana-di. Paulo-ò retÿÿraxire aõma Jerusalê-ò aõbo rakemy ywisidÿÿna-ò. ²¹ Tahe Paulo rarybere: —Iòlòle rakremy aõbo. Tii wamy roholakeki, teòdu waòrysmy ariraokre. Tai tahe ròtena-ò ixibyly rerutyre. ²² Tahe iòlò Agripa rarybere: —Jiarÿ aroholakre inihe kia hàbumy. Tahe Festu dirawyõnyde: —Biurasõmy tamy bodoholakre.

²³ Idi tahe itxu biòwamy dehemynyde, iòlò, Benise-wana, ywisidÿÿna heto-ò. Ibutumy he iny ralore, soldado wedu mahâdu, iny ityhymy rÿira mahâdu, ibutumy ralaralore. Tai tahe Festu Paulo didyde. Tahe rarybere: ²⁴ —Iòlò Agripa, ibutumy ka wadee ijohonadu-wana, ka hàbu heka ibutumy iny he irubudÿÿmy he idi rÿireri, judeu mahâdu kaki tule Jerusalê mahâdu. ²⁵ Jiarÿ rahõtinyreri aõ heka riwinyõhyre tai rurukre wahe. Tai iòlòtyhy-ò rakremy heka ratxireri. Ariteõnykre nomy dori tii ratxireri. ²⁶ Aõbo tamy ariritinykre. Aõ heka waritidÿÿkõnare. Aõ dori riwinykõre. Tai redyreri adee iòlò Agripa. Tamy juhu boholakre. Iribi tahe wadee manarybekre aõbo ariritinykre. ²⁷ Timy kÿny wateòdÿÿkõna uritere òhynaòhòkÿle Iòlòtyhy-ò ariteònyõtyhy.

26

¹ Tahe Agripa Paulo-ò rarybere: —Aõwaxiny belyykre aijyymy. Paulo he

tebò riukore he rarybekremy.

² Wadeysamy he watxireri, Iòlò Agripa. Jiarỹ dori iximy arelyykre ako. ³ Tule kai dori ibutu judeu bedede ywina teeryte. Ibutu lahi rybe teeryte. Bodoholakre inihe wadee, ywina-di. ⁴ Tiiemy uladule aratyyritinyde aõma judeu òbitina-di. ⁵ Judeu mahādu kia rieryre. Txu rexidelenyire juhu judeu mahāduy-ki, idi tahe Jerusalē-ki ratyyritinyre. Jiarỹ fariseu mahāduò òbiti jiarỹ rare. ⁶ Kia rybe òraru-ki wiji ywisidỹyna-ki rāire. Jiarỹ dori retyhynywāhāre aõbo Deuxu inytyby-ò rarybere. ⁷ Jiarỹ Deuxu rybe òlona reraòwāhāre. Tule judeu ijoi riraòmyhỹre, waòinatxi reurò ijoi mahādu. Tiiboho Deuxumy reālāmy raremyhỹ, rumy, txumy. Iòlò Agripa, kia raròsòna òraru-ki judeu mahādu wadee aõbina binamy rarybemyhỹre. ⁸ Rubu-ribi ixixana jiarỹ retyhynymyhỹre. Araỹraxikre Iòlò. Kia aõbohe wadeòsana raremy kaiboho tahòtintenytere. Deuxu heka ixby iny kidiòkesedỹnykre taumy tuedeòna-ò. ⁹ Jiarỹ heka juhuu awimy heka aõbina binahakỹ widỹỹ dee rahòtynyre, Jesuisi Nazare hāwā ludu dee. ¹⁰ Sòwemy ityhydỹỹdu mahādu reròtenyire ròtenawo-ò Jerusalē-ki. Dohodỹyna heto wedu rewawiohenanyre tyyriti riwahinyreki. Kia irubudỹỹmy wi risỹnyrenyreu, jiarỹ rarybere: —Awire heka birubunybenyke. ¹¹ Jiarỹ heka ityhydỹỹdu mahādu aõhòkỹmy rotỹnykemy wi resỹnyre bedede bedeki. Aõbinabinahākỹlemy ityhydỹỹdu rerybedỹỹnywāhāre. Jiarỹ aõnimy reburemy rawāhāre. Resỹbinanyre tahe tii rahenyre irehetyhytyhy-ò iwitxira hāwā-ò. ¹² Rare heka Damasus hāwā-ò ityhydỹỹdu òrysmy. Jiarỹ tyyritidi rare, dohodỹyna wedu ritina-di. Tule ibede ywina-di rare. ¹³ Tahe Damasus iòhòmy rareu, loosònaò diwatoosònyde, txu loosòna ratyre ihỹre. ¹⁴ Jiarỹboho rejuxunyrenyire tahe raholare rybeò-ò judeu mahādu rybe-di rarybereri: —Salu, Salu, aõhereki wexe aõbina binahakỹ tadiwinymahāte wadee wimy aõkò. Aõbina binahakỹle ixidee tadiwinymyhỹte. ¹⁵ Jiarỹ rarybere: —Mowe, Wanyrỹ Tate. Tahe dirawyònyde: —Jiarỹ wa, Jesuisi rare. Wadi aõbina bina tewisỹnyte. ¹⁶ Katahe myikre. Adee rehemynyri, aratara ixidee, wadeòdumy mabekremy. Warybeduò mabekre. Ibutumy wamy belymy mabekre aõhebo adee wiji rotỹnyreri. Iribi tasỹ ixityre adee adehemynykre. Tule kia-di marybekre. ¹⁷ Ibutumy asỹ-wana arayrubunykre. Tai ta judeu mahādu-ò arateònykremy watxireri, judeu mahādu-ò tule. ¹⁸ Iwese iny ruetā-di rỹira wese tii ihỹre. Kai tamy bitỹnykremy Deuxu aõmydỹynana. Tai biruejuakre, rierykremy. Biòbitinykre tamyreny òrarudu roire aõma ixi-txi tòhòti reakremy loosòna-ki rariakremy, Satanasi bedelorohokỹ-ki aõkò, kia ryki aõkò rariakremy. Deuxu uri bedede ywina rimymyhỹkre ixidee. Ibutu bedede bedemy rỹira wajioimykremy. Tyramy taòraru-ribi rỹira, ritamy rỹira, riwatyhynymy rỹira. ¹⁹⁻²⁰ Tai, Iòlò Agripa, iwese warasina-ki riwateònyre wese, retyhynyhyire. Juhuu Damasus hāwā-ki jiarỹ ròhāletere, iribi Jerusalē-ò, tule Jueria bedeki, ibutu judeukòdu mahādu-ò ròhāletere. Tamy rarybere taòraru ririkemy Deuxu dee kòdòòsekemy. Ixi-txi tòhòti reakremy inatyhymy aõna aõna wiwihikỹ riwinykemy Deuxu dee. ²¹ Tai judeu mahādu riwamyre Deuxu dohodỹyna heto-ki, warubudỹỹmy ròhòtynyre. ²² Deuxu tahe wawiohedỹỹdu ratximyhỹre. Tai he rāire wiji ibutu-ò ararybekemy watxiwāhāre, aõma aõbo Deuxu rybedu mahādu iwese Moisesi rarybere wese tamyreny rarybewāhāre kia ibutumy kanakremy. Kia sohojilemy rarybewāhāre. ²³ Juhutyhy rarybere: —Kristu, rurukremy iribi tahe kedexiakremy rybe loosòna kidiwykremy judeu mahādu-ò, tule judeukòdu mahādu-ò.

²⁴ Tahe Paulo iximy rarybereu, Festu rryre: —Paulo, kai wa itxÿtere. Aõnityhymy tattyritinymahâte. Tai arayky tebinanyta. ²⁵ Tahe Paulo ri-rawyõnyre: —Aõkõre wa, wanyrÿ Festu, bededinodu tyhy. Jiarÿ itxÿte aõkõre. Inatyhyrbemy rarybewâhâre. Warybe awi heka rare. ²⁶ Tule iòlò Agripa rieryre ibutumy tuu tamy rarybere. Aõ wasina aõkõ rarybere. Iòlò Agripa. ²⁷ Aõbo Deuxu rybedu mahâdu riritinyre aõbo, kai tetyhynymahâte. Reeryre jiarÿ, kai tetyhynymahâte. ²⁸ Tahe Agripa riixâwididÿnyre rybe-ribi: —Kai, aõbo, Paulo, aõwesele ityhydÿÿdumy aronykemy wadi tahõtinyte, wadee tarybeteki. ²⁹ Paulo rirawyõnyre: —Kohe, wadee awire, kai tulekemy. Ibutumy kaki wawesekemy adi rahõtinyre. Kai tule warybe sõwemy aõbo ada aõkõre aõbo Deuxu bityhynybenykemy watxiwâhâre tule waijohonana-wana. Aõna sohojidle taanamy aõkõ watxireri, wawomati reroti-di taanamy atxiteri.

³⁰ Idi tahe bede dinodu, iòlò, Benise, ibutumy he rÿire ròirenyre. ³¹ Widee reny wiwesele ròhõtinyrenyrene. Ka hàbu timyhe rubudÿÿona he ròtena-ki irutysyõna he, tii dori aõhe rotÿÿnyõtyhy aõna aõnamy. ³² Tahe Agripa Festu-ò rarybere: —Rikiteõnyrenyke idi watxireri, tahe tii inihe iòlòtyhyle rarybekemy ixidi ratxireri. Tai kÿnyhe, txioinihe, aõkõre.

27

¹ Tahe rexiywinymy rexihurennyre Italia bede-ò, Roma hãwã-ò aroirenykremy hãwò-di. Tahe ròtenayrubudÿÿduò tii-wana rakre, irubudÿÿdu renymy. Julio inire. Tii iòlò yrubudÿÿdu mahâdu dinoduò rare. Ridyrennyre Paulo ròtena woludu mahâdu-wana. Jiarÿ, Luka tule ihemy rare. ² Tahe rerõnyre yhywydyna lawò-ò. Adrÿmitxiludu tahe kia lawò rare. Tule hàbuò wawana rare. Aristarku inire. Tii Macedonia bede luduò rare. Tesalonia ihãwã rare. Tahe hãwò rexihynnyrennyre adoikemy Asia bede-ò. Tahe ròirenyre. Ijõtzu biòwa Sidoma beàbeà-ò rehemynyre. ³ Paulo taery mahâdu roramy rakemy ratximyhÿre. Tahe Julio Paulo-di itxeredu ririra. Tai tahe Julio awi heka rare Paulo dee. Julio Paulo riywywinymy idi ratxirerimy ihÿre. Julio Paulo riteõnyre titxibo rakelemy. Paulo ery mahâdu aõna aõna tamy riwahinyre. ⁴⁻⁵ Tahe iribi ròhõnyrennyre. Xibri bedebute roosibymy ralore yhy dori tiribi tiribi reamyhÿreki. Tahe iribi riòlõnyre. Tahe Silisia bede-ribi riòlõnyre, tule Panfilia bede-ribi ijõ bede-ò reronyre. Tahe Miha hãwã-ò ritehemynyre Lisia bede-ki. ⁶ Tai soldado dinodu hãwò nihikÿ rijjemyhÿu, ihe-ki roikemy, tahe ijõ-ki rahare Alexÿdria luduò-ò. Hãwò tahe rexiywinymyhÿre rakremy Italia bede-ò. Tahe wadeereny rarybere: —Borukubenyke yhywydyna lawò-ro-ò. Tahe ixityre roirenyre. ⁷ Sõwemy heka txuu wadireny rÿire. Urihimyòle rexihewâhârennyre. Isirare heka Kinidu hãwã-ò dehemynysÿ. Ihârele tahe rethemynyre Samona hãwã mynatyhyle rarõrennyre. Iribi Kreta bedebute roosibymy ralore yhydori tiribi tiribi reamyhÿreki. ⁸ Tahe ywimy suò iòlò iòlò adoiwâhâdenyde ihyy tahe rethemynyre Rywihikÿmy ninadu-ò. Kia heka Laseia hãwã-ribi iòhòre.

⁹ Sõwetyhymy txuu wadireny rÿire yhynihikÿ bina òraru-ki. Inarehe lisina txu-ribi ròhõnyre. Tai tahe bededÿÿnana ibutumy roimyhÿre. Tai brebunamy bede roimyhÿre. ¹⁰ Paulo tahe tamynyreny rarybere: —Wanyrÿboho, ka tÿina isiratyhykre indeereny. Inynonanareny iòhâure aõna aõna ibutumy inyribireny ituekre, hãwò rabohokre ada ijõ aõbo rikururenykre. ¹¹ Tahe soldado dinodu Paulo rybe rityhynyõhyre. Yhylawò wedu tòruludu-wana tii rityhynyre. ¹² Yhylawò wedu, tòruludu-wana iwitxiramy ròhõtinymyhÿre,

beòra tai riekòkemy beà dori ibinareki. Ijò tule tahe roirenykemy ixide ihÿrenyre rehemynykemy Fenisia beà-ò. Kia heka Kreta bedebute beàð rare. Biuweribitya-txi ròromyhÿre, tai awire kia beà, beòra bede riwykemy. ¹³ Ijò rarybere: —Rikoirenyke, yhy dori rebonyreri, tamy rekehemyrenyrenykeny. Tahe womatisana riukore. Roirenyre yhy-di. Tahe iòhòmy Kreta bedebute rotÿÿnyre. ¹⁴ Aõwesele heka yhy nihikÿ dehemynyde bedebò-rìbi. Kia yhy nihikÿ iraro bedebò ludu inire. ¹⁵ Ka yhy nihikÿ taruru-di riwyre hãwò nihikÿ. Juhu yhyonana weribi-ò riwisÿnyre. Idi iwo rexieryre ixinamy riwyre yhyòkesena-ò. ¹⁶ Tahe rehemyhÿre Lauda bedebute-ò iroosibymy tahe ralore. Tai hãwò nihikÿwo-ki hãwòrìore riwyre. ¹⁷ Idi tahe ròhòtynyre hãwò nihikÿ rabòhòke-txi roholarenyre, tai tahe ritaarenyre iwetya-txi. Tahe ruberurenyre, Libiamy ninadu beòlau, tahe welòhòkÿ ritare iribi rexitarenykeny. ¹⁸ Ijòtxu roirenyre yhyinihikÿ tamy realena iu, tai tahe aõna aõna-di rehure ibutemy rawetarikemy. ¹⁹ Tasÿ txuò idireny reare. Idi rehurenyre aõmybo rekoakòmyhÿrenyredi rawetarityhykemy. ²⁰ Txu sòwemy rewyrenyre txumy, tainamy ribi renyòhyyre. Yhyinihikÿ reamyhÿ. Tai sòwemy ruberumy rÿimyhÿ rubu lau. ²¹ Sòwemy heka bededÿÿnana riwyre roxiòhyy. Tahe Paulo iyreny-ki rÿire, tahe tamyreny rarybere: —Wanyrÿboho, warybe-ò taholaòhytyente Kreta-rìbi ròhònyrenyreu. Arato-honyrenyre iribi inyboho kodoikòkemy. Boholabenybe-wana ta inihe aõna itueòhyyre. ²² Ihãrele tahe deysana-di adeereny ararybekre. Inyò ruuòtyhy, hãwò nihikÿ sohojile rabohokre. ²³ Jiarÿ dori Deuxu deòdu rare. Kaurumy dori Deuxu ÿju wadee nade. ²⁴ Tahe rarybere: —Paulo, brebuòmy. Kai iòlòko-ò makre. Deuxu dori ruxetòena kidiwahinykre. Tiu heka aruburenÿòna aijoi-wana. ²⁵ Tahe wanyrÿboho, brebuòmyreny. Jiarÿ dori Deuxu retyhynyre, iwese wadee rarybere wese, rarekre. ²⁶ Urile tahe inyboho kiditehemynydenykre bedebuteò-ò. Kia tahe Paulo rarybere.

²⁷ Waòinaubiòwa rumy beronihikÿ tya-ki bede rijemy roiremyhÿ. Adria beronihikÿ-ki roirenyreu, tahe rutya-txi hãwò nihikÿ aõna hydÿÿdu su iòhòmy roholarenyre. ²⁸ Tahe beò urihixina-di riurihire, wawiò dera urihixinamy beò riurihire. Idi iko-txi ixityre riurihire tai waiyre dera urihixinamy rimyre. ²⁹ Tahe rahòtynyrenyre manale tai roimyhÿremy. Tai tahe manatisana-di inaubiòwa lòru ludu-rìbi rehurenyre. Irìbi rexitòenyre wylemy txuu kanatÿnykemy. ³⁰ Hãwò aõna hydÿÿdu mahàdu hãwò rìore riwesere bera-ò. Idi risÿnyre ijò manatisana ritidikremy hãwò jura-rìbi. Urile tahe rahenykremy ròhòtynyre. ³¹ Paulo tahe rierymyhÿ tahe soldado wedu-ò rarybere: —Soldado mahàdu tule roholare: ³² —Hãwò aõnahydÿÿdu mahàdu hãwò nihikÿkÿro-ki rariòrenykeki, kaiboho atuerenyeke. Tai tahe soldado hãwò rìore reroti riàrore tahe resere bera-txi rahenyre. ³³ Txu iòhòmy natÿnyde, tahe Paulo tamy rarybere: —Wiji waò inaubiòwa txumy kaiboho teraòteny tabyretenyòhy. ³⁴ Ijò birÿsÿbenyke, arururen rexiòlònykemy, kaibohoò dori burubenyòtyhy. Aradeti sohojiò tiu iòòtyhy. ³⁵ Rarybemy rahudi tahe, paò sohoji Paulo rimyre. Ibutura-ò Deuxumy realàre. Idi tahe paò riorore, riyre. ³⁶ Ijò reny reysarenyre, taita tule riyrenyre. ³⁷ Tahe 276 iny hãworo-ki roirenyre. ³⁸ Tahe ibutemy iwo rihyrenyre tahe maixòmo wesena-di rehurenyre hãwò nihikÿ rawetarinykemy. ³⁹ Bede ratÿnyreu, inyò rieryòhyyre titxiribibo nade. Tuu robirenyre iworywo-ki ÿnyra tai roimyhÿremy tahe inyò rieryòlemyhÿre. Widee raryberenyre: —Rikìrònyrenyke hãwò-di iwo-txi.

40-41 Tahe manatisana riukòrenyire tahe welò riderenyra hãwojura-ò iraròsòna riesere. Tahe ritelenyire ralòkemy. Urile esetere tiò tiòle hãwò ridymyhy beò òhòkyle idi rehure rorokòòhòkyle, rimyre taile òbò hãwòlòru ribohonyre. 42 Soldado mahãdu ròhòtinyre ròtena mahãdu rahenyketxi. Tai rirubunykeny ròhòtinyre bedè-ò robunyke lau. 43 Soldado wedu tahe Paulo ritòenyre rubu lau, tai tahe riteònyre rirubunyòhyire: —Tibo alobuerye, juhuu suò rakemy, soldado wedu kia rarybere. 44 Tibo alobueryòke tahe òwòru àre hãwò-rìbì rimymy idi rakre. Kiamy heka ibutumy rethemynyre su-ò, inyò ruruòhyire.

28

1 Tai tahe taisydu mahãdu-txi rekoare. Tii bedebutenimy inydee relyyre. Malta heka inire. 2 Biu riwasebenyrenyire yhyjutyty riwasarennyre. Tai tahe tiiboho heòty riworonyrennyre wahetònarenymy. Tiiboho riwawisinanyrennyre awimye wadireny roiremyhy. 3 Paulo hee ributunyre heòtyworonamy. Idi rehureu, hemylala he wo-rìbì heòty lau ròhònyre, tai ruruare Paulo debò-ki. 4 Tusydu mahãdu tuu robire tahe rarybere: —Ka hãbu rubudydydu òsy ny rare. Tii heka ruruòre bera-ò, ka tahe kidiòwynyke inyò òsy ny rirubunyreki wahe, rurukre heka. 5 Paulo tahe hemylala tebò-rìbì riatyre heòtyru-txi. Ta aòhòkymy rotÏynyòhyire. 6 Tahe imahãdu idi retehemy rymyhy tarubulemy resekeò, ada tebò ratarinybohokeò aòbo. Sòwemy riraòre, aòhebo rotÏynyke, tahe aòkòhyire. Tai tahe iwitxiramy ròhòtinyrennyre: —Tii deuxuòle òsy ny ratxireri. Tiiboho raryberenyre kia.

7-8 Hetoò tai iòhòmy rÿire, Publio iwedure. Tii heka ityhy rare iwedu rare kabedebute-ki, tii bedèòtiidÿyna rare. Tai taheto-ò riwadyrennyre. Awihyyle wadireny raremyhy. Publio tyby tahe rubunamy rurumyhy. Busu-di ratximyhy. Tai tahe Paulo iroramy rare. Tebò ityre ritidire, rexitòenyre, tahe riteytenyre. 9 Tai tahe ibutumy bedebute ludu webinadu Paulo dee wii rotyre. Ibutumy reyterenyre. 10 Tai tahe uriiòno inydeereny riwahinyre aòna aòna. Sòwemy rÿsÿna hãworo-ò rahyre inydeereny. Kia hãwò beòra bedè kia beà-ki riwyre.

11 Txuòkuro hãwò ni rare. Kia ni ihiju rare. Ideuxu ritxoo inatxi rare. Hãwò Alexÿdria hãwã ludu rare. Tahe rahònyrennyre. Inataò ahàdumy bedè wadireny rÿidi. 12 Sirausa hãwã-ò retehemynyre. Tai tahe inataò txumy wadireny rÿire. 13 Iribi tahe Rejio hãwãmy rekoarennyre. Ijòtxu tahe Pozuli-ò reòlònyre. Inatxi txu-di retehemynyre yhy ibòò-rìbì debonydeki. 14 Tai seriòreò ratximyhy. Tiiboho rexitòenyrennyre tii-wana ratxikemy debòinatxi reurò txumy. Kiamy heka Roma hãwã-ò roirennyre. 15 Roma ityhydydydu mahãdu roholare jiarÿboho retehemynyrennyre. Tai tahe doidenyde Apio hãwã ube-ò. Tule aò-di ijohona Heto Inataò hãwã-ò doidenyde. Paulo tiiboho robireu, Deuxu reàlãmhyhy, reysamyhyre.

16 Tahe Roma hãwã-ki Paulo ixideewimy rasÿnyre. Urile soldadoò aòu aòu tii-wana ratximyhy.

17 Inataò txumy bedè idi rÿidi, Paulo ributunyre judeu mahãdu dinodu. Wii ributunyre, tamyrennyre rarybere: —Wanyrÿboho, waseriòreboho, jiarÿ aò rewinykòre wajioi Judeu mahãdu dee. Tule lahirybe ònosòna ratyre aò rewinyòhyire. Ihãre judeu dinodu riwamyre. Tahe diwahinyde Roma dinodu mahãdu-ò. 18 Tiiboho heka riwatÿÿraxinyre ibutumy. aò heka waki ibinamy rahaòhyire. Tai tahe riwateònyrennyre ratxirennyre.

¹⁹ Waijoi tahe Judeu ijoi heka waðludureri. Tai tahe Iòlò-ò jiarÿ rarybere arakemy. Að dori waijoi dee waðraruðre. ²⁰ Tai heka arabutun-nyrenyre, warybe-ò bohola benykemy, wadi retehekemy womati reroti-di riwataataara. Judeu mahâdu raròsòna òraru-ki kawesemy watxireri. ²¹ Tahe judeu dinodu mahâdu rirawyònyre: —Aðkòre, inyò rehemynyòre Judeia bede-ribi. Ijyybinamy umy relyyòre. Inyseriòre mahâduò kaò dehemynyòde. ²² Aroholarenykemy timybo tahòtinymahâte-ò. Ityhydÿÿdu mahâdumy dori ibutumy aðbinahakÿlemy rarybereri. Kia judeu mahâdu dinodu raryberenyre.

²³ Tahe riywinyre itxu Paulo rybe-ò ijohonamy. Idi tahe Paulo heto-ò sòwemy iny doidenyde tamy roholakemy. Tii Deuxu ijyy ritÿnyrenyre ruidu rexidelenyre, txioromy rexihure Moisesi Tyyriti ritÿnyrenyre tule ijò rybedu Tyyriti-di ritÿnyrenyre, iwese Jesuisi Iòlòtyhy kanatzikre wese kabede-ki. Kia Jesuisi aðmydÿÿnanamy ritÿnyrenyre. ²⁴ Ijò roholare aðmybo Paulo rarybereò, Jesuisi rityhynyrenyre. Ijò tahe aðkòre, rityhynyòre. ²⁵ Ijò teramy reare. Rÿire, ròhònykremy. Tahe Paulo tamyreny rarybere: —Deuxu Tyytybytyhy booreny dee rarybere Isaia tyyriti-ki. Awimy rare. Kawese roire:

²⁶⁻²⁷ —Makre tamy marybekre: —Boholabenyke, ta tiu aerysyrenyòna. Betehekre arue-di, ihàre tahe aerysyrenyòna. Iruereny, iraykyreny, tòhòtirenny ritòbònymahärenyre. Tai tiu tiiboho robirenyòtyhy, rieryrenyòtyhy, roholarenyòtyhy. Tai diwatyhynyòhyymyhÿde. Tai heka iòraru-ribi ariteytenyòkre.

²⁸ Bierymy boibeke Deuxu tarasana judeukòdu mahâdu-ò rare. Tiiboho dori roholarenykre. ²⁹ Paulo tarybe rahudi tahe, judeu mahâdu ròhònyrennymy sòwemy widee rarybemyhÿrenyre.

³⁰ Roma hãwã-ki Paulo rasÿnyre inatxi beòramy tahetohuòtenawo-ki. Ibutumy heka dÿÿraximy iheto-ò rehemynyrenyreu, Paulo ridyre tamy rarybekremy. ³¹ Deuxu Iòlònamy Paulo iruru-di relyyhyymyhÿre. Inynyry Jesuisi Kristu aðna aðnamy rieryananymyhÿre. Tiu inyò aðhòkÿmy risÿnyòmyhÿre Paulo rybe xãwikemy.

Roma

Paulo Ryberiti Roma mahādu-ò

¹ Paulo jiarĩ rare, tyritiwiđỹdure wahe. Jiarĩ heka Jesuisi Kristu deòdu rare. Tii riwatara rybe tỹnyđỹdumy ararekremy. Deuxu Rybe-wihikỹ wahidỹdumy ararekremy. ² Juhuu dori Deuxu rarybere Rybe-wihikỹ riwahinykemy. Deuxu rybedu mahādu kia rybe riritinyre, Ritidỹnatyhy-ki. ³ Kiamy heka Deuxu Riòre rybe tyhydỹĩnamy rarybere, Davi riòre riòkòreò wahe. ⁴ Deuxu Jesuisi Kristu rubu-ribi riixixadỹĩnyreu, tariòremy tahe riteòsinyre rurunatyhy-di. Jesuisi tahe inatyhymy Inynyryĩ ihỹre. ⁵ Tii ruxetòena inydeereny riwahinyre. Irybe òraru-ki, jiarỹboho aròirenykemy watzireri. Ityhyna aritỹnynykemy judeukòdu mahādu-ò, tai tiiboho rityhynyrenykeny. ⁶ Kaiboho tule judeukòdu mahādu atxitenyteri. Tahe Deuxu ityhydỹĩna mahādu atxitenyteri, Jesuisi Kristu ijoimỹ rỹirakemy adeereny rarybereki. ⁷ Ibutumy adeereny warybe rewahinyre, Kia Deuxu taijoimỹ remyremy mahādu wahe. Ruxetòena, ywina-wana adeereny-ò kanakemy watzireri, Deuxu inytyby-ribi tule Jesuisi Kristu iny wedu-ribi. Tii dori adeereny irybe riwahinyreki.

⁸ Umyreny Deuxu-ò reālāmahāre, atyhynareny-ò iny ibutumy roholamỹhỹreki. ⁹ Deuxu-ò rexitòdenymahāreu, anirenymy rarybehyymy watxiwāhāre. Kia heka Deuxu rieryre, waworibityhy tahe jiarỹ Deuxu deòdumy rare. Iriòre Rybewihikỹ-di wahe. ¹⁰ Jiarỹ rexitòdenyhy watxiwāhāre arorarenymy arakemy Deuxudeewikeki. ¹¹ Umyreny arobikemy watzireri, tai adeereny arelyykemy aōmyđỹ wihikỹō Deuxu Tytybytyhy. Tule kaiboho wadee tuu belyybenykre. Tai tahe atyhynareny-ki ityhymy relekre. ¹² Jiarỹ arawiòhenanykemy watzireri, tule kai biwawiòhenanykemy watzireri. Tai rikexideysanytyhykemy inatyhyna-ò. ¹³ Sōwemy heka arahyykemy watxiwāhāre arorarenymy. Iribi nohōti losaōmy tahe wadi rarurunymỹhỹre aōbo, riwateònyōhymỹhỹre heka. Jiarỹ Deuxu dee waaōmysỹdỹĩna awikemy watzireri ayreny-ki. Tai kaiboho ako-ò boikemy wadee awire, iwese ijō judeukòdu mahāduko-ò ararybekremy watzireri wese. ¹⁴⁻¹⁵ Tuheka ibutu iny-ò ararybekremy watzireri, hāwā wixira wixira mahādu-ò, tule. Iny mahādu-ò aōkòre mahādu-ò tule. Tuu ariwinykre ibutumy iny-ò, iny bedeerenyō mahādu-ò tule. Adeereny tule Rybewihikỹmy arelyykemy watzireri Roma hāwā ludu mahādu-ò.

¹⁶ Jiarỹ dori Kristu Rybewihikỹ-ki araixỹruòtyhy. Irybe dori Deuxu ruru rare. Ibutumy iny rityhynykeki ritakemy ratxikre. Judeu mahādu-ò juhUU nade tai tahe iuhe-ò judeukòdu mahādu-ò. ¹⁷ Deuxu òbitina ratỹnynymy namyhỹde Rybewihikỹwo-ribi. Tyhyna-di ritelenyre tule tyhyna-di ihỹmyhỹre. Inyō tyhyna-di òbitimỹ rỹikeki, tii ruruòtyhy, idi awimỹ rareki.

¹⁸ Deuxu yarana biu-ribi namyhỹde ibutu òraruna hudunamy. Iwidỹĩdu hudunamy. Bina widỹĩdu dori inatyhyna ribinanymỹhỹre, raruinymỹhỹre Deuxu rybe ribynymỹhỹre? ¹⁹ Deuxu eryna ibutumy iny-ò riwahinyre. Deuxule tamỹ riwahinyre. Tai timybo Deuxu raremỹ tahe tiiboho reryhyymỹhỹre. Tai Deuxu aōhōkỹmy risỹnymỹhỹreny. ²⁰ Juhuhukỹle heka Deuxu aōmyđỹĩnanamỹ iny robimỹhỹre idi tii tyhynamỹ tule rerymyhỹre itỹnyhỹkỹlemy, irurunahyy wahe. Aōu aōu kia ibutumy iny

rierymyhÿre, Deuxu widÿÿnamy iny robireki wahe. Tai tiu iny ix-itxiòdÿÿna. ²¹ Rieryrenyre tii Deuxumy raremy. Tahe rexiwowydynyòhyyre timybo iny Deuxu dee rexiwowydynymyhyÿkemy wahe. Tamy àlànatyhy riwahinyòhyymyhyÿre. Idi rôhòtinymyhyÿrenyre Deuxu irayky rôhòtinymyhyÿre wesemy idi rôhòtinymyhyÿre. Irayky tahe reòsamy ratximahàre. ²² Tiibohole bedeerytyhymy ixidi rôhòtinynrenyra. Tahe itxÿtele roire. ²³ Deuxu rubutere rityhnykenawi tahe tiiboho heka ritxoo deuxuò ireije riwinymyhyÿrenyre tatyhydÿÿnamy. Ibinamy heka mywese riwinymyhyÿre, nawii wesemy, iròdu wesemy, iròdu bedemy riradu-wesemy. Rexiòkamy riramy riradu wesemy tahe rityhynymyhyÿrenyre.

²⁴ Deuxu heka òraruna-ò riwahinyrenyre, itxÿtenareny òraru-ki. Iny òta òtadu mahàdu heka wiwanale aòòta ixÿruna riwinymyhyÿrenyre. ²⁵ Deuxu inatyhyna dori tiiboho riwiurònyra ruina-ò. Ritxoo dee rexitòenyrenyre, aòbo Deuxu riwinyre, kia. Deuxule iny reàlàkòmyta ratximyhyÿrenyre.

²⁶ Deuxtutyhy tahe rityhynyòhyyre, Deuxu ibutu widÿÿdu tiu riteàlànymy rakonananyòtyhy. Kia òraru-ki òtaòtana nade. Hāwyy, hābu-wana aòkò roimyhÿre wideele heka aòhebo rotÿÿnymyhyÿre. Kia heka òbiti aòkò rare. ²⁷ Tule hābu, hāwyy-wana aòkò rôimyhÿre, wiwanale aòhebo rotÿÿnymyhyÿre. Òbiti aòkò heka kia rare. Riwyrenykre kia òraru òwydÿÿna, aòhòkÿmy dÿÿnana wahe. Iny sohoji sohoji taaòbina ixÿruna òraru-ki ixidee rimykre.

²⁸ Tòhòti heka Deuxu-txi reaòhyymyhyÿre. Tai tahe timybo ixideewimy riwinyrenykeny roirenyre Deuxu-ribi. Tahe riwinyrenyre ibutumy aòbina binahakÿle. ²⁹ Aòimy aòko ratximyhyÿre aòbina bina-di roiremyhÿ: òtaòtana-di, aòbina binahakÿ-di, aòikòkò-di, rarekemy ixidee ririmyhÿre, teramy heka rÿira. Ihāru-di rÿira iny rubudÿÿmy dori rôhòtinymyhyÿre, rarybehymy ratxirerimy ihÿre, ruidu nihikÿ ihÿre, ujòmo-di rÿira. ³⁰ Aòbinamy inymy rarybemyhÿre, Deuxu derare, ixiluulerenyre, rexityhynymyhyÿre, òraru tÿmyra riwinyrenyre, tyby tadi-wana rityhynyòhyyre. ³¹ Irybe sohoji aòkò heka rare. Iluunaòre, ibinatyhyre, inydee iruxetòeòre. ³² Deuxu rarybere: inyò kia riwinykeki heka ruruke. Tiiboho kia rieryrenyre. Ihāre tahe aòhebo rotÿÿnyre. Kia sohojile aòkò. Reysarenymyhyÿre iny witxira iherenyki aòhe rutÿÿnykreki.

2

¹ Tutyhy-ki aòkòramy rybeòmy. Kai dori tutyhyle òraru tewinymahāòte. Inyò rybemy ywisidÿÿna ijòmy rarybeke-wana ixilemy ywisidÿÿna-ò rexi-tyhenyke. Tii dori kia ibutumy tule riwinymyhyÿre ibinamy wahe. ² Inyò kia aòbina binahakÿ riwinymyhyÿkeki, Deuxu ywisidÿÿna-ò inatyhynalemymy kòdòhònykre. ³ Kai tuleke —kiamy biwinykeki, Deuxu ywisidÿÿna-ribi mahenyòtyhy. Kai dori ywisidÿÿdumy texideòsinyte ihāre tahe iòraru we-sele tewinymahāte. ⁴ Deuxu ruxetòena sòwemy adi rexiruxetòenanymyhyÿre. Kia-di bexirāhikemy adi ratxireri, tiimey ywimy aòna aòna bina riemyhÿre ratximyhyÿre, awi heka adee rare. Kai aòbohe iribi òhòti rosakre kia heka arabedeòtiidÿÿnymyhyÿre. Arabedewodÿÿnymyhyÿre iòraru-ki. Kai aòbohe kia teeryòte? ⁵ Kai arybedÿÿsaeryòre rybe ijohona teeryòte òhòtiòre. Tai tahe Deuxu yarana ixideele tebutunymahāte. Ijòtxu Deuxu yarana tx-umykreu. Tai Deuxu ywisidÿÿdu òbiti rexitÿnynymy rÿykre. ⁶ Iny sohoji sohoji taaòna aòna myna aòmy rotÿÿnykre, aòhebo rotÿÿnymyhyÿreki

wahe. ⁷ Inyõ aõwidỹylemy ratximyhỹre. Tiiboho heka Deuxu wowy-dyna, Deuxu wohyna, Deuxu loosõna widỹỹmy rarutaamyhỹrenyre. Tule iny rarehykykrena-di rarutaamyhỹrenyre. Imyna Deuxu tamyreny riõkre. ⁸ Kia ixidile rõhõtinyimyhỹre mahãdu tahe, Deuxu woxibrunale, yaranale ritakre. Tiiboho dori inatyhyna rityhynyõhyymyhỹrenyre, aõ õbitile aõkõ riwinyimyhỹrenyre. ⁹ Aõhõkỹmydỹỹnana, bedewona kanakre ibutumy aõbina bina widỹỹdu mahãdu-õ, judeu mahãdu-õ juhuu idi judeukõdu mahãdu-õ. ¹⁰ Wowydyna, àlàna, ywina tahe kanakre aõwiwihikỹ widỹỹdu mahãdu-õ judeu mahãdu-õ juhu delemy idi judeukõdu mahãdu-õ. ¹¹ Deuxu-õ heka ibutumy iny wiwese rare. ¹²⁻¹⁶ Tii heka aõhõkỹmy risỹnykre ibutumy iny òrarudu mahãdu. Moisesi bede ywina ihoõrehãrele tii rurukre. Judeukõdu mahãdu heka Moisesi bede ywina rybe ijõkõre. Tahe bede ywina iny rieryekei, idile Deuxu iòaruna riywinykre. Inyõ Deuxu bede ywina rybe roholare tahe rityhynyõre, kia tahe Deuxu dee ibinatyhyre. Ibutumy kia iny rurukre, òtỹỹ iraykywokile aõbo ibinare, aõbo õbitire rierymyhỹreki. Deuxu bede ywina wesemy heka iraykywo-ki ratximyhỹre. Iraykywydyna rexi-nohõtinyimyhỹre ada dexiõbitidỹỹnymyhỹde, Rybe wĩmy rarybemyhỹre Jesuisi Kristu heka hãbu aõmydỹỹna ritỹnyinykre imyna timy rarekremy. Deuxu dori iteradỹỹdure.

¹⁷ Kaiboho, judeu mahãdu, texinohõtinytenyta ibutumy awiremy aDeux-ureny-wana. Tii adeereny bede ywina rybe riwahinyreki, tii abiõwatyhy rareki. ¹⁸ Kai heka aõbo Deuxu-õ awire teeryte. Aõbo ibinare, teeryte. Uladuule ibede ywina rybe teeryte, tai õbitityhyle adeereny awire. ¹⁹ Kai Deuxu-õ nonana bitỹnyinyke iny ruetã mahãdu-õ dori, kia teerytyhytenyteki. Ixi-di tahõtinytenyteki. Iwese, kaiboho loosõna wesemy toitemahã ixi-di tahõtinytenyte. ²⁰ Tule kia ixi-di tahõtinyimahãte. Kai bede erydỹỹdukõdu mahãdu erydỹỹdumy atxiterimy ixidi tahõtinyimahãte. Uladu erydỹỹdumy atxiterimy ixi-di tahõtinyimahãte. Kai bede ywina rybe tyyritiõ dire. Kia adee ibutumy inatyhyna rare bedeerydỹỹna. ²¹ Kai iny erydỹỹdumy atximahãte. Timyrekibo kai textiernanyõmahãte. Kai wasĩmy aõkõ tõerydỹỹnanymyhỹte. Timyrekibo tawasinymahãte. ²² Kai hãwyy òta aõkõ tetỹnynymahãte. Timyrekibo kai tuu tatỹỹnymahãte. Suritxoo dee àlàna deramy iximy tarybe-mahãte. Aõherekibo erydỹỹ-ribi aõmydỹỹnana tewinymahãte. ²³ Kai bede ywina rybe luumy iximy tarybemahãte. Kai Deuxu-di texixiwedenymyhỹte. Ihãre tahe bede ywina rybe tetyhynyõte. Kiawese Deuxu texirudỹỹnymyhỹte. ²⁴ Iwese juhuu riritinyre wese wiji roimyhỹre: —Aòraru-ki tahe bedemy iny rỹira Deuxumy aõna aõnabinamy rarybemyhỹre. ²⁵ Kai bede ywina rybe bityhynykeki, òtyky resynadike, awire judeu mahãdu dori rare. Tahe bede ywina rybe bityhynyõkeki, òtykyresyna adee aõ aõkõre. ²⁶⁻²⁷ Iwesetyhylemy iny rare tõtyky resynaõ mahãdu. Tiiboho bede ywina rybe rityhynykeki, tõtyky resyna-di mahãdu wesemy roirekre. Judeukõdu mahãdu heka bede ywina rybe rityhynykeki, kia adee ixỹruna rare. Kaiboho dori Deuxu bede ywina rybe tetyhynyõte òtyky resyna dire hãrele. Bede ywina rybe dire hãrele. ²⁸⁻²⁹ Inyõ judeu mahãdu wesemy ihỹre. Ihãre tahe judeu mahãdu inatyhy aõkõ rare. Tõtyky resyna-di judeu mahãdu inatyhy aõkõ rỹira. Judeu mahãdu inatyhy tawokihyyle kia idi rỹira. Iwesele notyky resynadỹỹna kia rỹira. Inywokihyyle rare. Aõ bede ywina rybekile aõkõ tuu rỹire inraykywydynadile kiawesemy inyõ rỹira. Hãbu-ribi wowydynamy ritaõtyhy. Deuxu ribile ritake.

3

¹ Tibohe judeu mahādu deewinare. Notyy resynale tamywina. Kia aōbo ibuturatyre awire judeu mahādumy rareki? ² Inatyhy rare, sōwemy, Deuxu dori tamy juhu Ritidỹyna riwahinyre. ³ Inyō rityhynyōre-wana kia riwiurōnyōhyymyhỹre Deuxu heka òbiti rare. ⁴ Inatyhy urenanamy Deuxu raremyhỹ. Iny mahādu tahe roidumy rỹiramyhỹ. Iwese ritina-ki roire wese Deuxumy rarybereri: —Kai arybe òbitina-di atximahāte urenana wahe. Inyō araurihikeki, kai inatyhyna-di biòlòdỹnykre. ⁵ Inyboho òbiti aōkō roire. Kia tahe Deuxu òbitina riteòsinyre. Timykibo Deuxu inydee aōhòkỹmydỹỹnana riwahinykre. Mobo heka kia òbitimy aōkō rarybekre. Jiarỹ hābu rayky-di wese rarybereri. ⁶ Kia òbiti rare. Kiaweseòkeki timybo Deuxu bede aōhòkỹmy dỹỹnana riwahinykre. ⁷⁻⁸ Kai tarybete: —Jiarỹ raruirā. Urile kia Deuxu inatyhyna riteòsinyre. Aōherekibo Deuxu aōhòkỹmy riwasinyre. Kiarybe iwtixira rybewesemy rare: —Ibinamy rakatximyhỹkeki, awihikỹ kia-ribi ròhònykre. Aōkōre, kiamy rybedu mahādu aōhòkỹmy dỹỹnana ritamyhỹkre. Kia riki wamy rarybere, ruimy wahe.

⁹ Aōhe aōbohe, inyboho aōbo inywitxira-ribi awityhyrenyre. Aōkōre. Jiarỹ reteòsinyamahāre ibutumy judeu mahādu, judeukòdu mahādu ibutumy òrarudu roire. ¹⁰ Kiamy Tyyriti-ki roire: —Tiu heka inyō òbitiōre. ¹¹ Inyō heka Deuxu rieryōhyymyhỹre. Timy heka riòryōhyymyhỹre. ¹² Ibutumy iny rexiònonymyhỹre Deuxu-ribi wahe. Aōmy aōkō tiiboho rexiwinyrenyre. Iny riuheòhyymyhỹre aōbo awiré. Sohoji aōkō aōhebo rotỹnyre aōbo awiré. ¹³ Ibòtòjò heka rubuwabede iraymy roimyhỹre ròwese rare. Tiiboho iny itxenadỹỹdu rare. Irybe heka hemylalatyhyju wese rare. ¹⁴ Aōbina bi-nahakỹlemy heka inymy rarybemyhỹre. ¹⁵ Iti heka teyrewē rare hālubu txiwiymy iny rubudỹỹmy tule. ¹⁶ Titxibo ramyhỹre-wana heka aōbina bi-nanale riwahinymyhỹre, aōhòkỹle ririmyhỹre. ¹⁷ Tiiboho dori ywimyno rieryōmyhỹrenyre. ¹⁸ Deuxu lau heka ruberuòtyhymyhỹrenyre, Deuxu rity-hynyòtyhy.

¹⁹ Bede ywina rybe heka tatyhydỹỹna mahādu-ò diòde. Kia tahe inyboho rieryrenyre. Tai heka iny rexitxiònyòtyhy Deuxu-ò. Tai heka ibutu dee aōhòkỹmy dỹỹnana-ò riywinymy rỹikre. ²⁰ Bede ywina rybe-ribi iny ibutumy rieryre ibinamy ratxireri. Inyō heka bede ywina rybe heka rityhynyòhyyre. Tai tahe inyō kia-di rexitaòtyhy iywina òraru-ki.

²¹ Wiji tahe Deuxu òbitina ratỹnynymy ihỹre bede ywina rybe-ribi lahix-imy. Ihetxiu rybedu-di kia ritỹnynymy ihỹre bede ywina rybe ritina-di. ²² Deuxu riòbitidỹỹnyra. Ibutumy Jesuisi Kristu tyhydỹỹdu kanakre. Deuxu dee dori ibutumy bede bede ludu wiweselere. ²³ Ibutumy raòarunymyhỹre. Deuxu òbitina tamy rauhenymyhỹre. ²⁴ Deuxu taruxetòena-di ibutumy riòbitidỹỹnyre Jesuisi Kristu tarasadureki. Tii iny-ribi iòwydimy aō rex-itòenyòhyyre. ²⁵ Deuxu Jesuisi-di rubuna iny òraru riixāwididỹỹnyre iòwy tii riòwynara, iny kamy rityhynkemy. Kawese-ki Deuxu òbitina ritỹnyryra. Juhuu Deuxu iny òraruna-ò reteheòmyhỹre aōnityhymy iywisidỹỹna òreki. ²⁶ Tahe wiji inyòraru-ò retehemyhỹre riixāwididỹỹnkemy. Tai tahe tii òbitire tule Jesuisi Kristu tyhydỹỹdu òbitidỹỹdure. ²⁷ Mobo Deuxu-ò rarybekre jiarỹ awiremy? Aōkōre, inyō rarybeòtyhy. Bede ywina rybe tetyhynyòte. Deuxu iny òbiti widỹỹdure, ibede ywina ywidỹỹ aōkōre. Inatyhynadile awityhymy iny rare. ²⁸ Kiamy tahe raraykynyre iny ityhynadile riòbitidỹỹnyke bede

ywina rybe ywidŷŷ aõbo? Aõkõre! ²⁹ Deuxu aõbo, judeu mahãdu Deuxu sohojile rare? Aõkõre, judeukõdu mahãdu-ò tule Deuxu ihÿre. ³⁰ Deuxu sohojile rare. Iny wiwanale riòbitidŷŷnykre judeu mahãdu judeukõdu mahãdu-wana. Ibutumy ityhyna òraru-ki riòbitidŷŷnyke.

³¹ Ityhyna aõbo bede ywina rybe riixãwididŷŷnyra? Aõkõre, bede ywina ihãre rÿire.

4

¹ Timybo ararybekre inytybyreny Abraõmy. ² Aõbo riwinyre aõkõ idi rexiòbitidŷŷnyre. Tai tahe rexitihynyke inyko-ò. Tahe Deuxuko-ò aõkõ. ³ Kamy heka Ritidŷŷna-ki roire: —Abraõ heka Deuxu rityhynyre taile tahe rexiòbitidŷŷnyre. Deuxu dee tii òbitityhy rare tii rityhynyrekile. ⁴ Iny aõmysŷdŷŷdu raðwymhÿke iaõmysŷdŷŷna myna. Urimy aõkõ dori raðwymhÿre taaõmysŷdŷŷnaðwyle dori ritamhÿre. ⁵ Inyò rityhynymhÿkeki, tii òbitina ritamhÿre Deuxu-ribi. Deuxu dori òrarudu mahãdu òbitina widŷŷdu rare. Kia uriõno rare. ⁶ Davi heka juhuu riritinyre iwese teysatyhymy iny rarekremy wahe. Deuxu dori òbiti mahãdu dee riraykydŷŷnyre òbitimy roirekemy. Tii ixidee aõ riwinyõre. Davi kiawese riritinyre: ⁷ —Teysatyhymy iny rÿirakemy Deuxu iòraru riixãwididŷŷnyreu tõhõti-ribi iòraru rosakeu. ⁸ Teysatyhymy iny rÿirakemy iòraru-txi Inynyrÿ nohõti ijeraõmy ihÿkre. ⁹ Deysana aõbo judeu mahãdu sohojile riteysanymhÿre ida judeukõdu mahãdu tule. Tulere! Inyboho dori rarybere: —Abraõ tyhynale tamy òbitina diwahinyrmhÿde. ¹⁰ Tiubo tahe Abraõ òbitina ritare notyky resynako-ki ada ihewo-ki aõbo, ikoure. ¹¹ Juhuu dori rityhynyre idi ta notyky resyna tamy nade kia tyhyna Deuxu-ò riteòsinyreki. Tai tule òbitina Deuxu tamy riwahinyre. Kia butu tyhydŷŷdu tyby wese rare, Judeukõ mahãdu wahe. ¹² Notyky resynako-ki òbitina ritare. Tõtyky resyna-di mahãdu tyby wesemy riki Abraõ ratximyhÿre. Tiile tõtyky resynakõ-ki Deuxu rityhynytyhymhÿre. ¹³ Deuxu Abraõ-ò rarybere tii ibutu bede bede wedu wesemy ratximyhÿre iriõre iribi rimykemy. Tahe bede ywina rybe òraru-ki aõkõ tuu ihÿre, ityhyna òbitina òrarukile wahe. ¹⁴ Bede ywina rybe-ribi tybie tahe itarasadumy ratxikre, tai tahe inatyhyna aõ aõkõ rare. Aõbo Deuxu rarybere aõmy aõkõ rare. Tahe roirekre. ¹⁵ Bede ywina rybe dori Deuxu aõhõkÿmy dŷŷnana diõde iny ribedeerynkemy. Teysana aõkõ wahe. Bede ywina rybekõki, timyki iny aõ ityhynyõna. Bede ywina rybe ijõõre-wana òraruna ijõõre. ¹⁶ Tahe inatyhyna-di sohojile iny aõna aõna wiwihikÿ ritamhÿke. Tai iruxetõena-ribi nade. Tahe aõmybo Deuxu rarybere ibutu riòrerìoremy tuu rÿikre. Bede ywina rybe mahãdu tule bede ywina rybekõdu mahãdu-wana wiwana Deuxu rityhynyre. Abraõ riõre wesemy ibutumy tai inyboho roire. ¹⁷ Iwese Ritina-ki roire wese: —Jiarÿ aratare ibutu inytyby wesemy mabekemy. Ibutumy iny rityhynyre-wana, iwese Abraõ rityhynyre wese, iwese-ki Deuxu ritake. Deuxu tahe rubu mahãdu riixixanymhÿre rubu-ribi. Tii rarybekeu aõ aõkõ aõwesele tii aõ heka rare. Tii rarybere tule riwinyre. Abraõ heka Deuxu rybe rityhynyre. ¹⁸ Timy heka rariòrenykemy ixidee rõhõtinyðhyymhÿre. Deuxu dori tamy rarybere: —Kai heka ariòkòrereny sòwemy atximyhÿkre. Kai hãwã hãwã tybymy mabekre. ¹⁹ Abraõ tatyhyna ritxiõnyðhyire. Timy heka 100 beðramy idi ratximyhÿre, ixãwire uladu-ribi ramatuarinyreki. Tule ihãwyy Sara iuladu herina-di kòremy rõhõtinyre. ²⁰ Timy heka ritxiõnyðhyire Deuxu Rybe. Rityhynymhÿre Deuxu deàlana riwowdydynre. ²¹ Tii heka

rierymyhÿre Deuxu irurudire irybe wesemy aō rÿikemy. ²² Tai tahe Deuxu tamy òbitina tamy diwahinyde. ²³ Aō iōraruki aōkō kia ryberitina awimy raeryre, tamy sohojile aōkō dori rarybere. ²⁴ Iny òraru-ki tule kia tuu roire. Iny tule inatyhyna-di òbitina ritakre. Inyboho dori rityhynymyhyre, Inynyrÿ Jesuisi rubu-ribi ixixana widÿÿdu Deuxu raremy. ²⁵ Jesuisi iòludu-ò iwahidÿÿmy rara inyòrarureny-ki tai rurure. Tahe iny òbitina wahidÿÿna-ò diixixanyde rubu-ribi.

5

¹ Jesuisi tyhydÿÿ òraru-ki Deuxu inyboho rimyrenyre. Idi awimy rokoirekremy tii-wana, Jesuisi Kristu-wana wahe. ² Deuxu ruxetòdenawo-ki inyboho rotamanymyhyrenyre. Jesuisi Kristu tyhydÿÿna òraru-ki tamy rotamanymyhyre. Deuxu loosòna worojuxanaò-di rokoirekre. Tai inyboho reysamy ihÿre. ³ Inyboho bedewona-di hyy ihÿrenyre. Ihārele tahe inyboho teysarenyre. Kia dori iny riwiòhenynymyhyre raròsòna ijòdikemy ruu inyeereny riwahinykemy. ⁴ Inyboho rikiijerenyhyykeki, Deuxudeewimy rikiwinyrenyke. Deuxudeewina rikiwinyrenykeki, raròsòna rikitarenkre. ⁵ Iny raròsòna tarasana aōkòkeki, uritere rakabedewoōthy, Deuxuluuna dori inyo-ki ratxireri. Deuxu Tyytybytyhymy inyeereny wahidÿÿna rare. Tii dori inyworeny-ki Deuxuluuna ritidire. ⁶ Iruruōmy inyboho roiremyhyre awimy riwinykemy. Tai tahe Kristu inyeereny, inyboho ibinare hāre rurure, Deuxudeewireu. ⁷ Isirare inyō hābu òbiti dee ruruke. Tahe hābu wiwihikÿ dee òsana iny rurukre, kia heka irutaōre. ⁸ Deuxu tahe luunatyhy inyeereny diteònyde. Iny òrarudurenyre hāre, Kristu inykireny rurure. Juhuu heka inyboho òraru roire. Ihārele Deuxu taluuna nihikÿ inyeereny diteòsinyde. Tai heka Kristu inyòrarureny-ki rurure. ⁹ Irubuna òraru-ki heka Deuxuru-ò inyboho òbitimy ihÿrenyre. Irubuna tahe kia riwinyreki irumy inonana tahe iratyre rarekre inyeereny wahe. Deuxu ykarana-ribi Kristu dori iny ritamyhyre. ¹⁰ Juhuu Deuxu òludu inyboho roire. Tahe wiji ibiōwamy inyboho roire, iriōre iny òrarureny-ki rurureki, wahe. Wiji tahe rybe òludu mahādu-ribi wiutādānamy rÿire. Ibutu kia heka Kristu òraru-ki sohojile ture. Tai iny teysamy roire Deuxu rityhynyreki. ¹¹ Inyboho heka iwitzira Deuxu-wana ratximyhyrenyre. Tai tahe reysamy ratximyhyre. Inyboho Deuxu biōwamy ratximyhyrenyre. Jesuisi Kristu Inynyrÿ òraru-ki heka ture.

¹² Hābu sohoji òraru-ki òraruna bedeki ralore juhū, Adaō òraru-ki wahe. Taile tahe rubu nade bedeki. Idi ibutumy iny raòrarunyre. Adaō òraruna-txi resereu, rubu ibutumy iny-ò resere. ¹³⁻¹⁴ Juhū Adaō rurure. Iribi tahe ibutumy iny rurure. Moisesi tule rurure. Tahe bede ywina òraru-ki aōkō tiiboho rurure. Bede ywina dori Adaō rubu hewo-ò Deuxu riwahinyre Moisesi-ò. Deuxu heka iny òrarunamy aōkō rōhōtynyre, tabede ywina dori kiau riwahinyōre. Adaō heka Deuxu rybe rityhynyōre, tai tahe rurure iwese Deuxu rarybere wese. Tule iòraruna òraru-ki ibutumy iny raòrarunymyhyrenyre. Adaō heka Jesuisi-ò rakewesenanykre. ¹⁵ Tiiboho wiwanale aō kabede-ò aō diwymyhydenyde. Adaō heka rubu diwyde. Jesuisi heka runa diwyde. Adaō heka sōwemy iny-ò rubu riwahinyre. Jesuisi tahe sōwetyhy-ò Deuxu ruxetòdena riwahinyre, tarasana tamyreny riwahinyre. Òraruna sohoji-di heka Adaō rubu riwahinyre ibutu iny-ò. Jesuisi tahe ibutumy iny-ò biu-ò hena riwahinykemy ratxireri iòraruna sōwere hārele. Umytuedeōna wahidÿÿdu tii ratxireri. Kia awityhyre. ¹⁶⁻¹⁷ Inatyhymy Adaō

widŷŷna ibinare. Jesuisi widŷŷna heka awityhymy rare inydeereny. Inyboho dori Jesuisi-wana irumy ratxirenyre aõu aõu kowa bede wihikŷ-ki, Deuxu òraru-ki. ¹⁸ Aõhõkŷmy dŷŷnana heka Adaõ widŷŷna diwyde ibutumy iny-ò. Jesuisi tahe òbitina diwyde ibutumy inydeereny. ¹⁹ Adaõ heka Deuxu rybe rityhynyõre. Tai iny sõwemy òraruna-txi resere. Jesuisi tahe Deuxu rybe rityhynyre. Tai iny sõwemy heka òraruna-ribi ritare. ²⁰ Deuxu tabede ywina rybe riwahinyre. Tai tahe iny aõbina rierymŷhŷre. Òraruna-di sõwemy ihŷreki, tai Deuxu ruxetòena sõwetyhymy ihŷre. ²¹ Juhuu òraruna ratximŷhŷre iny umyreny-ki. Inydeereny rubule riwahinyrenyire. Wijile tahe Deuxu ruxetòena riwahinyre inyumyreny-ò, inyraykyreny-ò. Òbitina inydeereny riwahinyre Deuxuko-txi. Jesuisi Kristu Inynyrŷ òraru-ki heka, umytedeõna inyboho ijõdire.

6

¹ Timykibo Deuxu inydireny rexiruxetòenykeu watxireri Deuxu ire inydireny raruxetòenykemy ire rexiòrarunanymŷhŷre hãrele. Timyki tuuõna. ² Aõkõhyre. Inyboho heka òraruna dee rubumy ihŷrenyire. Timykibo iny ihymy òraruna-txi rekeseke? Aõkõhyre. ³ Jesuisi Kristuni-ki inyboho raratisebenyre, Tule Jesuisi rubu-my ratisebe-ò rururenire. Kia teertytenyte. ⁴ Tiu inyboho risebenyre Jesuisi òraru-ki, tii-wana inyboho rurure. Tai iru tŷmyra-di inyboho ihyre. Iwese Deuxu taruru-di Jesuisi riixixadŷŷnyre wese tule inyboho iru tymyra-di rokoireke. ⁵ Iwese tii rurure wese, inyboho tule rukurenkre òraruna dee. Iwese Kristu rexixadŷŷnyhe wese inyboho tule òraru-ribi ixãwira tii-wana rarehyykremy. ⁶ Iny umy tyby tule rurure Kristu itxeò-ki. Tai inyboho heka òraruna deòdumy aõkõ ihŷrenyire. ⁷ Inyò rurukreu, tii òraruna-ribi ixãwimy ihŷre. ⁸ Inyboho Kristu-wana rurukeki, tii Kristu-wana irumy ratxikre. ⁹ Kristu rexixare tii ixyby ruruoŷtyhy. Rubu ixyby tamy reaŷtyhy. Kia tahe inyboho rierynyire. ¹⁰ Jesuisi rurureu, iny òraruna ixãwina rubulemy rurure. Wiji tahe irumy ihŷre Deuxudeehy. ¹¹ Tule kai arumy atximahãte Deuxu dee iny aõbina bina-ò taruteki rubuwesemy arumy tahe Deuxu-ò. Inynyrŷreny Jesuisi Kristu tyhydŷŷki. Kiawesele mohõtinkyte Deuxu dee, Jesuisi Kristu dee wahe.

¹² Kaiboho dori Jesuisi Kristu-wana atximahãtenyte. Òraruna-txi ixyby besekeŷtyhy. Ixideewimy aõkõ rikiwinyrenyire, aõ ibina wahe. ¹³ Aumyreny biwahinybenyke Deuxu-ò iwese iny iru tŷmyra-di ihŷrenyire. Tai tahe òbitile biwinybenyke, òraruna-txi beseŷtyhy aõ iyja aõkõ. ¹⁴ Òraruna rybe-ò ijo-horenyõmy. Tii dori awedu aõkõ rare. Deuxu ruxetòena-ò bexiwelorom-aãbenyke.

¹⁵ Aõbo tahe awityhyre. Ruxetòena òraru-ki aõbo rekexiòrarunymŷhŷke. Aõkõhyre. ¹⁶ Òraruna rybe-ò heka bityhynybenykeki, òraruna deòdumy atxibenyke, rubu iõwy rare wahe. Deuxu rybe-ò tahe bityhynybenykeki, òbitimy boibenyke. Bexideòdunyenŷtyhyke òraruna bityhynybenykemy. ¹⁷ Wowydyna Deuxu-ò kanakemy watxireri. Juhuu kaiboho òraruna deòdumy ahãtenyte. Tahe wiji inatyhyna erydŷŷna tetyhynytyhtenyte. ¹⁸ Wiji tahe kaiboho òbitina deòdumy atxitenyte. Tahe Deuxu deòdumy wiji toite, tii ixideewimy timybo adirenykre. ¹⁹ Iwese juhuu òrarunawidŷŷna-ò texi-wahinymahãte wese, wiji bexiwahinybenyke Deuxu-ò, òbitiwidŷŷna-ò wahe.

Òbitimy rarybemahâre, itÿntytyhy kaiboho dori òhòtitymy toite aiximynatyhyrenyò òraru-ki. ²⁰ Òraruna deòdumy atxitenyeteu, Deuxu tetyhynyòtenyete. ²¹ Kia aòmydÿÿnana wiji ixâruna adeereny rare. Aòbo tahe awimy juhuhu tewinytenyete. Kia heka rubule riwahinymyhÿre. ²² Òraruna-ribi ixinamy atxitenyete. Kaiboho Deuxu-ò ibutumy textiwahinyete. Tai umytuedeòna tetatenyete. ²³ Òraruna òwy heka rubu rare. Inyò òraruna riwinykeki, tii ruruke, kia òraruna òwy rare. Deuxu wahidÿÿna tahe umytuedeòna rare, Jesuisi Inynrÿ rurureki wahe. Idi tiile-wana tukre.

7

¹ Waityhydÿÿdu seriòre, kaiboho bede ywinamy teerytenyete. Tai bieryke aòmybo ararybekre. Inyò irulemy rariakekile, bede ywina tamy aò rare. ² Arawesenanykre. Hâwyy heka ihâbu-wana ihyymy ihÿre bede ywina myna. Hâbu rurukeki, tahe ixinamy ihÿre ijò-wana roikremy. Hâbu ruruòkeki tahe, ixinamy aòkò ihÿre, ijò-wana roikremy. ³ Inyò-wana roikeki, hâwyy wedenamy raninikre. Ihâbu rurukeki, tii ixinamy rarekre. Ijò-wana roike. ⁴ Kia wese rare, waseriòreboho, ayreny-ki. Kaiboho bede ywina dee tarutenyete. Kaiboho dori ityhydÿÿdu mahâdu atximahâtenyete. Kaiboho Deuxu hòrò mahâdu atximahâtenyete. Rubu-ribi ixixadu mahâdu atximahâtenyete, Deuxudeewina biwinybenykemy. ⁵ Juhuu ixideewile aò tewinymyhÿtenyete, rubu aòmydÿÿnana wahe. ⁶ Wijile tahe bede ywina-ribi ixinamy inyboho roimyhÿrenyete. Iwese ihetxiu tyyriti bede ywina rityhynymy aòkò ihÿreny, wiji Deuxu Tyytybytyhy aòmydÿÿnana inyboho rityhynrenyete.

⁷ Timybo? Bede ywina aòbo ibinamy rare. Aòkòre. Ihoòkeki tahe òraruna jiarÿ arieryòtyhy. Bede ywina rarybere wasiòmy. Kiale reeryre aòbo wasimyy rare, inyò aò arimykemy watxireriu, kia òraruna wasiweselemy rare. ⁸ Timyki, jiarÿ òraruna waerysyòna bede ywina tuu rarybekòkeki. Bede ywina dori aòbina binamy riwabedeerynre. ⁹ Jiarÿ juhuhu bede ywina reeryòre. Reeryre tahe aòmydÿÿnana binale wadee rarerenyete. ¹⁰ Deuxu heka bede ywina riwahinyre juhuhu. Tamy ruru riwahinyre bede ywina wahe. ¹¹ Tahe bede ywina òraru-ki heka òraruna riwahinymy. Tai tahe ònosòna riwarubunyete. ¹² Kia bede ywina tahe awi rare, òbiti rare. Ònosòna awi rare. ¹³ Timybo rare. Òbitina aòbohe riwarubunyete. Aòkòre. Òraruna tiire. Tii tahe ibinatyhy rare. Bede ywina òraru-ki iny kia òraruna ibinatyhy reeryrenyete. ¹⁴ Bede ywina heka Deuxu Tyytybytyhy aòmydÿÿnana rare. Jiarÿ heka inyle rare, òraruna heka wawedu rare. ¹⁵ Aòbo warayky dee ibinarele, kiale rewinywâhâre. Aòbo awimy warayky dee rare, kia rewinyòhyre. Aòherekibo? Reeryòre. ¹⁶ Rexierymyhÿre aòbo rewinymyhÿre. Reeryre kaa bede ywina awi rare. Tai heka rabadewomy watxiwâhâre. Jiarÿ dori bede ywina bede ywina riti reerymy watxiwâhâre. ¹⁷ Retxiònymy watxiwâhâre. Waruruòhy heka watxiwâhâre. Aòwi ariwinykeò. Òraru heka iòhòmy waribi ratximyhÿre waruru ratyre ratximyhÿre waribi. Tai heka òraru rewinyamahâre. ¹⁸ Waumy ehetsina tahe ibinatyhy rare. Aòbo awi rare heka ariwinykemy rewisÿnywâhâre ta heka rewinyòhywâhâre. Aòwi rewinyòhywâhâre! ¹⁹ Jiarÿ rarurunymahâre heka aòbina ariwinykòkemy. Tahe ihârele heka rewinyamahâre. ²⁰ Reeryrehe aòhebo ratÿÿnymyhÿre. Jiarÿ ixiòrarudÿÿ waòraruna wadi raitxÿteitxÿtenymyhÿre. ²¹ Deuxudeewimy heka ariwinykemy watxiwâhâre. Tahe araòrarunyhymahâre. ²² Waumytÿmyra

raruruntyhymahāre Deuxudeewi widȳna ariwinyke. Awityhy rare wadee. ²³ Ijō tahe waumywo-ki, waraykywo-ki, ratximyh̄re, waumyehetxina waki ratximyh̄re. Wadi rarurunymyh̄re riwamymy ratximyh̄re. Aōbina widȳmy heka wadi rimymy ratximyh̄re. Reōludunyōhyymyh̄re waraykymy heka rahañnanyimyh̄re. Aōwesele heka tuu rahañnanyimyh̄re, riōludunyōmyh̄reki wahe. Raraykynmahāre warayky-ki, Deuxudeewimy watzikemy. Tule tahe reerymahāre òraruna deōduō jiar̄ rare wahe. Waumyt̄myra tahe wadee rarybemyh̄re òbitimy aōmydȳnana ariwinykemy. Waumyehetxina tahe kialemy wadee rarybemyh̄re — òraru ariwinykelemy. ²⁴⁻²⁵ Tai heka urile warayky raleileinymyh̄. Mobo riwatake waumyehetxina bina bina aōmydȳnana-ribi? Deuxudeewina-ki, Jesuisi Kristu Inynyr̄ heka iximynamy riwatakre. Tii riwateōnymy wadi rarekre. Wowydina tamy ariwahinykre.

8

¹ Tai heka Jesuisi Kristu tyhyd̄ȳdu mahādu rubutyhy-ò heka raōtyhy. Deuxu heka tii ritarenke tii-wana rarehyke. ² Deuxu-ò Tyytybytyhy dori warurutymyra-di riwarurud̄ȳnytyhyre. Rubu-ribi dori Jesuisi Kristu riwatare ixinamy ararekemy. ³ Inyboho heka Deuxu Bede Ywina riryreny, Moisesi tyryitina wahe. Tii heka iny òraruna-ribi iny ixinamy ririrad̄ȳnymyh̄re. Jesuisi Kristule, aōbo, òraruna ruru rahumyh̄re. Aōma rakahurenyōtyhy heka iny rururenydi aōma òraruna ixitawo-di. Rikityhynyrenyōtyhy heka aōma ixitawo-di aōbo bede ywina Tahe Deuxu tariōre diteōnyde iny umyrenywesemy wahe. Tiu heka iōrarunaōhyre. Tai heka rexiwahinyre iny òrarureny-ki. ⁴ Tai rikityhynyrenyke aōma Deuxu bede ywina. Iny nohōtiren̄y rosake aōbo umy ehetchinareny inydeereny rarybemyh̄re. Ijohonarenyōmy ta, irybe-ò, Deuxu Tyytybytyhy rybeōle rokoholamyh̄reny. ⁵ Aōbo Deuxudeewimy biwinybenykeki, tai Deuxu Tyytybytyhy rybeōle heka iny roholamyh̄ke. Ixideewimy widȳmy burubenykeki tahe, aōwaxina bohohabenyke umyehetxina rybe-ò. ⁶ Deuxu Tyytybytyhy rybe-ò ijohona heka iny umyt̄myra-ò ridymyh̄re, umytuedeōna-ò, ywina-ò. Umy ehetchina rybe-ò iny rohola wana, tahe rubu-ò iny ridymyh̄re. ⁷ Umy ehetchina dori aōma rare, Deuxu òludu. Deuxudeewimy aōkō heka riwinymy ih̄re tiu riwinyōtyhy. ⁸ Inyō ibutumy òraruna ixideewimy riwinykeki, tiu heka Deuxudeewina riwinyōtyhy. ⁹⁻¹¹ Kaiboho tahe kiawesemy aōkō heka toite. Deuxu Tyytybytyhy heka aworeny-ki ras̄nymyh̄re. Tai heka umyt̄myraō heka kaiboho ijōdirenyre. Deuxu Tyytybytyhy heka kaiboho ijōdirenyke. Inyō Deuxu Tyytybytyhy ihoōkeki, tiu tii ityhyd̄ȳdu aōkō rare. Aumtyhy heka rurukre aōrarunaō direki wahe. Attytyby tahe iruhyymy ratxikre, Kristu dori aōraruna riixāwidid̄ȳnyreki wahe, Deuxu araōbitid̄ȳnyre wahe.

¹² Tai waityhyd̄ȳdu seriōreboho. Umy ehetchina rybe-ò uritere ijohonarenyōmy. ¹³ Irybe derad̄ȳna-ò beōbybenykeki, kaiboho heka burubenyke. Aōkōkeki arurenymy mariabenykre, Deuxu Tyytybytyhy-di wahe. ¹⁴ Ibutumy Deuxu Tyytybytyhy rybe-ò roholamyh̄re mahādu, tiiboho tahe Deuxu riōre roire. ¹⁵ Deuxu rybemy bityhynybenyke. Deuxu Riōre wesemy tahe bityhynybenyke, òbitimy atxibenyke, deōdu wesemy aōkō wahe, burubenyōtyhy. Waha-my tahe marybemyh̄benyke heka. Deuxu Tyytybytyhydile wahe. ¹⁶ Ijoiirenymy rakatxirenykre. Aōmybo Deuxu Tyytybytyhy-di inydeereny roimyh̄reki heka, tuu inatyhymy rakatximyh̄renykre

inyboho iriòre roiremy wahe. ¹⁷ Ibutumy aõbo Jesuisi Kristu inydeereny riwahinyemhỹke heka, tule inyhõrõ reny heka rare. Iwese tii wowydyna iribi rikitarenykeki, tii-wana heka aõhõkỹmy rokotỹỹnyrenykre.

¹⁸ Aõhõkỹmy rokotỹỹnyrenykre tahe aõnihikỹmy aõkõ rare, urihimiyòle wahe. Inydeereny dori wowydynaõ kidiwahinykre, sòwetyhymy. ¹⁹ Ibutu bede bede aõna aõna riraõmy roimyhỹre, aõma-ò, Deuxu Riõre mahädu ibutumy rubu-ribi ixixana kiditynykreu, rexixamy ibutumy rỹirakre idi biu-ò rirahukre wahe. ²⁰ Kiatxu tahe ibutumy bede bede raaõbinanyke. Iwese Deuxu juhuvu riwinyre-ribi resere iny òraruna òraru-ki. Deuxu dori tuu bede riywinyre txioinyhe tahe, raròsõna rỹire, riwitxiranyke. ²¹ Rekeysarenkyre heka Deuxu riòremy heka rakatxirenykre. Tii ibutumy bede bede-ribi iny ritarenkyre ibutumy òraruna-ribi, rubu-ribi. Ibutumy òraruna aõbina bina deòdu heka rexihukre. Deuxu ibutumy aõna aõna ritỹmyranykre iwese tariòre itỹmyrare wese. ²² Kaa wiji tahe ibutu aõna aõna aõhõkỹmy rotỹỹnymy rỹira iròdu alòbòròna, ibutumy heka uladu ijira dese wese heka riijemy aõna aõna rỹira. Aõma, ixixanatxu dehemyntkòlemy roimyhỹreki wahe. ²³ Tiibohole sohojile aõkõ, tule inyboho Deuxu Tyytybytyhyre hãre, kia delemy inydeereny rawahinyre hãre, aõhõkỹmy rotỹỹnymyhỹrenyre idi tiu Deuxu tariòremy risỹnyrenkyre riraõmyhỹre. Kia tahe inyboho riraõmyhỹrenyre. ²⁴ Inyboho dori tararòsõna-ki kawese awirenyre. Inyõ iraròsõna itỹnykeki, aõbo tahe riraõmyhỹke. ²⁵ Tai tahe Deuxu rikityhinyrenyke rikiraòrenymy aõma, inydeereny tuu raryberé, rikitarenykré. Rikiyrymy rikiraõmy rokorokomyhỹrenykre.

²⁶ Iwesele tahe Deuxu Tyytybytyhy heka iny riviòhenanyrenykre. Inyummy aõmydỹnanareny heka aõhebo rotỹỹnymyhỹre txuõ txuõlemy iny riviòhenanyrenykre. Inyboho riviòhenanyrenykre aõma inyboho rieriõkòreki ixitòedỹỹ. Deuxu Tyytybytyhy inydeereny dori rexitòenymyhỹre tii inyboho heka aõmy rybe inyboho rieriõkòmyhỹrenyre inydee risỹnymy rarybemyhỹre tuu. ²⁷ Inytybyreny heka ibutumy inraykyreny, inyworeny, rierymyhỹre. Tii heka rexitòenymyhỹre inydeereny iny òbitinarenny-di, iny ywinarenny-di iny riixitòedỹỹnymyhỹrenyre. ²⁸ Ibutumy aõbo inydeereny rabededỹỹnananyreny hãre inydeereny awire. Deuxudeewina heka rikiwinyrenyke inydireny ratximyhỹre Deuxu dori inyluurennyre. Tii dori iny ridyre tariòre wesemy. Tii dori kiamy juhuvu ròhõtinyre. ²⁹ Juhudihikỹle Deuxu ròhõtinyre mobo tany rakemy. Tahe tiu rierymyhỹre mobo aõma inyboho tany kanakré. Tiu heka rierymyhỹre timybo widi rarekré, tariòre wesemy idi rarekré. Iriòre heka sòwemy iseriòre relekre. Iriòre tahe juhuvule ityhydỹỹdumy iuhe rỹire, iseriòre wesemy wahe. ³⁰ Tii heka inyboho rihitxinyrenyre. Tii heka ryrymyhỹre tany, kanakemy. Tii inyboho tany ritehemynyreny, heka inyboho tany ritehemynyreny. Iny òraruna-ribi inyboho riixãwididỹỹnymy Deuxu, Jesuisi, Deuxu Tyytybytyhy ywina heka inydeereny riwahinyre.

³¹ Ywimy rakatxirenykemy heka inydeereny ròhõtinyry ihỹre. Wowydyna heka inydeereny riwahinykre. Timybo rakaryberenykre. Awire heka ibutumy. Nihikỹre. Deuxu heka inyworeny-ki ratximyhỹre. Tii heka inyidinodurennyre. Inyòludurennyòhyre ratxirenyke, sohojiò. ³² Ibutumy inydeereny riwahinykre —inydeereny dori taRiòretyhy dori diwahinyde. Diwahinyde heka inydeereny rurukremy. Deuxu heka iny riixãwididỹỹnyrenyre. ³³ Inyboho heka òbitimy ratximyhỹrenyre tany

rakatzirenykemy. Tii dori iny riwinyrenyire òbitimy. Inyõ rarybeõtyhy iny òbitimy aõkõ ihÿre. ³⁴ Inyõ heka inymyreny rarybeõtyhy rukururenkemy. Jesuisi Kristu dori inydeereny rurure, iny òrarurenki. Tii ixityre rubu-ribi rexixare inydeereny. Katahe ronymhÿre Jesuisi heka rexitòenymy ronymhÿre inykireny. Deuxu-ò heka iny riixitòedÿÿnyremy inydireny ronymhÿre. ³⁵ Tiu heka rihitxinyõtyhy, aõma Jesuisi Kristu luureki wahe. Aõhòkÿmydÿÿnana dori rakatzireny. Tii heka iny rirubunyrenyke. Iny rama rirubunyrenyke inieruõmy. Bede brebuwo-ki rakatzirenyke. Inymyreny rarybemyhÿkre. iny rirubunyrenyke. Ta Deuxu inywanarenhyhy ratximy ihÿre. Tiu heka Deuxu-ribi aõ iny rihitxinyrenyõtyhy. ³⁶ Inyboho heka rubu riraõhyky ratximyhÿreny, rexiywinyhykyle. Kia rikiwinyrenyke aõma Deuxu luuna-di xiery –iwese budoeni tarubuna riraõmy rÿimyhÿre wese. Deuxu rybe inykoreny tuu relymyhÿre. ³⁷ Taiki heka imahàduy-ribi rokotarenkyre. Kia òlòna inyhòrõreny rare. Kristu dori inydeereny rurure. Aõ heka iny rihitxinyrenyõtyhy Deuxuluuna-ribi. Rubu dori iny rihitxinyrenyõtyhy. Umy tiu iny-ribi rihitxinyõtyhy. Ýju dori tiu iny rihitxinyõtyhy. Aõbinahakÿ heòty, rubu bina heòty dori tiu Deuxu luuna-ribi rihitxinyõtyhy. ³⁸ Aõ heka iny rihitxinyõtyhy Deuxuluu-ribi. Biu wenonana dori, beheÿ ratyre, tiu Deuxu luuna-ribi iny rihitxinyõtyhy. Wiji aõna aõna itõmo rahudi aõna aõna, aõtxi aõna aõna tiu iluuna-ribi rihitxinyõtyhy. ³⁹ Kia ibutumy wadee inatyhy rare. Jesuisi heka Deuxu inydeereny ritÿmynymhÿre ibutumy iluuna iny òrarurenki rurureu.

9

¹ Kai-boho wajioireny, waityhydÿÿdu seriòre mahàdu. Kristu hòrò jiarÿ rare, inytyhy rare. Deuxu Tytybytyhy, Jesuisi Kristu-wanale rierymhÿre kia inatyhy rare. ² Rabadewomy heka watxireri wajioi rityhynyòreki. Deuxu Tytybytyhy kia rieryre. Txuò txuòlemy, ruò ruòlemy rabedewomy watxihàre. Txiole txiole aõmydÿÿnanamy adeereny ararybeke kai-boho tarasanaõ boibekemy. ³ Deuxu riwatxuhoke Kristu-ribi wajioi deròwmy, iwiòhedÿÿkeki. Jiarÿ heka ihyy arurukemy wajioi ityhydÿÿdukòdu mahàdu wahe ixi-di tamyreny rahòtinymy watxireri. Kia biu-ò hena ritarenkyemy wahe. Tahe aõkòre heka. ⁴ Deuxu heka tamyreny sòwemy diwahinyde. Ihàrele tiiboho ijohona deramy rekoamahàreny. Aõma, rihitxinyreny heka taijioirenymy. Ridyreny heka bederahy-ò loosòna-ki biuwetykywo-ki. Tahe tamyreny rarybere tii iluurenymy. Tamyreny heka sòwemy aõ kidiwahinykemy idireny ratximyhÿre. Tule tabede ywina rybe tamy diwahinyde. Tai tahe Deuxudeewina reeryreny. ⁵ Tamy heka Deuxu wowodynaõ riwahinyrenkyemy Deuxu teòduò kanake tii tamy rarybere. Tybyreny dori ilahiboho dori rityhynyreny, tii Deuxu sòwemy rityhynyreny. Kristu tahe tule judeu mahàduò ratximyhÿre, wajioi wahe.

⁶ Deuxu rybe inatyhytyhy rare. Sòwemy iny judeu mahàdu wese roire. Ibutumy tahe judeu mahàdutyhy aõkò roire. ⁷ Ibutumy judeu Abraò riòre riòre rÿira mahàdu aõkò heka Deuxu riòremy rarekre. Deuxu heka Abraò-ò rarybere: –Ijai riòrele ariòkòre rarekemy ijò aõkò. Ibutumy Abraò riòre, Ijai riòre aõma ityhydÿÿdu aõkò roire. ⁸ Ijò iriòrekòna mahàdu tahe ityhydÿÿdu heka roire. Kia Deuxu rybe rityhynymhÿrele heka ityhydÿÿdu mahàdumy rÿira –judeu mahàdu tyhy wahe. ⁹ Juhuu tahe Abraò-ò Deuxu rarybere: –Ahàwyy Sara, iriòredikre ijò beòrau wahe. ¹⁰⁻¹¹ Iu tahe Ijai iriòre hàwyy-wana

herinanyreu, Rebeka-wana roire tahe inatxi uladumy heka Rebeka tamy kidiwahinykremy riywinyra. Ijau juhutyhy iriòredelamy reakre riywinyra. Ijò tahe Ijaò ini rarekre. Kawese Deuxu rarybere uladu reakoule: —Jiarý heka Ijaòmy retamy rarybere Ijau aòkò. Jiarý aña aña sòwemy tamy adiwahinykre. Deuxu kiamy rarybere Ijau reakoule. Tiu aòwiihiký aòbina bina riwinyke aòkò. Myle roireri. Deuxu riteòsinyre ijò tarasanamy reake-ribi tahe ijòle tuu reare. Aò uladu tuu riwinyreriki aòkò Deuxudeewimy tuu riwinyre. ¹² Juhuutyhy Rebeka-ò rarybere: —Idela taseriòre deòdumy rarekre. ¹³ Iwese tyriti-ki roire wese: —Ijaò iluure tahe Ijau aòkòre.

¹⁴ Aòmybo tahòtynyteri? Deuxu aòbo adee ibinare kia riwinyreki? Aòkòre heka. ¹⁵ Deuxu rarybere Moisesi-ò: —Jiarý heka awimy inyòdee ariwinykre, tahe tuu ariwinykre. Inyòdee ruxetòena ariwahinykeki, tamy ariwahinykre iixideewimy. ¹⁶ Deuxu ruxetòenale heka rare, iny aòmýsýdýý sòwehekýmyreki aòkò inydee tarasana riwahinykre. ¹⁷ Kaheka iny rieryre Faraò (Egito bede iòlò) ijyy dori inydee kia riteòsinyre iwese Deuxu rare wese wahe reteherenyké. Deuxu kiamy rarybere Faraò dee: —Adee kýny ariwahinyre ruruò kai bonyke iòlòmy. Tai tahe ibutumy iny wani wiwihiký-ò roholakre. ¹⁸ Ibutumy Deuxu ixideewimy tuu riwinyrý rýirakre. Ruxetòena riwahinyke tamýwi tahe riwahinyra.

¹⁹ Inyò tahe wadee timy rarybeòtyhy: —Aòherekibo kawesemy Deuxu inyò aòhe risýnykre ada amobohe Deuxu aòwidýýna deramy reakre. ²⁰⁻²¹ Tiu moò rarybeòtyhy Deukumy ibinamy. Iu inyò butxi riwinykreu, aòma sudeò rimykreu, riwinykre heka butxiwihikýò tamýwikeki. Ibinaò riwinykeki tasý iwesele riwinyke ibinamy tuutyhymy. Bedenamy riwinyke noijaka tamý ridemyhýkemy. Ijò butxi tamý wikeki. ²² Iwesele heka Deuxu rare. Rebureke heka inyòdee raykarananyke. Ijò-ò tahe awike ta ruxetòena-di riwiòhenanyke iaòna aña riijemy. ²³ Idi tahe ròkòhòtynyreny timybo Deuxu wina, Deuxu loosòna awiremy iruxetòena inydeereny riwahinyhyymhýre. ²⁴ Judeukòdu mahàdu Deuxu ritare. Judeu mahàdu yribi sohoji aòkò. Inyboho. ²⁵ Osea tyriti-ki rybeò kiamy tai roire Deuxu rarybere wahe: —Ijò mahàdumy sý aronykre wariòremy. Tahe waijoiy-ribi aòkò waijoì mahàdu aòkò waijoimy arininike idi aritakre. Tuumy ararekre. Tiu heka luuna juhuu inyò rewahinyòhyre. ²⁶ Deuxu rarybere tiu: —Kaiboho juhuu waijoì aòkò toite, tuuòmyta kowa-ki wariòrereny boibekre. ²⁷ Isaia tule rarybemyhýre aòma judeu mahàdumy wahe. Sòwemy, sòwemy imahàduò hàre tahe, ibutumy tarasanamy reakre. ²⁸ Deuxu ele elemy rotýýnykre timybo rarybere myna. Ijò-ò ruxetòena riwahinykre ijò-ò adehuna riwahinykre riixàwidinyrenykre. ²⁹ Ijò Ritidýýna-ki Isaia rarybere: —Deuxu ibutu dinodu heka ruxetòena riwahinyòkeki, ibutumy judeu mahàdu riixàwididýýnykre iwese Sodoma hāwā Komora hāwā-wana riixàwidinyre wesemy wahe.

³⁰⁻³¹ Timybo rakaryberenykre kia aòmýdýýnanamy? Kialemy: —Judeukòdu mahàdu-ò Deuxu tarasana riwahinyre tiu Deuxu riijeòhyymhýre hàrele. Judeu mahàdu heka rityhynykemy idi ratximyhýre ibede ywidýýna-di tahe tiu heka ritaòhyymhýreny tarasana. ³² Bede ywina rybe riyrubunýkehàre awikehàre tiu tarasana ritaòtyhy. Rityhynytyhykele heka tuuke. Tai tahe ritaòre tarasana, rityhynytyhyòreny. Tai tahe iwere mana iny riatymyhýre were rydýýnareny. ³³ Ijòti nihiký heka roimyhýre. Tiu heka riòhòreòtyhy iweribi-ò. Deuxu rybe-ki kia wesemy roire: —Judeu mahàdury-ki mana nihiký wese retidimý doimyhýde. Sòwemy heka iny rýira tiu heka ityre-di

rariaõtyhy biu-ò hena-ò dehemynydeki wahe. Kia iny rityhynymy Jesuisi Kristu rÿirale tahe ritakre tarasanaõ heka inatyhymy.

10

¹ Waityhydÿÿdu seriõre, rexitõenymy wãhare heka Deuxu-ò ibutumy judeu mahãdu biu-ò henamy rÿikemy. Kiamy tuu rarumahãre. ² Reerymahãre tiiboho ibutumy rityhynymahãrenyremy Deuxu. Tiiboho ityhydÿÿnareny tahe òbitihyky aõkõre. ³ Tiiboho kiamy rõhõtynymahãrenyre aõma judeu mahãdu heka bedede ywina rybe rityhynyrenykekile rexiòbitinykemy heka rõhõtynymahãrenyre Kristu-ò ta rexiwelòròkõlemy Kristu bedede-ò rexihumyhyre, tai Deuxu iny-di awimy rarekemy. ⁴ Bedede ywina heka Deuxu aõmydÿÿna tarasana aõkõ heka rare. Kristu rityhynymahãrenyre. Kia weseleke heka tii rimyrenyre rexiòbitinyre. ⁵ Moisesi dori ròritidÿÿre tuu: —Inyõ tiu òraruna-txi reseõhy rarekeki, taile iny tarasanamy ratxike. ⁶ Kiamy heka ityhydÿÿna namyhyde. Uritere inyõ Kristu biu-ribi kòdidykemy ixinohõtidiÿÿõna Kristu kidiwykredi uritere nohõtirenymy, isiratyhyre wahe. Tuu aõkõ iny òbitidÿÿna-ki rahamyhyre. ⁷ Uritere Kristu ixixana-di mohõtinyõmyke isiratyhyre dori kia-ribi òbitidÿÿna kidiakremy. ⁸ Tii heka inyboho ribedeerynanymyhyre. Iòhõlemy heka iny-ribi ihÿre warybereny wahe. ⁹ Iny taykyrenyky rityhynymyhyre inyky. Tai tahe rarybere inywitxira-ò aõma Kristu iny wedureny ihÿremy wahe. Inywoereny-ribi rikityhynymyhyrenykeki. Aõma Kristu heka Deuxu riixixanyre rubu-ribi. ¹⁰ Taiki tahe biu-ò hena rakatarenykre. Aworibityhy rikityhynymahãke. Kiamy heka iny òbitimy rekelerenyke Deuxu dee wahe. Rarybeke iny-ò rityhynymy ratximyhyremy tai tahe tuu relemy ratxike. ¹¹ Kiamy heka Ritina-ki roimyhÿre: —Inyõ rityhynytyhyhyke heka teysamy ratxike. Tiu heka anabedewoõtyhy tatyhyna-ki. ¹² Judeu mahãdu dori judeukõdu mahãdu-wana wiwesele rare. Ibutumy heka sohojiÿhyyle iwedure, Inynyrÿ wahe. Ibutu heka inydee riwahinymyhyre aõmybo iny rexitõenymyhyre wahe. ¹³ Iny rexitõeny-wana Inynyrÿni-di tarasanamy, tai iny-ò riwahinymyhyre. ¹⁴ Teerykõte heka timybo idi ratximyhyre rexitõenymy. Timybo bieryke inyõ tuu relyykõhãre heka rityhynyke. Tamy heka roholaõtyhy inyõ tuu relyyõkeki tiu ityhydÿÿõna. ¹⁵ Inyõ heka raõtyhy, inyõ biteõnyõkeki wahe. Kiamy tahe Tyyriti rarybereri: —Kia Rybewihikÿmy rybedu heka awi heka rare, dehemynyna heka awire, deysana rybe dori diwymyhyde. Deuxu rybena ywina wihikÿ heka diwymyhyde. Tai tahe iny reysamy heka aõma Deuxu Rybewihikÿ tamy riwymyhyreki wahe.

¹⁶ Ibutumy aõkõ tahe rityhynymyhyre. Iwese Isaia Deuxu rybedu rarybere wese: —Inynyrÿ, Rybewihikÿmy tamyreny heka rarybemyhyrenyre. Ihãrele tahe rityhynyõhyymyhyrenyre. ¹⁷ Ityhyna heka Rybewihikÿ-ò iny roholamyhyreu, rityhydÿÿmyhyre. Kristu ityhyna tamy kedehemynykre, rybe wihikÿ òraru-ki wahe. ¹⁸ Dÿÿraxinaõ ariwinykre. Taholatenyõte aõbo Deuxu rybe-ò? Kohe, ibutumy heka roholamyhyre. Tyyritina-ki roire: —Deuxu rybe tÿmyra wihikÿ ibutumy riteõnymyhyre hãwã hãwãmy. ¹⁹ Ijõ arÿÿraxikre: —Judeu mahãdu aõbo kia rieryõmyhyre? Moisesi tyyriti-ki roire: —Deuxu biu-ò hena judeukõ mahãdu-ò ariwahinykre. Waijoi mahãdu ariwoxibronyky. ²⁰ Isaia tahe idi tuu rarybere: —Iny wiwana mahãduõ heka Deuxu riijemyhyre. Tii rexitÿnyre taõrysdu mahãdu-ò. Itxi reare. ²¹ Isaia

rarybere Judeu mahādumy kia: —Ihārele Deuxu iny ritobinyrerimy ihÿre iny, iny nohōtibinaki wahe.

11

¹ Kaiboho heka timybo tahōtinyamahātenyete Deuxumy? Tii aōbo taijoi-ribi nohōti rosaremy —judeu mahādu-ribi? Aōkōre. Jiarÿle, Paulo, judeu mahāduō rare. Jiarÿ heka Abraō riokoreō rare. Benjami ijoio heka jiarÿ rare. ² Deuxu taijoi-ribe nohōti rosaōtyhy. Tii juhuu ritare. Elia juhuu Deuxu-ò taijoimy rarybere. Ryberiti-ki kia roire: ³ Tiiboho heka rybedu mahādu rirubunyre. Tule axiwena wahidÿÿna ribòhōnyre. Jiarÿ sohojile aluure Deuxu. Tule rōrubudÿÿmy wadi ratxirenryeri. ⁴ Timybo Deuxu heka Elia-ò dirawyōnyde: —Aōkōre, kai ihewoludutyhy walu-unadu aōkō tate. Waluunadu 7000 inmy rÿire aribihitximy wahe. Tule Bali suritxoo tiu rityhynyrenyōhyymyhyre. ⁵ Katahe wijile iwe-sele rare. Iny ibutemy Deuxu hōrō mahādu rÿire. Tii taruxetōenadile ritarenrye. ⁶ Deuxu ruxetōena heka aō iōwy-di aōkō riōwynymyhyre Deuxu riwahinymyhyre. Aōwiwihikÿ diwinymyhydenyeki aōkō heka tuu heka ratx-imyhyrenrye iōwydikeki tahe aō ruxetōe aōkō rare. ⁷ Deuxu heka judeu mahāduō rihitxinyre tarasanamy reakré. Ijō tahe iwety mahādu wesemy ijō rÿira. Deuxu tamy tarasana-ò rryreri tiiboho roholaōre. ⁸ Tyritina-ki rarybemyhyre rōrōmy ratximyhyrenryemy. Deuxu heka riruberenyre ihāre ta tōhōtirenrye ratòbōnyrenrye. Taita rieryōhyrenrye heka Deuxu Tyytybytyhymy rarybemyhyrenryeki wahe. Iwesele heka wijina roimhyhyre. ⁹ Ihethiu Iòlò Davi iwesele rarybere: —Kia heka taworana bedehesina-ki, ramyrenykre, raborenykre, tabonahemy reserenykre idi aōhōkÿmy rotÿÿnykre. ¹⁰ Irue idymy releke tiu robiōkemy. Tiumy rarabunykre iaōbinabina-ki.

¹¹ Adeereny arÿÿraxikre kiamy: judeu mahādu resereu ixāwire aōbo? Aōkōre. Urile tarasana nade judeukōdu mahādu-ò tai. Judeu mahādu ibinamy tai rōhōtinykemy. ¹² Judeu mahādu òraruna òraru-ki heka sōwemy iny-ò aōwiwihikÿ nade, judeukōdu mahādu-ò wahe. Tahe awityhymy rarekre ibutumy judeu mahādu ralokremy. ¹³ Jiarÿ, Paulo wahe, rybe wahidÿÿdu heka jiarÿ rare. Judeukōdu mahādu-ò tii heka jiarÿ rare. Uritere nohōti losarenymy kia waaōmysÿdÿÿna rare. Kia awi heka wadee rare. ¹⁴ Deuxu heka adeereny aō nihikÿ adeereny riwinyre, kaiboho judeukōdu mahādu rare. Judeu mahādu robikre. Tai heka tiiboho biu-ò hena mahādu-wana ratxikemy riwisÿnykre. Kia wese òsana ijō tarasanamy rimykemy. ¹⁵ Judeu mahādu wiji rityhynyōreri. Tai Deuxu ijō mahādu-ò biu-ò hena riwahinyre, judeukōdu mahādu-ò wahe. Iny sōwemy tai ritamy rÿimhyhyre òraruna-ribi. Iwese inyō rubu-ribi riixixanyre wese kia rare iu judeu mahādu ralòkreu wahe. ¹⁶ Juhuu paō ere awimy Deuxu-ò biwahinykeki, ibutumy paō ihōrō rare. Òwōru rutysōmo Deuxu-ò biwahinykeki, ibutumy òwōru ihōrō rare. ¹⁷ Òwōru ere judeu mahādu wese rare. Tiiboho òwōru-ribi raōrōmy raremyhÿ. Kaiboho judeukōdu mahādu terōwmy atximahātenyete. Kia òwōruru wesemy òwōru-ò ralōmy atximahātenyete, tai tahe arumy atximahātenyete. ¹⁸ Ixityhymy nohōtirenymy. Kaiboho dori iratyre awimy aōkō atximahātenyete. Òwōru rutysōmo aramyre judeu mahādu tyby wese wahe. Aōkōkeki, kai bedesekre òwōru desede wese. ¹⁹ Kaiboho òsana marybebenykre: Tiiboho òwōru-ribi ritamy raremyhÿ inyboho rikibynyrenykre. ²⁰ Inatyhy rare. Urile òhōti-ribi losarenymy tiiboho iribi ritamy raremyhÿ rityhynyōrenryeki. Tule

kaiboho talòmy tatemyh̃ tetyhynymyh̃tenyteki. Tai ixiwededỹỹòrenyre urile bexityhynmy. ²¹ Judeu mahādu heka òwòru rutyhy wese raremyh̃. Ihārele tahe Deuxu òwòru-ribi ritare. Timybo tahòtinytenyteri —Deuxu aratarenyòtyhy. Tule aratarenyke timykeki. ²² Deuxu dori ywĩmy rare ijò-ò. Tule tii isirare ijò-ò: —òraruna-txi besebenykeki, tii aratarenyke. ²³ Judeu mahādu ixyby rityhynrenykeki, ixyby Deuxu ritidikre iherina-ò. Deuxu irurudirare ixyby ritidikremy —isirāore Deuxu-ò. ²⁴ Kaiboho heka òwòru bederahy ludu wesemy atxitenyte. Iwese òwòru ludu-ò tii aratidirenyre wese. Judeu mahādu dori òwòru ludu wesele rare.

²⁵ Waityhydỹỹdu seriòre, inatyhynaòmy adeereny arelyykre. Deuxu rieryre tiwesemybo judeukòdu mahādu rityhynkre. Ikonana kaiboho bityhynbenykreu, judeu mahādu ixybyle kanalokre. ²⁶ Tai tahe ibutumy judeu mahādu ritakremy. Tyyritina-ki heka kiaweselemy roire: —Siaò-ribi tarasaduò kanakre. Ibutumy heka judeu mahādu òraruna-ribi kòdòòsekre. ²⁷ Kia bedeu heka aritakre iòrarureny wahe iwese tuu rarybere wese juhuuhukỹle. ²⁸ Katahe rasòwemy roira aòma judeu mahādu wahe. Tiiboho Rybewihikỹ òludu roire. Tamyreny heka awi aòkò Rybewihikỹ. Kia heka adeereny awimy ròhònyre. Tetatenyta dori Deuxu-ribi aòma iwahidỹỹna aòna aònawidỹỹnamy. Deuxu juhuu taluunamy walabiereny-ò rarybere. ²⁹ Deuxu heka tiu riwixiranyòhyymyh̃re. Releke wana heka riwinymh̃re tahòrò mahādu dee. ³⁰ Judeu mahādu heka Deuxu rityhynyòmy roimyh̃re wahe. Tai heka Deuxu ruxetòena adeereny diwahinyde. ³¹ Katahe judeu mahādu heka wiji roire ityhydỹỹmy aòkò. Aòutxu tahe Deuxu ruxetòena ixybyle rimykremy rỹira. Deuxu heka iximymy iny riteònyrerimy ih̃re. ³² Deuxu ibutumy òraruro-ò rityhere idi taruxetòena ritỹnynekemy.

³³ Iny Deuxureny aòwi dinodu heka rare. Ibedeerytyhytyhy rare. Inyò ibedeywidỹỹna rieryòhyymyh̃re. ³⁴ Tiu rikieryrenyòtyhy irayky, tiu rikibedeeryrenyòtyhy. ³⁵ Inyò tiu Deuxu tadiwidỹỹdumy isỹnyòna. ³⁶ Ibutumy dori Deuxu-ribi hikỹle nade ixidee. Ibutumy iruru namyh̃de. Tai tahe ibutumy wowydyana tamy rikiwahinyrenykeny inyboho ratximyh̃reny.

12

¹ Tahe waityhydỹỹdu seriòreboho, aumyreny heka biwahinybenyke Deuxu-ò. Aramyrenykeny òbitihyylemy. Kia wowydynatyhy Deuxu-ò. Tii dori ibutumy aòma inydeereny riwinyre. Kia ibutele rarekre tamy. Tii dori sòwemy riwinyre inydeereny. ² Uritere riraòmy bedeludu mahādu wesemy. Iwixiramy boibeke. Tai Deuxu dee awimy kia rarekre. Aumy tỹmyramy ibutumy biwinymahāke. Tai tahe Deuxu ribedeerynanykre aòbo awire.

³ Jiarỹ heka Deuxumy rybeduòmy rare adeereny. Tai adeereny ararybekre bexiijebebenyke. Òbitim marylumy aumy-ribi. Deuxu-ribi ityhyna adeereny diwahinydeki heka aòhe botỹnykeny mohòtynmahābenyke. ⁴ Umy heka sòwemy txura txura roire, umy hitxi hitxinamy rỹire. Kristu ityhydỹỹdu mahādu kia wese rare, Kristu woludu mahādu wahe. ⁵ Tule Kristu mahādu sòwemy aòmaysỹdỹỹna witxira rỹire. Sòwemy iny wiribi hitxi rỹire. Iwese umy sohoji wese Kristu wo mahādu rỹire. Ibutumy wiribi hitximy raaòmaysỹdỹỹmy iwĩdỹỹmy rỹimyh̃ke. Inyboho heka ibutumy iaòmaysỹdỹỹna Deuxu-ò rikiwinymyh̃renyke. ⁶ Deuxu heka aòwidỹỹna widỹỹna witxira iny sohoji sohoji-ò riwahinymyh̃re. Kai heka tỹnydỹỹna abrysikeki, awimy bexityhynyke awimy biwinykeny. ⁷ Awimy wiòhedỹỹmy atximahāte

wana, bòwiòhenanyke awimy. Rybedŷŷdumy atxiteri-wana awimy òbitimy bibedeerydŷŷmy. ⁸ Deuxu rybemy rybedu atxiteri-wana marybeke inydee bexityhynymy. Deuxu sòwemy adee nieru riwahinyre-wana, bòwiòhenanyke inywitxira. Inydinodumy atxiteri-wana, òbitimy maaòmysŷdŷŷ ibutu dee. Kia dohodŷŷdukeki botohodŷŷkre inyò aò biwahinykeki awowi-di bowahike.

⁹ Wiribi ihitxidŷŷòmy. Tuu luu-di tahe inywitxira hitximy. Uritere rybeòmy urirybele. Uritere rybe òbitikòmy rŷireò noòmy. ¹⁰ Kaiboho ityhydŷŷdu seriòre atximahàtenyete. Tai wiluummy atxibenyke. Widee biwowydnybenyke, ixidee aòkò. ¹¹ Aòmysŷdŷŷna-di boibenyke. Ibutumy Inynrŷ-ò biwinybenyke eysareny-di. ¹² Beysamy atxibenyke ywina-di aòkòkŷmy dŷŷnana-ki. Bexitòenyhyymahàbenyke. ¹³ Aityhydŷŷdu seriòrey-ki inyò aò ihoòkeki, tamy biwahinyke ahòrò-ribi. Inyò ihetoòkeki, bidybenyke aheto-ò. ¹⁴ Inyò ibinamy adeereny riwinykeki, tahe ibinamy aòkò biòwynyke. Bexitòenyke Deuxu-ò tamy. ¹⁵ Inyò reysakeki, tii-wana beysake. Inyò rahinykeki, seribukeki, tii-wana mahinyke, bobuke. ¹⁶ Ywimy ibutumy iny-wana boibebenyke. Ixityhy aòkò nohòtiòmy. Kai dori ibutumy aòkò teeryte, tule aaòmysŷdŷŷ bina awimy bimybenyke. ¹⁷ Inyò adeereny ibinamy riwinykeki, ibina-di aòkò biòwynybenyke aòma uritere ywihyylemy boike. ¹⁸ Wiwesehyyle ywimy rŷimyhŷre. ¹⁹ Inyò umy aòma rarybekeki, uritere ixiòwydŷŷmy nohòtiòmy. Deuxu-wana birimy. Tii heka riòwynykre iaòhòkŷmydŷŷnana-di. Kia tahe roire Tyritina-ki. ²⁰ Aòma aòludu ramamy ruru wana, tamy rŷsŷna biwahiny, bemy tii ruru wana, tamy bee biwahiny. Tai tahe tii raixŷrure aòbo adee riwinyre lau. ²¹ Aòbinahakŷ rŷira-wana, uritere iijiradŷŷòmy. Ibutumy aòwiwihikŷle aò biwinymyhŷke. Tai tahe rexihuke aòbina bina.

13

¹ Bityhynyke bedede dinodu. Deuxu dori risŷnyre bedede dinodumy. Ibutumy dinodu heka Deuxule inydeereny riwahinyre. ² Inyò bededinodu rityhynyòkeki, tii heka Deuxu rityhynyòmyhŷre. Iny òbitimy ratxikeki, tiu bedede dinodu rimyòtyhy ròtena-ki aòhòkŷmy dŷŷnana aòludu rotŷŷnyòtyhy. ³ Inyò òbitimy ratxikeki heka tiu bedede dinodu lau ruberuòtyhy aòhe risŷnyòtyhy. Urile iny aòòtaòtalem y rotŷŷnyre tahe, tiile ruberumyhŷre bedede dinodu lau. ⁴ Bityhynybenyke ibutumy bedede ywina aòbo dinodu mahàdu raryberé. Brebuòlem y botŷŷnybenyke. Deuxu diteònyde heka bedede dinodu iny riwiòhenanykemy. Kai aòhòkŷmy botŷŷnymyhŷke aòòtaòtamy tatŷŷnymahàte-wana. Bedede dinodu dori tuu nade. ⁵ Ibutumy bedede dinodu bityhynyke. Tii heka biwinybenyke Deuxu dee kia awire. Tai heka aòhòkŷmy botŷŷnybenyòtyhy. ⁶ Tule iòwy biòwynymahàbenyke. Ibutumy heka biòwynymahàbenyke aòma tuu dinodu rarybemahàre wesemy. Tai dori riòwynymyhŷre iaòmysŷdŷŷdu. Tii heka anawiòhenanymyhŷde. ⁷ Biòwynymahàbenyke aòbo òbitire, ibutumy wahe. Aòma dinodu iòwydŷŷmy rariòwymahàre-wana biòwynyke ibutumy awedu mahàdu wahe. Bityhynyke ibutumy.

⁸ Inydee tanadevenymahàte-wana, biòwynyke òbitihyylemy. Inywitxira luummy atximahàke ibutumy iny wahe. Tii dori Deuxu bedeywina-ki bedede òtiidŷŷna xiery ratximyhŷre. ⁹ Ibutumy Deuxudeewire heka kaa rare. Aeryna luummy iwese ixiluure wese, tahe tamy ibinaòre. Kai rubudŷŷòmy

aõbo, ada wasimy iribi texiwonyte ada ihãwyy-wana maõtakemy aõbo, texi-nohõtidiỹnyte. Uritere aõbina-di ixinohõtidiỹõmy aeryna-ò. Uritere aõbina widỹõmy. Aerynaluomy mabeke iwese kai ixiluure wese wahe. ¹⁰ Luuna inyõ-di rarekeki ibina inyõdee riwinyõtyhy rare. Ibutumy Deuxudeewina heka riwinymyhyre. Tii sohojile heka bede ywina-ki awityhyre.

¹¹ Tule heka òbitimy matximahãke. Bededỹỹnana dori iòhõmy resera. Bede ityre reakremy namyhyde. Bexixabenyke wa, Inynyrỹ heka iòhõmy ratximyhyre inonana-ò. Iòhõtymy relera juhu rityhynrenyry-ribi. ¹² Ruu heka ròhõnymy rare. Txuu tule iòhõmy wahe. Uritere aõbinahakỹ bedeluruhukỹ aõmydỹỹnana widỹõmy. Diabo ijesu bitake aõwiihikỹ widỹỹ wahe. ¹³ Òbitimy biwinymahãke iwese txu rojuxana iny ratximyhyre wese. Tai ibutumy iny rarybemahãke kai iluomy atximahãtemy. Uritere abededỹỹnana huduõmy –itxỹteõmy, òtaõmy, adeburemy ijiraõmy, ihãruõmy. ¹⁴ Bexitõenymyhyke Inynyrỹ Jesuisi Kristu-ò wahe anawiohenanykemy. Tai tahe ibutumy òbitimy biwinymahãke. Uritere arayky aõmydỹỹnabinabina nohõtioõmy.

14

¹ Ijoiõ ityhydỹỹdu mahãduõ amahãdudỹỹmy rurukeki, ròtena ixinamy ralõke iityhyna ibuterehãre tii-wana aõna aõnamy wídee rybetyhymy rybeõmyke. Aribi hitximy raraykynyke hãre, bidyke. Ihãrele birõtenybenyke. ² Ityhyna irurukõmy ratximyhyre hãre birõtenybenyke. Tii òsana kiamy raraykynymyhyre: Iny rexiõwynyke iròdude rirõmyhyrenyremy ijõ ròhõtinyke. Kai tahe òsana mohõtinyke kiamy. Tuu ibinaõre. Ityhynareny urihimyoõle rare. Brebunale sỹny roholamymyhyre. ³ Inyõ tahe ibutumy rirõmyhyre. Awimy idi tahõtinyamahãte-wana, wiribi hitximy aõkõ. Uritere iòhõresedỹỹrenyõmy. Deuxu dori ridymyhyre iwesemy iweselemy. ⁴ Deuxu deõdumy tii rare. Eõdumy aõkõ. Deuxu-ò tii rirawyõnyre aõhebo rotỹỹnymyhyremy. Deuxu rarybeke aõbo òbitire, aõbo teõsare. Deuxu heka tii ritamadỹỹnymyhyre. ⁵ Kiamy rakaraykywesenaryrenykre. Txuõ aõworana bedehesi heka judeu mahãdu riywinymy roimymyhyre. Kia txuule Deuxu-ò reàlãnanymyhyre rex-inohõtidiỹỹnymyhyre. Tahe aõkõre. Ijõ ityhydỹỹdu mahãdu tahe aõkõre. Tii iwitzira rexinohõtinymyhyre. Ibutu txuu tamy awire Deuxu àlana riwainymyhyre. Ixideewimy iny sohoji sohoji raraykywydynanymyhyre. Ixitawimy Deuxu riwowydynyre. Ibutumy iny òbitimy ixidee raraykynyke. ⁶ Kaiboho atxu biywinymyhybenykeki, kia tahe awire. Xiwenade riròkeki, tii tule Deuxudeewire riwinyre. Inyõ aõkõ riwinyre. Tii tule awimy riwinymyhyre Deuxudeewina wahe. ⁷ Ixideewimy rikiywinynytyhy inynyrỹ-ò dori inyboho roire. ⁸ Inynyrỹdeewimy rikiwinynyrenyke. Ihõrõ rare, aruruhãrele, aõkõhãrele. ⁹ Jesuisi Kristu rubu-ribi rexixare tai butu wedumy. ¹⁰ Inyboho heka ihõrõ mahãdu roire. Tai uritere inyseriõre rybeõmy ixiradỹỹõmy. Inyboho dori sohoji sohoji Deuxuru-ò rexideõsinyrenykre. Iu tii ibutumy iny riywisinykre. ¹¹ Kiamy heka Ritidiỹỹna-ki roimymyhyre. Inynyrỹ heka rarybere: –Inatyhymy, Ibutumy warue-ò tatiowotimy resekre. Rarybekre heka wamy Jiarỹ Deuxu raremy. ¹² Iny sohoji sohoji iximy relyykre Deuxuko-ò.

¹³ Uritere inywitzira-ò ryberenyõmy tii ibinamy rare uritere aõwidỹỹõmy, iòraru-ki ixtyhydỹỹdu òraruna-txi resehemy. ¹⁴ Jiarỹ tahe kiamy rahõtinyre. Kia aõmydỹỹnana aõ aõkõ rare Deuxu-ò. Xiwena rỹsỹna rirỹsỹkeki aõ

aõkõ rare. Uritere kia nohõtudu dee ibinare. Tiiboho riròòke. Xiwena rÿsÿnarÿsÿ òraru-ki aijoiò bibedewonyhenylau irÿsÿòmykre. ¹⁵ Aityhydÿÿdu seriòreò òbitiòmy ratxikeki tahe iru-ki arawidÿÿòmy atximahã. Tamy dorihe òbitimy aõkõ heka idi ròhõtinyke. Tii heka tule riwinykelemy ixidi ròhõtinyke. Timy aõki teòsamy rahaòhyymyÿre aõma, xiwena rÿsÿna-ki. Kai aõki awimy aõma awityhy irÿsÿòmyke Deuxu Riòreò dibinadÿÿnyke lau wahe, Kristu dori iòraru-ki rurure. ¹⁶ Kaki awimy òbitimy mahakeki. Biwinykeki inywitxiraru-ki atxikeki, kia tai uritere rieryòmy aki rahake. ¹⁷ Riroximyÿrenyre, riòmyÿrenyre —kia Deuxu Iòlòna dee aõ aõkõ rare. Aõmale tahe ròkòhõtintyhyymyÿrenyre: wiòhedÿÿna, ywina eysana. Deuxu Tyytybytyhy inydeereny wahidÿÿna wahe. ¹⁸ Kia wese iny rÿikeki heka Deuxu dee wina rare, inydee tule. ¹⁹ Wii rikiwiòhenanymyÿrenyre ibutuny wiwesehyyle ywina-di. Tai iny tyhynareny rikikyhynanyrenykemy. ²⁰ Rÿsÿna òraru-ki aõhe wisÿdÿÿ renyòmy, butuny dori Deuxu riwinyre. Kia inyò iòraru-ki aõwitxiramy ròhõtinykeki tahe ibinare. ²¹ Aõ dee rÿsÿ vÿi momo heka ibinare, tai tii rexiòrarunykeki aòraru-ki urile hexiijònybenyke. ²² Kaa biwinykeki timybo Deuxu dee òbiti relemyÿre, urile ibutu-ò tuu rybeòmy iny bedeòby, kia ira-ki aõ ibinakòre. ²³ Ijò urihimyo tatyhynymy ratximyÿre heka iximiy riatyke. Adeee tahe òbiti heka rare. Aõbo riwinyre heka òraruna rare. Tai iwidÿÿòmy.

15

¹⁻² Iny ixira-di heka ròkòhõtintyhyenyke ibutuny aõbo iny riwinymyÿredi. Idi ròkòhõtintyhyenyke inywitxira aõlaubo ruberumyÿre. Iny òbiti erykò mahãdu-di. ³ Kristu dori kaki raremyÿhu ixideewimy aõkõ tuu riwiny my raremyÿ. Wiwana ritidÿÿdu wesemy riki riritinymyÿre: nade aòhòkÿmydÿÿnana-ò tai heka bede-ò nade. Riòludunyre heka aõbo iòludu aòbinabinahãkÿ rarybere heka riwaòluduny my raremy. ⁴ Tuheka roimymyÿre ihetxi Tyyritina-ki inywiòhedÿÿna reny. Iny heka ribedeerydymyÿrenyre ywina-di rakatxirenymy rikiraòrenyke heka Deuxu aõmy bede dÿÿnana wahe. Rahykyu òraru rahykyu wahe rubu. ⁵ Tii heka wadee awire wii biwiòhenanyke. Deuxu anawiwòhenanykemy adireny watxireri. Iwese Jesuisi Kristu riwinyre wese.

⁶⁻⁷ Iluu ratxirenymy irumy wiluumy matxibenymy. Iny sohoji sohoji raraykynyke Jesuisi Kristu rayky wese-di. Ityby Deuxu rayky wese-di rÿike òbitimy. Tai tahe inyboho ywinala rekealàmymyÿre Deuxu-ò, tii Jesuisi Kristu tybyreki wahe. ⁸ Deuxu ihetxi mahãdu òraru-ki Jesuisi Kristu heka judeu mahãdu deòdurenymy ioxisÿnyre. ⁹ Iwese rybetyritityhy rarybere wese: —Idi judeukòdu mahãdu Deuxu riwowydynykemy. Tai adee ariwiunykre judeukòdu mahãduy-ki. Jesuisi Kristu heka nade inatyhy riteòsinykemy. Judeu mahãdu riwiòhenanykemy Jesuisi Kristu nade. ¹⁰ Kiamy heka roire wiuna Ritidÿÿ-ki kia rarybere. Àlana adee ariwahinykre wiuna-ki judeukòdu mahãduy-ki ani-di arawionykre. Ijò-ki tulekre: —Tuheka wiuna-ki raritidÿÿ roimymyÿre judeukòdu mahãdu beysake wa judeu mahãdu-wana. ¹¹ Ijò-ki kiamy roire: —Àlana heka biwahinykemy Inyryrÿ-ò idi watxireri, kaiboho tule judeukòdu mahãdu. ¹² Deuxu dee rybeduò, Isaia tuu rarybere: —Rexiriòkòremy heka irybe roimymyÿre. Ijese riòkòre wahe. Tii judeukòdu mahãdu iòlòm y ronykre. Tiile heka riraòmy roimymyÿkre. ¹³ Jiarÿ rexitòenyre,

Paulo, kaiboho, Deuxu heka arateysanyrenykre sōwemy ywina-di, tyhydỹna-di. Kiamy heka adireny heka watxireri, waserioreboho. Jiarỹ heka rexitōenyhy watximyhỹre Deuxu arawiōhenanykemy adeereny rexiterenymy watxiwāhāre. Deuxu Tyytybytyhy ruruna-di raròsòna-di adeereny kidiwahinykemy watxireri.

¹⁴ Kaiboho òbitimy ahātenyete waityhydỹdu seriōreboho. Sōwemy aōna aōna witxira teerytenyete. Inywitxira bibedeerynybenyke dori teerytenyete. ¹⁵ Ihārele taheka atxireny wanohōti reare inatyhymy tai warybe rewahiny Deuxu riwatyhynymy kawese riwasỹnyreki. ¹⁶ Biwateōnyke taheka judeukōdu mahādu-ò. Jesuisi Kristu dori riwatare tadeōdumy idi judeukō mahādudikemy. Iu Deuxu rybe wihikỹmy rarybemyhỹreu, xiwena wahidỹdu wese rare. Kia tahe judeukōdu mahādu Deuxu-ò awike. ¹⁷ Tai tahe Jesuisi Kristu-wana rexibedesanymyhỹre Deuxu-ki waaōmysỹdỹna òraru-ki. ¹⁸ Jesuisi Kristu Rybewihikỹ tỹmyra-di rareri. Rexitōenymy rare adeereny. Tai kaiboho òbitimy teletenyete Deuxu Tyytybytyhy òraru-ki wahe. Wadeysamy heka watxiwāhāre. Jesuisi Kristu adeereny riwinyreki wahe. Jiarỹ reerykōre iwitxira mahādu-di. Tahe aōma waaōmydỹnana reeryre. Tiu dori biwawiōhenanyke judeukōdu mahādu aritakemy. Deuxu mahādu judeukōdu rarekemy. Òbitimy ikoreny-ki raremyhỹ. ¹⁹ Rybe wihikỹmy rybe-di rarewāhā tamyreny. Aōna aōna wiwihikỹ irureny-ò rewinywāhāre. Deuxu Tyytybytyhy-di Jerusalē hāwā-ribi heka rybe-di rare. Iliri bede-ò wahe. Ibutumy bede bedemy rarybere. Jesuisi Rybewihikỹmy. Ibutumy waaōmysỹdỹna rewinyre, Deuxu wadee riwahinyre wahe. ²⁰ Ihāre tahe ararybekemy watxireri tiu iny roholakōmyhỹre mahādu-ò. Ijōō dohodỹna iny ritohodỹnymyhỹre. Tai ikomy ararybekemy ixidi watxireri. ²¹ Isaia dori kia Tyyriti roire: —Tiu iny tamy roholakōmyhỹre tamy ijohonaōmy rarybere. Tai rierymyhỹre. Tai tahe roholakre tahe rityhynykre.

²² Tai heka raraōlemy watxiwāhāre —adeereny. ²³ Katahe kaki rexihumy waaōmysỹdỹ ratxireri. Katahe arorarenymy arake watxireri beōrakōle arakemy ixidi watxireri. ²⁴ Espanha bede-ò arakemy watxireri. Arakreu dori Roma-ò aroramy heka arakre. Iribi inyboho ibutumy rakatximyhỹreu tahe tako-ò biwaixidỹnybenykre. ²⁵ Ikoki taheka wahidỹō ariwykre Jerusalē-ò. Jerusalē hāwā mahādu dori aōhōkỹmy rotỹnymy rỹriamhỹ. ²⁶ Macedonia bede-ki Akaia bede-ki tamy nieruō riwahinykemy ratxireri dohodỹna mahāduō kia rama rahureri mahādu wahe. ²⁷ Tiiboho riwiōhenanyre deysana-di. Kia òbiti rare. Iribi tahe Deuxu rybe aōmydỹnana, Judeu mahādu-ribi nade. Tai tahe judeukōdu mahādu, tule judeu mahādu riwōhenanymyhỹke taaōwiwi-di. ²⁸ Kaa nieru-di arakreu, tahe aroramy arehemynykre. Iribi Espanha-ò arakre. ²⁹ Tuu awana watxikreu, tahe teysamy Inynry-dy rakatxikre.

³⁰ Bexitōenyke wadee waōmysỹdỹna sōwemy watxireri ariwinykemy. Deuxu Tyytybytyhy heka sōwemy wadee nade adeereny ariwahinykemy, luuna sōwemy adeereny ariwahinykre. ³¹ Tule ityhydỹdukōdu mahādu Judeia wadee aōbinahākỹ wadi ratximyhỹre. Wadi bexitōenybenyke jiarỹ iribi arahenykre. Tule kaa nieru rewyreri waribi teysamy rimyrenykre. ³² Tai tahe awanarenny tahe wadeysamy arehemynykre Deuxudeewikeki. ³³ Deuxudeewikeki wii riki Deuxu ywina adeereny watxireri. Kie.

16

¹⁻² Fibi hāwyy ityhydŷŷdu seriòreō adee rakre. Tii heka Sekrea hāwā ludu dohodŷŷna mahāduō rare. Tii heka dohodŷŷdu mahādu riwiòhenanymyhŷre aōu aōu aityhydŷŷdu seriòre wesemy. Tii kaiboho biwiòhenanykre, tii dori sōwemy riwawìohenanyre.

³ Birybedŷŷnyke Prisila Akila-wana. Tii wawìohenadŷŷdurenŷ. ⁴ Tii wadee sōwemy riwinyre rubu lau ruberuōtyhy. Tai jiarŷ reālāwāhāre tamy, tule tuu ibutuma Judeukōdu dohodŷŷna mahādu. Iheto dohodŷŷna mahāduō warybe wehityhyna biwahenyre. ⁵ Epenetu-ò biwehityhyny. Tii ibutumy ityhydŷŷdu-ribi juhuule rityhynyre Asia bedeki. Tii wabiōwa rare. ⁶ Marie adeerenŷ raaōmysŷdŷŷtyhyre. Biwehityhyna wanimy. ⁷ Adroniko, Junia wana biwehityhynanykre. Tiiboho judeu mahāduō roire. Rōtenawo-ki wawana roiremyhŷ. Dohodŷŷna mahādu rierytyhyre. Deuxu deòdŷŷna mahādu heka wakomy rityhynyre. ⁸ Ijō waityhydŷŷdu biōwa Ampliato inire. Tamy kanarybekre tule. ⁹ Urbano, Estaki-wana tule Kristu dee wawìohedŷŷdu tule rybe wehityhyna tamy biwahinyke. ¹⁰ Apele heka ityhydŷŷdu tyhy rare. Biwehityhynanyke. Aristabulo-wana heto wolodu mahādu biwehityhynanykre warybe tamy. ¹¹ Tule biwehityhynanykre Herodiāō — wajioiō tii rare judeu mahāduō wahe. Kristu dee dori kia iny òbiti rare. Narciso heto ludu ityhydŷŷduō heka tule biwehityhynanykre warybe tamy. ¹² Tule Trifena, Trifosa, Peside-wana raaōmysŷdŷŷmy Inynyrŷrenŷ-ò biwehityhynanykre wary tamy. ¹³ Rufu tule Deuxu dee aōmysŷdŷŷdu rare ise tule. Tii dori nadi wesemy riwawisinanyre. ¹⁴ Asincrito, Flegonte, Hermes, Paroba, Hermas, tule biwehityhynanykre ityhydŷŷdu mahādu. ¹⁵ Filologo, Julia-wana, Nereu taseriòre-wana, Olimpa, ityhydŷŷdu mahādu tii-wana ratxireri ibutu-ò warybe wehityhyna. ¹⁶ Ibutumy aseriòre debò binyke biwehityhynanybenykre ibutumy. Ibutumy Kristu tydŷŷdu mahādu-ò arawawehityhynanykre. Tule kaki dohodŷŷna irybe wehityhynanyre adeerenŷ riwahinyreri.

¹⁷ Rybeō roire kaa rybe tyriti ixiydynako-ki. Ijō aōhe dŷŷnana doimyhŷde kia hetowo hitxina-ki. Iwixiramy heka taerydŷŷna mahādu —iwese inydeereny erydŷŷnamyhŷre wesemy aōkō kia lau tahe bexiebenyke. ¹⁸ Aō Jesu-isi dee aōkō raaōmysŷdŷŷnyre. Ixidee tule heka raaōmysŷdŷŷmyhŷre aō ixidee ritarenkemy rōhōtinymyhŷrenŷre. Tiiboho heka rarybewihikŷmyhŷrenŷre, aōma, ruikedŷŷmy timy bedeki erykō tuu ratximyhŷrenŷre. ¹⁹ Jiarŷ wadeysamy watxireri kaiboho òbitimy ibutumy toiteki. Araerywāhā jiarŷboho aōbo òbitire uritere aōbina widyyōmy. ²⁰ Deuxu ywisidŷŷna wahidyyna dori Satanasi ri-ixāwididŷŷnyke. Jesuisi Kristu Inynyrŷ wiòhedŷŷna adeerenŷ riwahinykemy idi watxireri.

²¹ Tximòtxi dori wawìohedŷŷdu rare. Lucio, Ijasō, Sosipatu, wajudeui-joi-wana tule adeerenŷ irybe wehityhyna riwahinyre. ²² Jiarŷ, heka Tercio, reritinyreri aōbo Paulo rarybere adeerenŷ. Jiarŷ adeerenŷ warybe wehityhyna rewahinyreri. ²³ Jiarŷ heka Kaio heto-ki watxireri, dohodŷŷna rabutunyreki watxireri. Kaio irybe wehityhyna adee riwahinyre. Tule Erasto hāwā nieru rubudŷŷdu rare. Tule Quarto inyseriòrereny rare. Ibutumy heka kaa irybe weityhyna adeerenŷ rewahinyrenŷreri. ²⁴ Inynyrŷ Jesuisi Kristu ruxetòena ibutumy adeerenŷ kanakemy idi watxireri. Kie.

²⁵ Deuxu irurutyhy-di rare. Tii heka adi riyrubunykeny adi watxireri. Iwese rybeweityhyna rarybere wesemy, ruru adee riwahinykre. ²⁶ Kaheka Deuxu tarasana rare. Ibutumy iny mahādu kaa tarasana rare. Katahe wiji

ibutumy Deuxu rybemy rybena reamyhỹre. Iwese Deuxu rybedu mahãdu juhUU rarybere wesemy. Deuxu heka ibutu-ò tuu rarybere. Tai tahe ibutumy iny Deuxu Tyytybytyhy rierykre tule rityhynykre. ²⁷ Deuxu-ò àlàna biwahinykeki tii dori bedeeryna ratximyhỹre Jesuisi Kristu òraru-ki wowydyna tamy biwahinybenykre aõu aõu. Kie, Paulo.

1 Oritxi Mahãdu-ò 1 Oritxi Hãwã Dohodỹỹna Mahãdu-ò

¹ Paulo jiarỹ Deuxudeewimy deòdumy wãhãre, Jesuisi Kristu deòdỹỹna-ki wahe. Jiarỹ waityhydỹỹdu seriõre Sòteni-wana adee warybereny adiwahinyde. ² Oritxi hãwã dohodỹỹna mahãdu-ò heka watyryiti adiwahinyde, Jesuisi Kristu òbitidỹỹna mahãdu-ò, Deuxu hõrõ mahãdu-ò, hãwyy, hãbu-wana, ibutumy Jesuisi Kristu ityhydỹỹdu mahãdu-ò. Tii iny Iòlòrenymy heka ratximyhỹre. ³ Ruxetòena, ywina-wana adeeren kanakemyidi watxireri, Deuxu iny tyby-ribi, Jesuisi Kristu iny Iòlò-ribi.

⁴ Deuxumy realàmy watxiwãhãre, Jesuisi Kristu adeereny ruxetòena di-wahinydeki. ⁵ Ibutumy dori iribi tòerymy ahãte arybena-di, erysydỹỹna-di. ⁶ Kristu dee rybena akireny roimyhỹre. ⁷ Iribi awahidỹỹna rauhenyõreri, kaiboho dori Kristu deòsidỹỹnamy teraòmahãte. ⁸ Jesuisi arawiòhenanyhy rarekre bededỹỹnana konana-ò, tatxuu òbitimy ixiko-ò, rexilamadỹỹnykemy. ⁹ Deuxu òbitihyrya. Tii aratobinyra Tariõre Jesuisi Kristu-wana rarekremy, iny Iòlòrenymy.

¹⁰ Jiarỹ adeereny rexitòenyryeri Jesuisi Kristunimy iny Iòlòrenynimy wiwese wimy wimy bityhynymy marybebenykemy. Wadee awiõre wiribi hitxi hitxidỹỹ. Wii bitotynytyhymy boibekemy adireny watxiwãhãre, araykyreny-ki, aerysynareny-ki. ¹¹ Kaiboho waseriõre mahãdu, wimy taujõmotenysteri. Lòe hetowoludu mahãdu kia wako relyyra. ¹² Inyõ wadee rarybemyhỹre. Ijõ mahãdu heka Paulo rityhynymyhỹre ihõrõ mahãdu wahe, ijõ heka Apòlo rityhynymyhỹre ijõ tasỹ Pedro rityhynymyhỹre, ijõ tahe Kristu rityhynymyhỹre. ¹³ Aõherewe, Kristu be iny rihitxihitxinymyhỹre. Paulo be itxeò nihikỹ tyre-ki rurure adeereny. Pauloni-di be rasebere. ¹⁴ Inyõ he ròratisebenyõre. Krispu, Kaiowanale tahe resebenyre. Tai tahe wabedesamy watxireri. ¹⁵ Kiamy ta heka inyõ rarybeke lau reijõnymahãre: —Jiarỹ Pauloni-di rexisebenyre. ¹⁶ Tefana hetowoludu mahãdu adiratisebenye. Inyõ reratisebenyekei wanohõti reaõhyre. ¹⁷ Kristu dori aõsebedỹỹmy aõkõ diwateònyde Rybewihikỹmy rybemy. Bede erydỹỹna nihikỹmy rybemy aõkõ diwateònyde, Jesuisi itxeò-ki lamana ariwòkemy aõkõ, kia inydeereny rurureki wahe.

¹⁸ Kristu itxeò rubumy ijyy heka ityhydỹỹdukõdu dee itxỹtena rare. Biu-ò hedu mahãdu dee tahe, Deuxu ruru kia rare. ¹⁹ Kiamy tahe iritidỹỹna roire: ierysydu mahãdu erysyna-di ariixãwidỹỹnyke. Bede erydu rayky-di adiijõnykre. ²⁰ Titxibo tahe bede erydu rare. Tyyritimy erydu heka titxibo rare. Titxibo tahe wiji dỹỹraxidu rare. Kabede ludu bede erysyna heka Deuxu-ò itxỹtedỹỹna rare. ²¹ Bede bede ludu mahãdu ròhõtinyre be-deerytyhymy. Tai tahe Deuxu iximy rierynanyõhyre. Kia tahe Deuxu-deewire. Iny rybewihikỹmy rybe heka iny witxira-ò itxỹtere. Kia-di tahe Deuxu iny ritareri iny rityhynyreki. ²² Judeu mahãdu aõwiwi rỹikemy aõbo raremy ratxireri. Judeukõdu mahãdu bede erysydỹỹna-di rarekemy riijemyhỹre. ²³ Kristu itxeò-ki lamanamy iny rarybemyhỹrenyre. Kia tahe judeu mahãdu riojinyre, judeukõdu mahãdu dee itxỹtena kia rare. ²⁴ Tahe Deuxu rariròwysyna judeu tule judeukõ mahãdu-ò heka Kristu erydỹỹna tule ruruna rare ihedỹỹnarenymy. ²⁵ Deuxu itxỹtedỹỹnamy rybe hãbu bedeery ratyre rare. Deuxu iruruòkeki, tii hãbu ruru ratyre iruru rare.

²⁶ Waseriòre mahādu arariròwysyna-di mohòtinybenybeke. Beteheiny erysyna mahādu-ribi sòweòre, Deuxu rariròwysyna mahādu. Dinodu mahādu sòweòre, iny Iòlòtyhy mahādu-ribi sòweòre. ²⁷⁻²⁸ Deuxu heka aōna aōna itx̄ytena ritare bedeeryhyk̄y mahādu riix̄yrud̄ȳnykremy. Aōna aōna ruruō Deuxu ritare aōna aōna ruru-di riix̄yrud̄ȳnykremy aōna aōna derare, aō aōkō rare Deuxu ritare aō-di aō aōkō-ò rijjanykre. ²⁹ Tai dorihe inyò rexityhynykōkemy Deuxuko-txi. ³⁰ Kaiboho dori Jesuisi Kristu hōrò toite. Tii heka inydee ibutumy rare: erysynamy òbitinamy, tamanamy, tarasanamy rare biu-ò hena wahe. Deuxu kia ibutumy diwahinyde inydeereny. ³¹ Kia dori ritina rybe-ki roire: —Inyò rexiwowydynykeki, Deuxu-ki rexiwowydynyke.

2

¹ Waseriòreboho aō hābu bede eryd̄ȳnyk̄y wese aōkō adeereny anade. Deuxu rybetyhyd̄ȳnany ararybekremy. Rybenihik̄y my heka rarybeòre. ² Tii sohojile reeryre akireny rarewāhāu, Kristu itxeò-ki lamanale wahe. ³ Akireny rarewāhāu waruruōmy rarewāhā, ix̄yru brebu tahe riwamy-tatad̄ȳnyre. ⁴ Wabedeeryd̄ȳna erytyhy rybesirahak̄y-di aōkō rarybereri iny rityhynykemy. Urile tahe Deuxu Tytyby ruru-di rarybewāhāre. ⁵ Hābu erytyhyd̄ȳna aōkō bityhynykemy adī wāhāre Deuxu ruruna tahe atyhynarenymy heka idi toite.

⁶ Ityhyd̄ȳdu umy-ò bede eryd̄ȳnyk̄y-di rarybemahāre. Kabede aōmyd̄ȳnana bede ery aōkō rare. ⁷ Kia tahe Deuxu eryd̄ȳnyk̄y tyhyre. Kia heka hābu mahādu lau riwōmyh̄yre. Juhu inydeereny riywinyre. ⁸ Kia bede eryd̄ȳnyk̄y inyò wiji Iòlòtyhy mahādu rieryòre. Kia rierymyhyk̄y Wanyr̄ wowydyna-ribi itxeò-ki ritamad̄ȳnyōhyre inihe. ⁹ Iwese Ritid̄ȳna roireri wese rare: —Rue loxiōhyymyhyre, nohòti heka roholaōhyymyhyre, inywo rieriōhyymyhyre, aōbo Deuxu riwinyre taluuna mahādu dee, tamy riwahinykremy. ¹⁰ Deuxu Tytybytyhymy kia inyboho riteōwarixinyreny. Itytyby ibutumy rieryre. Deuxu raykywo-ribi aō rit̄ynymyhyre. ¹¹ Inyle heka iny ixirayky rierykre, kawese tule Deuxu tytybyd̄ȳle aōna aōna rierykre. ¹² Bede aōmyd̄ȳnana aōkō inydeereny wahisid̄ȳdu rare. Deuxu Tytyby tahe inydeereny wahisid̄ȳdure. ¹³ Kiadile Deuxu wahisid̄ȳnyk̄y iny reeryreny. Kia iny reeryd̄ȳnany mahāreny hābu bede eryd̄ȳnyk̄y-di aōkō, Deuxu Tytyby rybe-di tahe reeryd̄ȳnany wāhāre. Kia iny ret̄ynymahāre iny Deuxu Tytybytyhy-di mahādu-ò. ¹⁴ Iny Deuxu Tytybytyhy-di r̄yōra mahādu dee Deuxu Tytybytyhy aōmyd̄ȳna dera. Tamy itx̄yte rare. Rierykōre. Deuxu Tytybytyhyd̄ȳle iny rierymyhyre. ¹⁵ Iny heka Deuxu Tytybytyhyd̄ȳdikeki ibutumy rierymyhyre. Inyò tahe tuu aōmy tuu irybeōna. ¹⁶ Ryberiti-ki roire: —Mobo tahe rieryre Wanyr̄ rayky, mobo tamy aō rit̄ynynykre inyò aōbo? Inyboho Kristu rayky ijōdire, iwesele raraykynymyhyre.

3

¹ Waseriòreboho adeereny rarybeōhyre hābu Deuxu Tytybytyhy-di r̄yōra wesemy. Hābu òrarudu wesemy r̄yōrawesemy adeereny ararybeke. Uladu wesemy Kristutyhyd̄ȳ-ki r̄yōra wesemy adeereny rarybere. ² Hūsy-di òed̄ȳy aserynad̄ȳnyreny r̄ys̄ynatere wesemy aōkō eryd̄ȳnasiramy aōkō rybe. Kia r̄ys̄yna r̄ys̄my textiwinyōteny. Wiji tule texihumy aōkō toiteny. ³ Òrarudu wesemy dori ahāteny. Ihārumy, ijāmy atximyhyteny. Tai tahe òrarudu mahādu wesemy ahāte ityhyd̄ȳdukōdu mahādu wesemy ahāteny.

⁴ Inyõ rarybekeki: —Jiarỹ Paulo erydỹỹnay-ki rare. Ijõ rarybekeki: —Jiarỹ Apõlo erydỹỹnay-ki rare. Tiiboho ityhydỹỹdukõdu mahãdu wesemy ihỹrenyre. ⁵ Aõbohe Apõlo, aõbohe Paulo. Deuxu deõdu heka inyboho roire. Inyribireny tetyhynmy teerymahãtenyte. Iwese Deuxu iny sohoji sohoji-ò aõmydỹỹna riwahinyre wese, tai tetyhynnytenyte. ⁶ Ta jiarỹle rybemy rarybere iny aõty ribõrõnymyhỹre wese, Apõlo rybe ritỹnynyre iny alõbõrõna ribenymyhỹre wese rituunyre. Deuxule tahe idimyhỹre iwese alõbõrõna riumpydỹỹnymyhỹre wese. ⁷ Tai tahe tõbõrdõỹỹdu aõ aõkõ rare; ituudỹỹdu tule aõ aõkõ rare. Deuxule aõwedu wedu heka rare. Tiile ityhydỹỹdu widỹỹdu nihikỹ rarekre. ⁸ Tõbrõdõỹỹdu ituudỹỹdu-wana sohoji wesemy ihỹrenyre. Sohoji sohoji tauri wahisidỹỹ ritakremy, iwese sohoji sohoji raaõmysỹdỹỹmyhỹre wese. Wi-wana dori Deuxu dee iny raaõmysỹdỹỹmyhỹre. ⁹ Inyboho heka Deuxu wiõhedỹỹdu mahãdu roire. Kaiboho tahe Deuxu oworu wese toite. Iwese tahe Deuxu heto wese kaiboho toite.

¹⁰ Heto widỹỹdu deyrewa wese retelenyre. Ibutumy Deuxu ruxetõenamy kia rewinyre. Juhumana retidire idi tahe itira ityre reõdõnyra. Ywimy biwinybenykre. Awimy bitamadỹỹnykemy. ¹¹ Jesuisi Kristu juhumana wese heka rare, inyõ tiile tarasadu wahe ijõ manaõ terõwomy ritidiõtyhy. ¹² Ibutumy juhumanatyre-ki relereri. Ijõ womati tỹrỹrỹhỹkỹ, ijõ prata-di ijõ manatỹny-di, ijõ õwõru-di, ijõ õteti-di, ijõ horeru-di. ¹³ Kia txuu Kristu txu wahe riteõsinykre aõdibo sohoji sohoji raaõmysỹdỹỹmyhỹre heõty dori riurihixinanykre. Aõhebo iny rotỹỹnymyhỹreki. ¹⁴ Juhumanatyre-ki iny aõmydỹỹna rỹikeki, tii uri iwahisidỹỹnana ritakre. ¹⁵ Iny aõmydỹỹna rasõkeki tii rõõnodỹỹkre. Ihãre tahe tarasana ritakre heõtyroobymy wahe.

¹⁶ Kaiboho Deuxu heto wesemy toitemahã. Teeryõte aõbo. Deuxu Tyytybytyhy heka aworeny-ki rasỹnymyhỹre. ¹⁷ Inyõ Deuxu heto wesemy rahukeki, Deuxu tii rihukre, Deuxuheto dori rare. Kia tahe kaiboho toite Deuxu heto litytyhy rare, ihõrõtyhy wahe.

¹⁸ Ixi itxenadỹỹõmy, inyõ bedeerymy xixi-di rõhõtinykeki, raitxỹteke tai tahe bedeery inatyhy-ki rareke. ¹⁹ Kabede bede eryna tahe Deuxu dee itxỹtena rare. Kia Ritidỹỹna-ki tahe roire: —Bede erynadu tyhy tabedeerydỹỹna-ki Deuxu-ò rõõnodỹỹre. ²⁰ Ijõ Ritidỹỹna-ki roire: —Wanyrỹ, bede erydu rayky rieryre. Kia raykywi aõ aõkõ rare, rybetyhy aõkõ. ²¹ Iny aõmydỹỹnana-di xiwowodydỹỹõmy, ibutu dori ahõrõ rare. ²² Paulo, Apõlo, Pedro, bede, umy, rubu, aõmydỹỹna wijina, aõmydỹỹna bede kanakre, ibutumy ahõrõ rare. ²³ Kaiboho Kristu hõrõ toite. Kristu Deuxu hõrõ rare.

4

¹ Inyboho Deuxu deõdu roire, ibutumy idi mohõtinybenyke tii inykireny ihỹre. Inyboho dori Deuxu aõmydỹỹnana erykõdu tỹnydỹỹdu roire. ² Deuxu tỹnydỹỹdu õbitihyky rarekemy. ³ Wadi rõhõtinykeki awimy aõbo ibinamy aõbo kia tahe wadee aõ aõkõ rare. Aõbo dohodỹỹ tỹnydỹỹdu mahãdu wadi rohõtinyke kia wadee aõkõhykyre. Jiarỹ tahe xixi-di dehummy rahõtinyõhyamahãre. ⁴ Jiarỹ reeryõre inyõ aõbinamy wadee rexiwonyke warayky wadee õbiti rare. Tahe ihãrele õbitimy iko-ki rare. Wanyrỹ tahe wadi timy rõhõtinyke. ⁵ Kia tahe wiji idi timy nohõtĩõmy. Jesuisi nonanakõ-ki. Tii tahe kanakreu, ibutumy wasimy aõ rỹira ritỹnynykre, ibutumy iny raykymy rỹira ritỹnynykre. Kia txule ibutumy iny tabedeõby ritakre Deuxu-ribi.

⁶ Kia aõna aõna wawese riwawesenanyreri. Apòlo wese tule rewese-nanyreri. Kaiboho dori bierybenykemy kia: ierysydÿÿrenyõmy aõbo iri-tidÿÿnawo-ki ihoõre. Kia wese keki, ijõ tÿnydÿÿdu ijõ ratyre ryiõtyhy. ⁷ Mobo iny wiribi iwitxiramy ihÿre. Aõbohe akire Deuxule aõwiwi adee riõre. Ibutumy iribi tetateki tahe aõherekibo axiwedere. ⁸ Kaiboho ibutumy aõ ijõdire. Tatyhtenyte, iòlò wesemy taditehemynyte iny arawiõhenanyrenyõre. Wadee awire kaiboho iòlòmý ahâtenyte. Tai jiarÿboho awana ariòlònykre. ⁹ Kiamyre òsana. Deuxu dee heka inyboho deòdÿÿna mahâdu rurukrerke mahâdu roire ibutuko-txi, ÿjuko-txi, hâbukò-txi. ¹⁰ Kristu òraru-ki itxÿtewesemy jiarÿboho roire. Kaiboho Kristu erydure riki. Jiarÿboho warurukõrenyre. Kaiboho orarudirenyre jiarÿboho inyõ waluurenýõre. Kaiboho tahe ibutu luuna toite. ¹¹ Ihâre tahe wiji ramamy, bemomomy, tykõomy rekoamýhÿre. Tule sÿywisidÿÿna rÿiõre. Tule jiarÿboho wahâwâ òbiti ihokõre. ¹² Ihâre inyboho naaõmysÿdÿÿmyhÿde iny debò-di irukemy. Inyõ inydeereny aõbinamy rarybekeki, awilemy inyboho rirawýðnymýhÿre. Inyõ aõsirahakÿle inydee riwinykeki, aõmy rybeõmyke. ¹³ Rybebinamy inyboho dee reaakeki, ihârele Deuxumy tamý rarybemýhÿre. Rÿnysityby wese inydireny tiiboho retehemýhÿre, ijese ijese wesemy.

¹⁴ Kia ròritidÿÿreri aixÿrudÿÿrenymý aõkò, tahe wiòhedÿÿdumý retirÿreri binadÿÿna lau, iwese inytybyò tariõre riernanyre wese. ¹⁵ Tahe sòwemy Kristu-ki bede erydÿÿdu rÿire. Sòwemy aõkò bobohomy rÿirenyre. Kristumý heka jiarÿ sohojile borenymý rare. Rybewihikÿ erysyna-di dori borenymý ràire. ¹⁶ Kia dori kaiboho wawesemy boibekemy adireny watxireri. ¹⁷ Tai Tximòtxi reteõnyre adeereny. Tii wariõre luu wesemy ratxire. Tii òbiti rare Wanyrÿ-ò. Tai watxi òhõtirený reake iwese Jesuisi Kristumý wese rariamýhÿreki, tule iwese reernanyre wese ibutu dohodÿÿna hetowo-ki. ¹⁸ Inyõ ixiwowydumý ixidi ròhõtinyumýhÿ iwese arura-ò araòreki. ¹⁹ Wanyrÿdeewikeki arakre wylemy arorarený-ò. Tai arierykre ixiwowydumý nohòtidu irybe sohojile aõkò arierykre, aõhebo rotÿÿnyre tule arierykre. ²⁰ Deuxu òlòna heka rybe sohojile aõkò rare, rurutyhy heka rare. ²¹ Aõbo tahe awityhyre òhòte-di adehemyný aõbo, ada luuna-di ywina-di adehemyný aõbo?

5

¹ Dohodÿÿna mahâduy-ki òrarutyhy-di riki toite kia tahe rare: hâbuò heka tybyhâwytyby-wana roire. Kia òraru tahe ityhydÿÿdukòdu mahâdu riòludunyõhyumýhÿre. ² Kia hyyle ixi-di aõ aõkò tòhõtinyumýhÿte. Aõherekibo bede teòtiinyõtenyte tahinyõmy idi textiðenyõhyttenyte. Hâbu kia riwinyre, ityhydÿÿdu mahâduy-ribi biòlòdÿÿnyke. ³ Jiarÿ akýrený-ki watxiòrerihâre, tahe warybetytyby awanarený ratxireri, iwese jiarÿ awana ratximýhÿre wesele. Tahe wadohodÿÿna ariwahinykre kahâbumý ibinamy riwinyremý. Tahe ityhydÿÿdu ributunýkeu, ⁴ warybetytyby akirený rÿireu, Jesuisi Kristu ruru akirený rÿireu, kahâbu Satanasi-ò biwahinybenýke. ⁵ Tai kahâbu umý Satanasi-ò biwahinybenýke itytyby tahe rahenykre Wanyrÿ Jesuisi kia nonanatxu-u. ⁶ Arybe iximý wydy awi aõkò rare. Taholaòtenyte aõbo kia rybe-ò; iuri ibutere paò widÿÿna sòwemy rauridÿÿra uridÿÿna heka òraru wese heka rare. ⁷ Idi behubenýke iuri hitxina-di, tahe paò iuriòmý rÿirekre wese boibekemy òbitimý, Kristu tule budðeni xiwedÿÿna wesemy inydeerený rurure, iny Pascoarený worana bedehesi dorihe rarÿÿnymý rare. ⁸ Tai tahe ixena roxina rikiwinyrenýke. Paò iuri-di ryiòmý rakatximýhÿrený. Kia uri

paõ òraruihetxina wese rare. Paõ t̃myra, òbitire, inatyhyre, tii rikiyrenyke. Kia tahe rare òbiti wid̃ỹna wahe.

⁹ Adeereny watyyriti rewahinyre òrarudu mahādu roo-ki risiōmy, òtadu mahādu-wana boiōkemy. ¹⁰ Ibutumy òrarudu mahādu-ò aōkō adeereny rary-bere. Iny ibina mahādu, wasidu mahādu, Deuxutyhy luukōdu mahādu. Kia-wana noōrenymykeki, bede-ribi ihyyle bexihitxinyke. ¹¹ Wiji watyyriti kia wese rewahinyre. Ityhyd̃ỹduy-txi rōtedu òrarudu rarehyykeki, kia roo-ki risiōmy tule iny ibina mahādu, Deuxutyhy luukōdu, ujōmomy rybedu, wasidu, axaxa momodu, kia mahādu-wana tahe byreōmy. ¹² Ityhyd̃ỹdukōdu mahādu ywisid̃ỹdu aōkō jiar̃y rare. ¹³ Deuxu dohod̃ỹdukōdu mahādu hitxid̃ỹdu rarekre. Deuxu Ryberiti-ki roire: —Òrarudu ay-ribi biòlòd̃ỹnyke.

6

¹ Iny ityhyd̃ỹduò widee raurenanykeki, aōbohe awire? Erysydu-ò rikidy aōbo ada ityhyd̃ỹdu mahādu-ò rybeke aōbo? Uritere ityhyd̃ỹduòle marybekre. ² Ityhyd̃ỹdu mahādu bede bede mahādu ierysyd̃ỹkre. Kia teerytenyōta aōbo. Ityhyd̃ỹdu mahādu bede bede mahādu ierysyd̃ỹkeki, aōna aōna iyja tahe teeryōtenyte timy ras̃ỹd̃ỹnykemy. ³ Tahe inyboho ỹju aōmyd̃ỹnana rikieryrenyke. Kiakeki iratry kabede aōmyd̃ỹnana rakieryrenhyyke. ⁴ Erysyd̃ỹnana ijōdikeki, aōherekibo erysydu ityhyd̃ỹdukōdu-ò radymyhyre. Ityhyd̃ỹdule aōtxi awire. ⁵ Kia heka adeereny ix̃yruna rare. Hābu erysydu ityhyd̃ỹdu mahāduy-ki ratxiōre aōbo ierysyd̃ỹ-ki. ⁶ Erysydu ijōdihāre ta ityhyd̃ỹdu seriōre wii ridyke aōbo ityhyd̃ỹdukōdu erysydu-ò, kia awiōre. ⁷ Ityhyd̃ỹdu wii ridykeki, kia tahe iaō bede eryōmy rare. Inyō adeereny aōmy rot̃ỹnykeki, urile tahe aōhōk̃my rot̃ỹnyke. Kia heka Inynyr̃-ò òbitire. ⁸ Kaiboho ityhyd̃ỹdu hāre aōhōk̃my wii tes̃ynmahātenyte. ⁹ Òrarudu mahāduò-ò, Deuxu Iòlōna uri riwahiōtyhy. Kia teeryōtenyte, iny ywymynoduò, Deuxutyhy luukōdu, wiriōrese-ò òtadu, hābu hāwyy wese rexiwahinymyhyre ijō hābu-ò. ¹⁰ wasidu, ixidee imynymy nohōtidu, axaxamomodu, jei jeimy rybedu, inywixira aōmyd̃ỹnana wyd̃ydu, kia-ò Deuxu Iòlōna uri rawahiōtyhy. ¹¹ Kaiboho heka juhu kia wese toite. Wiji tahe iny Iòlò Jesuisi Kristu, anasuhode, anaixāwidinyde anatade Deuxu Tytybytyhy-di.

¹² Ibutumy ariwinyke ixidee wikeki ibutumy aōmyd̃ỹnana tahe iwid̃ỹ awiōre. Ibutumy arot̃ỹnyke ixidee wikeki, aō aōkō tahe waumy-di rarekemy raremyh̃. ¹³ R̃ys̃naheka weryri-ò ralōmyh̃ kia-ò heka ih̃myh̃. Kia heka Deuxu wiwanale rahukre ikonana-ò. Umy heka òraru-ò sohojile aōkō r̃yire. Deuxu umydekemy dorihe riwinyre. ¹⁴ Deuxu Inynyr̃ riixixanyre rubu-ribi. Tule iny kidiixixanykre taruru-di. ¹⁵ Iny umy heka Kristu rareasa rare. Kia aōbo teerytenyōte? Kabe Kristu rareasa aderana-wana rabutukre, aōkōrehe. ¹⁶ Inyō hābu aderana-wana roikeki, sohoji umyhyyle wiwana roireke. Kia teerytenyōte aōbo? Kia Tyriti Iritina-ki roim̃yhyre, hābu hāwyy-wana sohoji umyhyyle wiwana roireke. ¹⁷ Moo Wanyr̃-wana ributunyekeki, sohoji Deuxu Tytybytle rareke. ¹⁸ Òraru-ribi tōrehemy atx-imyhybenyke Ijō òraru inyō riwinykeki umywo-ribi nodu aōkō rare. Òta òta òraru tahe inyō riwinykeki, kia ixiumy òludu òraru-di reake. ¹⁹ Aumy Deuxu Tytybytyhys̃ rare. Kia aōbo teeryōte? Deuxu rexiwahinyre awo-ki ras̃nyhyymy rarekremy. ²⁰ Kaiboho aumy wedu aōkō atxitenyteri. Jesuisi

Kristu adee rurureki. Tii òwnihikĩ-di anadyde, Kia tahe aumyreny-ki Deuxu-ò bealàbenyke, òbitimy bexisĩnyke aumyreny-di.

7

¹ Atyyriti dỹĩraxi rerawyònyreri. Kia rare: hābu hāwyy-ò aderexiòhyyeki, kia heka awire. ² Hābu tahāwyydihyye rareke, tule hāwyy tahābudihiyye rareke òta òta òraru dori sòwereki. ³ Hābu tahāwyy-ò umy wahisidỹĩna tamy riwahinyke. Hāwyy tahābu-ò umy wahisidỹĩna riwahinyke. ⁴ Hāwyy taumywedu aòkò rare, ihābu iwedure. Tule hābu taumywedu aòkò rare. Ihāwyy iwedure. ⁵ Wiòmysadỹĩomy. Urile rexitòenykemy aòutxu-ò wii riòmysanykre. Urile ixideewimyy wiwana ratxike. Idi wiwana roikre Satanasi riixiranyheny bededỹĩnana riijereki. ⁶ Kia warybe bede ywina aòkò rare. Urile wadohodỹĩna rare. Adee awikeki, tuu bityhynybenykemy. ⁷ Ibutumy hābu wawese rỹirakeki, awire. Iny sohoji sohoji tahe, Deuxu bede ywisidỹĩna tamy riwahinyra ijò wiribi lahitxi ihỹre.

⁸ Ixihi mahādu-ò wytese mahādu-ò wadohodỹĩna rewahinyre: wawese hyy rỹirakeki, awire. ⁹ Ixiweduoòkeki, tahe boikre, tii arasahyy mabeke-lau. ¹⁰⁻¹¹ Hābu hāwyy my heridu-ò warybe rewahinyra, tahe warybe aòkò rare, Wanyrỹ rybe. Kia rare: Hāwyy uritere tahābu ririòhyyke. Hāwyyò tahābu-ribi rexihitxinykeki, ijò-wana roiòke ada tahābuwanale ixyby roike. Tule hābu uritere tahāwyy risiòmy. ¹² Ijò-ò warybe rewahinyra Wanyrỹ rybemy aòkò: Ityhydỹĩdu seriòre ihāwyy ityhydỹĩdukòdukeki, uritere iatysyòmy hāwyy tii-wana rarekemy ratximyhyreki. ¹³ Hāwyy ityhydỹĩdu ihābu ityhydỹĩdukòdukeki, tule uritere iatysyòmy tahāwyy-wana rarekemy ratximyhyreki. ¹⁴ Hāwyy dori ta hābu ityhydỹĩdukòdu riòbitinymyhyre rityhydỹĩnymyhy tii-wana ratximyhyreki. Hāwyy ityhydỹĩdukòdu iwesele ta hābu risĩnyre. Aòkòkeki ariòre ityhydỹĩdukòdumy raremyhy. Ka tahe rityhinyreri. ¹⁵ Ityhydỹĩdukòdu resekeki ixinamy rake. Kia wesekeki, ityhydỹĩdu ritaamy aòkò ihỹre. Kaiboho ywina-di boibekemy Deuxu ratximyhyre. ¹⁶ Hāwyy, teeryte ta hābu rityhynykre aòbo, ada aòkòre aòbo? Aòkò, teeryòte.

¹⁷ Iwese Deuxu iny sohoji sohoji rihitxihitxinyre wese, boibemahāke. Iwese atximahātenyete wese Deuxu anatadenydeu kia wese boibeke. Kiamy heka reerynanymahāre ibutumy dohodỹĩna-ki. ¹⁸ Inyò notyky resyna-di bityhynykeki, kaweselemy mabeke. Inyò òtyky resyna-di aòkò bityhynykeki, juhuu tatemahā wese mabeke, notyky resydỹĩomy. ¹⁹ Notykyresy aò aòkò rare, ityky resykò tule aò aòkò rare. Deuxu bede ywina ywidỹĩna, kia heka aò wihikỹ rare. ²⁰⁻²¹ Iwese Deuxu ibutumy iny ditade wese, juhu widỹĩnalemy mabeke. Deòdumy aòbo tetyhynyte, tahe tuhyymy mabeke. Awedudeewimyy bexihukeki tahe, idi make araokorore-ribi bohonykeki, tahe make. ²²⁻²³ Deòduò-ò Deuxu ritakemy rarybekeki, tahe rityhynykeki, tii raòkòrò-ribi rohonyra Deuxu rue-ò òkresyò mahādu rityhynyrenykeki, tiiboho deòdu roire. Deuxu aradyra òwyhykỹ-di tai tahe hābu deòdumy aòkò boibeke. ²⁴ Ityhydỹĩdu seriòre, iwese atximahāte wese adee tarasanamy Deuxu rarybereu, kia wesele boibeke.

²⁵ Ijadòma-ò bede ywinamy Wanyrỹ Deuxu tarybe diwahinyòde. Ihārele wadohodỹĩna adee ariwahinykre kialemy. Deuxu dori tatòenamy riwaòbitinyre. ²⁶ Aòhebo kowa rotỹĩnyre, awi aòkò rare. Kia tahe aratohonykre: Iwese iny ratximyhyre wesehyy, boibeke. Tii tahe wadee awire.

²⁷ Kai aòbo hāwyy my heridu tate. Tahe ixihitxidỹĩmy nohòtiòmy. Kai aòbo

hãwyy my heridu aõkõ Tate. Tahe hãwyy my herimy nohõtĩõmy. ²⁸ Tahe hãwyy-wana boikeki. Tii òraruna aõkõ rare. Tule ijadõma roikeki tule òraruna aõkõ rare. Ibutu iny heridu iaõmydỹĩ-ki aõhõkỹmy rotỹĩnyrenyke. Ilau jiarỹ adeereny rarybere inyõ aõhõkỹmy rotỹĩnyheny. ²⁹ Bededỹĩnana he iõhõre. Tai tahe adee rarybere waseriõreboho, inyõ heridu ixihyno wese ratxikemy. ³⁰ Iny bedewomy ratxirerĩ, ixibedewodỹĩ-ribi tõhõtĩ rosake. Iny deysamy ratxirerĩ, deysa-ribi nohõtĩ rosake. Inyõ aõ riwyyhỹre, ihokõ wese rotỹĩnyke. ³¹ Kabede aõna aõna kai bierysynanykeki iwese ierysydỹĩõmy bisỹnyke. Kia aõna aõna ibutumy ituekre. Bededỹĩnanahe aõwesele rexihukre. ³² Ixiraõmy ahãbenyke, kiamy tahe adee watxiwãhãre. Inyõ heridu aõkõ Deuxu aõmydỹĩna riywinymyhỹke, iwese Deuxudeewimy ratximyhỹkemy. ³³ Iny heridu heka bede aõmydỹĩna riywinymyhỹre, iwese tahãwydeewimy ratximyhỹkemy. ³⁴ Kiamy rihitxinyre. Hãwyy tule heridu aõkõ Deuxu aõmydỹĩna riywinymyhỹre taumy Deuxu Tyytybytyhy õbitidỹĩmy. Hãwyy heridu tahe bede aõmydỹĩna-di rõhõtĩnymyhỹre tahãbudeewimy riywinykemy. ³⁵ Kia aratohodỹĩnyra adeerenywikremy. Kai-boho arataaõtyhy. Urile anawiõhenanymahãde Deuxu iõhõmyhỹreki. Iõkõramy ibutumy arahenyrenykemy watxiwãhãre.

³⁶ Ijadõma tibiedỹĩdu tatibiena-õ õbitimy aõkõ risỹnyny rexi-nohõtĩnymyhỹre. Ijadõma tahãbumy herina bede-õ rehemynyre. Tahe tatibiedỹĩna-di inyõ-wana roikemy idi ihỹre, ixinamy roike. Kia òraruna aõkõ rare. ³⁷ Weryrybõ heriõkemy raruronykeki, tii tahe awire. Tii dori irurudire iheridỹĩnyke heny. Tii ixiumy wedu rare. ³⁸ Tahe riheridỹĩnykeki, tii awire. Tule riheridỹĩnyõkeki, iratyretyhy awire.

³⁹ Hãwyy hãbu-wana rỹihyyke hãbu irumy. Rurukeu tahe hãwyy aõtxile roike. Urile Wanyrỹ Deuxudeewimy. ⁴⁰ Tahe wytesetyhymy ratxihiyykeki, teysamy rỹikre. Tuheka jiarỹ rahõtĩnyrerĩ. Deuxu Tyytybytyhy wawo-ki ratxirerĩmy idi rahõtĩnyrerĩ.

8

¹ Katahe adeereny ararybekre: Suritxoo-ò rỹsỹna xiwedỹĩnyamy. Inyboho ibutumy bedeery roire. Bede ery iny aõnityhymy rixinohõtĩnyre. Luuna tahe inywiõhedỹĩdure. ² Inyõ aõerysydumy rexinohõtĩnykeki tii aõwihikỹ rieryõre. ³ Inyõ tahe Deuxu luukeki, Deuxu tii rierymyhỹre. ⁴ Kaa rỹsỹna suritxoo-ò xiwemy rawahimyhỹre. Kia tahe aritỹnykyre. Inyboho rieryrenyryre suritxoo aõ aõkõ rare. Sohojihyy heka Deuxu rare. ⁵ Iny deuxu aõ òta òtalemy rininimyhỹre biu-ki, bede-ki. Iwese deuxu sõwemy ihỹre wese wedu sõwe rare. ⁶ Inydeereny Deuxu sohojile rare. Inytybyreny. Tii ibutu aõna aõna riwinyre. Tamy inyboho roire. Tule inydeereny Wanyrỹ sohojile rare, Jesuisi Kristu. Tii ibutu widỹĩdure. Tii ratximyhỹre xiery inyboho ratximyhỹrenyryre. Tamy inyboho roire.

⁷ Tahe ibutumy kia iny rieryõre. Iny sõwemy suritxoo iny reõwarimy rỹira. Tii riki xiiwenadumy riroxikeki, tai òraruna tuu relemyhỹre. ⁸ Rỹsỹna aõkõ riwatyhenyrenyryra Deuxu-ò. Tai roxiheny rỹire. Rikirỹsỹrenyõkeki, rikiõnonyrenyõtyhy. Rikirỹsỹrenykeki, aõ rikitarenyõtyhy. ⁹⁻¹⁰ Bexiebenyke. Urile ityhydỹĩdu aokõdu ixihe-ki iatysyõmy, aurihixinahe-ki. Suritxoo hetowo-ki inyõ umy robikeki teroxiterimy, tii tule ijõ rỹsỹmy rexiwonyre, xiwe rỹsỹmy. ¹¹ Tai tahe aõraru-ki aseriõre atyhyna-ki òraruna-txi resekre. Tamy Kristu tarasamy rurure. ¹² Kiamy ityhydỹĩdu seriõre-ò taõrarunyteki, tule

Kristu-ò texiòrarunyte. ¹³Tai rÿsÿna òraru-ki ityhydÿÿ-ki waseriòre òraruna-txi resekeki, jiarÿ kia rÿsÿna ariroxiòtyhy, waseriòre òraru-ki.

9

¹ Jiarÿ adeereny rexihyymy watxiwâhâre. Jesusi teòdÿÿnamy jiarÿ watxiwâhâre. Jesusimy, Inynyrÿrenymy rabiòremy tahòtinymahâtenyte aòkò, Jesusimy rabire. Waòraru-ki kaiboho ityhydÿÿdumy toite. Deuxu dee waòmÿsÿdÿÿ òraru-ki ayreny-ki. ² Inywitziraò-ò òsana Deuxu deòdÿÿnakòmÿ watxiwâhâre. Adeereny tahe inatyhymy Deuxu teòdÿÿnamy wâhâre kaiboho dori wateòdÿÿna urihixinamy ahâtenyte Deuxu dee.

³ Kia tahe warawyòdÿÿna rare iny witxiraò-ò: ⁴⁻⁵ Jiarÿ ariroxikeki, ariòkeki, tai aòkòhe awilere. Ityhydÿÿdu hâwyyò-wana, wawana aridykekò aòbo awileke. Kawese ibutumy Deuxu teòdÿÿna mahâdu rotÿÿmyhÿre, tule Jesusi seriòre, tule Pedro. ⁶ Jiarÿ, Banabewanahyyle raaòmÿsÿdÿÿwâhâre iny aòreny tarasanamy. Kia rikirirenkeki, awikeki, aòbo. ⁷ Inyò aòbina-ò rakeki, ta aò aòbo riòwynyke? Aòkòre. Inyò oworuny uva bederaty ribrònyke-wana, bederatyò aòbo ritòleke. Inatyhymy inyò teòte asi-ò riyrubunymyhykeki, ihowÿsÿmy aòbo riòmÿhÿke? Kohe, riòmÿhÿke. ⁸ Kabexe hâbu wese aòbo jiarÿ rarybereri? Tule tahe bede ywina tytyiti aòbo riritinymy rÿimÿhÿre. ⁹ Moisesi bede ywina ritidÿÿna-ki rÿimÿhÿre: –Broreniry itaaòmÿhÿ maixòmò tyre rariamy risymÿhÿreu. Deuxu aòbo broreni riwotòenymÿhÿre. Aòkòre. ¹⁰ Tahe waòrarureny-ki aòbo kia rarybere. Kohe. Inyò ròbròmÿhÿreu, iyremy ritakemy ròhòtinymÿhÿre. Tule inyò riòròmÿhÿreu, ijòò ixidee ritakemy ròhòtinymÿhÿre. ¹¹ Deuxu Tytybytyhy aòmÿdÿÿnanamy adeereny anaerynanykeki, idi aòna aòna aribireny aritaleke, aòbo? Kia aònityhyre aòbo? ¹² Iny witxira aò aribi ritake-wana, jiarÿboho iratyre iu aròtarenkemy arotÿÿnyrenyke. Tahe tiu ròtaòhyre. Deuxu Rybewihikÿ tÿnydÿÿna ariokòròòtyhy. Tai ibutumy aò witxira witxira riòludunywâhâre. ¹³ Dohodÿÿna heto deòdu irysyna ritamÿhÿre dohodÿÿna heto-ribi. Xiwe dinodu aò rÿsÿna ritamÿhÿre xiwena-ribi. ¹⁴ Kia wese Deuxu rarybere; inyò Rybewihikÿ ritÿnynykeki, ibutumy aòmÿ reamÿhÿre ritamÿhÿre, Rybewihikÿ aòmÿsÿdÿÿbro-ribi. ¹⁵ Tahe jiarÿ aò aribi retaòhyre tule kia reritinyreri aò aritakemy aòkò aribireny. Warybe inyò riònonykemy aòkò watxiwâhâre iko-ki tahe arurukre. ¹⁶ Jiarÿ Rybewihikÿ retÿnynymahâre, rexierymahâre dori aritÿnydÿÿke. Kia heka aòhòkÿ aòkò waloosónadikemy rare. Rybe aritÿnynyòkeki, heka aòbinatyhyò wadee kanake inyhe. ¹⁷ Ixidee wimy Rybe aritÿnynymÿhÿkeki, tai ki aritakre. Ixideewimy aòkò aritÿnynyke-wana, ihârele tahe itÿnydÿÿmy iwahisidÿÿna wadee roire. ¹⁸ Kiake-wana, timybo wawahidÿÿna ihÿre. Kia heka rare. Rybewihikÿ tÿnydÿÿ-ò arexiòwynyòtyhy. Aòbo inatyhymy wahòòre, retaòhywâhâre.

¹⁹ Jiarÿ inydeòdumy aòkò rarehywâhâ. Tahe iximy rexideòdunyre sòwemy iny òraru-ribi aritakemy. ²⁰ Judeu mahâdu-ò judeu wesemy jiarÿ rexisÿnyre, judeu mahâduò dori òraru-ribi aritakemy idi watxireri. Moisesi bede ywina yrubudÿÿdu mahâdu dee ixiwesemy rexisÿnyre iòraru-ribi dori aritakemy. Urile jiarÿ kia bede ywiny rubudÿÿna aòkò rare. ²¹ Bede ywina aòkò mahâdu dee ixiwesemy rexisÿnyre. Urile Deuxu bede ywina dire jiarÿ Kristu bede ywina yrubudÿÿdu jiarÿ watxiwâhâre. Kia iòraru-ribi aritakemy jiarÿ rexisÿnyre. ²² Irurukòdu mahâdu-ò waruru aòkò wesemy rexisÿnyre, irurukòdu mahâduò ritakemy. Ibutu iny deewesemy rexisÿnyny rarewâhâ,

aõtxile tiibohoõ aritakemy iòraruna-ribi. ²³ Ibutumy rewinyre, Rybewihikỹ dee iwiohedỹ̃dukemy ixi-di wãhãre.

²⁴ Ijarana rõhònykeu ijaramy ijaranadu sohojile rõhònyra. Tiile wahidỹ̃na ritake. Kaiboho maijarenybenyke tii bitakemy. ²⁵ Ibutumy ijaradu ixidi rorenymyhỹre aõikòkòmy rexierynanymyhỹre. Kia riwinymyhỹ wahidỹ̃na ritakemy. Kia wahidỹ̃na retybykre. Inydee wahidỹ̃na tahe retybyòtyhy. ²⁶ Jiarỹ kawesemy rajaranyre aõ aritakemy. Axio ijesumy resuwãhãre yhye rehetenyre wese aõkò. ²⁷ Waumy-di rõrenyhyyywãhãre. Wadeðu wesemy waumy resỹnyre. Tai dori resỹnyre. Jiarỹ inyõ-ò Rybewiwihikỹ aritỹnynykeki, ywimy dehudu wesemy aõkò arareke, adehuky-ribi riwata lau.

10

¹ Boholabenyke weseriõre ityhydỹ̃du mahãdu. Inytybyreny kia biuwe-tyky nonoe rawo-di roimyhỹ. Tule ahobesòhòkỹ rawo-di reuròreny. ² Moisesi, iwedu, ibutumy aho-di nonoe-di rexisebeny. Tai iwedu inaty-hymy rityhynyreny. ³ Deuxu Tytytyby rỹsỹna sohojile wiwese wesele ibutumy rirỹsỹre. ⁴⁻⁶ Deuxu Tytytybytyhy mona sohojile ihỹre. Bee manay-ribi nade. Mana tahe Kristuweselemy ihỹmyhỹre. Inynyrỹ kiamy roiremyhỹ. Deuxudeewimy aõkò riwinymyhỹre. Tai rurure bedero-ki. Kia tahe indeeremy bedery urihixina erysydỹ̃namy ratxireri, inyboho-dori aõbina widỹ̃na aõkò rokohotinyrenykeny, iwese tiiboho riwinyre wese aõkò. ⁷ Inyboho suritxoo tyhydỹ̃dukòmy rokoireke iwese ijõ mahãdu tuu rerinanymyhỹre wese kòkremy. Ritina-ki roimyhỹre: –Tiiboho ronymyhỹre riroxikemy, riòkemy. Tahe ritamanyrenyrisinykremy. ⁸ Tule òta òtamy rokotỹ̃nyrenyòke iwese tii riwinyre wese –tai 23.000 iny rurure sohojixu-u. ⁹ Deuxu urihixirenyòmyke, iwese tii riwinyre wese. Tai rurureny hemylala jurutana-ki. ¹⁰ Iburaõmyke iwese tii ribuarenyre wese. Tai rubudỹ̃du rirubunyre, Rubu Ỹju wahe. ¹¹ Kia tahe bedery urihixidỹ̃na erysina indeeremy ratxireri. Riritinymyhỹre iny bederynarenymy. Bededỹ̃nana konana-ò iòhòmy inyboho roire. ¹² Tahe inyõ òbitimy rỹimy rõhòtinykeki, tii rexijemy ratxike reseke lau. ¹³ Ixirana isirare inydee rehemynyòtyhy rikiòludunyòtyhy. Deuxu awi rare. Riattyòtyhy iòlududỹ̃na-txi. Tii indeeremy ixirana-ribi ixitarasana riwahinyre. Iny rurureny wesele ixirana rare. Tai rikiòludunyrenyke.

¹⁴ Waluuna mahãdu, kaiboho suritxoo luuna-ribi bexiebeny. ¹⁵ Adeeremy rarybere, kaboho dori abederyreny kai bederywesetyhymy toiteki. Mohòtinybenyke aõmybo rarybereridi. ¹⁶ Deysanamonaahyna aõbo ityhy-dỹ̃du mahãdu wowydina rare Kristu hãlubu wesemy tuu riòreki? Iny paõ riyreyrenyreu, Kristu umy wesemy aõbo rare? Inydee aõbo wowydina rare? ¹⁷ Inyboho sòwe roire. Urile tahe paõ sohojihyy rare. Sohoji butunahymy rare, paõ sohojiribile yre yre rarỹsỹreu, inyboho sohojilemy roire. ¹⁸ Judeu ijoi-ò betehebennyke. Kia xiwe rirỹsỹrenykeki, xiweribile ritamyhỹre. Kia aõbo òbitire. ¹⁹ Timybo jiarỹ rarybereri? Rỹsỹna aõbo xiwenamy diwahinydeki, kia aõbo aõ rare ada ritxoo aõ aõbo rare. ²⁰ Kiamy aõbohe jiarỹ rarybereri? Aõkòre, tuu aõkò rarybereri. Urile, kia raxiwemyhỹre, diabo tytyby-ò rare. Deuxu aõkò raxiwemyhỹre. Kaiboho diabo tytyby-ò tany bexijemy. Tii-wana uritere noõmy. ²¹ Wanyrỹ monamy biòkeki, tai diabo monamy tule biòoke. Wanyrỹ roxi-ki biroxikreki, tule tai diabo rỹsỹna rỹsỹòmykre. ²² Deuxu aõbo iny kidihãrudenykre. Inyboho aõbohe ityhyreny iratyre?

²³ Aõwaxiny tuu botÿÿnyke. aõmydÿÿnana awire. Ihãre tahe awiõre. Aõmydÿÿnana ixidee wimy botÿÿnyke. Urile aõmydÿÿnana riwiõhenanayõhyre. ²⁴ Uritere aaõmydÿÿnana sohojidle nohõtiõmy; tule inywitxira aõmydÿÿna-txi õhõti beake tai aõwiwihikÿmy tamy biwinykre. ²⁵ Birõmyhÿke ibutumy aõ rÿimyhÿre meriadu-ki, nohõtiõmy aõbo raremyhÿmy. ²⁶ Ibutu bede aõmydÿÿna Wanyrÿ wahidÿÿna rare inydeereny. ²⁷ Ityhydÿÿdukõdu mahãduõ aratobiny, kai makeki, biroxi, biroxi ibutumy aõbo adee kidekre. Dÿÿraxiõmy araykywydyna òraru-ki. ²⁸ Tahe adee rarybekeki; kia ritxoo xiwe rare. Irÿsÿõmy, kia hãbu raykywydyna òraru-ki tamy ibinare wahe. ²⁹ Araykywydyna òraru-ki aõkõ jiarÿ rarybere, tahe iwitxira òrari. Ijõ hãbu witxira rayky-di aõkõ aritõhõtinyhÿke. Kia õsana inyõ rarybekre. ³⁰ Dealãnadile jiarÿ ariroxiwãhãkeki, timybo inyõ ibinamy wamy rarybeke. Deuxu-ò dori rexideylydÿÿnyra. ³¹⁻³² Tai tahe, biroxi benyke-wana, biõbenykeki, aõmy botÿÿnykeki, ibutumy Deuxu wowydyna-ò botÿÿnyke. Inyõ atyhyna-di iatysyõmy, judeu mahãduõ-ò, judeukõdu mahãdu-ò, tule Deuxu tyhydÿÿduõ-ò. ³³ Ibutu dee rarurunywãhãre tamywikemy. Waaõmydÿÿnana sohojile aõkõ rahõtinywãhãre ibutu iny aõmydÿÿna dee rahõtiny mahãre tarasadÿÿmy.

11

¹ Iwese jiarÿ Kristu wesemy watximyhÿre wese kaiboho wawesele boibekre.

² Ararybekre: —Kaiboho awirenyremy kaiboho dori iwese bede eryna araerynanyre wese ibutumy teyrubunmahãtenyete. ³ Tahe ijõmy araerynanykre. Kristu iratiwi ibutu hãbu ratyre rare. Hãbu tahe hãwyryati ratyre rare. Tule Deuxu tahe Kristu ratiwati ratyre rare. ⁴ Hãbu rex-itõenyreu, ritÿnynykeu tarahety-di, Kristu rityhynyõre. ⁵ Hãwyõ tahe rex-itõenykeu, ritÿnynykeki tarahety-di aõkõ, tii tahãbu rityhynyõre. Tii dori tarade rasymyhÿre wese ratximyhÿre. ⁶ Hãwyõ tarade rihetynyõkeki, tii tarade riorokre. Hãwy tarasylau raixÿrukeki, tahe tara rihetynykre. ⁷⁻⁹ Hãbu tara rihetynyõmyhÿkre dohodÿÿna heto-ki. Bera-ò tyytyby wesemy Deuxu dee hãbu rare. Deuxu dee hãbu rare. Hãwy tahe hãbu dee-ki rare. Hãbu heka hãwy-ribi aõkõ dori iwidÿÿ rare. Hãwy tahe hãbu umy-ribi iwidÿÿ rare. Hãbu hãwy dee aõkõ relere. Hãwy tahe hãbu dee relere. ¹⁰ Tai tahe hãwy tara riwõmyhÿke. Iu tahe hãbu rityhynymyhÿre jÿu òraru-ki. ¹¹ Deuxu ityhydÿÿduy-ki wiwesele wiweselemy ratximyhÿre. Hãbu hãwy-di ratxikemy; hãwy hãbu-di ratxikemy. ¹² Iwese hãwy hãbu-ribi relereu wese, hãbu hãwy-ribi reamy raumynymyhÿre. Deuxu ibutumy riwinyre. ¹³ Kaiboho mohotinybenyke: Hãwy rexitõenyreu, tarade rihetynyke, aõbo ada aõkõre aõbo? ¹⁴ Hãbu iraderehemy rÿira, tarati rityhynyõmyhÿre tuu rÿira. Kiamy bede riwaerynanyreny. ¹⁵ Hãwy tahe irade rehemy rÿira ixiruxeradÿÿmy rÿira, hety wese tamy iò rarekremy wahe. ¹⁶ Inyõ iwitxiramy rexinohtinykeki, tamy ararybekre, kia wese: Inyreny-ki kia bede ywina rare ibutumy dohodÿÿna heto-ki.

¹⁷ Aõwesebo botÿÿnykremy adee ararybekre. Wade awiõre iwese ahãteny wese kaiboho tebutunyenye, kia arawiohenanyõhyre urile tahe arabinanytyhyreny. ¹⁸ Juhuu ararybekre timybo raholaremy: kaiboho texihitxinytenyete dohodÿÿnaheto-ki, kia tahe rityhynyriõremy watxireri. ¹⁹ Wiribi bexihitxinybenykeki, tai iny õbiti rÿira bierybenykemy.

²⁰ Bibutunymyhÿbenykeu, Inynyrÿ roxina aôkô terÿsÿmahâtenyte. ²¹ Ijô detiteremy taroxina riwymyhÿre inywitxirako-ki. Ijô aô rimyômyhÿreki rama risamyhÿre. Ijô tahe sôwetyhymy riômy raitxÿtemyhÿre. ²² Kai aôbo ahetoôre, tai biroximyhÿkemy, biômahâkemy? Kia wese-ki Deuxu dohodÿÿna heto aôbo tetyhynyôhyymahâte. Iaôkô rÿira mahâdu tule teixÿrudÿÿnymyhÿtenyte. Aômybo ararybekre. Arawowydydÿÿnyrenyôtyhy. ²³ Kia Inynyrÿ-ribi retare, tule aerynamy adeereny rewahinyre. Kia wahisidÿÿnadyna txuu, Jesuisi Inynyrÿ orotxu rimyre. ²⁴ Rexitôenyredi, riôrôre, idi tahe rarybera:

—Kia heka waumy rare. Adeereny wahidÿÿmy watxireri. Kia biwinymyhÿkreu, watxi ôhôtireny reakemy.

²⁵ Tule riyimyhÿre rahudi, tahe bemonahyna rimyra, idi tahe rarybera:

—Kia heka wadeewimy Deuxu, iny-wana ratximyhÿre. Wahâlubu ôraru-ki kia riwinyre. Kia biômahâbenykreu, aôu watxi ôhôtireny reakemy.

²⁶ Tiubo paô biymahâbenykreu, bemonahyna-ribi biômahâbenykreu, warubu rybe tetÿnynytenyteri idi adôsekreu. ²⁷ Tai inyô ôhôtioÿmy riykeki-wana, riôkeki-wana, tii Jesuisi umymy hâlubumy ôraru-ki ratxireri. ²⁸ Sohoji sohoji taaômydÿÿnana-di rohôtinykre, idi tahe riyimyhÿre, riômyhÿkre. ²⁹ Inyô Jesuisi umy-di rôhôtinyôkeki, ixidee aôbinahakÿ kidiwinyke. ³⁰ Kia ôraru-ki sôwemy binamy ôhyyle toite, tule iny sôwemy rurumy rÿira. ³¹ Iny ixi-di rohôtinykeki, aôbinahakÿ rexierykemy, tahe iny rexiôbitinyke. Deuxu tai aôhökÿmy rotÿÿnyôtyhy. ³² Inynyrÿreny inyboho riôbitinymyhÿre. Kiamy heka bede mahâdu-wana aôkôkeki, aôhökÿmy rotÿÿnyrenyke. ³³ Kiamy, waseriôreboho, roximy bibutunykreu, ijô wii biraôbenyke. ³⁴ Inyô rama risamy rÿikeki, taheto-ki roroxike tai rihuômy rÿimyhÿkre Deuxu ywisidÿÿna-ki. Ade arehemynykreu, ijô kia aôna aônamy arôernanyrenyke.

12

¹ Deuxu Tyytybytyhy bede eryna witxira witxiramy adeereny ararybekre, araerynanyrenykeny. ² Ityhydÿÿdukôdumy toitemahâu, aôo aradyrenyke suritxoo rybeôhökÿ-ô. ³ Tai arabedeerynryeri: Inyô Deuxu Tyytybymy rarybemyhÿkeki, tii rarybeôtyhy: Jesuisi ibina rare. Tule inyô uri rarybeôtyhy: Jesuisi Wanyrÿ rare. Tii Deuxu Tyytybytyhydile tuu rarybekre.

⁴ Deuxu Tyytyby bede eryna witxira witxira sôwemy rÿire. Deuxu sohojile tahe iwahidÿÿdu rare. ⁵ Aômysÿdÿÿwi-ribi lahitxi rare, tahe Inynyrÿ sohojile rare tamy rakaaômysÿdÿÿnyke. ⁶ Aômydÿÿna wiribi lahitxi rare, tahe Deuxu sohojile ibutudÿÿdu rare. Tii iny-ô aômysÿdÿÿna widÿÿna riwahinyre. ⁷ Sohoji sohoji tabedeeryna witxira witxira Deuxu Tyytybytyhy-ribi ritamyhÿre ibutu iny wiôhedÿÿmy. ⁸⁻⁹ Inyô-ô bede eryhykÿ wahidÿÿmy ratxireri, Deuxu Tyytybytyhy iwahidÿÿdure. Ijô-ô tahe rybe bedeerydÿÿ wahidÿÿmy ratxireri, iwahidÿÿdu tiile rare. Ijô-ô tahe ityhydÿÿtyhy-ki rarekemy. Deuxu Tyytybytyhy iwahidÿÿdure. Ijô-ô tahe, ôhotibedumy rarekemy. Deuxu Tyytybytyhy risÿnyre rare. ¹⁰ Ijô-ô tahe, bedeôby widÿÿdumy rarekemy, ijô-ô rybe-di tÿnydÿÿdumy, ijô Tyytyby erydumy, ijô rybewitxiramy rarybekemy, ijô rybe wiurôdÿÿdumy. ¹¹ Deuxu Tyytybytyhy sohojile tahe iwahidÿÿdu rare. Tii sohoji sohoji-ô riwahinymyhÿre ixideewimy.

¹² Iny umy sohojihy rare. Urile iaômydÿÿnana sôwere. Kia wese ityhydÿÿdu rÿira ityhydÿÿdu mahâduy-ki, Kristu-ki iny sohojihyyre. ¹³ Sohoji sohoji mahâdu-ribi rabutura, ijô judeu mahâdu-ribi, ijô judeukôdu mahâdu-ribi,

ijò deòdu mahādu-ribi, ijò deòdukòdu mahādu-ribi. Wiji tahe Deuxu Tyytybytyhy-di sohoji hōrōmy iny r̄yire. Idi tahe inyboho t̄yximy r̄yire. ¹⁴ Umy dori sohoji aōmyd̄ȳnana-di aōkō rare, sōwere tahe. ¹⁵ Inywa rarybekeki kia rarybekre òsana: jiar̄y umy aōmyd̄ȳnana aōkō watxireri, debò aōkō dori rare. Kia rarybekeki, ihāre ta umy aōmyd̄ȳnana aōlemy ratxireri. ¹⁶ Nohōti rarybekeki: rue aōkō jiar̄y rare, tai dori umy aōmyd̄ȳnana aōkō rare, Kia rarybekeki, ihāre ta umy aōmyd̄ȳnana ratxireri. ¹⁷ Ibutumy umy ruelemy ratxiheki, timybo rokoholarenkyre. Ibutumy nohōtilemy ratxiheki, timybo rue rareke timybo robirenykre. ¹⁸ Deuxu ibutumy aō ritidire, titxibo ixideewimy rōhōtinyre. ¹⁹ Ibutumy aōmyd̄ȳnana wiweselehek̄ykeki, timybo raaōmsȳd̄ȳnyke? ²⁰ Inatyhymy aōmyd̄ȳnana sōwere. Umy tahe sohojilere. ²¹ Rue debò dee rarybeōtyhy: Kai aō aōkō tate. Tule ratiheka waò rybeōmy: Kaikōkeki wadee awike. ²² Kia k̄nyhe. Aō aōmyd̄ȳnana inyeereny iruruōmy aōmy aōkō r̄yire wese, tii aōwityhy r̄yire. ²³ Tule aōbo inydee aōmy aōkō r̄yira tamyhe woreke r̄yimyhyre iruxeramy aōkō rare, iny woreke r̄yimyhyre. ²⁴ Aōbo inyumy-ki iruxeramy rare, kia urid̄ȳōmy. Deuxu tahe umy aōmyd̄ȳnana ibutumy ributunyre. Tii aō ibuturatyre rityhynyre. ²⁵ Kiawese alòreōmy umy-ki ibutumy umy aōmyd̄ȳnana wiwana raaōmsȳd̄ȳnymyhyre wii riwiōhenanymyhyre. ²⁶ Sohoji aōmyd̄ȳnana txubererekeki, iuhe rubererenyke. Ijò teysakeki inyò riwowydynykeki iuhe reysake. ²⁷ Boholabenyke, kaiboho Kristu umy mahādu toite. Ityhyd̄ȳdu sohoji sohoji heka umy aōmyd̄ȳnana aō wese rare. ²⁸ Deuxu ityhyd̄ȳdu mahāduyke iny rihitxinyre. Juhuu Jesuisi teòd̄ȳdu mahādu, ihewo-ribi Deuxu rybe t̄nyd̄ȳdu mahādu, idi ieryd̄ȳdu, aōwiwihik̄y wid̄ȳdu, òhotibedu mahādu, wiòhed̄ȳdu, dinoduwesed̄ȳnadu, rybewitxira erysydumy. ²⁹ Ibutumy deòdu aōbo roire? Ibutumy t̄nyd̄ȳdu aōbo roire? Ibutumy eryd̄ȳdure aōbo? Ibutumy aōwiwihik̄y wid̄ȳdure aōbo? Aōkōre wii ihitxihitxire. ³⁰ Ibutumy ywisid̄ȳrieryre aōbo? Ibutumy rybe witxira rybedu aōbo? Ibutumy rybewitxira wiuròd̄ȳdure aōbo? Aōkōre. ³¹ Tahe, eryna wiwihik̄my mynmy, atximyhybenyke. Tahe ariteòsynkyre tibo rry.

13

¹ Ibutumy iny rybe witxira witxira arierykeki, ȳju rybe adrierykeki, kia tahe luuna-di aōkōkeki, jiar̄y aōwod̄ȳna wid̄ȳna wesemy ararekre. ² Jiar̄y ibutumy Deuxu rybawahid̄ȳ eryna ijōdikeki, ibutumy bedeery ijōdikeki, hāwālò iherina-ribi aritake watyhyd̄ȳna kiadikeki, tahe luuna-di aōkōkeki, aō aōkō watxireri. ³ Ibutumy waaōmyd̄ȳna iny aōkō mahādu-ò ariwahinykeki. Waumy Kristu Rybewihik̄y dee òraru-ki wòsikemy ariwahinykeki, tahe luuna ijoōkeki, kia heka aōkōweseleke. ⁴ Inyò luunadikeki, ywimy rarekre, awimy rarekre, ihārukōmy rarekre, luunadikeki, ixityhyd̄ȳdukōmy rarekre. ⁵ Inyò luunadikeki ih̄yk̄h̄yk̄my aōkō rarekre. Ixisohojidile aōkō rōhōtinykre. ⁶ Òbitiōna-di deysaōmy, inatyhyle kedeysakre. ⁷ Moò iluunadireki ibutumy aōhebo rot̄ȳnykre, ibutumy rityhynkyre, ibutumy riraòkre, ibutumy riòludunykre. ⁸ Luuna tiu itueōtyhy, tahe rybe t̄nyd̄ȳna aōutxumy ituekre, rybewitxiramy rybe ituekre, bede eryna erysynamy tule ituekre. ⁹ Inyboho iyrelemy rieryrenyre. Tule iyrelemy rit̄ynnyre. ¹⁰ Aōutxumy tahe kia iyre rexihukre, ibutumy kanaerykre, kia hābu òbiti tyhy kedehemyneku, Kristu wahe. ¹¹ Uladumy rarewāhāu uladu wesemy rarybere, uladu wesemy ixidi rarewāhā, uladu wesemy raykywydynanyra. Hābumy relereu

tahe, wauladumy nona rerire. ¹² Wiji tahe inyboho robirenyre, iwese itxerenat̃nykowese-ki, kiatxuu tahe, wiòsanamy rokobirenykre. Katahe iny rieryrenyre txuraò, kiatxu tahe, iwese tii inyboho dierydenyde wese rikieriynykre. ¹³ Tahe inataò aòmyd̃ỹna r̃yire: ityhyd̃ỹna, iraròsòna, luuna. Ijò ratyre tahe luuna rare.

14

¹ Luuna-di boibeke ibutu ijò ratyre. Tyytybytyhy erysyna biijebenyke. Iratyre biijebenyke Deuxu rybe t̃nyd̃ỹna eryd̃ỹna. ² Inyòheka rybe wixiramy rarybekeki, hàbu-ò aòkò rarybereri. Deuxu-ò sohojile rarybere. Inyò irybe rieryòre. Deuxu Tyytybytyhy rybe tii erydure. ³ Inyò Deuxu rybemy rarybemyh̃ỹreu, iny-ò rarybereri. Tai riwiòhenanymh̃ỹre, riòbitinymh̃ỹre, riteysanymh̃ỹre. ⁴ Inyò rybe wixiramy rarybereu, ti-lehyy rexiwiòhenanymh̃ỹre. Inyò tahe rybe rit̃nynyke wana, dohod̃ỹna mahàdu riwiòhenanyre. ⁵ Ibutumy rybe wixiramy rarybekeki, tii tahe wadee awire. Tahe ibutumy Deuxu Rybewihik̃my riernanykeki, kia iratyre-tyhy wadee awire. Deuxu rybe t̃nyd̃ỹna tahe, rybe wixiramy rybedu ratyre rare. Wiuròsòd̃ỹdudile rybe wixiramy rarybeke dohod̃ỹdu mahàdu wiòhed̃ỹmy rarekemy. ⁶ Jiar̃ adeereny ararybekeki, rybewitxira-di. Tiwesebo arāwiòhenanyrenyke. Urile bede eryt̃myra-di, erynatyhyhyky-di, inatyhyerna-di araernanykeki, kia-di tahe arāwiòhenanykre. ⁷ Ka tahe wiud̃ỹna rare. Wyhyhyk̃ jurònawesena ada rerotisòmo wiud̃ỹna kidiwiunykeki, tahe awimy riwiunyòke, timykibo iny rieryke aòbo riwiunyereri. ⁸ Tule juròna òbitimy ritxurònyòkeki, timykibo aòbinadu mahàdu rierykre aòbina-ò nomy rexiywinykemy. ⁹ Kaiboho tule kiawesere. Inyò arybe rieryòkeki, tiwesebo rieryke aòmybo tarybetenyteri. Kiawese dori yhydeele tarybetenyteri wese. ¹⁰ Inatyhymy sòwemy rybe wixira r̃yire bede-ki, ibutumy tahe aòna aònamy rybedu rarybere. ¹¹ Aòmybo rarybere arierykòkeki, rybedu dee jiar̃ iny wixira, rybewitxiraò tamy rare, tule tii wadee rare. ¹² Kaiboho Deuxu Tyytybytyhy eryna teijetenyereri. Tai dohod̃ỹna mahàdu wiòhed̃ỹmy marunubyenyke. ¹³ Inyò rybe wixiramy rarybekeki, iòbitid̃ỹnamy rexitòenyke. ¹⁴ Rybe wixiramy arexitòenykeki, watyytybyle rexitòenyneri waraykywyd̃ỹna-ò ralòòtyhy. ¹⁵ Tai tahe aòhebo arot̃ỹnykre? Watyytyby-di, warayky-di arexitòenykre. Idi watyytyby-di warayky-di arawinykre. ¹⁶ Kai atyytybyle-di texitòenymh̃ỹteu, timykibo inyò rierykemy? Idi rarybeke aix-itòed̃ỹna rexihukeu. Tii dori alybe rieryòre. ¹⁷ Kai tahe inatyhymy awimy texitòenye, tai tahe iny aò rieryòhyre, idi riwiòhenanyòtyhy. ¹⁸ Deuxumy reàlàwāhāre. Jiar̃ dori aratyrereny rybe wixiramy rarybemahāre. ¹⁹ Tahe dohod̃ỹna mahàdu-ò iruyre rybe eremy iersynamy ararybeke ada sòwemy rybe eremy iwixira rybemy anarybekeki. Juhule wadee awityhyre ijò ratyre-ki iny kiawese inatyhymy reernanyre.

²⁰ Waityhyd̃ỹdu seriòre uladu raykywesemy aòkò bexi-raykynymh̃ỹbenyke. Inyery bedeeryhyk̃ wese maraykynybenyke. Aòbina erysynale uladu aòeryò wesemy boibeke. ²¹ Bede Ywina tyriti-ki kia r̃yire: —Kia inydee, hàbu rybe wixira-di anarybekre. Ihāre ta warybe dee tiiboho roholarenyòke. —Kiamy tahe Wañỹr̃y rarybere. ²² Inatyhymy tahe iwixira rybe rybemy ityhyd̃ỹdu mahàdu dee deòsina aòkò rare. Kia ityhyd̃ỹdukòdu mahàdu dee deòsina rare. Tule Deuxu rybe t̃nyd̃ỹna ityhyd̃ỹdu mahàdu-ò rare. ²³ Dohod̃ỹna mahàdu wii ributunyeu,

rybewitxiramy rarybemyh̃reki. Ityhyd̃ỹdukòdu mah̃adu ralòkeki, iny ierykòdu ralòkeki, timybo tii rōhōtinyke. taitx̃ytetenyerilemy idi rōhōtinyke. ²⁴ Tahe ixitire ityhyd̃ỹdukòdu mah̃adu ralòkeki, tahe Deuxu rybemy rarybereriò, ralòkeu, tii rexierykre òrarudumy rare, ibutumy aōwòm̃y roholare tarayky riixixanyke. ²⁵ Aōbo tawo-ki riwòm̃y r̃yimyh̃yredi rexierymy ixi-di rōhōtinyke. Tai resekre tatiowom̃y Deuxu deālānamy realākremy. Tule rarybekre: —Inatyhymy Deuxu ayreny-ki ratxireri.

²⁶ Aōhebo dohod̃ỹna-ki rokot̃ỹnyrenykre waseriòreboho wii rikibutun-yrenykreu. Kia heka rare: Inyō wiuòm̃y kanawiuunykre, ijō tas̃y Deuxu rybe bede eryd̃ỹna kedeerynanykre, ijō it̃ynd̃ỹnamy kanarybekre, ijō rybewitxiramy rybena kanarybekre, ijō iwiuròsòd̃ỹnamy kanarybekre. Aōhebo bot̃ỹnybenyke ityhyd̃ỹdu wiòhed̃ỹnamy rarekemy. ²⁷ Inyō rybewitxiramy rybemy ratxire riki, inatxi inataòlem̃y rarybeke, wihewom̃y, tule iwiuròsòd̃ỹdulem̃y rarybekre. ²⁸ Wiuròsòna ihoòkeki, rybeòlem̃y ronyke dohod̃ỹna heto-ki. Ixiwanale Deuxu-di rōhōtinyre, rexitòenymy. ²⁹ Urile inatxi, inataòlem̃y rybe t̃ynd̃ỹdumy rarybekre wana, ijohonadu mah̃adu tahe irybe-di rōhōtinytyhyke timybo. ³⁰ Ijōhonadu-ò it̃ynd̃ỹna rybemy ratxikeki, rybedu rexihudi rarybekre. ³¹ Ibutu dori Deuxu rybemy rarybekre, sohoji sohojimy. Tai ibutumy rierykre, reysakre. ³² Rybe t̃ynd̃ỹdu mah̃adu rayky, tii rexierymyh̃ykre. ³³ Deuxu tahe wimy uriurid̃ỹdu aōkō rare; tii tahe òbitina wid̃ỹdu rare. Ibutu ijō dohod̃ỹna heto-ki kia wesemy rare.

³⁴ Hāwyy tahe dohod̃ỹna-ki roholamy r̃yimyh̃yre rybeòhykymy tai aōwedumy aōkō. Ywilemy r̃yirake iwese judeu bedeywid̃ỹna roimyh̃yre wese. ³⁵ T̃ỹỹraxinadikeki taheto-ki tahābu-ò r̃ỹỹraxike. Hāwyy dohod̃ỹna-ki rarybemyh̃yre heka ix̃̃runa rare. ³⁶ Timywese tahōtinyntenye. Deuxu rybe aōbo aykyreny-ki rōhōnyre ada kaiboho sohojile aōbo ijōdire.

³⁷ Inyō rybe t̃ynd̃ỹdumy ixi-di rōhōtinykeki ada Deuxu Tyytybytyhy-ò wiòhed̃ỹnamy rarekeki. Timybo rarybekre. Kia waryberiti heka Deuxu bede ywid̃ỹna rierykre. ³⁸ Inyō kia rityhynyòkeki, tii wile ratyhyòd̃ỹòkre.

³⁹ Iribi tahe waseriòre t̃ynd̃ỹdumy boibekemy atxibenyke. Ixinamy rybewitxiramy iny rarybemyh̃yke. ⁴⁰ Ibutumy aōhebo bot̃ỹnybenykre. Òbitilemy, ywilemy.

15

¹ Aōtxi òhōtireñy araijarad̃ỹnykre. Kia tahe rare. Rybewihik̃y iwese adeereny ret̃ỹnynyre wese, tetyhynyntenye wese, tule tetyhynyhyh̃y ahātenye.

² Tai tahe tarasanawo-ki ahātenye rybe teeryhyh̃y ahātenyeki iwese ret̃ynd̃ỹnyre wese. Aōkòkeki aròtenareñy aōtyhy aōkō adeereny ih̃yre.

³ Juhuuutyhy adeereny ret̃ỹnynyre iwese raholare wesemy. Kia rare: Kristu iny òrarureñy dee rurure. Kiamy heka ritid̃ỹna roire. ⁴ Tule mana wabede-ò rahāluure. Inataò txu idi r̃ỹdi tahe, rubu-ribi rexixare, ritid̃ỹna rarybere wese. ⁵ Rexideòsinyre Pedro dee, idi tahe waòinatxi mah̃adu dee. ⁶ Idi tahe 500 iny ratyre tuu robire. Kia iny ityhyd̃ỹdu seriòre mah̃adu ibutumy rexibutunymyh̃yre Jesusim̃y robire. Ijō rurure kia butud̃ỹnay-ribi, tahe ijō irulemy ih̃ymyh̃yre. ⁷ Iribi tahe Txiau tuu robire, idi tahe ierydu mah̃adu ibutumy tuu robire. ⁸ Ihewo-ribi tahe jiar̃y tuu rabire. Iwese uladu ibeded̃ỹnanakòm̃y reare wese tuu rabire. ⁹⁻¹¹ Jiar̃y ierydu hewo ludu rare. Uritere erydumy wanid̃ỹòm̃y watxiwāhāre, raix̃̃rure wahe. Jiar̃y dori juhūu ityhyd̃ỹdu mah̃adu aōhōk̃ymyd̃ỹdu rare. Deuxu ruxetòenale

dori aomy watxiwähäre. Irušetöena aõnihikÿmy waki riwinyre. Jiarÿ dori ibuturatyre aõmysÿdÿÿna rewinyre. Tahe jiarÿ aõkõ wähäre. Deuxu ruxetöenamy wahäre jiarÿ aõbo ada tiiboho aõbo adeereny relyyreny, idi kaiboho tetyhynletenyte.

¹² Kristu rubumy roira-ribi rexixara, kiamy heka rarybemahäreny. Aõherekibo inyõ rarybereri rurumyÿre-ribi inyõ rexixaõkremy. ¹³ Inyõ tiu rubu-ribi rexixaõkeki, Kristu tahe rexixaõre tarubu-ribi. ¹⁴ Kristu rubu-ribi rexixaõre wana, jiarÿboho aomy waryberenyõna idi aõ atyhydÿÿnaõna. ¹⁵ Kristu inatyhymy rexixaõkeki, inyboho Deuxumy ruimy rybedu mahädumy roire. Kristu ixixana rybemy dori jiarÿboho rarybemyÿreny. Kiata bohe Deuxu, Kristu riixixanyõlere. ¹⁶ Rubumy roimyhÿre mahädu rexixaõkeki, taita Kristu rexixaõre. ¹⁷ Kristu rexixaõkeki, ainatyhynareny aõ aõkõ rare. Aõrarudile ahätenyte. ¹⁸ Tule, ityhydÿÿ-di rurure mahädu, biu-ò ròidöthy. ¹⁹ Kabede-ki sohojile inyboho Kristu riraomÿhyÿreki, inyboho bedewotyhytyhymy roire.

²⁰ Inatyhymy taheka Kristu rubumy roire-ribi rexixare. Tii juhuuludu rubu bede-ribi dòðsede mahädumy roirekemy, tai iny tule rekexixarenkyre. ²¹ Iwese häbu sohojiõ rubu diwyde wese, tule häbu sohojiõ rubu-ribi ixixana diwyde. ²² Iwese Adaõ-ki ibutumy iny rurukemy rÿimyhÿkemy tule Kristu-ki ibutumy ixixana kiditakre. ²³ Kristu bededÿÿnana kedehemÿhÿkreu, rubu-ribi ixyby ixixana kòdòhònykre. Kristu juhuhu rexixare, ihewomy tahe taeryna mahädu kidiixixanykre. ²⁴ Tai tahe bede konanakre. Jesuisi ibutu wedu mahädu, bede dinodu mahädu, Iòlò mahädu kanahukre. Tahe ibutumy tyby Deuxu-ò òlòna kidiõkre. ²⁵ Jesuisi tahe ibutu ratyre Iòlòmÿ ratxikemy rarehykre. Iòludu mahädu ibutumy iwarawo-ki rÿikre. ²⁶ Iòludu konana heka, rubu rare. Tii tule riixāwididÿÿnykre. ²⁷ Ryberiti kiawese roire: —Deuxu tahe ibutumy iwarawo-ki ritidireri. Iximy ritidiõthy tii dori tidisidu rare. ²⁸ Rexihudi tahe tule iRiðre ritidikre. Tai tahe Deuxu ibutu iòlòmÿ rarekre.

²⁹ Rubumy rÿira ixyby kedexixaõkeki aõherekibo iny deròwy teratisebenyteri, rubumy roira mahädu härehekÿle wahe. ³⁰ Aõherekibo berebunatyhyhykÿ-txi inyboho iòhārumy ratximahäreny txuõ txuõlemy. ³¹ Ibututxu rubu reijemyhÿre. Adeereny wawowydynatyhymy watxireri. Jesuisi Kristu Inynrÿ òraru-ki. Tai heka kia lau rarybemahäre. ³² Häbu mahädu-ò Efesu hāwā-ki iròdu debure-ò aõbina wese resumahäreki aõtyhybo aritakre? Inatyhymy aõbo? Rubu rexixaõkeki, rikiroxiryrenyke, rikiðrenyke, biurasòmÿ dori rukururenkyre. Aõ aõkõ inatyhydÿÿna. Kia riki ityhydÿÿdukòdu mahädu tuu rexirybeny, abiòwa mahādukeki. ³³ Ixi itxenadÿÿòmÿ: kia biòwa bina dori iny ixihemy riatomyhÿhÿre. ³⁴ Ywityhylemy boibeke, òbitilemy òrarurenymÿ, sòwemy iny Deuxu rieryðre. Kia heka iny ixÿrudÿÿnareny rare, tai rarybewähäre.

³⁵ Tahe inyõ kanarybemyhÿkre: —Timybo rubu kedexixakre. Aõumywesemykre iumy? ³⁶ —Itxÿte, juhuhu alòboròna rabròðkeki tiu txuhuõna. ³⁷ Telòho iny ribòrònyõthy, ityle iny ribòrònyke. Iwese maixòmoty ribòrònyke ada oworuty wese. ³⁸ Ibututy-ò Deuxu iraty umy riwahinymÿhÿre ixideewireki. Deuxu ixideewimÿ alòbòròna ritxuhudÿÿnymÿhÿre tymbo? ³⁹ Dee ibutumy wiwese wese aõkõ rare. Inyde, iròdude, nawiide, uturade ibutumy tahe wiribi hitxi hitxire. ⁴⁰ Biumpy rÿira mahädu tule lahixire, aõwitxira witxira bedemy rÿira kia wowydynareny wiribi hitxire. Tii-wana

wimy rahitxirananyre. ⁴¹ Txuu ahādu, taina, iloosònareny wiribi hitxire. Taina ijò taina-ribi iruxeratyhyre. ⁴² Tai tahe kia wese rubu-ribi ixixana r̃ymyhyre. Umy rubu su-ò rahāloodỹmyhyre rarònyhe txu. Idi tahe irulemy kòdòhònykre, alòbòròna ruhunymyhyre wese tahe umy tuedeònaò. Bede luruhukỹ-ki rahāloodỹmyhyre, tahe loosònatyhy-ki kòdòhònykre. ⁴³ Iruruò-di umy heka rahāloodỹnymyhyre ibinare, tahe iruxeramy tarurutyhy-di kòdòhònykre. ⁴⁴ Iny umy wesemy rahāloodỹmyhyre, tahe tyytyby wese kia umy-di kòdòhònykre, biuludu mahādu wahe. ⁴⁵ Kiamy heka ritidỹna-ki roire. Iny umy riuhemhỹreki, tule tyytyby umy riuhemhỹremy r̃yire: Juhuu inyiru Deuxu riwinyre Adaò heka rare. ⁴⁶ Juhu tahe inyumyreny tayry-di riwinyre idi tahe ritytybynyre. ⁴⁷ Juhuu ludu hābu suribi ije rare. Ihewo-ribi Hābu biu-ribi ih̃yre Kristu wahe. ⁴⁸ Juhuu hābuwesemy ibutumy iny bede ludu ih̃yre juhuu inytyhy wese wahe. Hābu biuludu wesemy ibutumy biu ludu mahādu ih̃yre. ⁴⁹ Tai tahe kabede hābu wesemy inyboho r̃ymyhyrenyre wesereki, tule biu ludu Hābu wesemy r̃yk̃yirenyke.

⁵⁰ Waityhyd̃ỹdu Kia heka rarybemahāhyreri, iwese inyboho ih̃ymyhyrenyre wesemy tiu Deuxu Òlòna-ò ralòòtyhy. Iny umy heka ruruhyy umy rare, tai tahe Deuxu Òlòna ritaòtyhy, kowa-ò dori iny umy ruruòtyhy. ⁵¹⁻⁵² Tahe aòbo teeryòte adee arit̃ynynkre: Ibutumy iny ruruòkre. Ibutumy ityhyd̃ỹdu iny ruruòle iumy riwitxirat̃myranykre, aòwesele reakre, iny tarue riberenymyhyre wese reakre, ikonana juròna ritxurònykre. Juròna ritxurònykre idi ibutumy ityhyd̃ỹdu rubumy r̃yira riurymwitxirat̃myranykre umytuedeòna-di. Inyboho ityhyd̃ỹdu mahādu tulekre. ⁵³ Tahe rekexiwiurònyrenyke, iny bede umy dori rumumyhyre. Rakaumynkre umy witxira-di taita rukururenyòtyhy. ⁵⁴ Iny umy witxiradikreu, tahe kia rybe rexihumy r̃yikre: Ryberitina rarybere: — Rubu ijesu rikitarenykre: ⁵⁵ —Aòherekibo rubu, ajesuna wawana tetaòta? Aòherekibo tiwamytxitxid̃ỹnyòte? ⁵⁶ Òraru rubumytxitxid̃ỹdu rare. Bedeywid̃ỹ òraru rurud̃ỹna rare. ⁵⁷ Deuxu umymy rekealàmyhykre, tii dori ijesu inybohoreny ritakemy riwiòhenanymyhyre. Jesuisi Kristu Inynyr̃-di diwiòhenanymyhyde. ⁵⁸ Tahe weseriòre luu mahādu, bityhynyhybenyke, ywihyymy ahābenyke, Wanyr̃y aòm̃ys̃yd̃ỹna-ò hyy tiemy ahābenyke. Aaòm̃ys̃yd̃ỹna Wanyr̃y dee, idi inydee awimy rarootinymyhyre.

16

¹ Nierumy ararybekre. Kia bibutunykemy kowa tyhyd̃ỹdu mahādu-ò, Judeia mahādu wahe. Iwese Alatxia mahādu-ò ròerynanre wese, kaiboho tule ijò dee bitabenyke. ² Semana juhu ludu txuu, iny sohoji sohoji tiwesebo tòtatenyete jura birarenymahābenyke rawahikremy. ³ Tai adehemynykreu kia nieru rexihumy r̃yikre myiòtyhy tahe ijò rarasamy. Tahe mobo kai tyyriti-di biditakre, tii-wana nieru iny ariteònykre Jerusalē-ò. ⁴ Tahe jiar̃y arakewana iny dee wikeki, tuu wawana kodoikre. ⁵ Macedonia bede-ò arakre rahudi arehemynykremy adeereny watxireri. Macedonia-di delemy arakre. ⁶ Araroorehenykre òsana biubede taile arahukre awanarenyhyyle. Tai ele elemy biwat̃yid̃ỹnykre titxibo arakemy. ⁷ Deuxudeewikeki urihimyo aòkò akireny bede arieke beded̃ỹnana arahukre akireny. ⁸ Efesu hāwā-ki Pentecoste woranabedehesi konana-ò ariijekre. Idi tahe arakre.

⁹ Ijòtòbònahakỹ wese irayhyky rỹimyhỹre waaõmysỹdỹỹ. Tai waaõmysỹdỹỹna irutaõre, ihãre ta wamy òludu sówere. Namy sówehyymy taheka òludu rỹire.

¹⁰ Tahe, Tximòtxi rakeki, iixỹru lau biijemy tii dori Deuxu aõmysỹdỹỹna diwinymyhỹde wawese. ¹¹ Inyõ Tximòtxi-di aõmy aõkõ ihỹkeki heka wadee awiõre. Wadee itỹina-ò biwiòhenanybenyke ywina-di. Reraòmahãre dori ityhydỹỹdu seriòreboho wana kanakemy. ¹² Inyseriòre Apòlo-ò sówemy rary-bewãhãre arorarenymy rakemy ijõ iny seriòreboho-wana. Tahe tii heka Deuxudeewimy aõkõ idi rõhõtinymyhỹre. Idi tahe rakre ixideewimy tiu txumybo.

¹³ Aõu aõu bexiywinylemy borukubeke. Inatyhymy òbitimy myibenyke, hãbu rurutere wesemy bexirurudỹỹnyke. ¹⁴ Aõhebo botỹỹnybenykemy ywina-di luuna-di botỹỹnymy boibemahãke.

¹⁵ Tefana, tasỹ mahãdu-wana Akaia bedeludu-ki ityhydỹỹdumy juhuv rare. Kia teerytenyte. Tiiboho ityhydỹỹdu mahãdu wiòhedỹỹduhyymy ihỹrenyre. ¹⁶ Tamy boholabenyke, ibutumy tamy wityhymy biwinybenyke. Tule kia wese wiòhedỹỹdu biwiòhenanybenyke. ¹⁷ Tefana, Fortunatu, Akaio kaò dite-hemynydenyde. Taita wadeysamy watxireri. Tiiboho riwawiòhenanyrenyre kaiboho kaki aõkõ atximahãtenyeki. ¹⁸ Tiiboho wawo-ribi riwateysadỹỹnyre, araykyreny õsỹny tule wahe. Kia mahãdu heka ratyhydỹỹmyhỹke.

¹⁹ Kaki Asia bede-ki ibutumy dohodỹỹna mahãdu tarybe wehityhyna adeereny riwahinyreri. Akila, Prisila-wana taluuna Wanyrỹnimy rybe adee riwahinyrenyreri taheto-ki dohodỹỹnareny mahãdu tule wahe. ²⁰ Ibutu seriòre mahãdu rybe wehityhyna adeereny riwahinyreri. Birybenybenykreu wii bimibenykre wiwetya-ki seriòrewesemy tamy luòsòna òbitityhyna-di buòbenykre.

²¹ Iroo tahe jiarỹ ariritinykre wadebò-di wahe. Jiarỹ Paulo warybe wehityhyna rewahinyre. ²² Inyõ Inynyrỹ luuõkeki, aõbinahakỹbo tamy kanake, kiamy rexirybenyre: 'Maranata' kia heka Jesuisi wymy kanake rare. ²³ Deuxu luuna adeereny kanakemy idi watxiwãhãre. ²⁴ Ibutu-ò waluuna Jesuisi Kristumy. Kie.

2 Oritxi Mahãdu-ò 2 Oritxi Hãwã Dohodýýna Mahãdu-ò

¹ Jiarý, Paulo, Deuxu deòduò watzireri Deuxudeewireki. Tahe katyyriti rewahinyrenyre Oritxi hãwã dohodýýna mahãdu-ò. Iny seriòereny Tximòtxi wawana ihýre. Tule rewahinyrenyre ibutu ityhydýýdu mahãdu roholakemy Akaiã bede-ki. ² Ruxetòena, ywina-wana adeereny kanakemy idi watzireri Deuxu inytybyreny-ribi Jesuisi Kristu Inynyrý-ribi.

³⁻⁴ Deuxu heka Jesuisi Kristu tyby rare. Iny wiòhedýýdu ihýre. Ruxetòena sòwemy inydeereny riwahinymyhýre. Ibutumy aòmydýýna-di riwiòhenanymyhýre. Tai tahe iny witxira rikiwiòhenanyrenykre Deuxu wiòhedýýna-di. ⁵ Iwese Kristu aòhòkýmy dýýnana kaiboho teerytenyte wese, Kristu wiòhedýýna bitamy bierybenyke. ⁶ Jiarýboho aòhòkýmy arotýýnyrenykreu, awiòhenadýýrenykreu tuukre. Tai tahe tarasana iribi bitake. Deuxu-ribi wiòhedýýna arimynyrenykeki, kia biu-ò hena iribi bimýke arawiòhenanyrenykreu. Tai tahe kaiboho arururenydikre aòhòkýmy botýýnybenykreu. ⁷ Tahe wararòsòna sòwemy ihýre akireny. Tiubo aòhòkýmy dýýnanamy botýýnybenykreu tule wiòhedýýna bitabenyke iwese aritarenýkre wese. ⁸ Waityhydýýdu seriòre, Asia bede-ki jiarýboho sòwemy aòhòkýmy ratýýnymy roiremahã. Wadeereny heka isiratyhyre ibede-ki. Tai heka raberumy roiremahã arururenyke lau. ⁹ Rahòtinyrenyre tai wakananareny sana. Kiamy heka wadeereny ditýnynyde bedeerynamy: ixi-di inyò nohòtiòmy, Deuxudihyyle wahe. Tii dori rubu-ribi ixixadu rare. ¹⁰ Inatyhymy tii riwatarenyre kia brebuna-ribi. Ibutu aòna aòna-ribi riwatarenýkre ixityre. ¹¹ Kaiboho dori wadeereny Deuxu-ò textitòenytenyteri. Tahe ibutumy ixitòena-ò Deuxu kodoholakre tai riwiòhenanykre. Tahe ibutumyiny Deuxu riteàlananykre.

¹² Ibutumy jiarýboho heka kia Deuxudeewimy rewinyimyhýrenyre. Tai heka wadeysarenyre jiarýboho. Awanareny heka tule rarybemahãrenyre: òbitinamy, Deuxu rurunamy. Iny raykywydyna-di aòkò wahe, Deuxu raykywydyna-di. ¹³⁻¹⁴ Idi mariakele, biritinykele, bierykele, kia reritinyrenyre adeereny. Wiji urihimýòle teerymy toite. Jesuisi txu tahe ibutumy bierybenyke. Jiarýboho areysarenýkre bierybenykeki wahe. Tule kaiboho beysabenýkre.

¹⁵⁻¹⁶ Juhuu rahòtinyre kiawesemy: arakemy ixi-di rahòtinyre. Juhuu heka Macedonia hãwã bede-ò arakemy ixi-di rahòtinyre. Iule tahe aramý arakemy heka ixi-di watxiwãhã. Òkeseu tasý tule, aroramý adehemynykre. Tai wiòhena inatximy bitake. Jiarý ayrenymy areakreu, Judeia bede-ò arakemy kaiboho biwawiòhenanybenykemy. ¹⁷⁻¹⁸ Reòsamy watzirerimý aòbohe wadi tahòtinytenyteri? Ixiòrarukile aòbohe tuuremy adee arayraxikre? Tuu aòbo iximý rarybere kohe, myý, iule. Aòkòre, myy rarybere, iule wahe. Inatyhymy aòbohe rarybereri. Aòkòre rarybeòre. Jesuisi Kristu heka warybe rieryre. Kohe, myy, iule. ¹⁹ Tai heka raryberenyre: — Inatyhy rare. Myý wahe, Deuxudeewinamy. Sila Tximòtxi-wana kia Deuxu rybe-di adeereny ritýnynyre, Jesuisi Kristu iriòremy, jiarý tule adeereny kia retýnynyre. ²⁰ Inyboho ratximyhýre Jesuisi Kristu-ò. Kristu heka Deuxu

widǿyǿdu ratxireri. Inyummyreny ratximyhǿre. Deuxu heka tuu iny rierynanymyhǿrenyre, tii inatyhy. ²¹⁻²² Tii heka iny ritamyhǿrenyre; rihitx-imyhǿrenyre; tahǿrǿ mahādumy riwinyre. Inydeereny riwahinyre Deuxu Tyytybytyhy inyworeny-ò risǿnyre. Tai heka inyboho rǿhǿtynyrenyre inydeereny ibutumy riwahinykremy.

²³ Deuxu heka warayky rieryre. Tai heka rarybemahāre, inatyhy raǿre Oritxi hāwā-ò. Tai heka adiride ixinamy. ²⁴ Araryberenyǿtyhy jiarǿboho aǿbo bityhynybenykemy, marybebenykemy. Kaiboho dorihe inatyhyna tetyhynytenyte. Urile tahe arawiǿhenanyrenyke deysana-di Deuxu Tyytybytyhy dee deysana-di.

2

¹ Tai wawo rerahǿrera. Arakemy aǿkǿ abedeǿtiidǿyǿrenymy ixityre.

² Arabedeǿtiidǿyǿnyrenykeki tahe mobo riwateysanykre. Kaibohole toite.

³ Tai adeereny reritinyre. Anaǿtyhy heka abedeǿtiidǿyǿrenymy. Kaiboho dori deysana-di biwasǿnybenyke. Iu wadeysamy watxireriu, kaiboho tule beysabenykere. Kia heka reerywiwire jiarǿ. ⁴ Adeereny reritinyre bedewona-di ranywāhāu; warube rytynmahā. Bedeǿtiidǿyǿna-di arasǿnyrenykeny aǿkǿ kǿny. Tahe timybo aluurenyremy kaiboho bierybenykeny adeereny reritinyre.

⁵ Bedewonamy relyykeki, tiu inyǿ wii ribedewonyreu, riwabedewonyǿtyhy. Aǿtxi arabedewonyrenyre. Waryberiti isirare aǿkǿ ihǿre.

⁶ Aǿhǿkǿmy dǿyǿnanamy yla aǿkǿ rotǿyǿnyre. Tai ixinamy rarekre wiji. ⁷ Wiji tahe iwitxira aǿmydǿyǿnana biwinyke: biwiǿhenanyke iixāwididǿyǿnadikemy. Tai tahe bedewona-di sǿwetyhymy riatyǿtyhy bedewona-ribi wahe. ⁸ Tii luunatyhy-di bierynanybenyke.

⁹ Tai heka adeereny ǿnosǿna rewahinyre. Tai juhūu waritidǿyǿna adeereny rewahinyre. Jiarǿ heka kaiboho rexiiwinyumy aǿbo atxitenyterí ityhydǿyǿna-ò. Kiamy adireny watxireri. ¹⁰ Kai biixāwididǿyǿnykeki heka, jiarǿ tule ariixāwididǿyǿnyke. Kia adeereny rikiwinyrenyke Kristu ǿraru-ki. ¹¹ Tahe Satanasi tiu iny riatyrenyǿtyhy. Inyboho rierynrenyre tii kia riwinykeny riwisǿnymyhǿrǿ.

¹² Jiarǿ heka rǿirenyre Troaji-ò Rybewihikǿ tǿnydǿyǿmy Kristuni-di. Tamy retehemynyreu, isiraǿlemy tai Rybewihikǿ dohodǿyǿmy, Inynyrǿ riwawiǿhenanyre wahe. ¹³ Tahe wabedewomy watxiwāhā inyseriǿreny Txitu-ki rahaǿrekí. Tai tahe kia iny mahādu reteǿwarinyre arakremy Macedonia hāwā-ò rare.

¹⁴ Tahe Deuxu deysana! Deuxu-wana watxiwāhārenyre. Tahe kia ijesu tai ritake. Kristu heka ridykre ijesu tarasadu mahādu. Rokoirenyke heka ihe-ki. ¹⁵ Iwese aderǿna lǿnyrehekǿ ibutumy idi riālānymyhǿre wese heka, kia wese inyboho roire. Ibutumy iny rierykeny heka ityhydǿyǿdu mahādu rǿirerimy ihǿre. Lǿnyrena wihikǿ Kristu ritoonyre wese Deuxu-ò inyboho roire. Iny lǿnyrena wese heka rare. Ityhydǿyǿdu, ityhydǿyǿdukǿdu mahādu-ò ramyhǿre. ¹⁶ Kia rityhynyǿmyhǿre mahādu tahe tǿnyre iruweselemy rare. Kia aǿmysǿdǿyǿna biwinybenyke. Isirare heka iaǿmysǿdǿyǿ. ¹⁷ Inyboho heka sǿwemy inywese aǿkǿ iny roire. Iwese iny riwymyhǿre aǿǿwryiǿre idi ijohomy, kia wese karybe rare. Kia Deuxu deǿdu mahādu heka iǿwydimy aǿkǿ rybe riwymyhǿre.

Tahe inyboho heka inatyhymy rarybemyhÿrenyre. Deuxu dori inydeereny rarybere òbitinamy. Riwateònyrenyre òbitina-di araryberenykemy.

3

¹ Timyre heka tyyriti ritididÿÿnamy raruðhyymahãrenyre jiarÿboho awirenyrenyre. Tahe waribireny tule aribireny kia Ritidÿÿna arihurenyòtyhy. ² Kaiboho heka Kristu tyyriti wese aõma toite. Riritinymy heka roimyhÿre inywo-ki, inyrayky-ki. Idi riramy kaiboho burubenykeki, aõbo kaiboho tewinymahãte heka tamy betehebentyke. Tai tahe rierymy idi rariake ixideele. Idi rariake hãre tahe idi rexibedeerynyke. ³ Kaiboho heka Kristu tyyriti wese heka toite. Inydeereny iwahidÿÿmy heka tii rare. Kia tyyriti witxiramy rare. Aõ ritidÿÿna manamy aõkõ riwinyreri. Deuxu Tyytybytyhy-di tahe riwinyreri. Aõ manatyre-ki aõkõ ròritidÿÿreri inyraykyreny-ki, inyworeny-ki ròritidÿÿmyhÿre. ⁴ Deuxu heka retyhynymahãre, Kristu òraru-ki wahe. Tai tahe tuu raryberenymahãre kiawesemy. ⁵ Jiarÿboho heka warururenyðhyre kaa aõmysÿdÿÿna widÿÿna-ò. Iny ruruna heka Deuxu-ribi sohojile nade. Tii iny wiòhedÿÿdu, aõ iny rikiwinymyhÿrenyke-ò wahe. ⁶⁻⁸ Irybe tÿmyra dohodÿÿdumy heka inyboho roire. Ihetxiu bede ywina wesemy aõko heka ròritidÿÿre Deuxu Tyytybytyhy ihÿre. Ihetxiu bede ywina heka rubu diwyde. Deuxu Tyytybytyhy iruna riwahinyre. Ihetxiu heka manatyre-ki ròritidÿÿre. Deuxu loosòna tule ròhònyre, riwahinyreu wahe. Moisesi òsÿny-ribi sòwemy loosòna ròhònyre. Idi tahe riixãwididÿÿnyre. Tahe judeu mahãdu reteheðhyymyhÿre iòsÿny-ò, iòsÿny loosònadireki. Deuxu Tyytybytyhy heka iratyre awimy rare, iny-ò dori Deuxu irutyhy riwahinyre. Tahe bede ywina nade loosòna wiwihikÿ-di bede ywina tÿmyra tahe iratyre awi rare. ⁹ Tii heka iny-di ixãwikemy ratxireri. ¹⁰ Tahe iratyre rybe tÿmyra rare. Iny òraruna-di ixãwikemy ratxireri. ¹¹ Kia urihimyo rÿire awi rare. Iratyre tahe umytedeòna rare.

¹² Iny raròsòna sòwemy ratximyhÿrenyre. Tai tahe inyboho ruberuðhyymyhÿrenyre. ¹³ Moisesi wesemy aõkõ rakatximyhÿrenyke. Imahãdu rayktxymy dori rÿirenyre. ¹⁴⁻¹⁵ Imahãdutxymy dori rÿirenyre. Moisesi bedeywina-di rariakeki, irayky ritòbònyke. Kia rieryòrenyre iraykyreny ratxynymyhÿrenyremy. ¹⁶ Kristu rityhynyre xiery, irayky raraymyhÿre. Iwese Moisesi òsÿnytòbòna iòsÿny-ribi resere wese kia rare. ¹⁷ Kia Tyyriti-ki Inynrÿreny heka Deuxu Tyytybytyhy rare. Tikibo Deuxu Tyytybytyhy rÿikeki kowa ibutumy iny ixinamy rÿike. ¹⁸ Tahe ibutumy inyboho heka Deuxu wowydyna iny òsÿnyreny-ki ijòdire. Iwese iny òsÿnyreny itxena-ki iny retehemyhÿ wese, Deuxu wowydyna ibutumy robimyhÿke iny òsÿnyreny-ki. Inynrÿ he Deuxu Tyytybytyhy rare. Iribi tahe wowydyna nade. Kia wese inyboho heka Inynrÿ wesemy relemyhÿrenyre. Inihikÿmy delemyhÿdenyde. Tii dori iny worenny-ki raaòòtaòtamyhÿre.

4

¹ Deuxu taruxetòena-di heka kia aõmysÿdÿÿna inydeereny diwahinyde. Tai heka ikonanakòdumy idi rakatximyhÿrenyke. ²⁻³ Ibutumy heka rikiwinymyhÿrenyke aõbo òbiti rare. Aõbina binahakÿ widÿÿ-ò heka rekexijerenyke aõbo òbitirele heka rikiwinyrenyke; rikiwiurònyrenyòtyhy heka Deuxu rarybereriki, tuu. Deuxuruðhyyle rikiwinyrenyke. Inatyhyna

loosòna-ki heka rakatxirenyke. Ibutumy heka rikiwinyrenyke ibutu itxerena òbitimy wahe. Inyboho ritÿnynymyhyre Rybe tymyra wihikÿ. Inyò-ribi riwòmý roimyhÿkeki tahe kia rityhynyòmýhyrele tuu ritidimý roike. ⁴Kiakeki tahe Satanasi iitxeredÿÿ-ò riijònyreri loosònamy robike lau. Deuxu binadÿÿna rare. Ibinadÿÿdu wesemy ratxireri. Kaa loosòna-ò iny riitxeredÿÿnyhymyhyre aõma Rybewihikÿ tÿmyra-ò. Rarybemýhyre dori Kristu heka Deuxu yrubule rare. ⁵Iximi aõkò rarybemahãreny. Inynyrÿ Jesuisi Kristulemy heka rarybemahãreny. Inyboho heka deòdumy inyboho ratximyhÿreny adeereny. Jesuisi òraru-ki kia rewinyamahãreny. ⁶Juhuu Deuxu rarybere: —Bedeluru-ribi heka loosòna doosòmýhyde. Tii heka loosòna-di inraykyreny ritoosònanymyhyre. Tai heka iny Deuxu erysydÿÿna inyboho riyereny. Kristu òsÿny-ki sohojile tuu rokobirenyke.

⁷Kia heka aõna aõna wiwi indeereny heka rare. Ihyna òwy riòre wesemy inyumyreny ratxireri, butxi weselemy wahe. Tai heka Deuxu sohojile irurudire, inyboho aõko irurudire. ⁸Ihãrele heka aõbo iny riwinyke rierýðhymyhyre timybo aõ iny riwinyke heka. ⁹Aõhòkÿmy dÿÿnana heka indeereny rehemynymyhyre tai inyboho ikyhynamy riemyhÿreny. Inyboho heka bedewodihyy ratximyhÿreny, tahe tiemy iny raròsònarenidyhy inyboho ratximyhÿreny. ¹⁰Inyboho heka itxi tòhòti reahyy inyboho ratximyhÿreny, Jesuisi rubuna-txi wahe. Kaki tahe iwese Jesuisi raremyhÿ wese heka rakatxirenyke. Tai iny wixira heka tuu robikre kiamy, Jesuisi rirudÿÿnanamy. ¹¹Jesuisi òraru-ki heka brebunahakÿ-ki inyboho roire. Kia wese-ki heka iny Jesuisi runamy robikre inkyreny. ¹²Kia-ki heka iny rubukonanareny inkyreny rare. Tahe iruna akireny tule ratximyhÿre. ¹³Kiamy heka Ritidÿÿna roire: —Jiarÿ retyhynyre. Taita rarybere: —Kia weselemy roire. Retyhynyrenyleri tai heka jiarÿboho tule raryberenyleri. ¹⁴Jesuisi ixixadÿÿdu heka rare. Kaa tule inyboho tule riixixanyrenyke. Rikirònykre heka Deuxuko-txi. Kaiboho tule boibenyke wawanareny. ¹⁵Jiarÿ wawanareny kia adeereny relere. Tamy Deuxu ruxetòena sòwetyhymy ramyhÿre-wana heka riwahinymyhyre iratyre sòwetyhymy tamý deàlàna riwahinymyhyre. Kia heka Deuxu wowydyna-ò tuu ratximyhÿre. Bedewoðmy.

¹⁶Iny bedewonaðhyre heka. Iny umyreny retybynyre. Txuð txuðlemy heka ratÿmyranyke inywo-ki. Tiie heka aõbo rierynyre inatyhy wahe. ¹⁷Iny bededÿÿnanareny heka urihimýòle roimyhÿre. Iny wowydynarenýko-ki heka aõhòkÿmy dÿÿnana inyboho ritarenýke indyreny retehemyhÿre. Retyhenyreny wowydyna-ò awityhyremy inyboho idi retehemyhÿre iny idi retehòmýhyredi. ¹⁸Aõbo iny tuu robimyhÿre bede bedemy tuu iny robimyhÿre ibutumy idi reamy. Aõbo iny tuu robiòmýhyre heka tiu itueòtyhy. Kia-di tahe inyboho ròhòtinymyhyre.

5

¹⁻²Inyummy tÿmyrahakÿ heka indeereny kidiwahinykre Deuxu, iwixira biu bede-ki wahe. Aõ hàbu wahisidÿÿna-ki aõkò Deuxu-di wahisidÿÿna-ki heka tuukre kia umy tÿmyra wahe. Tiu heka itueòtyhy. Rakabedeworenýke heka bede-ki iny telesòreny-ki rasÿnyreki inywo-ki wahe. ³Inyboho heka biubede-ki inysÿreny inyumytÿmyra-ki ròkòhòtinymyhyrenýke. Kaa iny umyreny wahe. Rabedewomýhyrenýre. Umy tÿmyrað heka rikitarenýkemy

inyboho ratximyhÿreny. ⁴ Aõherekibo inyboho wiji rabadeworenyre? Inyboho heka Deuxu bedewihikÿ-ò aròirenykekò aõbo? Inyreny rikitarenykemy aõkò wiji. Kaki aõhòkÿmy dÿÿnana riwawobededÿÿnyra. Kia aõbo umy tÿmyra tyre tahe rikirutyrenyke ijò wahe. Ijò rikitarenykre umytuedeõnaò. Tiu itueòtyhy. Kia riwinyre inydeereny kia wahe. ⁵ Deuxu dori tuu rarybereri inydee riwahinykremy. Tatytybytyhy dori diwahinyde diteòsinyde. ⁶ Kia iwese juhuu rarybere wese heka tuu rotÿÿnykre. Tai heka inyboho teysamy ratximyhÿreny. Kabede-ki inyboho ratximyhÿre heka inyumyreny ratximyhÿre heka aõ Inynyrÿ-wana aõkò ratximyhÿre. ⁷ Tiu heka rokobirenyòtyhy rikityhynyrenykekile ka idi rakatxirenykre. Inyboho rieryreny timybo rarekre wahe. ⁸ Jiarÿ wadee awire kabede-ribi arexitake Deuxu-wana arasÿnyke wahe. ⁹ Aõma tamydeewimy heka tuu iny riwinyke wahe iny-wana rasÿnyke. Kaki iny ratximyhÿre tahe aõbo awire heka tamy awire. ¹⁰ Inydireny retehemyhÿre. Aõbo inyboho riwinymyhÿreny. Aõbina bina rikiwinyrenyke heka aõhòkÿmy dÿÿnana inydeereny riwahinykre. Aõwihikÿ riki rikiwinyrenykre wana tasÿ. Aõbo awityhy inydereniy kidiwahinykre.

¹¹ Inynyrÿ heka inyboho rityhynymyhÿre. Tai inyboho iny witxira-ò tuu sòwemy relymyhÿreny. Ibutumy heka Deuxu iny rierymyhÿreny. Kaiboho heka tule tiwaerymahâtenyete. ¹² Kia heka reraòmy watximyhÿreny biwaerybenyke. Ararybeòtyhy heka adeereny jiarÿ awiremy. Tahe wadee ka awire kaiboho waluurenyke. Hàbu iumyle awimy rÿirerimy ihÿremy idi ròhòtinymyhÿre. Tii heka òbiti aõkò rare. Kia biwyònybenykemy adireny watxireri. ¹³ Juhuu iny rieremy iteòsò. Inymyreny rarybekeki itxÿtemy inyboho roiremy. Rakaryberenyke heka aõbo inyboho dori Deuxu dee. Aõmysÿdÿÿrenymyhÿreki inydireny ròhòtinymyhÿre. Inymyreny rarybekeki inyboho awilerenyremy. Iòrarureny-ki tuu rakatxirenyke. ¹⁴ Kristu luuna heka kiamy iny riraykydÿÿnymyhÿre. Tii heka rurure iny ibutudee. Tii rurure, ibutumy inyderòwyrenyumy rurure. ¹⁵ Rurure heka aõma iny ixidee sohojile irumy rareke lau. Kia tako-ò rakreu tamy heka irumy rakre. Tamy dori rurure tai rexixare rubu-ribi. ¹⁶ Rakaraykynyrenyke timybo hàbu awiré, ibinaré. Kaimy heka rakaraykynyrenyke. Aõ iwese iny witxira raraykynymyhÿre wese aõkò raraykynyrenyke. Aõma inyboho aõbo Jesuisi Kristu-di raraykynymyhÿre heka. Ixityre aõbo tuukre. ¹⁷ Tii heka umy tÿmyra tuedeõna-di ratximyhÿre iwitxira ratximyhÿre. Juhu iaòmydÿÿnana iribi ixâwira. Tahe wiji raraykywydynanyre iwitxiramy. Ibutumy iaõna aõna ihetxiu heka rawitxiranyre, awi-ò. ¹⁸ Deuxu heka ibutumy kia riwinyre tamy. Inyboho heka iòludu roire, juhuu wahe. Wiji tahe iliinamy ijoj ratximyhÿre. Iny witxira heka iliinamy rarekemy idi watxiwâhare. ¹⁹ Wiji tahe timybo Kristu rarybekremy heka adeereny rarybereri. Aõma Deuxu kia liinamy rarekemy wahe. Ixinamy Deuxu. Ka Deuxu aõ anaumy witxiranydenyke. Kia Kristu òraru-ki tuu ratximyhÿre.

²⁰ Jiarÿboho Deuxu deòdu roire. Tai Kristu deròwumy adeereny rarybereri: Iluuna ixidee ixyby bimibenyke. Wii biwowixinybenyke. ²¹ Deuxu heka iny òraruna ritidire Kristu tyre-ò. Kristu inyòrarunareny riwyre. Wiji tahe Deuxu òbitina inydeereny riwahinymyhÿre.

6

¹ Jiarÿboho tahe raaòmysÿdÿÿnyrenyke Deuxu dee. Deuxu ruxetòena dori tetatenyete, tai idi mohòtinybenyke, òhòtiren-ribi losaòmykemy.

² Boholabenyke aõmybo Deuxu rarybereriò. Jiarý heka aluurenyre iurenana tahe ka arybe-ò raholareri. Arawiòhenarennyre iu wadee textitòenyteu, wadee taryteu. Boholake wiji heka bitabenyke Deuxu ruxetòena. Wiji heka biu-ò hena txumy bede rýire. ³ Inyò iny aõmysýdýñarenny ibinamy rarybekeki, uritere ijò iny bedeworenyõmy, jiarýboho òraru-ki. ⁴⁻⁵ Jiarýboho dori Deuxu deòdutyhy roire. Tai rikiteòsinyrennyke ibutumy aõbo inyboho dori Deuxu deòdu roire. Tai riteòsinyke ibutumy aõbo iny riwinymyhýke. Aõna aõna rikiteòsinyrennyke. Òhòte wakireny rýimyhýre. Ròtenawo-ò ralòmyhýrennyre. Bedeweweky-ki aõhòkýmy ratýñnymyhýre. Sòwemy heka reòludunnyre aõnana bina binahaký reòludunnyre. Aõ òta òta reòludunnyre. Sòwemy heka raaõmysýdýñnynihikýrennyre. Sòwemy heka aõmysýdýñnadikre; týikò bede reijereny; byreõmy bede reijereny; ⁶ òbitimy heka rewinyrennyre. Aõma, ywiny-di ròwidýñnyrennyre bedeeryna-di. Ka roirewāhā iny iwitxira rewìòhenanyre. Ibutumy kia rewìòhenanymy roirewāhā. Deuxu Tytybytyhy heka wawanahyy roiremyhý. Luuna heka inydee reteòsinyrennyre Inatyhyna rybe heka retýnynmahārennyre. Sòwe heka ritýnynny, jiarýboho Deuxu deòdu roire wahe. ⁷ Òbitina dori wadebònarenny wese rare Satanasi itxemy. Jiarýboho heka remymahārennyre aritarennykemy. Tule iny rexijemyhýre òbitina-di. ⁸ Ijò heka waluurenyre inyò tasý aõbina binahakýle wadee riwinymyhýre. Ijò heka Rybewihikýmy wadee raryberemyhýre. Ijò tasý rybe binamy wamyre, raujòmo. Inatyhyna rarybemyhýre. Tai wamy ruidu riwaninimyhýrennyre. ⁹ Ibutumy heka iny riwayrenny. Tahe rieryòhyemy heka inatyhy rare. Watxiwāhārennyre rubu wese ihāre tahe warumy watxiwāhārennyre. Tiiboho heka rubu wesemy inyidireny ratximyhýrennyre. Aõhòkýmy ratýñnyrennyre hāre raruòhyylemy watximyhýrennyre. ¹⁰ Aõna aõna heka bedewonihikýmy ròhònyre. Tiemy wadeysahyy watxiwāhārennyre. Jiarýboho heka urimynodule watxiwāhārennyre. Ibutumy inyboho rityhydýñnyrennyre. Aõhomy aõkò inyboho ratximyhyrenny tahe ibutumy inyidire roimyhýrennyre.

¹¹⁻¹² Tahe kaiboho ityhydýñdu seriòre mahādu Oritxi hāwā-ki. Jiarýboho heka kaa òbiti-my aõna aõnamy rarybemyhýre. Kaiboho heka ijohona de-rarennyre aõmybo rarybemyhýrennyreò. Jiarýboho heka aluurenyre. ¹³ Kai wariòre wesemy adee rarybereri. Umy iwese jiarý aluure wese, kai waluurenyre.

¹⁴ Boholabenyke warybereny-ò ityhydýñdukòdu mahādu-wana aõmysýdýñrennyòke. Timybo òbitinaò heka aõbinaò-wana raaõmysýdýñke. Timybo heka loosòna bedeluru-wana ratxike? Aõkòre! Tiu wiwana rauriòtyhy. ¹⁵ Satanasi heka Kristu-wana raaõmysýdýñnanyòtyhy. Ityhydýñdu mahādu wiwesehyyle raraykynnykemy rýira. Ityhydýñdukòdu mahādu-wana tahe wiraykyweseke aõkòre. ¹⁶ Deuxu aõmysýdýñna heka iwitxi rare, suritxoo aõmydýñnana-ribi, wahe. Kaiboho heka Deuxu dohodýña ijoimyy toite Deuxu oworeny-ki ratximyhýre. Deuxule heka kawesemy rarybere: –Jiarý heka wasý ariwinykre ayrenny-ki. Jiarý iDeuxumy aronykre tiiboho wajioimyy. Rorokurennykre. Tai tahe Inynyry rarybere wiribi bihitxinyke. Inybina-ribi bexihitxinybenyke.

¹⁷ Bexiebenyke òbitikòre-ribi wahe. Uritere tamy adi rexihumy, ixieryyta aramyrennykre ixidee wariòre wese.

¹⁸ Warurutyhy adee rarybere. Boomy heka adireny ararekre, jiarýle wahe. Deuxu rurutere rare Jiarý.

7

1-2 Deuxu ibutumy tuu rarybere: —Kai ityhydÿÿdu waseriòre mahādu. Tai tahe rikexiòbitinyke ibutu aōmydÿÿnana-ribi. Iny umyreny-ki roko-birenyke inyummyreny-ki. Òbitimy heka rakatxirenyke iko-ò, Deuxuko-ò. Aōma waluumy heka atximahābenykemy rahōtinywāhāreny. Iny-ò aō bina bina rewinyōhywāhāreny. ³ Tuhe kaa rarybere tahe ixityre anarybekre. Aluurennyre jiarÿboho ibutuhyye ratximyhÿre iny rumy ratximyhÿre hāre tasÿ rukururennykre tulekre. ⁴ Wadee heka awire ibutumy kaiboho ratximyhÿreny. Kai aōwitxira witxira wadeereny rÿira umy retyhynnyreki. Isirare heka wadee kia ratximyhÿhārele Wadeysatyhymy heka watxiwāhāre, wiòhedÿÿtyhy òraru-ki, ijy òraru-ki.

⁵ Jiarÿboho rethemynnyre Macedonia bede. Taita tule elehynaōhyyre wadereny. Ibutumy heka aōna aōna, òta òta witxira witxira; bede bede ihymy aōkōre rÿire tai. Aōma bedewonihikÿ heka watelesōreny-ò ralore. ⁶⁻⁷ Deuxu riwawiòhenanyreny; Txitu diteònyde wadeereny. Tii rybereny heka awiremy kaiboho. Tai tahe reysarennyre jiarÿboho. Kaiboho tabedewomy atxitenyteri waòraru-ki. Katahe wadeysa nihikÿmy watxireri. ⁸ Adeereny warybetyyriti rewahinyreki tabedewomy atxiteny. Tai tahe reysamy watxireri. Ihārele heka tyyriti adeereny arawahinykre. Kaiboho heka tabedewotenyte iribi tahe aōmydÿÿna kaiboho tewitxiranyteny teòbitinytenyte ibutumy. ⁹ Tai tahe jiarÿ reysamy watxireri. Aōbinare dori rewinykōre arawiòhenyrennyre heka. ¹⁰⁻¹¹ Deuxu heka iny ribedeòtiidÿÿnymyhÿre iny ywimy riraykydÿÿnykemy. Kia kidiwymyhÿke inydee tarasana wahe. Tii heka awire. Ijō bedeòtiidÿÿ tahe bede ludu bede òtiidÿÿ. Kia tahe rubu diwymyhÿde. Kaiboho heka tabedeòtiidÿÿnymyhÿteny. Deuxu heka kia riwinyre awiòhedÿÿnamy aōma kaiboho awireny. Aō witxira witxira sōwemy akireny rÿireri, aō òta òtarenny. Kiadile tahe aōma òbitihymy òhò ayrenny-ribi kaiboho heka taykarananyteny. Kaiboho heka waluudumy teletenyte. Kaiboho biwinybenykemy aōbo òbitimy ratximyhÿre iwidÿÿmy tarotenyte. Ibutumy heka òbitihymy rarekemy idi tetehtenyte. ¹² Tai kia tyyriti adeereny rewahinyre. Aō kia rewinyre heka aō iny iòrudikekile aōkōre rewinyre. Idi aretehekemy heka. Kaiboho waluurennytyhyre aōbo òraru-ki wahe. ¹³ Tai heka wadeysamy watxiwāhāre. Aō inyboho sohojile aōkōre teysa ratximyhÿrennyre. Txitu tule teysamy ihÿmyhÿre, kaiboho tawiòhenanyteki ¹⁴ Tu heka rarybere adeereny kaiboho dori awimy tai tahatenyta awityhy. Adeereny heka inatyhyhy rarybemahārennyre, inatyhynny. Tule mobo rarybere Txitxu-ò. Ka tahe inatyhy rarybem ratximyhÿre. ¹⁵ Tai heka Txitu kia luuna heka aōnityhymy akireny rare. Itxi heka tōhōti akireny aōma Deuxu tetyhynmahāte-txi. Kaiboho tedytenyteki. Ihārele urihimyo ruberumy ratximyhÿ. ¹⁶ Reerymahāre jiarÿ kaiboho òbitimy boibekre. Tai wadeysamy watxireri.

8

¹ Deuxu ruxetōena-ki heka sōwemy riwinyre Macedonia dohodÿÿna mahāduy-ki wahe. Jiarÿ tuu arelyykemy idi watxireri waseriòreboho. ² Sōwemy heka iaōna aōnarenny iaōtaòtarenny teiboho. Aōhōkÿmy rotÿÿnyneri tiiboho. Ihārele ka deysamy heka relerennyre. Reysarenny heka. Tii-boho heka iaōkōrennyre. Aōhohomy aōkō heka roiremyhÿ. Kiahārele heka sōwemy riwahinyre tamahādu wiòhedÿÿmy. ³⁻⁵ Riwahinyre heka sōwemy

ixideewimy. Sõwemy riwahinykelemy wadee rarybere. Tiiboho heka sõwemy wiõhedÿÿmy rurumy roiremyhÿ. Tai inyboho ribedeòitiinyre sõwereki. Kia judea bedede, dohodÿÿna mahâdu, kia wiõhedÿÿmy. Juhu heka tiiboho rexiwahinyrenyrene Inynyrÿreny-ò. Tule Deuxu deewina inydee riwahinyre. Iny wiõhedÿÿnarenymy rexiwahinyre. ⁶ Tai tahe jiarÿ rarybereri Txitu-ò: —Kai biwiõhenanykemy iaõmydÿÿnareny-ò. ⁷ Kaiboho heka sõwemy tetyhynyteri. Kaiboho heka Deuxumy awimy tarybemyhÿtenynte. Kaiboho heka teertyentyte Deuxu aõmydÿÿnana. Kiaboho heka waluureny waluurenymy boibeke wawiõhedÿÿdureny. Biwawiõhenanybenyke. Tai heka sõwemy bexiòlòdÿÿnybenyke adireny watxireri. ⁸ Aõ bedede ywinaõ heka adeereny rewahinyõhyreri. Arierykemy heka idi watxireri timybo aluuna ratximyhÿremy. Tii riteòsiny heka timybo ijõ dowiõhedÿÿmyhÿdemy. Tai tahe iwese tii rotÿÿnyre wese kaiboho tule botÿÿnykre. ⁹ Deuxu ruxetòena teertyentyte, Jesuisi Kristu ruxetòena wahe. Tii heka ityhy rare. Tii rikòdÿÿnyre heka aõrarureny-ki. ¹⁰ Taihyky tetyhynytenynte Deuxu aõmydÿÿnana-di. Kiamy heka raraykynyneri. Arawiõhenanykemy heka adireny rahòtynyre kanau bedeu. Tewiõhenanytenynte inatyhymy. Tai tahe biconananybenyke kia kanau bedeu tewinytenynte heka biconananybenyke. ¹¹ Aõma ireiòno, uriòno biwahinybenykeki, Deuxu heka rimyke. Kia-di ròhòtinyke. ¹² Kia uriònomy idi teywinynty atxiteri-di ròhòtinyke. Tamy wahidÿÿmy aõkòhykeki tahe Deuxu aõma raraykynyõtyhy. ¹³⁻¹⁴ Jiarÿ heka isiramy adee ariwinyõtyhy aõ. Kaiboho heka sõwemy kaa wiji toite, Tai tawowi-di inyõ ròðkeki, taaõnasõwe myna Deuxu-ò riwahinykre. Iaõkòkeki tai ibinamy Deuxu rahaõtyhy. Tai biwiõhenanybenyke heka ihoõmy rÿira mahâdu. Jiarÿ heka aõ retòenyneri aõkò rare, biwahinybenykemy. Kai ihoõmy atxikeki tahe, tule inywixira anawiohenanykre. Taita wiwanale wiwesehyyle ròhònykre. ¹⁵ Kiamy heka Tyyriti-ki Ritidÿÿna roire: —Hâbuõ heka sõwemy ributunyrene. Tahe aõhe rauhenyõhyre tamy kia ibutuna-ribi wahe. Ijõ tahe ibutelemy ributunyrene hâbuõ wahe. Tiile heka aõ tamy rasiranyõhyre.

¹⁶ Txitu awiõhedÿÿrenymy rurumyhÿre iwese awiõhedÿÿrenymy rurumyhâre wesele wahe. Deuxumy reàlâre tai, Deuxu dori tuu rotÿÿnyre. ¹⁷ Taita ixinamy arorarenymy rehemynykre. ¹⁸ Riwiõhenanyrenyneri iwixira seriòreõ. Ibutumy dohodÿÿna mahâdu-ribi tii rityhynymyhÿre aõma Rybewihikÿ-di ritÿÿnynymyhÿre awimy. ¹⁹ Dohodÿÿna mahâdu rihitxinyre wawana kanakemy. Ibutumy Inynyrÿ loosòna heka tuu ratximyhÿre. Tule riteòsinyhÿre ibutumy iny rikiwiõhenanyhÿrenykemy. Tai heka inyseriòreny reteònyrenyneri ityhydÿÿdu mahâdu. ²⁰ Tai inyõ kia nierumy inyõ rarybeõtyhy. ²¹ Òbityhylemy rikiwinyrenyke ibuturu-ò. ²² Ijõ tii-wana rake. Reurihireny heka tii wiõhedÿÿmy rakeõ, tai heka tii wiõhedÿÿmy ratxireri. ²³ Txitu heka waliina rare; wawana raaõmysÿdÿÿnymyhÿre heka rare. Jiarÿboho heka awiõhedÿÿrenymy rarumahârenyrene. Ijõ seriòrenyõ nade dohodÿÿna-ò wiõhedÿÿmy. Tai kaiboho wowydyna tamy biwahinybenyke. ²⁴ Tai tahe dohodÿÿna mahâdu kaki rierykre. Tai rityhynyrenykre aõmybo umyreny rarybere. Tule wiluumy atxiteri.

9

¹ Reerywâhâre jiarÿ wiõhedÿÿmy tarumahâtenynte Judeia bedeki. Tahe kiamy aõ aõkò ariritinykre. ² Reerywâhâre timybo akireny rare. Jiarÿboho heka awimy raryberenyrene umyreny Macedonia hâwâ mahâdu-ò. Myheka

rarybere: —Akaia bede seriòre mahādu wiòhedŷŷmy rexiywinymy ratx-imahārenyre kau beòrau. Tai tiiboho rexideysananyrenyre. ³ Tai heka kaa seriòre mahādu reteònyreri. Tai heka awikre biwiòhenanybenykre dori. Kiamy iwese rarybereri heka inatyhy rare. ⁴ Araixŷrukre heka jiarŷ aōma bexiywinymybenyōlemy wiòhedŷŷna-ò atxibenykre-wana. Tule kaiboho maixŷrubenyke. ⁵ Tai heka inyseriòrereny reteònyre akorenymy. Tahe iu arehymynykreu, bexiywinymybenyke. Biwahinybenyke wiòhedŷŷmy atxitenyteri ixideewimy. Aō jiarŷ adeereny rexitòenyneri aōkō wiòhedŷŷmy.

⁶ Kia hābu ibutemy ròbòròmŷhŷre heka ibutelemy tamy aōna aōna ruhun-ykre. Kia hābu sōwemy ribrònymŷhŷre tahe tamy sŷ sōwemy aōna aōna ruhunymŷhŷre tamy riwahinykre bederaty aōmydŷŷnana. ⁷ Tai heka iny sohoji sohoji ixideewimy tiwesebo riwahinymŷhŷke. Riwahinyōke tahe aō tuu rurukōreri urenana tuu ratxike. Deuxu dee riwahinymŷhŷke mahādu deysana-di riwahinymŷhŷre kia iny mahādu Deuxu tuure. ⁸ Deuxu heka riwahinymŷhŷre sōwemy aōmybo tarumahāte kia inydeereny iratyre. Ibutumy aōmybo tarumahāte heka tule iny witxira biwiòhenanybenyke. ⁹ Kiamy Ritidŷŷna-ki roire: —Tii tawowi-di iaōkō mahādu-ò. Ròwahimŷhŷre. Kia tahe iinydee wobrona tiemy rosaōmy rarekre. Deuxu heka riwahinymŷhŷre tibo alòbòròdu-ò. ¹⁰ Inydee riwahinymŷhŷre paō iny rirŷsŷke. Tahe tule sohoji sohoji òwòrutymy rurumŷhŷre heka tamy riwahinymŷhŷre. Kia ribòrònymŷhŷre tahe Deuxule ritxuhudŷŷmyhŷre. Tahe sōwemy bitakre Deuxu-ribi. ¹¹ Kia rimymŷhŷre mahādu tahe Deuxumy reālāmŷhŷre. Kia tewinymahāte heka Deuxudeewimy tewiòhenanymahāte. Deuxu heka sōwemy rimymŷhŷre eālānarenymy iòraru-ki. ¹² Kaiboho heka Deuxu mahādu teriwiòhenanytenyte. Kia sohojile aōkō. Tule aòraru-ki tiiboho Deuxu-ò wowydyna sōwemy riwahinyrenyke. ¹³ Kaiboho Rybewihikŷ tŷmyra tetyhynytenyteri, Kia ibutumy rierymŷhŷre kaiboho dori uriòno tewiòhenanytenyteki, tai iny wowydyna Deuxu-ò riwahinykre. ¹⁴ Adeex rexitòenykre aluumy heka relekre Deuxu adeex ruxetòena riwahinyreki. ¹⁵ Deuxu-ò wowydyna iny-ribi kanakemy heka idi watxireri. Wahidŷŷna wihikŷ dori Deuxu inydeereny riwawahinyre.

10

¹ Jiarŷ Paulo heka aōmybo adeereny arexitòenykre. Aōherekibo tamy tarabemahātenyte awanarenymy watxiwāhāu urihimyoòle watyhyna watxirerimymy tarybemahātenyte. Jiarŷ heka awana rybetere-di rarybeōmahāre awanarenymy watxireri wana. Tiu rareu, taheka ròritidŷŷre rybetere-di wahe. ² Ròhòtinywāhāre. Rexitòenyneri. Awi heka rare. Ywina-di iny risŷnymŷhŷre. Inyō wamymyri ibinamymy rarybekeki tahe tule ararybeke heka. ³ Inatyhymy kabede-ki inyboho rasŷnymŷhŷrenyre. Rakaaōbinanykeki, inyumyrenymy aōbinana wesemy rare. Tebònadirenyre. ⁴ Tebònadirenyre. Aō kabedemy iny rŷira kia debòna wese aōkō kŷny. Deuxu debòna heka rŷira irurule heka rare. ⁵ Inyō aōbinamymy Deuxumymy rarybemŷhŷkeki, tai tahe kia wadebònarenymy remymymy resewāhārenyre kia ixāwididŷŷnamy wahe. Ibutumy Riuxh òludumy ratximŷhŷre heka remyiwāhārenyre Deuxu rierykemymy Kristu rityhynykemymy wahe. Kaiboho heka ibutumymy tetyhynymahātenyte. ⁶ Kaiboho biatybenykeki, tahe, rexihuhymymy rŷimŷhŷre aōhòkŷmy dŷŷnana-ò. ⁷ Kaiboho heka tetehemahātenyte aōna aōna-ò ahana-ribi wesele wahe. Inyōaraykynykeki ratximŷhŷrenymy ixinamymy tuu raraykynyke. Jiarŷboho heka

tule Kristu mahādu hōrō iny ratxirenyreri. ⁸⁻⁹ Deuxu heka ruuō wadee diwahinyde arawiōhenanykemy tai raixruōmyh̄yre. Tai heka abrebud̄ȳrenymy aōbo kariti rewinyre. Urile tahe aumyd̄ȳreny adireny rewis̄nywāhāre aō bede arāatyreny aōkō. ¹⁰⁻¹¹ Ityriti rybetere heka ribrebud̄ȳ tahe rehemynyreu heka tii aōkō rybetere-di rarybemyh̄yre. Awityhymy aōkō rarybemyh̄yre riritinyreu. Iwese rōritid̄ȳre wesemy aōkō rarybere. Iu adehemynykreu tahe, iwese rōritid̄ȳre wesele heka anarybekre. ¹² Iny tai ratximyh̄yre heka sōwemy ixidi rōhōtinymyh̄yre tii awiremy. Kia tahe watximyh̄reny kia raryberenyōtyhy. Tii dori raitx̄ytemy ratximyh̄. ¹³ Aōmy iximy rarybemyh̄yre dori tii awimy iximy rarybemyh̄yre heka urile tuu raraykynymyh̄. Tīmybo Deuxu inydee raryberele rikiraōmyh̄yke. Kiawesele indeereny awire. ¹⁴ Iaōmys̄d̄ȳna heka tīmybo rikiwinyrenykele iny riijemyh̄reny. Juhu heka Rybe t̄myra wihik̄y heka adeereny adiwkemy idi watxiwāhāre. Rewyreny heka juhū Rybe t̄myra wihik̄y adeereny rewyrē. Tai heka tuu raryberenyōhymahāreny tīmybo iny witxira aōmys̄d̄ȳna riwinymyh̄reny. ¹⁵ Kaiboho heka aityhyd̄ȳnareny raumynykre. Tii heka wadeereny awire. Jiar̄yboho heka aōmys̄d̄ȳna wihik̄y sōwemy ariwinyrenyky watxirenyreri ayreny-ki, Deuxudeewireki. ¹⁶ Idi tahe arōirenky rybe-di arit̄nyrenyky iōbede-ō, Rybe t̄myra wihik̄y-di wahe. Aōmy ararybeōtyhy aōmys̄d̄ȳnareny iwitxira rewinyreny. Kiamy heka Ritid̄ȳna-ki roire: ¹⁷ –Urile tuu rybe r̄yike Inynyrȳ tīmybo riwinyrelemy. ¹⁸ Iny ixidi rōhōtinymyh̄yre tii awireny. Tahe awi aōkō rare Deuxu-ō. Deuxu tahe awimy tai rahamyh̄yre tii idile rōhōtinymyh̄yrekī.

11

¹ Jiar̄y ōsana urihim̄yō raitx̄ytemahāremy kaiboho wawana tōiterim̄y ixi-di atxitenyeri. Ihārele taheka urihim̄yō reōludunymahāre. Jiar̄y heka okorenry iwese Deuxu ratximyh̄yre wesele. ² Ywimy atximahābeny adireny watxireri. Kaiboho iwese ijadōma hābumy roikre wese toite. Hābu heka Kristu rare. ³ Jiar̄yboho raberu wāhāreny kaiboho Kristu-wana atximahābenyke lau wahe. Iwese Eva hemylala riitxenanyre wese wahe. ⁴ Inyō kanakeki rōhāleted̄ȳmy Jesuisi witxiramy. Tahe kaiboho bityhynybenykekile jiar̄y heka raberumahāre. ⁵ Ijō dori rit̄nynymyh̄yre iwese inyboho rit̄nynymyh̄reny wese aōkō iwitxiramy. ⁶ Kaiboho heka tahōtinymahāteny t̄nyd̄ȳdu wihik̄y iny kireny ratximyh̄yre. Tahe awiremy idi tahōtinymahāteny. Tai iwesele inyboho roire awi heka roire. ⁷ Tahe iwese tii awityhymy rarybemyh̄yre wesemy aōkō inyboho rarybemyh̄reny. Tahe iny rierymyh̄reny inraykyreny-ki. Sōwemy heka tuu adeereny rarybemahāreny. Iu jiar̄y rybe rit̄nynymy akireny rarewāhāu, kiau heka adeereny rexitōenyōhyre iōwyd̄ȳmy. Ijamy heka ixidee ri-jenyreny kaiboho bexiōlōnybenykeny. Teōsare ōsana iwese rewinyre wese. ⁸ Ijō dohod̄ȳna mahāduō heka riwaōwyny adeereny arit̄nyrenyky. Iwese iribi rawasinyre wesemy heka rahōtynyre. ⁹ Iu akireny rybe-di t̄nyd̄ȳmy rarewāhāu tiu rexitōenyōhyre adeereny biwawiōhenanykemy. Macedonia hāwā-ribi dori ityhyd̄ȳdu, mahādu seriōrē aōmyo raruwāhāre wadee diwyde. Tiu heka aō aribireny aritaōtyhy. Tuu rarehy wese heka wiji rarekre. ¹⁰ Kristu inatyhynamy wadee rarybereri kia wese tule ararybekre ibutumy Akaia hāwā hāwā-ki. ¹¹ Jiar̄y heka aluunihik̄yreny. Taile heka tuu rarybewāhāre Deuxule rieryre. ¹² Kia rybe t̄nyd̄ȳdu heka iwese

rewinywâhârenyre wesele ròwidÿÿmyhÿre. Kia heka rewinywâhârenyre heka kia rarybereri heka aõ wiribi lahitxi aõkõmy rarybereri. ¹³ Kahâbu heka inatyhy Deuxu deòdÿÿna aõkõ ratximyhÿre. Ruile heka iaõmysÿdÿÿna-ki ròhònymyhÿre. Rexitÿnynykemy Kristu deòdÿÿna mahâdu-ò. ¹⁴ Tahe aõkõre heka Satanasi tule rexiwixiranymyhÿre. ÿju wesemy tii rexideòsinyumyhÿre. Kia hâbu teòdu rare. Tai heka irehemy iribi rexiijaranyre òbiti deòdu mahâdu ratxireriki wahe. ¹⁵ Urile tuu iny idi ròhòtinykelemy heka tuu ratxirerimyhÿre. Tahe aõkõre. Ikonanau tahe aõhòkÿmy dÿÿnana ritarenkyre aõbo riwinymyhÿre òraru-ki.

¹⁶ Ixityre tuu ararybekre. Inyõ raykykõmy jiarÿ itxÿte raremy. Ararybekre heka waaõmydÿÿnanarenymy. ¹⁷ Teramy ijirarenÿõmyke aõmybo ararybekre. Deuxu dori tuu arybedÿÿ-ò riwaijònymy, tai heka rarybere itxÿte wesele watximahâremy. ¹⁸ Kaiboho heka taholamahâtenyte itxÿte mahâdu-ò. Katahe bodoholabedenkyre aõmybo ararybekre. ¹⁹ Inyõ kedehemynykei kaa biwinybenkyre. Tahe tewinymahâtenyte aõna aõnamy aõkõ wahe. ²⁰ Inyõ araitxenanyrenykei uritere aõmydÿÿrenÿõmy tamy. Jiarÿ heka ariwinyòtyhy tuu, wadee awiõre. ²¹ Ijõ rarybemyhÿre inyõ. Tule jiarÿ ararybekre. Itxÿte wesemy ratximyhÿremy. ²² Tii heka Hebreu mahâdumy tii rexininire. Jiarÿ tule kia tuu rare. Ijaò mahâdumy heka tiiboho rexininirenyre. Jiarÿ tule. Abraò riokoremy rarybemyhÿre. Jiarÿ tuleri. ²³ Kristu deòdumy heka tii rexininimyhÿre. Rarybemahâre itxÿte wesemy. Jiarÿ heka iratyre deòduwimy watxiwâhâre. Jiarÿ raaõmysÿdÿÿ nihikÿre. Ròtenawo-ò riwarutyrenyre iratyre. Riwhatenyrenyre iratyre. Arurure inihe iratyre. ²⁴ Judeu mahâdu heka 39 hetenamy wamy raòhòtere iruyre sòwemy wahe. ²⁵ Roma mahâdu tasÿ inataõmy riwhatenyrenyre. Sohoji ta mana-di watyre rihure. Ijòtxu heka hâwoninihikÿ heka riorore. Aõutxu heka bera-ki rãire ruu ibutumy txuu tule ibutumy rehure. ²⁶ Ibutumy reamy rarewâhâ aõma wasidu bede aõmydÿÿnanamy bera-ki tule arurure inihe. Judeu mahâdu warubudÿÿmy wadi riwisÿnyre. Tule judeukõdu mahâdu tulere. Hâwâhâkÿ-ki brebunatyhmy watxiwâhâ, bede rahy-ki tule, ahohokÿ-ki tule. Waliinaò inatyhy aõkõ tai ihÿmyhÿ. Tai heka riwaitxenanyrenyre. ²⁷ Aõmysÿdÿÿ nihikÿ tai. Tÿikõhyky heka bede reijemy rarewâhâ. Rama riwasare; bemy rarowâhâre. Timy heka tÿinatykyò ihoòhykyre sòwemy wahe. ²⁸ Tai tahe rahòtinyre ibutu dohodÿÿna mahâdu-di. ²⁹ Urihimyòle taruru-di ratxireri wana jiarÿ tule iheki waruruhohomy aõkõ relemahâre. ³⁰ Inyõ raòrarunymyhÿre wana jiarÿ rabadewowâhâre iòraru-ki. Jiarÿ rexideòsinywâhâre waaõkõre urityhywâhâre. ³¹ Deuxu Jesuisi Kristu tyby dori riwaerymyhÿre aõu aõu heka iny rakanihikÿnykre. ³² Iu Damas hâwâ-ki rarewâhâu, Iòlò Areta bede dinodu heka riwamymy riwateònyre. riwamykemy hâwâhakÿry ijò-ò. ³³ Weriri nihikÿwomy riwawòmny riwatidire, Walina mahâdu. Tahe heto rarooribi riwaatyre hâwâ ahana-ò. Tai tahe rahenyre ihibi.

12

¹ Jiarÿ heka ararybekemy watxireri. Aõ aõkõ rarehârele heka ararybekemy watxireri. Wiòhedÿÿna aõkõ heka rare. Wanyrÿ wadee riwahinyre aõna aõnamy heka rabire rasina wese jiarÿ sohojile wahe. Kiamy heka arelykyre wiji. ²⁻³ Tahe 14 beòramy heka Deuxu ityhydÿÿduò ridyre biu-ò tasÿ-ò wahe. Deuxule rierymyhÿre inatyhy aõbo rare ada aõkõre aõbo. ⁴ Kahâbu Deuxu-ribi heka rybeòkemy roholare. Tahe rarybeòtyhy. ⁵ Iximy

tahe ararybeòkre kia wadeysarehãre. Waaòhòkỹmy dỹñnanadile areysakre. ⁶Urile ararybekre timybo releremy. Taile tahe iny tuu rarybekre. Tuheka rabire sòwemy aòwiwihikỹmy. Jiarỹ awiremy iny wamy raraykynyheny. ⁷Tahe Satanasi aòbinana witxirahakỹbo wadee riwahinyre. Ixidi aròhòtinyòkre. Jiarỹ aòwiwihikỹ jiarỹ raremy wahe. Araraykynyòkemy. ⁸Inataòmy heka Inynyrỹ-ò rexitòenyre kiamy waribi ritakemy. ⁹Tii wadee rarybere: — Waruxetòenale heka adee awire. Aòbo kai taaòkòteu heka waruru adee rewahinyre. —Tai tahe jiarỹ reysare, waaòkòreu wahe. ¹⁰Tahe awire, waòkòna, warurukòna, ibutumy wadee awire. Kristu òraru-ki heka tuure. Tiubo ibinamy wamy riwinykreu warurukòkreu, warurudikre.

¹¹Rarybere heka hàbu itxỹte wesele heka rarybereri. Kaiboho iòrarureny-ki heka kia wesemy rarybereri. Inatỹhymy heka jiarỹ kia rybe tỹnydỹydu mahãdu bina ratyre watxiwãhãre. Ayreny-ki rarewãhãu heka teerytenynte. ¹²Aòna aòna wiwihikỹ, deytana wihikỹ, bedeòtiidỹña ayreny-ki rewinyre kia Kristu deòdumy watximyhỹreki wahe. ¹³Rybe tỹnydỹy òwyò heka aribireny retaòhyre.

¹⁴Ihewoludu txu tahe aroramy arakemy ixidi watxireri. Inataòmy reywinra aroramy arakemy wahe. Aribi nieruò aritaòtyhy. Urile arawìòhenanyrenykemy adireny watxireri. Uladu riki heka tyby riyrubunyòtyhy. Tyby tahe uladu riyrubunymyhỹre. ¹⁵Ibutumy idi watxireri heka arahukre arawìòhenanyrenykemy. Adeereny wylemy arihukre. Jiarỹ heka aluurenre. Kaiboho aòbo tule waluurenkre? ¹⁶Waòraru-ki heka adee isiraòkre heka. Ihãrele tahe inybina wamy rarybemyhỹre: —Tii itxenadỹydu rare. ¹⁷Wamahãdu tule aribireny ritaòtyhy ijò. ¹⁸Txitu reteònyraiò ityhydỹydu seriòreò-wana. Tii aòbo aò aribireny ritare? Aòkòre. Txitu wawesele heka tii rare.

¹⁹Taòmysỹdỹña heka awiòhedỹñnarenymy rare. Aò wadi jiarỹ awiremy nohòtirenỹmy tuheka rarybereri adeereny. Deuxu, Kristudeewinamy heka tuu adeereny rarybereri heka. Deuxu kotxi heka adeereny rarybereri awiòhedỹñrenymy. ²⁰Raberumahãre heka arehemynykreu, iwitxiramy atxibenybeke lau. Tule wadi iwitxiramy betehebenyke ixiweserenymy aòkò. Ihãru, adebure. Aòkemy watxireri. Iny aòbina binamy wimy rarybemyhỹre. Iny ixidile ròhòtinyrerimỹ ihỹre mahãdu. Kia aroholakeki tahe wadee awiòre. Riyrubunymyhỹre. Riyrubunyòhyymyhỹre. ²¹Raberuwãhãre heka arahinykre heka akotxireny iòhãru òraru-ki. Aòna aòna witxira witxira òta òtamy ròhòtinyinmyhỹre, raraykynymyhỹre. Sòwemy heka riwinyre ta ixi-txi tòhòti reaòhyymyhỹre kia riwinyretxi.

13

¹Tahe ikonana txu roraludu heka jiarỹ rare. Inyò aòbina binamy wimy rarybemyhỹreki waribi ihitxihitximỹ heka tuu rarybemyhỹre. Iny rimymyhỹre heka tuu robimyhỹre; tuu rarybemyhỹre. Wìweselemy heka tuu rarybekre. ²Iny iòrarudimỹ rỹikre-wana, ibutumy heka aòhòkỹmy rotỹnykre arehemynykreu. ³Aòmy Kristu rybemy heka rarybekre. Tai bierybenykre. Aòmy warurudỹydu heka bierybenykre Kristu wahe. ⁴Kristu heka itxèò-ki rurure irururenỹ ò wahe. Jiarỹ warurunarenkò òraru-ki. Tahe Deuxu ratximyhỹre, iruruna-di. Tii-wana heka inyboho heka ratximyhỹrenre iruruòmy. Tai awanarenyle watxireri, tahe tii-wana Deuxu ruruna-wana watxireri. ⁵Ixi-di heka betehebenyke. Bexiurihibenyke tyhyna-di atxitenyterimỹ. Jesuisi Kristu awo-ki ratxireri. ⁶Kia terytenytemy,

inatyhy. Tahe jiarỹboho inatyhymy aõna aõna riijerenyre. Kia aõbo teery-tenyete. ⁷ Jiarỹboho rexitòenyrenyiwãhãrenyre. Òraruna widỹỹrenyõmykemy. Kaiboho aõwiwi biwinybenyke. Kia òbitimy watximyhỹrenyreki aõkõ, kiemy òbitimy boibenykemy. ⁸ Aõbo heka inatyhyna wiòhedỹỹnale rikiwinyrenyke. ⁹ Kaiboho arurudimy atxitenyteri-wana heka, jiarỹboho warurudimy watxiwãhãrenyre, kia wadeereny awi rare. Rexitòenymahãrenyre kaiboho òbitimy matxibenybekemy, ywimy ahãbenykemy. ¹⁰ Tai heka adeereny ratyyritinyreri kiamy. Aribireny irehemy watxiwãhãre taheka arawiòhenanyrenyke. Arehemynykreu tahe timy heka aõhõkỹmydỹỹnanamy arõhõtinyõtyhy, kia waaõmysỹdỹỹna rare. Inynyrỹ dori iny wiòhedỹỹnarenymy nade. Iny aõhõkỹmy dỹỹnanamy aõkõ.

¹¹ Arakre tahe waseriòreboho. Idi biwisỹnybenyke ibutumy òbitimy biwinybenykemy. Warybe-ò heka boholabenyke. Wiwese weselemy maraykywydynanybenyke wiribihtiximy aõkõ. Ywina-di matximahãbenyke. Deuxuluuna heka tule akireny ratxikre. ¹² Wii birybenymyhỹbenyke ityhydỹỹdu seriòre mahãduõ tai wiluummy atximahãbenyke. ¹³ Ibutumy Deuxu ijoi mahãdu heka adee rybe riwehityhynanyreri. ¹⁴ Jesuisi Kristu Inynyrỹ ruxetòena heka akirenykemy watxireri. Deuxu luuna aki rỹikre. Deuxu Tytybytyhy awana rỹikre.

Alatxia Paulo Tyyriti, Alatxia Mahãdu-ò

¹ Jiarỹ Paulo, rybeõmy nodu rare. Inyõ riwateõnyõhyyre. Jesuisi Kristule, Deuxu inytyby, Kristu ixixadỹydu-wana riwateõnyre. ² Jiarỹ ityhydỹydu seriõre-wana. Kaa watyyritireny rewahinyreri Alatxia bedeludu mahãdu-ò, ibutumy dohodỹyna mahãdu-ò, ityhydỹydu mahãdu-ò wahe. ³ Ruxetõena ywina-wana adeereny kanakemy idi watxireri Jesuisi Kristu-ribi, Deuxu inytybyreny-ribi. ⁴ Jesuisi rexiwahinyre iny òrarureny-ribi iny ritarenykemy. Wiji bede aõmydỹynabina-ribi iny ritarenykemy. Kia dori Deuxu-ò inytyby-deewimy rare. ⁵ Tamy àlàna aõu aõu kanawahimyhỹke.

⁶⁻⁷ Jiarỹ bede reõtiniyra, rybe wixiraõ eleelemy tetyhynymahãteki. Rybewihikỹ wixira ihoõre. Juhuu Kristu taruxetõena-di bedebina-ribi aratareny. Inyõ adee rare. Idi Deuxu Rybewihikỹ riwixiranykemy. Tai tahe atyhydỹyna ribinadỹynra. Tai tahe kiamy adee rarybera. ⁸ Inyõ aõbo, jiarỹ aõbo, ada biuludu ýju aõbo, adee Rybewihikỹ wixiraõ rarybekeki, Deuxu kyarana tamy kedeseekemy idi watxireri. Rybewihikỹ-ò juhu waribi taholatenyte. Kia sohojile inatyhyre. ⁹ Iwese rarybere wese ixityre ararybekre. Inyõ Rybewihikỹ riwixiranykeki, aõmybo juhUU taholateny-ribi, Deuxu kyanamy resekre. ¹⁰ Deuxudeewimy taheka watxireri hãbudeewimy aõkõ. Jiarỹ hãbudeewimy aratximyhỹkeki Kristu deõdu aõkõ jiarỹ rare.

¹¹ Aõmybo rarybemyhỹre hãbu-ribi rare. Kia Rybewihikỹ tyhy rare. Kia bierybenyke. ¹² Kia tihãbuõ-ribi adoholaõhyymahãde. Hãburybe-ki aõkõ reeryre Jesuisi Kristule dori kia riwaerynanyre. ¹³ Kaiboho taholatenyte, iwese jiarỹ judeu mahãduy-ki raremahãu lu Deuxu ityhydỹydu mahãdu aõbinamy rewinydỹynanymyhỹre. Idi ariixãwididỹynkemy rarewãhã. ¹⁴ Wamahãduy-ki sõwemy iratyre raremahã judeu mahãdu bede ywina ywidỹy-ki. Idi retyhynyhyymahãre wahona mahãdu ratyre, byrena erỹdỹyna-ki. ¹⁵ Iribi tahe Deuxu riwamyre taruxetõena-ki. Ratohouãnyõlemy rareõ juhu riwahitxinyre. ¹⁶ Wadee Deuxu tariõre riteõsinykremy ratximyhỹ judeukõdu mahãdu-ò tuu ararybekemy wadi ratximyhỹ. Iu inyõ dee aõmy rarybeõhyyre Jerusalẽ hãwã-ò raõhyyre. ¹⁷ Rõtýhydỹyõmy raremahãu. Deuxu deõdỹyna mahãdule rýramyhỹ. Ihãrele tahe tamy rybemy raõra. Iribi tahe rahõnyra Arabia-ò. Idi tahe ixityrele adòõsede Damasu-ò.

¹⁸ Inataõ beõramy heka kowa-ki reijere. Idi tahe rare Jerusalẽ-ò Pedro roramy. Tahe bede reijere waiyre txumy tai. ¹⁹ Ijõmy heka rabiõhyyre deõdỹyna mahãduõmy. Txiaulemy heka rabire, Kristu seriõremy. ²⁰ Ka heka watyyriti inatyhy rare. Deuxuko-txi inatyhy rare. ²¹ Idi Siria bedeõ-ò rare, tule Silisia bede-ò. ²² Judeia bede-ki Kristu dohodỹydu mahãdu wamy lobixidu aõkõ rýira. ²³ Uritỹyna roholamyhỹre: —Kia juhu inyhudurenymy inydireny raremyhỹ, wiji tahe tyhyna-di dobedeerydỹynanymyhỹde. Juhu tahe tii tyhyna rahukemy riwisỹnyre. ²⁴ Kia ibutu òraru-ki tahe Deuxu-ò dealãmýhỹde wamy, Paulo wahe.

2

¹ Waõinaubiõwa reurò beõra-di rexihureu, ixyby Jerusalẽ-ò ròõsere. Ba-nabe, Txitu-wana redyre. ² Rawãhãre heka rasi wese-ki aõmybo rabireki.

Ret̃nynyre iny-ò iwese inywitzira-ò rarybemyh̃remy. Dohod̃ỹdu mah̃adu ratyre retare tamy rihitxinyre rarybekemy. Tuu arierykemy watxireri ywimy watxiw̃ah̃aremy. ³ Txitu wawana ih̃yre, tii judeuk̃odu mah̃aduõ h̃arele tahe it̃otyky resymy rarybeõhyhyrenyre. Tiiboho waki ibinamy ra-haõhyhyrenyre. ⁴ Idile r̃oh̃otiny myh̃yre ityhyd̃ỹduk̃odu mah̃adu. Tiiboho nalõdenye waix̃awidid̃ỹnaren-ò retehekremy, iny Kristu-ki ij̃odiw̃ah̃are-ò. Tiiboho ixiwesemy iny-di ris̃ynkemy ratxirenryeri. Tiiboho ityhyd̃ỹdu wesemy rexis̃ynmyh̃yre. ⁵ Tamy jiar̃yboho raholaren-ò hyymah̃are inatyhymy Rybewihik̃y aribireny ritaõhykemy. ⁶⁻⁹ Dohod̃ỹdu mah̃adu ratyre mah̃adu heka Joaõ, Txiau, Pedro-wana rare. Tiiboho ibutu erysyna ratyre r̃yiraki, kia aõ aõk̃o wadee rare. Tiiboho aõ t̃ymyra riwabedeerynyõre. Deuxu-ò tahe ibutummy iny wiwesehy rare. Deuxu riwateõnyrenyre judeuk̃odu mah̃adu-ò Rybewihik̃y wahisid̃ỹmy. Kia Joaõboho wiwesehyylemy widi r̃oh̃otinyre riwawehitynanyra jiar̃y Banabe-wana. Tai tahe iwese Pedro judeuk̃odu mah̃adu-ò rare. Tiiboho tahe rit̃ỹnynmyh̃yke judeu mah̃aduõle wahe. ¹⁰ Urile riwatyhenyra iny aõk̃odu mah̃adu ariwiõhenany mah̃akemy. Kia juhuy ariwinykemy watxiw̃ah̃are.

¹¹⁻¹² Atxiõkia-ò Pedro rehemyh̃reu jiar̃y tuu rarybere timybo ibinamy riwiny my ih̃yremy rexix̃tenany myh̃yke. H̃abuõ Txiau-ribi rehemynyõrau, tii judeuk̃odu mah̃adu-wana riroxire. Irahudi tahe dehemynydenydeu, riroxiõhyylemy rexitare. Judeu mah̃adu rybe lau ruberure. ¹³ Ij̃o judeu iwesele rot̃ỹnyre. Ihewoludu Banabe tulere. ¹⁴ Tuu rabireu, õbitimy aõk̃o Rybewihik̃y inatyhy wesemy aõk̃o rot̃ỹnyny raremyh̃y tahe rarybere ibuturu-ò, Pedro-ò. Kai judeu mabekeki, tahe judeuk̃odu mah̃adu wesemy tabaned̃ỹnanamy ah̃ate. Uritere judeuk̃o mah̃adu mah̃adu wesemy is̃ỹd̃ỹõmy. ¹⁵ Jiar̃yboho tahe judeu mah̃adummy reamah̃arenyre. Judeuk̃o mah̃adummy aõk̃o watxiw̃ah̃arenyre. ¹⁶ Iny bede ywid̃ỹna aõk̃o iny ritamy roire. Kia Kristu iny rityhynmyh̃yrelle iny ritamy roire. Bede ywina ywityhyd̃ỹna iny ritaõtyhy. ¹⁷ Iny Kristu-ki tarasana ritamy ratxikeki, tahe òrarudu tyhymy ronykeki, Kristu aõbo òraruna wid̃ỹna rare? Aõk̃ore. ¹⁸ Jiar̃y bede ywiny ywid̃ỹna-ò ar̃õsekeki, òrarudummy ararekre. Kia jiar̃y id̃i ariatymy r̃ymyhyre ixityre ariwinykeki òrarudummy arareke. ¹⁹ Jiar̃y bede ywina rarumy r̃aire wese, Kristu-ò warumy ararekremy. Kristu-wana jiar̃y raitxeõkirubud̃ỹnanany mah̃are. ²⁰ Jiar̃y ixidee warumy aõk̃o wah̃are. Kristu tahe wawo-ki riwarud̃ỹnanany ih̃yre. Warumy watxireriwana Deuxu iriõretyhyd̃ỹna òrarukile warumy w̃ah̃are. Tii waluumy ratximyh̃yre. Tahe wadee rexiwahinyra. ²¹ Deuxu ruxetõed̃ỹna aribynykemy aõk̃o watxireri. Bede ywina tyhyd̃ỹna òraru-ki ywityhyd̃ỹna tahe inyõ ritakemy ratxireri. Kia-di inatyhymy inyõ rexitakeki tahe, Kristu uriõle rurure.

3

¹ Alaxia mah̃adu timybo tah̃otinyteri kaiboho õh̃otibede-di rieryk̃orenyre. Kia-di õsana tah̃otinyre. Moõwõru ijeranamy ah̃atenyte. Jesuisi Kristu itxè-ki rururedi taholatentytyhta. Õh̃oti-ribi aõbo kia rosare. ² Kiale arierykemy watxireri timybo tah̃otinytenyteri: Deuxu Tytybytyhy temytenyta bede ywina wid̃ỹnamy aõbo ada inatyhyna tyhyd̃ỹnamy aõbo. ³ Juhu urile tetyhynytenyte id̃i ixiumykile tadexityhynmy ah̃atenyte, bede ywina ywisid̃ỹna wahe. ⁴ Kaiboho õbitimy tah̃otinyõtenyte. Kia aõbo aõh̃ok̃ymy tat̃ỹnytenyte uriõhyõle? ⁵⁻⁶ Aõk̃ore, uriõkele aõk̃ore õsana tah̃otinyteri.

Deuxu Tatytybytyhy adeereny diwahinyde. Kia aõbo riwinyre bede ywina ywisidỹy kaiboho tamahãtenyteki? Aõkõre, tetyhynmahãteki kia riwinyre. Deuxu aõna aõna wiwihikỹ akoreny-ki riwinyre. Kia sohojile iny ritake. Abraõ Deuxu rityhinyre. Tai tahe tamy õbitimy rare Deuxu-ò, iòraru iribi riixãwididỹnyraki. ⁷ Tai ibutumy rityhynymhỹre mahãdu Abraõ riõremy rỹira. ⁸ Tyyriti-ki roimyhỹre kia: —Deuxu heka judeu mahãdu sohojile aõkõ riõbitinykre. Ibutumy iny riõbitinykre ityhydỹy erysydỹyna òraru-ki. Rybewihikỹ erysyna Abraõ-ò juhoo dehemynyde. Kia wese Tyyriti doide: —Aòraru-ki ibutumy iny-ò deysana kanakre. ⁹ Tahe ityhydỹydu mahãdu Abraõ wesemy teysare. Abraõ dori ityhydỹydu rare. ¹⁰ Inyõ bede ywina rityhinyõkeki, Deuxu txuhòbina kedeake. Jesuisi-ò tyhynale iny kidityakre. Kia Tyyritidỹyna dori roire: —Inyõ ibutumy bede ywina riywinyõkeki, tamy Deuxu txuhòbina kedealeke. ¹¹ Òbiti mahãdu rityhynmy ronykre. Kia riki Ritidỹyna roire. Tahe bede ywina heka inyboho aõkõ riõbitidỹnyre. ¹² Bede ywina heka iwitxi rare ityhyna-ribi. Tahe inyõ bede ywina rityhynmy ratxiukeki, tii ibutumy rityhynmy rarehyke. ¹³ Inyboho Deuxu bede ywina rikiywinyrenyõkeki, Deuxu txuhòbina inydeereny kedeakre. Kristu tahe kia-ribi iny ritare. Tule inyòwòruna òraru-ki rexilamadỹnyre inydee iòwydỹyna-ki. Beteheke Tyyritidỹyna roire: —Inyõ òwòru itxeò-ki ritamadỹnykeki, tamy txuhòbina kedealekre. ¹⁴ Deuxu narybede heka Tatytybytyhy iny-ò riwahinykemy. Wiji tahe inyõ rityhinykeki, Deuxu Tyytybytyhy ritakre. Tai Abraõ deysana inydeereny rehemynyre Jesuisi Kristu òraru-ki.

¹⁵ Waseriòreboho, jiarỹ hàbu wesemy ararybekre. Iny inatxi jurasadỹyna ritina riwinykeki, inireny ritidikeki, inyò riwixiranyòtyhy. Tai ijõ wixira riritinyòtyhy. ¹⁶ Boholabenyke, Deuxu juhoo Abraõ dee narybede: —Abraõ riòre hewoluduò Kristumy. Abraõ riòre sòwe dee rarybeòre. Sohojideele rarybere. Tahe tariòre-ò Kristumy rarybere. ¹⁷ Tuheka rarybereri: —Deuxu juradỹyna wese juhoo rarybere, 430 beòra bede rỹire idi tahe bede ywina nade. Kia Deuxu juradỹyna riixãwidinyòtyhy. ¹⁸ Tarasany bede ywinawidỹyna òraru-ki kidiwahinykeki, wahisidỹyna aõkõ heka rare. Tai Deuxu heka Abraõ-ò jurasadỹyna riwahinyre. Iòwydimy aõkõ juhoo dori rarybere tii kidiwahinykemy. ¹⁹ Aõherekibo heka nade? Kia nade òraruna òraru-ki Kristu nadeule kỹny juhu ludu wese aõkõ roire. Kristu heka Deuxu deòdỹyna rare. Iwese Deuxu rarybere wese riwahinyre. Tii Abraõ riòre riòre-ribihyy reare. Yjummy bede ywina nade. Iny itya ludu debò-ki rehemynyra. Moisesi iwahidỹydu. ²⁰ Boholake, Moisesi sohojile aõkõ itya ludu ratxireri bede ywina riwahinyreu. Deuxu tahe sohojile rare irybe riwahinyreu. ²¹ Bede ywina aõbo Deuxu jurasadỹyna riixãwidinyke? Aõkõre. Bede ywina umy ituedeòna riwahinykeki, òbitidỹyna inatyhymy bede ywina nade. Tahe aõkõre. ²² Deuxu Tyyriti rarybere: ibutumy iny òraruna-di ratxireri. Kristu iny rityhinykeki, Deuxu jurasadỹyna tamy riwahinyke.

²³ Ityhydỹyna rehemynymnykoki bede ywina iny rityhynymhỹre ròtenawo-ki inyboho roire wese. Kia-ò iny riraòhyymy rỹimyhỹre inatyhydỹyna kedehemynykemy. ²⁴ Uladu bedeerydỹydu wese bede ywina rare inydeereny. Kristu rehemynykõu, inyboho bede ywina rityhynnyreny. Tai Kristu-ò inyboho õbitimy ronykremy ityhydỹyna òraru-ki. ²⁵ Ityhydỹyna-ò iny rehemynyreu, uladu bede erydỹydu-ribi ixãwimyhỹre. ²⁶ Kristu-ki ibutumy Deuxu riòre atximahãtenyte ityhydỹyna-ki. ²⁷ Ibutu dori Kristu-ò

taratisebenyeteu, Kristu wesemy tatŷŷnyete. ²⁸ Kristu tŷnydŷŷna-ki wiribi hitximy aòkò boibe, judeukòdu mahàdu, iny-wana, deòdu deòdu aòkò-wana, ijoi hāwyy-wana ibutumy wiwese wesele Kristu-ki rŷike. ²⁹ Kristu-ki mabekeki, Abraò riòre riòrelemy mabekre. Jurasadŷŷna rareasadŷŷdumy atximahātenyete.

4

¹ Ijyyò arelyykre –rareasadŷŷduò deòdu wesemy raremyhŷ tii uladumy rareu, ibutu wedu rare hāre wahe. ² Urile tyby rarybere raumynykòule, tii tatibiedŷŷdu rybe rityhynymyhyre. ³ Kia wese iny rare. Uladu wesemy bede aòmydŷŷnana rityhynymyhyre juhuu. ⁴⁻⁵ Iribi tahe bededŷŷnana he rehemynyra. Deuxu tahe Tariòre diteònyde ijadòma ririòredŷŷnykremy. Bede ywina tyhynakremy reare. Tii nade bede ywina tyhydŷŷdu mahàdu tarasamy kia tyhyna-ribi ritakemy tariòre wesemy ritibienykemy. ⁶ Deuxu Riòre wesemy iny ihŷreki iny-ki ratximyhyreki, Tatytytybytyhy inywo-ò risŷnyre. Tai inywo-ribi rarybemyhyre: –Waha, Waha. ⁷ Wiji tahe deòdu wese aòkò atxiteri, Deuxu riòretyhy wese atxiteri. Tule Deuxu rareasadŷŷduòle tate.

⁸ Juhuu Deuxu teeryòtenyete. Kaiboho deuxu witxira wese tetyhynytenyete –deuxu inatyhy aòkò tetyhynytenyete. ⁹ Ka tahe Deuxu teerymy ahātenyete tetyhynymahāte. Deuxu anaernymyhydenyde. Ixyby bede aòmydŷŷnana-ò òòsedŷŷòmy, arawiòhenyòreki. Deòdumy aòkò ixyby rŷimy boibeke. ¹⁰ Txu yrubudŷŷòmy, ahādu yrubudŷŷòmy, beòra yrubudŷŷòmy. ¹¹ Inatyhymy ada aòkòre aòbo waaòmysŷdŷŷna adeereny reònonyara?

¹² Wawesehyymy boibeke. Jiarŷ dori tatemahā wese raremahā, waseriòreboho. Kaiboho wadee aòbina tewinyòmahātenyete. ¹³ Kia teeryte. Jiarŷ juhuu adeereny Deuxu rybemy rarybereu, jiarŷ iu wabinawāhāu. ¹⁴ Wabinana heka isirare adeereny, ihāre tahe waderaòre tahe wadi arukirenyra, iwese ŷju Deuxu-ribi jiarŷ anade wese kaiboho tiwamytenyete, iwese taheka Jesuisi Kristule jiarŷ rare wese wadi tewisŷnytenyete. ¹⁵ Titxibo rare eysanareny juhuu adi toite wahe. Kaiboho aruereny wii tesŷnymy toitemyhy kaiboho wakyrenyrenyeki. ¹⁶ Jiarŷ aòbohe aòludumy relera, inatyhy rybe adeereny rarybereki? Aòkòhyre. ¹⁷ Hābuò arāitxenanymyhyrenyete. Aluu wese heka ratxirerimy ihŷre. Aòlònamy dori rarunyreri. Tiiboho wabiòwana-ribi atarasamy adi ihŷrenyete. ¹⁸ Aòwihikŷ erysomy marurunyke. Tii tahe awire, awanale watxireriki aòkò. ¹⁹ Wariòre wese, adeereny aòhòkŷmy ratŷŷnyre, hāwyy reamyhyre mytxitxi wese jiarŷ rare adeereny Kristu awo-ki rexilamadŷŷnyhykemy. ²⁰ Awanareny ararekemy watxireri. Tai tahe warybe witxira-di kia anarybekemy watxireri. Aòhebo adeereny heka arasŷnyre arawiòhenanykemy watxiwāhāre. Timybo reerykòre dori.

²¹ Inyò bede ywina tyhydŷŷdumy ratxikeki, wadee manarybeke kiamy: aòmybo bede ywina raryberamy teeryteri? ²² Kia Tyritidŷŷna-ki roire Abraò riòre inatxire. Juhuu ludu teòdu-ribi, Haari-ribi, reare tabireludu-ribi. Ijò, Sara-ribi, ihāwytyhy-ribi reara, deòdu-ribi aòkò. ²³ Deòdu riòre ibutu dee wese nade. Abraò hāwyy riòre aòkòre Deuxu rybawahisidŷŷna xiery reare. ²⁴ Kia ijyy-di rawesenanyreri. Inatxi hāwyy inatxi jurasadŷŷna wese heka rare. ²⁵ Ijò Haari inire, deòduni. Iriòre deòdumy rarekemy reare. Sinai Hāwālò wese tii rare. Kowa tyre-ki bede ywina inydee riwahinyre. Jerusalē wesemy roimiyhyre kia mahàdu deòdumy dori rŷira, tariòre-wana. ²⁶ Jerusalē

tyhydÿÿna mahâdu, biu ludu tahe deòdu wese aôkô rare, ixinamy inyboho roire. Abraô hâwytyhy riôre wese inyboho roire. ²⁷ Tyyritidÿÿnaô dori roire: —Hâwy ariôreô beysakre. Birajuakre ariôrekôhârele beysamy ariôredikire heka. Hâwy risina riôre sôwetyhyre, hâwy ihâbu-di ratyre. ²⁸ Waseriôrebobo, kaiboho rybe ywisidÿÿna riôre wesemy ahâtenyte, Ijai wesemy. ²⁹ Iwese ibutu ludu wesemy reareô aôbina riwidÿÿnanymyhÿre. Deuxu Tyytybytyhymy reareô. Wiji, tahe kia weselemyhÿre. ³⁰ Tyyritidÿÿ rarybera: —Biteônyke deòdu tariôre-wana. Rareasadÿÿdu ibutumy rimykre. Hâwy deòdu aô aôkô rimykre tariôre-wana. ³¹ Waseriôrebobo, deòdu riôre wese aôkô inyboho roire. Hâwytyhy riôre tahe iny roire.

5

¹ Kristu inyboho ritare ixinamy inyweduduôlemy roirekemy. Kawese rokoirekemy. Deòdu wese ixby rukunyrenyôkre.

² Jiarÿ, Paulo, adeereny rarybereri: inyô notykyresyna-ò ròôsekeki, Kristu riwiôhenanyôhyymyhyre. ³ Ixityre ararybeke. Inyô rinotykyresynanykeki, bedede ywina ibutumy tii riyrubunyhyke. ⁴ Inyô bedede ywina rexiôbitiny my ratxikeki, Kristu-ribi rexihitxidÿÿnanymyhÿre, ruxetôena tyhyna-ribi rexitare. ⁵ Deuxu riwaôbitinyreny Tatytybytyhy ôraru-ki kia retyhynyreny. Kia reraôreny. ⁶ Jesuisi Kristu-ô notyky resyna aô aôkô rare. Notyky resynakô tule aô aôkô rare. Inatyhynamy luunamy aô rare. ⁷ Juhuu awimy tuu tatyynmahâte, inatyhyna-ki ijera wihikÿmy teamyhyte, moô inatyhyna-ribi anaixâwididÿÿnyde. ⁸ Deuxu aôkô atarasadu juhUU ixâwididÿÿnyde. ⁹ Inyô paô riwinykeu, ibutenode ritxi-wikeki ibutumy ratarinyke. Inyô ibinamy urihimyo arabedeerynykeki sôwemy ribinadÿÿnyke. ¹⁰ Jiarÿ Wanyrÿ retyhynyre, kaiboho wawesemy mohôtinybenykemy adireny watxireri. ¹¹ Waseriôrebobo jiarÿ waôludu dire. Kia tahe riteôsinyre notyky resynamy rarybeôre ijô wamy raryberehâre. Kia ararybekeki sôwemy wahemy kanakre. Itxeô tÿnydÿÿna rybe rityhynykre. ¹² Kowa mahâdu ôte rexihukemy idi watxireri. Adeereny aôbina diwinymyhÿdenyde.

¹³ Kaiboho Deuxu arateônyreny, urile ôraruômy boibeke kaiboho bedede ywina-ribi ixinamy boibeke. Wii biwiôhenanymyhÿbenyke, wiluurenkyemy. ¹⁴ Bedede ywina ibutumy rexibutunyrybe-ki kia tahe rare: —Inyluuke ixiluure wese. ¹⁵ Wiwana bôrenybenykeki, kaiboho widi buruakeki, bexihârubeny ibutumy wii mahubenyheny.

¹⁶ Tai jiarÿ rarybere, Deuxu Tyytybytyhy deewimy boibekemy deôbiredÿÿna iwidÿÿômy boibeke. ¹⁷ Deôbiredÿÿna dori Deuxu Tyytybytyhy ôluduna-ki ramyhyre. Wimyo ôludurennyre. Tai aôbo adeereny awire iwidÿÿ adeereny isirare. ¹⁸ Tahe, Deuxu Tyytybytyhy arateôsinyrenykeki, bedede ywina ywidÿÿna aôkô bityhynyke. ¹⁹ Deôbiredÿÿna aôna aônamy dÿÿnana-ki kia roire: aderanadino, aôbinade, raykyômy, ôta ôta, ²⁰ suritxoomy âlâdÿÿna, ôwôruna wii, ôlududÿÿna, aôbinaluu, ihâru, kyara, wobiredÿÿna, wiribihitxina, ²¹ ibutu aômydÿÿna ixixiburedÿÿ, axaxaluu, rÿsÿnaluu byrehekÿ, tule ijô aôna aônâ sôwemy kawesere. Inyô kia aôna aônawidÿÿ rierykeki, Deuxu ôlôna rareasadÿÿdu aôkô roikre. Tuu rarybere juhuule. ²² Ka heka Deuxu Tyytybytyhy aômydÿÿnany rybena roire: iwahidÿÿna kia rÿire, tii dori inywomy rÿira. Wiluuna, deysana, ywina, ruxetôena, wina, ôbitidÿÿnana, ²³ ibutu-ô awina, ixidee inytyhyna, ixirydÿÿna, tai bedede ywina ihoôhyre

kia-ò. ²⁴ Kristu hõrõ mahädu kia itxeò-ki ritidirenyre: deòbiredỹỹna, aõmydỹỹnana bina-ribi, deòsana aõmydỹỹnana-ribi

²⁵ Inyboho Deuxu Tyytybytyhy-di rokoirekeki Deuxu Tyytybytyhyry-ki rakariarenkre ²⁶ Ixi deàlànararòsò luukemy aõkõ rakatximyh̃ỹrenyke. Tai tahe ixixiburedỹỹna-di aõkõ, rakatxirenyke. Wiòbiredỹỹna-di rakatxirenyòke.

6

¹ Waseriòrebobo. Inyõ òraruna-txi resekeki, kaiboho ywina-di biòbitinybenyke. Bexihārumahābenyke kia òraruna-txi ixeymy boibekòkemy. Kaiboho dori, Deuxu mahādu toite wahe. ² Wiitxykywydywesemy wii biwiòhenanybenyke ibutu aõmydỹỹnana-ki. Iwesekeki, Kristu bede ywina tetyhynmahātenyte. ³ Inyõ ixidee aõlemy rōhōtinykeki, tahe tii aõhyy aõkõ rare, tii rexiitxenanymyh̃ỹre. ⁴ Ixinamy iny sohoji sohoji taaõmydỹỹna-ò retehemyh̃ỹke, aõhebo rot̃ỹynymyh̃ỹremy wahe. Idi tahe ixi aõmydỹỹnale-di kedexityhynymyh̃ỹkre, tabireludu aõmydỹỹna-di aõkõ. ⁵ Iny sohoji sohoji dori taitxyky riwymyh̃ỹke.

⁶ Inyõ Deuxurybe erydỹỹna ijōdikewana tabedeerydỹỹna mahādu-ò ibutummy erysina wiwihik̃ỹle-di rirareamahāke. Tule bedeery mahādu heka tohod̃ỹỹna mahādu-ò aõna aõna wihik̃ỹ riwahinymyh̃ỹre. ⁷ Ixiitxenad̃ỹỹōmy. Inyõ heka Deuxu itxenad̃ỹỹōmy alòbòròna-ò iny ribòrònykeki, tiile tahe raumynyhyymyh̃ỹre. ⁸ Inyõ òraruna ribòrònykeki, rubule taummy-ki ritake. Inyõ Deuxu Tyytybytyhy deewimy tuu rot̃ỹynkeki umytuedeòna ritake. ⁹ Aõwihik̃ỹ wid̃ỹỹhyymy boibeke. Kia-ki elemy ruburenyōmy. Aõwihik̃ỹ wid̃ỹỹhyy boibekeki, adeereny aõwihik̃ỹ wahid̃ỹỹna wese kanake. ¹⁰ Ibutummy inydeereny aõwihik̃ỹ wid̃ỹỹ-ki inyboho abeded̃ỹỹnanawikeki ibutummy iny rikiwiòhenanyrenymy, r̃ỹk̃ỹirenyke, ityhyd̃ỹỹdu mahāduò bexiywinyhy ahābenykemy iwiòhed̃ỹỹ-ò.

¹¹ Tuhe, jiar̃ỹle ariritinykre, Paulo wahe. Betehebeny inihe ritid̃ỹỹna nihik̃ỹ reritinyra wadebò-di. ¹² Inyõ ayreny-ki wohyna ixidee rimykemy ratxireri, kia adeereny òtyky resynamy adi ratxirerihyymyh̃ỹre. Kristu itxeòmy tiiboho rit̃ỹynynyrenykeu aõhòk̃ỹmy rot̃ỹỹnyōmykemy rōhōtinymyh̃ỹre. ¹³ Notyky resyna mahādu bede ywina rityhynyōre. Tiile rexityhynymyh̃ỹre. Kaiboho irybe-ò boholakemy atxiteri. ¹⁴ Jiar̃ỹ arexiwowodynanyōhyymahākre, Wanyr̃ỹ Jesuisi Kristu itxeò-di areysakre, biu-ò hena òraru-ki wahe. Bede aõmydỹỹnana waki r̃ỹimyh̃ỹre, itxeò-ki retamad̃ỹỹnyra waribi ixāwira. ¹⁵ Notyky resynad̃ỹỹ aõ aõkõ rare. Notyky resynad̃ỹỹk̃õ tule aõ aõkõ rare. Urile biu-ò hena-di boibekele tahe aõ rare. ¹⁶ Kia bede ywina bityhynybenymy boibekeki, Deuxu-ribi ywina, ruxetòena, adeereny kanakemy idi watxireri. Tule Deuxu mahādu ibutu-ò, judeu mahādu wese dori ratxireri.

¹⁷ Karibi tako-ò tahe inyõ waixirad̃ỹỹōmy ararekre. Beydỹỹna dori waummy-ki roimyh̃ỹre, Jesuisi rybe rybemy rybedu òraru-ki.

¹⁸ Waseriòrebobo, Jesuisi Kristu ruxetòena akireny r̃ỹikemy watxireri. Kie.

Efesu Paulo Tytyriti, Efesu Hãwã-ò

¹ Paulo, Jesuisi Kristu deòdỹna jiarỹ rare. Deuxudeewimy tahe kia rare. Efesu hãwã ityhydỹdu mahãdu —ò kalemy warybe rewahinyreri. Kai-boho ywimynodu mahãdumy toimahãte. ² Ruxetòena adeereny kidiatykemy Deuxu-ribi idi watzireri tule Jesuisi Kristu Inynyrỹ-ribi.

³ Deuxu, Inynyrỹ tybyreny, inyboho tuu reàlãmỹhỹreny. Tii dori indeereny wihikỹ inywo ywinamy diwahinyde Jesuisi òraru-ki biukihikỹle wahe. ⁴ Deuxu inyyreny-ribi rihitxinymy ritare. Inyboho heka tuu roire. Ihetxiu heka inyho aòkõu tii rihitxinymy ritakremy rỹimyhỹre, inyboho wahe. Kristu-ki iny rihitxinymy rỹire. Iny òbitimy rỹirakemy rihitxinynre, ywimy nodumy wahe. Kiamy heka rokoirekre Kristuko-txi luuna-di. ⁵ Ihetxiu tamywimy Deuxu rihitxinymy ritare, inyboho wahe. Iriòereny wesemy rokoirekemy. ⁶ Kiamy heka Deuxu riwinyre àlàna, wohyna-wana tamy rikiwahinyrenykemy tii dori inyluureki wahe. Kristu hãlubu òrarukile biu-ò henareny iny nade. Iny òraruren y riòwynyde taruxetòena wihikỹ òraru-ki. ⁷⁻¹⁰ Ruxetòena sòwemy indeereny diwahinyde tii dori ibutumy aõna aõna erydu rare. Deuxu dee wina rybe wòte wese rare. Tahe indeereny kidiťnynykemy idi ratzireri. Tamywimy tahe indeereny riteòsinyre. Iwese tii ròhòtynre wese. Bededỹnnana rexihukreu. Kristu-ki ibutumy aõna aõna biu-ki bede-ki rỹikremy ihỹre. Kiamy tahe Deuxu ròhòtynre. ¹¹⁻¹² Kristu òraru-ki Deuxu juhũu iny mahãduy-ribi inyboho rihitxinynreny. Tii diwahinyde indeereny uriònojura jurana. Tii dori ixideewilemy ibutumy aõhebo rotỹnynmyhỹre Deuxu kia hitxidỹna mahãdu ixidile wowydyna mahãduò rỹirakemy rỹimyhỹre. Inyboho juhũu rityhynynreny Kristu-ò. ¹³ Kaiboho kiaò toimahãte. Juhũu rybe inatyhy-ò taholatenyete, tetyhynymyhỹtenyete tarasa Rybewihikỹ-ò wahe. Tai tahe Deuxu Tytybytyhy-di ratidỹna wesemy iny dee ritidimyhỹre. Deuxu Tytybytyhy dori tii kidiwahinykemy rarybere, ihetxiu wahe. ¹⁴ Uriòno jura jurana Deuxu Tytybytyhy rare indeereny. Deuxu tahòrò mahãdu ritakreu, tuu reàlãrenykre tuu, inyboho dori kia mahãduò roire.

¹⁵ Tahe jiarỹ, Paulo, tule umy raholamahãre Jesuisi Kristu atyhydỹna-ò, tule aluuna ityhydỹdu-ò. Tai tahe Deuxu-ò àlàna-di araixitòedỹnynrenymahãre. Wanohòti aribireny rosaòhyymyhỹre. ¹⁶⁻¹⁷ Deuxu tahe Jesuisi Kristu biu loosõna tyby rare. Tii arakyreny-ò bedeeryna kidiwahinykemy watzireri, awolyrana kidiwahinykemy watzireri. ¹⁸ Tai tahe arakyrawoni ritỹnynykemy watzireri. Tai kaiboho bierybenykre Deuxu ilyn. Tule ityhyna biu loosõna-di bierybenykemy watzireri. ¹⁹ Deuxu taruruna sòwemy diwahinymyhỹde ityhydỹdu mahãdu-ò. Iruruna tahe aõni rare indeereny uriòno jura jurana. Kia tule bierybenykemy watzireri. ²⁰⁻²¹ Kia irurumy inyboho tuu robirenyre, Kristu rubu-ribi rexiixixanyreu, taruruna weribi ronykemy disỹnydeu, biukihikỹle wahe. Kristu tahe ibutu ruruna wixira wixira ratyre rare, ibutu wedu ratyre, ibutu dinodu ratyre, ibutu deòdỹdu ratyre. Ibutuni ratyre tii rare. Wijinani ratyre, tule kanakremy ihỹreni ratyre rare. ²² Deuxu tahe ibutu aõna aõna wixira wixira Kristuwarawo-ò ritidire tai tii ibutuwedukremy. Tii ibuturati wesemy rare.

Kia tii ihÿre dohodÿÿdu mahâdu-ò, iwedu wahe. ²³ Dohodÿÿdu mahâdu tahe Kristumy wese rare. Kristu dori ibutu aôna aôna ritÿxinyimhÿre.

2

¹ Juhuu kaiboho rubumy tâimahâte ôraruna ôraru-ki. ² Juhuu kaiboho bedeaômydÿÿnana bede-ki toitemahâ juhUU Satanasi deodÿÿna tetyhynymy toitemahâ. Tii bedeyhy ruruna dinodu rare. Ithydÿÿdukôdu mahâdu wiji dori rityhynymy rÿira, itxiôdÿÿdu mahâdu wahe. ³ Ithydÿÿdukôdu mahâduy-ki juhUU tule inyboho roiremahâ –ibutumy ixideerenywimy inyboho riwinyrenyre; inraykyreny wydyna-deewimy tule inyboho riwinyrenyre. Ehehewidÿÿdu inyboho roiremyhÿ, tuu ratybiennyimy rarehyy dori tuu rare. Iwese iÿò roiremyhÿ wese. ⁴ Deuxu tahe sôwetyhymy ruxetôena diwahinyimhÿde, inyluurenreki. ⁵⁻⁶ Deuxu inyboho rurudÿÿnyre Kristu-wana rubu-ribi riixixanyrenyre. Kristusÿ-ki biu-ki tii inyboho risÿnyre tai rokonyrenykemy. Iruketôena ôrarukile abiu-ò henarenÿ dire. ⁷ Iruketôena kiditeôsinykre bededÿÿnana robehemÿ roireki wahe. Iwese sôwehyimÿ iruketôena diwahinyde wesemy. ⁸ Tarasana Deuxu ruxetôenaribile nade aityhydÿÿnarenÿ ôraru-ki tuu rare. Iny-ribi aôkô nade. Deuxu wahidÿÿna rare. ⁹ Iny-ribi rarybekre inyô ixityhydÿÿmy tahe aôkôre Deuxu ruxetôenakile tuu rare. ¹⁰ Tii tahe ibutumy iny riwinyrenyre. Ôbiti aômydÿÿnana widÿÿdukemy iny riwinyre Jesuisi Kristu ôraru-ki. Deuxule juhUU rôhôtinyre ôbiti widÿÿdumy aôbo rokoirekemy.

¹¹ Tahe kaiboho uritere nohôti losaômy kaiboho judeukôdu mahâdu toite juhUU mahâ. Kiamy judeu mahâdu arâninimhÿrenyre, notykyresykôdu mahâdu wahe. Tii dori notyky resydu mahâdu roire, iyresynadireki wahe. ¹² Juhuu tahe aruta wesele toite Kristu-ki aôkô. Judeu mahâdu-ribi rihitxinyimy nyimhÿde. Deuxu rybe ywisidÿÿna ludu aôkô toite. Ararôsôna renyôhyyre. Adeuxurenyôhyyre bede bedemy. ¹³ Juhu irehemÿ Deuxu-ribi toite mahâ. Tahe wiji Jesuisi Kristu hâlubu ôraru-ki araôhòdÿÿnymy toite. ¹⁴ Jesuisi Kristu tahe iny ywidÿÿna rare. Kyarana tahe ôtity wese itya-ki rÿimhÿre judeu mahâdu aribi kia rihitxinyre. Tahe kia ôtity ritxiwire tahe sohoji mahâdulemÿ riwinyre. ¹⁵ Tahe Kristu rurureu tahe ixâwire kia bede ywina. Tahe inatxi wimÿ ôludu mahâdu sohoji iny tÿmyrahyylemÿ riwinyre. Tahe ywina rôhônÿre wiwana ributunÿra tahe Deuxu taluuna tamÿ riwahinyra. ¹⁶ Jesuisi taitxeò-ki rurureki, ywina rieryrenyre. Tahe kyarana-ribi riixâwididÿÿnyre. ¹⁷ Jesuisi tahe ywinamÿ rarybere iôhò ludu kaiboho wahe tule irehe ludu, judeukôdu mahâdu wahe. ¹⁸ Tahe kaiboho jiarÿboho-wana sohoji Deuxu Tytybytyhy ôrarukile Deuxu-ò rexeitôenyrenÿke. ¹⁹ Kawese tahe kaiboho ityhydÿÿdu mahâdu-ò talote. Iny-ribi lahitxi aôkô toite, Deuxusÿ mahâduôle heka toite. ²⁰ Deuxu rybedu, tadeòdu-wana hetoô wesemy kaiboho boibekre. Jesuisi Kristule iko ludu mana wese rare. ²¹ Jesuisi Kristu ôraru-ki wiwesehyyle heto awimÿ rÿire. Tai Inynyryÿ hetotyhy relemÿ rexihumhÿre. ²² Kaiboho tule matybiennybenÿkre Deuxu Tytybytyhy hetoô wese wahe.

3

¹ Tai jiarÿ, Paulo, rotena-ki nodu wesemy rare Jesuisi Kristu ôraru-ki. Judeukôdu mahâdu dee kiamy heka watxiwâhâre, adeerenÿ wahe. ² Deuxu ruxetôena wadee riwahinyre. Kaiboho aôbo tuu taholatenyômahâte. ³ Deuxu

dori tawòtena diteòsinyde wadee. ⁴⁻⁵ Jiarỹ kiamy juhuu reritinyriòrere katyiritikile wahe. Idi mariabenykeu bierybenykemy idi watxireri, timybo Kristu wòtena rybe reeryremy wahe. Kristu wòtena tahe ihetxiu ibutu inyò riteòsinyòhyre. Wiji tahe riteòsinyimy ihỹre Deuxu Tyytybytyhyle tahe deòdu-ò, rybedu-ò ritỹnynymy ihỹre. ⁶⁻⁷ Kiamy heka rare: kai-boho, judeukòdu mahādu, wii ributunyre inyboho-wana judeu mahādu wahe. Uriònowi jurawi juramy idi rokoirekre, sohoji mahādulemy wahe. Kristu Rybewihikỹ òraru-ki ityhydỹydu mahādu-ò rirònyrenyre. Kia rybe-di rybedumy diwateònyde, ruxetòena wahidỹyñaò wadee nade Deuxu ruruna sòwe-ribi. Ityhydỹydu mahāduduy-ribi jiarỹ aò aòkòmy watxiwāhāre retyhynytyhymy aòkò watxiwāhāre. ⁸ Ihārele Rybewihikỹ rybedumy ararekre Kristu aòmdỹyñana heka iny raykywydyna ratyre awimiy ihỹre. Kiamy judeukòdu mahādu-ò arelyykemy riwahitxinyre. ⁹ Ibutu inyò rybe wòtena aritỹnynykemy watxiwāhāre juhuu Deuxu Jesuisi-wana ibutumy aòna aòna riwinyre kiau rybewòtena riwòmy roimyhỹre Deuxu-ki. ¹⁰ Wijina tahe riteòsinykemy ihỹre dohodỹyña-ki. Tai tahe ibutumy biu-ribi rununadu, bedeerydỹydu rierykemy timykibo Deuxu bede erysyna-di raremyhỹ ibutumy aòna aòna erysyna-di. ¹¹ Iwese Deuxu ibutumy aòhebo rotỹnykemy ratximyhỹre wese iny rierykre, Inynyrỹ Jesuisi Kristu òrarukile wahe. ¹² Tai tahe iny rexideòsinymyhỹre brebuòlemy Deuxu ixitòenadỹyña-di Kristu dori inyboho rityhynymyhỹre. ¹³ Tai kaiboho ixijodỹyrenyòmy ahāke, jiarỹ aòhòkỹmy ratỹyñyeki kia dori awowydyna rare, waaòhòkỹmy dỹyñana wahe. ¹⁴ Tai tahe umyreny Deuxu-ò rexitòenyre Inynyrỹ Jesuisi Kristu tyhy-ò wahe. Ibutu sỹ mahādu tyby Deuxu rare. ¹⁵ Ruruna adeereny kidiwahinykemy idi watxireri, tawowydyna sòwe-ribi wahe. ¹⁶ Deuxu Tyytybytyhy rurutyhy araykywo-ò kidiwahinykemy watxireri. ¹⁷ Tai Kristu aworeny-ki kanasỹnymyhỹkemy rahòtinymahāre atyhyna direki kaiboho heka wiluutyhymy boibekemy watxireri. ¹⁸ Tai ibutu ityhydỹydu mahādu-wana Kristu luuna bierybenyke. Inyò Kristu luuna awire rieryòtyhy. Ihārele tahe bierybenyke iwese rare wesemy. ¹⁹ Tai Deuxu-di bexilỹxinykemy idi watxireri.

²⁰ Deuxu iruruna dire. Tai iny ixitòena ratyre inydeereny kidiwahinykemy idi ihỹre. Iny irurudireki wahe. ²¹ Dohodỹydu mahādu wowydyna riwahinykemy tamy watxireri, aòu aòu wahe. Bededỹyñana konana-ò wahe. Kie.

4

¹ Inynyrỹ deòdu arixidu jiarỹ rare. Arexitòenykre inihe adeereny. Yrubuna-di aòhebo botỹynybenykemy adireny watxireri. Tai tahe Deuxu-deewimiy boibekre. ²⁻³ Tii dori juhuu adeereny irydu rare òbitimiy boibekemy xiwedeòmy boibeke, ele eleòmy; wii biwiòhenanymy; luuna-di marurunymy boibeke. Ixi wesehyylemy boibekemy. Tai tahe Deuxu Tyytybytyhy aratorabutenyrenykre ywimiy nodu dori kia diwiòhenanymyhỹde. ⁴ Sohoji mahādule rare, sohoji Deuxu Tyytybytyhydile. Umy sohoji wese, itytyby sohojilemy wese rare. Kaiboho tule araròsònareny sohojile rare, kaiboho ityhydỹydu terònyteki wahe. ⁵ Inynyrỹ sohojile rare inythyhynareny sohojile rare. Tule iny ratisebena sohojile rare. ⁶ Deuxu tule sohojilere, ibutu tybymy rare ibutu ratyre rare. Ibutuy-ki tii rare. Tule ibutu rawo-ki ratxireri. Ibutumy aòhebo rotỹnykemy iny-di riwisỹnyreri tawowina-di. ⁷ Kristu tahe iny sòwemy rareki sohoji ruxetòena sòwemy sohoji-ò riwahinyre.

⁸ Kiamy heka ritina-ki roire: —Iu Jesuisi raòwònyreu biu-ò ròtena ludu mahādu ridyre idi wahidỹỹna inydeereny diwahinyde. ⁹ Betehebenyke rybeweereò-ò raòwònyremy. Aòmybohe kia rarybereri. Tahe juhūu dori surawo-txi robehere kiakekile tahe idi raòwònyke. ¹⁰ Kia robeherele taheka raòwònyre biuratyremy ibutu aōna aōna-di rexilỹxinykemy. ¹¹ Inyō-ò deòdỹỹna mahādumy rarekemy diwahinyde aōwihikỹ widỹỹ wahidỹỹna wahe. Ijō-ò Deuxu rybedumy mahādu rarekemy diwahinyde. Ijō-ò Rybewihikỹmy rybedu mahādumy rarekemy diwahinyde. Ijō ityhydỹỹdu mahādu yrubudỹỹdu mahādumy rarekemy. Ijō bedeerydỹỹdumy mahādu rarekemy. ¹² Ibutumy kia mahādu ityhydỹỹdu riwiòhenanykemy idi ratxireri. Tai ityhydỹỹdu iaòmỹsỹdỹỹna riwinykre. Kristu umy wesemy ritibiedỹỹnykemy. Ibutu dee diwahinyde. ¹³ Ikonanau tahe ibutumy wiwese wesemy rōkōhōtynrenyke, iny tyhynareny wahe. Deuxu Riōre rikierityhyrenykeny, iny òbitimỹ rokoireke, Kristu òbiti wesemy rokoireke. ¹⁴ Tohouā wesemy aōkō rokoireke inityhynareny-ki. Uritere witxiradỹỹrenyōmy ibutu bedeeryna witxira witxira-di. Iwese yhy tiò tiò aō riwymyhyre wese kia bedeerydỹỹdu rare. Iwitxira tyhydỹỹna-ò kia ityhydỹỹdu mahādu ridykemy ratxinyhyre. Ijō inatyhy rybe weselemy rarybere. Tahe aōkōre. Kia-ò ijohonarenỹōmy. ¹⁵ Tahe luuna-di inatyhymy marybebenyke. Kristu aòmỹdỹỹnana-di bexilỹxinybenykeny idi maumynybenyke. Tii dori iny wedureny rare. ¹⁶ Ityhydỹỹdu mahādu heka Kristu umy wese rare. Ityhydỹỹdu sohoji sohoji wijura jura weselemy rỹira. Kristu ibutumy riwiòhenanymyhyre iwese umy hona umy wese. Umyjura kia ibutumy iaòmỹsỹdỹỹ dire. Wiweselemy tahe raaòmỹsỹdỹỹnykeki tai tahe umy awimỹ rariammyhyke. Ijō widerakeki tahe, Kristu umy raumynyòtyhy.

¹⁷ Katahe Inynyrỹnimy adeereny kiamy rarybemyhyre. Ityhydỹỹdukōdu mahādu wesemy aōkō boibenybeke. ¹⁸ Iraykyreny bedeluru-ki ihỹrenyre. Ieheherenyre, rieryōrenyre. Tai tahe Deuxu biu-ò hena umy tuedeōna rieryōrenyre. ¹⁹ Ixāruna ihoōhyre. Urile ibutumy òraruna-txi rexiwahinyrenyre. ²⁰ Kia Jesusimỹ aōkō teertytenyte inyribireny wahe. ²¹⁻²² Jesuisi inatyhyna teertytenyteki, ibutumy aōbina bina ixi-ribi bihitxinyke. ²³ Ibutumy awo arayky-wana bexitỹmyranyke. ²⁴ Deuxu umy tỹmyra wesena-di bexityhynybenyke. Kia heka òbiti rare; inatyhy rare.

²⁵ Tai tahe ruirenyōmy wahe. Inatyhymy iny witxira-ò marybemahābeny. Wiwese hyylemy widi rakatximyhyrenyke. ²⁶ Makyarananymahā-wana tahe urile òraru-txi ixeōmy. Ixi-di txu iròtedỹỹōmy awobinana-di ²⁷ Tule Satanasi deradỹỹna-ò nokōmy. ²⁸ Inyō juhūu wasidureki, ixityre tii wasiōmy. Tii wiji raaòmỹsỹdỹỹkre aōna aōna wiwihikỹ tebò-di riwinykemy wahe. Tai tahe iaōdikre iny aōkōmy rỹira riwiòhenanyke. ²⁹ Kai uritere rybebinaō ary-ribi iòlòdỹỹōmy Rybewiwihikỹlemy marybemahā. Kia rybe-di ijohodu riwiòhenanymyhyrele kynyhetuukre. ³⁰ Bibedeòtiidỹỹōmy Deuxu Tyytybytyhy. Tii dori arayrubunymyhyre tarasanatxu-ò. ³¹ Òbina rybemy widi nokōmy, wimỹ ujōmoōmy, adebure ijà ijàōmy, aōbinamy inmy ijyyōmy, rybe-bina-di iny ihetedỹỹōmy. ³² Tahe ibutu dee ywimỹ boibekre, awimỹ wahe ainytyhymy iny-di boibekre. Aōbinamy iny adee rarybe-wana tahe iribi bexinohōtilosanymy biixāwididỹỹnymy Deuxu dori inyòraru riixāwididỹỹnyreki wahe.

5

¹ Deuxu inytybytyhyreny rare. Tai tahe iwese uladu tyby wesemy rotŷŷnymyhŷre wese, kaiboho Deuxu wesemy matximahābenyke Deuxu riòre luunadu wesemy matximahābenyke. Wiluurenkye, Kristu dori aluurenkye. ² Tule rexiwahinyre xiwe wesemy iny ritarenkyemy. Tai tahe Deuxu dee kia lŷnyrena wiwihikŷ wese rare.

³ Tahe òta òtarenŷomy. Ibutumy aōna aōna bina bina widŷŷrenyōmy. Kai-boho dori ityhydŷŷdu mahādu toite. ⁴ Rybebinamy uriteretere rybeōmy. Ixideòsidŷŷōmy. Kia widŷŷna tahe ibinare. Tahe aōwihikŷō biwinyke, Deuxu deālānamy. ⁵ Òta òtadu tahe Deuxu òlōna wahidŷŷna ritaōtyhy, iny binaō aōkō, inywobire aōkō. Kia Deuxu tyhy biukōdu mahādu rare. Bierybenyke kia. ⁶ Itxenadŷŷ rybe-ò ijohonarenŷomy. Ityhydŷŷdukōdu mahādu Deuxu rybe riywinyōmyhŷre. Tai tahe Deuxu reburemyhŷre tamyreny. ⁷ Tiiboho-wana ratxiōhŷmyhŷreny iāōmydŷŷnana binareki. ⁸ Hŷŷnau kaiboho bedeluru-ki toitemahā. Tahe wiji Inynyrŷ loosōna-ki toite. Loosōnadŷŷdu riòre weselemy boibeke. ⁹ Aōbo loosōna-ribi nade tahe awire, òbitire, inatyhyre. ¹⁰ Tai aōbo Inynyrŷdeewi kia riteòsinyre. ¹¹⁻¹² Iwese bedelurubina widŷŷdu aōhebo rotŷŷnyre wese uritere iwidŷŷrenyōmy tahe teòsaremy tamy mary-bebenyke. Aōbo tiiboho wasimy aōhebo rotŷŷnymyhŷre ixŷruna adee rare tuu maryhemahākeki. ¹³ Ibutumy aōna aōna loosōna ritŷŷnynyrene. Tai tahe iny aōmydŷŷnana loosōna ritŷŷnynekeki, iny rierykre itŷnydŷŷna dori loosōna rare. ¹⁴ Tyritiō kia wesemy rŷire: —Inŷ rōrōmy rŷikeki, rexixake rubuy-ribi rŷike. Kristu tahe araloosōnanykre.

¹⁵ Aōhebo botŷŷnybenykeò bexiijebenyke. Itxŷte widŷŷdu mahādu wesemy aōkō ahabenyke, bedeerydu mahādu wesemy ahābenyke. ¹⁶ Iōnodŷŷōmy abededŷŷnana. Wiji txu bededŷŷnana tahe ibinatyhymy rare. ¹⁷ Tai tahe itxŷteōmy ahāke. Bierybenyke aōbo Deuxu dee wire. ¹⁸ Vŷi mona-di axaxa rubudŷŷna wesemy aōkō matxibenyke. Kia tahe aōnityhyre, tu-modu wahe. Tahe Deuxu Tytybytyhy heka atykymy ralōmy boibeke. ¹⁹ Mawinymy bexiybenyke awo-ki. Bexiybenybenyke Inynyrŷ-ò awi-ribi bitxienyumy mawiunye. Rybewiumy marybeke. ²⁰ Deuxu inytybyreny-ò ibutumy beālāmahābenyke Jesuisi Kristu Inynyrŷni òraru-ki tahe bexitōenyke. ²¹ Kaiboho ibutumy widee bexiywinyhŷmy ahābenyke.

²²⁻²⁴ Iwese dohodŷŷna mahādu Kristu rybe rityhynymyhŷre wese, hāwyy tahābu rybe riywinyke, ibutu aōmydŷŷnana-ki wahe. Hābu dori tahāwyy dinodu wese rare. ²⁵ Ibutumy hābu tahāwyy luukemy. Kristu dori dohodŷŷna mahādu luureki ture. Tamy tii rexiwahinyre rurukemy. ²⁶ Tai tahe kia òbitidŷŷnamy rurure. Iwese bee aō rasuhōmyhŷre wese, tarybe risuhōmyhŷre. ²⁷ Iòraru-ki tahe Jesuisi dohodŷŷna mahādu wiwihikŷō ixidee rimykre. Òbiti mahādulemy rarekre, aōbina binaō heka tai rŷiōhŷmyhŷre. Awi mahādu widŷŷdumy rarekre. ²⁸ Kiamy heka hābu tahāwyy-di rŷirake. Iwese hābu taumy luure wese tahāwyy luumy rŷirake. Iny tahāwyy luukeki, kia-di ixiluuke. ²⁹ Iny taumyderamy rŷiōhŷmyhŷre. Tahe aōkōre tule rexiōwenymyhŷre rexiweseanymyhŷre. Iwese Kristu dohodŷŷna mahādu riwisinanymyhŷre wese. ³⁰ Inyboho dori Kristu mahāduò roire. ³¹ Kiamy heka Ritina roire: —Tai heka hābuò tybyboho heto ririmyhŷre tahāwyy-wana wii ributumy roirekemy. Inatxi umy ribi sohoji umyhŷmy rōhōnymyhŷre. ³² Kia aōmydŷŷnana heka ierysysirare. Tahe Kristu tohodŷŷna mahādu-wana

rarybereri. ³³ Ihārele tahe hābu tahāwyy luumy r̃yira iwese ixiluumy r̃yira wese. Tule hāwyy tahābu rityhynyke.

6

¹ Uladu mahādu tybyboho rybe rityhynymyh̃re Inynyr̃ òraru-ki. Kia tahe òbiti rare. ² Boo adi-wana bityhynybenyke. Kia tahe bede ywina rybe juhuu rare. Tule Deuxu raròsòna kia bede ywina rybe-wana rare. ³ Kia biy-winybenykeki, awimy mabeke, abeded̃ỹnana irehemy mabeke kabede-ki. ⁴ Uladu tyby, uladuse, ariòrereny adeburehyummy idi iwis̃ỹd̃ỹrenyòmy. Tahe aòki reòsakeki tii riòbitinykemy tamy marybebenyke. Inynyr̃ deòsid̃ỹna-di tamy marybebenyke.

⁵ Deòdu mahādu kabede-ki awedureny bityhynybenyke. Awo-ribi tyhy tamywimy biwinybenyke. Bexiijemy ywimy biwiny. Iwese Kristu dee tewinymahāte wesemy. ⁶ Aò tabiteriki aòkò biywinyke. Iwese Kristu deòdu wesemy mabeke. Deuxu dee wina awo-ribi biwinyke. ⁷ Deysana-di ibutumy òbitimy bis̃ỹd̃ỹnyke. ⁸ Ibutumy deòdu ada deòdukòdu Inynyr̃-ribi aòna aòna rimyke. Tamy aòwiwihik̃y riwinykeki. ⁹ Tahe wedu mahādu, kaiboho eòdu mahādu-ò kia weselemy mabeke. Brebud̃ỹ rybe-di eòdureny-ò rybeòmy. Awedu dori eòdureny wedu tule biu-ki ratximyh̃re. Tamy dori ibutumy wiwese wesele rare.

¹⁰ Ibutu-ò tahe ikonanamy ararybekre. Inynyr̃ ruruna-di bexiru-rud̃ỹnyke. Iruru tahe aòni rare. Tahe ixidee bimye. ¹¹ Bexityynyke aòbinanatyy-di, debòna aòm̃ỹd̃ỹnana bimye. Tai tahe Diabo rybemy nodu biòludunye. ¹² Iny ijesunareny dori moo iny-wana aòkò rare. Iwitxira Satanasi ruruna-di rare. Dinodu ruru-di rare, kabede luruhuk̃y wedu-di wahe. Tytybybina ruru-di rare, biukihik̃ỹle. ¹³ Tai tahe ibutumy Deuxu debòna aòna aòna bimye. Idi txubina-ki biòlòd̃ỹnyke. Aijesu bitakeu tahe, òraru r̃yike. ¹⁴ Inatyhyna-di awereysana birarutxynyke. Òbitina-di abreti bitòbònyke. ¹⁵ Bexiwyinyke ywina Rybewihik̃y rybena-ò. Tii heka adikre. ¹⁶ Ityhyna tahe awyhyitxenamy ih̃re, idi eorutà bit̃ỹtenyke. Idi tahe Satanasi heòty wyhy biturinyke. ¹⁷ Tarasana tahe arataana wese rare. Deuxu Tytybytyhy mayrehe heka Deuxu rybe rare. ¹⁸ Deuxu Tytybytyhy-ki ibutumy ix-itòed̃ỹhyummy atximahābenyke. Kia-di tahe biriranany, boibeke. Ityhyd̃ỹdu mahādu ibutumy bexitòenyhyummy boibeke. ¹⁹ Tule wadee, bexitòenybenyke. Deuxu wadee rybe kidiwahinykemy wahe. Tai brebukòlemy Rybewihik̃y arit̃ỹnykyke, ierysy siramy wahe. ²⁰ Jiar̃y Rybewihik̃y deòsid̃ỹdu rare wawomatì rerotidire hārele wahe. Kristumy arelyykemy watxireri. Tii heka wawid̃ỹnare.

²¹⁻²² Txitxiò tahe ityhyd̃ỹdu seriòreò rare, waluunaduò rare. Inynyr̃ rybe-di òbiti aòm̃ỹd̃ỹdu rare. Tai tahe tii adeeremy reteònyre waaòm̃ỹd̃ỹnana adee rit̃ỹnykyke. Awo riteysad̃ỹnykemy.

²³ Ywina ibutumy ityhyd̃ỹdu mahādu seriòreò kanakemy watxireri. Luuna tyhyna-wana kanakemy Deuxu, inytyby-ribi, Jesuisi Kristu, Inynyr̃-ribi wahe. ²⁴ Ruxetòena kanakemy watxireri Jesuisi inatyhymy luunadu mahādu-ò wahe. Tii Kristu rare, Inynyr̃reny wahe.

Filiposi

Paulo Tyyriti, Filiposi Hãwã-ò

¹ Paulo, Tximòtxi-wana Jesuisi Kristu deòduren roire. Ka tyyriti tahe rewahinyrenyleri Filiposi hãwã-ki ityhydýýdu mahãdu-ò. Ityhydýýdu yrubudýýdu mahãdu-ò tule rewahinyrenyra dohodýýna wiòhedýýna mahãdu-wana. ² Ruxetòena, ywina-wana Deuxu-ribi adeereny kanakemy watxireri tule Jesuisi Kristu Inynryreny-ribi.

³ Rexitòenyreu, tiu aribireny wanohòti rosaòhyymhýre. Deuxumy reàlãwãhare umyreny. ⁴⁻⁵ Wadeysamy watxiwãhare Rybe tymyra wihiký tewiòhenanymahãtenyteki, juhuu, wiji tule ahãtenyte. ⁶ Deuxu iaòmysýdýýna wihiký inywoereny-ki rexideleny. Tahe Jesuisi Kristu bededýýnana txuu heka rexihumy kia rýkre. Kia tahe reerytyhyre. ⁷ Kaiboho wawana Deuxu ruxetòena luuna-wana widee inyboho riubýtýnyre. Ròtena-ki rarewãhãu, tule ròtenaribiòlomy rarewãhã. Tule Rybewihiký retýnynmy rarewãhã kiamy heka rahòtinyamahãre, wawo-ki adireny rahòtinyhyamahãre. ⁸ Sòwemy arawehitynanyleri. Deuxule kia rierymhýre. Jesuisi Kristu ruxetòena uludumy iny widi roire. ⁹ Kia ixitòedýýna tule Deuxu-ò rewahinyre umyreny. Aluunarený sòwemy rýikemy rexitòenyre. Tule araykywydynarený riixidorudýýnymhýke. ¹⁰ Tibo awityhymy rýira kaiboho biijebenykemy rexitòenymahãre. Tule inatyhywidýýdumy rarekemy tamý rexitòenymahãre òbitihýyleny rarekemy Jesuisi Kristu bededýýnanatxu-ò. ¹¹ Òbitidýýna bederaty wesele rare. Kaiboho oworu taraty-di rýimhýre wese týxihikýleny òbitidýýna-di matxibenykemy rexitòenymahãre.

¹² Jiarý ròtena-ki rãreu, kia tahe Rybewihikýmy rybe riwiòhenanyra. ¹³ Kowa dori ibutumy yrubudýýdu mahãdu roholare, dinodu heto itxeredu mahãdu wahe. Tai tahe bierybenykemy tuu rarybere. ¹⁴ Jesuisi Kristu òraru-ki tahe ròtena-ki rãimy rarewãhã. Ibutumy iny tahe kia rieryre, iòraru-ki. Waròtena òraru-ki tahe ityhydýýdu mahãdu Inynryrý aòmydýýnadile ròhòtinyre, tule Deuxu rybe rarybemyhýre ruberuòhyyleny ixitòedýýna-di. ¹⁵ Ijò heka ixityhydýýmy Rybewihikýmy rarybemyhýre. Ijò tahe inatyhymy Rybewihikýmy rarybemyhýre. ¹⁶⁻¹⁷ Rierymhýre waròtena Rybewihiký òraru-ki rare. Ixityhydýýna mahãdu tahe inatyhy òbiti aòkò rare. Aòhòkýmy adotýýnykemy wadi ihýre Rybewihiký-di. ¹⁸ Aòhebohe arotýýnykre? Arabedewomy aòbo ada areysakre aòbo. Areysahymy ararekre. Kristu rybe dori rarybemy rarehymy iny inatyhynadiremý ada aòkòremý. ¹⁹ Jiarý areysatyhykre ròtenawo-ribi dori aròhònykre. Aixitòedýýna, Jesuisi Kristu Tyytybytyhy riwawiòhenanykreki. Kia tahe reeryre. ²⁰ Deuxu aòmydýýnana ariwiòhenanykemy watxireri waumy-di. Jiarý arurukeki ada aòkòkeki aòbo. Jiarý araixýruòtyhykemy watxireri aòhebo arotýýnykreki. ²¹ Kristu dee warumy ararekre. Tahe arurukeki kia tule wadee awire. ²² Tahe ararekeki Kristu dee araòmysýdýýmy arareke iny-ò Rybewihikýmy ararybekre. Tibo awityhyre reerykòre. ²³ Tahe ixityre aròhòtiwydynanykeki kiamy heka rahòtinyleri. Arakre Kristuòhyyle heka Kristu-ò arakele awire. Tii heka awityhyre. ²⁴⁻²⁵ Atòenarenýkile tahe warumy ararekre. Tai tahe kabede-ki ararikre aityhydýýna-di beysakemy maumynykemy. Tai tahe kaki ararekre.

²⁶ Iu ayreny-ki aralokreu, Deuxumy bealàbenykemy watzxireri, ayreny-ki ixityre watzxireriki wahe.

²⁷ Biyrybenykemy adireny watzxireri iwese Kristu tyhydžydu mahādu rjira weselekemy adireny watzxireri. Ayreny-ò arakeki aōbo ada araōkeki aōbo ijyy wihikj-ò adoholamyhkyemy watzxireri. Kaiboho wiwana wanale inatyhyna rybe-di tarybemahātenyte. ²⁸ Uritere brebuōmy aōludu lau Rybewihikjy aōludu lau wahe. Tamyreny tahe kia rubu bina bede urihixina rare. Tahe adeereny biu-ò hena rare. Kia Deuxu-ribi nade. ²⁹ Aō Kristu tetyhynytemy sohojile aōkō tahe tamy aōhōkymy tatjyntytenyte tule. ³⁰ Inyboho dori ibutumy wiwana aōhōkymy rotjyntykre. Jiarjy sōwemy aōhōkymy adotjynymahāde. Kia-ò tahe taholatenyte wamy.

2

¹⁻³ Kaa aōbohe rjire wiōhedžyna luuna-wana Kristu-ki, biōwana aōbo Deuxu Tytybytyhy-ki. Kohe, kia ibutumy Jesuisi Kristu kilehekjy rjire. Ibutumy tahe wiluumy boibeke, wiwesehyyle mohōtinybenyke, wii bitōrabutenybenyke. Tai tahe areysakre aōraruren-ki. ⁴ Iximy xiwederenyōmy. Tahe wiribi lahiximy boibeke, aōkōmy ixi-di marākyknybenyke. Iny sohoji sohoji aōna aōnadirenyremy ixi-di nohōtirennyōmy. Tahe hitxihitximy bōwidžyke iny sohoji sohoji iny wixira aōmydžynana yrubudžyky marākywydynanyke. ⁵ Iwese Jesuisi Kristu inywixira aōmydžynana-di rōhōtinymyhry wesele, kaiboho mohōtinybenyke. ⁶ Jesuisi Kristu juhuhyy raremyhry, Deuxule rarehāre. Deux-ururu tahe rimožyry. ⁷ Tahe iribi ritare kaō idi kodobehekemy deōdu weselemy. Tahe inyumyō rimoze kaki inylemy rarekemy. ⁸ Tamy tahe ibinatyhmy nade itxeō-ki rurukemy wahe. Ibutu aōbo kaki riwinyke heka, riwinyre. Tai tahe ibutu ratyre Deuxu Jesuisi risjnyre. Ibutuni ratyre ini rare. ⁹⁻¹¹ Kiani-ò tahe ibutumy tatiowomy resekemy rjire, biu mahādu, bedeludu mahādu, suwomy rjira mahādu. Tahe ibutu rybe wixira wixiramy iny rarybemyhry: –Jesuisi Kristu ibutu wedu rare. Deuxu inytybmy ibutumy reālāmyhry. Kiamy waseriōre waluuduboho. Awana watzxireriki tule iwixira bede-ki aratzikre hārele. Deuxukihyyle atximahābenyke. Warybe bityhnyke.

¹² Aityhydžyna-di ōraru-ribi bexitabenyke, bexiebenyke ōraru-txi ixelau. ¹³ Deuxu heka adeewina riwahinymyhyre ōbiti widžyna. Tiile riwiōhenanymyhyre ōbitina widžyna. ¹⁴ Uritere rybe binamy rybeōmy. Adeburemy iny iijeōmy. ¹⁵⁻¹⁶ Tai tahe inyō rybe binamy umy rarybeōtyhy. Ōbitityhmy boibeke kaiboho dori Deuxu riōremy toite. Kristu kodobehekreu, aōraruren-ki areysakre. Retare dori aōmydžynana wihikjy ayreny-ki. ¹⁷ Arurukewana ayreny-ki rybe wihikjy rybe ōraru-ki, taile areysakre. Deuxu-ò dori rexiwahinyre xiwena wesemy arurukremy wahe. ¹⁸ Kaiboho tahe wadi beysahymy boibekre ixideewimy tahe adeereny arurukremy wāhāre.

¹⁹ Aōwesele Tximōtxi ayreny-ò ariteōnykemy idi watxiwāhāre. Jesuisi Inynry deewikeki. Tai tahe arierykre timybo kaiboho toite wahe. Tai heka areysakre. ²⁰ Tximōtxi tahe arawiohenanyrenyke iny wixira wixira ratyre wahe. ²¹ Ijy dori ixidile rōhōtinymyhry Jesuisi Kristu aōmydžynana-di aōkō. ²² Tximōtxi tahe teerytenyte iwese riwawiohenanyre wese Rybewihikjy rybe-ki. Iwese tyby iriōre riwiohenanymyhyre wese Tximōtxi riwawiohenanyre. ²³ Aōbo wadee rōhōnyke arierykre, tai wylemy ayreny-ò

aditeònykremy idi watxireri. ²⁴ Jiarỹ òsana tule wylemy Deuxu riwateònykemy wadi ratxireri ayreny-ò. ²⁵⁻²⁶ Ijõ hàbuò iteòdỹỹmy raruwähäre ayreny-ò, Epafroditu wahe. Tii wawana noduò rare. Kaiboho juhuhu wadee teteònytenyete wawiohedỹỹdumy rarekemy. Tii heka awehityyrenymy rurumyhyre. Tai tahe reòkesedỹỹnyreri kaiboho iwebinaduna-ò taholatenyete. Tai heka òkesemy riwisỹnyre. ²⁷ Inatyhy rare rurure inihe. Tahe Deuxu riruxetòenyreki riteytenyre. Jiarỹ tule Deuxu wadi raruxetòere. Tai rabedewoòhyyre aòwitxira witxiramy ratỹỹnymahäreki. ²⁸ Tahe aòwesele ariteònykemy watxireri. Kaiboho beysabenykre kia araerymahärenyre. Jiarỹ tahe urihimy-ò arexielehynykre wanohòti yrena-ribi. ²⁹ Tii kedemynykreu, tahe bididybedenykre biwowydynybenykre. Rexiòhàrunymy rare Kristu òraru-ki riwawiohenanykremy. ³⁰ Tahe tii inihe heka rurure iòraru-ki. Arokoreny-ki tii riwawiohenanyre.

3

¹ Ikonanamy tahe ararybekre: —Beysabenyke, Inynyryỹ deysanamy. Jiarỹ heka riwaixiranyòhyymyhyre heka tuu rybe. Awire tahe bohohabenykeki. ² Bexiijebyenyke iny ijòròsa wesena-lau tii iixỹruterere aòbinawidỹỹdu mahàdu tahe tii rare. Bexiijebyenyke notykyresydu mahàdu lau. ³ Inyboho dori notyky resydu mahàdu òbiti rare. Deuxu Tytybytyhy deewimy nodu roire. Jesuisi Kristu dee winale inydeereny awire. Inyboho dori aòwiwihikỹwidỹỹ-ò rikityhynyrenyòke. ⁴ Jiarỹ, Paulo ariòludunyleke aòbo ixi-wana ariwinyke. Jiarỹ ijõ hàbu ratyre waaòmydỹỹnana diremy arexityhynyke. Jiarỹ dori judeu mahàdu ijoj tyhy-ki tybie rare notyy resyna ijoj tyhy rare. Debò inataò reurotxu-di reareu. ⁵ Bejami mahàduò jiarỹ rare. Judeu mahàdu tyhy wàhàboho roire. Iriòremy jiarỹ rare. Fariseuò jiarỹ rare. ⁶ Tai tahe bede ywina rybe retyhynyre. Jiarỹ heka iijaramy raeleemy reamahäre ityhy-dỹỹdu mahàdu aòhòkỹmy arisỹnykre-ò. ⁷ Wabede ywinareny òbitimy rare sana raholamahäre, ibutumy retyhynymy rarewähã. Ibutumy wahe aòmydỹỹnana reatyra Kristu luuna òraru-ki. ⁸ Inatyhymy Kristu wabiu-ò hedu reeryreu, ibutu aòmydỹỹnana-ribi wanohòti rosare. Ibutumy retxiwure iòraru-ki, kia ibutumy aò aòkò rare, Kristu wabiu-ò hedule arimykre wabiu-ò hedukremy rare. ⁹ Waòbitina tahe aò wawidỹỹna aòkò rare. Jesuisi retyhynyre urenana tahe tii riwaòbitinyre. ¹⁰ Kristu arierykemy idi watxiwähäre. Rubu-ribi ixixana arierykremy, aòhòkỹmy arotỹỹnykre iòrarukile, iwese tii rurure wese my wahe jiarỹ heka arexiywinykremy watxireri. ¹¹ Tai rubu-ribi ixixana mahàdu-wana arexixakre. ¹² Jiarỹ òbitityhy aòkò rare ada ibutumy òbitina wadee riwahinyòre. Jesuisi riwamyre aòmỹsỹdỹỹnaò ariwinykemy. Tai tahe wako-ò rawähäre araòbitinykemy watxireri. Tamy tahe araamỹsỹdỹỹnykemy watxiwähäre. ¹³ Òbitityhy aòkò jiarỹ rare. Kia sohojile tahe ariwinykre. ¹⁴ Tahe arehemynykremy watxireri titxibo Kristu diwateònyde. Kowa bede wihikỹkile uriòno aritakre. ¹⁵ Tahe ityhydỹỹdu iumy kia-di mohòtinybenyke. Inyò aò rieryòkeki Deuxu tamy kia ritỹnynykre. ¹⁶ Uritere biijebyenyke inatyhyna bityhynybenykeny wiwese weselemy ròkòhòtinyrenyke.

¹⁷ Ityhydỹỹdu seriòre, iwese rewinyry rarewähã wese biwinyry boibeke. Tule ijõ-ò betehenyke wawese dori riwinyhyhyre. ¹⁸ Sòwemy dori iny òbiti aòkò rỹira, Kristu òludumy wahe, itxèò aòmydỹỹnana òludu wahe. ¹⁹ Kia iny tahe Deuxu rahukre. Rỹsỹnale ta ideuxure. Tiiboho tahe aòbina binaòle awirenyre. Bede aòmydỹỹnanadile ròhòtinyre. ²⁰ Iny bedereny tahe biu-ki

roimyhÿre. Kowa-ribi reraòrenyleri iny tarasadu dehemynyna-ki. Inynyrÿ Jesuisi Kristu wahe. ²¹ Tii inyumyreny riwixiranykre. Tii taumywelese iny ritxienykre, taumy wihikÿtyhy wesemy. Tii ruru dire. Tahe ibutu aõna aõna wedumy ronykre irurudireki.

4

¹ Waluunadu, waseriòreboho, kaiboho wadeysana warataana wesemy toite. Ywihyyeemy boibekre, waluunaduboho.

² Warybe rewahinyre inatxi hāwyy-ò Eòdia, Sintxiki-wana. Kialemy wahe Inynyrÿ tyhydÿÿna-di wiwesehyylemy maraykynyke. ³ Adees tule wawiohedÿÿdu tyhy warybe rewahinyre. Kai biwiohenanykre hāwyy Rybe-wihikÿ wiòhedÿÿdu mahādu wahe. Tule Lemetxi riwawiohenanyre ijò-wana wahe. Ibutumy inireny heka Tyyritina rubuonanakòdu-ki rÿire.

⁴ Inynyrÿ-wana beysahyybenyke. Tahe ixityremy ararybekre. Beysabenyke. ⁵ Ywina-di bisÿnyke ibutu iny-ò. Inynyrÿ dehemynyna dori iòhòmy ihÿre. ⁶ Ibutumy aõmydÿÿnana heka biyrydÿÿnybenyke. Ibutumy bexitòenyke Deuxu-ò, àlàna-wana bexitòenyke. ⁷ Deuxu ywina awo-ò bitidikre arayky ibutumy riyrubunyke. Deuxu ywina dori inraykyreny rierÿòtyhy timyrekibo awityhyre.

⁸ Ikonanau tahe ibutumy aõmybo ararybekre maraykynybenyke ibutu inatyhyna, ibutu aõeryhykÿ, ibutu òbiti, ibutu tihiyyle, ibutu iluuna, ibutu tyhyna awimy tahe roirekeki àlàna-wana rÿikeki, tahe kia-di ibutumy maraykynybenyke. ⁹ Araerynanyreny, kaiboho teeryteny, rarybereò tahe taholatenyta. Timybo watxireri wese kaiboho wamy tabitenyta. Tai iwesemy boibeke, ibutumy wahe. Deuxu heka ywina rare. Tii umywanarenyle rarekre.

¹⁰ Jiarÿ heka reysare Wanyrÿ dee. Kaiboho heka ixityre watxi òhòtirenny reare. Tiu waribi òhòtirenny rosaòhyre urile kaiboho wawiohedÿÿmy taruteny tahe isirare. ¹¹ Kaa tuu rarybereri heka aõmy raruòhyreri. ¹² Jiarÿ dori reeryre aõbo wamy rÿira idi reysamy watxiwāhare. Ibutumy waki rÿimyhÿre-wana tule awilemy rahòtinymahāre. ¹³ Reeryre dori awimyno tule ramamy rubu reeryre. Xiwersyna wese reeryre tule aòhòkÿmydÿÿ reeryre rama jubreré. Kia tahe reeryre. Ibutu ariwinyke Kristu dori ruru wadee riwahinyre. ¹⁴ Tule umy arealākemy watxireri tiwawiohenanyteki. ¹⁵ Filiposi hāwā dohodÿÿna mahādu, kaiboho sohojile nieruò wadee tewahinyteny, juhuu Macedonia hāwā-ribi rareu wahe. ¹⁶ Tesalonia hāwā-ò wadee nieru tewahinymahāteny, inatxi nonanamy taditeònyteny. Tahe riwamyre wadee rasiranymy idi rewyré. ¹⁷ Aõ rexitòenyleri aòkò nierumy. Sohojile aõmydÿÿnany aribi aritakemy watxireri. Deuxu aõmydÿÿnanale aritakemy rarumahāre. Umyreny Deuxu wehityhynany arobikemy. ¹⁸ Remyre awahidÿÿna. Epafroditu aribi riwawahinyre. Tai tahe sòwemy waki rÿireri. Iwese lÿnyrena sòwemy watxi reamyhyre wese awahidÿÿna wadee rare. Iwese Deuxu-ò xiwenaò awire wese wadee ihÿre. ¹⁹ Aòhere inyDeuxureny ihewoludu atyhyna loosòna adeereny kadiwahinykre, Jesuisi Kristu òraru-ki. Aõbo adeereny rasirananyreri. ²⁰ Deuxu kidiwahinykemy adeereny watxireri. Kia tahe inyDeuxureny-ò loosòna kidiwahinykemy watxireri tiemy heka rarehyykre. Kie.

²¹ Iny sohoji sohojimy warybe-di biwehitynnanykre Jesuisi Kristu òraru-ki. Kaki ityhydÿÿdu mahādu tarybe wehityyna adeereny diwahinyde.

²² Ibutumy ityhydỹỹdu arãrybeweityhynanyre. Iòlò heto ityhydỹỹdu mahãdu yribihyyle adeereny diwahinyde.

²³ Inynyryỹ Jesuisi Kristu ruxetòena adeereny kanakemy watzireri.

Òlòsò Paulo Tyyriti, Òlòsò Hãwã-ò

¹ Paulo, Jesuisi Kristu deòdu Deuxudeewimiy rare kia tyyriti rewahinyre. Tule Tximòtxi inyseriòre rybe weityhyna riwahinyre, ibutumy ityhydỹỹdu seriòre-ò Òlòsò hãwã-ki. ² Wiòhedỹỹna, ywina, Deuxu inityby-ribi adeereny kanakemy watxireri.

³ Jesuisi Kristu-ò àlàna rewahinyhyymahãre, tule Deuxu Inynyrỹ tyby-ò. Adeereny dori rexitòenyhyymahãre. ⁴ Kaiboho Jesuisi Kristu tetyhynymahãtenyte. Tule kowa ityhydỹỹdu mahãdu wiluurenyre. ⁵ Rybewihikỹ inatyhyò juhuu taholatenyte. Idi tahe araròsòna tetatenyte. Tai tahe biu-ribi kia ibutumy kanakre. ⁶ Iwese Rybewihikỹ bede bedelemy rariamyhỹre wese adeereny tule dehemynde. Rybewihikỹ aòwihikỹ adireny riwahinyre. Iwese òwòru taraty riwahinyhyỹre wese, kaiboho inywitxira-ò aòwihikỹbo tewahinyntenyte. ⁷ Epafa jiarỹ wiwana Deuxu deòdurenyre. Kia iribi tadoholamahãte. Tii Kristu rybemy rybedu òbiti rare. ⁸ Tule wadee relyyre Deuxu Tyytybytyhyòraru-ki wiluuna-di ahãtenyte.

⁹ Kia inyboho roholarenyre, adeereny rexitòenyhy watiwãhãrenyre. Rexitòenymyhỹ Deuxu dee wityhymy kaiboho bedierybedenye. Deuxu Tyytybyerynatyhy-di boibekemy, bedeerydỹỹna-di. ¹⁰ Deuxudeewiyyimy kaiboho atximahãtenyte maratynye wesemy aòwihikỹmybo. Biubỹtỹnymy boibeke Deuxumy bierybenytyhykre. ¹¹ Ibutumy ruruna-di boibeke Deuxu ruruna wityhy-di texihymy tadonymahãte ibutumy aòhòkỹmy bodotỹỹnykre deysana-di. ¹² Deuxu initybyreny-ò àlàna biwahinybenye. Tii iny riy-widỹỹnyrenyry inyjura juramy ritakemy. Kia jura jura ityhydỹỹdu mahãdu hõrõ rare Deuxu loosònawo-ki ratximyhyỹrenyeki. ¹³ Tii bedeluru òlòna-ribi diwatade tahe diwadyde taRiòre luuna òlòna-ò. ¹⁴ Kristu heka iny ritare. Tii iny òrarunareny riòwynyre. Ibutumy òraruna riixãwidinare. ¹⁵ Jesuisi heka Deuxu lobixidỹỹna rare. Deuxu tahe alobixina aòkõ rare. Ibutumy widỹỹna-ribi tii juhuu rãire. ¹⁶ Tii tahe ibutumy bededỹỹnana widỹỹdure. Ibutumy biu-ki bede-ki lobixina lobixiòna-wana riwinyre. Iòlòna wedu tyhydỹỹna ruruna. Dinodu widỹỹna. Ibutumy tii riwinyre ixidee. ¹⁷ Tii ibutu aòna aòna-ribi juhuu rỹire. Ibutumy aòna aòna taruru rimyreri tai. ¹⁸ Iwese umyriti umy wedu rare kia wese Jesuisi ityhydỹỹdu mahãdu riti rare. Tii juhuna rare. Iwedu rare. Tii rubu-ribi ixixana juhuu ludu rare ibuturatyre dori Deuxu risỹnyre juhuuludumy ratxikemy. ¹⁹ Jesuisi-ki ibutu wiwihikỹ rarekemy. Kia tahe Deuxu dee wire. ²⁰ Deuxu ywina diwahinyde Jesuisi hãlubu-di itxeò-ki. Jesuisi hãlubu xiery ibutumy Deuxu riwaaxidỹỹnyre biu-ki bede-ki. ²¹ Kaiboho Deuxu ery aòkõ juhuu toite. Iòludu toite, arayky-ki aòbinahakỹ widỹỹ tadexinohòtinyntenyte. ²² Jesuisi umy-di Deuxu araintytyhydỹỹnyre Jesuisi rurureki. Tai Deuxu tako-ò akanata-madỹỹnykre taòbitidỹỹnyteki aòraru lyrana-di, aòraru tuedena-di inyò umy ibinamy rarybeòtyhy. ²³ Urile tyhydỹỹna-ki boibebenyhyyke araròsòna-ribi ixihitxidỹỹòmy. Araròsòna dori Rybewihikỹ-ribi nodu rare. Tii-ò tahe taholatenyta. Ibutumy iny biurawoludu-ò Rybewihikỹlemy narybede. Iribi jiarỹ, Paulo, Rybe wihikỹmy rybedu ròhònyre.

²⁴ Wijile reysamy watzireri adee aòhòkǎmy ratǎǎnyreriki, aò aòhòkǎmy dǎǎnanabo Kristu-ò rauhenyre. Tai jiarǎ aòhòkǎmy arotǎǎnykre waumy-ki hyummy. Kristu-ò rǎira mahādu dee kiamy ratǎǎnyre, dòhòdǎǎna mahādu dee. ²⁵ Iribi jiarǎ Rybe wihikǎmy rybedu ròhònyre. Kiamy Deuxu dee wimy diwateònyde tarybemy rybedumy. ²⁶ Tii ihetxiu rybe inatyhy ibutu lau rexiwore. Wiji tahe rexitǎǎnyre ityhydǎǎdu mahādu dee. ²⁷ Kia-ò Deuxu rexitǎǎnykemy ratxireri iwese aòwiwihikǎ, taloosòna ratxireri, ibutu iny witzira dee. Kristu inywo-ki, kia tahe iny iraròsòna rare. ²⁸ Kia Rybewihikǎmy relymahārenyre ibutumy iny-ki reerydǎǎnanyamahāre bederysyna-di. Kia wesele ibutumy ityhydǎǎdu mahādu òbiti Kristu-ò ariteòsinykre. ²⁹ Kiaòle tahe rexirurudǎǎnyhyamahāre, Kristu rurudile waki rǎimyhǎre.

2

¹⁻² Warayky-ribi ijesu nihikǎmy resumahāre awo umyreny rahòtieremahāre reysakemy Òlòsò hāwā-ki. Laodisia mahādu tule wamy robiòmyhǎre mahādu tule wiluutyhyrenykemy kaiboho ibutumy Deuxu bedeerysynatyhy bierybenykemy adireny watzireri. Kristu-ki tahe bede erysynatyhy-di atxiteri idi watzireri. ³ Kristuwo-ki ibutumy bedeerydǎǎna bede erysynatyhy ityhyna wesemy riyrubunymy rǎire. ⁴ Kawese rarybera inyò aràitxenanyòmyhǎkemy rybe rayky-ribi ije-di. ⁵ Waumy awanareny ratxiòreri, watytyby tahe awanareny ratxireri, riwadeysanyreri, aòwityhy òbiti-di riwaerynanyreri Kristu-ki aityhydǎǎna-di riwaerynanyre.

⁶ Iwese Jesuisi Kristu heka Inynyrǎhyn tetyetynyte wese. Tai tii-wana mabehyybenyke. ⁷ Iwese oworu irarutiò rimymhǎre wese myike. Anaerynadǎǎnymahāde wese maumynyke àlàdǎǎnamy.

⁸ Bexihārubenyke, inyò anaitxenadǎǎnyke lau. Tarayky-ribi ije rybe-di lahirybe-di anaitxenanykemy ihǎre rybe uritere ije ije-di. Kia rybe iny aòmydǎǎnana-ki rǎire bede tytyby aòmydǎǎnana-ki. Kia Kristu aòmydǎǎnana aòkòhyummy rǎirake. ⁹ Kristu umy-ki tahe ibutumy Deuxu ixitǎǎnydǎǎna rǎire. ¹⁰ Tule Kristu-ki kaiboho tyhynamy toite, texihutenyte. Tii heka ibutumy hābu rurudǎǎna ratyre rare, iòlòdǎǎna ratyre rare. ¹¹ Iwese uladunotyky riòròre wese Kristu aòraru urarina aribi diorode. Noty resyna inatyhy aòkò rare. Kristu iwesenalemy riwinyre. ¹² Taratisebenytenyteu, Kristu rubu wesemy tewesenatenyte delede. Tule beribi tadòhònytenyteu irubu-ribi ixixanamy tewesenanytenyte. Deuxu tyhydǎǎna-di rubu-ribi texixatenyte. ¹³ Kaiboho aòaruna-ki tòimyhǎre rubu wesemy notyynaresy aòkò-di toimyhǎre, adeereny runa Deuxu diwahinyde, aòarureny dixāwidinyde. ¹⁴ Kristu iny òraruna widǎǎnareny-ribi tòhòti rosara. Kia tyritina-di riixāwididǎǎnyre taitxeò-ò rareu. ¹⁵ Rurudǎǎna mahādu ruu dinodu mahādu ruu ritara, ibutumy iitxerenarenymy ibutu-ò riteòsinyre. Kristu taitxeò-ki irurureny ritara.

¹⁶ Kaiboho tahe uritere iny rybemy deòbyrenykōmy roxina bemomo, ada ahādu herinau ixenamy, ada sabado bededǎǎnanamy. ¹⁷ Kaiboho dori aò kanakre wesemy rare. Kristu tahe ibre tuu rare. Kia aòmydǎǎnana aò aòkò. ¹⁸ Inyò adeereny rarybekeki: bexitxiònyke ǎju biteàlānykemy, rasina-ki ierysmy mohòtinykemy. Tamy ijohonarenymy urile erydǎǎdumy rohòtinyra. Tii tahe Kristu rityhynyòhyumhǎre. ¹⁹ Inyummy wese inyboho ihǎrenyre. Kristu tahe umy ratiwesere. Umybutule-ribi ibutumy iukǎna

wiwana reare. Ibutumy òhòna tusina-wana umy rabutumyhỹre. Deuxu umyna-di umy raumymyhỹre.

²⁰⁻²² Kai Kristu-wana taruta-wana bede aõmydỹ̃nana-ribi, aõherekibo wiji bede aõmydỹ̃nana-wana arumy ahâte. Aõherekibo bede ywina witxira witxira tetyhynymy ahâte: imyny wedeydỹ̃õmy. Tamy ade rexiõmy, roxina urihixiõmy. Kia wese hãbu bede ywina tetyhynymahãteny. Kia aõmydỹ̃dỹ̃keki, rexihuke. ²³ Bede erydỹ̃na wese ratxireri. Kia dori ixideele rexityhydỹ̃nyre iyuru wesemy rawesenanyreri, taumy ixidee aõhõkỹmy rexisynyre. Ibutumy kia tahe riwiõhenanyõhyymyhỹre umy òraluna lau.

3

¹ Kaiboho Kristu-wana texixatenyteri wana, biu ludu aõmydỹ̃nana-di mohõtinybenyke, tai Kristu Deuxu ruruna weribi rasỹnymy ronymyhỹreki.

² Biu ludu aõmydỹ̃nana-di mohõtinybenyke, kabede ludu aõmydỹ̃nana-di aõkõ. ³ Rubu wesemy dori ahãteny, aumy tuedeõna runa Kristu-wana rare —Deuxu-ki riyrubunymy ratximyhỹre. ⁴ Kristu rehemynyreu, tule tii-wana rakatxirenyke.

⁵ Tai òhõti bitosanyke bede ludu aõmydỹ̃nana aki rỹire: uri uri rỹira mahãduhemy ijara, òbitiõna, deõsana hemy nodu, iõbi retỹnyre òbiti-di aõkõ rare. Inyõ rỹire-di òtena kia ritxoo àlàdỹ̃na wese rare. ⁶ Kia aõna aõna Deuxuwo binana rare, kia-ò Deuxu ykarana kanakare kia òrarudu mahãdu-ò. ⁷ Kaiboho kia tewinytenyete aõrarunareny òrarudumy toiteu.

⁸ Wiji tahe ibutumy kia aõmydỹ̃nana aribi rexihukemy idi watxireri —wobinana, ujõmo, rybe ije ije. ⁹ Iny witxira-ò ruiõmy, araybidinatyby dori aribi dexihude, iwidỹ̃nabina-di. ¹⁰ Araybidina tỹmyra-di tahe texiumy-dỹ̃nyte tii araijõnyre bedeersynahakỹ-di, Kristu raybidina wesemy araybidina rarekre òbitimy araijõnykre. ¹¹ Kowa-ki wii rikininirenyõkre: judeu mahãdumy, judeukõdu mahãdumy, notyky resydumy, bedeeryõ mahãdumy, txiebese wese mahãdumy, deõdu mahãdumy, deõdu aõkõ mahãdumy ibutumy Kristu dee wiwese weselemy rỹire. Kristule tahe ibutumy ihỹre inydeereny. Tii ibutu inywo-di ratximyhỹre.

¹² Kaiboho Deuxu ijesemy anadymyhỹde tahõrõ luunana mahãdukremy. Tai ruxetõena-di boibekre ixãwidina-di, inytyhyna-di, ywina-di. ¹³ Wii riwiõhenanymy rỹike. Wii riixãwididỹ̃nymy rỹike. Inyõ adee aõmy rotyynykeki ixirawomy biijeranyke. Iwese Inynyrỹ araixãwidinyre wese iny biixãwidinyke. ¹⁴ Ibuturatyre wiluurenykemy kiadile kaiboho wiwana ibutumy boibeke iweselemy mohotinybenykeny. ¹⁵ Kristu ywina heka umyy-ki itxeredumy rarekre. Kristu hõrõ mahãdu sohojilemy mabeke. Tai tahe àlàna tamy biwahinybenyke. ¹⁶ Kristu rybe-di awo-ki mabehyymy mabeke idi watxireri. Wii bierynadỹ̃nymy bitohonymahãbenykeny bede ersyna-di. Deuxu-ò àlàna biwahinymahãke wiurybe-di, wiu-di Deuxu Tytybytyhy winadi. Mawinyke àlàna-di aworeny-ribi. ¹⁷ Ibutumy tuu marybekremy, ibutumy tuu botỹ̃nykremy Wanyrỹni-ò, tuu botỹ̃nykre Jesuisi Kristuni-ò. Inytyby dee àlàna biwahinykre, Deuxu-ò wahe.

¹⁸ Hãwyy! Kai ahãbu bityhynyke, Deuxu erysydỹ̃na-di. ¹⁹ Hãbu! Kai ahãwyy luuke, idi tudõrenyõmy. ²⁰ Uladu! Borybe, adirybe-wana bityhynyke. Kia tahe Inynyrỹdeewire. ²¹ Uladuse, uladutyby! Kai ariore ikyaradỹ̃õmy, bede wona-di aõkõ ratxikemy. ²² Deõdu mahãdu! Kai kabede-ki awedurybe-di ibutumy bityhynyke aõ idi retehererikile aõkõ, awedudeewi sohojilemy aõkõ,

awo-ribi tyhy Inynyr̃deewimy tuu bot̃ỹnyke. ²³ Aõbo bot̃ỹnymahãke ibutu Deuxudeewimy bot̃ỹnyke. Hãbudeewimy aõkõ. ²⁴ Deuxu-ribi aõwyd̃ỹna kanakre. Kristu-ò dori taaõmys̃d̃ỹnymahãte. Adeereny rahetoõ riyrubunmy roimyh̃re. ²⁵ Inyõ tahe aõbina riwinymh̃ỹkeki, ihewomy aõbinale ritake. Deuxu dori ibutu dee wiwese weselemy idi rot̃ỹnymahãre.

4

¹ Wedu mahãdu, kai eòdureny dee òbitimy idi ahãbenyke. Kai tahe tule awedu dire biu-ki. Kia nohõti losaõmy.

² Bexitõenyhyymahãbenyke. Betehehybenyke. Bealãhyymahãbenyke.

³ Inydeereny kia bedexitõenykre. Deuxu rybe wihik̃-ò iny dee hãwã wixira-ò kidiraynykre, Kristu inatyhynamy arellyrenykre. Iòraru-ki womati reroti nihik̃-di watxiwãhãre. ⁴ Kia ritynynykre idi watxiwãhãre. Waaõmys̃d̃ỹna kiemy dori ih̃re. ⁵ Biu ludu bedeeryd̃ỹna-di boibeke ityhyd̃ỹdukõdu mahãduy-ki. Aõwihik̃rybe bexit̃ynykeki, turybelemy idi beake. ⁶ Arybe aõwi weselemy biyrubunyke, iwese r̃ys̃na juwyrã-wana raurinymh̃rewi wesemy. Tai arawyõna ijõdikre t̃ỹraxina-ò.

⁷ Txitxiò ibutumy waaõmyd̃ỹnana adeereny rellykre. Tii waityhyd̃ỹdu seriõre waluumy rare. Tii rybedu òbiti iny-wana ratxireri. ⁸ Adeereny reteõnyreri waaõmyd̃ỹnanareny eryd̃ỹnamy awo deysad̃ỹmy. ⁹ Onesimo heka tii-wana ariteõnykre. Tii tule òbiti ityhyd̃ỹdu seriõre ratxireri. Ahãwãreny yluduõ rare. Tiiboho kedelydenykre ibutumy timybo wãhãremy.

¹⁰ Aristarku wawana ròtenawo-ki wãhãre. Tarybe adeereny diwahinyde. Marku adeereny tarybe tule diwahinyde. Tii Banabe exi rare. Markumy, warybe teeryte, adeereny rybe rewahinyre wahe. Tii adeereny kedeheemykeki, bidiwiõhenanyke. ¹¹ Josue-Justu ibutumy eryna rare. Jesuisi inityhy rare. Kaiboho sohojile tahe judeu mahãdu-ribi iny-wana raaõmys̃d̃ỹreri Deuxu òlõna òraru-ki. Tiiboho riwawiohenanyhyymh̃reny. ¹² Epafa tule aeryrenyõ rare tarybe adeereny diõde. Tii adeereny rexitõenytyhyhyymh̃re kaiboho Deuxudeewimy boibehyky. ¹³ Jiar̃y reeryre tii adeereny tõemy ratximh̃re, tule Laodisia mahãdu dee tule Ieryopoli mahãdu dee. ¹⁴ Luka, tarybe diwahinyde. Tii ityhyd̃ỹ òhotibedu rare. Dema tule tarybe diõde. ¹⁵ Warybe wehityhyna biõke Laodisia ityhyd̃ỹdu seriõre. Ninfa-ò tule wehityhyna biwahinyke dohod̃ỹna mahãdu taheto-ki r̃yireriwana. ¹⁶ Watyriti-di dohod̃ỹnaheto-ki rariakreu, idi tule Laodisia mahãdu-ò biõkre tako-ò rariakemy. Tule watyriti kowa-ò rewahinyre, wimye amahãduko-ò rariarenkykre. ¹⁷ Arikipu-ò warybemy marybeke. Tii aõmys̃d̃ỹnaõ ritare Deuxu-ribi. Kia-di tii ratxihykyidi watxireri.

¹⁸ Kia tyriti wadebõ ritid̃ỹna tyhy rare. Womati reroti-di rataataamy nadoimh̃deribi òhõtireny lusarenymy. Deuxu wohyna adee kanakemy idi watxiwãhãre. Paulo.

1 Tesalonia Mahãdu-ò Juhuu Tyyriti Tesalonia Dohodỹna Mahãdu-ò

¹ Jiarỹboho, Paulo, Sila, Tximòtxi-wana heka Tesalonia hãwã ityhydỹdu mahãdu-ò tyyriti ariwinyreny Deuxu ijoimy kaiboho toiteki. Deuxu wohyna, Deuxu ruxetòena heka Waha-ribi, Jesuisi Kristu Iòlò-ribi akirenykemy he wadee awire.

² Aõu aõu Deuxu deàlànamy adeereny rexitòenymahãre. ³ Atyhyna tiu inynohòti-ribi rosaòtyhy. Aluunareki dori Deuxu dee taaòmỹsỹdỹmahãte, Jesuisi Kristu iny Iòlò dehemynyna teraòteri. ⁴ Kaiboho, Deuxu luuna mahãdu, Deuxu iyrenymy araijere. ⁵ Rybewihikỹ adee retỹnynymahãre. Kia heka rybe sohojile aòkò rare. Tii ruruna rare Deuxu Tyytybytyhymy. Erynatyhy teeryte. Iwese iny ako-txi ratỹnyreny wese, kaiboho teerytenyta. Aluureki dori kawesemy ratỹnyreny. Tai tahe iwese inyboho ratỹnyre wese tule kaiboho tatỹnyteny. Tule Inynrỹ-wesemy tatỹnyteny. ⁶ Aòhòkỹmydỹnana hãrele heka kaiboho rybe-ò taholateny. Tii aradeysarenny, aòhòkỹmy dỹnana-ki hãrele. Eysanarenny dori Deuxu Tyytybytyhyribile namyhỹde. ⁷ Kaiboho tahe ityhydỹdu mahãdu wihikỹ toite. Ibutumy ityhydỹdu mahãdu heka aweserenymy roirekemy ratxirennyreri Macedonia bedeki, Akaia hãwãdỹna-ki tule. ⁸ Aeryna ibutumy hãwã hãwã rieryra Deuxu tetyhynytekĩ, Macedonia bedeki tahe tule Grecia bedeki. Tahe kia-ò ixyby boholabenykekò dori rare. ⁹ Iny arora-ribi dehemynydeu inyko relyymyhỹre. Kaiboho asuritxoo deũx-di tehuteny tahe inatyhy Deuxu tetyhynyteny, Deuxu iru wahe. ¹⁰ Iriòre biu-ribi kanakremy teraomahãteny. Kia heka Deuxu rubu-ribi riixixanyrẽ rare. Jesuisi sohojile heka Deuxu debure-ribi riwatarenykre. Deuxu dori òraru òraru-ki sòwemy rakyaranyihikỹmyhỹre. Tule kia umy inydee relymyhỹreny.

2

¹ Kaiboho teeryteny arora-ò roirennyre, jiarỹboho Deuxu aòmỹsỹdỹna sòwemy rewinyreny. ² Jiarỹboho aòhòkỹmy ratỹnyreny Filiposi hãwã-ki. Tai tahe adee rehemyre Tesalonia hãwã-ò wahe. Deuxu taruru diwahinyde. Tai heka jiarỹboho adeereny roirennyre Deuxu iyywihikỹmy arelyyreny. Sòwemy inydeereny òbinadu rỹre. ³ Iny rybe-di tỹnydỹnarenny inatyhymy rare. Inyboho òbitimy ròhòtynyreny. Jiarỹboho anaitxenyrennyòtyhy. ⁴ Iwese Deuxu inydeereny riwateònyre wese kialemy heka rarybeke. Aòbo inysòwehekỹ deewimy aòkò rarybereny, tahe Deuxu deewimy. Tiile rieryre aòbo inywo-ki ratximyhỹ. ⁵⁻⁶ Tii rieryre iwese inyboho adeereny rarybemahãreny wese. Nieru tarasakemy aòkò inyboho watxirenny rui-di raryberenny rybewihikỹ adee rewahinyòhymy. Awowydyna, arybe wiwihikỹ heka inydee aòkòhymy idi watxirenny. Ijò iny-ribi tule aòkò kia rybe idi watxirenny. ⁷ Jiarỹ tiu ararybeomahãrenny idi anieruneny aritakemy. Kia ariwinyrennyeki tahe, tule awire. Inyboho dori Jesuisi Kristu deòdỹna inyboho ratxirennyreri. Tahe iu jiarỹ ayrenny-ki raremahãu, aluurenny. Iwese hãwyyò tariòre riyrubunny wese adireny watximahãre. ⁸ Deuxu Rybewihikỹ sohojile aòkò adeereny ariwahinykemy

aòkò, tule wabededÿñana tule adeereny ariwahinykemy watzireri, aruruke adeereny, jiarÿboho sòwetyhymy aluurenreki wahe. ⁹ Sòwetyhymy jiarÿboho raaòmysÿdÿñmahàre ayreny-ki raremahâu, tai tahe òwyò aòkò teòwynmahàtenyete. Rummy raaòmysÿdÿñmahàrenyete, txumy tule. Tai ix-iaòmysÿdÿñnadile inyboho rÿimahàrenyete. ¹⁰ Jiarÿboho ayreny-ki òbitimy roiremahâu. Aòhe inatyhy, waityhydÿÿdu seriòreboho. Kia teerytenyete. Deuxu tule riwaeryete. ¹¹ Iwese tybyò tariòre riywinyre wese, jiarÿ araywinyra, wariòre wesemy. ¹² Arâwiòhenanykemy adi watzireri arateysadÿÿkemy. Warybe dohodÿÿna-ò bohobanyke. Tai tahe kaiboho Deuxudeewina-ki atxibenyke. Tule tii-wana masÿnybenyke taòlòna-ki, toosòna-ki.

¹³ Tai tahe àlàna sòwemy Deuxu-ò rewahinyrenyete. Ayreny-ki raremahâu, Deuxu rybe tÿnydÿÿmy, kaiboho tetyhynytyhymahàtenyete. Deuxurybele taholatenyete. Tii heka inatyhy kia rare, Deuxu ijyÿtyhy wahe. Waityhydÿÿdu seriòre, Deuxu ayreny-ki ratximyhÿre. ¹⁴ Waseriòreboho, iwese Judeia ityhydÿÿdu mahàdu heka aòhòkÿmy rotÿÿnyre wese, kaiboho iwesele aòhòkÿmy tatÿÿnytenyete. Kaiboho aòwitxira witxira aòbina bina teòludunymahàte aòhòkÿmy dÿÿnana-ki. Abede ludu mahàdu tuu riwinyre. Iwese Judeia mahàdu heka judeu mahàdu debò-ki aòhòkÿmy rotÿÿnyre wese, kaiboho tule aòhòkÿmy tatÿÿnytenyete. ¹⁵ Judeu mahàdu heka juhuu Deuxu rybedu mahàdu rirubunrenyete. Jesuisi tule rirubunre. Inyboho tule ribinadÿÿnykemy ratxireri. Deuxumy dòdu tiiboho roire. Ibutumy inymy òludu ratxireri. ¹⁶ Tiiboho iny ribinadÿÿnykemy ratximyhÿre, iny dori rybe tÿnydÿÿdumy inyboho ratxireri judeukòdu mahàdu-ò. Kia-di heka ijò òraru tiiboho ributunre. Deuxu tahe wiji tiiboho ribinadÿÿnykre. Ityrereny-ò Deuxu kyarana bededÿÿnana kedeseekre.

¹⁷⁻¹⁸ Waityhydÿÿdu seriòre, aribi irehemy watzireri, awehityhyna sòwemy wadi ratxireri. Sòwemy adi aretehekemy watzireri ixityrele. Tiubo aroramy arake, Satanasi riwabinadÿÿnyra. Tahe aòkòre. Araòke. ¹⁹⁻²⁰ Kaiboho dori iny raròsonatyhy, inydeysana, iny biu-ò hena Inynyrÿ Jesuisi òraru-ki atxitenyete. Tii dori kanake. Kaiboho ixityhydÿÿnaò heka toimahàte.

3

¹ Ikonanau tahe reòludunrenyòtyhy. Tai tahe ixisohojile Atena hâwâ-ki rÿikremy watzireri. ² Tai Tximòtxi adee reteònyre, inyseriòre wahe. Tii heka wawanareny Deuxu aòmysÿdÿÿna-ki riwiòhenanyre Kristu Rybewihikÿ tÿnydÿÿmy. Adeereny dori reteònyre aityhydÿÿna wiòhedÿÿmy. ³ Tai tahe bede jei jei òraru-ki, kaiboho ahewo-ò booseòtyhy. Kia ibutumy Deuxudeewina inyeereny rare. ⁴ Iu ayreny-ki rarewâhau, kiamy rarybewâhare aòma adeereny aòhòkÿmy dÿÿñana kanake. Kiale tahe inatyhymy nade. ⁵ Tai tahe Tximòtxi reteònyre, omy arierykemy timybo aityhydÿÿna-ki tatÿÿnytenyete. Satanasi òsana waaòmysÿdÿÿna ayreny-ki ribinadÿÿnyre. Aòkòre, tii Deuxu aòmydÿÿnana ribinadÿÿnyòtyhy. ⁶ Tximòtxi heka Tesalonia hâwâ-ribi ròsera. Ijyy Iwiwihikÿ tahe raholara. Aityhydÿÿna aluuna wana raumynyre. Tule tii relyre iwese kaiboho awehityhyna dire inyluure wese. Wadeksamy watzireri, waseriòreboho, aòraru-ki. ⁷ Waaòhòkÿmy dÿÿñana hàrele heka wadeksamy watzireri, aityhydÿÿna awireki wahe. ⁸ Kaiboho awimy matxibenykeki, awimy jiarÿ watzimahàre, warumy watzimahàre. ⁹ Aòraru-ki tahe Deuxu-ò àlàna rewahinyre. Deuxu-ki tahe wadeksamy watzireri. ¹⁰ Rummy

txu-wana adeereny arexitòenykre arora-ò arake, aityhydýŷŷna wiòhedýŷŷmy wahe.

¹¹ Deuxu Inytyby, Jesuisi Kristu Inynyrŷ-wana riwawiòhenanykemy idi watxireri arora-ò arake. ¹² Wiluumpy ibutumy ityhydýŷŷdu mahādu lumy idi watxireri. Iwese aluure wese wiluuke. ¹³ Tii inydeereny ru-runa riwahinykemy idi watxireri. Òbitimy tahe rakatxirenyke Deuxuko-ò, Inytybyko-ò. Inynyrŷ Jesuisi kedehemynykre, tamahādu-wana, tai iny imahādule rakatxirenykre.

4

¹ Waityhydýŷŷdu seriòre, timybo òbitimy ahābenykemy rebedeerynyre Deux-udeewina wahe. Iratyre tahe arexitòenykre Inynyrŷ Jesuisi òraru-ki, òbitityhmy boibenybekemy. Kia tahe teertytenyte. ² Jesuisi bede erydýŷŷna heka adeereny rewahinyrenyre. Kia teertytenyte. ³⁻⁴ Kia tahe rare. Òbitityhmy ahābenyke, òta òtarenyòmy. Iny sohoji sohoji òbitimy ahāwyy-wana matxibenyke. ⁵ Iwese ityhydýŷŷdukòdu mahādu riwinyre wese aòkò idi ahāke. Tii dori Deuxu rierykòrenyre. ⁶ Tuleke kia aòmydýŷŷnana-ki iny sohoji sohoji aityhydýŷŷdu seriòre ibinadýŷŷomykemy. Iwese rarybere wese ixityre ararybekre. Inyò kia aòmydýŷŷnana riwinykeki, debure bededýŷŷnana tii ralòke. ⁷ Òta òta aòmydýŷŷnana aòkò Deuxudeewire, òbitina aòmydýŷŷna tamywire. ⁸ Inyò kia bede erydýŷŷna rityhynyòkeki, Deuxule heka tii rityhynyòre, hābu bede erydýŷŷna aòkò. Deuxule Tatytybytyhy inydee riwahinyre.

⁹ Kaiboho aityhydýŷŷdu seriòre mahādu luurenyre. Tai ixyby kia adeereny ariritinyòtyhy. Deuxu dori araernanyrenyre timybo wiluumpy boibekemy. ¹⁰ Kia luuna-di tahe ibutumy Macedonia hāwā hāwā mahādu lumy. Ihārele tahe waseriòrebobo iratyre wiluumpy. ¹¹⁻¹² Ywina-di wi-ò wi-ò boibeke. Aaòmysýdýŷŷna-di iximynamy boibeke. Tai ibutumy ityhydýŷŷdukòdu mahādu umyreny robikreu anatyhynyrenyre. Tai tahe ijò iny aaòmydýŷŷnana ixi-di nokòmy. Ixisohojilemyta ixi-di maaòmysýdýŷŷnyke.

¹³ Waseriòrebobo araernanykre rubu mahādu aòmydýŷŷnanamy. Tai ijò in-ywese mahinybenyòke, bobubenýòke. Tii dori raròsòna-di aòkò ratxirenyre. ¹⁴ Kristu heka rubumy roire ribile rexixare. Kia tahe rityhynyrenyre. Kiawesele tii-wana heka Deuxu taityhydýŷŷdu mahādu kididyke, rityhynymy rurure mahādu tule. ¹⁵ Inynyrŷ riwabedeerynyrenyre kiamy: inyboho irumy ratxikeki kiatxuu juhuumpy timy inorenykòna. Rubu mahādu tuukre. ¹⁶ Tahe ŷju wedu juhuu rarybekre. Deuxu juròna-di ritxurònykre. Idi Inynyrŷ kodobehekre biu-ribi. Juhuu ibutumy ityhydýŷŷdu rubumy rŷira riumynykre, riumywitziratŷmyranykre, riixixanyrenyre. ¹⁷ Tahe ibutumy inyboho irumy rŷira mahādu heka Inynyrŷ-wana ributunynyrenyre biu-ki. Tai tiwanahyy roirenyre ¹⁸ Kia rybe-di wii beysabenyke.

5

¹ Ityhydýŷŷdu seriòre, tiubo kia ibutumy aòhebo rotŷŷnykre. Kiamy adeereny ariritinyòtyhy. ² Rumy wasidu wesemy kia txu kanakre. Kia teertytenyte. Ibededýŷŷnana iny rieryòtyhy. ³ Inyò rarybekeki: —Ibutumy awire. Ibutumy ywina-di ratxireri. Kiatxuu kedexihukre. Inyò rahenyòtyhy. Iwese hāwyy txuberere wese, uladu ijera iòhòreu kia rare. ⁴ Kaiboho, waseriòrebobo, tetyhynytenyte tai kiatxu adeereny bede òtiidýŷŷ aòkò rarekre. Kaiboho dori kia teertytenyte, wasidu wesemy kanakemy wahe. ⁵ Inyboho ibutumy

txuu mahâdu atxitenyte, loosòna mahâdu wahe. Bedeluruhukÿ mahâdu aõkõ inyboho ratxireri. ⁶ Tai tahe rõkõrõnyõtyhy. Bexixabenyke. Ijõ iny wese aõkõ atxibenyke. Betehebenyke. ⁷ Rummy ibutummy iny rõrõmyhÿre. Tule kiau ibutummy riõmyhÿre, axaxaluudu mahâdu wahe. ⁸ Inyboho tahe iximy rekexiõbitidÿÿnyke ywina-di. Ityhyna, luuna-wana heka iny òrarunareny itxena wesenamy rikitidikre. Tarasana tahe inyratiywina wesena rare, tarasana raròsòna wahe. ⁹ Debure bededÿÿnana-ò aõkõ inyboho ralòõtyhy. Deuxu aõhõkÿmy dÿÿnana kia Deuxudeewina aõkõ rare inydeereny. Biu-ò hena-ò tahe inyboho ralòrenykre Jesuisi Kristu Inynyrÿ òraru-ki. ¹⁰ Tii dori inydeereny rurure. Tai tahe tii-wana rarehyummy rÿikre irummy ada rubummy iny ratxirehäre.

¹¹⁻¹³ Kiarybe-di widee beysadÿÿnymahâbenyke. Deuxu rybe tÿnydÿÿdu mahâdu biwiòhenanybenyke, bityhynybenyke. Kia tahe wadee awire. Tii dori awiòhedÿÿdu ratxireri Inynyrÿ òraru-ki. Ibutummy widee òbitimy atxibenyke, tii Deuxu deòdu rareki. ¹⁴ Tule adeereny ijõ dohodÿÿnaõ aratohodÿÿnykre. Iehehe mahâdu biòbitinybenyke. Ityhyna kyhynakõ mahâdu bikyhnanybenyke. Ibutummy widi atximyhÿbenyke. ¹⁵ Inyõ aõbinamy adee rakeki, ixiòwydÿÿõmy. Ywina-di tamy bisÿnyke. ¹⁶ Beysahyybenyke. ¹⁷ Ixitòedÿÿhyummy boibehyybenyke. ¹⁸ Ibutummy bealàmahâbenyke. Kaiboho dori Kristu ijoj atxitenyte. Kia adeereny Deuxudeewinare. ¹⁹ Deuxu Tyytybytyhy-ò boholake, awo-ki arayky-ki tii ratxire. ²⁰ Deuxu dee rybedu mahâdu awire irybe awire. Ibinamy aõkõ tai marybebenyõtyhy. ²¹ Ibutummy biurihibenyke. Aõbo awirele tahe idi bimyyke. ²² Ibutummy òraruna-ribi irehemy atximahâbenyke.

²³ Deuxu heka ywina rare. Tii araòbitidÿÿnytyhyke. Adeereny rexitòenyre. Araykywydyna, õhòtiwydyna, aummy-wana ibutummy raywidÿÿmy ratxike idi watxireri. Jesuisi dori eleelemy kodobehekre. ²⁴ Tii kia ibutummy juhuhu rarybere wese, tii adeereny riwinyhykre.

²⁵ Waityhydÿÿdu seriòre, inydeereny bexitòenybenyke.

²⁶ Deuxu deysana òlusò-di wii birybebenyke. ²⁷ Wadee boholake Inynyrÿ òraru-ki. Kia watyryiti heka ibutummy ityhydÿÿdu seriòre roholakemy watxireri. Idi mariake.

²⁸ Jesuisi Kristu Inynyrÿ ruxetòena heka adeereny ratximyhÿkemy idi watxireri. Kie.

2 Tesalonia Mahãdu-ò 2 Paulo Ryberiti Tesalonia Hãwã-ò

¹ Paulo, Sila, Tximòtxiboho-wana tyyrity rewahinyrenyire Tesalonia dohodỹna mahãdu-ò. Deuxu Inyityby, Jesuisi Kristu Inynyrỹ ijoi toiteò. ² Wiòhedỹỹna, ywina-wana adeereny kanakemy watxireri Deuxu Inyitybyreny-ribi, Jesuisi Kristu Inynyrỹreny-ribi.

³ Inyseriòreny, Deuxu-ò adee reàlãmahãrenyire. Kia tahe awi rare. Kaiboho aõu aõu texityhydỹnytyhymy atximahãtenyeki, ityhydỹỹdu seriòre wiluuna-di iluutyhymy teletenyteri. ⁴ Tai heka ijõ Deuxu dohodỹỹna heto-ki aõwiwihikỹmy umy rarybemahãre. Kaiboho dori aõwitzira witxira aõbina bina teòludunymyhỹtenyite, aõhõkỹmy dỹỹnana-ki ixiwesehyymy toitemahã ire tetyhynytyhymahãtenyite. ⁵ Kiawesele Deuxu aõna aõna òbitimy riwinymyhỹre. Kaiboho Deuxu teywinytenyteri Iòlõna-ò malòbenykremy, aõhõkỹmy tatỹỹnytenyteriki wahe. ⁶ Deuxu, tiiboho aõbina bina-di riòwynyrenykre, aõhõkỹmy dỹỹnana dori adeereny riwahinyreki. Kia tii òbitimy ròhõtinyre. ⁷ Biu-ribi Inynyrỹ Jesuisi tarurunareny ýju-di kodobehekreu, aõhõkỹmy dỹỹnana-ribi elehyina adeereny, tule inydereny Deuxu kidiwahinykre. ⁸ Heòtyloona-di tii kanakre riòwynykremy Deuxu rieryõmy rỹira mahãdu dee, tule Inynyrỹ Jesuisi Rybewihikỹ riywinyõmy rỹira mahãdu dee. ⁹ Kia mahãdu aõu aõu aõhõkỹmy rotỹỹnykre Inynyrỹ òsỹnỹ-ribi iteòdỹỹna-ki taruruloosõna-ribi. ¹⁰ Tii kanakre tahe ibutumy iijoi mahãdu tamy làhàna riwahinykremy. Ribedeòtiidỹỹnyrenykre ibutumy taijoi dee aõmydỹỹnana riwinyreki. Tetyhynmahãtenyite, Deuxu rybe dori jiarỹboho adeereny rewahinyamahãreki. ¹¹ Kaiboho iwese Deuxudeewimy rarekemy boibeke. Tai tahe adeereny rexitòehyymahãrenyire. Deuxu ruruna-di atyhydỹỹna-di sówemy aõwiwihikỹ riwinykemy idi watximahãre. ¹² Tai tahe ibutumy Inynyrỹ Jesuisi Kristu nĩmy sówemy beàlãmhykemy. Tii loosõna adeereny riwahinykemy watxireri. Kia Deuxu dee, Inynyrỹ Jesuisi dee awi rare. Wiòhedỹỹna iribi bitabenyke.

2

¹ Waseriòreboho, Inynyrỹ Kristu òkesenamy iximy iny ritakemy adeereny warybe ariwahinykre. Inyò rarybekeki Inynyrỹ òkesena txumy rehe-mynymy rỹire, kia rybe-di iòtiidỹỹõmy. ² Inyò rarasinykeki, Deuxu-ribi ijyy ritakeki, urile ityhydỹỹrenyõmy. Inyò waribi tyyrity itarasamy rarybekeki, ityhydỹỹrenyõmy. ³ Inyò aitxenadỹỹõmy boibeke. Ityhydỹỹdu atysyna nihikỹ juhũu kanakre, idi tahe kia txu kanakre. Juhũu hàbu ibinatyhy kedexideòsinykre. Heòtybedeluduò tii rare. ⁴ Tii ibutu Deuxumy òludunadu rarekre Deuxumy iny rininire mahãdu wahe. Ibutumy àlàna aõmydỹỹnana riatykre. Deuxu dohodỹỹna hetowo-ò ralore tahe Deuxu weselemy ronykre. Iximy rarybekre tii Deuxu raremy. ⁵ Tuu heka adeereny rarybere, akireny raremahãu, òhõtireny aõbo itxi rearenyõra? ⁶ Ibodedỹỹnana raòbitikre xiery, kanakre. Deuxu ruru dori rimymyhỹre. Kia tule teertytenyite. ⁷ Iaõbinahakỹ aõmydỹỹnana inyy-ki ratxireri. Tii tyhy wiji kanaòkre. Imynydu iribi rexitare xiery, tahe tii kanakre. ⁸ Taile tahe hàbu ibinatyhy kedexideòsinykre. Inynyrỹ Jesuisi kanakreu, tii tuu kidirubunykre taryeledile. ⁹ Juhũu tahe kia hàbu

Satanasi deòdu tahe iruru-di kedehemynykre. Aõna aõna wiwihikỹ widỹỹmy ròitxenadỹỹreri. ¹⁰ Inyõ sõwemy riitxenanykremy bedeoòbydỹỹ wesemy. Ityhy-dỹỹdukõdu mahãdu tii riitxenanytyhykre. Tiiboho dori inatyhyyna rybe rityhynyõmyhỹre, tuuõmyhỹre, tai rexirutaõrenyre. ¹¹⁻¹² Deuxu dori rilawere tuu rityhynyrenykremy ibinare hãrele. Kia ruina rityhynyrenykre, tai Deuxu rihitxidỹỹnykre inatyhyyna rityhynyõreki, taõrarudỹỹna luureki.

¹³ Deuxu tahe juhuutyhylemy aratarenyre, waseriõreboho. Biu-ò hena adeereny riwahinyreny inatyhyyna tetyhynytenyteki. Deuxu Tytybytyhy aralyradỹỹnyrenyre. Tai, Inynyrỹ luuna mahãdu, Deuxu mahãdurenymy belebenykemy atximahãtenyte. ¹⁴ Deuxu adeereny Rybewihikỹ diteõnyde. Inyboho tahe ijyydumy roire. Iny òrarureny-ki tahe Inynyrỹ Jesuisi Kristu loosõna bitabenykremy idi toite. ¹⁵ Kia ibutumy, waseriõreboho, itxi õhõtirenre. Aõmybo araerynanyamahãre kowa-ki raremahãu, tule watyryiti-di rebedeerydỹỹnymahãrenyre, idi mohõtinityhybenyke, õbitimy idi boibeke.

¹⁶⁻¹⁷ Inynyrỹ Jesuisi Kristu Deuxu Inytyby, luuna luuna, wiðhedỹỹna, rarõsõna sõwemy inydeereny diwahinyde. Inyboho aõhyymy aõkõ roire. Iribireny raybidina adeereny kanakemy watxireri. Tule umy kanawiohenanykemy watxireri ibutumy aõhe botynyke, marybemahãbenyke.

3

¹ Watyryiti-di konanamy tahe adeereny ararybekre. Waseriõreboho, inydeereny bexitõenyke. Inynyrỹ rybemy araryberenykemy, inywitxira-ko arelyyrenykemy, tule Inynyrỹ rybe-di iwese rybe ayreny-ki aõwiwihikỹmy raremyhỹ wese. ² Tule bexitõenyke kia iny iehhe-ribi arexitarenykemy. Ibutu iny dori inatyhyyna rityhynyõreri. ³⁻⁴ Tahe Inynyrỹ õbiti rare tii arawiohenanykre. Tii ararurudỹỹnykre kia reeryre. Satanasi-ribi arayrubunyrenykre. Tahe, aõmybo reerynadỹỹnyre wese kaiboho aõhebo tatỹỹnytenyterimy heka adireny watximahãre tule kia wesehyyle rakatxirenre. ⁵ Inynyrỹ-ribi Deuxu luuna, Kristu itxõmotxina bederynahakỹ adeereny kanakemy watximahãre.

⁶ Kia Jesuisi Kristu Inynyrỹ bede ywina wese rare adeereny ararybekremy. Waseriõreboho bexiweresynyke iny deoruxere-ribi, ibutumy iny waerysydỹỹna roholaõre mahãdu-ribi, tii ityhydỹỹdu mahãdu hãrele. ⁷ Ayreny-ki roiremahãu, raaõmysỹdỹỹhyymy roiremyhỹ. Tai kaiboho teerytenyte iwese mabekemy. ⁸ Tiu iny witxira rỹsỹna rerỹsỹrenyõhyre, iõwyõmy. Txuu ruwana raaõmysỹdỹỹre waaõna aõna õwydỹỹmy. Tai tahe adeereny isiramy aõkõ ayreny-ki iarỹ raremyhỹ. ⁹ Inyõ-ribi rỹsỹnaõ arirỹsỹmahãkeki, kia tahe ibinamy aõkõ rare, iarỹ Deuxu rybemy rybedu-ki wahe. Tahe aõkõre urile rexideõsinykemy rerỹsỹmahãrenyre. Iwese aõmysỹdỹỹna awirewesele umy reerynanyrenyre. ¹⁰ Tai rarewãhãu kia bede ywina rewahinyre: — Iny raaõmysỹdỹỹõmyhỹre riroxiõtyhy. ¹¹ Iarỹ raholawãhãre iny deoruxeretyhy-ò ayreny-ki ratximyhỹrenyre, tiiboho aõmysỹdỹỹ derarenyre, urile raujõmomyhỹrenyre. ¹² Jesuisi Kristu Inynyrỹni-di tamyneny ararybekre rayruburenkemy, raaõmysỹdỹỹrenykemy ixideereny. ¹³ Tahe adeereny, waseriõreboho, ararybekre. Aõwiwihikỹ widỹỹ-ò ixirarenyõmy. ¹⁴ Inyõ ka waryberiti riywinyõkeki, mobu tii rare bierybenyke tahe kie-ribi irehemy biijeke, tai tii raixỹrukemy. ¹⁵ Urile tii aõludumy aõkõ ratxireri. Aseriõre wesemy tamy marybeke. Bijemy idi ahãke.

¹⁶ Inynyrŷ ywina wedu rare. Tii adeereny ywina ibutumy aõmydŷŷnana-ki kidiwahinykemy idi watxireri. Inynyrŷ awanareny ratxikemy idi watxireri.

¹⁷ Kia konana warybewehityyna jiarŷle ariritinykre wadebò-di. Ibutumy waryberiti-ki rŷire wese kawesele wani retidire. Paulo. ¹⁸ Jesuisi Kristu Inynyrŷ wiòhena ibutumy adeereny ratximyhŷkemy idi watxireri.

1 Tximòtxi-ò Paulo Juhuu Tyriti Tximòtxi-ò

¹ Jiarỹ Paulo watxiwāhāre. Jesuisi Kristu deòdỹyna watxiwāhāre. Deuxu iny tarasadumy riwateònyre, tule Jesuisi Kristu Inynyrỹ riwateònyre. Tii tahe inyaròsònareny rare. ² Katyyriti adee rewahinyreri Tximòtxi. Kai inatyhymy wariòre wesemy atximyhỹte ityhydỹỹdu mahāduy-ki. Tahe Deuxu-ribi Jesuisi Kristu-ribi luuna, ywina, ruxetòena, adee kanakemy watxireri.

³ Jiarỹ Macedonia-ribi rareu, adee warybe rewahinyre kai Efesu hāwā-ki mabekemy. Kia adiwahinyde warybe tamy kia beòbykemy; kowa dori inyò Bede ywina tyriti witxiramy ròerydỹỹnanyre riki. ⁴ Ihetxiu ijyymy heka rusake kiawesemy heka kai tamyreny marybekre. Talahi talabie òraruòraru-di he ròhòtinyòhyymyhỹkre. Kia aõna aõna tahe rybenatyhytyhyre. Kia aõna aõna iny lahi òraru rybena-di ixinohòtidỹỹòmy. Kia ityhydỹỹnadile kanakre. ⁵ Kia wiluuna tahe inywolyrahakỹwo-ribi ròhònymyhỹre, iny raykylrahakỹ wo-ribi, iny ityhydỹỹnatyhy-ribi. ⁶ Kia aõna aõna wihikỹ-ribi iny rexixāwididỹỹnyre. Tai tahe aõmybo rarybemyhỹre heka rieryòhyymyhỹre. Aòtyhymy aòkò wídee rarybemyhỹreny. ⁷ Bede ywina tyriti erysydỹỹdu wesekemy rexinohòtinymyhỹre, tahe rieryòhyymyhỹre aõmybo raremy. Aõmy riernanymyhỹreny tahe timybo ihỹremy rieryòlemyhỹreny. ⁸ Katahe inyboho rieryreny. Inyò bede ywina tyriti òbitimy rityhynykeki, Bede ywina tyriti heka awi rare. ⁹ Inywihikỹ-ò heka tiu bede ywina tyriti riwahinyòhyymyhỹre. Inybina binaòle iwahidỹỹna rare, iny òrarudu-ò, iny ityhydỹỹdukòdu mahādu-ò, iny aleerydu-ò, iny tadi tyby-wana rirubunymyhỹre mahādu-ò. ¹⁰⁻¹¹ Kia iny-ò bede ywina tyriti rỹimyhỹre. Ibutumy bina bina widỹỹdu-ò. Bede ywina tyriti rỹimyhỹre ka mahādu-ò: inydỹỹwe mahādu dee, taòtaòta witxiramy òtadu mahādu-ò, inywasidỹỹdu-ò, ruidu mahādu-ò. Deuxu ijyy tỹmyra wihikỹ dee wiòkeki, tii aõna aõna riwinykeki, tamy. Deuxu bede ywina tyriti roimyhỹre. Deuxu bedeerydỹỹna òbiti aòkòreki, Deuxu wewihikỹ loosònadewimy aòkòreki kia erysydỹỹnadu jiarỹ rare.

¹² Jesuisi Kristu, iny wedu waruruixiòlòdỹỹdu rare. Jiarỹ tamy wawimy raremyhỹ. Tai tarybe-di wiòhedỹỹdumy riwatare. Kia-ò Jesuisi Kristu heka jiarỹ rewowydyny. ¹³ Juhuu jiarỹ tuu rarybere. Ityhydỹỹdu mahādu-ò wadeburemy rarewỹhỹ. Tule Jesuisi-ò wedeburemy rarewỹhỹ. Tahe wadee raruxetòenyreny. Tahe ibutumy kia reerykòlemy rewiny my raremyhỹ, retyhynyòlemy rewiny my raremyhỹki. ¹⁴ Inywedu sòwemy wadee raruxetòere. Tii riwasỹny ixiluuwewihikỹkemy, rikityhynymyhỹreny. ¹⁵ Jesuisi Kristu kabede-ò dobehede òrarudu ritakemy. Ka rybe heka inatyhy rybe heka rare. Jiarỹ heka òrarudutyhy nihikỹ rare. ¹⁶ Iurenanamy tahe tii riwaruxetòenyre. Tiu heka waki rexiraòre. Tii riwateòsinyre juhUU ityhydỹỹdu wesemy. Ityhydỹỹdu mahādu-ò itxerenamy, iwese tii mahādu kidityhynykre. Tai umy tuedekòdu mahādu-ò ralòkemy. ¹⁷ Beàlàmahābenyke Deuxu-ò. Tii heka bededỹỹnana tuedeòdu hukỹ Iòlò rare. Tii lobixina aòkò rare. Tii sohojile rare. Beàlàmahābenyke aõu aõu, wowydyna tamy biwahinyke. Kie.

¹⁸ Ka inatyhymy rybemy adee ararybekre Tximòtxi –kai dori wariòre wesemy tate. Kia rybe heka ihetxinarybe wesele rare. Deuxu aratareu, kia biyrubunywihikỹke. Besuke arurutyhymy aõbo òbitimy ratximyhỹre

wihikỳ-ò. ¹⁹ Aõhewe õhõtíwydynawimy mabekre. Bityhynymy mabekre. Inyõ heka idi rõhõtínyrenyõra, tai reserenyra ityhydỳy-ribi. ²⁰ Ijõ Imineu inire, Alexỳdre ijõre. Jiarỳ rewahinyre Satanasi-ò, Satanasi bedeburana tamýreny riwahinykre. Tiiboho rybehinamy tii Deuxu-ò rarybeõtyhy.

2

¹ Delemy kamy ararybeke: Àlàna sówemy idi rawahinyke, ibutumy iny-ki bexitòtenykre. ² Iòlò dee, ibutumy dinodu dee tule bexitòenykre. Tamýreny biixitòedỳyñanymy Deuxu-ò, tule Deuxumy beòbykemy, tai ibutumy iny iworana bedehesimy rỳikre. Deuxumy iny rõkõhõtínyrenykeny idi òbitimy tamy rokoirekemy. ³ Kia wese awire Deuxu dee. ⁴ Deuxudeewimy ibutumy iny ritakemy raerykemy tibo inatyhy raremy. ⁵ Deuxu sohojile rare iny-ki rybedu tule sohojile rare, Deuxu-ò iny mahàdu tii sohojile kia riwinyre. Tii hàbutyhyhykỳ rare. Tai tahe tii tiò tiò rare, Deuxu, iny mahàdu-wana widee ributunykemy, Jesuisi Kristu wahe. ⁶ Jesuisi rexiwahinyre ibutumy iny òraruna òwydỳymy. Tii heka riòwynyrene sohojihyylemy. Kia heka tiiehyymy deòsidỳymy rarekemy. Tiu iny mahàdu rahenykeny Deuxu rexinohõtínyre. ⁷ Jiarỳ heka imynynamy riwamýre kia rybe-di arelyykemy. Tule jiarỳ rybe-di dohodỳydukemy riwamýre iny wítxira bedeerydỳymy judeukòdu mahàdu wahe. Kia raerykemy tibo inatyhy raremy. Kia dori inatyhy rare.

⁸ Ibutumy dohodỳyña hetowo-ki ibutumy rexitòenyre rexitihynymy. Ujòmomomy rõhõtínymy aòkò. ⁹ Håwyy uritere ixidi nohõtityhyòmy ix-iaòmydỳyñadỳymy urile ywilemy ixidi rõhõtínymy. Håwyy ityhydỳydu ixiiy-widỳyña tahe tyywihikỳ aòkò, iradesihodỳytyhy aòkò, deorutylududike aòkò. ¹⁰ Urile tahe iyubukemy Deuxu-di rõhõtínymy tamy aòwiwihikỳ riwinykre. ¹¹ Håwyy ityhydỳydu mahàdu rõeryrenykre yrubu-ki. ¹² Jiarỳle heka håwyy ariwahinyòtyhy hàbumy hỳyñakemy, hàbu erydỳydukemy tule tuu areònyke aòkòre, håwyy heka urile iyubumy rỳike. ¹³ Adaõ heka Deuxu juhule riwinyre idi Eva riwinyre. ¹⁴ Tule tahe Satanasi Eva juhúu riitxenanyre, Adaõ aòkò tai raòrarunyre. ¹⁵ Håwyy uladu reakeule rexitake. Idi rõtyhydỳymy. Inyluumy idi rexitihynykreki.

3

¹ Kia rybe inatyhy rybe rare: —Inyõ dohodỳydu dinodumy rarekeki. Kia heka rexiburemyhỳre aòwihikỳmy ratximyhyre. ² Tahe rybe-di dohodỳy aòmýsỳdỳyduy raloòkeki, tii heka òbitimy rareke, tahåwyy sohojidile, rexitihynymy rarekemy, iny inatyhy, iny aòraru rarekemy, erynadỳyduyhyymy rarekemy. ³ Tii heka iaxaxa luuõre aòbina lumy aòkò rare tule iyubure. Tahe tule iaòmy nohòtidu aòkòre. ⁴ Tii heka taijoimý reònymyhyre, tariõre riernanywihikỳmyhyre ixirýbe rityhynykemy. ⁵ Inyõ tahe taijoi reònyòkeki, Deuxu aòmýdỳyña-di òbitimy raaòmýsỳdỳyòtyhy. ⁶ Tii ityhydỳydu tỳmyra aòkòmy rarekemy. Raxiwedenymy rarekeki tahe urile Satanasi alòsena-txi tii reseke. ⁷ Ihårele tahe ityhydỳydu mahàdu aòkò rare ihỳre, awimý tuu rarybemyhyre. Tuu heka raujòmoryòtyhy tule tii Satanasi ireitidisi-txi reseòtyhy. ⁸ Tule dohodỳydu wiòhedỳydu mahàdu, kiawesele rarekemy. Tii tule òbitimý rarekemy irýbe òkese aòkò, iaxaxalu aòkò rare, tule aòna aòna sówemy nohòtidu aòkò rare. ⁹ Iny inatyhydỳyñareny òbitimý tuu rotohodỳyñanymyhyrenyke, tarayky òbiti-di. ¹⁰ Tule kia wesele raurihikre. Iribi òbitimý rõhònykeki, tai dohodỳydu wiòhedỳydu mahàdu-ò ralokre. ¹¹ Ihåwyy

tule òbitimy rarekre. Ujõmodumy aõkõ rarekre, iyrubukemy, urileta rexyityhynymy rarekemy. ¹² Tule dohodỹỹdu wiõhedỹỹdu mahãduõ ihãwyy sohojidilemy rarekre. Tariõre, taijoi-wana reõnymyhỹkre. ¹³ Kia mahãduõ Deuxu aõmysỹdỹỹna òbitimy riwinymyhỹreki, inatyhymy tii iny rityhynykre. Tai Deuxu aõmydỹỹna tii riòbitinykre ibutumy inydee.

¹⁴⁻¹⁵ Aroramy jiarỹ wylemy arakemy watxireri. Aõkõkeki urile warybe ritina adee rewahinyreri. Kia warybe-di biernanybenyke aõhebo ityhydỹỹdu mahãdu warybe-di rotỹỹnykemy. Ityhydỹỹdu mahãdu Deuxu ijoio rare. Inatyhy rybe yrubudỹỹdu rare. ¹⁶ Iny tyhydỹỹnareny awi tyhytyhy rare. Kia wese rare: —Jesuisi heka hãbu wese nade. Tii Deuxu Tyytyby-di òbitimy rityhynyreu, ỹjurenny tuu robirenyre. Taaõmydỹỹnanarenymy ibutu bede bedemy relyrenyreny. Sõwemy iny rityhynyreny. Roosere biu botorahakỹ-ò.

4

¹ Deuxu Tyytyby rarybera: —Ihewoladu bededỹỹnana txuu hãbu tyytybybina rybe-ò roholakre. Tai iny tyhydỹỹnanareny ririkre. ²⁻³ Tahe ruina rybe rityhynyre, hãbu aõmy nohõti erykõ rybe-ò. Kia heka hãbu raerynadỹỹmyhỹre uritere hãwyy heriõmykremy, ijõ rỹsỹna aõtxi irỹsỹõkremy. Kia rỹsỹna iny rirỹsỹke Deuxu riwahinyre. Juhuu àlana Deuxu-ò rawahikre. ⁴ Kia heka ibutumy Deuxu riwinyre awire. Aõ aõkõ heka awiõre. Deuxumy beòbyke, kia tahe ibutumy awike. ⁵ Ixitòedỹỹna Deuxu rybe kia ibutumy awimy risỹnykre.

⁶ Kai heka ityhydỹỹdu mahãdu biernanykeki, kai heka Jesuisi Kristu aõmysỹdỹỹdu mahãduwiihikỹõ tate. Kia inytyhydỹỹnareny erydumy mabekre. ⁷ Kai ihetxiu nohõtividỹỹna ijyy bityhynyõtyhy. Marurunymy mabeke Deuxu aõmysỹdỹỹnana-ò. ⁸ Aumyruru urihimõmy idi mohõtinykre, atyytybywi-di tahe kia idi sõwemy mohõtinykre kai kabede-ki adeewikre tule tiu bede-ki awikre. ⁹ Kia rybe heka òbiti rare. Ibutumy iny rityhynyke. ¹⁰ Inyboho raaõmysỹdỹỹnymyhỹre inatyhymy. Deuxu dori iny rityhynyre. Tii ibutumy iny tarasadu ratximyhỹre, ityhydỹỹdule tarasadure. ¹¹ Kia warybemy biernanybenyke. ¹² Iny aratyhynyõkeki kai matuari aõkõ tateki, tai ityhydỹỹdu wihikỹ mabekremy bexityhynyke. Tai tahe arybe-ò aratyhynykre aityhydỹỹna, aluuna, òbitina òraru-ki wahe. ¹³ Adehemynykre kotyre, Deuxu rybe-di mariakre dohodỹỹna heto-ki, idi belyykemy mabekemy tule biernanykemy. ¹⁴ Uritere nohõti lusaõmy kai erydỹỹdu wihikỹ tatemyhỹ. Dohodỹỹna matuari mahãdu debõtìdina-di arateõnyrenyreu, wahisidỹỹna weseõ tetate rybe-di tỹnydỹỹna òraru-ki. ¹⁵ Kia aõmydỹỹnanamy mohõtinywityhymyhỹ. Ixidile bexiywinytyhymyhỹke bede erydỹỹnana-di tule bexiywinytyhymyhỹke. ¹⁶ Tai kai òraru-ribi bexitake tule aijohonana-di òraru-ribi bitakre.

5

¹ Matuari ityhydỹỹdu mahãdu-ò ywimy aõki tamy marybemyhỹke, bowese idi atximahãke Weryrybõ mahãdu, aseriõre wesemy bitohodỹỹnyke. ² Senadu mahãdu adi wesele biernanykre. Ijadõma mahãdu aseriõre wesere ibutumy òbitilemy biywinykre. ³ Inatyhytyhy wytese mahãdu kai bityhynykre iòsỹnỹ biywinykre. ⁴ Iriòredikeki, iriòkòredikeki, juhuu iriòre biernanykre imahãdule òbitimy biwiõhenanyke idi watxireri. Kia dori Deuxu dee awire. ⁵ Wytese mahãdu ixisohojilemy rasỹnymyhỹre iriòrekõkeki, Deuxu-ribi aõna

aõna riraòmyhÿre. Deuxu dee sòwemy rexitòenymyhÿkemy. ⁶ Kia tahe wyteseò òraruna luukeki kia tahe irulemy ratximyhÿre hãre rubu rare. ⁷ Tximòtxi, kia bede ywina tahe rewahinyreri urile wytese mahãdu òwe òweòmykremy bibedeerynanykre. ⁸ Inyò juhuu tasÿreny dee idi aõna aõna taijoi dee kanawyòkeki, tii ityhydÿÿdukòdu mahãdu ratyre rabinare. Tii ityhydÿÿdu mahãdu wese aòkò dotÿÿnymyhÿde. ⁹ Wytese tÿmyrani tyyrity-ki iritidÿÿòmykre 60 ibeòraòkeki. Tule tii sohojihyyle roire hãbumy. ¹⁰ Tule tii aõna aõna wihikÿ riwinymyhÿre, tariòre ritybienyre, taroraludu-ò awimy raremyhÿ, ityhydÿÿdu mahãduwa risuhòmy raremyhÿ, aòhòkÿtyhytyhymy rotÿÿnymy rare mahãdu riwiòhenanymy raremyhÿ. Aõu aõu heka iny witxira riwiòhenanymy raremyhÿ taworana bedehesi-di. ¹¹ Wytese tÿmyrani heka tyyrity-ki iritidÿÿòmykre. Hãbumy herimy rôhòtinymyhÿre wana, tai Kristu-ribi tòhòti rosamyhÿre. ¹² Tarybe wiyidÿÿna riywinyòlemyhÿre, tai iurenana tahe tuudÿÿdumy Deuxu-ò ratximyhÿre. ¹³ Hetomy raweryw-erynymyhÿre kia urenana urile raujòmomyhÿre aõna aõnalemy. Aò heka riwinyòlemyhÿre. Kia ratyre bina tahe tuu rybenanamy aòkò rybebinamy rarybemyhÿre. ¹⁴ Kia heka wadee awire wytese tÿmyra hãbumy roikre, rariòrerenykemy, tule taheto riywinykemy. Kia wese iòludu inydeereny aõna aõnabinamy rarybeòhÿkÿkre. ¹⁵ Wyteseò dori Satanasi hemy roire. ¹⁶ Wyteseò ityhydÿÿdusÿ-ki rarekeki, tii heka riwiòhenadÿÿ rÿikre. Kiawese dohodÿÿdu mahãdu nieru tamy ritakre. Kia nieru rayrubunykre. Tahe rawahikre ixisohojile ratximyhÿre-ò.

¹⁷ Matuari ityhydÿÿdu mahãdu iny rityhytyhynykre. Dohodÿÿna mahãdu aòmydÿÿnana òbitimy retehemy ratximyhÿkeki, ratyhytyhynykre. Inatyhytyhywityhymy kowa òbitimy relyymyhÿre tule rybe wihikÿ rierynanyamahãre kia heka raòwywikre. ¹⁸ Tai tahe raritidÿÿmy roimyhÿre: —Broreni maixòmotyre itwysdÿÿmy rariamyhÿu, iry ratòbònyòtyhy ibyre lau. Tule ròritidÿÿmy roimyhÿre:

—Mobo raaòmysdÿÿmyhÿre, tii heka iny riòwynymyhÿre.

¹⁹ Matuari mahãduò iny tuu raujòmokeki, tuu arityhynyòtyhyke. Tuu lo-bixidu inatxi ada inataòkekile, aratyhydÿÿkre. ²⁰ Tii inatyhymy òraruna-txi resereu, kai tamy marybeke iòrarumy ibutumy inyko-txi. Iurenana tahe ijò iny ruberumy rÿimyhÿkremy. ²¹ Adee ararybekre. Deuxu, ÿjureny, Je-suisi Kristu-wana ibutumy warybe-ò roholareri. Kai warybe biywinykre. Myheka wiratyre widi rôhòtinnyòtyhy. Tiemy wiwese weselekemy rÿikemy. ²² Uritere rybe-di tÿnydÿÿdu tÿmyra juhu biurihike idi tahe debòtidina-di biteònyke rybe tÿnydÿÿmy. Kawese aòkòkeki heka hãbu òrarunamy tu-udÿÿdukremy òsana mabekre. Aòmydÿÿnana tiemy òbitimy biywinymyhÿ. ²³ Bee sohojilemy aòkò biòkre urihimòmy vÿimy biòkre. Kai dori awo ibina-reriki tiemy tuu abinareri. ²⁴ Ijò òraru aòwesele iny kanatÿnykre, bedeluura aòwesele kòdòhònykre. Ijò òraru taheka idile kanatÿnykre. ²⁵ Ruxetòenawihikÿ iwesele rare. Ele tii raeryòtyhy idi tahe iny rierymyhÿre.

6

¹ Ibutumy wetxuò tawedu rityhynykre. Tawedu rityhynyòkeki heka Deuxu nibinarybemy iny rarybekre. Tule ityhydÿÿdu eryna binamy rarybekre.

² Weduò ityhydÿÿdukeki, kia heka ire ratyhydÿÿmyhÿke tule aònityhymy tamy aòmysdÿÿkre. Tii dori ityhydÿÿdu seriòre wese rare. Kia dori

taaòmýsýdýŷnyteri ityhydýŷdu wídee. Kaiboho ixideerenyle wíluukemy. Kia tule bierydýŷnykre.

³ Inyò erydýŷna witxira ròerynanykeki kia òbitimy aòkò Jesuisi Kristu Rybewihiký wese aòkò ratxiikeki, ⁴ kia hābu ixiwede rare, aò rieryòlere. Kia hābu urile dýŷraxidýŷ luure. Kia dýŷraxidýŷ-ribi ibutumy rybe jei ròhònymyhýre. Iribi tahe tule rexinaanymyhýre, raujòmomyhýre, rexiwodohonanymyhýre. ⁵ Raruimyhýre. Kia ibutumy rotýŷnyrerí, hābu tòhòtina òweòwere. Inatyhyna-ribi kia hābu tòhòti rosare. Ityhydýŷdureki tii ròtakemy ixidi ratximyhýre. Kiamy heka ròhòtinymyhýre. ⁶ Inatyhymy ibutumy heka tai iny aòtyhydýŷdu-ki taaò-di teysakreki. ⁷ Aò kabede-ò iny ixihemy diwyòhyydenyde inatyhymy heka rukururenykreu tule aò ixihemy kabede-ribi rikiwyòtyhyrenykre. ⁸ Iny tydyrenykeki, iny rýsýnadirenykeki, urile reysarenykre. ⁹ Tahe inyò ityhymy ixidikeki, tii òraruna-txi resekre. Kia heka iny rexiburemy, rexibinanymyhýre, tule rexiraykyitxýtenymyhýre. ¹⁰ Inyò nieru luukeki, tii aò òta òta òraruna-txi resekre. Kia-di heka iny sòwemy ityhydýŷdu mahādu-ribi ròhònyra aòhòkýmy rotýŷnyrenykre.

¹¹ Kai Deuxu ijoi tate. Ibutumy kia-ribi bexiemy mabekre. Uritere ityhymy ixi-di nohòtiòmy tahe awimymabekremy mohòtinykre. Deuxu wiwese, ityhydýŷdutyhy wese, Deuxuluu wesemy. Tiiemy heka òbitimy atximahāke, ywimy ainytyhymy atximahāke. ¹² Aòu aòu òbitimy atximyhýkemy marurunye, umy tuedekònahaký bitakemy, kai tule inatyhy rybemy tarybete inysòweko-ò, Deuxu dori adee rarybere juhū. ¹³ Inatyhymy adee ararybekre. Deuxu adee ijohonadu rare. Tule Jesuisi Kristu wadee ijohonadu rare. Tii inatyhy rybemy tarybete Ponsiu Pilatoko-txi. ¹⁴ Kaheka warybe rare: Kai heka bede ywina bityhynyke aò bede ywina tyryiti òraru-ki aòhe botýŷnyòtyhy. Biraòke Inywedū Jesuisi Kristu dehemyrynyna txuu. ¹⁵ Tiutxukremybo Deuxule kedexitýnynykre, tii deysana wedu rare. Tii sohojile heka Iòlòmy rare. Ibutumy Iòlòwedū rare. Ibutu wedu wedumy rare. ¹⁶ Tii sohojile heka tiu rurudýhy rarekre. Tii irehetyhymy loosònawo-ki rasýnymyhýre. Tiimymy heka inyò tuu robiòtyhyre. Inyò tiu iòhòmy tamymy rehemyòtyhy. Tamymy rikiwodeysanyrenykre. Tiòhe aòu aòu taruru-di ratximyhý.

¹⁷ Kai marybekre iaòdi mahādu-ò uritere ta aòna aòna-di rexiwowydynyòtyhy, iaòna aòna dori rýiòhykre. Tahe Deuxule rityhynykre. Tii dori ibutumy aòna aòna wiwihiký inydeereny riwahinyre. ¹⁸ Tii aòna aòna wihiký inydeereny riwahinymyhýre. Iaòdi mahādu uritere aòwihiký-di ijò-ò ríwíohedýŷnykre. Aòu aòu ròwirareamyhýke iny-ò. ¹⁹ Kia wese tiiboho ributunynyrenykre. Aòna aòna wihiký biu-ki awimymy idi rarekre. Tule umytuedekònahaký tiiboho ritarenykre.

²⁰ Kai Tximòtxi, aòbo adee rawahidýŷre, kia biyrubunykre. Rybe òwe òwe-ribi irehemy mabekre. Aòbo heka raninireri bedeerydýŷ kia heka inatyhy aòkò rare. ²¹ Inyò kia aò erydumy ixi-di nohòti-ki, rexitara ityhydýŷdu mahādu-ribi. Deuxu deysanamymy adee ratximyhýkemy idi watxireri.

2 Tximòtxi-ò Paulo Inatxina Tyyriti Tximòtxi-ò

¹ Paulo jiarỹ rare. Jesuisi Kristu deòdu jiarỹ rare. Kia jiarỹ rare Deuxu-deewireki wahe. Jesuisi Kristu juhoo rarybere, umy tỹmyra tuedeõna inydeereny kidiwahinykremy. Tii kia wedu rare. ² Kai Tximòtxi, wariõre walu-unadu wesemy atximahãte. Kia tyyriti adee ariwahinykre. Wiõhedỹỹna, ruxetõena, ywina, Deuxu Inytyby-ribi, Jesuisi Kristu Inynyrỹ-ribi adee kede-hemynykeny watxireri.

³ Deuxumy reàlãreri iwese wahabohomy reàlãre wese. Wanohõti Deuxu-ò ywile jiarỹ rare. Aõu aõu adee, Tximòtxi, rexitõenymahãre. Txuõ txuõlemy, ruwana Deuxu-ò rexitõenymahãre. ⁴ Iu rareu, arube-ribi wanohõti rosaõhyymhỹre. Arora-ò arakemy watximahãre, wadeysatyhymy ararekemy. ⁵ Atyhydỹỹna-ribi wanohõti rosaõthy. Alahi, Lõide, juhoo rityhynymhỹre. Idi adi, Eunisi, tule rityhynymhỹre. Kai tule wiji tetyhynymhỹte inihe. ⁶ Kia dorihe itxi õhõti reijaranyreri. Wadebõ tahe aratityre retidireu, arayky-ò Deuxu aõ riwahinyre awahisidỹỹna wesekremy. Wiji kia arayky woludu rõrõra wana biixixanyke. Kia dori Deuxu wahisidỹỹna rare. ⁷ Deuxu-wana iny ruberuõthy. Tii dori inydee ruru riwahinyra, luuna riwahinyra, tule bedeerydỹỹna riwahinyra. ⁸ Tule Deuxu rybemy rybe-ki ixỹruõlemy. Deuxu rybemy rybe-ki wamy maixỹruõthy. Deuxu rybemy rybe-ki tahe, rõtenawo-ò riwatidire. Kia tahe awire. Deuxu rybe wityhydỹỹna-ò aõhõkỹmy rokotỹỹnykre. Deuxu dori inydee ruru riwahinyrymỹre. ⁹ Tii heka iny ritarenyre biu-ò hena riwahinyre wahe. Tai taaõmysỹdỹỹna inydee diwahinyde. Iny awirerimy rareki aõkõ inydee diwahinyde. Taruxetõenale-ki inydee diwahinyde ixideewireki. Juhu bedeu Jesuisi Kristu õraru-ki ruxetõena inydee diwahinyde. ¹⁰ Kia ruxetõena wijile rehemynyra inydee. Jesuisi Kristu inytarasadu kia diwyde. Tii rubunale riixãwididỹỹnyre. Biu-ò hena Rybewihikỹmy kia ritỹnynymy diwyde. ¹¹ Riware tarybemy rybedumy. Rybedumy riwateõnyre, tule bedeerydỹỹdukemy riwateõnyre. ¹² Tai judeukõdu mahãdu õraru-ki aõhõkỹmy ratỹỹnymahãre. Ihãrele tahe raixỹruõlemahãre. Rexierye dori tii rityhynymahãre. Reerye dori tii ruru dire waaõmdỹỹnana tamy retidire iyubudỹỹmy kiatxu-ò. ¹³ Waaõti rybe biywinyke juhoo kia wamy taholate, ityhỹdỹỹna-di. Biywinyke luuna-wana. Jesuisi-ki tahe luuna tyhy rare. ¹⁴ Timybo Deuxu adee diwahinyde, biyrubunyke. Deuxu Tyytybytyhy dori inywo-ki ratxireri.

¹⁵ Ibutumy kabede ludu Asia ludu riwarira. Fikelu ijõnre. Erimojini tahe ijõre. Kia tahe kai teeryte. ¹⁶ Inynyrỹ ruxetõena kidiwahinykeny watxireri Onisiru sỹmahãdu-ò. Tii dori aõu aõu riwawiohenanyre areysakemy. Tiu riixỹrudỹỹnyõthyre wawomati reroti-di jiarỹ ranyreriki. ¹⁷ Tai tahe Roma hãwãhãkỹ-ò ritehemynyreu, riwaijehyyre; idi tawa-ki rahare. ¹⁸ Iny Iolõ ruxetõena tamy kidiwahinykeny watxireri kia txuu. Efesu hãwã-ki dori Onisiru riwawiohenanythyre. Kia teeryte waratyremy.

2

¹ Kai tahe wariõre wese tate. Jesuisi Kristu lãhãna-ribi ruruna bitake.

² Aõbo wary-ribi taholatemy iny sõweko-ò relyyreu, kia ijõ iny õbiti-ò tuu

belyykre. Iny rexihumy rarekoòle tuu belyykre. Idi tahe tiiboho inywitzira ribedeerynyrenykre. ³ Waaðhòkỹmydỹñana wawana tuu botỹnykre. Jesuisi Kristu soldadowihikỹ-wesemy kai mabeke. ⁴ Soldadoò tadinodu aõmydỹñanale rityhynymhỹre. Tii ixideewimy rarutaaõtyhy. ⁵ Ijesudu ijesu ritake òbitimy resukekile. ⁶ Oworuwidỹdule juhuu suribi bederaty ritamhỹ. ⁷ Aõmybo wiji raryberadi mohotinyke, raweseranyreki. Inyiòlò ibutumy araerynanykre. ⁸ Jesuisi Kristu rubu-ribi ixixadu-txi òhòti reake. Ihetxiu Davi Jesuisi labiemy raremyhỹ, iwese inyrybewihikỹ rarybere wese. ⁹ Rybe wihikỹmy relyyke dori womati reroti-di rataamy aõhòkỹmy ratỹnyreri, aõbina widỹdu wesemy. Deuxu rybe tahe, inyò ritaatỹtyhy. ¹⁰ Ibutumy reòludunymahãre ityhydỹdu mahãdu dee, Deuxuhòrò dee. Ki-aboho Jesuisi Kristu tarasanamy ritakemy idi watxireri. Tarasana, làhàna aõu aõu ritakemy idi watxireri. ¹¹ Rybe inatyhy rare. Jesuisi Kristu-wana iny rurukeki, irumy tii-wana aroireke. ¹² Inyboho rikityhynyhyrenykeki, tii-wana riòlònyrenyke. Inyboho Jesuisi rikitxiònyrenykeki. Tii tule iny ritxiònykre. ¹³ Iny rikityhynyòrenykeki, ihãrele tii ityhyhymy rarekre. Tii rexitxiònyòtyhy.

¹⁴ Iny nohòti kia-txi reakemy biwisỹnyke. Tamy marybeke ujòmohyyòmy rarekemy. Ujòmo tahe wiòhedỹña aòkò rare. Ujòmo-ò ijohonadu urile ujòmodumy relekre. ¹⁵ Kai tahe marurunyke Deuxudeewimy belekemy. Kai Deuxu deòdu tate. Kia rybe inatyhy-di òbitimy maraykynyke, idi tahe, bierynanyke. Tahe bexiixỹrudỹnyòtyhy. ¹⁶ Rybe òweòwemy rybedu-ribi irehemy bekieke, rybebina-ribi tule. Kia rybedu urile raòrarunynihikỹmyhỹke. ¹⁷ Kia erydỹña reuròmyhỹre yjy wese. Imineu, Filetu-wana kia wese rierydỹñanyre. Kia rybe inatyhy-ribi rexihitxinyre. ¹⁸ Tii rarybemyhỹre: —Iny ixixana dorihe reara. Kia rybe-di ityhydỹduò wimy uriurile rityhynyre. ¹⁹ Deuxu hòrò tahe inatyhymy rỹrakre. Kia tahe urihixina rare: —Deuxu tahòrò mahãdu rierymyhỹre.

Ijò tahe:

Inynyryỹ ijoimy iximy rybedu, òraruna heka riatykre.

²⁰ Ityhy mahãdu hetonihikỹwo-ki womati tỹrỹrỹhỹkỹhyna, pratahyna sohojile aòkò rỹire. Òwòruhyna, suhyna tule rỹire. Hynaò tahe rỹsỹnawihikỹ hyna rare. Ijò tahe rỹnysi-di dehuna rare. ²¹ Kia hyna wese iny rỹira. Ijò rỹnysihyna wese rỹikeki, idi rexisuhokeki, rỹsỹnalrallyra wesemy reuròke. Tawedu-ò awimy rỹike, tawedudeewimy. Tai tahe aõ wihikỹhynamy rexiywinymy rỹire. Kai tahe iwesele mabeke. ²² Kai ijoi tỹmyra tate, amahãdu òraruna-ribi beziekemy; ixi-ribi aõ-di ròhòtynyre, kia-ribi mahenyke. Òbitina, ityhyna, luuna, ywina-wana biheludunye. Deuxu-ò rexitòenyke òbiti mahãdu-wana. ²³ Erysydỹña itxỹtemy wiribi rybeòmyke. Kiaribile ujòmo ròhònymhỹre. ²⁴ Deuxu deòdu raujòmonyòtyhy. Tii tahe iny ibutu dee ywimy risỹnymhỹre, erydỹñamy rexihumy ihỹmyhỹre. ²⁵ Ywina-di riòbitynyre iny ixitxiòdỹña mahãdu. Tii heka riraòreri Deuxu worahòresena tamy riwahinykemy. Idi tahe inatyhymy rierykemy. ²⁶ Tule itxỹte-ribi ròsekemy, Satanasi reroti-ribi rexitakemy. Tai tahe Satanasi rimyrau tahe ritaataara teewimy riwinykemy.

3

¹⁻² Bededỹñana konanamy bededỹñana sirahakỹ kỹnykre. Kia tahe bieryke. Iny ixideewimy riwinykemy ixi-di ratxikre. Nieru tarasalemy ixi-di rexinohtidỹnymhỹke. Rybetyhyhỹkỹlemy iximy rarybekemy ratxikre.

Ixidee awihikÿlemy rôhôtinykemy ratxikre. Rybebinalemy rarybemyhÿkre. Tyby ise-wana riywinyôhyymhÿkre. Inyô-ò aômy reâlâôhyymhÿkre. Ôbitiry rityhynyôhyymhÿkre. ³ Iny-ò tuuna ihoôhyyre. Inyô ibiôwamy rareôtyhy. Aôbina binalemy inymy relyymhÿkre. Rexiywinyôhyymhÿkre. Reburehekÿ rariamyhÿkre. Ôbitimyno ibinahyymy rarekre. ⁴ Iny deôsadyÿdumy rarekre. Ixiluunadumy rarekre. Ywimy aôkô rarekre. Iwisÿdÿÿna luuhyymy rarekre. Deuxu tahe tuuôkre. ⁵ Ôbitimy risÿnymhÿre wese tahe ôbitiruru ritxiônymhÿkre. Kai, Tximôtxi, kia iny-ribi irehemymabeke. ⁶ Kia hâbu tahe hetoô-ò ralômyhÿre. Hâwyy uri uri rÿira xiwedeô-ò ôrarulÿxina-di ralômyhÿre. Kia tawisÿdÿÿna-di rierynanyhÿre tarybewiwidile, tahe hâwyy rityhynymhÿre. ⁷ Kia hâwyy aôu aôu rôerykemy ixidi rôhôtinyhÿre, urile tahe inatyhyna tiu rieryôtyhy. ⁸ Iwese ihetxiu Ijâni, Ijâbri-wana Moisesi ôludumy rÿire wese. Wiji tule kia hâbu inatyhyna ôludumy rare. Irayky rawerynyre. Ityhydÿÿna-di deôsanamy rÿimhÿre. ⁹ Tiu tako-ò raôtyhy, iitxÿtereriki, kia iruina ôraruna ibutumy iny rierykre, iwese Ijâni, Ijâbri ôraruna ibutumy iny raeryre wese. ¹⁰ Kai, tahe waerydÿÿna-ò taholahyymahâte. Iwese raremahâ wese tiwaheludunymahâte. Watyhyna teerymahâte, wadeybina, waywina, waluuna, waixiôlôdÿÿna. ¹¹ Aôu aôu inybinahakÿ wadi riwisÿnyreri, tule aôhökÿmy ratÿÿnyreri. Kia ibutumy teerymahâte. Kia wade rotÿÿnymy rÿire Atxiôkia hâwâ-ki, Ionio hâwâ-ki, tule Listra hâwâ-ki. Aôwitzira witxiramy aôhökÿmy ratÿÿnymahâte. Wanyrÿ tahe ibutu-ribi riwatere. ¹² Inyô ôbitimy ratxikeki Jesuisi Kristu-ò, tii aôhökÿmy rotÿÿnykre iôraru-ki. ¹³ Hâbu bina bina rabinahykymy rarekre, tule hâbu inatyhy aôkô rabinahykymy rarekre. Inyô tiiboho riitxenanykre, tule tiiboho inyô kidiitxenanykre. ¹⁴ Kai tahe aôbo teeryte, kia-di mohôtinyke aôbo tetyhynymahâte-di. Tahe tiribibo teeryte, ôhôtikile idi mabekre. ¹⁵ Uladuribile teeryte Deuxu Tyriti. Kiadile bierykre Jesuisi Kristu tarasadÿÿna idi bimykremy. Kia adee kanake bityhynykeke kÿnyhe. ¹⁶ Ibutumy Tyritityhy Deuxu elewesenamy nade. Bedeerysyna urenana heka rare. Ôrarudu ôbitidÿÿna heka rare, ibutumy riôbitinykemy. Tule aôbo awihikÿmy raremy riernanykre. ¹⁷ Deuxu deôdu dori ôbitile rÿirakemy. Aôwiwihikÿ widÿÿna aôbo dori rexihulemy rÿirakemy.

4

¹ Deuxu, Jesuisi Kristu kiaru-ki arâteonykre. Jesuisi Kristu dori rubu mahâdu iru mahâdu-wana wiribi rihitxinykre, tii taôlôna kaô kidiwykreu. ² Belyyke Deuxu rybemy, inydee awikeki, tule inydee awiôkeki. Ywina-di iny biôbitinyke. Iny biwiôhenanyke. ³ Bededÿÿnanabina kanakre. Kia txuu erydÿÿdu ôbiti-ò roholaôhyyre. Erydÿÿdu ributunykre tamydeewimy. Iwese iny tôhôtî nohôtijuty-ò rotÿÿnymhÿre wese tamy wimy aôna aônaôle roholamyhÿkre. ⁴ Inatyhyerydÿÿna-ò roholaôhyymhÿre. Urile ihetxiu ijyÿôle roholakemy ixidi ihÿre. ⁵ Kai tahe ywimy maraykynyke. Ibutumy aôhökÿmy botÿÿnyke. Deuxu Rybewihikÿmy belyyke kia tahe aômysÿdÿÿnare Deuxu adee riwahinyre. Idi hyyemy mabekre. ⁶ Iny riwawahinyke xiwena wesity rubu-ò. Waixituededÿÿnana heka rehemyreri. ⁷ Ijesu wihikÿwesemy tahe rexiijesudÿÿnyre wese. Rekonananyra heka waumy ijera. Retyhynyhyra tahe ityhyna. ⁸ Ôbitiwidÿÿna raheto wese wadee rexihumy roire. Wanyrÿ, ywisidÿÿdu ôbiti, riwawahinykre kiatxuu. Jiarÿ sohojiôle aôkô.

Tahe tule iraròsòdu mahādu-ò. Jesuisi dehemynyna luumy kia mahādu roimyhÿre. Tamy tule rataanaò raheto wese riwahinykre.

⁹ Wylemy inihe waroramy manake. ¹⁰ Dema riwarira Tesalonia hāwā-ò rara. Tii bedede aōmydÿÿnana luure. Kalatxia bedede-ò Kresetxi rara. Dal-
imasia bedede-ò Txitu rara. ¹¹ Luka-wanale watzireri. Tahe kai Marku
bididykre, wawiohedÿÿdu wihikÿmy rarekemy. ¹² Txitxiò heka Efesu-ò
reteònyre. ¹³ Kai tahe manakreu warahana bidiwykre. Troaji hāwā-ki
Karpu heto-ki tahe warahana rerire. Watyryiti tule bidiwyke tyryiti welÿte
tule nohōti losaōtyhymy. ¹⁴ Alexÿdre womati loresedÿÿdure warybe dibi-
nanymyhÿde. Wanyrÿ iōwydÿÿna tamy kidilidikre riwabinanyreki. ¹⁵ Kai
bexiekre kowa-ribi, inyrybe dori rityhynyōhyymyhÿre. ¹⁶ Juhuu dinodu-ò
rewyònyreu inyō riwawiohenanyōhyyre. Ibutumy rirahure waribi. Aōbo
wabinamy riwinyre-ribi Deuxu tōhōti rosamy watzireri. ¹⁷ Wanyrÿ tahe, ri-
wawiohenanyra Deuxu rybemy rybe-ki. Iny witxira dori, judeukōdu mahādu
roholamyhÿre. Leaōry-ò, wadi rehukōra. ¹⁸ Wanyrÿ tule riwatakre ibutumy
aōmydÿÿnana bina bina-ribi. Kowa bedede wihikÿ-ò riwadykre. Tuu rekeālākre
aōu aōu bededÿÿnana roobymy. Kie.

¹⁹ Warybe wehityyna Prisila-ò, Akila-ò biōkre tule Onisiru sÿ mahādu-ò.
²⁰ Erasto, Oritxi hāwā-ki rarire. Trofimo, Miletu hāwā-ki binamy resere.
Taile heka rarira ibinamyhÿreki. ²¹ Wylemy manake inihe beòrako-ki. Ubulu
tarybewehityyna adee riwahinyre. Tu Prudente, Lino, Laujia ijōre. Tule
ibutumy ityhydÿÿduseriōre rybe wehityyna adee riwahinyreri.

²² Wanyrÿ awana ratxikemy watxiwāhāre. Tule lāhāna umy-wana
ratxikemy watximahāre. Kie. Paulo

Txitu-ò Paulo Tyriti Txitu-ò

¹ Jiarÿ Paulo rare. Deuxu deòdu rare. Jesuisi Kristu riwamyre inatyhyna aritÿnynkemy. Kia tyhydÿÿna, Deuxu tarasana mahâdu hõrõ rare. Kia ityhydÿÿna dee inyõ rierykeki, rityhynykeki, Deuxu deewimy tii rarekre. ² Umytuedeõnahakÿ iny riraõmyhÿre. Deuxu dori tuu rarybere ihetxi bedeu. Deuxu heka tiu raruiõtthy. ³ Ibededÿÿnana òbiti dehemynde, Deuxu aõmydÿÿnana rarybekemy rotÿÿnyre. Kia aõmysÿdÿÿna wadee Deuxu riwahinyre, iny tarasadurenymy rybe-ò. ⁴ Txitu-ò kia warybe rewahinyra. Kai iny-wana Deuxu tetyhynyteri, kia dori inatyhymy wariõre wesemy Tate. Deuxu, iny tyby-ribi, Jesuisi Kristu, iny tarasadu-ribi, Deuxudeysana-di, ywina-wana adee kanakemy watxireri.

⁵ Inyaõmydÿÿnana biòbitinykemy dori adee adiride. Kreta bede-ribi ròhònyreu, dori waaõmysÿdÿÿna rehuõre. Kia-ki dori kowa-di anaride. Ibutumy hãwã hãwã-ki ityhydÿÿdu mahãduy-ribi kai matuari mahãduõ bimykere. Iwese jiarÿ rarybere wese kai bimykere. ⁶ Matuari òbiti bimykere. Matuari ihãwy sohojiõ rÿira bimykere. Inyõ ityhydÿÿdumy riòrenadule bimykere. Iriõre iòraruluukeki, iehehekeki, kia hãbu bimyõke. ⁷ Ityhydÿÿdu mahãdu yrubudÿÿdu òbitilemy dori ihÿkemy. Inyõ-ki heka ibinamy mahakeki, imynyõmy. Tii dori, Deuxu dee raaõmysÿdÿÿkre. Ixidile nohòtidu mynyõmy. Hãbukyara rybebyby, mynyõmy, vÿi luudu aõkõ, hãbu aõbinaluudu aõkõ, hãbu ityhymy nohòtidu aõkõre. Kia mynyõmy. ⁸ Iny inatyhyle, òbiti luunadule, taroraludu-ò awire mahãdu, iny aõwityhy luunadule, ixiwedule, Deuxu rybe tyhydÿÿdu, kiale bimykere. ⁹ Deuxu rybe-di kia hãbu òbitimy ròhòtinykre, òbitityhylemy riernynankemy. Inyõ ierysydÿÿna rityhynyõkeki, erydÿÿdu irayky riywinykre tai ihewo-ribi rieryke, rityhynkemy. Tule iny iwitxira erydÿÿna-di rarybemyhÿreki, tii riòbitidÿÿnyke.

¹⁰ Iny sòwemy inatyhymy rityhynyõreri. Tii dori aõna aõnalemy rarybemyhÿre, ityhydÿÿdu mahãdu riitxenanyhÿkemy. Kia mahãdu-ribi, judeu mahãdu ibutu ratyre kia aõna aõnamy rotÿÿnymyhyre. ¹¹ Inyõ kowa mahãdury riyrykemy tamy rarybeke. Iny sòwemy heka riitxenanyhÿre. Òbitimy aõkõ heka iny riernanyhÿre. Nieruõle heka iny riernadÿÿnymyhyre. ¹² Kowa mahãduõ, ierydÿÿduõ rarybera:

—Inyboho, Kreta bedeludu mahãdu, ibutumy ruidu roire. Iròdu brebuna wese iny roire. Inyboho heka teoruxere roire. Byrelemy inyboho ròhòtinymyhÿrenyre.

¹³⁻¹⁴ Aõmybo kahãbu rarybera heka inatyhy rare. Urenana tahe arurumy rityhynkemy. Judeu mahãdu ihetxiu ijyy-ribi tòhòtirenny rosakemy kai marybeke. Hãbu mahãdu bede ywina rityhynyõkemy. Kia hãbu dori inatyhyna aõkõ rityhynyre. ¹⁵ Òbiti mahãdu dee ibutu òbitire. Ityhydÿÿdukòdu mahãdu-ò aõ aõkõ òbitire. Tòhòtinarenny dori aõbina binalemy ròhòtinymyhÿre. Aõu tii rexieryy aõbinahakÿ riwinykemy. Deuxu-ribi tòhòti rosare. ¹⁶ Tiiboho rarybemyhÿrenyre: —Deuxu inyboho reeryrenyre. Tiiboho tahe Deuxu erydu wesemy aõkõ aõna aõnamy rotÿÿnymyhyrenyre. Tiiboho iny riojinyrenyre rybemy reòbyõlemyhyrenyre. Aõwiwihikÿ widÿÿ rieryõrenyre.

2

¹ Kai, Txitu, aõernawihikýdibo biernanymyhyke. ² Matuari mahádu kai biernanyke hábu ixiwedú mahádulemý roirelemý, ywimý nohóti wydynadu mahádu roirekemy, òbitilemý rityhynykemy, ibutu òbiti luukemy, iixiraterekemy. ³ Senadu mahádu tule biernanyke iyrubumý rýikemy iujómoómý rýikemy, tule víl luuómykemy. Aõernawihikýdibo biernanymybenykemy. ⁴ Háwy týmra hábumý heridu týmra tahábu luukemy, tariòre luukemy, kia senadu mahádu riernanykre. ⁵ Tuu iyrubumý rýikemy, òbitimý raraykynymý rýikemy, taheto riywinymý rýikemy, awimý rýikemy, tahábu rybe riywinymý rýikemy. Kia wesekeki, Deuxu rybemy inyò ibinamý rarybeótyhy. ⁶ Weryrybò mahádu tule biernanyke iyrubumý rýikemy. ⁷ Kai, Txitu, aõna aõna wiwihikýmý botýýnykre, tai tahe ityhydýýdu mahádu awesele aõna aõnamý rotýýnykre. Kai biernanykeu, òbitilemý inatyhymý biernanykre. ⁸ Arybe òbitityhydile biernanykre. Tai tahe aóludu raixýrukre aómý dori umý rarybeótyhy. ⁹ Kai biernanyke urideòdu mahádu tawedu rityhynykemy. Tamy awimý raaómysýdýýnykemy. Tamy heka ròrawyòdýýótyhykemy. ¹⁰ Rawasinyke aókòre, ibutumý òbitilemý riwinykemy. Kiawesekeki, ibutumý Deuxu inytarasadu deewimý riwinykemy. ¹¹ Deuxu taerydýýna-di taluuna ibutumý iny-ò rexideósinyre. Taluuna tahe inytarasana-ò rehemynymý raremyhý. ¹² Kia heka iny tuu robikeu, awimý erydýýna rahake. Riwaernanymyhy aóbina bina widýýmý tule òbitina-di yrubudýýna-di iny rariakemy kabede-ki. ¹³ Tule iny riraómyhýrenykemy iny Deuxu wihiký iny tarasadu Jesuisi Kristu loosónatyhywo-ki kedehemynykre. ¹⁴ Iny òwymý dexiwahinyde iny òraru òwydýýrenymý. Kiawese heka iny riwyre idi riratisenbyre iny ijoy lyrahaký ixidee rimyre. Kia ijoy iluure.

¹⁵ Kai, Txitu kia aõna aõna inyko belyke. Tai Deuxudeewimý riwinykemy urenana rakatzirenykemy. Iny biernanykre. Iny biòbitinykre. Iny ibutumý rityhynykemy matxibenyeke.

3

¹ Kai ityhydýýdu mahádu ixi bitòhótiijeranyke ibutumý háwā dinodu, bede dinodu rityhynykemy, tabede ywina rityhynykemy. Tule aómysýdýýnana wihiký riywinykemy. ² Modee heka ibinamý rarybeótyhy, raaóbinanyótyhy ywimý rarekemy, moheka iehehemy riywinyómyhýre. ³ Inyboho heka tule iehehe roiremyhý, iitxýtemý roiremyhý, òraruluunamý iny riitxenanyroiremyhý, òtaluumý roiremyhý. Aóbina bina luumý iny witxira aõna aõna-di wii risýnymý roiremyhý, wideramý roiremyhý. ⁴ Tahe Deuxu iny tarasadu luuna, ruxetòena-wana inydeereny dehemynydeu, tii kia-ribi iny ritarenyre. ⁵ Kia aõna aõna wihiký iny riwinyrenyreki aóki, iny Deuxu ritarenyre, taluuna-di tahe iny ritarenyre, Jesuisi òraru-ki xiery heka Deuxu riwatýmyranyre Tatytybytyhy-di. Umytýmra riwahinyrenyre, riwasuhòrenyra. ⁶ Tatytyby inyde riwahinyre Jesuisi Kristu iny biu-ò hedureki. ⁷ Kiawese iny riwaòbitinyrenyre taluuna-di. Katahe inyboho umytuedeóna ijòdire. ⁸ Kia heka inatyhy rare. Ka aõna aõna biernanytyhykeu, tahe wadee awikre. Kia wese Deuxu ityhydýýdu mahádu aówihikýlemý ròhótinymyhyke tule rewinymyhýkemy. Kia heka awire. Kia iny riwiòhenanymyhyre. ⁹ Ýraxina itxýte kai rýýraxidýýómy, iwyòdýýómy, rybe jei jei-ribi irehemy mabekre, tule lahi òraru rybe-ribi. Kia rybe aó aókò rare. Awi aókò rare, iny riwiòhenanyótyhy. ¹⁰ Hábuò rybe òwe òwe-di ityhydýýdu riernanykeki, aruru

rybemy tamy marybeke. Kai inatxi rybemy marybekeki, tii rexiòbitinyõkeki, tahe uritere aõna aõnamy tamydỹỹõmy. Tii òrarudu dori ratximyhỹre. Hãbu òbiti aõkõ. ¹¹ Tiile rieryre tuudỹỹdumy ratximyhỹre.

¹² Jiarỹ, Txitxiò, Atema-wana aõrysmy ariteònykreu. Niòpòli hãwã-ò wadee manakre. Kowa arasỹnykre ibutumy biu bedeu. ¹³ Zena, bedewina erydỹỹdu, Apòlo-wana kai itỹinareny-ò biteònylebenyke aõmybo tamy biwahinymyhỹke. ¹⁴ Biernanyke iny aõmysỹdỹỹ wihikỹkemy rotỹỹnymyhỹkemy. Kia wese aõbo rauhenyreri tamyreny ijõdikre. Tai riwiòhenanykre.

¹⁵ Ibutumy kaki jiarỹ-wana iny rybe weityhyna adee rewahinyrenyreri. Warybe biwahinyke ibutumy inyluudu ityhydỹỹdu mahãdu-ò ibutumy adeereny Deuxu deysanamykre. Kie.

Filemo-ò Paulo Tyyriti Filemo-ò

¹⁻² Jiarỹ Paulo rare. Jesuisi Kristu òraru-ki ròtena-ki wāhāre. Tximòtxi iny seriøre wese jiarỹ-wana adee Filemo-ò rybe rewahinyrenyre. Kai inyluunareny, iny wiòhenadỹỹdu tate. Tule Afia-ò, rewahinyreri, tii iny wyòrenyõ rare. Tule Arikipu-ò, rewahinyreri iny rybe tỹnydỹỹdu-ki ijoiõ rare. Tule ityhydỹỹdu mahādu-ò rewahinyreri, aheto dohodỹỹna ijoi-ò wahe. ³ Ruxetõena ywina-wana Deuxu iny tyby-ribi, Jesuisi Kristu iny iòlò ribi adeereny kanakemy watzireri.

⁴ Deuxu-ò rexitòenyreu, atxi, Filemo, wanohòti reamyhỹre. Tai umy rarybera. ⁵ Kai dori Jesuisi tetyhynyte, inyiòlò luumy, ityhydỹỹdu mahādu luumy atximahāte. Kia-ò raholamyhỹre. ⁶ Tule rexitòenymahāreu kiamy jiarỹ rarybemahāre. Kai iny witzira-ò Deuxu aõmydỹỹnanamy belyykeu, Kristudeewimy biernanyke. Kia inyeereny rexitòenyre Deuxu-ò. ⁷ Jiarỹ wadeysatyhyreri, kai dori aluuna iny witzira dee ratximyhỹre. Kia heka deysana nihikỹ ityhydỹỹdu mahādu-ò rare, tii riwawowesenymyhỹre.

⁸ Jiarỹ timy atxikemy adee ararybekeki, tule ke heka arateranyke. Jiarỹ dori aityhydỹỹdu seriøre rare. ⁹ Tahe aluudỹỹna òraru-ki tahe adee arexitòenykre. Jiarỹ Paulo rare. Ròtenawo-ki jiarỹ roire Jesuisi Kristuluu òraru-ki. ¹⁰ Wariøre wese dee rexitòenyre. Onesimo wariøre wesemy redyreri Kristu tyhydỹỹna-ò waribi umy wese kaki ròtenawo-ki rare. ¹¹ Tiu heka adee riwahinyõmyhỹre tii dori juhuu awiòhedỹỹdutyhy aõkõ rare. Wijile tahe iny diwiòhenanymyhỹde adee wadee tule. ¹² Tii adee reteònyreri. Ixyby araòkesedỹỹnyreri. Kai ixi-ki bimye wawesemy, wadee dori tii awityhy rare. ¹³ Jiarỹ dori ixideele remyøre wawiòhedỹỹdu kaki ròtenawo-ki Rybewihikỹ dohodỹỹ òraru-ki. Kia òsỹny adee awire. ¹⁴ Urile aõkõmy marybekeki tii arimyoõthy. Kai aõ wadee bidiwahinykeki, kai ixi sohojile inihe biwahinykre. Waixitõena-ki aõkõ. ¹⁵ Onesimo heka aribi irehemy rexiijere ijõ bededỹỹnana witzirau, tahe wijile tiemy abrysimykre. ¹⁶ Juhuu wesemy aõkõ ihỹre deòdumy wahe, wiji aseriøre wesemy heka rare. Tii heka waluutyhy rare, adee tulekemy ityhydỹỹdu wese wiluukemy wadee awire. ¹⁷ Kai wabiòwakeki, tii birybenyke iwese tiwarybenymyhỹte wese. ¹⁸ Aõ adee rasiranyreki, jiarỹ ariwyònykre teròwmy. Jiarỹ iximyna kaa retyyritinyre: Jiarỹ Paulo ariòwynykre. ¹⁹ Kai waòraru-ki ityhydỹỹdumy atximahāte. Kia tahe adee tuu ararybeòthy.

²⁰⁻²¹ Warybe mynami ta kai bòwidỹỹkre Kristu òraru-ki, tai ta bi-wadeysanykre. Jiarỹ warybe rewahinyreri, araeryre, waixitòedỹỹna ratyre biwinykre. ²² Ijõmy adee arexitòenykre: wasỹ waherina aheto-ki biwinykre. Deuxu-ò bexitòenykreki, tai jiarỹ aõhe-wana adeereny aròðsekre.

²³ Epafa wabiòwa ròtenawo-ribi adee riwehityhynanyreri (jiarỹboho kaki watximyhỹrenyre Jesuisi Kristu Rybe òraru-ki), ²⁴ tule Marku, Aristarku, Dena, Luka-wana rexiwehityhynanyreri. Kia ibutumy heka Deuxu-ò aõmysỹdỹỹdumy roire.

²⁵ Jesuisi Kristu làhàna awo-ki ratximyhỹre.

Hebreu-ò Tyyriti judeu ityhydÿÿdu mahãdu-ò

¹ Juhuu Deuxu inytybyreny-ò rarybemy raremyhÿ. Deuxu rybe-ò ijohonadu-di tamy rarybere. Tule sôwemy aôna aôna witxira witxira rarybere tamy. ² Tahe ikonana wiji txuu inydeereny tariôre diteônykemy rarybera. Tii rarybere tybyderôwmy. Iriôre tahe ibutumy aôna aôna wedu rare. Deuxu iriôre kia rarekemy rarybere. Tii tule juhUU bede widÿÿdu rare. ³ Tii Deuxu loosôna tÿnydÿÿdumy ratxireri. Deuxu wesehyymy ihÿmyhÿre. Iriôre, taryberuru-di, ibutumy aôna aôna rimymy roimyhÿre. Iny ôrarunareny riixãwididÿÿnymy rahudi, biu-ki Iòlò Deuxu ruruna weribi ronyre. ⁴ Iriôre ranire niwihikÿmy. Tii dori ÿjuratyre awityhyre. ⁵ Tiu heka ÿjuò-ò rarybeôhyymyhÿre: —Kai wariôre tate. Bohyymy wiji wãhãre. Ijô ritidÿÿmy rÿire, kawesemy: —Jiarÿ tybymy ararekre. Tii wariôremy rarekre. (Kia tahe ÿju-ò tii rarybeôhyymyhÿre.) ⁶ Iriôredela kabede-ki reareu ixityre ijômy rarybere: —Ibutumy Deuxu ÿju tuu reâlâkemy. ⁷ ÿjumy tahe kawesemy Deuxu rarybere: —Jiarÿ ÿjuboho tahe yhy ele elewesemy retxienyre, wadeôduboho heôtyloosôwesemy retxienyre. ⁸ Tahe tariôremy kawese rarybere: —Wariôre, Deuxulemy atxiteri. Kai ibutumy inyiôlôhyymy rare. Aruru tuedeôna debôna dire. Wiwesemy nonana-di ibutu-ò atximahãte, ôbitimy. ⁹ Ôbitaluumy kai atximahãte ôraruna deramy tahe atximahãte. Tai tahe Deuxu, aDeuxu amahãdu ratyre awimy teleta adee riwahinyre deysana. ¹⁰ Ijômy Deuxu rarybere tariôremy: —Kai Wanyrÿ juhUU bede widÿÿdu tate. Bede ibutumy tewinyte. Tule biuludu aômydÿÿnana tewinyte. ¹¹ Kia bede aômydÿÿnana ludu ibutumy rexihukemy. Kai tahe tiu atuedeôna. Iwese uwôhi retybyre wese, kia aôna aôna retybyke. ¹² Tule wesirahana rawerasemy roimyhÿre wese ibutu tyy retybymyhÿre, rawitxiradÿÿmyhÿre. Kai tahe ixiwesehyy ahãte. Abede dÿÿnana tahe tiu itueôtyhy. ¹³ ÿjuò-ò Deuxu tiu rarybeômyhÿre: —Bodonyke waruruna weribi. Aôludu mahãdu ako-txi resemyhÿkemy. Eôdumy rarekemy. Kiamy tahe tariôre-ò rarybere. ¹⁴ Ibutumy ÿju mahãdu Deuxu deôdu rare tyytyby wesemy rare. Deuxu diteônyde ityhydÿÿdu mahãdu wiôhedÿÿmy tule ibutumy biu-ò hedu mahãdu wiôhedÿÿmy.

2

¹ Tai tahe, waseriôreboho, ityhyna rybe-ò rokoholarenyreki, tamy tahe rikimynrenyke rikityhynrenyke. Tai tahe iribi tiu ròkôirenÿôtyhy. ² Ibutumy ÿju rybe inatyhymy raremyhÿ. Ibutu ôrarudu rimyre aôhòkÿmydÿÿnana-ò irybe riywinyôreki. ³ Kia inatyhy rare. Tarasana rybe wityhy-ò rokoholarenÿôreki, timybo inyboho rikiôlônyrenyke. Kia rybe wityhy Wanyrÿ Jesusile juhUU inydeereny relyyre. Idi tahe, ijohonadu mahãdu tuu rarybere tule. ⁴ Deuxu irybe myna rotÿÿnyre, ròbedeôbydÿÿnyre tai ròbedeôtiidÿÿnyrenymy tai Deuxu ruru ritÿÿnyre. Tule Deuxu Tatytybytyhy iaôwidÿÿnany ixideewimymy riubÿÿnyre. ⁵ ÿju-dee aôkô bede riwahinyre-kia iòlômy rarekemy. Jesusi-ò kia riwahinyre. ⁶ JuhUU inyô rybe txiôdÿÿnany rarybere: —Ritina-ki kia rybe roimyhÿre: —Aôbo heka hãbu tyhy riôre rare? Tii aô aôkô rare. ⁷ Ijô bededÿÿnanaô Deuxu riôre ÿju-ribi tyhymy aôkô ihÿre. ⁸ Tahe wiji wowydyna

tamy rawahire iwese iòlò dee iny riwahinyre wese, tamy rawahire. Tule ibutu wedumy rarekemy. Iny ruereny dee ibutu ihõrõ aõkõ òsana rare. Ibutu rurudu wese aõkõ iny ruereny-ki rỹire. ⁹ Tahe inyboho Jesusimy robirenyre. Tiile tuu ihỹre. Urihimyò bedede aõmydỹỹnana bedeu ýju-ribi tyhymy aõkõ Deuxu tii relere aõhõkỹmy dỹỹnana rimykre. Tahe rurure. Rubu riurihire inyderõwrenymy. Tai tahe rataana raheto wesena Deuxu tamy riwahinyre deàlana-wana. ¹⁰ Deuxu riwinyre ibutu aõna aõna ixidee. Tii kõkeki, bedede ihoõhyymy roike. Tii ityhydỹỹdu mahãdu ridymyhyre taloosõnasy-ò, taijoimy. Tai tahe Jesusi aõhõkỹmy rotỹỹnyre Deuxudeewireki. Tarasana wydudumy heka wityhymy Deuxu delede aõhõkỹmy rotỹỹnyreki, tai awityhymy ròhõnykemy tarasadudikemy. ¹¹ Òbiti widỹỹdu tahe òbitina mahãdu-wana wimahãdu wese roire. Wiwanale sohoji tybyribile doidenyde. Tai tahe raixỹruõlemy Jesusi seriõremy rininire. ¹² Ritina-ki rarybere: —Ani aritynynykre waseriõreboho-ò. Dohodỹỹna heto-ki àlãnawiu-di adee ariwiunykre. ¹³ Ijõ Ritidỹỹna-ki rarybere: Tii arityhynyhykre. Ijõ: Kakile wahe watxireri, tule roire wariõre Deuxu diwawahinyde. ¹⁴ Iwese ibutumy inyumy wiwesele roire wese, tule Jesusi umyò rinyre, inyumy wesele, tai inywesemy rukukremy. Tai tahe rubu dinodumy rahaananyre, Diabo wahe. ¹⁵ Kia rubu mahãdu lau ruberumyhyre mahãdu, ibrebu iribi ritare. Kia mahãdu dori rububrebu deõduhyymy ihỹrenyde. ¹⁶ Ýju aõkõ ritakemy namyhỹde, Abraõ riõre riõre ritakemy namyhỹde. Tahe wiji tule ihỹre. ¹⁷ Iseriõre wese hyymy roirekemy ihỹrenyde. Tii dori Deuxu Xiwenawidỹỹdumy rarekemy inydeereny tai ruxetõena wahidỹỹdu òbiti tii ihỹre. Ibutumy iny òraru òwydỹỹnamy rỹimyhỹkemy. ¹⁸ Ibutumy ixiradỹỹna mahãdu tii riwiõhenanymyhyre, ibutumy ixirana-di aõhõkỹmy rotỹỹnymyhyreki.

3

¹ Tai tahe, waityhydỹỹdu seriõreboho, bohولاتyhyke Jesusi rybe-ò: —Kaiboho dori tule bimbybenykemy biu bedede aõmysỹdỹỹna. Jesusi iny ityhydỹỹna Xiwenawahidỹỹdu wedu tyhy rare tule inatyhyna deõdỹỹna tyhy tii rare. ² Deuxu tii riwinyre Xiwenawahidỹỹdu wedumy. Tai tahe tii òbitimy riywinyre Moisesi riywinyre wese Deuxu sỹmahãduy-ki raaõmysỹdỹỹnymyhyreu. ³ Jesusi-ò tahe sõwemy wowodyna rawahikremy. Moisesi wowodyna ratyre rawowodynanykemy. Hetowidỹỹdu iny riwowodynmyhyre, hetoratyremy. ⁴ Ibutuheto iwidỹỹdu dire. Ibutu widyydu tahe Deuxu rare. ⁵ Moisesi Deuxu heto-ki òbitimy rybe riywinymyhyre teõdu aõmysỹdỹỹnanamy. Tai tahe teõsidỹỹna ririre ijesenareki. Deuxu rybe tỹnydỹỹdu tahe Moisesi rare. ⁶ Kristu tahe Deuxu sỹmahãdu wedu rare Deuxu riõre rareki. Inyboho Inynyryreny-ò ròkõtỹhydỹỹrenykeki tuu rokoirekre. Tai iny brebuterenymy iny rarsõnareny inatyhymy rakatximyhyrenykeki tahe Deuxu ijoi inyboho roire. ⁷ Kiawesemy tahe Deuxu Tytybytyhymy narybede: —Wiji tahe tamy bohobanyke aworeny iòlududỹỹrenyõmy. ⁸ Judeu mahãdu wesemy aõkõ boibeke, tybyboho wesemy aõkõ wahe boibeke. Tiiboho dori tamy raujõmommyhyre bedero-ki Deuxu riurihirenyreu. ⁹ Deuxu rarybere: —Aõbede wiwihikỹ rewinyre hãre, alabiereny riwaitxenanyreny tamyreny watxireri iny inatxiwaitue beõramy aõbedewiwihikỹ riraõmyhyre. ¹⁰ Tahe Deuxu rarybere: —Waky reamy tamy wãhãre. Tiu heka wawana ratxiõhyymyhyre ryòbiti tamy retỹnynyre hãrele. Tawo-ki teõsahyymy ratximyhyre. ¹¹ Deuxu rarybere: Waky reatyhymy tai tahe

ixidee resere, inatyhymy rarybere: —Tiu tiiboho elehyna bede-ò ralòòtyhy. ¹² Bexiijebenymy waseriòreboho uritere awo-ò ròtedỹỹòmy raykyitxýtēna. Kia òraru-ki aDeuxutyhy-ribi irehemy bexilòhòriarienyheny aDeuxu tyhy dori irumy ratximyhỹre. Tii inatyhy rare. ¹³ Txuò txuòlemy wii biòbitinybenyke. Òraruna dori itxenadỹỹdu nihikỹ rare. Tai tahe wiji kiamy botỹỹnybenyke. ¹⁴ Deuxu rikityhynyrenyhyymy rakatzirenyke. Irybe rikiywinyrenykemy rakatzirenyke iwese juhu rityhynyrenyra wese. Kia wesekeki, Kristu leinamy rakatzimyhỹrenyke. ¹⁵ Kiawesemy tahe Deuxu Tytybytyhymy narybede: —Wiji tahe tamy bohola benyke aworeny iòlududỹỹrenyòmy. Iwese ihetxiu mahādu riwinyre wese aòkò boibebenyke. ¹⁶ Timahādubohe roholare Deuxu rybe-ò iribi tahe wimy raòludure. Kowa Egito bede-ribi doimyhỹde mahādu roire. Moisesi tamahādu-wana doimyhỹde. ¹⁷ Mobohe Deuxu kyaradỹỹdure 40 wyra sòwe. Kia mahādule bederahykile rexihure raòrarunyreki. ¹⁸ Moòbo Deuxu rarybere taelehyna bede-ò ralòòtyhymy? Rybe ywisidỹỹdukòdu mahādu-ò rarybere. ¹⁹ Inyboho tuu rieryrenyre. Rirònyrenyòremy rityhynyòrenyreki.

4

¹ Deuxu juhuu rarybere: —Inyò taelehynabede-ò ralokremy. Inatyhymy heka aòmybo rarybere rỹire. Inyò òsana kaibohoò tamy rehemy nyòtyhy rityhynyòmyhỹrenyreki. Tai tahe bexityhynmyhỹbenyke kia-ò. ² Inydeereny tahe Rybewihikỹ tỹmyra ròhònyro roimyhỹre, iwese Moisesi mahādu-ò ròhònyre wese. Tamyreny tahe awityhymy aòkò tamy ròhòtinymyhỹre rityhynyòmyhỹrenyke. ³ Deuxu tyhydỹỹdu mahādu ralòke taelehyna bede-ò. Deuxu dori rarybere: —Jiariỹ inatyhymy anarybede. Iny rityhynmyhỹrele tamy ralokre. Deuxu kiamy rarybere: —Taelehynabede tamy rewinyre xiery juhuu bededỹỹnana rewinyro roireu. ⁴ Inyboho rierymyhỹrenyre tii riraòmyhỹremy Ritidỹỹna roireki: —Deuxu taelehyna-ki ele rihinyre debòinatxitxu bededỹỹnanamy. Taaòmysỹdỹỹna ibutumy rahure aòbo riwinykemy idi raremyhỹ riwinyre. ⁵ Ijò rybe tule kia-wana roire: —Tiu ralòòtyhy waelehyna bede-ò. ⁶ Tuu heka Deuxu rarybere inatyhy raremy. Ijò mahāduò ralòmyhỹre Ijò mahāduò ralòrenyke. Moisesi mahādu tahe ralòòre Deuxu rybe riwinyòreki. ⁷ Wiji bededỹỹnanamy heka Deuxu rarybereri. Kia rybe rare iwese Davi rarybere wese: —Wiji tamy bohola benykeu, aworeny iòlududỹỹrenyòmy. ⁸ Josue ridyre Moisesi mahādu Suwitxiraò-ò. Kasu tahe kabede aòkò rare Deuxu elehyna bede. Deuxu idihyy tuu rarybemy ihỹre. Wijina ròtena bededỹỹnanamy Deuxu rarybemyhỹre. ⁹ Tai tahe Deuxu mahādu dee elehynasu bede roimyhỹre. Deuxu elehynatxu wese heka rare, iwese Deuxu debò inatxitxu-di rexielehynyre wese. ¹⁰ Iwese Deuxu raelehynanyre wese raelehynanyre inyboho taaòmysỹdỹỹna-ribi, inyboho rukururenykreu. ¹¹ Awityhymy rokoireke tamy rikirònyrenykemy tule. Rekeixijerenyke. Deuxu rybe rikiywinyòrenykeki iwese judeu mahādu wese rikirònyrenyòtyhy. ¹² Ibutumy Deuxu inydeereny rarybere iruru dire. Iwese mayrehe wiòtxuremy rỹira wese Deuxu rybe rare. Inyrayky wydyna riòròmyhỹre, òhòti wydyna-wana. Mayrehe rayky riraynymyhỹre aòmybo inyrayky Deuxu ibutumy rierykemy. ¹³ Ibutumy Deuxu rierymyhỹre inyraykyreny. Iny Deuxureny irumy ihỹre. Ibutumy aòna aòna tamy itỹnyhỹkỹle rare. Aò heka iwasi aòkò tamy rare. Ikonanau ilau ibutumy aòhebo iny rotỹỹnymyhỹrenyre rikitynyrenyke.

¹⁴ Jesuisi Deuxu riòre iny xiwenadỹỹdu tyhy rare. Tii rare biu-ò iny wiòhedỹỹmy. Tai tii rikityhynyrenyhyymyhyke. ¹⁵ Tii iny aòkõnareny rierymyhyre; ixiradỹỹna rierymyhyre tai iny riruxetõenyre. Tii kabede-ki tiu heka raòrarunyòhyyre, ixiradỹỹna hãrele. ¹⁶ Tai tahe rekexiterenymy rekexitõenyrenyke iny iòlõreny rynana-ò. Tai tahe ruxetõena sòwemy inydeereny kidiwahinykre. Bedeòbyna kidiòkre tuu rokorurenkykre.

5

¹ Hãbuò Deuxu rimyre xiwena widỹỹdu mahãdu wedumy rarekemy. Tii ibutu iny deròwmy Deuxu-ò rybedumy raremyhy. Tii iny uriònosõna Deuxu-ò riwahinyre. Tule òraruna brò-ki xiwena tamy riwahinyre. ² Tii dori hãbu rare tamahãduren-ò dori ywina-di ixi-ki ratxireri iòraruneny rierymyhyreki. Imahãduò ibedeeryõre ijò tahe reòsamyhyre tiemy aõna aõna bina riwinyhyymyhyre. ³ Tai tahe xiwena riwahinyhyymyhyre tamahãdu òraru-ki tule ixiòraru-ki. ⁴ Inyò ixideewimy aòkõ xiwenawidỹỹdumy raremyhy Deuxudeewi xiery tahe tuu rareke. Deuxu tamy rarybemhyhyrekile tahe tuu rỹike. Iwese Araò-ò Deuxu rarybere tuu rarekemy. ⁵ Tahe Kristu tule reximyòhyyre xiwena widỹỹdu wedumy rarekemy Deuxu tuu rimymy rarybere: —Kai wariòre tate wijile kai inihe anataru. ⁶ Ijò ritina-ki ijò rỹire: —Kai xiwena wahidỹỹdu atximahãte urenana. Xideki xiwena wahidỹỹdu wesemy atximahãte. ⁷ Jesuisi kaki raremyhyu hãbu wesemy iruberytynmy rexitõenymy reàlãmhyhyre. Rahinymy riajuamy Deuxu-ò rarybere. Tii heka Deuxu rityhynyre tai tamy roholare. ⁸ Deuxu riòre heka tii rarehãrele tahe aòhòkỹmy rotỹỹnymhyhyre. Tai tahe ròeryre rybe ywidỹỹmy. ⁹ Tii heka raòbitinytyhyre. Tai tarasana widỹỹdu rỹimhyhyre iywidỹỹdu ityhydỹỹdu mahãdu dee. ¹⁰ Deuxu dori tii rimyre xiwena wahidỹỹdu wedu rỹirakremy Xideki wesemy.

¹¹ Sòwemy tuu adee ararybekemy watxireri. Urile adee isirare ierysyna, teeryòhyymy taholamahãte. ¹² Kaiboho ihetxiu tetyhynytenyte. Tahe inyò bìbedeerynybenyke. Ihãre tahe teernanyòhyymahãte. Ihyymy texiòkesedỹỹnyta tai tahe inyò anaernanykemy adi ratxireri timbyò ityhydỹỹdu-ki tatemahãmy. Juhuu erydỹỹna wahe. ¹³ Tohouã howýtòdu weselemy atximahãtenyte, ityhydỹỹdu aòmydỹỹnana teerytyhyòmahãtenyteki, rybeerysydu òbiti aòkõ atximahãtenyteki. Kaiboho taumynyòmahãtenyte iwese ityhydỹỹdu mahãdu rỹirawesekemy. ¹⁴ Deuxu erysynatyhy inyummy rỹsỹna wesemy roire. Aòbinahakỹ aòwihikỹ erysyduòle kia rỹsỹna roire, tiiboho dori rierymyhyre aòbo awire aòbo ibinare, tuu rotỹỹnyrenyre aòbo awireki.

6

¹ Tikiemy juhuu Kristu rybetyhynamy araernanyamahãre. Rekexitòmomyrenyke. Iwitxira erysyna rikieryrenykeny. Tai tahe rakaumynyrenyke ityhydỹỹdu tyhymy ityhydỹỹdu rurudỹỹna-di. Inyò rarybemhyhyre. Iny raòbitinymy ratxike xiery iny ratakemy ihỹre. Kia aòmydỹỹnana reerydỹỹnanyòkre tahe. Iny rityhynmyhyhykekile iny ratake. ² Ratisebenamy heka anaernanyòkre, tule debòlidišinamy, tule rubu-ribi ixixanamy, tule bede konana ritxuakre txumy ibutumy heka tuu ararybeòkre. Tii heka juhuu erydỹỹna rare. Kaiboho dori teerytenyte. ³ Wanyrỹ dee wikeli tahe iwitxira erysyna heka ariwiuronykre. ⁴⁻⁶ Inyò biu-ribi loosõna wãhidỹỹna riurihimy ritakeki. Deuxu Tytybytyhy aòmydỹỹnany ijò ritake wana, Deuxu rybe riurihike wana, kowa bede

wihikÿ ruru rierÿke wana. Tii ibutukeki tahe Deuxu-ribi tahewo-ò dòòsede inatyhyna ririre. Isiratyhyhyre ixityre ròte taòraruna Deuxu-ò relyyòtyhy. Tii dori Deuxu riòre ixityre itxeònihikÿ-ki ritidire, inyru-ò ritidire ibinamy rarybemyhÿre. ⁷ Bui heka suò risebenymyhyre. Òwòrutÿ iribi ritxuhudÿÿnymyhyre tòbòròdÿÿdu-ò. Aòratÿbo raratÿnykeki tahe Deuxu bedeòbydÿÿna kia rare. ⁸ Tahe edewewēju kidiwahinykeki, awiòre heka inydee kia sumy ibinamy rarybere. Urile roomyhyre. Kia suu tahe iny ityhyna ririre mahàdu wese rare.

⁹ Kiawese jiarÿ urile rarybereri. Ihàrele tuu aòkò umyreny rahòtÿnyreri. Inatyhymy rahotÿnyreri kaiboho aò òbiti tewinymahàtenytemy. Iwese tarasana mahàdu wesekey kaiboho ahàtenyte. ¹⁰ Deuxu dori òbitityhy rare. Kaiboho tamy taaòmysÿdÿÿnihikÿmahàtenyte tai aribireny tòhòti rosaòtyhy. Iwese Deuxu-ò aluunareny teteòsÿnta wese ityhydÿÿdu seriòre tewiòhenanytenyteki ihàre tadiwiòhenanyamahàte. ¹¹ Wiluu hymy boibeke bede dÿÿnana konana-ò. Tuu raruhyymahàre. Tule iny raròsònareny-di mohòtÿnybenyke. ¹² Tai tahe ityhydÿÿdu aòmydÿÿna irisirenyòmy boibeke. Òbiti widÿÿdu iele ele aòkò rare. Rityhynyre Deuxu wahisidÿÿna ritakremy iwese Deuxu rarybereki. Kaiboho òbiti widÿÿdu mahàdu wesemy ahàbenyke.

¹³ Deuxu Abraò-ò rarybereu, inatyhymy ixideele rarybere. Inyò dori Deuxu ratyremy ratxiòmyhyre. ¹⁴ Kawesemy rarybere. Deuxu tiemy ixirÿbe riwinymyhyre Inatyhymy anabedeòbynykre, idi anaixijuraðÿÿnykre tai ariokoreò rasòwekremy. ¹⁵ Tahe Abraò riraòmyhyre, raeleeleòmy. Idi Deuxu tarybe myna rotÿÿnyre. ¹⁶ Inatyhymy aòmy inyò rexirÿbenykre aòmy rarybekre. Kai tahe aò ijÿy riixàwididÿÿnymyhyre. ¹⁷ Deuxu tule ixidee rexirÿbedÿÿnyre inatyhy rybe-di. Tai rybe tarasaðu mahàdu rierÿmyhyre Deuxu rawitxiranyòtyhy. ¹⁸ Inatxi aòmydÿÿnana iny rierÿreny. Deuxu rarybere-wana tiu raruiòtyhy. Tai tahe inyboho inyaròsònareny rimymyhyre. Iny ixiwòtena-ò ralòmyhyre tarasana-ò ralòmyhyre wese. ¹⁹ Inywo-ki inyrayky wiòhedÿÿdu ijòdire hãwòjura rimymyhyre wese iny roire Jesuisi koludu wesemy inydeereny ralòmyhyre wesirahana webòrò-ribi, Deuxusÿ wahe. ²⁰ Jesuisi juhū ralore tai. Tai tahe Jesuisi Xiwenà wahidÿÿdu wedu rÿihyky Jesuisi tahe Xideki axi weseò xiwenà wahidÿÿdure.

7

¹ Xideki tahe Salē hãwã iòlò rare. Deuxu Tyhydÿÿdu Xiwe wedu rare. Abraò heka aòbina ritara. Xideki ròhònyre itxi reakemy, tahe ribedeòbyrybedÿÿnyre. ² Tai Abraò tamy riwahinyre ibutu aòbina aòmydÿÿna-ribi, debòwiò-ribi sohoji riwahinyre, Xidekini tahe òbiti Iòlò rare iwitxira rybe-ki. Salē hãwã Iòlò tahe ywina nodu rare iwitxira rybe-ki. ³ Tybyòre, iseòre, isÿòre. Tii heka itxu ròhònyòhyre tule bedekonanaòhyre. Tii heka Deuxu riòre weselemy ihÿre. Tii Xiwenà wahidÿÿdu urenana ratxihyymyhyre.

⁴ Kaiboho mohòtÿnybenyke timybo tii aònityhymy raremyhÿdi. Abraò in-tybyreny tamy diwahinyde: debòwiò aòmydÿÿna-ribi sohoji tamy riòre. Iòlò taòludu aòbina aòbina aòmydÿÿna-ribi tamy riòre. ⁵ Xiwenà wahidÿÿdu mahàdu Levi sÿriòre mahàdu-ribi doidenyde. Tamy bede ywina riwyinymy riteònyre debòwiò-ribi sohojina ritakemy iny-ribi. Taijoityhy-ribi. Tiiboho dori Abraò sÿjioiluduò tule roire. ⁶ Xideki tahe Levi sÿjioiludu aòkò rare. Ihàrele tahe Abraò tamy debòwiò-ribi sohojina riwahinyre. Xideki tahe bedeòby rybe-di heka Abraò rirybedÿÿnyre. Abraò juhū ityhydÿÿdu rare

Deuxu dori tamy ityhyna rybe riwahinyre. Xideki tahe ityhytyhy rare. Aõhe inatyhy? ⁷ Bedeòbymy rybedÿÿdu aõnityhy rare. Moòbo rarybemyhÿre ratyre aõnityhy rare. Ibutumy kia rierymyhÿre. ⁸ Levi xiwedÿÿdu mahädu häbumy ituerenyre. Xideki tahe ruruòhÿy ihÿre. Kia ritina-ki roimyhÿre. ⁹ Levi debòwiò-ribi sohojina tarasadu rare. Ihärele tahe Abraò teròwomy debòwiò-ribi sohojina riwahinyre. ¹⁰ Levi dori natibienyòde, ihäre Abraò-ki ratximyhÿ iu witxi Xideki-wana witxi reareu.

¹¹ Bede ywina rybe xiwedÿÿdu mahädu-wana iny rataòtyhy. Tai tahe iwitxira xiwe wahidÿÿdu inyboho riijemähärenyre. Araò ijoi ribi aòkò nade, Xideki nade wese tahe Kristu nade. ¹² Xiwenä aòmydÿÿnana rawitxi-rakeki, tule rybe bede ywina rawitxirake. ¹³⁻¹⁴ Inynryÿ tahe Levi xiwe-wahidÿÿdu mahädu-ribi aòkò nade. Tii juda mahädu-ribi nade. Tiiboho heka tii xiwe-wahidÿÿdu mahädu-ki riwiòhedÿÿòhÿymyhÿre. Moisesi dori tamy kia aòmÿsÿdÿÿna riwahinyòre. ¹⁵ Kristu iwitxira xiwe-wahidÿÿduò ròhònyre Xideki wesemy raremyhÿ. Tuu heka teerytenyte. ¹⁶ Tii heka bede ywina rarybere wesemy aòkò nade. Tahe iwitxi rare. Tii umy witxira tuedeòna-di nade. Kia ruru òraru-ki nade. ¹⁷ Rybe riti-ki rÿire, Kristumy rarybere: Kai xiwe-wahidÿÿdu mahäduò tate Xideki wesenamy ahäte. ¹⁸ Aòmÿdÿÿna tyby rawitxiradÿÿre awimy aòkò dori rare. Irurudimy aòkòre dori rÿire tarasana wiòhedÿÿmy aòkò. ¹⁹ Kia iny riòbitidÿÿnyre aòkò. Wiji tahe raròsòna wihikÿ ròhònyre inyeereny Kristu dori Deuxu-ò inatyhymy iny ridymyhÿre. ²⁰⁻²¹ Deuxu rexirybedÿÿnyre inatyhymy Kristu xi-wena wahidÿÿdumy rarekemy. Tahe iwitxira xiwenadÿÿdumy aòkò kiawese narybede. Kristu-ò tahe Deuxu rarybere: —Deuxu rexirybedÿÿnyre. Tii rawitxiranyòtyhy arybe. Kai xiwenä wahidÿÿdu atximahäte urenana. ²² Tai tahe Jesuisi riòludunyre wijina aòmÿdÿÿnana tÿmyra. ²³ Xiweðu sòwekemy idi ròhòtinymyhÿre, ijò rumumyhÿreki. Ijò tahe teròwomy ralòmyhÿre. ²⁴ Jesuisi tahe xiwenä wahidÿÿdu mahäduy-ribi ròhònyòtyhy. Kristu tahe aõu aõu ratxihiymy rarekre. Tai ixiwe òlòdÿÿnamy aõu aõu iweselemy rarekre. Ijò-ò tii raòtyhy. ²⁵ Tai tahe moò Deuxu-ò Kristu-di kanakeki, tii tahe Jesuisi ritalekemy ratximyhÿre. Tii dori Deuxu-ò inyeereny rexitòenyhiymyhÿre.

²⁶ Tii dori iny deròwomy rarehiymy rareke Deuxu sÿdee. Jesuisi biu-ki ronumyhÿre Deuxu-wana. Sÿwihikÿ worana bedehesina-ki ronumyhÿre urenana. Tai tahe tii xiwenadÿÿdu wedumy inyboho rumumyhÿrenyre. Tii òbiti rare, tyrare, iòraruna-ki aòkò, òrarudu mahädu-ribi hitximy. ²⁷ Xiwenä weðu txuò txuòlemy xiwenä diwinymyhÿde juhüu taòraru hetÿdÿÿnamy riwinymyhÿre idi tahe ibutumy inyòraru hetÿdÿÿnamy riwinyre. Jesuisi kia Xiwenä weðu wesemy aòkò ihÿre. Tii xiwenä wahidÿÿdu mahädu-ribi lahitxi rare. Sohojihÿy dori xiwenamy rexiwahinyre rubu-ò ikonana xi-wena wahe. Tii txuò txuòlemy aõ rubu xiwe wesemy riwahinyòre, iwese iwitxira xiwedÿÿdu riwahinyre wese. Juhüu taòraruna òraru-ki raxiwenyre idi iny òraruna òraru-ki raxiwenyre. ²⁸ Bede ywina häbule ritidire xiwenä wedukremy. Häbu tahe iruruòre idi tahe sohoji rybeòtyhy bede ywina hewomy nade. Kia tahe Deuxu riòrele tuu risÿnyre, tii òbitityhyreki.

8

¹⁻² Kiamy heka jiarÿ rarybere. Kia awese iny xiwenä weðu ijòdire. Iòlò tarynana-ki ronumyhÿre. Jesuisi tahe Deuxu ruruna-ribi ronnye. Iheto-di itxeredu tahe Jesuisi rare. Deuxusÿle iyrubudÿÿdu rare. Kia häbu aòkò riwinyre Deuxule riwinyre. ³ Kristu iheto raroowo-ki Deuxu deewina

riwinyimyhÿre. ⁴ Kristu kabede-ki ratxikeki tii xiwena wahidÿÿduõmy aõkõ ratximyhÿke. Kabede ludu dori bede ywina rybe riritinymyhÿre wesemy riwinyimyhÿre. ⁵ Tiiboho biu aõmydÿÿnana wesemy urihimyoõlemy aõna aõnamy rotyynymyhÿrenyire. (Deuxu Moisesi-ò riteòsinyre aõwesemybo tealàna heto-ki raremyhÿ. Tai tahe Moisesi riwinykemy timybo riteòsinyre wesemy hāwālò ratyy-ki riteòsinyre.) ⁶ Kristu tahe iwitxira aõmysÿdÿÿna iaõmysÿdÿÿnare. Bede òtiidÿÿna urenana heka Kristu aõmydÿÿnana ròimyhÿre bede ywina widÿÿdu aõmydÿÿnana ratyremy ihÿre. Kristu tahe bede ywidÿÿna tÿmyra riwinyre Deuxu iny-wana heka wídee rilorore. Deuxule rarybere tahe juhū-ribi awityhyre irybe. ⁷ Juhū bede ywidÿÿna awi aõkõ rare. Awiikeki tahe ijõ tÿmyraõ ròhònyõtyhy. ⁸ Deuxu dori ihetxina-ki tamy awimy aõkõ ihÿre. Kawesemy dori rarybere: –Txuõ kanakreu tahe, bede ywidÿÿna tÿmyra aritobinykremy Juda sÿmahādu-wana judeu sÿmahādu-wana. ⁹ Bede ywidÿÿna tÿmyra ihetxina-ribi iwitxira rarekere. Ihetxina retobinyre tybyreny-ò. Iu Egito-ribi retareu, retobinyre. Tiiboho bede ywidÿÿna tÿmyra-ò rieryõre. Tai riywinyõre bede ywidÿÿna. ¹⁰ Kiawese bede ywidÿÿna tÿmyra rarekre, Wanyrÿ Deuxu rarybere: –Wabede ywina iraykywydÿna-di aritinykre iwo-ò aritidikre wabede ywina. Jiarÿ iDeuxumy ararekre, tule tiiboho wasÿ ijoimo roirekre. ¹¹ Kia txuõ rahukredi tahe ibutumy riwaerykre tasõmo-wana, tanihikÿ-wana. Tiu wii rierynanyõtyhy Wanyrÿ Deuxumy. ¹² Ruxetõena tamy ariwahinykre taòrarutedenamy. Iòrarureny ibutumy wanohòti iribi rosakre. ¹³ Bede ywidÿÿna tÿmyramy Deuxu rarybereu, ihetxina retybyra raseruserunya. Taita awiõra heka.

9

¹ Juhū bede ywidÿÿna-ki bede rybe ritina rÿimyhÿre Deuxu-ò dealàna timybo rawahinykemy. Tule rÿimy raremyhÿ tykyheto bederahy-ki. ² Iwo-ki inatxi rareamy rÿimyhÿre. Juhū irareasana-ki Deuxu iòhònasÿ heka inire iwo-ki tahe adÿÿ loosòna rÿimyhÿre. Tule tii paõ brebuna deòtena òwòrubesetyre-ki rÿimyhÿre. ³ Tyky ijòtòbòna hewo ludu rareasa tahe Deuxu sÿle inire. Òkòsy nihikÿ rihitxinyre ijõ-ribi. Tule tahe òwòruwodÿÿò rÿire womati tÿrÿrÿÿhÿkÿle ihetyre. Iwo-ki tahe xiwena deòtena. Tai riwosinyimyhÿre tÿnyre reakemy. ⁴ Òwòrudÿÿrawo-ki tahe womati tÿrÿrÿÿhÿkÿ butxi riòre ibòbese-di rÿire, iro-ki ihina rÿire mana ta irybereny-ki inire. Tule Araõ hoju rÿimyhÿre tai ruhunymy raremyhÿ. Tule bede ywidÿÿna riti mana tyre-ki tai roimyhÿre. ⁵ Tule iratyy tyre-ki rÿimyhÿ ÿju ritxoo inatximy. Teubrorodile tahe riwòmymhÿre. Òwòru wodÿÿ ratòbòna tikibo Deuxu iny òraruna riixāwidÿÿnymyhÿre wahe. Tahe tuu rÿybeònyrenykre kia aõmydÿÿnana tai rÿiremy. ⁶ Kia ibutumy rexihureu xiwena wahidÿÿdu mahādu ralòmymhÿre juhū rareasanawo-ki taaõmysÿdÿÿna tyhy widymy. ⁷ Ihewoludu rareasana-ò iwedule ralòmymhÿre. Beòra bededÿÿnana sohojimy sohojile tamy ralòmymhÿre. Iròdu riwymyhÿre ihālubu ritxiwikemy xiwenamy. Taòraru-ò iny witxira òraru-ò tule. Inyòraru-ki tii mahādu aõna aõnamy rotÿÿnyrenyrexierenyõhyylemy, kiabro-ki. ⁸ Deuxu Tytybytyhy kia ijyy-di iny ribedeernymyhÿre. Juhū tyky heto rÿireu, inybohoò heka Deuxu iòlònasÿ-ò ralòòmymhÿre. ⁹ Kia heka wijina bedeyrenare. Juhū dori xiwena witxira witxira wahidÿÿna witxira witxira uriòno rare. Kia urile iwahidÿÿdu iwo irayky-wana riòbitinyõhyire. ¹⁰ Juhū ludu aõmydÿÿnana bede ywinale rare. Rawitxirakekile tahe ròhònyke. Tii tahe rÿsÿna bede

ywinamy rare, monatyhy bede ywinamy, aõna aõna surona bede ywinamy. Iny kia bede ywina ibutumy rityhynkemy rĩmyhĩre.

¹¹ Kristu dehemynydeu, iu tahe rawitxiradĩre. Kristu Xiwenahidĩdumy ratximhĩre. Tai tahe ibutumy rawitxiradĩmy roimhĩre. Tii ralõmyhĩre tyheto tĩmyra-ò. Itĩmyra tahe biu-ki rare. Kabede-ki aõkõ ihĩre; hãbu iwidĩydu aõkõ rare. ¹² Kristu ralore Deuxu Tytyby s̃nawo-ò tahãlubu òrarukile ralore. Sohojihyyle ralore iny tarasanarenymy inydeereny riwahinykemy. Iròdu hãlubu-di aõkõ ralore, broreni riòre-di aõkõ, budoeni hãlubu aõkõ wahe tahãlubudile. Tai iny tarasanareny rimyhyire. ¹³⁻¹⁴ Juhuu budòe broreni Oriòre hãlubu-di raxiwenanyreny. Broreni bryby riubĩtĩnyre iny tyre-ki iaõsusu-ribi rahòkemy. Juhuu xiwenahidĩdumy ratximhĩre, iratyre tyhy Kristu hãlubu iny risuhòke. Tai iny raykybina bina ritamhĩre tule inywo aõ aõkõ rare, ritamhĩre. Idi tahe iny Deuxu irumy ratximhĩre dee wimiri kiwinyrenykre. Tii òbitimy ihĩre iny dee rurureki. ¹⁵ Kristu tahe bede ywidĩyĩna tĩmyra wedu rare. Tai tahe ibutumy bede ywidĩyĩna tĩmyra mahãdu namyhyde ibutumy aõmybo rarybere ritakemy. Tii dori rurure iny òrarureny dire-ki ihetxiu bede ywina aõmydĩyĩnana rĩmyhĩre, tii rubu-ò rexiwahinyre. Tai inyboho òraruna-ribi rexiareny. ¹⁶ Inyò rurumhĩre-wana tii iny dee ritinaò ririmyhyre kia ritina rarybere: —Moòbo taaõna aõna riwahinyriri. Iny rururemyhyre xiery tahe, ritina awi rare. ¹⁷ Kia ritina aõ aõkõ rare iwidĩydu tyhy irumy ratxikeki, rubumy roimhĩrele ritina aõ rare. ¹⁸ Tai tahe juhuu bede ywidĩyĩna iò hãlubu txiwixina dire. ¹⁹ Moisesi Deuxu bede ywina wahidĩy rahudi, tii bede ywina tyre ritxiwĩre, iny ratytyre riubĩtĩnyre budoeni hãlubu-di broreni riòre hãlubu-di bewana riurinyri riubĩtĩnyre. Tule budòe siratykysò-di riubĩtĩnyre. ²⁰ Iu tahe tuu rarybere: —Kia bede ywidĩyĩna tĩmyra hãlubu rare. Deuxu wadee rarybere kaiboho bityhynkemy. ²¹ Tule tykyheto-ki hãlubu riubĩtĩnyre deãlana aõmydĩyĩnana-ki ²² Bede ywina rybe ditĩnynde ibutumy hãlubu-di risebeny, hãlubu txiwixina ihoòkeki òraruna rexihuòtyhy.

²³ Kabede aõmydĩyĩnana biu aõmydĩyĩnana wesele rare. Tai tahe Kristu tahãlubu-di kia ibutumy risuhore. Tai iratyre tyhymy ihĩre. ²⁴ Kristu heka templo hãbu widĩyĩna-ò ralòòre. Kia tahe inatyhy heto aõkõ rare. Biu-ò Kristu ralore Deuxuko-ki kia tahe isĩtyhy rare. ²⁵⁻²⁶ Tii sohojihyyle heka rare iny òrarureny riixãwididĩynkemy rubu-ò rexiwahinyre. Xiwenahidĩdumy wedu wesemy aõkõ ralòre. Kia xiwenahidĩdumy aõu aõu beòralemy hãlubu-di rara xiwe-myhĩre. Kristu tahe sohoji hyyle rubu-ò rexiwahinyre. ²⁷⁻²⁸ Iny rurumhĩre sohojihyyle idi tahe Deuxu ywisidĩyĩna hitxinatxu kanakre ibutu iny. Kristu rurure sohojile s̃wemy iny òraru ixityre riatykemy. Inyò tany retehemy riraòmyhĩre wana, tany ixityre kanakre òraru ixãwididĩynamy iny tarasanarenymy.

10

¹ Juhu bede ywina rybe urihimyoĩle iny ribedeerynyre Kristu aõmydĩyĩnamy. Bede ywina itĩnytyhymy aõkõ iny dee roire aõmybo Kristu inydeereny riwinykre. Ubòròrona wesemy inydeereny dohebede bede ywina. Tai tahe tany iny riòbitinyòtyhy xiwenahidĩdumy beòra ihymy aõkõ. ² Aõkòkeki beòra beòrau idi reaòtyhy. Aõkòkeki sohojihyylemy xiwenahidĩdumy riwinykre. Sohoji bede dĩyĩnanadile iòrarureny rexihuke. Tahe aõkòre beòra ihymy aõkõ xiwenahidĩdumy

reamyhÿre. ³ Tai tiemy òraru-di hyy heka rōhōtinymyhÿre. ⁴ Brorēni hālubu, budoēni hālubu òraru rahuōtyhy. ⁵ Tai Kristu kabede-ò dehemynydeu, rarybere: —Deuxu, brorēni hālubu budōe hālubu adee awimy aōkō ihÿre. Tai tahe waumy teywinymy ahāte axiwenamy aroikremy. ⁶ Kai heka awimy tai tahaōhyte irōdu hālubu xiwena-ki òraru tuedenamy. ⁷ Tahe jiarÿ rarybere: —Betehe inihe waumy rubu-ò rewahinyraō iwese ritidÿÿna rybe roimyhÿre wesemy, adeewina ibutumy arityhynykre wahe. ⁸ Tai Kristu juhūu rarybere: —Deuxu, brorēni hālubu budōe hālubu adee awimy aōkō ihÿre. Tai tahe waumy teywinymy ahāte axiwenamy aroikremy. Kai heka awimy tai tahaōhyte irōdu hālubu xiwena-ki òraru tuedenamy. Kia rarybere bedeywina rybe hārele. ⁹ Tahe ixityre rarybere: —Deuxu kakile watxireri adeewimy ariwinykemy. Juhūu bitake xiwena ihewoludu ritidikemy, Kristu xiwena wahe. ¹⁰ Kristu rurure iny òraru-ki. Ixiwena sohojilemy rÿire tuhyy ramyhÿre Deuxu deewina wahe. Kabede ywidÿÿna tahe itÿmyra ihÿre. Tai tahe iny riōbitidÿÿny hyy rarekre. ¹¹ Xiwedÿÿdu txuō txuōlemy rixiwenanymyhÿre. Tii tahe tiu inyòraruna ritaōtyhy. ¹² Jesuisi tahe sohojiyhylemy òraru xiwena riwinyre. Iny òrarunareny riixāwidinymy rahudi Deuxu rurunawe-ribi ronyre, riwowydynymyhÿreki. ¹³ Tahe Kristu riraōmy ronymyhÿre. Taōludu rurū iribi ritakemy tawarawo-ò Deuxu ritidikemy. ¹⁴ Jesuisi dori sohoji xiwehyy-di, iny riōbitidÿÿnyhyymyhÿre. ¹⁵ Deuxu Tyytybytyhy tule kiamy rarybere. Kiawese ritidÿÿna roire: ¹⁶ —Kiawese bede ywidÿÿna tÿmyra rarekre. Wanyrÿ Deuxu ijōmy rarybere: —Wabede ywina irayky wydyna-ki ariritinykre, aritidikre wabedeywina iwo-ò wahe. ¹⁷ —Idi ixityre rarybere: Ruxetōena tamy ariwahinykre iōarutuedenamy. Iōarureny ibutumy wanohōti-ribi rosakre. ¹⁸ Òraru wanohōti-ribi rosareu, idi rehureu, tiu xiwena rÿiōtyhy tuu rahukemy.

¹⁹ Katahe, waseriōre, rekexiuwaresemy rikirōnyrenykre Deuxusÿ-ò. Tamy rekexitōenyrenykeny Jesuisi hālubu dejuxuna òraru-ki sohojile rikirōnyrenykre. ²⁰ Jesuisi dori rytÿmyra riraynyre Deuxu-ò wesirahana yra-di ralōkemy. (Iwese xiwedÿÿdu wedu ralōmyhÿre wese, inyboho wiji ralorenyke.) ²¹ Tule iny xiwe wahidÿÿdu nihikÿ ijōdirenny Deuxu heto-ki. ²² Tai rikitehemynyrenykre inyraykytyhy ywinakemy inatyhynatyhy my òbitinatyhymy nohōtimy, rati betyhy ixāwina-di sebena-di inyumyreny. ²³ Inatyhyna rikiyrubunyrenyke inyararōsōnareny wahe. Aōbo Deuxu inydeereny riwahinykemy rikiraōrenyke. Tii dori inatyhy rare. ²⁴ Tule widi rōkōhōtinyrenyke wiluurenymy rakatxirenykemy wiwiōhedÿÿmy rakatxirenyke. ²⁵ Uritere ixihitxidÿÿōmy tamy beahyy rakatximahārenyke. Ijō dori dōhodÿÿna-ò noderamy reamyhÿre kia awi aōkō rare. Inyō ryribi rexidōriahenymyhÿkeki, tamy rakarybemyhÿrenyke kōdōsekemy ixyby. Inynyrÿtxu dori iōhōmy resera. Tai tahe sōwemy rōkōteōsidÿÿnymyhÿke.

²⁶ Iribi inyboho inatyhyna ibutumy rieryrenymy rahudi, tahe kia hārele heka òraru-di rariamyhÿkeki, òraru xiwena roiōmyhÿre inydeereny iny òraru tarasana wahe. ²⁷ Kia-ribi tule brebu rÿimyhÿre Deuxu ywisidÿÿnatxu lau. Deuxu heōty ratyradÿÿdu lau ruberumyhÿre. Kia Deuxu òludu rahukemy rÿimyhÿre. ²⁸ Ruxetōena-di aōkō inyō rurure Moisesi bede ywina riywinyōreki. Itxeredu inatxi ada inataō-di aōbo raryberenykemy. Tai rirubunyre. ²⁹ Kia-di dori mohōtinybenyke. Inyō Jesuisi rybe-di risinykeki, iratyremy ibinatyhymy rarekre tamy. Tii sōwetyhymy aōhōkÿmy rotÿÿnykre ibutu ratyre. Inyō Deuxu Tyytybytyhy ruxetōena aō aōkōmy idi rōhōtinyre

ibinamy tuu rarybemyhÿre. Jesuisi hãlubu aõ aõkõmy idi rõhõtinyre ibinamy tuu rarybemyhÿre. ³⁰ Deuxu kia rarybere: —Txiõhe iny õwydÿÿdu jiarÿ rare. Inymy jiarÿle arexiõwynykre.

Inyboho rierymyhÿrenyre kiamy rarybemyhÿre. Tii kiawese rare. Tule ijõmy rarybere: —Inynrÿle taijoi-di ywisidÿÿna-di riywisidÿÿnykre. ³¹ Deuxu irumy rare. Tii brebuna-di tyhy rareke. Iu iny tamy ibinakeki, tii dori idi rehuke.

³² Juhuu Kristumy teerytenyteny, awimy heka ahãtenyteny. Kia-ribi õhõti losarenyõmy. Kristu òraru-ki aõhõkÿmy tatÿÿnytenyteny. Ihãrele tahe Kristu-wana hyt toitemahã. ³³ Inyõ umyreny robireu, tai akireny rutxuenyteny, tule akireny õhõte itamadÿÿnyteny. Ityhydÿÿdu seriõre mahãdu inyõ aõhõkÿmy risÿnyreny, kaiboho tewotõenytenyteny. ³⁴ Inyõ rõtenawo-ò ridykeki tai tewotõenymahãtenyteny. Inyõ ahõrõ-di rawasinyreny, urile teysate. Ahõrõ dori iratyre sõwemy rÿimyhÿre biubede-ki. Tai aõna aõna tiu rabinaõtyhy. Kia teerymahãtenyteny. ³⁵ Uritere ararõsõna-ribi awo xierysyõmy. Kai dori uriõno nihikÿ bitakre. ³⁶ Ywinihikÿ-di heka rokoireke Deuxudeewimy rikiwinyrenykemy. Tai aõwihikÿmybo Deuxu rarybere, rikitarenykre. ³⁷ Ritinamy tahe rÿire: —Txiokre inihe. Urihimyõ biraõke. Kia kanake inatyhymy. Tii raroorehenyõtyhy.

³⁸ Waityhydÿÿdu mahãdu õbiti iruhyymy rÿirake, riwatyhynyreki. Inyõ tahe rõõsekeki tamy wadeysaõtyhy.

³⁹ Inyboho heka tahewo-ò õkõsedu aõkõ roire. Ityhydÿÿdu dori roire, iruhyymy nodu, biu-ò hena mahãdu wahe.

11

¹ Aõbohe ityhyna rare. Aõna aõnaõ iny inatyhymy riraõmyhÿreu, kia tahe ityhyna rare. Inatyhymy dori kanakre iny rierymyhÿre, iny tuu robiõlemy. ² Ihetxina mahãdu Deuxudeewimy tuu ihÿre, rityhynymyhÿreki. ³ Juhuu Deuxu aõna aõna bedede bedemy riwinyre. Iny inatyhy hynale kia rierymahãrenyteny. Deuxu lobixiõna-di ibutumy aõna aõna riwinyre. Idi tahe lobixinamy rõhõnyre iny itxerenarenymy. Deuxu rarybere. Tai tahe aõna aõna ritxienyteny. ⁴ Taityhydÿÿna òraru-ki Abeli Xiweõ riwahinyre Deuxu-ò. Kaï xiwedÿÿna ratyre tamy riwahinyre. Abeli rityhynyrekile riwahinyre, tai tahe Deuxu reysare, õbitimy rareki. Tai ixiwedÿÿna Deuxu riwinyre. Abeli tahe rurure. Ihãrele, iwese tii ityhyna-di raremyhÿ wese rokoireke. ⁵ Enoi tatyhydÿÿna òraru-ki tiu ruruõhyre. Enoi Deuxudeewimy riwinyre tuu Deuxu juhUU rarybere. Aõwesele iõmy reare. Deuxu ridymy reare. ⁶ Inyõ ityhynaõkeki, tiu Deuxudeewimy aõ iwidÿÿõna. Inyõ Deuxudee iõhõmy ratxikeki, tii rityhynymyhÿke inatyhymy Deuxu-wana ihÿre. Deuxu dori tamy rexideõsinykemy ratxireri. ⁷ Noe tule ityhyna dire. Tii hãwõ nihikÿtyhy riwinyre. Aõhebo rotÿÿnykemy robiõhyre. Ihãrele tahe Deuxu rybe rityhynyre. Tai tahe tasÿ mahãdu ritare rubu-ribi. Bedeludu mahãdu tahe rurure. Noe tahe Deuxu riõbitidÿÿnyteny, ityhyna òraru-ki. ⁸ Abraõ tule Deuxu rityhynyre. Deuxu ijõ bedede-ò diteõnydeu, Abraõ irybe riywinyre, rare taijoi-wana. Deuxu tamy rarybere suõ tamy rihitxinykemy isÿmy. Tai Abraõ rexitare, rare ihãwã bedede ierykõna-ò. ⁹ Ityhyna-di rasÿnyre kia bedede-ki. Tyky heto-ki rahetonymyhÿre iwese ijõ bedeludu witxira mahãdu rahetonymyhÿre wese. Ibede rarehãrele tahe ihõrõmy aõkõ rõhõtinyre idi tuu aõkõ rexinohtinyre. Tariõre Ijai, Ijaõ-wana rasÿnyre. Tamy tule Deuxu

rarybere iwese tyby-ò narybede wesemy. ¹⁰ Abraõ tahe hãwãõ riraðmyhÿre. Deuxu widÿÿna hãwã biu ludu-ki. Kia hãwã Deuxu nohòti-ribi nyide. Kia hãwã dori tiu rabinamy rejuxunyðtyhy ihetotira kyhyna direki. ¹¹ Sara ityhyna dire. Tai ruru dire uladusemy ronykemy ibeòra sòwere hãrele. Tii tahe rityhynyre tuu raryberemy. ¹² Sara iòhòmy irubu roire rasenadun-yreki. Ihãrele tahe sòwemy rariòreriòrenyre. Iwese taina rudera wese, ÿnyra sòwewese.

¹³ Kia heka ibutumy rityhynymyhyre. Idi tahe ituerenyre aò heka rimyòre Deuxu rybe lidisinaò. Ireheribile tuu robirenyre; reysarenyre. Tiiboho rarybemyhyrenyre kabede ludu mahãdu aòkò raremy, isÿreny mahãdu aòkò raremy. ¹⁴ Tii heka rarunymyhyre sÿwihikÿmy tai raerymyhyre tuu raryberek. ¹⁵ Tamy wikeki riòkeserenyra inihe tahe aòkòre, noderare. ¹⁶ Wiji tahe tii sÿwihikÿmy biu-ki rarunymyhyre. Tii dori ijò ratyre rare. Deuxu isÿ wihikÿ riwinyre tai tahe inyò iDeuxurenymy rarybekeki, tai Deuxu tiu raixÿruðtyhy.

¹⁷ Deuxu Abraõ urihixina-di reareu riwahinyre Ijai xiwenamy. Tariòre sohoji riywinymy rÿire xiwenamy rurukremy. Tii Deuxu rybena-ki iriòre rarehãre. ¹⁸ Deuxu dori juhuhu rarybere: —Ariòre Ijai ariokoretybymy rarekre. ¹⁹ Abraõ rieryre Deuxu iruru dire rubu-ribi riixixadÿÿnyke, tii Deuxu rityhynyreki. Abraõ dori ròhòtinyre rawasenanyre. Ijai juhuhu rubu-ribi ixixa wesemy reare, raumynyre. ²⁰ Iribi tahe Ijai tyhyna-di rarybere Ijaò dee, Ijau dee aòbo kabede-ò kanakremy aòwihikÿ wahe. ²¹ Iribi tahe tule Ijaò rarybere Jyje riòre dee, tariokoreboho-ò. Ityhyna-di rarybere. Ijaò iòhòmy rubu-ò ihÿre, òwòru-ò reximymy rariamyhyre. Tahe òwòru-di rexilamadÿÿnymy rÿire rexitòenykemy Deuxu-ò, riwowydynyremy wahe. ²² Iribi tahe tule Jyje iòhòmy rubu-ò ihÿre. Tule ityhyna-di rarybere judeu ijoi Egito bede-ribi kòdòhònykemy. Tule tahe tarybe ririre titxibo itityby rÿikremy. ²³ Iribi tahe Moisesi reareu, tybyboho iseboho riwòrenyre inataò ahãdumy tatyhynaren-ydi ihÿrenyreki. Moisesi itohouã ruxerare. Iòlò rubudÿÿ bede ywina rybemy rarybere. Moisesi tyby-wana kia bede ywina rybe lau ruberuðhyre. ²⁴ Moisesi raumynyreu, Faraò riorerioresy noderare tii tatyhydÿÿna òraru-ki. ²⁵ Tii heka tamywire Deuxu erydu mahãdu-wana aòhòkÿmy rotÿÿnykre. Urihimyò òrarumy reòwarike derare heka rare. ²⁶ Moisesi, Egito bede-ki aòna aòna wiwihikÿ rÿiramyhy derare. Iny tamy aòmy rarybehinamyhyre. Tahe ibinamy ròhòtinyðmyhyre. Kristu dori riraðmyhyre, biu-ki uriòno idi ròhòtinymyhyre. ²⁷ Moisesi Egito bede-ribi ròhònyre, ityhyna direki wahe. Ruberuðhyymyhyre heka tii iòlò deburehekÿ lau. Iwese Deuxumy lobixiònadu iko-txi robire wesemy, ròhònyre. Tii tahewo-ò ròsòeðhyre. ²⁸ Moisesi heka Deuxu rityhynyre. Tai tahe pascoa worana bedehesi riywinykemy beòra beòramy rarybere. Hãlubu ijò-ò ritxiwire. Tai ÿju heka iny riòre delareny rirubunyòre. Egito riòre delareny rurure tai. ²⁹ Iwese surubu tyre-di reurore wesele judeu mahãdu Ahobesò rawo-di reurore beòlemy. Iu Egito mahãdu reuròkemy rareu, urile bee idi raratòbòre. Kia riwinyrenyre ityhydÿÿnadireki. ³⁰ Ijeriò hãwã mana òtity nihikÿ resere judeu mahãdu rityhynyreki. Debò inatxi reurò txuumy hãwã rora-ki rariare tahe resere. ³¹ Raabe heka hãwyy uriuri ixidinodu rare, wedena wahe. Tahe Deuxu tyhydÿÿdukòdu mahãdu rexihureu, Raabe ruruòre tatyhydÿÿna-ki. Bede-di itxeredu riwòreki.

³² Timybohe ijòmy ararybekre? Wasirare heka ibutumy tuu ararybekre, sòwereki. Kideò ijo, Barake, Sansaò, Ijete, Davi, Samueli, tule Deuxu

rybemy rybedu mahādu sōwere. ³³ Kaheka ibutumy riwinyre tyhyna-di. Ijō iòlòhāwā-di rahyñnanyre. Òbitina riwinyrenyire. Ritarenyre aōmybo Deuxu rarybere. Leaōry dori rirarytxinyre. ³⁴ Rirōnyre heōtywo-txi ihārele ru-ruōrenyre. Mayrehe rubudỹña-ribi rexitarenyre. Bina-ribi ixyby rarurun-nyrenyre. Ijō aōbina-ki irurudityhmy ratximyhỹre. Tai sōwemy aōbinadu iribi rahenyre. ³⁵ Tasỹ ru-ribi riixixanyre hāwyyò rityhnyreki. Ijō mahāduò aōhōkỹmy dỹñnana-ki tamy reare. Ixitarasamy rōhōtinyōhyyre aōhōkỹmy dỹñnana-ribi. Tii dori umytedeōna wihikỹ-di rubu-ribi rexi-akredi rōhōtinymyhỹre. ³⁶ Ijō ityhydỹduò idi rybe jei jeina-ki ratximyhỹre. Tule tai òhòte rỹire reruti òhòte-di. Tule ijō womati reroti-di rataataare, ihymy idi rehure ròtenawo-ò. ³⁷ Ijō mana-di riwere. Ijō sehòtxi-di ri-wetyaòròre, wiere riatyre. Ijō mayrehe-di rirubunyre. Ijō ityhydỹduò-ò budoeniy-di watxinityy-di idi rexitynyre, rama risarenyre, aōhōkỹmy risỹnny inyò tòtxi ririōhyyre. Ijō heka aōbinalemy tamy reare. ³⁸ Kia ityhydỹdu mahāduò ibutu iny ratyre Deuxu dee wire. Kabeledulu ity-hydỹdukòdu mahādu wese aōkò tiiboho roire. Hāwālòm, bederahymy, hāloom, kia ibutumy bede-di rariamyhỹre iwese iny isỹkòm rỹire wese. ³⁹ Ibutumy iribi rakaraykynyrenyke tiiboho dori inatyhynarenydireki. Tahe urile Deuxu rybe wahisidỹña ritaōmyhỹrenyre. ⁴⁰ Deuxu dori iny-ò ri-raòmyhỹre Kristu dehemyryna wahe. Ihewo-ribi tahe kia inyeereny ri-wahinykre, wiwanahyyle. Tai tahe idi awityhmy iny ibutumy rōhōnykremy.

12

¹ Sōwere inydireny itxeredu. Iny robirenylemy rỹirerimy ihỹre. Tai tahe tako-ò rekekoamyhỹrenyre. Deuxu dori inyeereny riwahinyre. Òraru iutxiere inykireny rỹire. Tai tahe rikiatyrenyke òraru ibutumy inyboho dori rimymyhỹrenyre. ² Jesuisi-ò sohojile reketehemyntyke. Tii dori inatyhy-dỹña deledỹdu rare tule inatyhydỹña konanadỹdu rare. Jesuisi deysana kanakredile rōhōtinymyhỹrenyre. Tai tahe rahōtinymyhỹre. Tai tahe aōhōkỹmy rotỹnyre, itxeò nihikỹ-ki rurure. Tai tahe ixỹru tamy reaōhyr rurureu. Wiji tii ronymyhỹre Deuxu ryna ruruweribi-ki. ³ Jesuisi dee hābu binahakỹ aōbinamy reare. Tahe rawobinarybenyōhyyre. Tai tahe idi rōkōhōtinyrenyke iwese rakatxirenykemy. Uritere bede worenỹm bede òtiidỹrenyōm. ⁴ Boholabenyke, òraru ijesu òraru-ki inyò aribireny ruruōhyymy ihỹre. ⁵ Deuxu тариòre dee rybe wesele adeereny rarybemyhỹre. Kia-ribi aōbohe òhōtirenny rosara. Kia wese Deuxu rarybera: —Wariòre, araòbitidỹnyreu, uritere adebureōm, alisina aōkò dori rare. Deòsana rybemy adee arary-bekeki, uritere bedewoōm. ⁶ Deuxu dori aluurekile araòbitidỹnyre. Deuxu тариòre wesemy inyò rimykeki, aōhōkỹmy risỹnnyhỹre iòbitidỹmy. ⁷ Tybydiò aōbohe uri тариòre-di uri aōbohe tyby idi rỹira тариòre riòbitinyōm? Aōkòre. ⁸ Ibutumy iny òbitidỹmy Deuxu rurumyhỹre. Inyò òbitidỹnadiòkeki tii iriòre inatyhy wesemy aōkò rare. ⁹ Tule inytybyreny inyeereny retehemyhỹre iny-boho riòbitidỹnymyhỹrenyre. Tai tahe iny riywinymyhỹrenyre. Deuxu tahe inytybyreny rare. Inytybyreny ratyre tahe tuu rikiywinyrenyke, tahe irumy rokoireke iurenana. ¹⁰ Iny tybyreny urihimyò bededỹñnana-di riòbitidỹnyre iwese tamywim rōhōtinyre wese. Deuxu tahe iny riòbitidỹnyre rekexiy-winyrenyke. Iwese òbitimny tii raremyhỹ wese rokoirekemy. ¹¹ Inyò òbitidỹny deramy reakeki, tii deysamy aōkò rareke. Òbitidỹña be-dewona-di rare. Rexihuredi, tahe wiòhedỹny reamyhỹre modeebo

reamyhÿreò, irumy ywina-di rarehyye. ¹²⁻¹³ Kai bedewokeki, aumy-di, arayky-di iruruôra, ihârele tahe birurudÿÿnymy bimye. Ati tule iruruôre ihârele tahe, myike ôbitimy. Betehemy, biywinymy ryôbiti-di mariake. Tai tahe ijô iny reyterenykre, raðwenyôtyhy.

¹⁴ Ainytyhymy inydee ibutumy ahâbenyke tule bexiôbitidÿÿnymy ahâbenyke. Iny ôbitimy rÿiôkeki, tiu Deuxumy robiôtyhy. ¹⁵ Inyô tahewo-ò Deuxu ruxetôena-ribi rôðseke lau kaiboho bexiebenyke. Tule amahâdurenny-ki alôbôrônahyre wesemy inyô ihÿke lau kaiboho bexiebenyke. Kiakeki, sôwemy iny rahyrenyke ôraruna uri wesemy. ¹⁶ Tule bexiebenyke inyô ôta ôta ôraru-txi reseke lau ada Deuxu tôhôti ribi rosake lau. Ijau tahe Deuxu-di rôhôtinyôre. Tyby rurukreu aô tarasana-di tii rohonrye byrena sohoji ôwylemy tahelÿÿna-ò rohonrye. ¹⁷ Iribi tahe ôhôtirenny losarenymy. Tii dori rôhôtinyre taaôwi-di ixby imynymy reare. Tahe aôkôhyre rahinyrehârele. Rabedewomy ronyre Ijau dori rÿsÿna derôwymy taaôwi riwahinyre taexi-ò. Inyboho tahe rekexiywinymahârenyke itxÿte lau.

¹⁸ Deuxu tabede ywina rybe heka judeu mahâdu-ò riwahinyreu, tiiboho Sinai hâwâlò heòtyko-txi rÿire. Sôwemy heòty bedeluru yhynihikÿ tai reare. Tiiboho rubuerenryre. Kaiboho tiu breburenymy ahâbenyke iwesereny. ¹⁹ Tsurônaô rurônyre nihikÿmy. Tule rybeô rarybere. Iny ibinamy tai rôhôtinyre. Tai tahe riixâwidynyky Deuxu dee rarybere. ²⁰ Irôduô hâwâlò-di tawa ritidikeki, iny mana-di tamy rehuke irubudÿÿmy Deuxu rybemynamy. ²¹ Tai tahe iny tahewo-ò rexihejire brebumy. Moisesi tule, rexiôhârûnyre tuu robireu. Ramytatamy brebumy. ²²⁻²³ Kaiboho dori iwitxira hâwâlò-ò teteheymynyta, Siaô hâwâlò-ò, Deuxu hâwâ-ò. Kia biu-ki Jerusalê rare. Sôwetyhymy tai ÿju mahâdu rÿire bede hesina-ò. Ibutu butuna rare. Deuxu riôre sohojile butuna-ò tehemynyte, dohodÿÿna mahâdu wahe. Ibutumy ityryiti-ki ini roimyhÿre tamy rehemynrye. Deuxu-ò tehemynyte ibutumy erydumy ratximyhÿreò. Inyhÿkÿna mahâdu ôbitimy rÿira mahâdu-ò tehemynyta. ²⁴ Tule Jesuisi-ò tehemynyte. Tii iny lobitÿmyradÿÿdu rare. Ihâlubu-ò tehemynyte. Abeli hâlubu ratyre awimy ihÿre. Jesuisi hâlubu dori inydee aôwiwihikÿ rare iny ôrarureny ôraru-ki dori ritxiwire iny riôbitidÿÿnykre. ²⁵ Boholabenyke Deuxu rarybemyhÿreu, boholabenyke. Kia Deuxu roho-laômyhÿre mahâdu, rexihumyhÿre kabede-ki. Tii biu-ribi narybedeò, roko-holaôrenykeki, tule inyboho rekexihurenyke. Inydeereny aônityhykre. ²⁶ Iu rarybereu, bede ramytatatyhyre. Tahe tii rarybere: —Sohojimy ixityre bede biumy arimytatadÿÿnykre. ²⁷ Kiamy heka rarybereri. Aôbo relemy, urile ixâwikre aôbo ixâwidikônalemy rÿirakre. ²⁸ Tai tahe Deuxumy rikiâlârenyke. Inyboho dori lôlônasÿô rokoirenykre kia rÿihyymy rarekre. Iwese Deuxu-deewire wese rikiâlârenyke ityhyna-di ôhârûna-di. ²⁹ Deuxu ykarana dori heòty riwironymyhÿre wese rare.

13

¹ Ityhydÿÿdu seriôre wiluumy ahâbenyke. ² Aôtxile aroraluduô bimyhÿymy ahâbenyke. Inyô kawese risÿnykeu, ÿju dori riwiôhenanyre, rieryôhyre mobo rare. ³ Rôtenawo-ki rÿire mahâdu-ribi nohôti losarenymy. Iwese kai tii-wana atximahâ wesele, aôhôkÿmy botÿÿnykre. Aôbinahakÿlemy tamy reamyhÿre mahâdu-ribi nohôtilosaômy. Iwese inyô adeereny aôbinahakÿ riwinymyhÿre weselemy idi mohôtinybenyke. ⁴ Ibutumy bityhynybenyke ahâwyymy herina, hâbu tahâwy-wana sohojile roiike. Deuxu dori aôhôkÿmy risÿnykre ôta ôtana

nodu tule òbitimy raòdònyòre mahādu ixi-di ròtemy aòkò boibeki. ⁵ Aònihikỹ nieru tarasamy ixinohòtidỹrenyòmy. Aòbo akireny rỹiredile, beysabenyke. Deuxu dori rarybere: –Tiu kaiboho wanohòti aribi rosaòtyhy. Tiu heka araatyrenyòtyhy. ⁶ Tai tahe rikityhynymy rakaryberenyke: Inynyrỹ iny wiòhedỹýdurenyre. Tai tahe tiu rukuberurenyòtyhy. Inyò wadee aòbina riwinyòtyhy.

⁷ Aerydỹýdureny-ribi nohòti losarenymy, tii adeereny Deuxu rybe rotohodỹmyhỹreki. Aòbo iruna konana-ò riwinymyhỹredi, mohòtinybenyke. Iwese inatyhyna-di rỹimyhỹre wese kaiboho inatyhyna-di atximahābenyke.

⁸ Kanau, wiji, Jesuisi Kristu wiwesele ratxireri. Tiiemy iwesele rarehyykre.

⁹ Deuxu ruxetòena ixinamy arayky rirurudỹnyke. Roxina bedede ywina wiòhena aòkò ratxireri. Kia heka moo tiu riwiòhenanyòhyyre. ¹⁰ Inyboho ixiwena wixiradirenyre. Iribi tyby hetowo xiwena widỹýdu mahādu riroxiòtyhy. ¹¹ Iròduò didyde tykyhetoworanora-ki hālubu ritxiwikemy. Xi-wena widỹýdu mahādu wedu tuu ritxiwire òraruna tuedenamy. Uritere iròdu umy hāwā òtity webò-ribi riwòsinyre. ¹² Tai tahe Jesuisi tule hāwāhākỹ ijò webò-ribi aòhòkỹmy rotỹnyre, iu tahālubu ritxiwireu inydeereny tòemy, iny riòbitidỹnykemy. ¹³ Rokoirenyke tahe tamy hāwā webò-ribi rikimyrenekemy iixỹrunayreò. ¹⁴ Inatyhymy inydeereny tiemy hāwā kabede-ki ihoòre. Tahe inyboho riraòmyhỹrenyre biu-ki ijòdikre. ¹⁵ Jesuisi òraru-ki tahe Deuxu rikiwowydinyrenyke. Kia iny xiwena wahidỹýreny rare tamy. Tii iny rityhynyrenymyhỹre, tai tuu rekealārenyke. ¹⁶ Tiu riki-winyrenyke aòwiwidỹý. Tii Deuxudeewire. Tule wii rikiwiòhenanyrenyke.

¹⁷ Aerydỹýna mahādu biwinybenyke. Bityhynybenyke. Tiiboho dori aijese-dureny ratximyhỹrenyre. Tii idi Deuxu-ò rirawyònymyhỹre. Kaiboho bityhynybenykeki, tii teysamy raaòmysỹdỹýkre. Aòkòkeki bedewomy ratxikre. Tai arawiòhenanyòtyhy.

¹⁸ Wakireny bexitòenyhyymahābenyke. Jiarỹboho wodeysanale-di rahòtinymahāre, òbitina widỹýdu-di rahòtinymahāreki. ¹⁹ Tule Deuxu-ò bexitòenyhyke jiarỹ ele elemy adeereny aròòserenykemy.

²⁰ Inynyrỹ Jesuisi Kristu heka Deuxu rubu-ribi riixixadỹnyre. Tii iny-di itxeredureny nihikỹ rare. Budoeni-di itxeredu weselemy indyreny rete-hemyhỹre. Tii tahālubu ritxiwire iny-wana bedede ywina iixihudunakòna riwinykemy. ²¹ Deuxu adeereny ibutumy riwahinyke tamy wimy kaiboho biwinybenyke. Kia heka wadeewire. Jesuisi Kristu-ò wowydyna ibutumy rarehyykemy watximahāre. Kie.

²² Waseriòreboho, kia watyriti nihiỹmy aòkò rewinyre. Tai tahe ywinamy idi bohòlabenyke rybe wiòhedỹýna rybe tahe rare. ²³ Iny seriòereny Tximòtxi heka ròtena-ribi riteònyrenyre. Ele elemy kanakeki, rakre wawana aro-rarenymy. ²⁴ Wawehityyna rybe ibutu dohodỹýna mahādu-ò biwahinykre, aerydỹýdu mahādu-ò tule. Italia bedede ludu mahādu irybe wehityhyna adeereny diwahinyde.

²⁵ Deuxu ruxetòena akireny ratxikemy watximahāre.

Txiau Txiau Ryberiti

¹ Jiarĩ Txiau rare. Deuxu Jesuisi Kristu Inynyrĩ-wana deòdu rare. Ròritidĩreri Deuxu mahādu inatyhy-ò. Ubĩtĩmy iny rĩira mahādu-ò. Warybe weityhyna adeereny rewahinyreri.

² Waityhydĩydu aōna aōnasira seriòre, araurihixinanykeki adeereny kanamyhĩkeki, beysamahābenyke. ³ Kia-di tahe ityhydĩydu tyhymy beleke. ⁴ Aurihixina ixinamy rexiòlonyke atyhykemy. Ixinamy kanake araurihikemy. Tai tahe raòbitidĩnykre adee aō rasiranyòtyhy.

⁵ Inyò bedeery ihoòkeki, rexitòenykre Deuxu dee, tii dori ibutu dee riwahinymyhĩre. Inyò lau dori ritòenyòhyymhĩre. ⁶ Urile tii iseòdĩyòmy bexityhynymy tamy bexitòenykre. Riseònykeki yhy òbò-di tiò rehumyhyre wese rare. ⁷⁻⁸ Kia hābu iòreki, awimy aòkò aòhebo rotĩnyymhĩre ywiòreki, tii Deuxu-ribi aō ritaòtyhy, irybe inatxire.

⁹ Iny aō ijòkòmy rĩimyhĩre, teysamy rĩirake, aō ijòdikreki Kristu dori rityhynyre. Kia iaòdimy ityhymy rĩira, tule teysamy rĩike ityhydĩydy. Rĩiraki aō ijòòkre hāre. ¹⁰ Ityhyna heka iny-ribi wylemy ituemyhĩre kie iwese noijese ramoròmyhĩre wese. Tahe ityhydĩydu mahādu dee kia aō aòkò rare. ¹¹ Txutòteetyhy ròhònymhĩre dori alòbòròna rimoròdĩnyymhĩre. Tahe noijese rejuxunymhĩre. Tahe iruxerana riixāwidinyymhĩre. Kia wesele hābu ityhymy rĩire rexihumyhyre. Aòhebo rotĩnyymhĩre wetyatxile.

¹² Urihixina inyòdee kanakeu, tahe ijesu binaò wesemy ritakeki. Tai tahe tii reysakre. Tii tahe umytuedeòna heka Deuxu-ribi ritakre. Deuxu dori kia wahidĩnyamy rarybere taluunadu mahādu dee. ¹³ Inyò aòbina bina ixirana-di rexirakeki. Tii rarybeòtyhyke Deuxu riixiranyymhĩre. Inyò dori Deuxu tiu riurihiòtyhy. Tule Deuxu riixiranyòtyhy aòbina bina widĩy-di. Ixiradĩydu aòkò tii rare. ¹⁴ Kiawese iny ixiribile rexirake, aò-di sòwemy ròhòtinykeki, tii arabònyre, araitxenanyre. ¹⁵ Kia urari-ribi tahe òraruna ròhònymhĩre. Iribi tahe òraruwidĩy-na-ribi rubu rĩimyhĩre. ¹⁶ Ixitxenadĩyòmy waluuna mahādu, waseriòre mahādu. ¹⁷ Wahidĩy-na ibutumy bedeerydĩnyatyhy Deuxu biu-ribi diwahinyde kia ibutumy loosònatyby-ribi naderi. Tiu heka rawitxiraòtyhy, tii aōu aōu iweselere. ¹⁸ Tii iny ixityre riwinymhĩre ritĩmyranymhĩre tatyhyna rybe-di. Tai ibutumy iwidĩy-na-ribi inyboho juhuurenyre, awirenyre.

¹⁹⁻²⁰ Idi mohòtinybenyke waluu waseriòre mahādu. Ibutumy bexiwinymahābenyke iny-ò boholamyhĩbenyke, tahe aòwimy aòkò marybeke lau, wymy adebureòmy. Hābu debure-ribi Deuxu òbitina rahenyòtyhy. ²¹ Abinamy aòhebo tutĩnyymhĩre xixi-ribi bitake idi biatyke. Tahe Deuxu rybe-ò bohòlake, kia dori iruruna dire atytyby kanatakemy. ²² Kaiboho bede ywina widĩydy, bede ywina tyhydĩydy boibeke. Aō ijohonadu mahādulemy aòkò boibeke. Kiawesekeki bexiitxenanyke. ²³⁻²⁴ Inyò ijohonadule ronykeki, rybemenamy nodu aòkò rare. Tii hābu itxerena-di itxerenadu wese rare. Itxerena-di ixidee retehereu, rexierye iwese raremy. Tahe rexitareu, aòwesele xixi-ribi tòhòti rosare timybo tii rare wahe. ²⁵ Inyò tahe bede ywina òbiti-ò retehemyhĩreki, rityhynymhĩreki tii tahe teysamy ratxikremy ibutumy aòhebo rotĩnykremy. Tii dori ijohonamy nohòti losadu aòkò rare.

Bede ywina rybe widŷŷdu rare, ityhydŷŷna wahe. ²⁶ Inyō bede ywina rybe widŷŷduōmy rōhōtinyeki, tahe tōrōtō riyrubunyōhyymhŷŷeki, tabedey-widŷŷna aō aōkō rare. Tii tawokile rexiitxenanymyhŷŷre. ²⁷ Iny Deuxu, Inytyby-ō kia bede ywina widŷŷna ōbiti rare. Uladuwyte, wytese-wana riwiōhenanykemy. Tule aōbina bina aōmydŷŷnana widŷŷōmy.

2

¹ Waseriōre mahādu, kaiboho Inynryŷ Jesuisi Kristu, tetyhynytenyete loosōna wedu tii rare. Tai iny wiribi lahitxiōmy, wiweseweselemy iny-di atximahābenyke. ² Kie inyō tahe dohodŷŷnawo-ō kanalōkeki, womati debo tŷrŷrŷ-di tywihikŷ-di kanalōkeki, tahe tule iny aōkōdu mahāduō kanalōkeki. ³ Kai tywihikŷ dinodu-ō marybekeki: Kaō bodonyke ry-nawihikŷ-ō. Tahe marybekeki iaōkō-ō: Kiakile myike lamalemy ada bede-txi aōbo bonyke. ⁴ Kia wese wiribi hitxiōŷŷ-ki tatŷŷnymyhŷŷtenyete, araykyreny rabinamy kia wese tumahāre. ⁵ Boholake, waseriōreboho, kaiboho juhuu iny aōkō mahādu wese toite. Iribi ityhy ityhydŷŷdukōdu mahādu iaōrarumy roirekemy, kaiboho Deuxu weselemy tadeletenyete atyhyna ōraru-ki. Aratamyhŷŷrenyre inatyhyna-di ityhydumy boibekemy, tule kaiboho kowa biu-ō hena bitabenkyre. Deuxu dori rarybere: —Waluudu mahādu tuu arisŷnykre. ⁶ Kiawese, kaiboho urimynodu derarenyre aōhebo tatŷŷnyteri. Ityhy mahādu tahe ararutŷkŷnymyhŷŷre tule aradyrenymyhyre soldadu dohodŷŷna heto-ō. ⁷ Tiiboho tule Kristunimy aōbinamy rarybemyhŷŷrenyre. Kaiboho ini-di texininimyhŷŷtenyete. ⁸ Kia bede ywina rybe-ki roire: iwese ixiluure wese, aerykōdu mahādu luuke, wieri mahādu wahe, abireludu wahe. Kia bede ywina biywinyeki, awimy botŷŷnymy mabeke. ⁹ Tahe iny wiribi lahitxinyeki, taōrarunyeri, teywinyōteri. Bede ywina aōkō atximahāte. ¹⁰ Inyō tahe bede ywina rybe ibutumy riywinyeki, tahe sohoji aōmydŷŷna riywinyōreki, tai tahe bede ywina rybe ywidŷŷdu aōkō ratxireri. ¹¹ Deuxu tarybe ririre. Kia rarybera: —Ōta ōta widŷŷōmy. Tule rarybera: —Rubudŷŷōmy. Tai ōta ōta biwinyōkeki tahe inyō terubunytteki, kai bede ywina rybe yrubudŷŷdu aōkō atxiteri. Ōrarudumy tate. ¹² Iwese iny bede ywina rybe-di tŷmyra ahābenyke. Deuxu dori bede ywina-di arararutxŷnyrenkyre. Taita ōbitimy botŷŷnybenyke, marybebenyke. ¹³ Inyō riwotōenyōmyhŷŷeki, tule tamy riwotōenyōleke tawiribihitxinatxu-u. Wotōedŷŷna wiribihitxina ratyre rare.

¹⁴ Waseriōre mahādu, inyō rarybekeki: —Jiarŷ watyhyna ijōdire. Tahe iaōmydŷŷna wihikŷ-di aōkō rare. Kia tahe aō aōkōhyky heka rare tamy. Ityhynale kahābu ritakekō aōbo. Tahe reruinyreri. ¹⁵⁻¹⁶ Inyseriōreō tyy, rŷsŷna ihoōke-wana. Tahe inyō tamy rarybekeki, ywina-di bōhōnyke, aheto-ki biroxikemy. Tahe aō riwahinyōra tyy, rŷsŷna-wana. Aōbohe irybe rare. Aōkōhykyre irybe. ¹⁷ Kiawese taheka kia hābu inatyhyna rare, iaōywidŷŷna ihoōkeki kia ityhyna ihoōke wese rare. ¹⁸ Inyō rarybeke-wana: —Kai atyhyna dire. Jiarŷ waōwidŷŷna ijōdire. Biteōsinyke wadee atyhyna sohojile tamyreny wina-di aōkō. Tahe iarŷ tamyreny waywina-di adee ariteōsinykre kia ōraru-ki bobike iarŷ Kristumy retyhynyrenirimy. Watyhyna iny idiōre waōwidŷŷna ijōdre-wana. ¹⁹ Kai bityhnyke Deuxu sohojile raremy. Kia tahe awire urile diabo tyytybybina tule Deuxu rityhynyre. Tai ilau ruberumyhyre. ²⁰ Inatyhyna iaōmy widŷŷnana ihoōkeki, aō aōkō wese rare. Kia tetyhynyōlemahāte aōbo, hābu itxŷtere. ²¹ Inylabiereny Abraō tariōre-di

Ijai rixiwenykemy idi ratximyhÿu, kia-ki Deuxu riòbitinyre. ²² Tabimahâte aôbo. Abraô tatyhyna iwidÿÿna-wana aôna aôna riwinyre. Ityhyna ri-wiôhenanyre. ²³ Tahe iwese ritidÿÿnamy roire wesemy tuu rotÿÿnyre aômybo heka rarybera Abraômy: —Boholake, Abraô heka Deuxu rityhynyre. Tai Deuxu tii riòbitidÿÿnanyre. Tule, Deuxu tabiôwamy rininire. ²⁴ Betehebeny ini. Inyô iòbitidÿÿmy ronyke-wana inatyhyna sohojidile aôkô tii ihÿke, tahe iwidÿÿna-di tule wahe. ²⁵ Ijôre tahe: Raabe, aderanamy raremyhÿ. Iribi tii Deuxu rybedeôdu mahâdu riyrubunya rubu lau, tahe riteônyre rywasi wixira-di. Kia widÿÿna Deuxu Raabe riòbitidÿÿnyre. ²⁶ Iwese umy tyytyby-di aôkô rubumy rÿimyhÿre wese, tule inatyhyna sohojile aô aôkô rare tamy-wina-di aôkôreki heka rubu wese rare.

3

¹ Uritere, waseriôreboho, bedeerydÿÿdu mahâdumy aôkô ixi-di norenykômyke. Ibede ônana hitxina txuu dorihe aônihikÿkre bede erydÿÿdu mahâdu dee. ² Inyboho ibutumy sôwemy ôraruna-txi aôu aôu resemÿÿreny. Inyô tarybe-ki raôrarunyôkeki, tii iny ôbiti rare. ³ Iwese awaru iny riraômyhÿre wese taumy ibutumy riraômyhÿre. Awaruru-ki jurarôsôna rirutymyhÿreu, tii irarôsôna-di rare. Tai tahe awaru iny riywinymÿÿre iumy ibutumy iny riraômyhÿre. ⁴ Betehebenyke iny heôty lawô nihikÿ-ô irarôsôna iyjatyhyre tahe irarôsôdÿÿdu idile riraômyhÿre titxibo inonana-ô yhy nihikÿ iwetxi kedeakreki, ihârele irarôsôna riraômyhÿre. ⁵⁻⁶ Iwesele iny dôrôtô rare. Iyjatyhyre ihârele aônihikÿmy rarybemyhÿre. Betehebenyke iny heôty helÿÿresi iyjare, ihârele ôtiranihikÿ ritoonymÿÿre. Dôrôtô tahe heôty wese rare. Sôwemy heka ôraru riwinymÿÿre. Dôrôtô bede aômydÿÿnanabina dinodu wese rare, inyumy susudÿÿdu dôrôtô rare. Sôna bede tôtee-ribi diabo mahâdu-ribi heka nade. ⁷ Ibutumy irôdu brebuna, nawii wixira wixira, irôdu beraludu, utura, riinytyhydÿÿnymÿÿre. Iny mahâdu iratyre irurudÿÿna dire. ⁸ Inydôrôtô inyô tahe riinytyhydÿÿnyôtyhy. Ibinatyhy rare. Rubudÿÿna uri-di ratxireri. ⁹ Inydôrôtô-di Deuxu inytybimy iny reâlâmyhÿre tule idi inumy raujômomyhÿre. Deuxu ixiwesemy iny riwinyre, ihârele iny wimy raujômomyhÿre. ¹⁰ Inyô tary-di Deuxu rirowôwyndymahâre tule idi ujômomy reamyhÿre. Waseriôreboho, kiamy aôkô idi boibeke. ¹¹ Beijirana-ribi ibree ihÿre-wana wiule heka rôhônôtyhy. ¹² Ôwôru inatxi wiribi lahitxire. Ijô aôbo wiraty-di raratnyke aôkôre? (Figueira azetonamy raratnyôtyhy) Videira figomy raratnyôtyhy. Juwyrabe hâlôo-ribi bebreke rôhônôtyhy.

¹³ Inyô bederykeki ibedeernadikeki, tii ywimy ratximyhÿke. Ibutumy ôbitimy ratxirerimy aô riwinymÿÿremy rexityhynymy ixidi rôhôtinyôtyhy tyhymy rabekemy. ¹⁴ Kaiboho awo-ki ixiburena ijôdikeki, inywixira hârosu ijôdikeki tai tii deysamy atxiôke tai tuu marybeôke. Kai ruiwidÿÿômy. ¹⁵ Kia bedeeryna biu-ribi aôkô nade, bederibile, iny hârosu diaboribile nade. ¹⁶ Inywixira hârosu ijôdike-wana, tai jei jeina rare. Ibutumy aôbina bina. ¹⁷ Bedeerydÿÿna biu ludu juhule ôbiti rare, idi ywina rare, rutaôna rare, wityhyna rare, ruxetôna rare. Awihymy nodu widÿÿna rare. ¹⁸ Ôbitina aôu aôu kanakre ywinawidÿÿdu-ô. Iwese aloborodu rehumÿÿre wese, tiiboho ywinamy rekoamyhÿreny.

4

¹ Aõherekibo ayreny-ki jei jei r̃ymyh̃re. Awo-ribi namyh̃de araykywydyna ribi. ² Kai s̃owemy ãdikemy tah̃otinyamah̃ate ãhebo ãk̃õ tetate. Tahe terubunymah̃ate. Inywixira ãmyd̃ỹna-di òbire, tahe ãk̃õre. Tai ãbina tetelenymyh̃te ijei jei-di. Ã òj̃õre texit̃øenyõma h̃ateki. ³ Texit̃øenyteki, tetaõmah̃atenyete. Teõsamy dori texit̃øenymah̃atenyete. Ixidee sohoji dehnalemy tah̃otinamah̃atenyete aumydeewimy behukelemy. ⁴ Bede ãmyd̃ỹnana luudu mah̃adu heka Deuxu òludumy ih̃re. Kia ãbo teeryõtenyete, òbitiõna, mah̃adu. Inyõ bede ãmyd̃ỹnana bina biõwamy ratxikeki, Deuxu òludumy rare. ⁵ Ã ãk̃õ ãbohe rybe riti kawese roire: Ãhe rare. Deuxu taTyytybytyhy inywo-ki heka Deuxu ris̃ỹd̃ỹnymyh̃re. Tai tahe iny-di riijetyhymy ratximyh̃re. Ãbo heka kia rare? ⁶ Tii tahe iny riruruter̃ed̃ỹnymyh̃re. Kawesemy ritina rarybere: —Ixiwedu mah̃adu heka Deuxu ixi-ribi rirehed̃ỹnymyh̃re. Tahe ruxet̃øena s̃owemy ixiwedek̃õ mah̃adu-ò riwahinymyh̃re. ⁷ Deuxudeewi biwinymah̃ake. Diabo ixi-ribi birehed̃ỹnykeki, tahe tii aribi rahenyke. ⁸ Deuxu-ò bexiòhòd̃ỹnykeki. Deuxu adee rexiòhòd̃ỹnkre. Òrarudu mah̃adu, ebõmy bexilyraranyke ãoraru-ribi bexitake, rybe inatxi mah̃adu, araykyworeny biòbitinybenyke. ⁹ Mabedewoke, bobuke, mahinyke ãoraruna òraru-ki. Ajuedena-ribi arube rytynkre, eysa-ribi mabedewomy atxikemy. ¹⁰ Ayrubumy Inynyr̃yko-txi boibekeki, tii aratamad̃ỹnykre; tii ixideewimy riwinykemy.

¹¹ Waseriõrebobo, uritere ãomy wimy ryberenyõmy. Inyõ taityhyd̃ỹduseriõremy tuu ibinamy rarybekeki, iaõna aõna riãk̃õk̃õkeki tii bede ywina ibinamy rarybereri. Bede ywina rybe riãk̃õk̃õd̃ỹnyreri. Inyõ bede ywina rybe riãk̃õk̃õnykeki, tii bede ywina ywid̃ỹdu ãk̃õ rare. Tii bede ywina rybe hitxid̃ỹdu rare. ¹² Deuxu sohojile dori bede ywina hitxid̃ỹdure. Bede ywina dohod̃ỹna dinodu tii rare. Tii itarasad̃ỹdu rare ih̃are irubud̃ỹdure rare. Mobohe kai atxiteri; abireludu hitxid̃ỹmy ãbo texinoh̃otid̃ỹnyteri? Ãk̃õre.

¹³ Boholabenyke, tuu tarybetenyteri: wijile ãbo ada biurasõmy ãbo rokoirenykre h̃aw̃ãõ-ò. Tai beded̃ỹnana sohojimy rikierenykre. Tai nieru tarasamy rakaõmys̃ỹd̃ỹrenykre. ¹⁴ Txiohe rare. Kaiboho dori teeryõlemah̃atenyete ãhebo bede rot̃ỹnykre. Timybo mabekre? Iwese biuwettyy yja ãwesele rexihymyh̃re wese heka timybo mabekre? Kiawesemy ãk̃õ marybeke. ¹⁵ Kamy heka marybeke: —Inynyr̃ydeewikeki iny rumy rokoireke, tai tahe kia ada kowa ãbo rikiwinyrenyke. ¹⁶ Iwese wiji ratximyh̃re wese. Biurasou ãonihik̃y wid̃ỹmy marybekeki, kia tahe awi ãk̃õ rare. ¹⁷ Inyõ ãowiwid̃ỹ rierykeki, tahe riwinyõmyh̃-wana kia rexiõrarunanymyh̃re.

5

¹ Boholabenyke warybe-ò ityhy mah̃adu. Mahinybenyke, bobubenyke ãh̃õk̃õmy bot̃ỹnybenykreki. ² Ãmyd̃ỹnana wiwihik̃y rabinamy r̃yre. Atyywityhy isibrey tysini rir̃õre. ³ Aorot̃ỹr̃yreny awomatiurareny raruxinyra tabeded̃ỹnana riõnonyrerimy. Anieru susud̃ỹna awobired̃ỹnamy kid̃it̃ynnykre. Iwese dee heõt̃y ris̃õmyh̃re wese, kia sud̃ỹ anasõmyh̃kre. Aõna aõna s̃owemy ixidee tebutunymah̃ate kia atxukonana-ò. ⁴ Abader̃owysyd̃ỹdu òwyd̃ỹdu ãk̃õ dori kai tate. Kai ixideele tebutunymah̃ate iribireny tawasinyamah̃ate. Tiiboho rahinymy rirajuamyh̃reny tahe kia wysyd̃ỹdu mah̃adu hina-ò Deuxu roholare. Tii ruru mah̃adu wedu rare. ⁵ Kaiboho

abeòrareny teònonnytenyteri isikile. Ixideehyyle texideysadÿÿnymyhÿte. Ibutumy aòbo adeeremy wiwi ixidee temytenynte, iwese rubutxudÿÿnatxu broreni riòwenymyhÿre wese. Kai ahâte. Deuxu akanarubunykre. ⁶ Òbiti mahâdu teteònymahâte terubunymahâte. Tii tiu adee rexiòwynyòtyhy.

⁷ Ixieleeledÿÿòmy tahe waseriòreboho. Inynyrÿ kanakreu. Betehe inihe. Òworudu heka taaòwi riraòmyhÿre biu bedeu. ⁸ Kia wese kai-boho tule elelemy aòkò biraòmyhÿke aworeny-ki beximymyhÿbenyke, Inynyrÿ nonana dori iòhòrehe. ⁹ Waseriòreboho uritere wimy ibinamy ryberenyòmy Deuxu dori arahitxinyreny. Ihitxidÿÿdu nonana tahe iòhòre ijòkiwesele rijemy rÿimyhÿre. ¹⁰⁻¹¹ Waseriòreboho ihetxiu Deuxu rybemy rybedu mahâdu iyrubumy rÿiramyhÿ. Iwese tiiboho rÿiramyhÿwese boibeke aòhòkÿmy dÿÿnana-ki rare. Kia aòhò kÿmydÿÿnana-ki òbitimy rotÿÿnymyhÿre. Iwese Jòò iyrubumy raremyhÿre taholamahâtenynte. Tule iwese ionanau Deuxu riwiòhenanyre wesemy teertytenynte. Inynyrÿ dori ruxetòenatyhy-di rare làhànatyhy-di.

¹² Ibutu ratyre waseriòreboho inatyhymy sohojilemy marybeke ijò rybemy rybeòmyke Deuxu arybe ritxiònyòtyhy. Aòna aònamydÿÿnanaribike aòkò iximyhÿyle marybeke. Kohemy marybekeu kohelemy marybeke. Aòkòmy marybekeu, aòkòlemy marybeke. Kawese-ki inyò aratxiònyòkre.

¹³ Inyò aòbo ayreny-ki aòhòkÿmy rotÿÿnyrereri. Tahe tai bexitòenykre. Inyò aòbo ayreny-ki teysamy ratxireri. Alànawi-di tii wana mawiunykre. ¹⁴ Inyò aòbo ayreny-ki webinadumy roireri wana. Tahe dohodÿÿna rybedu mahâdu-ò tamy bididybedenyke tamy rexitòenyrenykeny. Adÿÿ ityre ritxiwikemy Inynyrÿni òraru-ki. ¹⁵ Ixitòedÿÿna tyhynale webinadu riteytenykre. Inynyrÿle ritamahÿÿnykre. Tii òraru-ò raòrarunymyhÿke-wana Deuxu iòraru riixâwidinyke. ¹⁶ Iny wiò wiòmy aòna aònarenymy belyybenyke. Wiò wiòmy wii biixitòedÿÿnybenyke, ibutu-ribi beytebenykeny. Inyòbiti ixitòedÿÿna irurudire, aòna aòna sòwemy riwinymyhÿke. ¹⁷ Eliasi heka inyweseremy rare. Tii rexitòenyhyymyhÿre biu ròàtyhykremy bede-ò. Tahe inataò beòra-di biu ròàòhyre. ¹⁸ Tahe ixityre rexitòenyre. Tai biu ròare. Tahe oworu-ki ixityre aòwi ruhunyre.

¹⁹⁻²⁰ Waseriòreboho, inyò ay-ki inatyhyna-ribi ròhònykeki. Inywitzira tuu rarybekeki, teòsary-ribi ridykeki, tahe itytyby ritara, rubu konana ixâwina lau sòwemy araru-di riixâwidinyre. Kie.

1 Pedro 1 Pedro Tyyriti

¹ Jiarÿ, Pedro warybe ritina rewahinyrereri ubÿtÿ deòdÿÿna jiarÿ rare. Ibu-tumy judeu mahâdu-ò rewahinyrereri Ponto-ò, Alatxia-ò, Apadosia-ò, Asia-ò, Bitinia-ò. ² Kaiboho heka iitxe itxemy toite Deuxu Inytybyreny-ò, Deuxu Tyytybytyhy araòbitinyrenyra, Jesuisi Kristu bityhynybenykemy tule tahâlubu-di arasebenyrenykemy. Wiòhedÿÿna sòwemy ywina-wana adeereny kanakemy watxireri.

³ Ibutumy àlàna Deuxu Inynyrÿ tyby-ò rikiwahinyrenyke. Tii dori sòwemy ruxetòena inydeereny diwahinyde. Tai inyboho ixityre reamyhÿreny re ratybiennyrenykemy Deuxu sÿ mahâdu wo-ki. Inyboho wijile iraròsònareny dire, Kristu rubu-ribi rexixareki. ⁴ Tii wiòhedÿÿna wiwihikÿ inydeereny ririre. Biu bedekile riyrubunymy roire. Tiu rasunyòtyhy, retybyòtyhy, iruxerahakÿlemy lyrahakÿlemy roire. ⁵ Deuxu tarurusòwe-di arayrubunynyrenyke kia wiòhedÿÿna bitabenykemy tetyhynyteki. Tarasana heka kia rare. Ikonanatu Deuxu bedexiteòsinykre. ⁶ Tai tahe beysabenyke. Bededÿÿnana tòbò reakreu, mabedewobenykre òsana aòmydÿÿnana sira òraru-ki. ⁷ Tii tahe kawese-ki atyhydÿÿnareny ityhymy ròhònykre. Atyhydÿÿnareny womati tÿrÿrÿhÿkÿ òwy ratyre iòwy dire. Tiu rabinaòtyhy. Heòtyru-ribi womati tÿrÿrÿhÿkÿ ròhònyre wese atyhynareny kòdòhònykre àlàna, wowydyna, luuna Jesuisi Kristu-ò, tii kedehemynykre. ⁸ Kaiboho tuu tabitenyòte ihàrele tuure. Tetyhynytenyteri, tai tahe tÿxihikÿlemy deysatyhy-di ahàtenynte. ⁹ Tai atarasadÿÿna-di teteheteri, tetyhynytenyteki. ¹⁰ Juhuu Deuxu rybedu mahâdu ritÿÿraxinyra kia tarasanamy. Tule wiòhenadÿÿmy rarybere adeereny kanakemy. ¹¹⁻¹² Idi tahe dierydenyde ibededÿÿnanau kanaòkre urile ihewo-ribi kanakemy. Katahe adeereny reare Deuxu Tyytybytyhy nade òraru-ki. ÿju mahâdu dori tamywimy tuu rieryrenykemy ihÿreny. Jesuisi Kristu aòhòkÿmy dÿÿnanamy tule toosònadÿÿnamy rarybemyhÿrenyreu, tiubedemybo kia kanakemy riijemyhÿreny.

¹³ Arayky-ki birarutxynybenyke wereysana rara rotÿÿnymyhyre wese. Òbitimy maraykynybenyke wiòhedÿÿna-di bidimybedenykre-ki Kristu kedehemynykre. ¹⁴ Wijile kaiboho ywimy nodu riòre wesemy boibeke. Iwese juhu ayakaraòtamy tatÿÿnymy tatemahâ wese noòmy, abedeerykòmy tatemahâ. ¹⁵ Iweseòmy. Uritere adee rybedu òbitimy raremyhÿwesemy kaiboho ibutumy tuu botÿÿnybenyke kia-ki òbitimy boibeke. ¹⁶ Raritinymy dori rÿire: —Òbitityhymy boibeke, jiarÿ dori òbitityhymy raremahâ. ¹⁷ Deuxu iny wiribi rihitxihitxinyre aòbina bina widÿÿ òraru-ki. Deuxu wiwese wesele iny luure tuu rarawetyynyòhyymyhyre. Iwese bodee texitòenymahâte wese tamy bedeerykò rira wese boibeke. ¹⁸⁻¹⁹ Kia teerymahàtenynte tuu ararybekre. Ixinamy rexihumyhyredi aòkò iwese womati tÿrÿrÿhÿkÿ iurahakÿ-di aòkò atarasanareny riòwyny. Tahe Kristu hâlubu-di aòhebo ibina botÿÿnybenyke-ribi texitatenyta aòwidÿÿnabo booreny-ribi teerytenyakti. Kristu tahe budoeni òbiti lyrahakÿ wesemy rare. ²⁰ Tii juhu bededÿÿnanau taumy rubu-ò riwahinykremy rexierhyymy raremyhÿ, wijile kaò nade rurukremy aluunareny òraru-ki. ²¹ Tule Deuxu tetyhynymahàtenynte Kristu

òraru-ki, Deuxu rubu-ribi riixixadỹnyre tahe tamy loosõna riwahinyre, tai ararõsonareny aityhydỹna Deuxu-ki roimyhỹre.

²² Kaiboho atytyby tesurõnanytenyte inatyhyna dori teywinytenyta. Tai tahe wiluuluutyhymy rakatxirenyke. Wiluummy wesenadỹnyrenyõmy atx-imahãtenyte. ²³ Wiji umydỹna juhu wese aõkõ iny bõtõdỹna raummy-dỹre wiji tahe Deuxu Rybe aumydỹnamy ihỹre. Kia tahe ituerenyõtyhy. Umytuedeõna diwahinyde. ²⁴ Iwese ryberiti rarybere wese:

—Ibutu iny asi wese rare. Inyloosõna asi noijesa wese rare. Asi ramoenymyhỹreu tõijesa rejuxunymyhỹre.

²⁵ Deuxu Rybe tahe aõu aõuhyy rỹira. Rexihuõtyhy rỹira. Kia rybemy tahe adeereny rarybemyhỹre, Rybewihikỹ wahe.

2

¹ Ibutumy idi behuke ixi-ribi, aõbinatyhyna-di, rui-di, inywitxira aõmydỹna xibure-di aõ ikõõmy ujõmo-di ibutumy. ² Tahe iwese tohouã howỹsy luure wese rybe-ò bexiborenanyke. Atytyby howỹsyna wese rare. Idi maumynykemy tarasana inatyhy-ò. ³ Wanyrỹ dori wihikỹ rare. Kia teerytenyte. ⁴ Tamy bodoibedenyke. Tii dori manairuhykỹ wese rare. Heto tira widỹdu kia mana-di rehura. Tahe Deuxu dee kia ixitarasanamy rare. Awimy heka tai rahare. ⁵ Kaiboho tule mana iruhukỹ wesemy tõimahãte heto õbiti wesemy aijõreny-di kanaijedỹnydenykemy. Xiwena wedu mahãdu õbitimy boibeke, Deuxu dee wina xiwedỹna õbiti biwinybenykemy Jesuisi Kristu wowydynamy. ⁶ Kawese dori Ryberitina-ki rỹire: —Betehebeny inihe Siaõ bede-ki iny mana heto tiramy iwidỹ wesemy ritidire. Tii aõwihikỹtyhy wadee rare. Kia iny rityhynymyhỹkeki, tiu raixỹruõtyhy bede õtiidỹ ribedewonyõtyhy. ⁷ Kaiboho ityhydỹdu mahãdu, adeereny tii aõwihikỹ rare. Ityhydỹdukõdu mahãdu dee tahe kawese tii rare: —Hetotirawidỹdu kia mana-di rehura. Kia mana tahe wiji juhuludu mana ritidimy roire. ⁸ Tule ijõ kiamy rare: —Mana idireny kedese denykre. Kia mana awi aõkõ tamyreny rare. Reserenykre rybe ritxiõnymyhỹrenykeki Deuxu heka rierymyhỹre reserenykre. ⁹ Kaiboho tahe iny iitxese itxesemy aratareny, xiwena wedu mahãdu õbiti boibe benykemy, inyijoi õbiti boibeke, Deuxu hõrõ mahãdule, iruxeranamy marybe benykemy adee dori bededorohokỹ-ribi anadydenyde taloosõna wiwihikỹ-ò. ¹⁰ Kaiboho juhuy inyijoi aõkõ toitemahã tahe wiji Deuxu taijoimy aratara. Juhuy ruxetõena tuu inyõ riwahinyõhyre adeereny, wiji tahe tii riwahinyra adeereny.

¹¹ Waluuna mahãdu adeereny ararybekre. Kaiboho iwitxira bedeludu mahãdu wese atximahãtenyeki. Uritere õtaõtarenyõmy atytyby õludu dori kia rare. Atytyby aõbina dỹynana adeereny diwahinyde.

¹² Ahotiludu mahãduy-ki õbitimy boibeke. Tai omy ibinamy rarybekeki, tiiboho aumytuedeõnamy robimyhỹkemy tahe Deuxumy kiditoosõdỹnadenykre Deuxu hitxidỹna txuu.

¹³⁻¹⁴ Bede dinodu bede ywina rybe biywiny mahãbenyke Wanyrỹ òraru-ki Iòlõrybe, aõbo kai deõdu rybewydydu aõbo ibutumy birarenymybenyke. Iòlõ deõdu mynyduhykỹ doidenyde aõbinahakỹ widỹdu aõhõkỹmy risõnymy rimymy risydỹnykemy ritamadỹnykemy tule aõwihikỹ widỹdu ritealãdỹnykemy. ¹⁵ Aõwi wihikỹ widỹna-di kaiboho hãbu bina biyrydỹnybenyke. Kia Deuxudeewi rare. ¹⁶ Kaiboho hãbu ixihyyludumy ahãtenyte urile aõbina bina widỹõmy boibeke. Deuxu

deòduweselemy boibeke. ¹⁷ Iny ibutumy iòsana biywinyke. Ityhydÿÿdu seriòre luumy boibeke. Deuxu biwowydynybenyke. Iòlò bede dinodu biwowydynybenyke.

¹⁸ Deòdu mahādu, awedu bityhynybenyke awedu wiwihikÿle-ò sohojile aòkò ibina bina-wana dori bityhybenyke uritere bedetiidÿÿmy rÿiòmy. ¹⁹ Aòbina riwinyòhyymhÿre deòdu tawedu-ò. Tahe wedu teòdu-ò aòhòkÿmy risÿnyre. Deòdu riòludunymhÿre aòmy rarybeòhyymhÿre, Deuxu rityhynymhÿreki. Kia wese tahe Deuxudeewina rare. ²⁰ Iny raòrarunymhÿkeki, tai tahe òhòtenamy inyboho ratximyhÿrenykeki, aòloosòna widÿÿna bohe kia rare. Inyboho riòludunymhÿreki. Aòwiwihikÿ widÿÿna-di inyboho ywina-di òhòtenamy riòludunymhÿrenykeki, kia Deuxudeewina rare. ²¹ Kaiboho biòludunymhÿbenykemy tai iitxemy aratarenyra. Kristu tule dori òrarureny-ki aòhòkÿmy rotÿÿnyre. Iwese timybo tii riwinyre wese kaiboho biwinybenyke. ²² Kristu dori tii raòrarunyòtyhy, tule aòbinahakÿmy rarybeòtyhy, raruiòtyhy. ²³ Tamy adebure irāmy rryreyu wobinamy aòkò dirawyònyde. Rihetenyre, aoma aòkò dirawyònyde. Urile tii rexiwahinyre Deuxu dee. Deuxu dori òbitina-di rihitxidÿÿnyre. ²⁴ Inyòrarureny dori riwyre itxeò nihikÿ tyre-ki. Tai tahe òraruna dee rakarurunyrenyke, tahe òbiti widÿÿna-ò rakatximyhÿrenyke. Kristu wotòmomy iny riteytenymhÿre. ²⁵ Iwese budoeni reòsamyhÿre wese kaiboho toite. Wijile tahe kaiboho tòòsemy atxitenyte aitxeredu-ò attytyby wiòhedÿÿdu-ò.

3

¹⁻² Hāwyyreny, ahābureny rybe bityhynybenyke. Tai inyò ihābu ityhydÿÿdu aòkòkeki, tii kidityhynyke tahāwyyhe-ki, aòrybebo aòkò roholareki ihe-ki robireki. ³⁻⁴ Hāwyy ruxerana heka ixidee itidisirenyòmy atximahābenyke aò taumy-ki ritidimyhÿre aòkò hāwyy ruxerana rare. Aò iwo-ribi teysare, Deuxu Tyytybytyhy widÿÿna inytyhyna tii tahe hāwyy ruxerana rare. Rade sihodÿÿtyhy ibutu ratyre aòkò rare. Womati tÿrÿrÿ noho tule aòkòre, ty wiwihikÿ-di rariamyhÿre tule aòkòre. Kia tahe Deuxu dee aòwiwihikÿtyhy aòkò rare. ⁵ Tule ihetxiu hāwyy òbiti tuu rotÿÿnyre, tahābu riywinyre, Deuxu rityhynyre. ⁶ Sara, Abraò riòrese, tahābu riywinyre. Itxi òhòtirenny beake tawedumy tamy rarybere. Kiaboho hāwyyreny iriòre riòre atximahātenyte. Tai aòwiwihikÿ widÿÿnamy botÿÿnybenyke. Bededÿÿnana jei jei lau brebuòmy.

⁷ Hābu mahādu, kaiboho tule asÿreny-ki abedeeryna biyrubunybenyke. Ahāwyyreny biywinybenyke hòraòmy idi ahābenyke, tiiboho dori itxòmoxirenyre iruruòrenyre. Iòsÿny bityhynybenyke. Wiwana Deuxu ruxetòena tarasadÿÿdu atximahātenyte. Tai aixitòedÿÿnamy òbitimybexitòenybenyke.

⁸ Tahe kaiboho ibutumy widi mohòtinybenyke wiwesewesele. Ityhydÿÿdu seriòre dee tòena luuna-wana biwahinyke. Ruxetòena-di boibeke iny-ò ixityhydÿÿ aòkò. ⁹ Inyò aòbinamy adee rakeki, ixiòwydÿÿòmy. Inyò rybe-ki aòbinamy adee rakeki, irawyòdÿÿòmy. Wityhymy tamy marybeke. Kia-ò tahe Deuxu aòwiwihikÿ adee riwahinyke, tai ijòtxu Deuxu wityhynamy adee riwahinyke. ¹⁰ Tai inyò tabededÿÿnanaalumy ratxike-wana, tatxuu teysamy ratxikeki, tahe dòròtò rexitaake rybe bina lau iry riyryke wobina rybe lau. ¹¹ Aòbina bina-ribi bihenybenyke aòwiwihikÿlemy botÿÿnymahābenyke. Ywina biijemahābenyke ywina-di ahābenyke. ¹² Deuxurue tahe òbiti mahādu-di

rethemyhÿre. Tanohôti tahe ixitôena-ò riijohonanymy ronymyhÿre. Aôbina widÿÿnadu-ò tamyreny rayaranymy idi rethemyhÿre.

¹³ Kai aôwiwihikÿ widÿÿlemy tiu matxibekeki aôhe iny adee rotÿÿnyôtyhy. ¹⁴ Kai ôbitiwidÿÿ ôraru-ki aôhebo bôtÿÿnykeki, deysamy atximahâke. Breburenyômy iwese ilaureny ixiôhârudÿÿrenyômy. ¹⁵ Urile Kristu awedurenywesemy bisÿnybenyke aworeny-ribi. Inyô adeereny aratÿÿraxinyke-wana aôherekibo Kristu tetyhynymyhÿtemy, kai hexiywinyhyy tamy ixidee rybena bydÿÿna biywinyhyymy idi ahâke. Arawyôdÿÿna ywina-di tamy marybeke iôsÿny bityhynymy arayky ôbiti-di marybemahâke. ¹⁶ Tai tahe biixÿrudÿÿnyke umy ibinamy rarybekeki, tai dori ôbitilemy Kristuko-txi tariamahâte. ¹⁷ Tahe Deuxu dee wikeki, aôwiwihikÿwidÿÿ ôraru-ki inyô aôhökÿmy rotÿÿnykeki, kia tahe Deuxu dee awi rare. Aôbinahakÿwidÿÿ ôraru-ki aôhökÿmy rotÿÿnykeki, kia tahe Deuxu dee awi rare. ¹⁸ Kristu tahe sohojihyyle rurure iny ôraruna ôraru-ki. Ôbitiwidÿÿdu tahe rurure ôbitiwidÿÿdu aôkô ôraru-ki, kaiboho ruruweselemy atximahâtenyete. Deuxu Tyytybytyhy direki kaiboho iruweselemy atximahâtenyete. ¹⁹ Kristu Tyytyby rara rotenawo-ò, tyytyby-ò ritÿÿnynymy rarybeke. ²⁰ Noe hâwô nihikÿ riwinyreu, Deuxu riraômy raremyhÿu urile hâbu mahâdu rityhynyômyhÿre. Debô inataô reurô inymy rohonyre rubu-ribi bera-ò rabôrôrôre. ²¹ Wiji, kia sebedÿÿna ijyy wese heka rare. Tahe aôsebedÿÿna aôkô iny tarasanare. Sebedÿÿna-ki Kristu rubu-ribi ixixana inyboho riteôsinyreri iny Deuxu-ò rethemyhÿre tarasana ritakemy. Bee tahe hâlubu surôdu aôkô rare. Rexitôenymyhÿreki inywo rityranymyhÿre risuhônymyhÿre. ²² Kristu tahe wijile biu bede ronyre Deuxu rurunawe-ribi tii ÿjuboho, dinoduboho, rurunaduboho wedu Kristu rare.

4

¹ Tahe Kristu taumy-wana aôhökômy rotÿÿnyre. Tai tahe iwesemy mohôtinybenyke. Inyô dori aôhökÿmy rotÿÿnyre. Tai tahe ôraruna-ribi ixiixâwididÿÿmy rôhôtinyreri. ² Tai kabede-ki iny bededÿÿnanareny uhe hâbu ôta ôtawidÿÿ nohôtina wesemy aôkô rakatximyhÿrenyke. Deuxu deewina widÿÿna-ò rakatximyhÿrenyke. ³ Juhuu kaiboho sôwemy taôrarunyenye, iwese ityhydÿÿdukôdu mahâdu wiji rÿira wese. ⁴ Aôraru-ò biôwa mahâdu wiji bederiôtiinyre kai tii-wana taôrarunykômahâteki iwese tiiboho naôrarunymyhÿdenyde wese. Tai adee ibinamy rarybemyhÿrenyke. ⁵ Tule tiiboho ywisidÿÿdu Deuxu-ò rirawyônykre. Idi dori ôbiti ywisidÿÿna-di rihitxidÿÿnykre iru mahâdu, rubumahâdu wana. ⁶ Tai tahe inyô ituekre mahâdu-ò Rybewihikÿmy rarybemyhÿre iumy dori rihitxidÿÿnykre ibutu hâbu wesemy. Tahe ityytyby Deuxumy irumy rarekre.

⁷ Boholabeny inye, bededÿÿnana konana iôhôra. Tai tahe inatyhymy mohôtinyke Deuxu-ò ôbitimy bexitôenykemy. ⁸ Ibutu ratyre wiluutyhymy atximahâbenyke. Kaiboho dori aluunadirenykeki wiôraruna-di itxerekômy ahâbenyke. Inyô dori iluunadikeki, wiôraruna-di itxerekômy ihÿke. ⁹ Iny witxira dee awimy rÿira, roraludu isÿômy rÿira aheto-ò bisÿdÿÿnyke. Bitÿÿhidÿÿnyke roraludu luumy atximahâ. ¹⁰ Wii biwiôhenanymy ahâbeny iwese bede teertyentyete wese biwiôhenanybenyke. Deuxu wiôhedÿÿdu witxura wahidÿÿdu wiwihikÿmy boibeke. ¹¹ Inyô rarybekeu, Deuxu rybedile kana rybeke. Inyô reôbykeu. Deuxu ruudile kedeôbyke. Tai tahe Deuxule loosôna kia-ribi kanatake Jesuisi Kristu ôraru-ki ibutumy aôna aôna-di. Aôu aôu ibutumy ruruna, loosôna Jesuisi Kristu hôrô rare. Kie.

¹² Waluuna mahādu, ixibedeotiidyōmy bedē aōmydŷŷnana sira adee kanakreu. Kia tahe aō brebudŷŷna aōkō rare aōhebo adee kodotyŷnykeki. ¹³ Tŷxihikŷlemy deysa-di atximahāke kia aōhōkŷmy dŷŷnana dori Kristu aōhōkŷmy dŷŷnana-ō biōwa atximahāte. Idi tahe tule kedeysakre Kristu loosōna ɔraru-ki. ¹⁴ Inyō adee ibinamy Kristuni ɔraru-ki rarybekeki beysake. Kiau Deuxu Tytyby heka loosōna sōwe-di atyre-ki kanakre. ¹⁵ Kaibohoō rubudŷŷrenyōmy, wasirenyōmy, aōna aōna bina widŷŷōmy, inywitxira aōwysyna-txi rōte. Kiake-wana iōwydŷŷnamy aōhōkŷmy botŷŷnybenykre. Tii dori wadee awiōre. ¹⁶ Inyō tahe aōhōkŷmy rotŷŷnykeki, ityhydŷŷdumy rare ɔraru-ki tai ixryuōmy mabeke. Urile Kristunimy riwowydnykemy idi rare. Bededŷŷnanahe rehemy nymy roire ityhydŷŷdu mahādu-di rihitxidŷŷnanymy riteranykemy. ¹⁷ Tahe inydee ywisidŷŷna ritelenykeki, timybohe Deuxu Rybewihikŷityhydŷŷdukōdu mahādu-ō kōdōhōnykre. ¹⁸ Ryberiti-ki roimŷŷre kia: —Ōbiti mahādu dee tarasana isirakeki, timybohe ɔrarudu mahādu rōhōnyke. ¹⁹ Tahe inyō Deuxudeewi ɔraru-ki aōhōkŷmy rotŷŷnykeki, Tatytyby Deuxu-ō rawahike tahe aōwihikŷ widŷŷmy rareke. Deuxu dori aōu aōu iny widŷŷdureny rare; iny wiōhedŷŷdureny rare.

5

¹ Ityhydŷŷdu-ō itxeredu mahādu-ō aritohonykre ararybekre. Jiarŷ tule itxeredu-ō rare. Kristu aōhōkŷmy rotŷŷnyreu, iarŷ tuu rabire. Taloosōna kiditedsinykre iarŷ awana watxire tewebromy rikitarenykremy. ²⁻³ Biwisinanyke aityhydŷŷdu butuna iwese itxeredu budoeni-di retehemyhŷre wese idi beteheke. Ixideewimy kia biwinyke. Inywitxira deewimy aōkō. Aō niera tarasa sohojilemy aōkō, ityhydŷŷdu wiōhedŷŷmy. Aō ityhydŷŷdu wedu wesemy aōkō bisŷnybenyke, urile bexideōsinke iwese ityhydŷŷdu ɔbiti rŷira wesemy. ⁴ Tahe itxeredu mahādu wedutyhy kedehe-mynykeu, tii adee kidiwahinykre loosōna araheto. Tii tiu toosō ixāwiōtyhy. ⁵ Itxeredu mahādu tŷmyra bierybenyke itxeredu mahādu matuari-ribi widee ixiwedeōmy ahābenyke. Ixiwede mahādumy dori Deuxu rarawetyynymŷŷre. Ixiwede aōkō mahādu-ō tahe ruxetōena riwahinyke.

⁶ Ywimy ahāke Deuxuru-ō iximy xiwedeōmy. Tii dori bedē ɔbiti kanakeu akanaloosōnykre. ⁷ Aōmydŷŷna witxira witxira biwahinybenyke Deuxu-ō tii dori arawisinaymyhŷrenyke. Anawiōhenanykre. ⁸ Bexihārubenyke aōludureny Satanasī-ō. Ōbitimy mohōtinybenyke. Tii dori leaō reburemyhŷre wese rare. Tii rariarerimy ihŷre tibo rirōkemy. ⁹ Atyhynatyhy-di idi bexiumynyke. Aityhydŷŷdu seriōre-dori awana aōhōkŷmy rotŷŷnyreri kia ixiradŷŷduhukŷle-wana. ¹⁰⁻¹¹ Iny Deuxu ruxetōenatyhy rŷire. Kaiboho urihimyo aōhōkŷmy botŷŷnybenykeu akanawiōhenanykre, akanarurudŷŷnykre, akanaōbitidŷŷnykre, anaijohonadŷŷnykre. Ibutumy ruruna ihōrōmy aōu aōu rarekehymy idi watximahāre.

¹² Kia waryberatiyla Sila-wana adeeremy riritinyre. Tii iny seriōreremy ɔbitityhy rare. Jiarŷ rarybereri kia Deuxu wiōhedŷŷna inatyhy rare. Kaiboho idi tyhy mohōtinybenyke. ¹³ Kowa hāwy Babilonia hāwā ludu tule tarybe weityhna adee diwahinyde. Tii tule itarasana mahādu-ō. Tule wariōre Marku arāybeweityhynanyre. ¹⁴ Widee buōbenyke narybewehityhynanyde. Ywina adeeremy kanakemy watxireri Kristu tetyhynmahātenyeki.

2 Pedro 2 Pedro Tyyriti

¹ Jiarÿ, Simaõ Pedro, Jesuisi Kristu deòdu rare. Jesuisi Kristu rybemy rybedu rare. Warybe ritina rewahinyre ityhydÿÿdu mahãdu-ò, Deuxu ywisidÿÿna mahãdu-ò, Jesuisi Kristu inytarasadu òbitina òraru-ki, inatyhyna inyboho ijòdirennyreki. ² Ruxetòena wiòhedÿÿna-wana adeereny kanakemy watzireri Deuxu erydÿÿna-ki, Inynyrÿ Jesuisi erydÿÿna-ki. ³ Tahe Deuxu rurutyhy-ribi inydeereny aõna aõna sòwemy riwahinymyhyre òbitimy inyboho rokoirekemy inybededÿÿnanarenny-ki. Tii inyboho ridyrennyre taloosòna òbitiwo-ò, tii inyboho rierynrennytyhyreki. ⁴ Tai inydeereny tuu rarybere, sòwemy aõna aõna kanakremy awityhymy inydeereny kia rybe rare. ⁵ Kia rybe bityhynybenykeki, bede aõmydÿÿnana bina-ribi bexitabenyke, òta òta widÿÿna-ribi bexiebenyke. Tule Deuxu rayky wesena-di urihimyo boibeke. ⁶ Tai tahe ibutumy aruru-di marurunyke aityhydÿÿna-ò òbiti widÿÿna bibutunyke, kia-ò bedeerydÿÿna bibutunyke, kia-ò ixiwedudÿÿna bibutunyke, kia-ò widÿÿnahyyna, kia-ò òbitimy nonana. ⁷ Kia-ò ityhydÿÿdu seriòre luuna, kia-ò wiluuna bibutunyke. ⁸ Kia aõna aõna dori awo-ki ratximyhykeki, rexiòlònykeki, arawiòhenanykre Jesuisi Kristu Inynyrÿ bierybenykeny. Tai ityhydÿÿdu wihikÿmy boibekemy. Iny witzira biwiòhenanybenyke. ⁹ Kia aõna aõna inywo-ki ratxiòmyhykeki, tii heka iruetàlemy ihÿre. Aõbo iòhòmy ratxirilemy robimyhÿre. Juhu òraruna iribi risuhoremy idi tòhòti rosare. ¹⁰ Tai waseriòreboho marurunybenyke atyhymy boibekemy, aityhydÿÿna tyyhydÿÿmy boibekemy. Tai tiu òraruna-txi aixeòna. ¹¹ Kia wesekeki tahe deysana-di birònybenykre Jesuisi Kristu inytarasadu òlòna bede-ò.

¹² Kia aõna aõna teerytenyete. Inatyhyna tetyhynyhy atximahãtenyete. Ihãrele tahe itxi aròhòtiijiradÿÿnyhyrennykre. ¹³ Tule warumy mahãreu, awimyi idi rahòtinymahãre kia inatyhyna-di akanaixixadÿÿnydenykeny. ¹⁴ Waumy dori kaki ele elelemy aririkre reeryre. Inynyrÿ Jesuisi Kristu dori kia wadee diteòsinyde. ¹⁵ Aõu aõu tahe ararurunythyymy ararekre kaiboho kia ibutumy òhòti-ribi rosaòtyhykemy. Tule warubuhewo-ribi kia-di mohòtinhyhy boibeke. ¹⁶ Tahe adeereny Jesuisi Kristu tehemynynamy rarybereu, aò uritere tere ijyymy aòkò heka relyreri hàbu ijyyna-ribi aòkò ijythyhymy. Inyboho dori iny iòlòreny loosònatyhymy robimyhÿrennyre. ¹⁷ Tii dori Deuxu inytyby-ribi loosòna wowydyna-wana ritare. Tuu Deuxu loosònawo-ribi narybede: Kai heka Wariòre waluu tate. Jiarÿ reysamy watzireri adee. ¹⁸ Kia rybe-ò jiarÿboho raholarennyre tii-wana hãwàlò raty tyre-ki roiremyhÿu. ¹⁹ Iwese juhu rybemy rybedu mahãdu rarybere wese, kiamy heka wiji inydeereny ritÿnynymy roimyhÿre. Kaiboho tule kia-ò boholamahãbenyke bityhynymahãbenyke. Iwese iny loosòna-di bedeluru-ki, retehemyhÿre wese. Idi tahe Kristu kòdòhònykre, iwese tainahakÿ ròhònyre wese. Tahe aworeny-ki kanasÿnykremy ratxikre. ²⁰ Kia heka juhuu bierykre: Tyyritirybeò tiu ixiwanale ritÿnydÿÿnyòtyhy. ²¹ Deuxu rybe dori hàbudeewimyi aòkò heka nade juhu Deuxu Tyytybytyhy hàbu dee rybe ritÿnynnyre aõmybo rarybekemy.

2

¹ Iwese juhuu inyy-ki rybedu inatyhyòna rarybere wese, tule ayrenny-ki

rybedu inatyhyõna kidierydÿnykremy. Tiiboho kedeernanykre aõbinabinahãkÿmy. Tiiboho kidiitxenanydenykre. Tule Inynyrÿ kidiseõnykre. Tai tahe aõwesele rexihukre. ² Sõwemy iny iõta õta erydÿÿnyra rityhynykre. Tai iny witxira inatyhyna ery dee ibinamy rarybekre. ³ Kia rybedu inatyhyõna adyna-di ratxihyymy roireke tai adeereny raruimyhÿke. Anieru tarasanareny-õ. ⁴ Iatysyna heka iõhõmy namahãde tule idi dehuna inatyhymy kòdòhõnykremy ihÿre. Ýju mahãdu raðrarunyreu Deuxu tõtxi ririõlemy reare tahe idi rehulemy reare bedebina heõtÿ-õ. ⁵ Iu bee-di Deuxu suu ritÿmynyreu, òrarudu mahãdu ituere Deuxu tõtxi ririõre. Noe, õbitina rybedule, ritare debò inatxi reurò iny-wana. ⁶ Sodoma hãwã Omora hãwã-wana aõwesele Deuxu ritoonyre, raðrarunyreki. Brybymy relere. Tai heka iny ribedeernymyhÿre òraru lau. ⁷ Kia hãwã-ribi heka Lõjoi sohojile ritare. Lòò õbiti rare. Tii heka terare òrarudu mahãdureki. Tõtxi ririõhyre. ⁸ Imahãdu-ki Lòò rasÿnyreu, txuõ txuõlemy iwo rabadewotyhyimyhÿre, aõbinawidÿÿmybo robire idi roholareki. ⁹ Tahe õbiti widÿÿdu urihixina-ribi Inynyrÿ ridykemy rierymyhÿre. Tule ibinamy widÿÿdu mahãdu aõhõkÿmy dÿÿnana riraõmyhÿre. Ywisidÿÿnatxu kedehemynykreò. ¹⁰ Ibutu ratyre urari õta õta widÿÿdu mahãdu aõhõkÿmy rotÿÿnykre. Tiiboho Deuxu ruu riseõnyrenymyhÿre. Ixi-di xiwededu wesemy rÿirenyre, xiluudu wesemy rÿirenyre. ¹¹ Aõbinahãÿlemy biuludu mahãdumu mahãbemyhÿreny. Tahe Ýju mahãdu iruruna ratyre-di hãre tamy ibinamy rarybeõmyhÿre, Deuxuko-txi. ¹² Tahe kia iykaraluu mahãdu iròdu deborehekÿ wesemy ratximyhÿre. Iròdu debore tahe bedehuduna widÿÿmy rare ada ròtenawo-õ rakelemy. Kia hãbu mahãdu aõmybo ròeryõhyimyhÿre dee ibinamy rarybemyhÿ. ¹³ Tiiboho ixi-di dehuna-di ixi dee kedexiixãwinykre. Tiiboho òraru luumyhÿre txumy dori raðrarunymyhÿre. Awanareny dori riroximahãre, aõbinahakÿtyhy wesemy ayreny-ki ratximyhÿ iðaranarenymy rybe luureki. ¹⁴ Tiemy iru hãwyydihy retehemy ihÿre tamy õta õtalemy ròhõtinyinmyhÿre. Kia hãbu hãwyydÿÿweduna rierymyhÿre. Hãwyy urihimyo tÿÿwekeki kia hãbu idyna rybe-di rierymyhÿre hãwyy-di aõbo tai riurarinymy taðbirenareny rihydÿÿnymyhÿre aõbo tai riurarinymy idi ratximyhÿre. Tiiboho tuedena nihikÿ-di ituerenykre. ¹⁵ Òbitiry ririmyhÿreny. Reòsamyhÿreny. Balaaõry dori riheludunymyhÿreny Balaaõ, Beoro riore òraruõwydÿÿnamy ritakemy boixireri iðaru luureki. ¹⁶ Aõbinahakÿ riwinyreki rexiõwynyre. Kiamyre heka. Jumenta wesena rybeteremy tamy rarybere inrybe wesemy iitxÿtena-ribi riixãwidinykemy. ¹⁷ Tiiboho bedidehuna wese roire bee ihoõreki. Yhy biuwetyy tiò ridymyhÿre wese kia hãbu mahãdu roire. Tamy bede luruhukÿ bede riyrubunymy rÿire. ¹⁸ Tiemy taðrarumy rarybehymy raremyhÿ inyõ aõta õta rybe-di ridykemy. Inyõ deòsary-ribi ròhõnykeki, tiò ridylemyhÿre ixybyle òarana-õ. ¹⁹ Tamyreny rarybemyhÿre ixideewimy boibekemy. Urile irybedureny òaranawidÿÿna deòdumy ihÿreny. ²⁰ Iwese inyõ ijesuna-ribi riatymyhÿkeki, iatysydÿÿdu deòdumy rarekre wesemy. Kiawesele tahe òarana rare. Inyõ bede aõmydÿÿnana òaru-ribi ròhõnykeki, tahe ixybyle ròosekeki, teleu raremyhÿ ratyre ikonanau ratÿÿnykre. Inynyrÿ Jesuisi Kristu dori tii rierymyhÿre juhoo tahe idi rexideyresanyre kia aõmydÿÿnana òaru-õ. ²¹ Tiiboho ryòbiti rierymyhÿreny. Tahe bede ywina òbiti-ribi rexiòdÿÿnyre. Rieryõhykeki tamy wimy tuu raremyhÿ, rytÿmyra ersy-ribi rohonyrenyreki. ²² Tiiboho kia rybedÿÿna hitxina wesemy

ihÿrenyre: —Ijòròsa tahylòina-ò ròòsere. Tule ijò rybedÿÿna wesemy: —Ixÿni bedi risuhòkeki, tii tasu burena-di ixbyble rexisunyeke.

3

¹ Kia, waluuna mahâdu warybe ritidÿÿna juhuludu aôkô rare ihewoludu rare. Warybe riti wiwanadile anohôti ijiradÿÿmy watzireri anohôti ri-raixixanykemy. ² Deuxu rybemy rybedu ôbitimy rarybemyhÿre ôhôtî-ribi rosaôkre, tule Inynyrÿ iny tarasadu bede ywina nohôtî losaômy iwese tarybe deòdu adeereny riernanyre wese. ³ Ibutu ratyre, kia-ribi nohôtî losaômy. Ikonana txuu hâbu binahakÿ rybe binatyhy-di kôdôidenykre. Kia hâbu ôta ôta widÿÿlemy rôhôtinymhÿre. ⁴ Kiamy hâbu rarybekre. Tiubo Jesuisi Kristu nonana kanakre. Juhu inytybyreny ituereu wiji bededÿÿnanau tiu naôhymhÿde. Ibutumy heka juhu bedeu ixi wese hyylemy bede roimhÿre. ⁵ Iribi tôhôtireny rosare ixideewimy Deuxu irybedile biu bede-wana ri-winyre. Beribi riwinyre, bedi riwinyre. Iribi tahe bedi bede rahure. ⁶ Bedi juhuu bede ibutumy rexihura. ⁷ Tule wiji irybedile bede rÿimhÿre. Tahe ixbyble kanahukre. Heòty-di kanahukre. Kia txuu ibutumy inybinahakÿ ituekre kia-ribi ixideewilemy kia hâbu tôhôtî rosare.

⁸ Tahe aôsohojibo, waseriôreboho, nohôtî-ribi loosarenÿômy. Kia heka rare: Inynyrÿ dee. Txusohoji 1000 beôra wese heka rare. Tule 1000 beôra txusohoji wese rare. Tamy bededÿÿnana aô aôkô rare. ⁹ Inynyrÿ tarybewesele aôna aônamy kodotÿÿnykre. Aô raroorehenymhÿre aôkô rare urile tahe hâbu riraôhymy rÿimhÿre hâbu taôraru-txi tôhôtî reakemy. Ibutumy tarasana-ki rÿikemy dori idi watzireri. ¹⁰ Wasidu namyhÿde wasimy Inynyrÿ txuu kôdôhònykre. Biuwetyy, bede-wana rexihukre. Ibutu suludu heka ramyijy heòty adÿÿwesemy ritxienykre. ¹¹ Ôbitimy rakatzirenyke. Kia ibutumy rôhònyreki. ¹²⁻¹³ Inyboho heka riraômyhÿrenyre biuwetyy tÿmyra sutÿmyra-wana. Inynyrÿ dori rarybere kia kidiwahinykre.

¹⁴ Tai heka waseriôre waluuboho, ôbitimy atximahâbenyke kia-ò dori teraômahâtenyete. Tii kanakreu umyreny robikre ywimy, ôbitimy, inyô heka umyreny ibinamy rarybeòtyhy. ¹⁵ Rexiroorehenymhÿre ibutumy iny tarasanarenymy. Tule inyseriôre Paulo adeereny ròritidÿÿre ibede eryna Deuxu tamy riwahinyre. ¹⁶ Kiamy tule aôna aônamy tii ròritidÿÿre. Tahe iritina-ki aôbo isiratyhyre ierykônatyhymy roire ôbiti mahâdu aôkô kia rybe-di aôwitxiramybo riernanymhÿre. Iwese ijò Ryberiti-di riwinyre wese. Tai heka tiiboho ituerenyre. ¹⁷ Kaiboho tahe waityhydÿÿdu seriôre bexihârubenyke ilau teôsana-di aradyrenyheny. Tai kaiboho beôsabenyke. ¹⁸ Inynyrÿ Jesuisi Kristu wiôhedÿÿna-di ibedeerydÿÿna-di maumynybenyke. Wowodyna ibutumy tamy kanakemy idi wâhare wiji tyhymy rareke. Kie.

1 JuaŌ

1 JoaŌ Tyyriti

¹ Jiarŷboho akoreny retŷŷnynyreri, Jesuisimy. Tii Rybe rininirenyra. Tii juhuhbedeu raremyhŷ. Jiarŷboho rabirenyra, tarybemy aholarenra, tamy reteherenre, aŌbo riwinyreŌ, tule tamy iny rerimyhŷre. Tii inyeereny umytŷmyra riwahinyreri. ² Umytŷmyra tuedeŌna Deuxu inytyby-ribi rehemynyra. Kia umytŷmyra tuedeŌna Jesuisi-di rare. Jiarŷboho tuu rabirenyre. Tii rexideŌsinyre inyrenyko-Ō. Kia tahe adeereny relyreri iwese raremyhŷ wese. ³ AŌbo iny roholare wese, tuu rabire wese, kia tahe tuu relyreri inyboho wiluurenykemy winohŌtiwesele rŌkŌhŌtinyrenykeny. Inyboho rahŌtinyrenyri iwese Deuxu inytybyreny, Jesuisi Kristu Deuxu RiŌre-wana wiwese rŌhŌtinyre wese. ⁴ Kia tahe waryberiti adee re-wahinyreri adeysamy rakatximahārenykeny.

⁵ Kiamy tahe Jesuisi inyeereny relyreri: —Deuxu txuloosŌna wese ratximyhŷre. Deuxu-Ō bedeluru aŌmydŷŷnana rehemynyŌtyhy kiamy adeereny relyreri. ⁶ InyŌ rarybekeki: —Jiarŷ Deuxu-wana winohŌtiwesele rahŌtinymahāre. Kia iny bedeluru aŌmydŷŷna-di ratxireriki, kia iny raruimyhŷre. ⁷ Tahe inyboho loosŌna waŌmydŷŷna riwinymyhŷrenykeki iwese, Deuxu loosŌnawo-ki ratximyhŷre wese, tai inyboho wiwesele rŌhŌtinyrenyke. Tahe Jesuisi, Deuxu RiŌre hālubu ibutumy iny ōraru-ribi iny risuhŌmyhŷke. ⁸ InyŌ rarybekeki: —Jiarŷ raŌrarunyŌhywāhāre, kia rybe-di tii ixidee riitxenanyimyhŷre. Tii raruire rityhynyŌre. ⁹ Iny taŌrarurenymy relyrenykeki, Deuxu tiemy ōbiti rare, tii iny ōrarurenin-ry-ribi riixāwididŷŷnykre. AŌbo iny iwo-ki isuisumy ihŷre tii rityranyke. ¹⁰ InyŌ ōrarudikemy aŌkŌ raryberenykeki, inyboho Deuxu ruidumy rarybemahāreny. Kia iny Deuxu rybe rieryŌhyimyhŷre.

2

¹ Kaiboho wariŌre wese atximahātenyte. Adeereny waryberiti re-wahinyreri, kaiboho ōrarurenymykeny. Iny ōraruna-txi resekeki, iny wiŌhedŷŷdurenny dire. Tii Jesuisi Kristu rare. Ōbiti rare ōraru iyydumy rarekeny Waha Deuxuko iny wiŌhedŷŷmy. ² Tii dori itxeŌnihikŷ-ki rurura iny ōraruŌwydŷŷ-ki. Inysohojile ōraru aŌkŌ rurura tahe ibutumy iny ōraruŌwydŷŷ-ki. ³ Tiwesebo inyŌ rexierkyre Jesuisi rieryrenykeny rityhynymyhŷkeki karybe bede ywina wese rierykre tii rexierkyre Jesuisi rityhynyreri wana. ⁴ InyŌ rarybekeki: —Jiarŷ Jesuisi reeryre. Irybe bede ywina riywinyŌkeki, iny ruidu rare. Inatyhyna rityhynyŌre. ⁵ InyŌ Jesuisi bede ywina riywinykeki, inatyhymy tawo-ki Deuxuluu rare. Kiawese heka iny rierykre Jesuisi mahāduwo-ki ratxireri-wana. ⁶ InyŌ rarybekeki: —Jiarŷ Jesuisi mahāduwo-ki watxireri. Tamy kia wese rŷikeki. AŌmybo Jesuisi rotŷŷnyre wese, tii tule rotŷŷnyke. ⁷ ItyhydŷŷduseriŌre, adee bede ywina tŷmyra aŌkŌ rewahinyreri. Bede ywina tyby kia rare. Kia juhuu teerytenyte. Inyboho wiluurenykeny, kia bede ywina tyby rare, juhuu taholatente. ⁸ Kia rybe bede ywina itŷmyra rare. Jiarŷ adee rewahinyreri. Kristu dee inatyhy rare tule adee inatyhy rare. Bedeluru rŌhŌnyra, loosŌna inatyhy bede-Ō ralŌmyhŷre. ⁹ InyŌ rarybekeki: —Jiarŷ loosŌnawo-ki watxireri. Kia iny

taityhydÿÿdu seriõre luuõkeki, bedeluru-ki ratximyhÿre. ¹⁰ Inyõ taityhydÿÿdu seriõre luukeki, kia sohojile loosõnawo-ki ratxireri. Aõ aõkõ tii riatydyÿnyra. ¹¹ Inyõ taityhydÿÿdu seriõre rexihitxinykeki, bedeluru-ki rariamyhÿre. Titxibo rakre rieryõhyymyhÿre. Bedeluru dori ruetàna rare.

¹² Adeereny warybe rewahinyreri wariõre wese aõraru dori, tii riixãwidÿÿnyre Jesuisi òraru-ki. ¹³ Iumy mahãdu-ò warybe riti rewahinyre adiwahinyde, kaiboho dori tuu teerytenyete. Tii hykyle dori juhuhu raremyhÿ. Ijoityhy-ò waryberiti rewahinyre, Satanasimy tahaÿnanytenyete. ¹⁴ Wariõre, inytyby Deuxu teerytenyete. Iumy mahãdu, adeereny aratyryritinykre, kaiboho dori tuu teerytenyete. Tii hykyle dori juhuhu raremyhÿ. Ijoityhy, adeereny aratyryritinykre, Deuxu rybe dori õhõtireny-ki ratxireri, arurudireny dori. Satanasimy tahaÿnanytenyete. ¹⁵ Bede aõmydyÿÿnana luurenykõmy boibeke. Inyõ bede aõmydyÿÿnana luukeki, Deuxu inytyby luuna rieryõke. ¹⁶ Kia bede aõmydyÿÿna rare: òraruluuna, aõmy robira-wana tuure, aõna aõnamy ixityhydÿÿna. Kia Deuxu-ribi aõkõ nade. Kia bede aõmydyÿÿna-ribi nade. Kia bede aõmydyÿÿna-ribi nade. ¹⁷ Kabede ixãwikre taaõmydyÿÿna òta òta-wana. Deuxudeewimy widÿÿdu tiu ixãwiõtyhy. Tii awimy rÿirakre.

¹⁸ Wariõre wese. Ikonana bededyÿÿnana iõhõmy roire. Adeereny narybede Kristu òludu kanakemy. Betehe inihe, Kristu òludu sõwemy dehemynde. Kiaiwese inyboho rieryrenyere ikonana bededyÿÿnana iõhõmy roire. ¹⁹ Kia Kristu-ò òludu iny mahãdu wotya-ribi rõhõnyrenyara. Tii ityhydÿÿdutyhymy aõkõ ratximyhÿre. Ityhydÿÿdu mahãdu tiu rõhõnyõtyhy. Rõhõnyrenyreu, ibutumy rieryre, kia iny mahãdu aõkõ ratximyhÿre. ²⁰ Kaiboho aõmydyÿÿnana ibutumy teerytenyete Deuxu Tytybytyhy direki. ²¹ Kia rybe adee aratyryritinyke, kaiboho dori Deuxu rybe inatyhyna teerytenyete. Tiu rui Deuxu inatyhyna-ribi rõhõnyõhyymyhÿre. Kia tahe teerytenyete. ²² Moheka ruidu rare. Inyõ rityhynyõkeki Jesuisi Deuxu deõdyÿna raremy, tii tahe ruidu rare. Inyõ Kristu Deuxu-wana ritxiõnykeki, tii Kristu òludu rare. ²³ Inyõ Deuxu Riõre ritxiõnykeki, tii Deuxu-wana aõkõ ratxieri. Inyõ rarybekeki: — Deuxu Riõre retyhynyre, tii Deuxu-wana ratxireri. ²⁴ Juhuhu aõõbo roholare taholamy toitemyhÿ idi mohõtinybenyke. Idi mohõtinyamahãbenykeki, Deuxu, Iriõre-wana aõu sõu matxibenyke. ²⁵ Jesuisi Kristule juhuhu inydeereny narybede, umy ituedeõna inydeereny kidiwahinykemy. ²⁶ Kia waritina jiarÿ wiji rehura. Aitxenadyÿÿdu lau adee reritinyra. ²⁷ Abedeerydyÿÿna Kristu tatyytyby adeereny riwahinyre. Tii tahe awanale ratxireri. Aerydyÿÿdu aõkõ adeereny rauhenyrenyeri. Tii tahe inatyhy bedeerydyÿÿna ibutumy araerynanyeri. Rui aõkõ rare. Iwese tii araerynanyeri wese, ibutumy biyrubunymahãbenyke. Kia tahe Kristu-ki hykyle bexiemyhÿbenyke. ²⁸ Wiji, wariõre wese aõu aõu boibekemy Deuxu mahãduy-ki. Tai Jesuisi kaõ kedehemynekeu, buberuõtyhy ada maixÿruõtyhy ilau. ²⁹ Deuxu õbitityhyhy ratximyhÿre. Kia teerytenyete. Inyõ õbitimy rarekeki, Deuxu riõremy rareke. Kia tule teerytenyete.

3

¹ Boholake, inytyby Deuxu taluuna nihikÿ inydeereny riwahinyre. Inyboho dori tii rininirenyre Deuxu Riõremy. Inatyhymy inyboho Deuxu Riõremy roire. Kia tahe ityhydÿÿdukõdu mahãdu rieryõre. Tiiboho dori Deuxu inytyby rieryõhyymyhÿre. ² Waluuna mahãdu, inyboho Deuxu Riõremy roire. Rierykõrenykre timybo iny rokoirekremy. Kia inyboho rieryrenyere: Jesuisi

kodobehekreu, inyумы таумы wese risŷnykre. Inyboho dori kodobidenykre iwese rarybemyhŷ wese. ³ Inyŏ Jesuisi wesemy rarekemy ratxikeki, iwese Jesuisi ōbitimy raremyhŷ wese tii rareke. ⁴ Inyŏ Deuxu bede ywina rybe rityhynkeki, tii rexiōrarunyke. Kia heka ōraruna rare. ⁵ Jesuisi dobehede ōraru tarasadumy rarekemy. Kia teerytenyte. Jesuisi inatyhymy raōrarunyōhyy raremyhŷ. ⁶ Inyŏ Jesuisirykihiyy rarialeke, tii ōrauōmy rareōtyhy. Inyŏ ōrarumy rarehyykeki, tii Deuxu rieryōhyymy rareke tuu robiōhyymy rareke. ⁷ Wariōre wese, itxenadŷŷdu lau bexiyrubunyke iny aōmydŷŷnana ōbitimy riwinykeki, iny ōbitilemy rareke, iwese Jesuisi ōbitimy raremyhŷ wese. ⁸ Inyŏ ōrarunadityhy raretyhykeki, tii Diabo mahādu-di rareke, Diabo heka ōrarauna-ki hyy nodure. Tai kaō Deuxu riōre nade Diabo aōmydŷŷnana ixāwikemy. ⁹ Inyŏ Deuxusŷ riōrekeki tii ōraruna-txi reseōlemy ratximyhŷre Deuxu dori iwo ritymyranyre. Tii reseōhyky rareke. Deuxusŷ dori rare. ¹⁰ Kia wese iny rieryrenykre inyboho iriōre Deuxu riōremy roire ada Diabo riōremy aōbo, inyŏ Deuxu deewimy riwinyōkeki, tii Deuxu Riōre aōkō rare. Inyŏ taityhydŷŷdu seriōre luuōkeki, tule Deuxu Riōre aōkō rare. ¹¹ Kia bede ywina rybe juhuu taholamy tatemyhŷ ihāre tadoholamahāte. Kia heka rare: iny wiluukemy. ¹² Iwese Kai taserōre riрубunyre wese aōkō rikiwinykre. Tii dori Satanasi mahādu rare. Aōherekibo tasewiōre riрубunyre. Iaōmydŷŷna Deuxu dee awiōre Iserōre aōmydŷŷna Deuxu dee ōbitire tai tahe riрубunyre.

¹³ Waseriōreboho, ityhydŷŷdukōdu mahādu eramy ratximyhŷ. Kia-di be-deōtiidŷŷōmyke. ¹⁴ Inyŏ ityhydŷŷdu seriōre luukeki, tii rubumy rŷire wese mahādu-ribi rōhōnyre. Kia reerymyhŷrenyre. Tahe umytuedōna-ki rahara. Inyŏ luuōkeki, tii rubumy rŷirawese mahādu-ki ihŷmyhŷke. ¹⁵ Inyŏ taseriōre derakeki, tii rubudŷŷdu wese rare. Boholake, kia teerytenyte. Rubudŷŷdu umytuedeōna-ki rahaōtyhy. ¹⁶ Kiawese luuna rikieriŷrenke dori Kristu rubu-ō rexiwahinyre inydeereny tōemy. Tai tahe inyŏ taseriōre dee rurukeki iluuna sōwereki. Tii tahe awire. ¹⁷ Inyŏ ityhydŷŷdu seriōre aōhokŷmy rotŷŷnykeki, rama rahukeki, tuu robike aō ijōdikeki, tahe iny riwiōhenanyōkeki, tii Deuxu luuna-di aōkō ratximyhŷre. ¹⁸ Wariōre wese, luuna urile tuu rybena aōkō rare. Aōhebo rotŷŷnykemy ihŷre. Kia tahe aluuna inatyhymy biteōsinyke. ¹⁹⁻²⁰ Kiawese iny reeryrenyre inatyhyna mahāduwo-ki ratximyhŷre. Jiarŷ arahōtinykeki. Jiarŷ aōkobo ityhydŷŷdumy watximahāre. Deuxu warayky riwiōhenanymy ratxireri. Deuxu warayky ratyre raraykywydynanymyhŷre. Tii ibutumy aō rieryre. ²¹ Waluuna mahādu, ruberuōhyymyhŷre tahe iny ityhydŷŷdu mahādu-ki ratximyhŷre wana rieryreki Deuxu iny rityhynyre. ²² Tahe aōmy iny rexitōdenykeki tii inydee kidiwahinyke. Iny dori ibede ywina rybe rityhynymyhŷre. Deuxu deewimy iny riwinymyhŷre. ²³ Kia heka Deuxu bede ywina rare. Jesuisi Kristu, iriōrenimy rikityhynkemy. Tule iny wiluuna wiluukemy. Iwese tabede ywina rybe diwahinyde wese rarekemy. ²⁴ Inyŏ Deuxu bede ywina rybe rityhynkeki, Deuxu-wana rareke. Tii-wana ratxikemy. Kia wese heka inyrieryrenyre Deuxu-wana iny ratxireri. Deuxu Tatytybytyhy dori inydee riwahinyre.

4

¹ Waluuna mahādu, ibutumy rybe bityhynybenyōke inihe ityhydŷŷrenyōmy. Tai biurihike iny rybe Deuxu-ribi inatyhy aōbo ada aōkōre aōbo. Sōwemy rybedu mahādu rōhōnymyhŷre. Tahe inatyhymy Deuxu

rybemy rybedu aōkō rare. ² Kiamy Deuxumy rybedu mahādu inatyhymy bierykre, inyō rarybekeki: Jesuisi Kristu hābu wesemy nade, tii inatyhy Deuxu mahaduō ihyre. ³ Inyō kiamy rarybeōkeki, tii Deuxu mahādu aōkō ratximyhÿre. Kia Kristu òluduō rare. Tamy taholamahāte kanakreō, tahe, kia ratximyhÿre. ⁴ Wariōre wese, kaiboho Deuxu mahādumy toite. Rybedu inatyhy aōkō rare, kia ruru tetatenyte. Deuxu dori aworeny-ki ratximyhÿre Deuxururu, Diabo ruru ratyre rare. ⁵ Inatyhymy rybedu aōkō aōmydÿÿnana binamy relyymyhÿre. Tii dori ka bede aōmydÿÿnana bina mahādu rare. Tahe ityhydÿÿdukōdu mahādu tamy roholamyhÿre. ⁶ Inyboho Deuxu mahādu roire. Inyō Deuxu rierykeki, inyeereny roholamyhÿre. Inyō Deuxu rieryōkeki, inyeereny roholaōtyhy. Kiamy rikierymyhÿrenyke inatyhyna mahādu inatyhyna aōkō mahādu.

⁷ Waluuna mahādu, wiluumy rakatximyhÿreny. Luuna dori Deuxu-ribi nade. Inyō luukeki, Deuxu-ribi tibie rare. Iny Deuxu rieryre. ⁸ Inyō luuōkeki Deuxu rieryōre. Deuxu dori luuna rare. ⁹ Kiawese inyboho rieryreny Deuxu inyluuremy ratxire. Deuxu Tariōre sohojile diteōnyde bede-ō inyboho Iriōre-ki umy tÿmyra-ki rahakemy. ¹⁰ Kia heka luuna rare. Juhuu Deuxu iny tuu aōkō rare. Tii tahe inyluure. Tule tariōre diteōnyde inyōraru òwy òwydÿÿnanykremy. ¹¹ Waluuna mahādu, Deuxu inyluurenytyhyreki, tai tahe inyboho wiluumy rokoireke. ¹² Tiu Deuxumy inyō robiōhykyre. Inyboho wiluumy rÿikeki, Deuxu inywo-ki ratxike. Tai tahe inatyhymy Deuxu luuna inywo-ki ratximyhÿre. ¹³ Deuxu iny-ō Tatytyby riwahinyre. Kiamy tahe inyboho rieryreny tamahādu-ki ratximyhÿre. Tule rierymyhÿreny tii iny-wana ratximyhÿreny. ¹⁴ Deuxu Riōre inyboho robirenyra Tulobix-idumy inyboho roire. Tuu adeereny relyreri. Deuxu Tariōre diteōnyde iny tarasadumy rarekemy. ¹⁵ Inyō rityhynykeki idi rarybekeki: Jesuisi Deuxu Riōre rare, tii Deuxu-di tawo-ki ratxireri. Tii Deuxu-wana ratxireri. ¹⁶ Inyboho rieryreny Deuxu inyluurenyre. Kia iny rityhynyreny. Deuxu heka luuna rare. Inyō luuna-ki ratxihyykeki Deuxu tii-wana ratxihyyke. Tii Deuxu-wana ratxihyykyke. ¹⁷ Iny luunareny Deuxu-ō rauhennyōreri. Tai tahe Deuxu wiribi ritxuakre kia txuu inyboho kiatxulau ruberuōtyhy. Iwese tii ratximyhÿre wese inyboho kabede-ki ratximyhÿreny. ¹⁸ Inyō luuna-di ratxityhykeki, tii ruberuōtyhy. Luunatyhy brebuna-di rehumyhÿre. Aōhōkÿmydÿÿnana brebuna kidiwahinyke. Inyō brebuna-di ratxikeki, tamy aōhōkÿmy dÿÿnana kanakre. ¹⁹ Juhuu Deuxu inyluurenyre, tai tahe inyboho iluureny. ²⁰ Inyō rarybekeki: —Jiary Deuxuluure. Tai tahe tii ityhydÿÿdu seriōre luuōkeki, tii ruidu rare. Inyō taityhydÿÿduseriōre luuōkeki, timykibo Deuxu luumy rarekemy iximy rōhōtinyke Deuxu dori tiu tuu robiōhyymyhÿre, taseriōremy tahe robihyky ihyre. ²¹ Kia bede ywina rybe heka Kristu inyeereny riwahinyre: Iny Deuxuluumy ratxikeki, tule tii taityhydÿÿdu seriōre luumy ratxikre.

5

¹ Jesuisi inatyhymy Kristu rare, Deuxu deōdÿÿna rare, inyō rityhynykeki, tii inatyhymy Deuxusÿ mahāduwo-ki ratximyhÿre. Inyō Deuxu luukeki, tule iriōre luukre. ² Inyboho Deuxuluukeki tarybe ywina rikiywinykeki, tai Deuxu tibiedÿÿna mahādu luumy rikierynyre. ³ Deuxu rybe ywina rikityhynykre, irybe ywina dori isiraōre. Tai inyboho Deuxu luuna riteōsinykre. ⁴ Deuxusÿ mahādu bede aōmydÿÿnana bina bina ruru ritamyhÿre iny Deuxu rityhynyrenyke, kia bede bina bina ruru ritareri. ⁵ Mo tahe kia ijesu

tarasadure. Inyō Jesuisi Deuxu Riōre raremy rityhynykeki, tii bedebina bina ijesu tarasadu rare. ⁶ Jesuisi Kristu nade. Inyō tii riratisebenyre idi rare rurukremy tahālubu ritxiwikremy. Rexiratisebenykemy sohojile aōkō nade, tule tahālubu ritxiwikemy nade. Kiamy heka Deuxu Tyytyby tuu rarybere. Deuxu Tyytybytyhy tahe inatyhymy rare. ⁷ Inataō aōmydỹnanamy inydeereny rarybere: Deuxu Tyytybytyhy ijōre, Jesuisi ixirati sebedỹna ijōre, Jesuisi rubudỹna ijōre. ⁸ Kia inataō aōmydỹnanamy wiwese wiwe-selemy rarybereri. ⁹ Hābu rybe iny rityhynymyhỹre. Deuxu rybe hābu rybe ratyre rikityhynymy rakatximyhỹrenyke. Kiamy Deuxu Tariōremy rarybereri. ¹⁰ Inyō Deuxu Riōre rityhynykeki, aōbo inatyhy ixidee rieryre. Inyō rityhynyōkeki, tii Deuxu-di ruidumy rōhōtynyleri. Tii dori rityhynyōleri timybo Deuxu tariōremy rarybere. ¹¹ Kia rybe rare: Deuxu inydeereny umytuedeōna riwahinyre. Tii tiu umy ituedeōna iriōre-ki inyboho rakaharenkye. ¹² Inyō Deuxu Riōredikeki, tii umytỹmyra tuedeōna-ki rahake. Inyō Deuxu Riōre-di aōkōkeki, tii umytỹmyra tuedeōna-ki tahasaōna.

¹³ Kia aōna aōna adeereny retyyritinyre kaiboho umytuedeōna-di atx-itenyteri bierybenykemy. Deuxu Riōre tetyhynytenyte. ¹⁴ Inyboho Deuxu-deewimy rexitōenymyhỹrenyre, Deuxu iny-ō roholamyhỹre. Kia tahe inatyhymy rybena rare. ¹⁵ Inyboho rierykeki tii inydeereny roholamyhỹre, tai rierymyhỹrenyre tii inydeereny riwahinyke aōmybo iny tamy rexitōenyleri. ¹⁶ Iny ityhydỹdu seriōre rubu-ō aōkō ōraruna-txi resekeki, tamy Deuxu-ō rexitōenynenyke, Deuxu kia riwiōhenanykemy ixyby Deuxu-ō rōðsekemy. Tii rubu-ō ōraruna-txi resekeki, iarỹ adee ararybeōkre tamy bexitōenynenyke. ¹⁷ Ibutumy òbiti aōkōkeki, ōraruna rare. Ōrauō rubudỹnahyky kidi-wahinyōkre.

¹⁸ Inyō Deuxu-ribi tybiekeki, ōrarunahyy-ki rareōtyhy. Kia inyboho reeryrenyre. Deuxu Riōre ryrubunymyhỹre. Diabo iribi rōtaōtyhy. ¹⁹ Deухuhōrō inyboho roire. Kia inyboho rieryrenyre. Kabede bina mahādu taaōmydỹna-wana Diabo hōrō rare. ²⁰ Tule inyboho rieryrenyre: Deuxu Riōre inatyhymy kaō nade. Tii rierynanyre mobo Deuxu inatyhy raremy. Deuxu-wana inyboho ratximyhỹrenyre, inyboho-dori Jesuisi Kristu Deuxu Riōre-wana ratximyhỹrenyre. Kia heka inatyhymy Deuxu rare. Kia inatyhymy umytuedeōnamy rare. ²¹ Wariōre wese, bexihāruke ibutu bedeōraruna lau.

2 Juaõ

2 Juaõ Ryberiti

¹ Jiarỹ dohodỹyna matuari mahãduõ warybe rare. Watyyriti rewahinyreri Deuxu ywisidỹyna hãwyyõ-ò, iriõre-ò. Jiarỹ ibutumy inatyhyerydu mahãdu-wana tiiboho inyluutyhyrenyre. ² Inatyhyna dori inyworeny-ki ratxireri. Ratxityhyhyomy ratxike. ³ Kia dori inatyhy inydeereny tate luuna-di. Deuxu deysana, ruxetõena, ywina adeereny kanakemy watximahãre Deuxu Waha-ribi, Jesuisi Kristu, Iriõre-ribi.

⁴ Ariõre mahãduy-ribi inatyhymy ijõ ityhydỹỹdumy ralore. Kia reeryreu, jiarỹ wadeysatyhyre ariõre Deuxu bede ywina rityhynyneriki. ⁵ Adeẽ arex-itõenykre hãwyy. Bede ywina rybe tỹmyra rewahinyreri wese aõkõ rare. Juhuu-ribi teeryte. Urile bede ywina hetxina õhõti reijeradỹỹnyreri. Kia heka rare: iny wiluukemy rakatximyhỹrenykemy. ⁶ Bede ywina rybe rikityhynyhyykeki, kia heka inatyhy luuna rare. Kia bede ywina juhUU Deuxu-ribi taholate. Tuu txuõ txuõlemy biwinyke. ⁷ Sõwemy hãbu itxenadỹỹdu tyhy kabede-ò dòhõnyde. Tiiboho Jesuisi hãbuwesemy nade rityhynyõlemyhỹre. Kia itxenadỹỹdutyhy tule Kristu òludutyhymy roire. ⁸ Tamyreny bexiebeny, in-yaõmydỹỹnana aõmysỹdỹỹnatyhy-di ritaremy iõkõkemy, Deuxu wahidỹỹnaõwy ibutumy ritakemy. ⁹ Inyõ Kristu erydỹỹnana-ribi ròhõnykeki tule iwitxira erysyna rierynanykeki, tii heka Deuxu hõrõ aõkõ rare. Inyõ Kristu erydỹỹnana-ribi ròhõnyõkeki, tii Deuxu dire iriõre dire. ¹⁰ Tai tahe itxenadỹỹdu Kristu erydỹỹnana erydỹỹdu aõkõ aheto-ò rehemynykeki, uritere irõtedyỹõmy, irybedỹỹõmy. ¹¹ Inyõ rirybenykeki, iaõmydỹỹnanabina-ò ri-wiõhenanyreri.

¹² Jiarỹ warybe sõwemy adibutunywãhãde. Urile tyyriti-di ariritinyõkre. Arorarenymy dori arakemy watxireri. Kiamy rybe sõwemy ròhõnykre in-ysõwemy reysakremy. ¹³ Aseriõre Deuxu ywisidỹỹna mahãdu senadu, kia riõre tarybe wehityhyna adee riwahinyreri. Kie.

3 Juaŋ

3 Juaŋ Ryberiti

¹ Jiarŋ, dohodŋna matuari mahāduŋ rare. Wabiŋwa-ŋ, Kaio-ŋ watyriti rewahinyreri. Inatyhymy aluummy watzimahāre.

² Waliina, juhuutyhy Deuxu-ŋ arāixitōdēŋnyra aāomydŋna tule aummy wihikŋhykymy mabekemy, iwese atytyby awire wesele ratxireri. ³ Inyseriŋre wese aribi rehemynyrenyreu, wako relyyrenyre umy iwese kai ōbitimy tate wese tule inatyhyna-ki tateri wese. Tai wawo reysamy watzimahāre. ⁴ Jiarŋ raholamahāreu wariŋre wese Deuxu inatyhyna rityhynyrieriki, kia ibutu ratyre wawo riteysadŋnytyhyre.

⁵ Kai tahe, Kaio, kowa inyseriŋre tule iwitxira ludu seriŋre teeryŋteki, tewiŋhenanyteu aōmydŋnana wihikŋ tewinymahāte. ⁶ Inyboho wirotyra-wana, kia hābu iny seriŋre aluunamy rarybera. Ibedetŋinana-ŋ biwiŋhenanykeki, aōwihikŋ biwinymahāke. Tuhyykeki Deuxu deewimy atximahāke. Tii dori iny-wana Deuxu inatyhyna-ŋ raaōmysŋdŋnykre. ⁷ Kia dori kianimy rōhŋnyre. Ityhydŋŋdukōdu mahādu-ribi aō ritaŋhykyre. ⁸ Kia wese tahe tuu rikiwiŋhenanymyhyke. Tai tahe Deuxu aōmydŋnana tŋnydŋna riwiŋhenanymyhyre.

⁹ Ratyritinymahāre kowa ityhydŋdu mahādu-ŋ. Inyŋ tahe warybe-ŋ roholaŋmyhyre. Tiiboho dori juhuludukemy ratxireri. Diŋtesi inire. ¹⁰ Aŋ arehemynykre, ararybekre aōmybo tii rotŋnyre tule aōbinamybo rarybere inymy. Aō tiihykyle aōkō, iny ityhydŋdu seriŋre hāwāwitxira ludu ixidee tarora-ŋ rimyŋtyhy. Inyŋ kia seriŋreŋ rimykeki, tii riixāwidinyre idy-ribi tii seriŋredyna-ŋ dohodŋdu mahādu-ribi hitximy riteŋnyre. ¹¹ Waleina, kai Kaio, ōrarudu mahādu aōhebo rotŋnyre wese aō kai tate. Iny wihikŋ wese kai tate. Inyŋ aōwihikŋ riwinykeki, Deuxu hōrō tii rare. Aōkōkeki Deuxu rieryŋre. ¹² Ibutumy Dimitiu dee inatyhyna-di aōwihikŋmy rarybere. Inyboho tule. Kaile teeryte inyboho inatyhy rarybere.

¹³ Sōwemy rybe adee ariwahinykemy watxireri. Tahe aōkōre tyriti ritina-ki. ¹⁴ Eleelemy arakemy dori watxireri aroramy tai tahe wīdee rakarybekre. ¹⁵ Deuxu awo-ki riyyrkemy idi watxireri. Abiŋwaboho kaki awehityhy risareri. Wabiŋwaboho sohoji sohoji kowa-ŋ warybe wehityhyna biwahinykre.

Judas Judas Tyyriti

¹ Jiarÿ Juda rare. Jesuisi Kristu deòdu jiarÿ rare, Txiau exi wahe. Deuxu heka aluudu rare. Tii arayrubunymyhÿre òraru-na-txi reseke lau. Tai òbitimy ahâbenyke Kristu nonana-ò. Watyyriti adee rewahinyre. ² Ruxetòena adee kanakemy watzireri Deuxu-ribi. Ywina sòwemy aworeny-ki atxibenykemy adireny watzireri. Wiluuna sòwemy akireny ihÿke, Deuxu-ribi.

³ Jiarÿ kaiboho ibutumy aluurenyre. Deuxu ibutumy inyboho ritarenyre. Kia ibutumy ariritinykemy idi rahòtinyra. Inyboho heka ibutumy Deuxu sÿ mahâdu roire. Iwese iny rityhynymyhÿre wese tii iny ritÿnynymyhÿre. Iribi tahe iny mahâduò adee nade iny inytyhyna riwitxiradÿÿnykemy adireny ratxireri. Iny heka inatyhyna biyrubunybenyke òbitimy rarehyyke.

⁴ Kia òbitikò mahâdu ayreny-ò ralòra. Tiiboho Deuxu rityhynyòre. Deuxu inydeereny awi heka rare òraru-ribi iny ritarenyreki. Kia òbitikò mahâdu tahe kia wese rarybere: —Òraru-di atxikeki, kia aò aòkò rare. Deuxu dori iny òraru-ribi ritare. Jesuisi iny wedu rare, iny Iòlò wahe. Tiiboho tule rarybere: —Deuxu bityhynybenyòke. Deuxu ihetxiu rieryre kia wese tiiboho rarybekemy. Tai tahe tii ritÿnynymy ihÿre tiiboho bedehèotybina-ò riteònyke.

⁵ Deuxu inatyhymy riteònykre ritÿnynyraki. Iwese tii ihetxiu iny-di rehure wese, tii wiji iny rehukre. Judeu mahâdu heka Deuxu ritare Egito bede-ribi. Idi tahe imahâduò rityhynyòre. Tai tahe imahâdu rahurenyre. Kia teerytenyte. Itxi òhòtireny reakre. ⁶ ÿju mahâduò tule juhuhu Deuxu deòdumy ihÿre. Idi tahe taaòmysÿdÿÿna ririre. Tai Deuxu ròtena bedeò-ò riteònyre. Bedeloro-hokÿ ihÿre. Kabederawo-ki roire. Tiu heka iribi riòlòdÿÿnyòtyhy. Deuxu bededÿÿnana riywinymy roimyhÿre aòhòkÿmy isÿdÿÿnana-ò. Tai tahe ÿju wesemy kia òbitikò mahâdu rÿike, Deuxu itÿnydÿÿdumy rÿikre. ⁷ Ijò ijyy teeryte. Inatxi hâwâ ihetxiu ibinatyhy rare: Sodoma, Omora-wana. Ijò hâwâ tule ibinatyhy rare. Kia hâwâ yludu mahâdu ibutumy heka òta òtanale riwinymyhÿre.

Hâbuò dori wiwana rexiòrarunymyhÿre, hâwyy tule wiwana wahe. Tai tahe Deuxu ihâwâ rahure. Biu-ribi heòty diteònyde. Idi Deuxu dibedeerynyde òraru-na derare tii. Tiiemy aòhòkÿmy dÿÿnana riwahinyre. ⁸ Kia tule òbitikò mahâdu-ò riwahinyre. Tiiboho dori ibinamy riwinymyhÿre. Aòbinalemy raraykynymyhÿreny, taumyreny risurisunymyhÿreny òraru-na-di. Deuxu rityhynyòre tule ÿju ruruna-di risinymyhÿreny. ⁹ Tiiboho Mieli wesemy aòkò riwinyre Mieli heka Deuxu ÿju dinoduò rare. Tii Satanasi-wana wiribi òtumy rarybemyhÿreny, Moisesi umy òraru-ki. Mieli heka ritirÿmyhÿre iumy ridyke lau. Iu Mieli Satanasi-ò rarybereu urihimyo rityhynymy rarybere, ixinohòtidile ritehiòtyhy. Urile rarybere: —Deuxule aratehikre. ¹⁰ Kia òbitikò erydu mahâdu aòbina riwinymyhÿreny. Aòbinalemy tyytyby bede aòmydÿÿnanamy rarybere kia rieryòmahâ hârele. Kabede aòmydÿÿnanale rierymyhÿre iwese ibutu iròdu mahâdu rierymyhÿre wese. Tiiboho heka iròdu aòna aòna nohòtijuranadile aòna aònamy rotÿÿnymyhÿre. Tai rexihurenyre.

¹¹ Deuxu heka kia mahâdu kiditynnyke, Kaï reòsamy raremyhÿ wese dori reòsareki. Aòbo Kaï ixi-di riwinykemy ròhòtinymyhÿré heka riwinymyhÿre. Kia mahâdu tule Balaaò wesemy riwinymyhÿre. Balaaò nieru sòwemy ritakemy ixidi ihÿmyhÿ. Tai tahe Deuxudeewimy riwinyòre. Tule kia mahâdu

Kore wesemy riwinymyhÿre. Deuxu òludumy rexisÿnyre. Tai rexihurenykre iwese Kore mahādu rexihure wesemy.

¹² Kaiboho wiluuna roxina-ò tebutunyeu, kia mahādu tule ayreny-ò ralōra. Aworana bedehesi tiiboho ribinadÿÿnymyhyre òbitimyno rieryōreki. Urile rexihydynamyhyre, inywitxira-txi tōhōti reaōhyymyhyre. Iwese yhy debure wese tiiboho roire. Urile yhy biu ridyōtyhy. Rōaōtyhy. Sōwemy taheka relemyhyre, ihārele aōhomy aōkō namyhyde. Owōru bederaty wahidÿÿdu wese tiiboho roire. Iratydikemy ratxireriu, ihārele aōkōlere. Owōru rubu wese roire tiiboho. Raòrōmyhyre, rurumyhyre. Kia wese heka kia mahādu rare. ¹³ Kia òbitikō erydu mahādu tiu ele risaōhyymyhyre. Ahohokÿ aōwetari òbòhòkÿ idi rehumyhyre wesemy tiiboho inyreny. Iwese òbòbexi-di ròhònymyhyre wese. Iòaruna òraru-ki aōbina bina iribi ròhònymyhyre. Tiiboho dori Deuxu inatyhyna ririrenyre. Iwese taina resemymyhyre wese tiiboho iribi resemymyhyreny. Deuxu kia mahādu-di ritÿÿnymyhyre riteōnyke bede luruukÿ-ò. Iribi ròhònyōtyhy. ¹⁴ Enoi heka Adaō dee yreō rare. Adaō juhuu hābu rare. Debòinatxi riòreky-ribi Enoi rare. Enoi Adaō riòre roko rare. Ihetxiu Enoi rarybere wijinabòdu mahādumy. Iwese òbitikō erydu mahādumy roirekre. Enoi rarybere Kristu nonanamy: —Tii kanakre tamahādu sōwe-wana. ¹⁵ Idi ibutumy iny ritÿÿnykemy. Inyō tii taaōhòkÿmyna aōhòkÿmy rotÿÿnykre òraruna òraru-ki. Ibutumy òrarudu mahādu rehukremy Deuxu-my ralahatxinanymyhyreki. ¹⁶ Tiiboho rexirahemyhyre, tiu reysaōhyymyhyre, aōdibo tamywimy rabinadÿÿmyhyreki ratxikelemy. Rarybenihikÿmyhyre. Riwiòhenanymyhyre aō ritamyhyre xiery.

¹⁷ Waluuna mahādu, òhōtirenny reake aōmybo Wanyrÿ Jesuisi Kristu teòdÿÿna mahādu juhuu raryberé. ¹⁸ Tiiboho adeereny rarybere: —Bedeōÿÿnana roomy tahe ijesu kòdòhònykre, ixidee wilemy tuu rotÿÿnymyhyre. ¹⁹ Kia hābu iny wiribihitximy risÿnykemy, bede aōmydÿÿnana luudu mahādu. Deuxu Tyytybytyhy-di aōkō ratximyhyre. ²⁰ Kaiboho waluuna mahādu aityhydÿÿna-di arurumy bitÿÿnykye, Deuxu Tyytybytyhyna-di bexitōenyberihy. Deuxu luunay-ki iximy boibeke. ²¹ Wanyrÿ Jesuisi Kristu ruxetōena biraōbenyke. Tii heka umytuedeōna kidiwahinykre. ²² Biwiòhenanymyhyre ka ritxiōnymy rÿira mahādu. ²³ Kia mahādu iworonawe-ribi wese bitake. Ijō-ò ywina-di brebuna-di bisÿnykemy taòraruna deramy bekwabenyke. Iòaruna aōna aōna-ò akynyre reake.

²⁴ Òraruna lau taruru-di Deuxu arayrubunmy ratximyhyre. Tii arateòsinykre yramy, tako-ò wowydyna-wana. ²⁵ Wowydyna, àlàdÿÿna, ruruna, Iòlòtyhydÿÿna, iny Deuxu sohoji-ò kanakemy watxireri tule Inynyryÿ Jesuisi Kristu iny tarasadu-ò. Kata juhuuna-ribi, wiji aōu aōu-ò rahyykre. Kie.

Apocalipse Deuxu heka Joaõ-ò bede ritỹnynyre

¹ Katyyriti-ki tahe bede aõmydỹỹnana roire. Kia heka Deuxu Jesuisi-ò ritỹnynyre. Idi Kristu Joaõ-ò ritỹnynyre. Aõhebo ele elemu rotỹỹnykre heka inydeereny riteõsinyreri, teòdu mahãdu wahe. Ýjuõ heka Kristu riteõnyre Joaõ-ò ibutumu relyykemy, ritỹnynykemy. ² Iribi tahe Joaõ ibutumu relyyre. Kaki heka riritinyre. Kia heka ijyy rare. Jesuisi Kristu inatyhyna rare. ³ Inyõ katyyriti-di rariakeki, eysamy ratxireri. Inyõ kiamy roholakeki, eysamy ratxireri. Inyõ kia rityhynykeki, eysamy ratxireri. Bededỹỹnana dori iõhõmy ratxireri. Kia ibutumu rotỹỹnyke.

⁴ Jiarỹ heka, Joaõ wahe, dohodỹỹna mahãdu-ò watyyriti rewahinyreri. Debò inatxi reurò mahãdu Asia bede-ki watyyriti rewahinyreri. Ruxetõena, ywina-wana adeereny kanakemy idi watxireri. Deuxu-ribi dori ratxireri, ihetxiu rare, tule tiemy rarekre. Tii dori ruxetõena adee riwahinykre, tule irynana tytyby riwahinyke, debò inatxi reurò mahãdu wahe. ⁵ Jesuisi Kristu tule adee kia riwahinykre. Tii tahe inatyhyna ijyydu rare. Tii juhuu rubu-ribi ixixadu rare. Tii ibutu iòlò dinodu heka tii rare. Tii inyluure. Inyõraru iny-ribi tii riwatarenyre tahãlubu õraru-ki. ⁶ Tii Xiwe wahidỹỹdu mahãduõ ixidee riwinyre, inyboho wahe. Ibutumu ityhydỹỹdu heka xiwe wahidỹỹdu mahãdu wese rare, iòlò mahãdu wese wahe. Deuxu rekealãmhyke. Ibutumu wowydyna, ruru-wana heka Jesuisi Kristu-ò rawahidỹỹmy rarekre ihyy hyymy. Kie ⁷ Beteheke, tii biuwetykywo-ki naderi. Ibutumy iny tuu robikre. Irubudỹỹdu tule tuu robikre. Ibutumy iny rahinykre, robukre iõraru-ki. Inatyi rare. Kie.

⁸ Jiarỹ AA rare YY rare. Juhuu ludu rare, tule ikonana ludu rare. Deuxu jiarỹ rare ibutu ruru wahõrò rare. Aõu aõu jiarỹ watxiwãhãre.

⁹ Jiarỹ Joaõ rare, aityhydỹỹdu seriõre wahe. Jiarỹ tule awese aõhebo ratỹỹnyre. Jesuisi iòlõna õraru-ki. Patmos bedebute-ki jiarỹ ratxire, ròtena wese heka tai ratxire. Jesuisi inatyhyna dori retỹnynyre. ¹⁰ Nobitxuõ heka jiarỹ aõma Deuxu Tytybytyhy wadee dobehede. Íu tahe rybeõ-ò raholare, jurõna wodỹỹ wese heka rare. ¹¹ Tahe wadee rarybere: —Biritinyke aõma ibutumu aõbo kai bobikre. Ibutumu dohodỹỹna mahãdu-ò kia tyryiti biwahinyke. Ka tyryiti tahe biteõnyke heka debò inatxi reurò hãwã-ò: Efesu hãwã-ò, Esmirna hãwã-ò, Pergamo hãwã-ò, Txiatira hãwã-ò, Sardesi hãwã-ò, Filadelfia hãwã-ò, Laodisia hãwã-ò. ¹² Retehera wahewo-ò mobo wadee rarybereò. Tahe debò inatxi reurò loosõna mynynalemmy rabira, womati tỹrỹỹle wahe. ¹³ Itya-ki tahe hãbuõ wese rare. Itky urarehe heka ratxire. Iwerysana heka womati tỹrỹrỹỹ heka rare wyò wõtõna-ki roire. ¹⁴ Irade iurahakỹ ratximyhỹre. Irue heka heòty wese rare. ¹⁵ Iwa tahe bronze womati wese rare. Irybe wodỹỹ heka bee ijiranahakỹ wese heka rare. ¹⁶ Iruruwe-ribi debò-ki heka taina debò inatxi reurò sõwe rimyre. Irybe mayrehe wiòtxu wese iry-ribi ròhònymyhỹre. Iòsỹny tahe txu tòte wese heka rare, itỹnytyhyre. ¹⁷ Kia ibutumy rabireu, jiarỹ resera bede-ò rubu wesemy. Tii ruruwe-ribi debò watyre-ki ritidire, rarybere: —Buberuòtyhy! Jiarỹ juhuludu rare, ihewoludu rare. ¹⁸ Jiarỹ rurure, iribi tahe rexixare rubu-ribi, aõu aõu tahe jiarỹ watxireri. Tiu aruruòtyhy. Rububede dinodu heka jiarỹ

watxireri, ityre waruru rare. ¹⁹ Biritinyke ibutumy tuu tabita wiji. Tule aõbo idi kanakemy biritinyke. ²⁰ Adee aritĩnynyke aõbo kia ibutumy rare. Debò inatxi reurò taina heka wadebò-ki rare. Kia taina heka dohodỹĩna mahādu ŷju wese rare. Loosòna mynyna heka dohodỹĩna mahādu wese rare.

2

¹ Kia heka biritinyke Efesu dohodỹĩna ŷju-ò: —Kaa heka inyò rybe rare. Tii taina debò inatxi reurò rimymy idi rĩimyhĩ iruruwe-ribi debò wahe. Tii loosòna mynyna yky-ki rariareri. Kia womati tĩrĩrĩhĩkĩ-di relere wahe. ² Aaõmysĩdỹĩna wiwihikĩ reerye, awoxierysytere tule. Hābu bina tiu aitxerenaõna toite. Inyò Deuxu deòdumy iximy uritere rybedu, teurihitenyte. Kia iruiyrybe teerytenyte. ³ Kaiboho tawoxieryterenytenyte. Tule aõhõkĩmy tatỹĩnytenyte waòraru-ki, wijile tule wahe. ⁴ Kiaremy tahe sohojile wadee ibinare. Iwese juhuu waluu wesemy aõkò wiji ahātenyte. ⁵ Kaiboho heka atyhyna-ribi ahewo-ò taddòsetenyte. Kiaremy ta idi bexinohõtĩnymy bexirāhĩbenyke. Iwese juhuu atximahāte wese, ixityre boibekemy. Kiamy aõkòkeki, aloosòna mynyna ay-ribi aritakre. ⁶ Kiaremy ta akireny sohojile awire wadee. Kaiboho heka Nikolaita mahādu iaõaõna widỹĩ derarenyre wawesemy. ⁷ Iny rybeò ijohona mahādu bohola benyke Deuxu Tyytybytyhy rybe-ò timybo Ityhydỹĩdu mahādu-ò rarybemyhĩre: —Inyò òraruna ijesu ritakeki, tamy jiarĩ umyuedeõna ariwahinykre. Kia tahe Deuxu bederaty ritoke, Deuxu oworu-ki rĩimyhĩre wahe. Kia bederaty inyru wahidỹĩdu rare.

⁸ Kia heka biritinyke Esmirna dohodỹĩna ŷju-ò: —Kia heka Juhuuludu rybe rare, Ihewoludu rybe rare. Tii rururibile rexixare. ⁹ Aõhõkĩmy dỹĩnana reerymyhĩre. Uriterenodu wesemy toite. Ihāre tahe aõna aõnawiwi ahõrõreny rare. Aòludu mahādu umy rarybereri ibinamy. Tiiboho Satanasi mahādu roire. Judeu mahādu aõkò roire tiiboho tuu raryberhāre. ¹⁰ Buberuõtĩhy kaiboho! Aõhõkĩmy dỹĩnanaõ kanakre debò wiò txumy wahe. Tahe buberuõtĩhyke. Ròtenawo-ki boibenyke. Burubenyke hārele heka òbitimy biwatyhynibenyke. Iribi tahe irudỹĩna rataana adee ariwahinykre. ¹¹ Kaiboho nohõtĩ-di mahādu, bohola ke timybo Deuxu Tyytybytyhy heka ityhydỹĩdu mahādu-ò rarybemyhĩre.

¹² Kia heka biritinyke Pergamo dohodỹĩna ŷju-ò: —Kia inyò rybe rare. Tii mayrehe wiòtxuree dire:

¹³ —Jiarĩ reerye asĩ, ahāwā wahe. Kaiboho Satanasisĩ-ki tasĩnyteri, irynana rareri wahe. Tahe Kaiboho aityhydỹĩna teriòtenyte. Tai tiiboho warybedu Antipasi òbiti irubunyrehāre.

¹⁴ Ihāre tahe akireny sohojile wadee ibinare. Ayreny-ki inyò Balaaõ erydỹĩna rityhynyre. Tii ihetxiu Balake òraruna-txi aatysydỹĩmy ribedeerydỹĩnyre resedỹĩkemy. Tii Israeli mahādu-ò rarybere:

—Xiwenā aõma ide tahe biròbenyke tule òta tahe urihimyo tahe ibinare.

¹⁵ Tule ayreny-ki tahe Niolaita tohodỹĩna ijõreny rityhynyre, timybo rexiòrarunanykemy. Kia ibinare wadee. ¹⁶ Tai marybeke tiiboho rexirahĩkemy idi iribi rexixāwidỹĩnykemy. Tukòkeki, anakre warymayrehe wiòtxuree-di iòludumy areakre wou-ki. ¹⁷ Iny nohõtĩ-di mahādu, bohola ke Deuxu Tyytybytyhy rybe-ò timybo Ityhydỹĩdu mahādu-ò rarybemyhĩre: —Inyò òraruna ijesu ritakeki, tamy biu-ribi rĩsĩna rĩikre. Manauratyre-ki heka nii tĩmyra raritimy roire. Òmo nii rieryõre. Tunidukrele rierye.

¹⁸ Kia heka biritinyke Txiatira dohodŷŷna ŷju-ò: —Kaa heka Deuxu Riðre Rybe rare. Irue heka heòty wese rare. Iwa bronze womati wese rare. ¹⁹ Aaòmŷŷdŷŷna reeryeri, luuna, ywina, tyhydŷŷna, juhuu ratyre wiji aaòmŷŷdŷŷna. ²⁰ Kiaremy tahe sohojile wadee ibinare: Kaiboho heka Jezabel teijemahātenyete. Kia hāwyy dori Deuxumy rybedu ixi-di rare. Ihāre tahe òtaòtamy, xiwe rŷŷmy rotohodŷŷmyhŷre, ritxoo hōrō wahe. ²¹ Jiarŷ tule txiò rejere òtaòta-ribi ixāwikemy. Tahe tuuðhyre. ²² Idi herina-ò arilidikre ihābu mahādu-wana. Tai aōhōkŷmy rotŷŷnyrenykre. Tiiboho kia rexirāhŷnyōrenykeki, tuu ele elemy ariwinykre. ²³ Iriðre bina arirubunykre. Tai ibutumy aōwidŷŷnamyna ityhydŷŷdu mahādu riwaerykremy. Jiarŷ heka inywo erydu dori rare. Kiaremyta iny sohoji sohoji ariòwynykre. ²⁴ Ayreny-ki tahe inyò rŷire. Tiiboho bedeeryna bina rityhynyrenyðre. Tiiboho bedeeryna bina rieryðhyre. Txioinihe, bede ywina sira aōkō adeereny ariwahinykre. ²⁵ Iwese kaiboho tetyhynyte wese wiji bityhynybenyhyyke. Ele ele dori arehemynykre. ²⁶⁻²⁸ Kaiboho heka òraruna ijesu bitakeki, adeereny ruru ariwahinykre. Kaiboho ihyymy wadeewimy biwinybenykeki, bede bede dinodu mahādumy boibebenyke, iwese ruru Waha-ribi remyry wese wahe. Tamywikeyi womati òhòte-di bede bede mahādu rihukre, iwese butxi ribòhnyre wese wahe. Tule adeereny ariwahinykre aōma biurasò taina wahe. ²⁹ Iny nohòti-di mahādu, boholake Deuxu Tyytybytyhy rybe-ò, timybo tii ityhydŷŷdu mahādu-ò rarybemyhŷre.

3

¹ Kia heka biritinyke Sardesi dohodŷŷna ŷju-ò: —Deuxu Tyytybytyhy debò inatxi reurò dinodu, taina debò inatxi reurò dinodu kia rybe rare: —Aōhebo tatŷŷnymahātenyete reerymyhŷre. Arumy anireny ratŷŷnymyhŷre ihāre tahe tarumy ahātenyete. ² Bexirawahatebenyke ainatyhydŷŷna-ki, urikō-ribi kiemy ixāwiheny. Deuxuko-ki awityhymy aōkō ixi-di textiemyhŷtenyete. Kia reerymyhŷre aòmŷŷdŷŷnareny tewinymahāte. ³ Inatyhyna juhu taholatenytedi, bexinohòtinybenyke. Idi bityhynybenyke aōnanabina-ribi bexirāhŷke. Tukòkreki wasidu wese ierykōmy adeereny anakre. ⁴ Ihāre tahe Sardesi hāwā-ki inyò reximymy òbitimy rarekremy ihŷre. Tiiboho wahe-ki tyky lyra urahakŷ-di kanariarenkyre kiemy dori òbitimy reximynyreny. ⁵ Mobo ròtarenkyre, tyurahakŷ-di rexityynyrenykre. Inireny Rutyyriti-ribi aritaòtyhy. Idi Wahakō-ò wahòròrenymy aritŷnykre tule iŷjuko-ki. ⁶ Kaiboho nohòti-di mahādu, boholake timybo Deuxu Tyytybytyhy heka, ityhydŷŷdu mahādu-ò rarybemyhŷre.

⁷ Kia heka Filadelfia dohodŷŷna ŷju-ò biritinyke: —Kaheka inatyhymy Deuxu deòdŷŷna rybe rare, òbitimy nodu wahe. Tii Davi ijò rayna dinodu rare. Tii ijò riraynykeki tiu inyò riratòbònyòtyhy. Tii riratòbònykeki tiu iny riraynyòtyhy. ⁸ Aōhebo tatŷŷnymahātenyete reeryre. Akyhynakōmy atx-imahātenytemy rieryre warybe dori tetyhynymyhytenyete. Tai ijò adeereny reraynyra. Tii inyò riratòbònyòtyhy. ⁹ Bodoholabenkyre. Satanasi mahādu heka Judeumy rexininimyhŷre tukòdu hārele. Idi adidydenykre akoreny-ò tatiowotimy kedeseke. Iu aluurenymy riwaeryrenykre. ¹⁰ Aōhōkŷmy dŷŷnana kanake ibutumy iny urihidŷŷmy. Kaiboho warybe tetyhynyta, ywina-di tetyhynyta. Tai ilau arayrubunyrenyke. ¹¹ Ele elemy dori adehemynykre. Ahòròreny biyrubunyke inyò aribi rawasinyheny arudŷŷna rataana wahe. ¹² Oraruna ijesu inyò ritakeki. Tii ixyby rubumy ruruòkre. Tii

Deuxu heto-ki ras̄nyihyykre. Deuxuni ityre raritinykre tule Kristuni t̄myra wahe. Jerusalēni t̄myra tule ityre raritidȳmy r̄yikre, biu-ribi dobehede wahe. ¹³ —Iny nohōti-di mahādu, boholahe Deuxu Tyytybytyhy rybe-ò timybo ityhyd̄ȳdu mahādu-ò rarybemyh̄yre.

¹⁴ Laodisia hāwā dohod̄ȳna mahādu j̄yu-ò heka biritinyke: —Kie rybe kaa rare. Tii inatyhyna inatyhy rybe rare. Tii Deuxu-wana bede relereu, ratimyh̄y. ¹⁵ Aōhebo tat̄ȳnymyh̄ytenyte ibutumy reeryre. Ainatyhyna-ki inatyhymy aōkō, txiōlemy aōkō toite tule. ¹⁶ Tai tahe iōraru-ki ixi-ribi aratarenykremy rexinohōtinyre. ¹⁷ Kaiboho tarybetenyte: —Waaōwiwi-di roire. Awityhymy watxirenryeri. Wadeereny aō rasiranyōhyreri. Idi urile texibōnytenyeri. Kaiboho dori abina, iaōkō mahādu, adehek̄y, aruety toite. ¹⁸ Kia aratohonykre: —Waribi womati t̄ȳr̄h̄ȳk̄y aworibityhy biōbranykre, aityhynamy wiwihik̄y. Tas̄se tyurahak̄y tule, ade wōtenamy. Tas̄se rueluahina tule, arue ywinamy. ¹⁹ Waluuna mahādu òhōte-di aribedeernymyh̄yre warybemy tule. Tahe eryrewemy aōsusu-ribi bex-itabenykre wadee. ²⁰ Bodoholabenye. Ijō-ki rarymy watxireri. Inyō roholakeki ihetowo-ò aralokre. Tai tii-wana ariroxikre. ²¹ Ōraruna ijesu inyō ritakeki, tii wawana waryna-txi ronykre iwese jiar̄y waha-wana nadonymyh̄yde wese. Rōtare dori wawouna-ki. ²² Iny nohōti-di mahādu, boholahe Deuxu Tyytybytyhy rybe-ò, timybo tii ityhyd̄ȳdu mahādu-ò rarybemyh̄yre.

4

¹ Iribi tahe biu-ki ijōmy rabira rasina wese. Rybeō raholare, jurōnajuō wesemy. Iwese wadee rarybere wese. Kiamy narybede: —Mana òwōnyke, aōhebo itxōmo rahudi rot̄ȳnykre ini ariteōsinykre. ² Iule tahe Deuxu Tyytybytyhy riwamyre. Iu, inyō ryanamy rabira biu-ki. ³ Iōs̄ny heka roosōnymyh̄yre womatiwihik̄y r̄ys̄y wese, Jaspe wesena, Sadonio wese. Uwajiō witxira t̄yre heka rare iryna rirurawonyre. ⁴ Tahe 24 ryna iryna rirurawonyre. Ityre tahe 24my wedu mahādu ronyre tyurahak̄y-di. Irati-ki womati t̄ȳr̄h̄ȳk̄y-di rarataanamy. ⁵ Biudelaa, biumyta, irynana-ribi dohonyde. Heōtyloo heka debo inatxi reurōmy sōwe iko-ki r̄yire. Kia heka Deuxu Tyytybytyhy tuu sōwedu rare. ⁶ Tule iko-ki mana aho roire iuramy raurananyre. Irurawona-ki wiōwiō-ki aōni inaubiōwa rāire, irue sōwe ihewo-ki, iko-ki. ⁷ Aōni delena heka hālōhehek̄y wese rare. Ijō heka karōtihiik̄y wese rare. Ijō tahe hābu ōs̄ny wese rare. Ikonanareny tahe nawiihiik̄y dowōmy nade wese rare. ⁸ Ibutumy tiiboho debō sohoji reurōmy tesōwereny. Ta tiiboho tetya wirawyō rawyō irue dire. Tahe tiiboho rexielehynyōhyylemy txumy rummy rawiunymyh̄y: —Ōbitityhy tate, Ōbitityhy tate, Ōbitityhy tate Inynr̄y Deuxu rurutere. Kai tate, tule kai mabekre. ⁹ Kia heka inaubiōwa boho rawiunyre: —Wowydyna, àlàna-wana rynana-ki r̄ȳdu-ò, iki kiemy nodu-ò wahe. ¹⁰ Iu tahe 24 wedu mahādu heka tatiowotimy taōs̄ny sutxi ritidimy riwowydynymyh̄yreny resemy iko-ò. Tamy taratana-di rehummy raryberenyre. ¹¹ —Wadinodureny, waDeuxureny adee sohojile heka wowydyna, loosōna, àlàna rawahike. Ibutumy dori aōna aōna tewinyte. Adeewimy r̄ymyh̄yre idi rariamyh̄yrenyre.

5

¹ Ryna-ki r̄ȳdu ruruna debō-ki heka tyriti werywery wesemy rabira.

Tyyriti tahe wirawyo rawyò-ki iriti dire, tii debò inatxi reurò iratòbòna sòwe.
² Ÿju ruru ruruhukŷ-my ryrymy dŷŷraxi-di: —Mobo ityhykre tyyriti ratòbòna are sydŷŷdukre iraydŷŷ-ki tule. ³ Tai tahe inyò ijòhyyre: —Biu-ki, bede-ki, surawo-ki ijoòhyyre. ⁴ Inyò ityhyòre iraydŷŷ-ki tamy itxere-ki. Iòraru-ki ta urile jiarŷ rahinymhŷre. ⁵ Iule tahe matuariò wadee narybede: —Hiòmyke, betehe ta inihe Juda mahàdu hâlòhehekŷ-ò, Iòlò Davi iriòre riòre wahe. Tii dori tyyriti ratòbòna riorokre idi riraynykre, tii sohojile dori wou-ribi ròtare. ⁶ Kiamy tahe rabira, Budoeni Riòre wahe. Tii rynana ubey-ki rŷimhŷ. Aòni inaubiòwa ijòre. Tiiboho-wana tahe matuari mahàdu rŷire. Budoeni rurure wesemy rŷire. Iò tahe debò inatxi reurò rare. Irue tahe tule. Kia rare Deuxu Tyytybyò rare, tii bede bedemy nodu mahàdu. ⁷ Budoeni riòre tahe rynana-ki rŷdu ruru debò-ribi ditade, aòma tyyriti wahe. ⁸ Iule ta aòni inaubiòwa, 24 matuari boho-wana tatiowotimy rejujire buddèni riòreko-ò. Tii sohoji sohoji wiuna-di, womati tŷŷŷŷhŷkŷ hyna-di ratximhŷreny. Sohoji sohojiro-ki tahe òwòrusò wydysilŷnywi-di wese rare. Kia Deuxu tyhydŷŷdu mahàdu ixitòedŷŷna violão wese tule ratximhŷreny. ⁹ Tiiboho wiutŷmyramy rawiunymhŷreny kamy wahe:

—Kai atyhy tate Tyyriti raydŷŷ-ò, iratòbòna eresydu tule. Arubumy heka Deuxu-ò Ixŷju ixŷju teòbranye. Irybe wixira wixira, ibede wixira wixira iixŷjuna tule.

¹⁰ Iòlòmŷ tewasynytenyete Deuxu dee tule xiwena wahidŷŷny mahàdu wahe. Idi hāwā hāwā ariwedunyrenykremy. ¹¹ Ÿju sòwetyhymy rabira rynana werora-ki, aòniboho matuariboho tule. Miliaò hòkŷmy rasòwerenyre. ¹² Tiiboho rirajuahakŷmy rawiunymhŷreny: —Wowydyna, ruruna, deysana, àlàna, loosòna tamy sohojile rawahinyrenyke buddèni riòre-ò. Tii dori rurure ityhymy ¹³ Tai tahe ibutumy biu iròdu iròdu, suityre iròdu, bera iròdu iròdu ibutumy aòna tule rawiunymhŷreny rynana-ki rŷdu-ò. Budoeni riòre-ò tule kia rawiunymhŷre. Rarehkyke, rarehkyke heka rarekre. Kie. ¹⁴ Aòni inaubiòwa rirawònyre: —Kie, Matuari 24 tahe resereny iko, kiemy noduko-ò.

6

¹ Tahe Budoeni riòre heka tyyriti ratòbònaò riòròre. Kiamy rabire. Tule aòni inaubiòwa mahàdu-ò narybede rybenihikŷmy biumyta wodŷŷ wese. Mana ini itxeremy. ² Tai retehere awaru urahakŷmy rabire. Tairŷdu iwaxiwahate dire. Tamy irudŷŷna rataana riwahinyreny. Tahe rare wou ròtakremy.

³ Tahe ijò ratòbòna riorore. Ijò aòni tahe narybede inatxina wahe: —Mana ini itxeremy. ⁴ Idi awaru sòhòkŷ ròhònyre. Inyò ityre rŷdu-ò rurunariwahinyre, wou ritelenykemy bede bedemy. Tai hābu mahàdu wii rahukremy. Tule inyò mayrehe ityre rŷdu-ò riwahinyre.

⁵ Tahe inataòna ratòbòna riraynyre. Ixyby inataòna aòni rybe-ò raholare: —Mana ini itxeremy. Tai retehere. Awaru lybymy rabire, ityre rŷdu urihina-di tebò-ki. ⁶ Tahe aòniy-ribi rybeò-ò raholare: —Womati nieru sohoji-di heka urihina sohojile heka trigo rawykre, txusohoji aòmŷŷdŷŷna òwy wahe. Tule inataò urihina sevada rawykre, txusohoji aòmŷŷdŷŷna òwy. Uritere ta uva-ò, adŷŷ-ò aòhe isŷdŷŷòmyke.

⁷ Tahe inaubiòwana ratòbòna riraynyre, Budoeni riòre wahe. Ixyby inataòna aòni rybe-ò raholare: —Mana ini itxeremy. ⁸ Tai retehere. Awaru bisamadòbòlŷre wesemy rabire. Ityre-ki rŷdu heka Rubu inire, heòty bede

rubunana iheludumy. Inyō ityre rŷdu-ò ruru riwahinyre. Tai ròhònyre iny rirubunykremy. Inaubiòwa iny-ribi heka, sohoji rirubunykremy. Wou-ki, rama desemy, rubutyhy-di, iròdu debure-di heka iny rurure.

⁹ Tahe iruyrena ratòbòna riraynyre. Tahe Xiwenā wahedŷŷna rawo-ki iny mahādu rabire Deuxu rybe òraru-ki, tatyhydŷŷna òraru-ki rururenyre mahādu wahe. ¹⁰ Tiiboho rirajuamyhŷre: —Deuxu Inynyrŷhŷkŷ, kai tyhy tate, òbiti tule. Tiu wexi waòwreny bilidikre, warubudŷŷduren-ò? ¹¹ Tahe iximynamynamy tyurahakŷ-di rexitynyrenyire. Tahe tamyneny rarybere urihimyo rexielehynyrenykre. Ijoiireny iwesereny rurukreu riraðrenykremy. Isòwereny rexihureu wahe.

¹² Tahe debò sohoji reuròna ratòbòna riraynyre. Kiata idi suu ramytywari inihikŷmy. Txuu urile rurunyre, ahādu isòmy relere, halubusò wese. ¹³ Taina tahe sutxi dejujude iwese bederaty yhydebore ritxiwimyhŷre wese. ¹⁴ Biu titxibo ikòre, iwese tyriti rarasemyhŷre wese. Ibutumy hāwālò bedebute tule tahrina-ribi ratate. ¹⁵ Iu tahe ibutumy iny rexiwore hāloohokŷwo-ò, manahakŷ hewo-ò tule. Tii roire Iòlò mahādu, bededinodu mahādu, soldado dinodu mahādu, ityhy mahādu irurutere mahādu, ibutumy ijò mahādu rexiwore. ¹⁶ Tahe taixiwotena-ribi rirajuamyhŷrenyire: —Watzixreny mana heka bedesede rynana-ki rŷdu lau rekexiwòrenykemy. Budoeni riòre debure lau tule. ¹⁷ Deburena txu, kyarana txu heka reare tamy, mobo riijekre.

7

¹ Idi tahe inaubiòwa ŷjumy heka tuu rabire. Tiiboho heka inaubiòwa bedehitxihitxi bedemy rŷire. Tahe rimyrenyire yhyhykŷ tebò-ki heka rimyrenyire. Tiu heka òwòru radeò raykŷhyky roire. Bede-ki aòkò, aho-ki aòkò rebònyra? ²⁻³ Tule ijòmy rabire ŷjuòmy ibryra-ribi rarerimy. Deuxu irumy nonadu hāletena nihikŷ widŷŷna heka diwumy idi nade. Iribi tahe inaubiòwa ŷju-ò tii rryre: —Txiokre inihe. Iwotòmodŷŷòmyke wa suu, bee, òwòru. (Kia ŷju mahādu dori, bede, bero, wotòmodŷŷdu mahādu ihŷre.) Biraðriòreke heka Deuxu hāletena deòdu òru-ò aritidikre. ⁴⁻⁸ Tiwesebo kia ritidŷŷna rimymy idi rare. Tahe raholare heka jiarŷ tiweserebo. Ta 144.000 iny ibutumy. Israeli ijoi waòinatxi reurò kia ijoimy heka ixidee rimyre. Sohoji sohoji ijoi-ribi 12.000 inymy heka rimyre: Juda ijoi-ribi, Gade ijoi-ribi, Asser ijoi-ribi, Naftali ijoi-ribi, Manases ijoi-ribi, Simeaò ijoi-ribi, Levi ijoi-ribi, Issacar ijoi-ribi, Zebulò ijoi-ribi, Jyje ijoi-ribi, Benjami ijoi-ribi, Kia ibutu ijoi-ribi heka 12.000 inymy rimyre.

⁹ Iribi tahe sòwemy inymy rabire. Timy heka idi wariramahāduòkre. Ibutu 12.000 hāwā hāwā-ribi wirotyre. Bede ibutu rybe witxira witxira rybedu ibutu ijoi witxira wahe. Tai tahe Budoeniube-ò tiiboho rotamanyrenyire. Budoeniko-txi rynanako-txi wirotyre. Ibutumy tiiboho ityurahakŷlemy roiremy. Horenì iru-di heka roiremyhŷ. ¹⁰ Tahe rryrenyire —irariemy rryrenyire: —Biu-ò hena waDeuxu-ribi nade rynana nihikŷ-ki ronyreri. Tule Budoeni-ribi nade. ¹¹⁻¹² Tahe ŷju ibutumy heka widotyde ryanawerora-ò, tule matuari mahādu tule iwo-ki. Inaubiòwa aòni ibutumy reserenyire rynana nihikŷko-txi resere taòsana sutxi ritidimy Deuxu kia wowydynamy relere. Kie, myheka rarybere: —Wowydyna, Bedeerydŷŷna, deàlāna, loosòna, aruru, aixiòlòdŷŷna. Ibutumy heka kia kanakre inyDeuxu-ò. Rarehykyle, rarehykyle heka rarekre. Kie. ¹³ Tahe wawiò inaubiòwa matuari mahāduò wadee rŷŷraxire: —Kai aòbo teerymahāte kia

tykyurahakỹ-di ratxirenyreriō, tule tiribibo ròirerí? ¹⁴ Tahe rarybere: — Aōkōre wanyrỹ, reerykōre. Bedelyyke wako. Tahe wako tuu delyyde. Kia heka dōhōnyde heka aōhōkymy dỹỹnana-ribi dōhōnyde rare. Ityky rityranyre heka Budoeni riōre hālubu-di. ¹⁵ Taiki heka rynana nihikỹko-ki ratxirenyreri Deuxuko-ki. Kaheka ruu, txuu-wana heka rāāhimi ratximyhỹrenyre taheto bededỹỹnana-ki. Kia rynana-ki rỹdu tahe riyrubunynrenyre. ¹⁶ Tiu rama rirubudỹỹrenyōmy heka bemomo boho. Tiu txutōteehekỹ-wana wirisỹnyōtyhy ybōtō boho-wana, txutye boho-wana. ¹⁷ Budoeni riōre dori rynana nihikỹko-ki ratximyhỹre. Tii heka aryỹna adee riwahinymyhỹkre. Tii heka adi itxeredukre heka aradykre heka Umyituedeōna ube-ō. Deuxu irube rirubudỹỹnrenyre.

8

¹ Budoeni riōre debō inatxi reurō hāletenamy ribōhōnyreu, aōdee biu-ki roholaōhyre heka byy, myle roire: aōwodỹỹ wodỹỹhomy aōkō. Wadee meia hora txumy bedemy bede rewyre. ² Debō inatxi reurō ỹjummy tuu rabire Deuxuko-ki nyidemy. Tahe inyō tamy riōremy idi retehere debō inatxi reurō ajurōnamy.

³⁻⁴ Tahe iwitxira ỹju nade. Tii womati tỹrỹrỹhỹkỹ atara nihikỹ. Tahe xiwenatyre orarade rỹny wihikỹ ritoonyre. Inyō riwahinyre ỹju-dee sōwemy. Riurinykemy Deuxu ijoi ixitōedỹỹna-wana xiwenatyre-ō risōkemy aderōna rỹnyrehekỹ heka womati tỹrỹrỹ xiwenatyre-ki ritxiwire Deuxu ryanako-txi. Ỗju iribi tahe kia ibutumy raōwōnyre Deuxu-ō. ⁵ Tahe heōty-di heka ỹju atara ritỹxinyra idi heōty-di rehure biu-ribi bede-ō. Tai tahe biumytxi ramytxynihikỹnyre heka suu biu tawe rihetenyre rybe wese wodỹỹ ramytatate.

⁶ Tahe debō inatxi reurō ỹjummy heka rexiywinymy rỹire ajurōna-di jurōnykremy.

⁷ Juhu ỹju heka rurōnyre. Iribi tahe bedejutytyhykỹ heōty hālubu-wana rauringymy bede-ō rejuxunyre. Bedejura tahe roomyhỹ asirade, bedero-wana inataō-ribi, sohoji roomyhỹ.

⁸⁻⁹ Iribi ihewoludu txurōna-di rurōnyre. Tahe berahakỹ-ō resere hāwālō nihikỹ wesemy. Tai ibutumy heōtylawō txuramy ituere. Iyre bee tahe hālubuhukỹlemy relere. Iyre utura tahe ituere.

¹⁰ Tahe ihewoluduhe txurōna-di rurōnyre. Iribi tahe tainahakỹō bero-hokỹyre-txi resere berayre-txi tule. ¹¹ Tainahakỹ heka ihyre inire. Tahe sōwemy iny ituere ihyre bee riurinyreki.

¹² Tahe ihewotyhy tyaludu txurōna-di rurōnyre. Tahe aōwesele txutyemy txuu roosōōhyre. Tahe ahādu tawekremy turutyhy inihe relere taina tule. Tahe bederunutyhyre heka.

¹³ Tahe idi retehemy jiarỹ rāiwāhā. Tahe tuu rabire nawii nihikỹō ruōmy ratxireriō. Tii iryru-di heka rarybemyhỹ: —Bede heka rabinakre. Bede heka rabinakre. Suludu bede iny-ō ryrymyhỹ: —Txioinihe sōwemy aōbina binahakỹ rexiōtỹmyranykre. Tahe hewotyhylydu ỹju txurōna-di kudurōnykreu heka bede rabinatyhykre.

9

¹ Ijō ỹju tajurōna rurōnyre. Tii heka iruyre hewoludu rare. Tahe ijō inymy rabire. Biu-ribi suō taina resere wese tii resere. Tamy ijō raynaō diwahinyde, hāloo nihikỹ ratōbōna rayna wahe. Hāloo nihikỹ heka irehehekỹ

rare. ² Tahe riraynyre. Wàdàsi iribi tahe dòhònyde. Iwese tahe bede rurunyre wawerorareny-di. Txuu, ibutumy rurunyre wàdàsi lybyhykĩ òraru-ki. ³ Tahe seihiikĩlyby wese heka wàdà-ribi dòhònyde tahe desede suò. Seihe heka itytibòròhòkĩ wese heka ihe rare. ⁴ Asi rubudỹỹomykre bederaradeò tule, òwòru tule. Inyò Deuxu kia ritidỹỹna iòru-ki rỹiòkeki, tahe tule tamy ijira rỹikre. ⁵ Iny rubudỹỹmy aòkòre. Tahe iny aòhòkỹmy rotỹỹnykemyre heka iruyre ahàdumy. Aòhòkỹmy rotỹỹnymyhỹre kia ihe juberereri riijererimy ihỹre. ⁶ Kia txuu tahe ixirubudỹỹmy reamyhỹre. Tahe aòkòre heka timyhe ixirubudỹỹkòmy tamyhe rubu dehemynyòhyymyhỹde. Tukemy heka ri-wisỹnymyhỹre. Tahe aòkòre rubu iribi rahenymyhỹre. ⁷ Seihiikĩ heka awaru wese rare. Iwese awaru rexiywinymy wou-ki ralòkremy rỹimyhỹre wese heka rare. Irati-ki rỹire womati tỹrỹỹhỹkỹle irataana wahe. Iòsana heka iny òsana wese rare. ⁸ Irade irehehekỹre hãwy radehekỹ wesele. Txuu tahe leaò juhukỹ wesele rare. ⁹ Wyhy itxena ibreti-ki roimyhỹre. Womatile ibreti rare. Bede heka urile rawodỹỹnyhỹkỹmyhỹre. Iwese tewe awaru-di nodu sòwe iwodỹỹ rare. Iwese aòbina-ò rajaramyhỹre wodỹỹ wese wahe. ¹⁰ Seihiikĩ heka bòròhywe nihikỹ wese heka rare. Tahe iruru-di rare. Iny riwotòmonymyhỹkemy iruyre ahàdumyhỹmy. Iherona ramytxytxyre iruyre ahàdumyhỹmy. ¹¹ Iiòlò heka hãloo rahejihikỹ wedu heka rare. Ini heka hebreu rybe, Abadu rare. Grego rybe heka, Apoliò heka rare. Iny rybe heka iny hàdu hàduhukỹ rare.

¹² Juhuu bedebinahakỹ ituera ròhònyra. Katahe ijò iwitzira kòdòhònykre inatximyhỹmy wahe.

¹³ Ijò ỹju tajuròna-di rurònyre. Tii heka debò sohoji hewoludu rare. Raholare heka rybeò-ò. Womati xiwenaò-ribi ròhònyre. Xiwena-ò heka inaubiòwa sòwe. Kia womati tỹrỹrỹ xiwena heka Deuxu ryanakò rỹire.

¹⁴ Kia ỹju-ò heka rarybere ijuròna dinodu wahe: —Inaubiòwa ỹju besedỹỹnyke ixinamy ròhònyke. Tii heka Bero nihikỹ ròtena-ki, bero Eufratesi-ki. ¹⁵ Tii heka ròtena-ki ratximyhỹre kia bededỹỹnanau, kia txuu, kia ahàduu kia beòrau. Iribi tahe riòlòdỹỹnyrenyre. Iribi tahe ihewoludu iny ibutumy rahure. Iyreyre inataò hãwã jurajuramy heka rahure. Inataò jura-ribi sohoji sohoji rirubunyre. ¹⁶ Tahe jiarỹ raholare tiweserebo aòbinadumy rỹire. Iny 200.000.000 inymy rỹire. ¹⁷ Tahe aòbinadumy rabira awaru tyre ronryeri. Awaru tyre ludu tahe iwyhy itxena dire. Ibutumy wako-ki rỹire. Ibutumy rabire. Womatihikỹle, heòtyhykỹwesele heka rare. Ijò heka tỹreura rare safira wese. Ijò tahe tỹre raramadòbò wesele. Awaru rati heka leaò rathikỹ wesele rare. Heòtyle iry-ribi ròhònyreri wàdàsi enxofre-wana wahe. ¹⁸ Kia heòty heka inataò jura-ribi sohoji jura iny rahure. ¹⁹ Tule awaru nohewòru heka iruru dire. Iryribile tahe iheòty ròhònyre. Taile iruru rare. Hemylala rati wese dire ruròny heka inatxi hemylala juwesele. ²⁰ Iny ituere sỹtybymy tahe rarònyre. Deuxu deàlàna dee heka reòbyòhyyre. Diabo mahàdu lulemy ratximyhỹrenyre. Aòma rityhynyrenyre womati tỹrỹrỹhỹkỹ ritxoo, òwòru ritxoo suritxoo, mana ritxoo. Kia ritxoo heka aòki robiòhyymyhỹre, aò roholaòhyymyhỹre. Rariaòhyymyhỹre. ²¹ Iòraru-ribi roxirãhiòtyhy iribi tahe rahòtinyrenyre aò òtaòtamy, rubudỹỹnamy, wasinamy, òwòrumy. Kiale ròhòtinymyhỹrenyre.

10

¹ Tahe iwitzira ỹjuhukỹ rabira biu-ribi suò robehererimy. Biuwetykywe-

sehekýle iweroramy rýireri. Tahe owaji wese iratikile roireri. Iòsýny tahe txuwewehekýle, iwaube tasý heòtyhykýwesele roosòmy. ² Tii heka tyyritinadile debò ritýtenymy ratximyhý. Tahe itýte heka deboube-ki roimyhýre. Tahe tawaube ruruludu heka betye ritidimy idi rýire. Tawahyweludu tasý ityti-ò ridemy idi rýire. ³ Tii rryyre heka tarurumy. Leaò iràhàkýwesele rryyre. Iu tii rarybereu, debò inatxi reuròmy heka ramytxynymy dirawýònyde. ⁴ Tahe riritinyre heka aòmybo timykira raryberenýre wahe. Tahe rybeò-ò raholare: —Kia widýýòmy. Kia rybe hewa ierysyna aòkò rare ixinamy tahe tuu roike. Biritinyòke aòmybo ramytxyna rarybere? ⁵ Tahe ýju suki ratxireri, beki ratxireri ruru ludu debò biu-ò riteòsinyre: ⁶ —Deuxu-ribi heka tuu raryberé, warybemy inatyhymy. Deuxu heka tiemy rarehyyle rare. Ibutumy heka riwinyre biu-ki rýira bede-ki rýira-wana. Tai heka warybe inatyhymy rare. Ararybekre heka raroorehenyòtyhy kaki. ⁷ Debò inatxi reuròna ýju tajuròna ritxurònykreu heka, Deuxu ibutumy relemý rýikre iwese rarybere wese. ⁸ Iribi tahe rybe biu-ribi wadee nade. Wadee rarybere: —Biòryke hewa tyyritina ýjudebò-ki naderí suki bera-ki kia rýireri. ⁹ Tai tahe tamy rehemynyreri iòhòmy tyyriti tamy rexitòenyre. Tahe wadee rarybere: —Biwyke. Birýsýke. Juhuu tahe bidi wesemy ary-ò bidekre. Birýsýkreu tahe ibutumy rahyrenykre awo-ki. ¹⁰ Iribi rewrya rerýsýra. Iwese tii juhuu rarybera wese rare. Ibereere juhuu. Iribi rerýsýreu tahe, wawe rubererenyre. ¹¹ Tahe wadee rarybere: —Kai heka dohodýýmy makre ixityre ibutumy inywitxiramy heka botohodýýkre. Ibutumy inywitxira witxira-my botoho. Ibutumy rybewitxira witxira botohomý. Ibutumy iòlòmy botohodýýkre.

11

¹ Iribi tahe inyò wadee diwahinyde urihixinaò. Wadee rarybere: —Biurihikesý titxibo Deuxusý rýimyhýré. Iwo tule xiwena wahidýýna biurihike. Idi mariake tiwesebo iny iwo-ki rýirémy. ² Tahe ahana-ki iube idi riraòmyke. Tii dori ityhydýýdukòdu mahàdu dee wahisidýýna rare. Tiiboho dori 42 ahàdumy idi rariakre. ³ Jiarý dori inatxi rybedu idi watxiwàhàre. Tamy ruru ariwahinykre. Tii heka saumytykyle rariakre. Tii heka rybe ritýnynykre beòra inataò weeremy. ⁴ Rybedu inatxi heka bederaty òwòru inatxi wese rare. Tahe tule inatxi loosòna mynydu wese heka rare. Kia Deuxuko-txi rýire wese heka rare. ⁵ Inyò idi ibinamy riwisýnykeki, tahe ixirubudýýmy rorukumyhýre. Heòty iryribihikýle ròhònyke heka iny rirubunyke. ⁶ Tii heka irurudire biu dejuxu lau riekemy. Tahe tiu biu reseòtyhy heka inataò beòra weeremy wahe tii Deuxu rybemy rarybereriu wahe. Ihàre tahe tii rexirahòreke bero nihikýmy aho nihikýmy hàlubumy rexirahòreke. Ihàre tahe ibutudee bina riwahinyke, rubuna riwahinyke tiiboho awimy tai raharenýkeki. ⁷ Kia heka inataò beòra weere rikonananykeu, rybe týnydýýdu inatxi rikonananykeu, hàloo rehe nihikýwo-ribi aòni kòdòhònykreu, tahe aòbina nihiký-ki heka iu rýikre. Tahe inatxi rybedu rirubunykre. ⁸ Iumy rubu tahe hāwāry-ki roikre, tibo inyry rirubunyrele. Rawesenanyre, kia hāwā arininikre Sòdòma ada Egito wese. ⁹ Inataò txuu weere riwydi hāwā ube-ki iumy rubu roikre. Inyò heka tiu rituunyòtyhy. Ibutu iny hāwā hāwā-ribi ibutu rybe witxira-ribi heka tamy itxeremy rehemynykre. ¹⁰ Ibutumy heka iny teysamy rýikre urile iny wídee aòna aònamy riwahinymyhýkre. Tiiemy inyò raaòmsýdýýòtyhy kiatxuu. Tai heka tahòti heka itxi reakre kia inatxi rybedu rurure tahòti itxi reakre. Lisini

heka rÿikre, worana bedehesi. ¹¹ Kia txu inatao txuweere-di, iumyreny iruna kôdôosekre tamy Deuxu-ribi. Tiiboho lamamy rotamanykre. Iny rarokonykre heka ruberu nihikÿmy rÿikre heka. ¹² Inatxi rybedu-ò heka rybetereò biu-ribi nade: —Kaiboho bôdôibedenyke kaò. Tahe biuwetyky raòwònyrenykre kia iòludu mahâdu idi retehemy rÿireri yrubule. ¹³ Kiaule tahe bede ramytatakre. Debò wiò heto jura-riba heka sohoji resere. Tahe 7000 inymy rurure. Tahe iny rarokonykre tahe iuhe ruberu nihikÿmy rÿikre. Tahe wowydyna riwahinykre Deuxu biu-ki ratximyhÿreò.

¹⁴ Inatxina bede dÿÿnana bina tahe ròhònyre. Tahe ijò kanakre.

¹⁵ Debò inatxi reurò ÿjummy heka juròna rurònyre. Tahe sòwemyhe iny rarybemy rÿimyhÿ, ryrymy rÿimyhÿ: —Kia bede dÿÿnana, iòlòna, inynyrÿ hõrò rare. Kristu hõrò rare. Aõu aõu tii ibutu ibutu iòlòmy ronykre. ¹⁶ Wawio inaubiowa matuari tahe, rynana-ki ronyrenyeri Deuxuko-txi. Tahe Deuxuko-txi resereny. Wowydyna tamy riwahinyreny:

¹⁷ —Kai Deuxu, tuu tate ihyymy, ibutururu ratyre aruru rare. Aruruteremy bonykre bede dinodumy. Umy reàlâmy kia-ò.

¹⁸ Iny heka ibutumy alau ruberumyhÿre ibutumy òludumy rÿire, adee deburemy rÿimyhÿre. Rubu hitxidÿÿna heka bede reamy heka roire. Eòdurenyle heka riòwynykre, aijoi riòwynykre, rybedu mahâdu wahe. Ibutumy ani rityhynymy rÿira, nihikÿ iÿja-wana, kia bede huduhukÿ rare. Ibodedÿÿnana reamy heka roire.

¹⁹ Biuwetty riraynyre Deuxu heto. Ibutumy heka lobidÿÿna tyryiti hyna iwo-ò iny robimy rÿire. Iu tahe biumytxi, biudelaa ibutu yhynihikÿ, ibutumy bede ramytatamy rÿire, berahakÿ tule resere.

12

¹ Iribi tahe ròhònyre warasina-ki aõbo. Aõhebo bede ritÿÿnykremy, biuwetty-ribi hãwyyòmy rabire. Txuu wese tahe itykyra. Tii lamamy rÿire ahâdu tyre. Tarati tyre-ki tahe tainahakÿ rataana idi rÿire, waòinatxi taina wahe.

² Tii heka bôtomy ihÿmyhÿ. Ryrymy heka txubrere rijemy tabededÿÿnana-ò resera uladu reakremy. ³ Iribi tahe aõna aõna biu-ki rexisÿnymy, aõni hemylalasò nihikÿ wese wahe. Irati tahe debò inatxi reurò sòwe iratimy. Debòwiò sòwe heka iòm. Irataana heka iratimyna myna rÿimyhÿre. ⁴ Tii tahe tòhewòru-di taina ributunymy ridyre. Bede tyre-ki idi rehure, taina jurâò. Tii hãwyyko-txi rÿire. Uladu reakreule tahe uladu riròkremy. ⁵ Tahe tohouâ reare, hãbumy heka reare. Tii iòlòmy heka ronykre, ibutu bede bede iòlòteremy wahe. Ihãre tahe Deuxu ridyre. Raòwònyre heka Deuxu rynana-ò. ⁶ Hãwyy tahe rahenyre bederahy-ò. Tii 1260 txumy heka tii bederahy-ki bede riekremy. Deuxule heka tii riywinyre.

⁷ Biu-ki heka aõbina nihikÿ rÿire. Mieli, ÿju dinodu heka, taijoi-wana raaòbinanyre aõni-wana taijoi-wana. ⁸ Aõni tahe resera taijoi-wana. Ròtara. Biu-ribi ròhònykemy tahe idi ratxireri. ⁹ Riteònyre biu-ribi, aõni nihikÿ heka ròhònyra. Tii heka hemylala nihikÿ wese rare. Satanasi inire, Diabo wahe. Itxenadÿÿdu heka rare ibutumy iny. Suki resera, taijoi-wana. ¹⁰ Raholare tahe biu-ribi rybeò-ò: —Deuxu tarasana heka rehemynyre. Tii taruru riteòsinyre iòlòtyhy raremy. Kristu taruru riteòsinyre. Aõbina bina rybedu tahe Deuxu-ò rarybehyymy ratxireri, txu-wana, ruwana. Tii tahe ròhònyra biu-ribi. ¹¹ Waityhydÿÿdu seriòre mahâdu heka ròtara Budoeni hãlubu-di, inatyhyna hãletena-wana. Rurukemy ratxireri tiiboho tamydeewikeki.

¹² Beysabenyke biu mahādu. Koityhyxe tahe ahohokŷ, bede-wana. Diabo dori adee rehemynyre. Tii reburere, ibededŷŷnana dori iòhòmy reare.

¹³ Iu hemylala aōni heka bedekile ratxirerimy rieryreu, tahe hāwyy tohouā-wana kia-ò aōhōkŷmy rotŷŷnykemy risŷnykemy idi ratxireri. ¹⁴ Tahe hāwyy heka nawiihikŷ-ribi idei rihuōtera, tahe idi ruòra bederahy-ò, tasŷ-ò. ¹⁵ Hemylala aōni tahe bee sōwemy tary-ribi rarybexinyre hāwyy ribòròbòròdŷŷkemy. ¹⁶ Tahe aōkōre. Suu tary riraynyre tahe ibutumy bee riōre. ¹⁷ Hemylala aōni tahe reburemy reare hāwyy dee. Ibutumy hāwyy ijoi mahādu rirubunykemy idi ratxireri. Kia mahādu tahe Deuxu bede ywina rityhynyre, iwese Jesuisi tuu ritŷnyynyre wese. ¹⁸ Tai hemylala aōni ŷnyrakile rŷire.

13

¹ Iribi tahe aōnimy rabire berawo-ribi ròhònyre warasina-ki. Tii heka debò inatxi reurò iratimŷ tahe debò wiò iòmŷ ijòdire. Rataanaò tahe sohoji sohoji iò-ki rŷire. Irati-ki tahe nibinamy heka rŷire. ² Tii heka hālòe wesetyhymy rare. Iwa heka ursowa wesele heka rare. Iry heka hālòery wese rare. Aōni heka tamy ruru sōwemy riwahinyre, irynana wahe. ³ Iribi heka rabire iratiò, sohoji heka wotòmonahakŷ dire. Tahe reytereri. Ibutumy iny riòtiinyre. Aōni riheludunyre. ⁴ Aōni hemylala heka taruru riwahinyre aōni-ò. Tai tahe ibutmy iny heka aōni riwowydynyre. Iny rarybere: —Mobo heka aōni wese rare? Mobo ijese dukre? ⁵ Aōni heka aōbina bina rarybere. Inyò ribyrenyòtyhy. Ahādu 42 tii heka kiawesemy rŷikre. ⁶ Tii Deuxu dee heka aōbinamy rarybere, Deuxusŷ dee, ibutumy biuludu mahādu tule rybebina-di ribinabinadŷŷnyre. ⁷ Inyò tamy ruru sōwemy riwahinyre Deuxu ijoi mahādu-wana raaōbinadŷŷkemy. Tuu rahaŷnanykemy heka ibutumy iny witxira witxira, ibutumy rybe witxira mahādu, ibutumy bede bede mahādu. ⁸ Ibutumy iny ityhydŷŷdukòdu mahādu tamy wowydyna riwahinyke. Budoeni Riōre ijoi mahādu tahe aōkōre, kia dori ini rŷirenyre tyyriti-ki. Juhu bededŷŷnana inireny iwo-ki roire. ⁹ Tahe inyò roholakeki heka, bohohake. ¹⁰ Inyò ridyke. Riròtenyke ròtenawo-ki. Ijò tahe rirubunye. Deuxu ijoi mahādu tahe rexityhynyke idi òbitimŷ roirenyrekremy. Kie.

¹¹ Tahe ijò aōnimy rabira. Tii ròtuòreri bede-ribi. Iò heka inatxire. Budoeni wese heka rare. Ihāre tahe aōni wesele rarybere. ¹² Tii juhu aōni wese rare, iruru. Rarybere: —Juhuludu aōni biwowydynyke. Kia ratiwotomona-di. ¹³ Budoeni aōni heka aōna aōna wiwiihikŷmy riwinyre. Tii heòty biu-ribi resekmŷ tii rotŷŷnyre. Ibutumy iny tuu robire. ¹⁴ Tii ibutumy iny riitxenanyre kia aōna aōna wiwiihikŷ òraruki. Iny ibutu-ò rarybere: —Suritxooò nihikŷ biwinyke aōni dee. Tii mayrehe-di rawotòmore hārele ruruòre. ¹⁵ Tahe ihewoludu aōni heka rabunya suritxoo-ò tahe irumy rŷire. Idi suritxoo rarybere. Inyò tamy wowydyna riwahinykeki, tii tahe rirubunye. ¹⁶ Tii rarybera ibutumy iny-ò: —Kaiboho waritina bitidike aòru-txi, eboreny-txi, ruruweludu wahe. ¹⁷ Aōkòkeki tahe aōhoho aōkò riwyke. Iny kia ritina ijòdiòkeki aōhoho aōkò rohonykre. ¹⁸ Kai erydŷŷna sōwekekile, aōhebo tatŷŷnytemy kaiboho bierybenyke. Kai erydŷŷnadikeki, aōni heka rieryke. Ini heka iritina raròsòna wese rare 666 ihŷre.

14

¹ Idi tahe budoenimy rabire lamamy nyidemy Jerusalē hāwā-ki. Aōma Siaō hāwālòkile rŷiremy. Tii-wana heka rŷire 144.000 kia inymy heka tii-wana

rÿire. Ibutumy tiiboho heka tybynimy, inymy heka ibutumy iòru-ki rar-itinymy rÿire ibutu òru-ki. Tahe tuu rabire rasinaòmy. ² Biuwodÿÿ nihikÿmy raholare, tule biuwodÿÿhÿkÿ ada benihikÿ lesetere wese iwodÿÿ rare. Tahe sòwemy iny rawiunymy rare violaò-wana, kia wodÿÿ wesehekÿle wahe. ³ Kia heka wiu tÿmyra ririryry ròirenyre kia iny tÿmyra rirahura mahädu. Kia Deuxu rynana nihikÿko-txi heka rotÿmynyrenyry. Kia inaubiòwa aònityhy heka waitue inaubiòwa matuarimy tahe ijòmy rÿire. Tahe 144.000 kia inyle heka rawiunyekiki, awimy rÿike. Tii dori aòma tarasadumy ratximyhÿrenyry. ⁴ Tiiboho heka tyra roire, tiiboho heka òbiti roire iwese ijadòma ratxirerimy ihÿre wese òtadu mahädu aòkòhyre. Tahe budoeni riòrehemy heka rare titxibo tii rare hemy. Tii dori wydynamy rare. Kia häbuy-ribi. Bede ywisidÿÿna juradÿÿna kia dinodumy heka rare. Deuxu heka Budoeni Riòre-wana wahidÿÿnamy heka roiremy. ⁵ Tiiboho heka raryberenyòtyhy tiiboho ruidu roiremy. Òbiti heka tiiboho roire. Tiiboho heka rahitxirenyre Deuxu dee.

⁶ Tasÿ ijòmy rabire ÿjuòmy aòma biuwetyky kiako-txi raramy ruòmy rabirerimy. Tii heka Rybewihikÿ tÿmyra rimymy idi rara aò inywitxira-ò ritÿnynykremy. Ibutu bede bede inywitxira-ò ritÿnynykremy. Ibutu rybe-di ritÿnynykremy, Rybewihikÿ tÿmyra wahe. ⁷ Kiamy heka rryryre: —Deuxu bityhynyke. Marybebenyke tii awi raremy nihikÿ raremy. Bededÿÿnana rehemynymy roire ihitxidÿÿdu bede-ò. Bityhynybenyke tii dori bede ibutumy riwinyre bee, biu ibutumy riwinyre.

⁸ Tahe ÿjuò heka ihewomy ruòmy ratximyhÿre. Babilonia häwä nihikÿ rexihura. Ibutu iny dori òraruna-txi resera. Kia häwä mahädu dori ibutumy iòrarudÿÿnyry.

⁹ Iribi tasÿ iwitxira ÿjusÿ tamy nade iheto-ò. Tii tahe rryrymy nade: —Inyò aònimy ada iritxoomy rityhynykeki, iribi riwykeki iwotòmona iòru-ribi tebò-ribi riwykeki iritidÿÿna, tii tahe Deuxu ykarana heka iribi riwykre. ¹⁰⁻¹¹ Tiiboho heka aòhòkÿmy rotÿÿnyrenykre ÿjuko-txi. Budoeni Riòreko-txi aòhòkÿmy rotÿÿnyrenykre. Heòty kia bede dÿÿnana tyhy tiemy raòwònyhy rarakre. Tiiboho dori tiemy aònityhy nihikÿle, iritxoo-wana rityhynymyhÿrenyrekiki, tiiboho heka iritidÿÿnale ixi-ki riwymyhÿrenyry. ¹² Tai tahe ibutumy iDeuxuhe ywina-di heka iwitxira iny ronykemy heka ratximyhÿre. Ibutu aò òta ibina bina biòludunybenykemy, tiiboho dori aijoi òbitihy boibekemy ikonana-ò. Jesuisi bityhynykemy.

¹³ Iribi tasÿ ixityre ijò rybe-ò raholare watyry-ki. Rarybere: —Kiahe bir-itinyke: Aò roorehemy aòkò heka dehemynymy deade. Kia Jesuisi-ò rurure heka uriòno heka tamy dehemynymy deade. Iribi tahe tule rarybere: aty-tyby reysamy ratxireri. Myle. Tahe rexielehynymy heka rorukumyhÿrenyry aòhòkÿmy dÿÿnana-ribi. Tii dori aòwiihikÿle riwinyrerimy ihÿre. Reeryre heka.

¹⁴ Idi tahe iwitxiramy aòmybo rabire wiribi hitxiramy. Nonoe wetyky urahakÿle wese heka rare. Inyò ityre-ki ronymhÿ. Häbuò wesehekÿlemy heka rare. Irataanadihikÿlemy ronymy heka tarati-ki heka idi ronymhÿ. Womati tÿÿrÿhÿkÿle wesehekÿle irataana rare. Tahe ijò heka itieresynaò-di heka tebòkikhÿle heka rÿire. ¹⁵ Ijò heka Deuxusÿ-ribi nade, ÿjuò. Tamyhe rryryre: —Bexitÿmyranyke, itieresyna-di tasÿ bexitÿmyranykre. Bededÿÿnana rehemynymy roire adee aò biòròòròkemy. ¹⁶ Tahe kia nonoe wetyky tyre-ki

ronyreri tahe rexidelenyre riòròrerihe. Riwyrehe ibutumyhe aõna aõna riwyre tahe ributunyre.

¹⁷ Kia ijõ Deuxusy-ki ratxireri tasỹ tule debònadimy ratximyhỹ kia tieresynadile ratxireri. ¹⁸⁻¹⁹ Kia ỹju aõma heòty kia loo-di ratxireri tahe dyryde heka tieresynadile tamy rehemynykemy. Tieresynadile biorobeke idi atxibeke. Ibutumyhe bedede heka biorobeke. Ceifale dori biorobeke. Rubumy dori rỹire hitxidỹyna-ò. Iribi tahe reare. Tiò tiò idi reamy tahyna-ò rabutumy reare kia Deuxu ykarana-ò. ²⁰ Tai tahe bederatyhe risorunynrenyre hãwã-ribi hitximy. Sòwemy hãlubu ròhònyre. Kia urihixina heka sohoji metro weere heka rare. Irehere heka bero wese 300 quilometros irehemy. Awarulomy heka rabeheòmy roire ibero.

15

¹ Ijõ aõna aõnamy rabire biu-ki ihewo-ribi riteòsinyreri. Debò inatxi reuròmy ỹjummy heka rimyra kaa aòmaysỹdỹyna. Kidiwydenykre heka debò inatxi reurò aòhòkỹmy dỹynanamy. Idi tahe Deuxu ykaranamy rexikonanamyhe roikre.

² Iribi tahe bero nihikỹmy rabire wako-txi aõma heòty wese, womati tỹrỹrỹ wese. Sòwemy heka inymy rabire kia sutyre-ki nyidemy bero iòhòmy. Ibutumy heka aõni debure deburehekỹ kia rubu-ribi ritamy nyide. Iu heka aõni tai roiòhykyre heka, aritidỹyna roiòhykyre heka. Tahe aõma aònimy rahaỹnanyrenymy ratximyhỹre iritxoomy tule violaò oworuwodỹkyhe tai rỹire, Deuxu rawiunynryneri riryrereri. ³ Moisesi Inynrỹ deòdu wiu riryrereri. Tule Budoeni Riòre wiu riryrereri. Kiamy heka rare: —Oì Deuxu, Kai heka aruru-di tate. Aõni tewinymahâte. Ibutu tarasana tewinymahâte. Ibutu heka ary òbiti rare. Awi heka rare. Kai heka ibutu iòlò tate. ⁴ Iòlòhyky tanamahâte. Tiiemy heka rityhynymy hyky hyky tanamahâte Inynrỹbohomy. Wowydyna heka adee riwahinymahãke. Kai sohojile heka òbitityhymy atximahâte. Ibutu bedede ludu heka anatyhynykremy kedeadeakre. Ibutumy aõbo tewinyte. Ibutumy bedede òbitidỹynmahâte heka riere.

⁵ Kia bededò heka Deuxu hetomy roimyhỹre ierykònamy roimyhỹre. Iwòte ierykòna. Tii heka riraynynrenyre heka kia bedede. ⁶ Kia debò inatxi reurò kia ỹjuhe ròhònyre Deuxu heto-ribi. Diwydehe debò inatxi reurò aòhòkỹmy dỹynana. Aõma itykyrenyre, linho urahakỹ itykyrenyre. Irawo-di ibreti wereysanamy tahe womati tỹrỹrỹhỹkỹ reare. ⁷ Sohoji aõniò aõma Deuxu ykarana hyna sohoji sohoji-ò tamy diwahinyde. ⁸ Deuxu hetowo heka aõma wadãhàkỹlemy reare. Loosona dori iruru dori sòwemy rỹimyhỹ. Tai heka urile roosòhòkỹmy ratỹrỹrỹhỹkỹmy. Inyò heka iròteòna. Debò inatxi reurò ỹjummy. Kia ritxiwimy rexihudile tahe iny ralòke.

16

¹ Deuxu hetowo-ribi ijõmy raholare rybetereò-ò. Rarybereri ỹju mahãdu-ò: Boibenyke hewa abede-ò. Debò inatxi reurò hyna bitxiwibenyke kia Deuxu ykarana hynamy. Tahe ỹjummy dòhònymy deade tahyna-di ditxiwide bedede-ò.

² Iribi tahe rexidelenymy reare aõma juhuvu ỹju ihyna ditxiwire bedede-ò. ỹju binahakỹmy ròhònyre ibutu inymyhe robỹtỹmy reare. Kia aõma aõni kia ritina iòru-ki rỹirele kỹnyhe tuu rỹximy. Tule suritxoo rityhynymyhỹrele kia mahãdule heka jyy yyy ròhònyre.

³ Tahe ihewoludu heka tahyna-di dòhònymy deade. Betyre ritxiwire. Bee hālubu hukýlemy reare. Ibutumy bera-ki raremyhýre ituere.

⁴ Juhu ludu hewoludu tahe ritxiwire berohoký tyre heka ritxiwire. Bee ibutumy bewydysyna rihòrònyre. Ibutumy hālubu hukýlemy relere. ⁵ Tahe ýju rybe raholare aòhebo bera-ki rotýýnyeriò: —Kai Deuxu, Kai awi tate. Kai òbiti tate. Tuhyy ahàte ihàre tahe tuhyy ahàte. ⁶ Rybe týnydýýdu mahàdu heka ituere, rurure. Deuxu ijoj hālubu ritxiwire suò. Katahe rubudýýdu kaihe iòwydýýdukre. Hālubu tetxiwiteriki tule iòwydýýdukre. ⁷ Tahe raholare ijò ýju rarybereri-ò, Xiwena-ribi heka ròhònymy: —Kia InyDeuxu heka ibutumy ruru dire. Ibutumy tewinyte òbitimy awimý.

⁸ Tahe ihewotyhy konana ludu tahe ritxiwire hyna txutyre-ki. Tahe txuu ratòteenyre itòtee nihikýmy relere. Sòwemy heka iny risòre bedetòtee. ⁹ Tai tahe rirajuamýhýre Deuxu nibinahakýmy rirajuarerimý ihýre Deuxu dori diteònyde heka bededýýnana binahaký. Tahe inyò heka tòhòti rawitxi-ranyòhyyre iraykywydyna. Kiamy ixiwesehyy ròhòtinyrenyre. Kia iny heka aòhe rotýýnyòhyyre wowydyna loosònabo.

¹⁰ Iwitxira ýju tahe aòma ritxiwire tahyna aòni ryna tyre. Kia heka aòni beludu rare. Tarynana tyre rononymý. Tahe ibutu irynanareny torohokýlemy reare. Ibutu iòlòna torohokýlemy reare. Tahe tòròtò-ki ruruare taaòhýkýhýkýnareny-di. ¹¹ Tiiboho heka Deuxu nibinahakýmy rýryre webinadumy roireki taaòhýkýhýkýnareny-di. Timy heka rexi-nohòtilosanyòhyymýhýre aòbina binahaký riwinymy roiremyhý-ribi.

¹² Tahe iwitxira ýju tahyna ditiwide. Eufratesi berohoký tyre ritxiwire. Tahe ibutumy heka ruýre. Oriente iòlò mahàdu dee tahe ryy kia riraynyre. ¹³ Tuu rabire heka inataò tyytyby binahaký. Rexitykynyre òrò tykyhýký wese rexitykynyre. Aòni heka hemylala aòni inire tahe ury-ribi rexiòlòdýýnyrenyre. Tule aònibina witxirary-ribi, tule aòni rybedubina-ribi. ¹⁴ Iribi heka aòni bina tyytyby kia tyytyby ibutumy heka bede dinodu iòlò ributumy. Raaòbinanykemy heka dirahude Deuxu kia mahàdu-ò. Deuxu ihitxidýýnatxumy rýikemy heka anade tii dori ibutu ratyre aòna aòna-ki. ¹⁵ Kristu rarybere: —Tahe bohólabenýke. Aòwesele heka anakre. Wasidu wesemy heka adehemynymy adeakre. Ibutumy iny wararòsòdu mahàdu teysamy rýikre. Atyky heka býwinyamahàbenýke tai timyki maixýrubenyòtyhy adehemynýkreu. ¹⁶ Kristu rarybere: —Ibutumy heka widotyde aòbinakedu Mikidu hāwā-ki wahe. Hebreu rybe-ki tahe Armagedom inire.

¹⁷ Tai tahe ikonanatýhy ýju tahyna ritxiwire yhykile. Tahe raholare biummyxihiký raholare Deuxusý-ki. Deuxu rynana-ribi dòhònyde: —Ibutumýhe rakonanamy roire. ¹⁸ Tahe biummyxihikýle ibutumy rawodýýnyre. Tule biu relaanyra. Biu ramytataòmyhýre idi tahe ramytatare. Tii heka lahityhy rare. ¹⁹ Tai tahe Babilonia hāwā rabòhòre inataò jura juramýhýmy. Ibutumy hāwā nihiký-ribi hetohoký rejuxunyre. Tai tahe kia Babilonia kia òraru-txi tahe Deuxu tòhòti reare. Tai tahe aòhòkýmy risýnymýhý ibutumy aòbede binahaký tamý riwahinyre. ²⁰ Bedebute ibutumy rexiwore. Iribi tahe hāwālò tytyhykýlemy reare bedero wesehekýle. ²¹ Idi inytyre resemyhýre bera ere erewesele resererimý ihýre. Ijò iutxie tahe 40 quilo bede heka iutxie rare. Kia tahe iny sumy rýire nibinahakýmy Deuxumy rarybemý.

17

¹ Tahe ŷju monahyna-ki wadee rybemy nade: —Adee aritŷnynykre aõbo Hãwã Bero sõwe aõhebo rotŷŷnykré heka. Kia hãwã adee ariteõsinykre timybo rare. Wedena wese aõhõkŷmy rotŷŷnykremy. Deuxu heka aõhõkŷmy dŷŷnana riwahinyke kia hãwã-ò. ² Bede iòlò dinodu tamyhe iòraruna tamy rexiòrarunyre. Tule iny bedemy rŷira mahãdu ralõre tamy òtaõtamy. ³ Tai ta kia ŷju tamy riwadyre bederahy-ò. Deuxu Tyytyby wadee dobehede? (Ri-watyytamy watyytyby heka ridyre). Tai tahe tuu rabire heka hãwyymy aõma iròdutyre-ki ronyrerimy. Iròdu heka isòhòkŷlemy roire. Debò inatxi reurò irati rŷire, tahe iò debò ituemy sõwe. Iritina heka aõkõre rarŷŷnynmyhŷre. Deuxudee heka aõbina binahakŷlemy tai iritidŷŷna rŷimyhŷre. ⁴ Hãwyy heka isòhòkŷ ityky rare, iwihiŷ rare. Ityky tyre heka womati tŷrŷhŷkŷ roire. Mana rŷsŷ wiwihikŷ, woumana-wana. Bemona debò-ki idi rare. Iwo-ki tahe bemonawo-ki tahe aõna bina nibina tai roire. ⁵ Tai tasŷ iòru-ki tule rŷire iniò. Aõbo rare tahe iny rieryõtyhy. Babilonia Nihikŷ rare. Ibutu wedenase tii rare. Ibutu inybinase tii rare. Kia luunadu ibutumy bede bede-ki. ⁶ Iribi tahe rabire hãwyy ixityre. Tii iny hãlubu riõre. Ityhydŷŷdu mahãdu hãlubu-di rexiòdewàrinymy heka rare. Tiiboho rurure, òbitimy Jesuisimy rityhynyreki wahe. Kia hãwyymy tahe rabireu, rexiòtiidŷŷnyre. ⁷ Tai tahe ŷju wadee rarybera: —Aõherekibo bede teòtiinymy tŷite. Adee arelyyke aõbo rare —kia hãwyy iròdu-wana, aritŷnynykre tiiboho aõbo raré. ⁸ Iròdu tuu tabita, irumy rare tahe rurukre ele elemy. Tii hãloorehehekŷ-ribi kòdòhònykre. Iribi tahe rexihukre. Tii rurure idi ixby dòsede. Bede iny mahãdu bede riòtiinykre idi heka iròdu debure binamy robirenykreu, bede riòtiinykre idi. Tiiboho dori ini ihoõre iru tyyritiwo-ki. Tai tahe iròdu deburebina lau ruberure. Iròdu dori ihetxiu irumy rare tahe wiò aõkõre. Idi tii irumy kanankre ixbyby. ⁹ Kia ibutumy adee aritŷnynykre: Debò inataõ rati tahe iròdule rare. Kia hãwyy ityre ronyre kia hãwãlò wesere. Iròdu rati tule iòlò mahãduò rare, debò inatxi reurò sõwe. ¹⁰ Iruyre iòlòò tahe reserenyire. Sohoji iòlò tahe ratximyhŷre. Ihewotyhy ikonanaludu tahe, kanakre wijina. Tai ibededŷŷnana iòhòlere. ¹¹ Iòlò debòinataõ ludu tahe iròdu rare —kia irumy juhuu rare tahe wiò irumy rare wahe —tii juhuuu iòlò mahãduò rare. Tii tule ituekre. ¹² Debò itue òmy tuu tabitamy wahe tule iòlò mahãdu rare. Tiiboho kanakre iòlòwesemy. Iròdu-wana tiiboho hãwã wedumy ronyrenykre iròdu aõni-wana sohoji horamy. Tii tyytyby bina rare. ¹³ Tyyritiò riwinykre idi tahe ibutumy ruruna iròdu bina-ò riwahinykre. ¹⁴ Raaõbinanyrenykre heka Budoeni Riòre-wana. Tahe Budoeni Riòre aõbina-ki haŷnadukre. Tahe ŷju wadee rarybere: —Tii dori butu iòlò, ibutu iòlòna ratximyhŷre. Ibutu inynryŷ ratximyhŷre. Ijoi heka kia ywimy tii-wana roire itarasaò-ki. Kia rityhynykre rŷirerimy ihŷre. ¹⁵ Tahe kia ahohokŷ, berohokŷ tai kia hãwyy rononymhŷré. Tiiboho iny rare ibutu rybe-ribi, bede-ribi wahe. ¹⁶ Debòwiò òmy tuu tabita iròdu-wana heka hãwyy derarenyire. Tii irurawonykre. Tii heka heòty-ò risòmy, riròrenykre wiò wiò. Ityky iribi ritara idi. ¹⁷ Ibutumy inywese rare. Bede bede iny ibutumy rybe òta òta rarybemyhŷre. Tahe Deuxu heka riwahinyre aõbo ixideewimy riwinykre. Tai tahe aõwaxiny aõ tamywi heka riwinykre. Tai tahe ibutumy iròdu sòhòkŷ taru riwahinykre, Deuxu Rybemyna bede rŷidi. ¹⁸ Hãwãhãkŷ nihikŷ tabite heka wedena wesemy roire. Kia Hãwãhãkŷ heka ibutu wedu iòlò rare.

18

¹ Tai tahe ijōmy rabire ŷjummy rabire biu-ribi rōhōnyreri. Tii sōwemy iruru rare. Tii sōwemy iloosōna rare. Ibutumy bedede ritoosōnyre. ²⁻³ Ta rryryre tarurumy tii rryryre: —Babilonia nihikŷ resera! Resera! Katahe aōma wedumy, bedede bedede iōlō heka tii-wana òta riwinyre. Ibutu iny-ò tamona riwahinyre iōtaòta boho boho. Nawii wixira wixira ibinahakŷ tai rasŷnymyhyre, tyytybybina-wana. Ijohodu mahādu idi nieru sōwemy ributunyre. Idi rexityhynyre.

⁴ Iribi tahe raholare ixityre rybeō biu-ribi rarerí. Manake hewa, Bòdòhōnyke wa kia hāwyy-ribi. Kai heka waijoi toite. Tii-wana bexiòrarunyenkyemy aōkō! Bexiòrarunyenkyeki tii-wana, tai tii-wana aōhōkŷmy botŷŷnykre. ⁵ Tii heka iòraru sōwe nihikŷmy ratximyhyre. Deuxu heka aōhōkŷmy dŷŷnana tamy riywinymy ratximyhyre iòraru-ki. ⁶ Biwinymyhyre heka iwese tii riwinymyhyre wese. Aō ibinamy ibinatyhymy tamy relekre. ⁷ Aō ibinamy rōhōnyke inatxi bededŷŷnanamy tamy rōhōnykre. Ibutumy aōbo tamywimy idi raremyhŷ heka riwinymyhyre ixideewimy. Katahe iwese aōhōkŷmy rotŷŷnykre tahe rabadewokre. Hāwyy tahe ixidee rarybere: —Jikarŷ ikōlō rare. Wytese anokō jikarŷ rare. Tiku heka rabadewokōtyhy anohōkŷmy ratykŷnykōtyhy. ⁸ Tai taheka aōwesele heka tamy bededōtiidŷŷdu kedehemynymy bedekre: rubu, aōdese, rama uritereribile tamy kedehemynykre. Heōty ibutumy ritoonykre. Deuxu urihixina-di dehudu ratximyhyre. Tii ruru-di ratximyhyre. ⁹ Kia bedede dinodu mahādu rahinykre itōenamy. Tii-wana dori òta òta riwinyrenyra. Tiiboho robikre wādā iribi rōhōnyreriò wahe. ¹⁰ Irehemy iribi rŷire. Ruberureri iaōhōkŷmy dŷŷnana lau. Tahe raryberenyre: —Babilonia hāwā, kai hāwā nihikŷ rare. Tahe wiji ituera atximahāte. Kobelāhāxe. ¹¹ Ibutumy aōna-ribi ijohodu rahinykre itōenamy. Inyō dorihe iaō tamy riwydyōmy tamy ijohonamy aōkō. ¹² Juhuu heka raaōbradŷŷmy aōma iny mahādu ratyre. Womati tŷrŷrŷ riōbranyōre. Tule woumana riwyrerimy ihŷre juhuu. Tykysisōwihikŷ wixira wixira heka riwyrerimy ihŷre. Tule òwōrulŷnyre, irōdu nohōmy riwinyrerimy ihŷre. Bede ritxoo ibutumy aōna iōwyhykŷre. Womati òta òta wiwihikŷ riwyrerimy ihŷre. ¹³ Aōma rŷsŷna uri wiwihikŷ tule aderōna wiwihikŷ, tule wŷi riwyre, paō widŷŷna, adŷŷ-wana riwyrerimy ihŷre. Tule maixōmo, broreni, budoeni, awaru, tewe, ityti heōty, tule iny deōdu iōwydimy. ¹⁴ Tahe ijohodu mahādu rarybere hāwā-ò: —Ibutumy aōna aōna wiwihikŷ ituera, kia kaiboho riwyrerimy ihŷre. Tiu ixityre aōna aōna riwyōtyhy, ixāwira. ¹⁵ Tahe aōna-di ijohodu mahādu rabadewokre, rahinykre tiiboho dori iòraru-ki raityhynrenyre. Irehe-ribi retehere. Ruberurenyre. Rryryreri: ¹⁶ —Kobelāhāxe hāwā wihikŷ. Ibutumy atyksō ituera, awomati wiwihikŷ ituera, woumana, manawiwihikŷ ibutumy ixāwire. ¹⁷ Sohoji òraule ibutumy iaōna aōna ixāwira. Ibutumy hāwōhōkŷ dinodu urile, iwiōhenadŷŷdu mahādu tule suludu mahādu retehereri irehe-ribi. Tii dori nieru ritamyhyre iaōna-di. ¹⁸ Iu hāwā wādāsimsy robirenyreu tahe, rryryre: —Kia hāwā wihikŷ rare. Iŷō hāwā iwese ihoōhyre. ¹⁹ Tahe brybysi ityrereny rehurerimy ihŷre. Rahinyreri, rryryreri: —Bobrekŷ, bobrekŷ hāwā wihikŷ. Aōwesele heka ixāwira. Ibutumy ityhy mahādu, iaōna rexihura. ²⁰ Tahe kaiboho beysabenyke biu ludu mahādu. Hāwā nihikŷ dori ituera. Deuxu hōrō mahādu, Deuxu deōdŷŷna mahādu, Deuxu dee rybedu mahādu ibutumy beysabenyke. Deuxu dori iaōhōkŷmy dŷŷnana tamy riwahinyre aōrauru-ki.

²¹ Tahe ŷju nihikŷ heka manaō rimyre, mana nihikŷō, iwese maixōmosyna mana wese wahe. Idi rehure ahobero-ki rehure. Tahe rryyre: Kia wese heka Babilonia hāwā-di arehukemy watzireri waruru-di. Ixāwikre. ²² Tahe wiu wodŷŷ kia hāwā-ki roholaōtyhyke, harpa wodŷŷ aōkō, flauta wodŷŷ aōkō, jurōna wodŷŷ aōkō. Aaōmysŷdŷŷdu aōkō kia hāwā-ki raaōmysŷdŷŷōtyhy. Mai rŷŷna, manasyna iny heka iwodŷŷ roholaōtyhy. ²³ Loosōna ay-ki ritoosōnyōtyhy. Herina mahādu rybe ay-ki iny roholaōtyhy. Iaōna ijo-hodu mahādu ibutu hāwā-ribi ityhy rare. Tule ibutummy iny riitxenanyre aōtaōta-di, bede bede iny wahe. ²⁴ Babilonia hāwā heka aōhōkŷmy dŷŷnana rotŷŷnyre. Deuxu rybedu mahādu hālubu dori kai tetata tule Deuxu hōrō mahādu. Rirubunyre mahādu wahe.

19

¹ Iribi tahe ijoi nihikŷmy roholare. Rryrmy heka rŷimyhŷ sōwemy iny rŷimyhŷ biu-ki. Deuxu deysanamy heka rryreri: —Wowydynamy Inynrŷ-ō. Tarasana dori inyDeuxu-ribi rare. Wowydyna, ruruna ibutummy ihōrōle rare. Aōbo tii riwinyré, òbiti rare. ² Aōhōkŷmy dŷŷnana òbiti rare. Aōhōkŷmy rotŷŷnyre heka kia aderana-ki heka rare. Tii aōhōkŷmy dŷŷnana ritare. Bede iny heka riōrarudŷŷnyre. Tahe Deuxu riōwinyre teōdu rubudŷŷna heka riōwinyre. ³ Ixityre ijoi rryrnyre, rawiunyre: —Wowydyna Inynrŷ-ō. Wādā raōwōnyreri tai rawōsi-ribi. Ihymy raōwōnykre, hāwā nihikŷ-ribi wahe. ⁴ Tahe ibutummy rejuxunyre Deuxu luukemy. Wawiō inaubiōwa matuari rare. Tule inaubiōwa aōni rare. Deuxu tahe rynana nihikŷ-ki ronyre. Tamy rirajuare: —Kia, Kia, wowydyna deysana Deuxu-ō. ⁵ Iribi heka rōhōnyre Deuxu rynana nihikŷ-ribi heka rybeunimy rōhōnyre: —Biwowdynybenyke Deuxu-ō ibutummy deōdu mahādu, ibutummy iny rity-hynymyhŷre mahādu, iyja ta nihikŷ-wana. ⁶ Tahe ixityre ijoi-ō raholare. Rryrmy rŷimyhŷre. Tahe benihikŷlesetere wese heka iwodŷŷ rŷireri, biummytxi wesehekŷle heka iwodŷŷ rŷireri: —Wowydyna Inynrŷ-ō biwahinyke. Tii iruru dire. Tii heka iōlō rare. ⁷ Ibutummy iny rekeysarenyke. Tamy wowydyna rikiwahinyrenykre. Tii dori inihikŷre. Iōhōra dori kia Budoeni Riōre kia hāwymy herina kia bededŷŷnana-ō. Worana bedehesi kŷnykre. Ihāwyy heka rexiwinyrmy ratxireri. ⁸ Tyyurahakŷle-di rexityynykre. Awityhymy itty doimyhŷde wahe. Deuxu dee awihikŷ widŷŷna wese heka kia ratxireri. ⁹ Kiamy heka ŷju wadee rarybere: —Kia biritinyke. Ibutummy lobidŷŷna mahādu reysamy ratxireri. ŷju wadee rarybere ijō: —Kia heka Deuxule tuu rarybere. Inatyhy rare! ¹⁰ Tahe jiarŷ resere ŷjuko-txi ariwowydynykemy. Tahe tii wadee rarybere: —Kia widŷŷōmyke hewa. Jiarŷ tule Deuxu deōdule heka jiarŷ rare, awesele wahe. Aityhydŷŷdu seriōre tule awesele rare. Rarybemyhŷre dori Jesuisi tyhydŷŷnamy. Deuxule biwowdynyke! Ibutummy Jesuisi relyyre heka tuu rybedu mahādu ritŷnyre.

¹¹ Iribi tahe tuu rabire awaruurahakŷō biuwetyky-ki. Inyō ityre-ki ronymhŷ. Ini heka Òbiti rare, Inatyhy rare. Tii heka aōbinanymyhŷle rare. ¹² Irue heka heōty wesele rare. Irati heka sōwemy raheto rŷire. Iō-ribi heka nii roire, ini wahe. Urile inyō rieryōtyhy mobō ini rare, tyyriti witxira dori tiile heka rieryre. ¹³ Ihety heka hālubuhukŷle-di ityre rare. Deuxu Rybe heka inire, hābu wahe. ¹⁴ Sōwemy iny heka awarutyre-ki rŷire, biu-ribi dōidenyde Deuxu Rybe hewomy, soldado wese wahe. Iny ibutummy ittyura-di rexityynyre, ityratyhy wahe. ¹⁵ Tii heka mayrehe rabuhukŷle iry-ribi rōhōnyrerimy ihŷre.

Idi tii heka iny rirubunykemy ibutu bede bede-ò. Iribi tahe tii ròhònyre iòlòtyhy tii rare. Aòhòkỹmy dỹŋnana tamy riwahinyre, ibinatyhymy heka riwahinyre, Deuxu iwona, Deuxu ruruwedu wahe. ¹⁶ Ihety-ki heka iti-ki rỹire iniò: Iòlò iòlò wedu tii rare, ibutu wedu wahe.

¹⁷ Iribi tahe ŷjummy rabire, txu-ki rỹire. Nawii ibutu-ò rryrmyhỹ: –Bòdòibedenyke heka, Deuxu worana bedehesina-ò bòdòike rỹsỹna birỹsỹbenykemy. ¹⁸ Aòmade biròbenyke, iòlòde, soldadu wedude, iawarude, ibutumy inyde biròbenyke, ixihy mahādu, deòdu mahādu, nihikỹ iyja-wana.

¹⁹ Iribi heka tuu rabire aòni binahakỹ, iòlò mahādu, tasoldado mahādu wana. Wii ributunyre aòbinamy. Awaru tyre-ki ronyrerimy kia mahādu-wana tiiboho raaòbinanykremy. ²⁰ Tahe aòni bina rimyrenyre, rybedu bina-wana. Teròwmy tii aòna aòna witxirawi riwinyre. Iribi ridyrenyre heka heòtyaho-txi idi rehurenkykremy, enxofre-di riworonyre wahe. ²¹ Ibutumy isoldado heka ituemy rỹimyhỹre rurumy. Mayrehe-di rurumyhỹre, kia awaru ura tyre-ki ratxireri kia rryibi ròhònyreri kia-di rurure. Tahe rararesa deadeade ide riròkremy.

20

¹ Iribi tahe ŷju nademy biu-ribi. Irayna heka debò-ki idi rỹire. Hāloonihikỹ rayna wahe. Tule womati erotihikỹle iruty-ki roire. ² Kia aòni rimyre, Diabo wahe, Satanasi wahe. Inyò tule hemylala raninire. Tahe 1000 beòra riekre ritaataare womati reroti-di. ³ Idi heka rehure hāloo nihikỹ-ò tahe riratòbònyre, rirarytxynyre. Tai tahe tii riitxenanyòtyhy bede bede iny. Kia 1000 beòramy bede reakreule, tahe rexihumy iròtena. Ùrihimyò bededỹŋnana bede riijekre, ixihyyle tai ixbyyle ròbòdỹŋkre.

⁴ Iribi tahe rynana sòwemy rabire. Iny ityre ronyreri mahādu ywisidỹŋdu mahādu heka rare. Iribi heka tuu rabire Jesuisi dee rurure mahādu. Inatyhyna rybe tỹnydỹŋ òraru-ki heka rurure. Aòni rityhynyòre, iritxoo rityhynyòre, iritina òraru iòru-ki ritidiòtyhy, deboreny-ki ritidiòtyhy. Rubu-ribi tiiboho rexixarenyre. Kristu-wana ratxireri 1000 beòramy. ⁵ Kia heka juhuludu ixixana heka rare. Ijò rubu mahādu heka wiji rexixaòkre. Tahe 1000 beòramy reareu, tahe rexixarenkyre. ⁶ Juhuludu ixixana mahādu heka reysatyhymy rarekre. Ixyby rubunamy heka ruruòkre, inatxina rubunamy wahe. Deuxu dee, Kristu dee heka tiiboho Xiwenā wahidỹŋdumy roirekre. Tii-wana 1000 beòramy riwyrenkyre, iòlò mahādu wesemy heka ratxirenkyre.

⁷ Kia 1000 beòra reareu heka Satanasi ixihyymy ròhònykre bede-ki. ⁸ Tii itxenadỹŋdumy ròhònykre ibutu iny riitxenanykremy. Kia Kòke bede, tule Makòke bede rare. Satanasi heka sòwemy iny ributunykre raaòbinanykremy. Tiiboho sòwemy ihỹre ŷnyra sòwe wese. ⁹ Tiiboho tahe ibutu bede-ò rariarenkyre ityhydỹŋdu hāwā rirurawonyrenyre kia Deuxu hāwā Deuxudeewi wahe. Idi heòty biu-ribi isòrenymy desede. Idi wewòsimy rururenyre, Deuxu iny mahādu òludu wahe. ¹⁰ Tahe diabo iitxenadỹŋdureny heka Deuxu rehure heòty aho-ò. Tai aònibina, ruimy rybedu-wana juhu delemy tamy reserenyre. Tai txumy rummy aò rotỹŋnyrenyhykremy.

¹¹ Iribi tahe rynanaurahòkỹmy rabire ityre rỹdu-wana. Suu biu-wana iribi rexitare, titxibo iòrenyre. ¹² Tahe iny rubumy rabire, iny ibutumy iko-ki rỹirenyre. Tyyriti rarayre. Ijò tahe rarayre, irutytyriti wahe. Tyyriti-ribi Deuxu iaòna aòna rierymy aòhebo risỹnykre. ¹³ Ahohokỹ-ribi tahe rubu mahādu dòhònyde. Rubunahakỹ bede-ribi iludu mahādu dòhònyde. Idi iaòna

aõnamyna Deuxu timybo rexinohõtinkyremy idi rare. ¹⁴ Idi rubunahakÿ, rubuna-wana heõtýaho-txi idi adehu rÿikre. Kia ixyby rubu rare. ¹⁵ Iru ityryiti-ki inyniõ roiõkeki, tii tule heõtýaho-txi adehu rÿikre.

21

¹ Idi biu tÿmyra sutÿmyramy rabire. Juhusu juhubiutitxibo ikõrenyre, ahohokÿ tule. ² Deuxu hãwã wihikÿ tÿmyra desemy nade biu-ribi. Iwese ijadõma tÿmyrawesemy ramyhÿre wese kia hãwã nade. Deuxu-ribi nade. ³ Tahe rybehekÿ biurynana rÿdu-ribi nade-ò roholare kiamy: —Kahe Deuxu sÿ heka akireny rare. Deuxu ikyreny-ki rarekre. Tii iwedurenykre. Tiiboho Deuxu dee roirekre. ⁴ Idi Deuxu irubereny risuhokre. Tai rubu, hii, ibru, txuberere ijõõkre. Bede tyby dori rexihura. ⁵ Idi rynana-ki rÿdu narybede: —Wiji itÿmyramy ibutummy aõna aõna ariwinykre. Wadee tule narybede: —Kia bityryitinyke. Kaa rybe dori rybetyhy rare, ibutummy iny ratyhykremy. ⁶ Kia ixyby narybede: —Ibutummy relera. Jiarÿ dori AA rare YY rare Juhuludu rare ikonanaludu rare. Inyõ bemomo risakeki, tamy iõwykõlemy ariõkre, beòlõnaberu-ribi wahe. ⁷ Inyõ tarasadu heka ibutummy waribi rimykre. Jiarÿ iDeuxukre. Tii wariõkre. ⁸ Idi kamahãdu heõtý aõho enxofre-ò rekoarenyre kamahãdu wahe: —Iny brebu, watyhydÿÿkõdu, òrarudu, maleerudu mahãdu, òta òta mahãdu, iny rubudÿÿdu mahãdu, hàri mahãdu, ritxoo tyhydÿÿdu, ruidu mahãdu. Kaboho rubunatyhy-ò rururenykre. Kia tahe inatxina rubuna rare.

⁹ Tahe ÿjuõ wadee nade, debò inatxi reurò mahãdu-ò. Tii hyna-di ryireri. Hynawo-ki tahe aõna aõnabina debò inatxi mahãdu-di. Kiamy narybede: —Mana ini, Budoeni hãwyy ini adee ariteòsinykre, hãwyy wese wahe. ¹⁰ Deuxu Tytybytyhy wamy rare. ÿju tahe riwadyre hãwãlõnora-ò. Jerusalê hãwã tÿmyra awityhy wadee riteòsinyre. Tii biu-ribi desemy nade. ¹¹ Deuxu loosõna-di yla aõkõ. Tii tahe manawiwihikÿ wese rarÿÿnymyhÿre. Jaspe wese, womati wese mana wiwihikÿ wese rare. ¹² Tii ijõtòbõna irariere, waòinatxi reuròmý ijõtòbõna, iitxedu ÿju tule. Ijò-ki tahe waòinatxi reuròmý Judeusÿ mahãduni wahe. ¹³ Inataõ ijõtòbõna sõwe, iraro-ò, ibòò, biura-ò, beà-ò. ¹⁴ Hãwã rurawona tahe waòinatxi reurò mana tyre-ki rÿimyhÿ. Mana sohoji sohoji-ki budoeni deòdu mahãduni rÿire. ¹⁵ ÿju wadee rybedu tebò-ki womati tÿrÿrÿhÿkÿ deòho-di nade idi hãwã, hãwã ijò, hãwã rurawona iurihinamy. ¹⁶ Hãwã tahe iurihina wiwesele rare. Tahe 2.200 iurihixina rimyre teòho-di tuu riwinyre. ¹⁷ Rurawona raru tahe ÿju taurihixinamy riurihixinanyre idi 64my rimyre. ¹⁸ Rurawona tahe jaspe mana-di relere. Hãwã tahe womati tÿrÿrÿhÿkÿ-di relere. ¹⁹ Rurawo òraru heka mana wiwihikÿ-di juhumana heka jaspe rare. Inatxina safira rare. Inataõna, agata rare. Inaubiò-wana esmeralda rare. ²⁰ Iruyrena sardonio rare. Debò sohoji reuròna sardio rare. Debò inatxi reuròna trisolito rare. Debò inataõ reuròna berilo rare. Debò inaubiò-wana topazio debò ituena crisoprazo rare. Wasohoji reuròna jasinto rare. Wainatxi reuròna ametista rare. ²¹ Woumanahakÿ sohoji-di heka ijò sohoji sohoji relera, 12my ijò wahe. Ryy heka womati tÿrÿrÿhÿkÿhyky-di relera. ²² Tohodÿÿna heto tahe ihoõhyyre. Deuxule dori tuu rare, Budoeni-wana. Tai ihoõre. ²³ Txuu ahãdu-wana tai ijõõre Deuxu loosõna, budoeni loosõna dori itxuuxaranarenyre. ²⁴ Bede bede mahãdu iloosõna-di rÿikre. Bede bede mahãdu heka taaõna aõna wiwi-di tamy kidirahukre. ²⁵ Tahe ijò raratòbòõhykre, tai dori ruu ihoõhyyre. ²⁶ Bede

bede iòlò mahādu heka wowydynda-di tamy kidirahukre. ²⁷ Inybina bina, iny òrarudu mahādu tamy ralòõtyhy, ruidu mahādu tule. Inyni heka Budoeni tyryiti ırumy rŷımyhŷre mahādu sohojile wahe.

22

¹ Idi ŷju wadee riteòsinyre, ıru wahidŷŷna berohokŷ. Ibelyramy Deuxu rynana, Budoeni rynana-ribi òlòdu wahe. ² Ryrohokŷ tya-di kaa bera namyhŷde iwyòwyò-ki ıruwahidŷŷna bederarade rŷımyhŷ. Tii bederarade waò inatxi reuròmy raratynyre. Kia ta ahādu ahādu-di sohojile raratynyre. Otxirarade tahe bede bede mahādu deytēna rare. ³ Kia hāwā-ki ihetxi txuhòbina tai ijòòkre, Deuxu aò ritxuhònyòra tai. Deuxu rynanahakŷ itya-ki rŷıkre. Kia teòdu mahādu riwowdydynkre. ⁴ Tiiboho iòsŷynmy robikre inireny iòru-ki rŷıkre. ⁵ Tai ruu ijòòkre. Tai txuloosòna ijòòkre. Deuxu dori itxurenykre. Tiiboho tai ihyymy rŷıkre iwese iòlò mahāduò.

⁶⁻⁷ Kia tahe ŷju wadee rarybere: —Kaa rybe tahe inatyhy rybe rare. Bityhynybenyke. Jesuisi rarybere: —Analekre heka tule adehemynylekre heka. Deuxu heka taŷju deòdu adee kanarybekre. Kaheka wylemy ibed-edŷŷnana kedeakre. Deuxu rarybehyy ratximyhŷre tŷnydŷŷdu mahādu-ò, aòhebo bede rotŷŷnymyhŷkremy roımyhŷré. Ibutumy kia tyhydŷŷdu mahādu heka reysamy rŷıkremy rŷıra.

⁸ Jiarŷ tahe Joaò rare. Rabirahe, ibutumy kia raholare. Rabımy rexi-hurau tahe, Jiarŷ watiowotımy resere ŷjuko-txi. ⁹ Ixityre wadee rarybere: —Iwidŷŷòmy hewa, Jiarŷ heka Jesuisi deòdu tŷnydŷŷduòle Jiarŷ watxireri. Ibutumy Deuxu tyryiti ityhydŷŷdu biòwa Jiarŷ rare. Deuxule bityhynyke.

¹⁰ Tahe ŷju ijòmy wadee rarybere: —Aòbo teritidŷŷnyteri ibutumy iny-ò rybe bitŷnynyke. Kia bededŷŷnana iòhòlemy ratxireri. ¹¹ Kia bededŷŷnana kedehemynykreu, aòbina bina widŷŷdu heka aòbinale riwinykre. Iny bin-abina heka, ibınamy rŷıkre ıu. Inywiwihikŷ tasŷ awımy rŷıkre ıu. Kia òbitımy rŷıra tahe, awıtyhımy relekre, òbitıtyhımy rŷıra. ¹² Boholake warybe-ò, aòwesele heka anakre. Uriòno heka adıwımy wadi anawāhāde. Aòbo wadee aò riwınyhŷre wahe iwese aòbo riwınymy raremyhŷwesemy heka araòwynykre. ¹³ Jiarŷ heka AA Jiarŷ rare. YY tule Jiarŷ rare. Tyryiti juhuu rare. Tyryiti konana rare. Jiarŷ heka juhuludu rare. Ihewoludu tule Jiarŷ rare, ibutumy wahe. ¹⁴ Ibutumy tatyytyramy rŷıra —teysamy rŷıra. Tiiemy teysahyyhy rare. Iru òwòru wahidŷŷna bederatı heka ritokre. Tule rarònyrenykre kia hāwāhākŷ-ò. ¹⁵ Ibutumy òrarudu mahādu tule òwòru widŷŷdu tahe irehemy Deuxu hāwā-ribi nyımyhŷde. Tule iny rırubunymyhŷre mahādu, tule surıtxoo luunadu mahādu, tule ibutumy ruidu mahādu. Ibutumy irehemy hāwāhākŷ-ribi roımyhŷre.

¹⁶ Jesuisi heka Jiarŷ rare. Waŷju reteònyre adeereny kia aònaaòna bed-edŷŷnana relyykemy. Kaiboho heka dohodŷŷna heto mahādu-ò relyyrenyke. Jiarŷ iòlò Davi juhu rare, tule Davi riokore rare. Biurasò taina Jiarŷ rare, loosòna rare.

¹⁷ Deuxu Tytybytyhy rarybere: —Manake! Tule hāwımy hābumy heridu tule rarybere: —Manke! Ibutumy ijohodu tule marybeke: Jiarŷ, Juaò, tule rarybere: —Manake! Ibutumy iny bemy rırumyhŷre mahādu tule manake ırube biòke. Iòwy-di aòkò heka rare.

¹⁸ Jiarŷ, Juaò, rarybere ibutumy iny katyyryti rıarımyhŷre mahādu-ò. ¹⁹ Iny rıbutunyekēki aòmybo kaki rıtydŷŷna roiré, Deuxu tamy bededŷŷna

binahakỹõ riwahinykre karitidỹỹ_{na} roireki. Inyõ karitidỹỹ_{na}-ribi ritakeki, Deuxu òwòru runa ijuraõ wahe heka iribi ritakre tule Hãwãhãkỹtyhy-ribi nadedi wahe. Tai rỹire tyyrityi-ki.

²⁰ Tule aõmybo narybede inatyhymy tule rarybekre (Jesuisi wahe): —Analekre hewa idi. Araroorehenyõtyhy. Juaõ, tule rarybere: —Kie, Manake Wanyrỹ Jesuisi.

²¹ Deuxu deysana, Inynyrỹ Jesuisi Kristu kia deysana ibutumy adee kanakremy watxiwahãre.